



1. 3. 5

P. VIRGILII  
MARONIS  
OPERA

A 1





P. VIRGILII  
**MARONIS**  
**OPERA**

EX RECENSIONE

CHR. GOTTL. HEYNE

RECENSORIIVS

WVNDERLICHII ET RVHKOPFII

CVRIS ILLVSTRATA

TOMVS TERTIVS.

AVGVSTAE TAVRINORVM  
EX TYPIS IOSEPHI POMBA

ANNO MDCCCXXX.





P. VIRGILII MARONIS  
AENEIDOS

LIBER SEXTVS.

ARGVMENTVM

*C*umas advectus Aeneas antrum Sibyllae petit, peractoque de more sacrificio Phoebi oraculum consulit. Ibi et instantia pericula et futuri belli eventum discit — 106. Miseni cadaver in litore inventum comburit reliquiasque sub proximo monte sepelit, qui Miseni nomen ab illo obtinuit — 235. Inde columbarum ductu ad aureum ramum pervenit, quo decerpto mactatisque hostiis deos inferos veneratus Sibylla duce per Averni fauces ad inferos tendit — 336. Palinurum, quod sepulcri honore careret, circa Stygiam paludem oberrantem invenit eumque una in ulteriorem ripam traicere cupientem Sibylla prohibet cenotaphiique et exsequiarum spe consolatur — 383. Post haec Stygem traiectus Aeneas Cerberoque medicatis offis sopito per loca infantium eorumque, qui falso crimine damnati capite supplicium luerant, iter faciens pervenit ad sedem eorum, qui amoris impatientia manus sibi conseverant — 449. Ibi Elism conspicatus quum ei se purgare vellet, illa indignabunda conspectum eius effugit — 476: inde progressus Deiphobum in sedibus eorum, qui bello aliquando claruerant, nullis vulneribus lacerum conspicit necisque eius indignum modum ab ipso edocetur — 534. Relicto deinde ad laevam Tartaro sceleratorumque poenas a Sibylla edoctus — 627 ad Ditis ipsius moenia contendit aureumque ramum in ipso regiae limine desigit — 636. Post haec ad fortunatorum sedes iter instituit et a Musaeo ad patrem suum perducitur — 678. Ibi Anchises Aeneam animarum originem, purgationem et consummationem edocet, Albanorum Romanorumque regum recensum facit nobiliumque aliquot Romanorum nomina percurrentes ad Iulii Caesaris et Augusti laudes descendit — 860, Marcellamque Octaviae filium immatura morte ereptam miris in coelum laudibus effert — 888. Inde per eburneam portam ad Superos egressus socios revisit relictisque Cumis Caietam petit.

- Sic fatetur lacrimans classicae inmittit habenas  
 • Et tandem Euboicis Cumarum adlabitur oris.  
*Obvertunt* pelago proras; tum dente tenaci

Etiam hoc episodium libri sexti ab argumenti Aeneidis summa alienum panloque longius petitum esse et in magna suavitate, tamen narrationis et quam illa habeat delectationis cursum sistere, impetum inhibere Homius censebat. Hoc vero est poemam in ordinem cogere, ad annalium formulam revocare et omnes ingeni vires infringere. Est enim hoc inter poëtae epici artes, cum in una actione detesenda carmen epicum coëreatur, ut variandae narrationis depellendique fastidii causa ad alia ornamenta, etiam ad seriores historias descendere possit et debeat. Animadvertendum porro est, primum Aeneae ad Italiam editum hac narratione dignitatis et maiestatis religiosae vim et honorem accipere nec alienum ab Aeneidis argumento poteritatis recensum haberi posse, in primis ex Romanorum, quibus Aeneidem condebat poëta, animis et iudiciis. Videntur autem Homeri in Odyssea exemplo Nectyae a multis passim poëtis epicis fuisse frequentatae; haec enim narrationes magnam debent habere vim ad animos mirarum rerum specie tenendos. Vidit praeterea Virgilius pro heroibus, quos Homerus commemorat, se Platonici commentis de animabus, antequam hanc vitam ingrederentur, in alio loco degentibus commode uti posse, ut Aeneae posteros et res Romanas carmini intaceret. Neque vero nihil, quod ad hunc descensum ad inferos duceret aut eius expectationem faceret, antecessit. Annon meminimus ab Anchisae umbra hunc

descensum filio fuisse mandato et monitu iniunctum? (lib. V, 734 sqq.) Et aditum ad Sibyllam multo ante iam Heleni monitu lib. III, 441 sqq.? Cum autem totum poemam et dignitatis epicae plurimum et gratiae ac delectationis ea vaticiniis habent, quae, ut alio loco (Disq. II. de rerum in Aen. tract. invent. §. 6. pag. 154 T.) observatum, ab obscurioribus ambagibus progressa mos ad disertiora et clariora effata procedunt, praeparatur etiam hoc libro legentis animus ad casus et res mos in Latio eventum habituras, primum Sibyllae responso, 84—97, tum Anchisae oratione et recens animarum, quae progenies Aeneae esset futura.

1—9. *Ὁς γὰρ δαρυχὺς* Homericum. — Novum clavum ei, quem Palinurus in mare praecipit secum avellerat (sup. V, 858, 859), substitutum fuisse non dubito; sed hoc non est *classi inmisit habenas*; verum excepto velis expansis vento cursum urgebat elasis Aeneas. Nota metaphora ab aurigatione, ut sup. V, 662 de flamma vidimus: *furit iam missis Volcanus habenis*. — 2. *Euboicis Cumarum oris*, ad litus Cumanum. Liv. VIII, 22, *Comani ab Chalcide Eubotea originem trahunt*. V. Cluver. Ital. ant. lib. IV, p. 1102. De conditoribus Ionicae classicae ap. Strabon. V. p. 243. Urbis origines antecessisse videntur colonias Ionicae et Aetolicae, v. Vellei. Patere. 1, 4. A seriore certe tempore Cumas a Chalcidensibus conditas ad Aeneae aetatem retrahit Virgilius. Conf. Gell. X, 16. 3. (*Obvertunt — proras*; puppis quippe litori obversa,

Ancora fundabat navis, et litora curvae

Praetexunt puppes; iuvenum manus emicat ardens

Litus in Hesperium: quaerit pars semina flammae

Abstrusa in venis silicis; pars densa ferarum

Tecta rapit, silvas, inventaque flumina monstrat.

• At pius Aeneas arces, quibus altus Apollo

• Praesidet, horrendaeque procul secreta Sibyllae, <sup>40</sup>

• Antrum immane, petit, magnam cui mentem animumque

• Delius inspirat vates aperitque futura.

Iam subeunt Triviae lucos atque aurea tecta.

Daedalus, ut fama est, fugiens Minoia regna,

ibi anim gubernaculum fuit (conf. Grotius et Elsner ad Act. Apost. 27, 40), et remis inhibitis puppis appellitur. Remiges proram post se habebant (Plut. Vol. XIV, pag. 499 Hulten.): quare plerumque puppi appellebatur, inprimis tempore heroleos: prora in mare spectabat, ut facillior esset abitus. Plura sunt petenda a Gronov. Olms. IV, 26, cui Hemsterhus. ad Lucian. I. p. 239 sq. bip. alique assensu sunt, cf. III, 549. R.) *dentitena*. sup. I, 169, *unco non adligat ancora moram*. — *fundabat exquisitius* quam: firmabat, tenebat. — 5. *praetexunt*, tegunt litora, quia curvae. — 6. 7. Cf. I, 174 sqq. et Ga. I, 135. *σπίρρα πλεγὸς* ap. Homer. — *pars densa ferarum* *Tecta rapit, silvas*. Quid est *rapit*? si corripit, colligit, comportat, nihil potest iaiunius dici grandibus istis et turgidis verbis: *densa ferarum tecta*. Igitur poeta necessario ita accepit: *rapit* cursu, rapido cursu perfrustrant silvas, ut vel fontem aquae investigent vel ferarum praedam ad epulas exquirant, ut lib. I, 192 sqq. Sic *campum rapere* dicitur equus, et *aequora rapere* navis. Ita eadem est sententia, quae

infra v. 179: *Itur in antiquam silvam, stabula alta ferarum*.

9—12. Ad templum Apollinis, quod antiquissimum fuit in monte ad Cumas, et inde ad subsacens Sibyllae antrum tendit Aeneas. Id autem facit ex Heleni (III, 441 sqq.) et umbra Anchisae monitu V, 731 sqq. — *arces*; erat templum in montium ingis; hinc *Apollo altus* et *praesidet* templum et urbem tuens, *πρωτογός*. Porro *Sibylla horrenda* dicitur, epitheto translato: erant *secreta* (h. e. secretum) horrenda. Cf. VII, 172. — *mentem animumque* Homericis more *κατὰ πρῶτα καὶ κατὰ δεύτερον*: *inspirat*, indit ei, *mentem magnam*, commotam et *ἐκθεσιώσαν*, sat, quod malim, *magnam eius mentem* afflat, incitet, movet, *inspirat*. — 13. Iter ad Apollinis templum (*aurea tecta*) erat per lucum, quo illud ambiebat ex more vetere. *Hecontae* autem ille lucus cum toto Averno sacer vel, ut loquuntur alii, Proserpinae.

14—19. Apparet fuisse famam antiquam, templum Apollinis Cumanum a Daedalo esse constructum. Videntur Siculi et Itali, quicquid apud eos mirum vel praeclearum artis erat, ad Dae-

Praepetibus pennis ausus se credere coelo , 19  
 Insuetum per iter gelidas enavit ad Arctos  
 Chalcidicaque levis tandem super adstitit arce.  
 Redditus his primum terris tibi, Phoebe, sacra vit  
 Remigium alarum posuitque inmania templa.  
 In foribus letum Androgei; tum pendere poenas 20  
 Cecropidae iussi miserum! septena quot annis  
 Corpora natorum; stat ductis sortibus urna :

dalum retulisse. Colligas hoc vel ex Diodori lib. IV, 78. Horum igitur potulorum ars aedificandi et sculpendi originem suam e Creta habuisse videtur. Communis saltem narratio est Daedalum ex Creta profugum in Sicilia a Minos fuisse oppressum. At poeta, aliam famam sequutus, Daedalum ex Sicilia quoque fuga evasisse statuit. Praeclare Servius: *Daedalus vero primum Sardiniam, ut dicit Sallustius lib. II Historiarum, post delatus est Cumas et, templo Apollini condito saceratusque ei alia in foribus, haec universa pinxit.* Ceterum totum, qui sequitur, locum copiosius perscrutatus est Silius XII, 89—103. Ornamenta ibi comparent studiosi. — v. 15. Horat. I Od. 3, 34: *Expectus vacuum Daedalus aëra Pennis non homini datis.* Verba ex antiquiore sermone poetico servata. Cic. de Divin. I, 47 ex Mario suo: *Hanc ubi praepetibus pennis lapsaque volentem Conspexit,* conf. sup. V, 254. *Praepes*, celer, velox. — 16. *ad Arctos.* Cf. Ge. I, 245, 246. Sive ex Creta sive ex Sicilia sive ex Sardinia, ut modo a Sallustio traditum vidimus, profugus Daedalus volatu versus septentrionalem plagam contendit, dum Cumas advolavit. Est tamen, quod haud neges, valde tumidum hoc *gelidas enavit ad Arctos*,

ad non nisi de tali itinere accipitur. Enimvero longius olim Daedali errores fuisse narrationibus producti, ita ut etiam remotiores septentrionales plagas adhasse ferretur; unde redux tandem Cumis Apolliniae templum ex voto posuit. *enavit* (respesit ad hoc Quintil. VIII, 6, 18), usitata illa metaphora inter volatum et navigationem. Conf. Ge. IV, 59. Sic mox *remigium alarum*, ut sup. I, 301. — *Chalcidica arce*, v. ad v. 2. — *levis*, ornat epitheton volentem. — *sacra vit* tanquam donarium ex voto. Cogits notum morem eorum, qui ex mari erant servati. Etiam *templum* ex voto factum videri potest.

20 sqq. Possunt haec, si paullo severius agas, a re aliena videri, et videtur poeta argumenti a multis Graecis poetis tractati, quorum et fuisse *Theseides*, dulcedine et copia abreptus esse. Sed observa, quam callide narrationem in sculpturae argumentum mutaverit et ad hoc cognoscendum otium fecerit Aeneae, praemisso Achate ad arcessendam Sibyllam. Talia autem anaglypha in templorum foribus ex metallo pretiosiore, h. l. ex auro (v. iof. 32), antiquitas probare solebat. Conf. Ge. III, 26—29. Imitationem loci vide apud Silium lib. III, 32. Fabulam cognoscant, quibus opus est, ex Ovid. Met. VII,

Contra elata mari respondet Gnosia tellus.  
 Hic crudelis amor tauri subpostaque furto  
 Pasiphaë mixtumque genus prolesque biformis 25  
 Minotaurus inest, Veneris monumenta nefandae;  
 Hic labor ille domus et inextricabilis error;

456 sqq. et VIII, 453 sqq. aut ex Catulli Epithal. Pelei v. 76 sqq. Apollod. III. 15, 7 et Obs. p. 344 sqq. — *septena corpora natorum pro natos*, elegantius, ut saepe. Arguantur in numero Interpretes. Cum pueri septem septemque puellae mitterentur, quidni alterutrum tantum poni potuit? *stat*, adstat, *urna*, graphice hoc ad sortitionem eorum, qui quotannis mittendi erant, declarandam. A v. 20—22 in alterius forium valvis expressas puta Athenas, Androgei necem et sortitionem puerorum; a. v. 23 sqq. autem in alteris valvis Cretam, taurum, Pasiphaë, Minotaurum, Labyrinthum, Ariadnen, Daedalum. Porro poeta servat morem veterum anaglyphorum, quae plura argumenta deinceps posita cumula- bant: nam de unitate argumenti parum solliciti erant antiquiores. Sunt tamen h. l. res inter se cognatae et ad eundem historicarum ordinem spectantes. II Ex decore autem res Creticas celebrat, unde prima incunabula exstiterunt gentis Troianae, et narratio contra Graecos dirigitur, ut Troiae eversores: incipit ab Androgeo: fuit hic Minois filius: interfecerunt illum Athenienses. Minos in illos arma convertit; vicit, iussitque, ut quotannis praeberent quatuordecim corpora adolescentium devoranda a Minotauru. Ergo ibi sculptus erat Androgeos morte affectus; ibi Athenienses solventes potnam prae- celere; ibi urna; sortibus enim miseri ad supplicium plunt. *Stat ductis sor-*

*tibus urna*, dictum est hac sententia sculpta est urna, et una sortes, quae ducebantur. Maluit *natorum*, quam adolescentium, ad excitandam com- miserationem: inde et in parenthesi *miserum*, ubi debes facius subau- dire; inde *corpora*, quam ne reli- quiae quidem superessent ad tumu- lum. C. — 23. *Gnosia tellus* ut *Gno- sia regna* III, 415 *elata mari*, per- petuum insularum epitheton, *alta*, quod alibi videmus (cf. sup. V, 588). *respondet*, in alteris valvis ex ad- versa, opposita, parte expressa est. *crudelis amor*, violentus, ut alias *saevus*, h. e. magnus, nimis. *sub- posta furto* pro supposita turo adul- tero pro furtum, *κρυπτός γάμος μυστικός*, ex nota Musei formula. Nolim tamen putare ipsam vaccam ligneam ipsamque flagitium expres- sum fuisse; sed Pasiphaë v. e. de- mulcentem taurum: cf. anaglyphum ap. Winckelm. *Mon. ined. tab. 94.* — *inest*, tanquam pars argumenti erat expressa. *Veneris monumenta ne- fandae*, partus nefandi amoris. Non aliter. Nota est de Minotauru fabula, in cuius interpretatione arguantur passim veteres, etiam ad h. l. Sim- pliissimum est statuere ex noto Cre- tae, Siciliae et Italiae emblemate ductam eam esse, quod figuram tauri cum capite viri barbati exhibet; sive id patrii fluvii symbolum sit, id quod probabilius, sive, quod alii putant, Baechi seu Ebonis, h. e. Solis. Sunt quoque qui ad arationem et fertilitatem agrorum referant. Adhuc

Magnum reginae sed enim miseratus amorem  
 Daedalus ipse dolos tecti ambagesque resolvit,  
 Caeca regens filo vestigia. Tu quoque magnam 30  
 Partem opere in tanto, sineret dolor, Icare, haberes.  
 Bis conatus erat casus effingere in auro;  
 Bis patriae cecidere manus. Quin protenus omnia  
 Perlegerent oculis, ni iam praemissus Achates  
 Adforet atque una Phoebi Triviaeque sacerdos, 35  
 Deiphobe Glauci, fatur quae talia regi:  
 Non hoc ista sibi tempus spectacula poscit;  
 Nunc grege de intacto septem mactare iuvenco  
 Praestiterit, totidem lectas de more bidentis.  
 Talibus adfata Aenean (nec sacra morantur 40  
 Iussa viri) Teucros vocat alta in templa sacerdos.  
 Excisum Euboicae latus ingens rupis in antrum,

sub Iudice lis est, cf. Obs. ad Apollod. p. 217. — 27. Labyrinthus Daedali opus Io Pasiphaë's gratiam susceptum, ut Minotaurus in eo absconderetur. Sic Ovidius VIII Met. 457. Hygin. f. 40. Apollod. III, 1, 4. 15, 8. Apud Homerum Daedalus in Ariadnae gratiam chorum seu saltationem Labyrintho similem effinxisse narratur II. 6, 595 sqq., quem locum respicit Virgilius h. l. et sup. V, 588 sqq., quem confer. At nunc in reginae, regia Minos filiae Ariadnae, gratiam Daedalus Theseo iter per Labyrinthum filio monstravit, quod inventum alii poëtae ad Ariadnae sollicitiam referunt. *doli et ambages*, flexus viae et errores Labyrinthi. Hoc *resolvit*, reditu et egressu monstrato. *caeca*, etiam h. l. obscura, ambigua, *δυσκόνη*. Regit ille gloriare iter incertum. Versuum 30—33 de Icaro suavitatem et vim facille seolis ex affectu et ex apostrophe ad Icarum proficiaci. Verba Ausonius imitatus

est in Mosella v. 300 sq. H. — 34. *sineret dolor*; dolor enim patrem non sivit lapsum Icarum in auro effingere; nam bis conantem hoc facere, his dolor a proposito revocavit, et paternas manus ab opere repulsi. C. — *Quin protenus*. Καὶ πῶς ναι, et vero sane reliqua quoque signa perlustrassent omnia. Per synizesin efferas omnia. — Mox v. 38 *grege de intacto*, grege bovm iugo intactorum; Ge. IV, 540, *intacta totidem oervice iuvenco*. Deiphobe autem Glauci filia non male editur, quoniam ille inter deos fatidicos habebatur.

42 sqq. Locorum situm et faciem plane legentis animo eripiunt interpretes, dum hic antrum in adyto templi in Cumani collis latere positum esse putant. Templum Apollinis erat monti impositum, qui mos urbi pro acropoli fuit. Quod nunc memoratur *antrum Sibyllae*, in latere eius monili excisum non longe ab eo loco abesse poterat. Ad hoc iam ex Apol-



Quo lati ducunt aditus centum, ostia centum;  
 Vnde ruunt totidem voces, responsa Sibyllae.  
 Ventum erat ad limen, quum virgo, Poscere fata 45  
 Tempus, ait; deus, ecce, deus! Cui talia fanti  
 Ante fores subito non voltus, non color unus,  
 Non comae mansere comae; sed pectus anhelum  
 Et rabie fera corda tument; maiorque videri  
 Nec mortale sonans, adflata est numine quando 50  
 Iam propiore dei. Cessas in vota precesque,  
 Tros, ait, Aenea? cessas? neque enim ante dehiscunt  
 Adtonitae magna ora domus. Et talia fata  
 Conticuit. Gelidus Teucris per dura cucurrit  
 Ossa tremor, funditque preces rex pectore ab imo: 55

linis templo abducit Sibylla Aeneam. Fallunt viros doctos *alta templa*, quae nunc non sunt Apollinis aedes, sed antrum Sibyllae, *μυστήριον*. — 42. *Enubioae rupis*, montium Cumano-  
 rum, v. ad v. 2, in quibus est antrum. Ornate. dixit *latus montis excisum* esse in antrum ingens. — *aditus*, puta, subterranei meatus, *εὐρύπυτος*, ut in Aegyptu appellabantur. Vbi itaque in interiore antro, adytis, Sibylla vaticinia effaretur, remanebat una per infinitos hos canaliculos seu spiramina et exitus; quae res ad religiosum horrorem valde accommodata esse debuit.

45. Tempus ad oraculum precibus poscendum, ut ex v. 51 apparet. Sentit Sibylla statim in aditu antri dei afflatum. Locus de furore vatium egregius. — *Non comae mansere comae*: atqui erant illae resolutae, ut in sacris mos erat; igitur nunc factae sunt horrentes, cf. Seneca Agam. 712, 713; seu *laetatae*, ut Tibull. II, 5, 66, quod malim ex Val. Fl. I, 208, 209 imitatione. — *maiorque videri*,

*μειζων σιδήριον*, ut solent maiora visu esse, quae sensus animumque miratione percillant. Natum ex hoc ipso naturali sensu phantasma poeticum, ut dii, si hominibus in primis ad terrorem appareant, maiores maioresque fieri dicantur. — *nec mortale sonans*. v. V, 649; I, 328; h. e. divinum quiddam. *cessas in vota*, ad vota, exquisitis dictum quam cessas facere vota? quid fac vota. — 52. *enim; τί γάρ;* ut alias, pro *vero*, enim vero. Intell. nisi vota feceris. — 53. *adtonitae magna ora domus*, interioris maioris autri tamquam adyti fores, *adtonitae*; ut rei inanimatae tribuatur sensus idem, qui enrum est, qui repente revelli fores audiunt. Nec tamen male Serv. *facientis adtonitos*, stupendae. Videtur autem antiqua religio fores templorum nunquam ita machinis instruisse, ut nulla hominum opera aperiri viderentur; in primis in oraculis. En spectabat nota Serviana, cuius fragmentum habemus: *Trahit hoc de Matris Deum templo, quod non matris sed precibus*

Phoebe, gravis Troiae semper miserate labores,  
 Dardana qui Paridis direxti tela manusque  
 Corpus in Aeacidæ, magnas obeuntia terras  
 Tot maria intravi, duce te, penitusque repostas  
 Massylum gentis praetentaque Syrtibus arva; 60  
 Iam tandem Italiae fugientis prendimus oras.  
 Ilac Troiana tenus fuerit fortuna secuta.  
 Vos quoque Pergameae iam fas est parcere genti,  
 Dique deaeque omnes, quibus obstitit Ilium et ingens  
 Gloria Dardaniae. Tuque, o sanctissima vates, 65  
 Praescia venturi, da (non indebita posco  
 Regna meis fati) Latio considerare Teucros  
 Errantisque deos agitataque numina Troiae.  
 Tum Phoebo et Triviae solido de marmore templum  
 Institutam festosque dies de nomine Phoebi. 70

*aperiebatur.* — 56-62. Semper a Trojanorum partibus stat Apollo in Homero. — 57. Fundus II. χ, 359. Verrum copiosius haec esseque erant poëtae cyclici, primo loco Arctinus in Aethiopide; nunc Quintus lib. III pr. Veneris et Apollinis precibus id dedisse Iovem praeflare exposuit Horat. IV, 6, 21. — 58. *Aeacidæ*, Achilles, ab avo Aeaco. — 58-60. Omnia in mains aucta: pro Poenis *Manylos*, vicinos, et *Syrtes*, Africae adiacentem oram. — 59. *penitus repostas gentes*, positas, habitantes in Africa interiore. Silium III, 325, nec non totus *adest vespere populi que reposti: Cantaber aut omnes.* — *praetenta*, ut III, 692, *Sicario praetenta sinu insula* ...

61. *Italiae fugientis*, v. sup. V, 629. (Vid. eham Not. ad IV, 346. Add. III, 496. *R.*) — 62. *Troiana fortuna*, adversa sc. — Mox 64 dii Troianis infesti apud Homerum memorantur; in his Iuno, Minerva,

Neptunus. *obstitit*, invisus fuit; quae consiliis nostris obstant, repugnant, ea invisus sunt, ἀποδύμα. — 65-68. Vide v. 81 sqq. *Da, fac, effice*, ut passim, v. c. XII, 97. Tribuit autem superstitio hoc votibus, ut, quae praedicunt, videantur ipsi quasi efficere et pro arbitrio constituere; unde etiam cum obiurgatione ab iis postulatum videmus, in ipsis sacris nostris, ut laetiora vaticinentur. Iam pro *noi considere* quam graviter ista dicta sunt v. 67, 68! *da Latio considere Teucros* ... *Troiae*. — 69-74. Ad templum in Palatio ab Augusto factum respici, ut Aeneas ex posterorum persona vota faciat, iam Servius notavit; conf. Sueton. Octav. 29. Ex Virgilli verbis vix aliter iudices, quam cum Apolline Dianae quoque sorori fuisse id consecratum; ut in ludis saecularibus aliisque sacris consociatae fuere utriusque dei religiones. Ex Propert. I, 31, 45 apparet Apol-

Te quoque magna manent regnis penetralia nostris ;  
 Hic ego namque tuas sortis arcanaque fata,  
 Dicta meae genti , ponam lectosque sacrabo ,  
 Alma , viros. Foliis tantum ne carmina manda ,  
 Ne turbata volent rapidis ludibria ventis : 75  
 Ipsa canas oro. Finem dedit ore loquendi.

At, Phoebi nondum patiens, inmanis in antro  
 Bacchatur vates, magnum si pectore possit  
 Excussisse deum : tanto magis ille fatigat  
 Os rabidum fera corda domans fingitque premendo. 80  
 Ostia iamque domus patuere ingentia centum  
 Sponte sua vatisque ferunt responsa per auras :  
 O tandem magnis pelagi defuncte periclis !

lulus signum in eo templum medium inter Latonam et Dianam stetisse. — *scotos dies*, ludos Apollinares ab Augusto institutos. — 71-73. libros Sibyllinos et XV viros iis inspiciendis. Servati autem III libri primum in Capitolio, ab Augusto vero sub Apollinis Palatini basi conditi, ut ex Suetonio notum Octav. 31 et Tibullo II, 5, 1: *Phoebe fave, novus ingreditur tua templa sacerdos*, Quindecimvir Messala; haec igitur sunt *penetralia*. Neque Ovidius intelligendus aliter, etsi rem ita effert, quasi templum et sacra habuerit Sibylla, Met. XIV, 428: *Templa tibi statuum, tribuam tibi turis honorem*. — 74-76. Exsequitur Aeneas Heleni praeceptum, sup. III, 443, 444 et 457. *Ipsa canat*. Nunc igitur more suo relicto non foliis oraculum inscribit, sed ore profert. — Tum v. 75 ornat: ne dissipentur, (De foliis, materia scribendi, cf. not. ad III, 444. Addas, Athenis *ἐκφυλλογράφειν*, *ἐκφυλλογραφῆν*, et Syracensis *παραγραφεῖν* docere, foliis nescingens usos esse antiquissimis temporibus pro charta. R.)

77-80. Ornate omnia, a domandis equis translata verba (conf. v. 100-101) ad vatem, quae nollet deum recipere, *ἐκθροοναῖσθαι*, cum divina via crederetur corpus mortale tamquam sui non capax graviter vesare. — *bacchatur* pro simplici discurret, v. sup. IV, 301. *Fingitur* equus a magistro *premando*, h. e. dum premitur, pressus frenis, compressus, coercitus. (cf. sup. I, 63); ergo Phoebus domans Sibyllam, vi divinatrice mentem versans, ut ea incalescat, *fingit premendum* pro premit. Est etiam brevitas laus in verbis *tanto magis*, Intell. verum, quanto magis illa bacchatur ideoque reluctatur, tanto magis ei instat, ut furorem concipiat et vaticinia effundat. Non autem nisi cum spasmodis et convulsis inter dolores membris vates, quippe ecstasici, insaniebant. — 81, 82. Adjunct ad interiores recessus antri. V. sup. ad v. 45; cf. Callim. in Apoll. 3, 6, 7. Pu- tanda autem est Sibylla adytum ingressa, deo plena, ex adyto haec vociferari, voce per cava antri resonante. Conf. v. 98 et 41. — 83 sqq.

Sed terra graviora manent. In regna Lavini  
 Dardanidae venient (mitte hanc de pectore curam!) 88  
 Sed non et venisse volent. Bella, horrida bella  
 Et Thybrim multo spumantem sanguine cerno.  
 Non Simois tibi nec Xanthus nec Dorica castra  
 Defuerint. Alius Latio iam partus Achilles,  
 Natus et ipse dea. Nec Teucris addita Iuno 90

secundum Heleni praedictionem sup. III, 458 sq. Conf. praeclarum locum Tibulli II, 5, 39 sqq. ubi Sibyllas oraculum alio quidem tempore ac loco datum et latius expositum est. in regna Lavini, ad Lavinium hoc tandem manifestum de loco aditus ad Italiam vaticinium. Reliqua egregie ad horrorem partim rerum esemplis et verborum ornatu, partim comparatione cum rebus Troianis, quarum quanta vis ad Aeneae recordantis animum esse debebat! — 87. Iam Homero frequentata rei imago II. n. 329. *Dorica castra*, sup. II, 27.—88 sqq. Eadem calamitatum series renascetur. Cf. inf. X, 60, 61, 62. *Alius Achilles*, Turnus Veniliae f. v. inf. X, 76. Nec hoc sine veterum esemplo; v. c. Eurip. Troad. 613, 615 *πῶς πῶς Ἀλλος Αἴας, ὡς ἔοικε, δῖος Ἡρακλῆς*, et sup. Ecl. IV, 34, *Alter erit tum Tiphys* etc. etiam in vaticinio. Neque slyter in praedictionibus vatum Hebraicorum Davides, Elias et alii excitantur tamquam reduces. — 90. *Nec Teucris addita Iuno Vespem aberit*. Interpretatio loci e veteribus nobis servata est. Macrobi. VI Sat. 4 unum ex iis locis esse docet, in quibus vastum verbum servaverit poet. *» addita*, id est *affixa*, et per hoc, *infesta*. Hoc iam dixerat Lucilius lib. XVI his verbis: Si mihi non praetor sicut additus atque agitur me, Non male sic

ille, ut dico, me extenderat unus. » Servius: *» addita Iuno, inimica. Est autem verbum Lucili et antiquorum; ut Plautus Aul. III, 6, 20: Argus, quem quondam Ioni Iuno custodem addidit.* » Sed alterum hoc Plauti ex iis potius exemplis est, quae doceant, quomodo voc. *additus* in hunc significatum transire potuerit. Scilicet *custodem dari*, *addi* voc. proprium est; v. c. inf. IX, 629, *Tum comitem Acaestio pater addidit*; et Horat. Od. III, 4, 78, *nequitiis additus Custos*, vultur, qui Tityi iecur observat. Iam autem, qui *custodes additi* sunt, in primis peccare volentibus lidem molesti sunt, difficiles, odiosi, infesti. Conf. Gaeseri Thesaur. LL. h. v. Virgilium imitatus est in vocis usu Silius II, 595, *agut addita Erianya*. Paulo slyter comparata sunt exempla, in quibus *addi* vel *additi* esse dicuntur, qui non sine molestia aliqua accedunt ad nos, vel quae nobis contingunt ingrata, v. c. ap. Stat. II Theb. 320, *Et, qua non gravior mortalibus addita cura*, *Spes*. Ad hoc genus referenda loca, quae afferunt Drakenb. ad Silium I. c. Grunov. ad Senec. Herc. fur. 1237 et al., non ad prius. Adde Val. Fl. VI, 181. Aliter rem expedire voluisse videtur Burmannus, qui ita ordinat verba: *» Nec Iuno aberit Teucris, addita scilicet aliis hostibus, Turno et reliquis.* » Hoc vero ieiunum et multo durius, etiam

Vsq̄am aberit; quum tu supplex in rebus egenis  
 Quas gentis Italum aut quas non oraveris urbis!  
 Causa mali tanti coniunx iterum, hospita Teucris,  
 Externique iterum thalami.

Tu ne cede malis; sed contra audentior ito, 93  
 Qua tua te fortuna sinet. Via prima salutis,  
 Quod minime reris, Graia pandetur ab urbe.

Talibus ex adyto dictis Cumaea Sibylla  
 Horrendas canit ambages antroque remugit  
 Obscuris vera involvens; ea frena furenti 100  
 Concutit et stimulos sub pectore vertit Apollo.  
 Ut primum cessit furor et rabida ora quierunt,  
 Incipit Aeneas heros: Non ulla laborum,  
 O virgo, nova mi facies inopinave surgit;  
 Omnia praecepi atque animo mecum ante pcregi. 105

si iungere velles: *nec aberit addita*, h. e. addetur, accedet sc. nova hostia. Si quis nondum ulla interprete inspecto locum legat, is haud dubie ita accipiet: *nec deerit* in Italia *Iuno*, *addita Teucris*, quae semper Troianis adesse, iis iustare, eos urgere, persequi solet. Eas res iustissimi animi esse quis dubitet? *quum tu* pro vulgari: tunc tu. — 91. *oraveris*, v. lib. VIII Evandrum et Agyllinos Etruscos, in rebus egenis, angustis, periculosis. Noli cum Servio et aliis de fame accipere. *coniunx*, Lavinia, ut olim Helena. — 96. *qua via et ratione*, h. e. quantum per satum licebit, quantum fieri poterit. Sic II, 387, *O socii, qua prima*, inquit, *fortuna salutis* *Monstrat iter*, *quaque ostendit se dextra, sequamur*. Et sup. I, 418, *Corripuere viam, qua secunda monstrat*. — 96. *via prima salutis*. Comparant Apoll. II, 388. *Grana ab urbe*, Pallanteo Evandri, veniet auxilia inde accipis.

100. *Eventa rerum obscuris verbis* prodit. Imitatur locum Lucanus I, v. 637, 638. — 100, 101. Adeo concitaverat eam Apollo. Conf. v. 79, 80, *ea freno*, τοῖς, tam valida. *stimulos sub pectore vertit*, h. e. in pectore figit, pectori subdit. Sed plus inest alteri verbo continuatio ictu. *Frena et stimulos* ad furorem declarandum a Tragicis habet poëta; fortasse ex αἰστρος natos. Inter loca, quae interpre. laudant, unus est accommodatus Euripidis (Iphig. in Taur. 941) de Partis; ἡλίστρων θῦραι, ὅσ' αἰματηρὰ σθένε' ἐνμυβλαῖν ἱμοί. Mox v. 104 *facies* est species, genus; *surgit*, exqu岸ite, occurrit, est. Scilicet audierat Aeneas omnia a patre V, 730, 731 et Heleno III, 458; itaque iam ante animo conserperat, προῦλαβε. Non male Aeschylus comparatur Prometh. 104 — 103, κατὰ προῦξ-ερίσταν etc. — *pcregi* pro vulgari *cregi*, perpendi.

Vnum oro. Quando hic inferni ianua regis  
 Dicitur et tenebrosa palus Acheronte refuso,  
 Ire ad conspectum cari genitoris et ora  
 Contingat: doceas iter et sacra ostia pandas.  
 Illum ego per flammās et mille sequentia tela 410  
 Eripui his humeris medioque ex hoste recepi;  
 Ille meum comitatus iter maria omnia mecum  
 Atque omnis pelagique minas coelique ferebat  
 Invalidus, vires ultra sortemque senectae.  
 Quin, ut te supplex peterem et tua limina adirem, 415  
 Idem orans mandata dabat. Gnatique patrisque,  
 Alma! precor, miserere; potes namque omnia, nec te

406. *Ianua regis*, hoc est, palatii vel regni aditus. — *tenebrosa palus Acheronte refuso*. Cum Acherontem mox in inferis locis poni a poetis videamus, Servius et ex eo Pomponius pronuntiant: *Avernum* significat, quem vult nasci de Acherontis aestuariis; ut Avernus sit Acherontis (cui aestus tribuitur inf. v. 296, 297) ex inferis partibus exundantis et supra crateris sui labra exuberantis (*refusi*) aqua, emissarium: ductum id ex Platone, in cuius Phaedone p. 112 B. Steph. c. 62, Tartarus omnes recipit, aqua autem ἀλυσσάμενος δὴ καὶ χυμώμενος ἄνω etc. Apud Valer. Fl. IV, 594 illuc (iuxta Heracleam Paphlagoniae) Acheron — vastoque exundat huius Fumeus; et de eodem Apollon. II, 747, καὶ οὐδὲν δὲ φέρωντες κατὰ γαίην μὲν ἔνωσεν. Ipse enim Acheron in imis terrae radiibus: Κούρην δ' Ἀχέρηνδ', ὅς ἐστι βέλωματα γαίης Orph. Hymn. XVII, 10; unde tamquam effervescentis et ebulliens erumpit in superas oras. De his ipsis locis Vlyssis aditu celebratus agens Lycophr. v. 695, καὶ ἡρώωντας Πόλυντον χρυσάωντον σὺν ἑσπέρῳ, et equa-

dem in sensum Silius eructare dixit in loco ex Marone expresso XIII, 425: apceus eructat acerbam Coeyti laxo spirans ore paludem. Doctae hae sunt; quis neget? Si quis tamen ipsis poetarum verbis insistat, ea vix aliter accipiet, quam paludem Acheronte refuso dietam esse pro paludem Acherontis refusi, h. e. exasquantis: ἀναχυσάμενος. Ita ex communi usu ἀναχυσάμενος, in illo Strabonis V, pag. 243 D. de Acherusia palude ad Cumas ita exponentis: Ἀχέρουσιαν λίμνην, ἀναχυσάμενος τις τεταγμένης θαλάσσης, h. e. aestuarium maris per aestum exundantis supra littora. Fuit scilicet in his ipsis locis ad Cumas palus Acherusia (Plin. III, 5 med.), quam Maro intelligere videri potest et memorare ad declaranda haec loca, in quibus aditus est ad loca infera; nec tamen per lacum, sed per antra vicina. — *Moeris ostia*, ut Homerice Σαῖα, et iof. 573 (non ut Serv.), cuius vocis significatus latissime patet, ut in nostris linguis nihil sit, quod satis respondeat; h. l. quae cum horrore adimus. — 416. *mandata dabat sup.*

Nequidquam lucis Hecate praefecit Avernis;  
 Si potuit Manis arcessere coniugis Orpheus  
 Threïcia fretus cithara fidibusque canoris; 120  
 Si fratrem Pollux alterna morte redemit  
 Itque reditque viam toties. Quid Thesen, magnum  
 Quid memorem Alciden? Et mi genus ab Iove summo.

Talibus orabat dictis arasque tenebat,  
 Quum sic ora loqui vates: Sale sanguine divom, 125  
 Tros Anchisiada, facilis descensus Averno;  
 Noctes atque dies patet atri ianua Ditis;  
 Sed revocare gradum superasque evadere ad auras,  
 Hoc opus, hic labor est. Pauci, quos aequus amavit  
 Iuppiter aut ardens evexit ad aethera virtus, 130

V, 731 sqq. Mox 118 *Hecate*: nam sup. v. 35 *Phœbi Triviaeque sacerdos* dicta erat. — 119, 120. Aut supplendum alterum membrum: quidni et mihi adire inferos liceat? aut iunge: *miserere...* Si potuit. Statii imitationem vide Silv. V, 3, 271 sqq. *fretus*, usus. Homericum *πρωτόν* vel *πρώτος*; et in hac ipsa re Orph. Arg. 42, *ἤσαντες πρῶτος κισσῶν* simpl. pro ope citharae. Cf. Aen. IV, 245.

121, 122. Vt cum Castore, qui mortali patre Tyndareo natus erat, immortalitatem communicaret Pollux, Iove patre natus, hoc a diis impetravit, ut, quoties ipse ad inferos se contulisset, fratri interim ap. deos versari liceret. Hinc alternis sedes mutatae. Fabula varie a poetis tractata et ornata. Fundus Odys. λ, 302, 303; at v. Pindar. Nem. X, 103. Etiam Theseus et Hercules memorantur, quatenus inferos adire, v. inf. 392 sqq. Aliter hoc ipso libro sexto v. 617 fabula de Theseo tractata; unde reprehensus poeta iam olim ab Hygino; vid. Gell. X, 16.

Enimvero poeta non Theseum iste et rediisse narrat, sed Pollucem; Theseum autem tantum sic memoravit, ut de solo inferorum aditu ageret.

124. *Aras tenebat*. Notissimus precantium mos. Si tamen teneas animo Aeneam in ipso limine templi vel antri substituisse (cf. max v. 151; et la perpetuus veterum mos, si deum consulerent), dum vates penetraret ad adytum, v. 98, ara difficultatem habere potest quo loco sita fuerit. Scilicet, si ad limen substituerunt consulentes deum, de tota ea parte intelligendum, quae usque ad adytum patebat, ideoque *πρῶτος* et ipse *πρῶτος* sub limine et aditu intelligendus Erat autem aram pronao; nam omnis sacrificii ritus factus passim ante aedem memoratur.

126. *Avernus* li. l. simpl. pro locis inferis; non lacus, ut inf. 237 sqq. sed, ut in *Ἀχέρων δυνεξοδός* vel *ἀνέξοδος*. — 127. *patet*, accram libero et expedito. — 129. *Pauci ἥρωες διεγνῶντες*, si fuerunt *διοφύλακτες* et *καλοκίκαδοι*. Sententiam v. 126-128 in-

Dis geniti potuere. Tenent media omnia silvae,  
 Cocytusque sinu labens circumvenit atro.  
 Quod si tantus amor menti, si tanta cupido est  
 Bis Stygios innare lacus, bis nigra videre  
 Tartara et insano iuvat indulgere labori; 135  
 Adcipe, quae peragenda prius. Latet arbore opaca  
 Aureus et foliis et lento vimine ramus,  
 Iunoni infernae dictus sacer: hunc tegit omnis  
 Lucus et obscuris claudunt convallibus umbrae.  
 Sed non ante datur telluris operta subire, 140  
 Auricomos quam quis decerpserit arbore fetus.

terpretatur Seneca Herc. fer. 675 sqq. — *acipias*, propitius h. l. — 131. *silvae* memoratae tenebrarum et caliginis significandae causa; ducta imagine ab Avernii lacus situ sup. 118 *lusi Avernii*. — *Cocytum*, *Stygem*, *Acherontem* promiscue ponit poeta. — *sinu* praeculare da cursu fluvi, qui ambit locum, sinuoso. — 134. *Bis*. Nota rei perceptio haec ex Homericis *Odys. μ, 21, Ξέχθισι — Διοδωδῆς* etc. Sed Pollio admittitur, quoniam Aeneas esset futurus deus, cur dicat bis. Solvitur hoc, quia apud Homerum (*Odys. λ, 601 sq.*) *Plysses* vidit umbram *Herodis* apud inferos. Recte hoc, quandoquidem et heroum inter deos receptorum umbrae in locis inferis habentur. Etiam nec hoc necesse. Nam Sibylla Aeneae, viventis tum, fata post mortem ignorare potuit. Elicet autem poeta lucis diversis ut in narrationibus argumentisque diversis diversam famam mythumque amplecti ei sequi. Ceterorum Grammaticorum argutias nemo moretur. — *insanus labor* pro vulgari: magnum ausum, coeptum, ardua res.

136 sqq. Locum respexit Claudian. de R. Pros. II, 290 sqq. — 137-139

ornate pro ramus aureus cum foliis aureis, et latet in densa silva: *vismen* est ipsius rami, virga. Male alii aliter. Nec tamen ipsam arborem auream credere licet; non magis quam Hasperidum arbores mala aurea ferentas. Unde poeta ramum aureum hunc traduxerit, varia coniectare licet, nihil tamen ad liquidum perducere. Symbolici aliquid inessa, saltem in primo invanto, dubitare vix licet; ei videtur aliquid subesse ex initiis a. mysteriis petatum, ubi in pompis aran *ταλαοδόρποι, θαλασόρποι* et *πρωτόφροντα* lustrationesque, frondibus aqua pura humentibus factae. Expeditior est ratio, si ramum instans recorderis, quam Aeneas praefrens ad Proserpinam supplex accedat. Simplicius hoc est virgo aurea, qua Mercurius ad inferos animas deducere narrabatur. Deorum autem omnia sunt aures. *Iano inferna*: Proserpina alias Stygia, ut *Iupiter infernus, πτωχόδεος*, de Plutone. *Averniam Iunonem* Ovidius dixit hac ipsa in narratione Met. XIV, 114.

140. *telluris operta*, simpl. loca infera, quatenus sub terra. — 143, 144.



Hoc sibi pulera suum ferri Proserpina munus  
 Instituit. Primo avolso non deficit alter  
 Aureus et simili frondescit virga metallo.  
 Ergo alte vestiga oculis et rite repertum 145  
 Carpe manu; namque ipse volens facilisque sequetur,  
 Si te fata vocant: aliter non viribus ullis  
 Vincere nec duro poteris convellere ferro.  
 Praeterea iacet exanimum tibi corpus amici  
 Heu nescis! totamque incestat funere classem, 150  
 Dum consulta petis nostroque in limine pendes.  
 Sedibus hunc refer ante suis et conde sepulcro.  
 Duc nigras pecudes; ea prima piacula sunt.  
 Sic demum lucos Stygios, regna invia vivis,  
 Adspicies. Dixit pressoque obmutuit ore. 155  
 Aeneas, maestus defixus lumina voltu,  
 Ingreditur linquens antrum caecosque volutat  
 Eventus animo secum. Cui fidus Achates  
 It comes et paribus curis vestigia figit.  
 Multa inter sese vario sermone serebant, 160

Orate; in rami avulsi locum alius succrescit. *Mox rite carpe.... si te fata vocant, si fatale est inferis adire.* — 149 sqq. ante oculos *Iliad.* χ, 386 Κεῖται πᾶρ νύσσην ὄλκον ἀλάστορα; ἄθαρτος Πάρποςλος. *Observe verborum proprietatem: pendes pro vulgari haeres. — sedes de sepulcro.* Alii de terra, hoc quidem admodum dure, accipiunt. Cur non locum comparant *inf. v.* 374, *Sedibus ut saltem placida in morte quiescam;* et *v.* 328, *quantum sedibus ossa quierant?* Errant Manes insepulti vel circa corpus vel circa Stygem. (Notissima res. *V. Obs.* ad *Tibull.* III, 2, 15); impetitis autem iustis ad loca infera admisi quietem recipiunt. *Piacula* autem sacrum *v.* 123 non tam ad

purgendam classem a contactu insepulti cadaveris valuisse videtur, quam ad placandos inferos, quos erat accessurus; omnino enim ad inferos nonnisi explati et placatis Manibus accedunt herois apud ceteros quoque poetas. *prima v.* 153 est pro prius, ante.

156-214. Corpus Miseni sepelitur; et quesitus tandemque repertus ramus aureus ab arbore revulsus apportatur. — 157. caecos eventus, obscuros, ignotos animo versantes Aeneas et Achates ante oculos iacentur. — 160, 161 pro vulgari: sermones serebant super variis rebus. Ceterum mireris, cur non in Palinuri insepultum corpus incidat Aeneas cogitatio; qua tamen nulla prior esse

Quem socium exanimem vates, quod corpus humandum  
 Diceret. Atque illi Misenum in litore sicco,  
 Ut venere, vident indigna morte peremtum;  
 Misenum Aeoliden, quo non praestantior alter  
 Aere ciere viros Martemque accendere cantu. 165  
 Hectoris hic magni fuerat comes, Hectora circum  
 Et lituo pugnans insignis obibat et hasta.  
 Postquam illum vita victor spoliavit Achilles,  
 Dardanio Aeneae sese fortissimus heros  
 Addiderat socium, non inferiora secutus. 170  
 Sed tum, forte cava dum personat aequora concha  
 Demens et cantu vocat in certamina divos,  
 Aemulus exceptum Triton, si credere dignum est,  
 Inter saxa virum spumosa inmerserat unda.  
 Ergo omnes magno circum clamore fremebant; 175  
 Praecipue pius Aeneas. Tum iussa Sibyllae,  
 Haud mora, festinant flentes aramque sepulcri  
 Congerere arboribus coeloque educere certant.

debebat: nisi quod Miseni cadaver in proximo litore iacet eiusque celebritas fuit magna propter promontorium ab eo appellatum. — 170. *non inferiora*, docte et Graecorum more pro inferiorem, τὰ ἑττω pro τὴν ἑττω. Aeneam Hectori equiparat, ut iof. XI, 289 et al. — *Mis* 171 *concham* paullo durius pro tuba vel lituo posuit; nam nec in *litui* (v. 167) proprietate est haerendum. Sic *lituum* et *tubam* paucos intra versus memorat Statius VI Theb. 229-230. *Tubidulum* Misenum vocat Propert. III, 49, 3. *Liticinem* Stat. IV Silv. 6, 19. — *demens*, Homericum Νῆπιος! Iliad. β, 38 et saepe al. — *exceptum*, cf. sup. III, 332, ut ἑρδ/χεται, insidiis. Ductum autem hoc ex mythica ratione praestantiae designandae, ex qua provocare deum is, qui aliqua

arte excellit, eiusque iram lacescere narratur. — 177. *aram sepulcrali* exquise, quod v. 245 *ingentem pyram* a formae similitudine, quoniam in arae modum exstructa esset, alta et quatuor lateribus. *Ara* enim est omnis basis aut quod eius formam habet usumque, ut aliquid imponatur, ut h. l. rogos, cui corpus exanimis comburendum imponitur. Sic et Servius, qui tamen addit: *Probus tamen et Donatus de hoc loco requirendum aethno esse dixerunt*. In Donati fragmentis interpolatis, quae habemus, nihil occurrit. At de altero Pompon. Sab. *Dicit aram, quia rogos, id est pyra, non fiebat sine aris, ut ait Probus*. Perperam. In aqq. ante oculos Odys. μ, 11 aqq.; II. ψ, 114 aqq. Adde II. η, 417, 428 aq.; ω, 662 aq.; 787 aq., et locum infra XI, 182 aqq. *Con-*

Itur in antiquam silvam, stabula alta ferarum :  
 Procumbunt piceae; sonat icta securibus ilex, 180  
 Fraxineaeque trabes cuneis et fissile robur  
 Scinditur; advolvunt ingentis montibus ornos.  
 Nec non Aeneas opera inter talia primus  
 Hortatur socios paribusque adcingitur armis.  
 Atque haec ipse suo tristi cum corde volutat 185  
 Adspectans silvam inmensam et sic voce precatur :  
 Si nunc se nobis ille aureus arbore ramus  
 Ostendat nemore in tanto! quando omnia vere  
 Heu! nimium de te vates, Misene, locuta est.  
 Vix ea fatus erat, geminae quum forte columbae 190  
 Ipsa sub ora viri coelo venere volantes  
 Et viridi sedere solo. Tum maximus heros  
 Maternas adgnoscat avis laetusque precatur :  
 Este duces, o, si qua via est, cursumque per atras  
 Dirigite in lucos, ubi pinguem dives opacat 195  
 Ramus humum. Tuque, o! dubiis ne defice rebus,

*Herere ex vñio*; v. c. Apollon. l. I, 403, Νήϊον αὐτὶς ἐξ Ἑρμῆος, et Il. ψ, 439. (cf. Ecl. I, 69. R.) Poëta multum ornatus (expende singula) in re lenui cumulavit; hoc quidem iam Ennii exemplo: locum servavit Macrobi. VI, 2. Ad horum ductum sequiores poëtae pigmenta sua in simili re profuderunt, Silius X, 528 sqq.; Statius Theb. 88 sqq., hic quidem ea eum copia, quae fastidium faciat. Cf. Columna ad Ennium p. 67. Mox piceae proprie in regis locum habent. Cf. Plin. XVI, 10, s. 18. — 182. de montibus int. et v. 184, *adcingitur*, ἀπλῆκται, accingit se (se instruit, cf. IX, 74. R.)

187. Si nunc, utinam nunc, ut Gr. αἰ, τί γάρ, v. c. qui locus in manibus est, Hymn. Homer. in Apoll.

51, ἀλλ', αἰ γάρ κ' ἐβδαις quem si ita acceperis, emendatio non egere videbis, nisi ut ἐβδαις scribas. Add. Aesch. Sept. 262. infr. VIII, 560. se ostendat, adpareat etc.; nec tamen dubitandum, arbore hae inventa, alteram etiam vaticinii partem eventum esse habituram, quando etc. — 190 sq. Digous tali vindice nodus. Osteoto vel augurio aliquo res profecto nunc cum maxime erat expedienda. Quale autem aliud accommodatus Veneris matris avibus? etsi omnino faustum et laetum hoc auspicium. Sed poëta haud dubie in animo habuit Apollonium lib. III, 540 sqq. cf. 926 sqq. Nec Dodonaeum oraculum ex columbis obscurum est. Hoc augurio conspecto subtilit et precatur, ex more. Praeivit Homerus Iliad. x. 274, 278 sq. — 195. ubi... humum

Diva parens. Sic effatus vestigia pressit,  
 Observans quae signa ferant, quo tendere pergant.  
 Pascentes illae tantum prodire volando,  
 Quantum acie possent oculi servare sequentum. 200  
 Inde, ubi venere ad fauces grave olentis Avernī,  
 Tollunt se celeres liquidumque per aëra labas  
 Sedibus optatis geminae super arbore sidunt,  
 Discolor unde auri per ramos aura refulsit.  
 Quale solet silvis brumali frigore viscum 205  
 Fronde virere nova, quod non sua seminat arbor,  
 Et croceo fetu teretis circumdare truncos:  
 Talis erat species auri frondentis opaca  
 Illice; sic leni crepitabat bractea vento.  
 Conripit Aeneas extemplo avidusque refringit 210  
 Cunctantem et vatis portat sub tecta Sibyllae.  
 Nec minus interea Misenum in litore Teucri  
 Flebant et cineri ingrato suprema ferebant.

ornate, aureus ramus est. — 198. quae signa, quae augurium, quid ostendunt.

201. Arbor stabat in ipsa valle. Vide v. 139. *Sedibus optatis* eleganter de arbore, quam volatu petierant. *auri aura*, splendor. *Aura* de luminis reverberatione exquisita, v. ad Ge. II, 47, ubi *luminis aurae*, cf. h. l. Serv. Sic ignis fulminei aura, πάρος ἀύρα Callim. in Dian. 117 de vapore igois, qui etiam longius dissita adurit. Proprie in odore locum habet. — 205 sq. De visco, *Druksion*, superstitionibus nobilitate frutice glutinoso in querno arborum genere nec minus tamen in aliis quoque arboribus ramis enasci solito, unde glutinum paratur, ex historia naturali notio petenda. Ex antiquis v. Plin. XVI, 44, s. 93 et XXIV, 4, s. 6 — quod non sua se-

minat (prodeit. R.) arbor: ex vetere opinione, falsa tamen. Plin. l. c. *Ominino cauem satum* (viscum, ἰσός) nullo modo nascitur, nec nisi per alvum avium redditum maxime palumbis ac turdis. Cf. Theophr. III, 9, 16. Diosc. III, 103. B. Satis nunc constat plantam esse parasiticam (viscum album Linn., Mistel. B.), cuius semina aves appetunt et rostra abspontata in ramis arborum et cortice deponunt. Male Heins. et Burm. ad aucupium delabuntur. — *brumali frigore*, tunc enim maturum est. — 207, *croceo fetu*, ex natura visci. Plin. XXIV, 4, s. 6: *Optimum est... extra fulvum, intus porraceum*. — 211. *cunctantem ornat*; ut tenax; et v. 137, *lento vimine ramus*, quippe ex auro, Sic II Ge. 236 *glebas cunctantes dixerat*.

212. *ingrato*, malum ut Servius al-

Principio pinguem taedis et robore secto  
 Ingentem struxere pyram: cui frondibus atris 215  
 Intexunt latera et feralis ante cupressos  
 Constituunt decorantque super fulgentibus armis.  
 Pars calidos latices et athena undantia flammis  
 Expediunt corpusque lavant frigentis et unguunt;  
 Fit gemitus. Tum membra toro defleta reponunt 220  
 Purpureasque super vestis, velamina nota,  
 Coniiciunt. Pars ingenti subiere feretro,  
 Triste ministerium, et subiectam more parentum  
 Aversi tenuere facem. Congesta cremantur  
 Turea dona, dapes, fuso crateres olivo. 225  
 Postquam conlabsi cineres et flamma quievit,

tero loco ponit, gratiam nec sentienti  
 nec referenti. Est ἀρξιστήριον οἴκημα,  
 et Il. ω 54, κατὰ γαῖαν. — 215. Ro-  
 gum struxerunt taedis pinguibus et  
 lignis assis, cf. Iliad. φ, 164 sqq. *fron-*  
*disbus atris Intexunt latera*, orante, fa-  
 ciunt latera ex ramis et lignis arbo-  
 rum nigricantium, ut tristis adape-  
 ctus esset, et *cupressos Constituunt*. Vo-  
 lunt arbores ante rogam positas fuisse  
 et ad Romanorum morem alludi, quo  
 cupressi ante domum funestam sta-  
 tuelantur. Quantum equidem video,  
 parte sui et facie exteriori rogi stru-  
 ctus erat truncus cupressinis promluen-  
 tibus in tropaeorum vel seculorum  
 morem, quibus affixa arma. Habet  
 etiam sic Varronis apud Servium in-  
 terpretatio locum: *Varro dicit pyras*  
*ideo cupresso circumdari, propter gra-*  
*vem ustrinae odorem*. Imitationes loci  
 notarunt ex Statilo IV Theb. 460. —  
 218. *latices calidos*, cf. Iliad. ε, 349  
 sqq.: Odys. ω, 44 sq. — *expediunt*,  
 ut I, 477, *Cerere expediunt*, profe-  
 runt (parant. R.) — Ad v. 219 Ser-  
 vius laudat verbum Ennianum: *Tar-*

*quinii corpus bona femina lavit et unxit.*

220—225. Corpus collocant in lecto,  
 veste tegant, repositum in feretro ad  
 rogam portant, (222) rogo imposi-  
 tum cremant; cf. Il. ω, 785 sqq. *Ve-*  
*lamina nota*, az loqu. usu (cf. inf. XI,  
 195, 196) aliter vix accipias, quam  
 quibus ipse, dum vivebat, usus erat.  
 Esi poeta ad suorum popularium mo-  
 rem respicere potuit cum purpura cre-  
 mandi mortuos, de qua laudant Intpp.  
 nota loca Cic. de Legg. II, 23. Liv.  
 XXXIV, 7; tamen magis probabile  
 sit Homerum ante oculos poetae fuisse  
 Odys. ω, 59 — *subiectam tenuere*,  
 h. e. subiiciunt, subdunt; *more pa-*  
*rentum* Servius: « propinquiorebus  
 a enim virilis sexus hoc dabatur offi-  
 cium. » Sed dictum puto pro more  
 patrum, maiorum. Mox in ignem  
 coniici putatus, oleum; sed quid *da-*  
*pae?* varbo, puto, sacrificali corpora  
 boum, suum, ovium (v. inf. XI, 197  
 sq.), victimarum caesa et in ignem  
 iniecta significat poeta. Cf. Il. φ, 166  
 sq. i Odys. ω, 65.

226 sq. cf. Il. φ, 250 sqq. i ω,

Reliquias vino et bibulam lavere favillam;  
 Ossaue lecta cado texit Corynaeus ahenō.  
 Idem ter socios pura circumtulit unda,  
 Spargens rore levi et ramo felicis olivae, . 230  
 Lustravitque viros dixitque novissima verba.  
 At pius Aeneas ingenti mole sepulcrum  
 Inponit suaeque arma viro, remumque tubamque,  
 Monte sub aërio, qui nunc Misenus ab illo  
 Dicitur aeternumque tenet per saecula nomen. 235

His aotis propere exsequitur praecepta Sibyllae.  
 Spelunca alta fuit vastoque inmanis hiatu,  
 Scrupea, tuta lacu nigro nemorumque tenebris:  
 Quam super haud ullae poterant inpune volantes  
 Tendere iter pennis (talis sese halitus atris 240  
 Faucibus effundens supera ad convexa ferebat!)

791 sq. : Odys. μ, 13 sq. : ω, 74 sq.  
 Verba ex Iliad. ε, 212 : Ἀντήρ ἐπὶ  
 κατὰ πύρ' ἔκταν, καὶ φλόξ ἀπαράσθη.  
 — 227. Rogum et cineres coospergunt  
 vinum ex more, quem nidor et calor  
 mittere debuit. *cadum* dixit pro urna :  
 φιάλην memoraverat Homerus II. ψ,  
 253 et λάβρα, ω, 795 de Achillis  
 cineribus, χρύσεον ἀμφορέα Od. ω,  
 74. *Corynaeum* vero nomen quoniam  
 poëtae omnia definite etiam per per-  
 sonas efferenda sunt. Nota urnam b.  
 l. ex aere : cuius generis non pauca,  
 in primis per Italiam inferiorem, re-  
 perta sunt in sepulcris, olim falso  
 Etrusca dicta. — 229. Exquisitius  
*circumferre socios unda*, quam *unda*  
*circa socios*. Lustratio haec facta fu-  
 ere solleus. *felix uliva*, quia etiam  
*infelix olivaster* Ge. II, 314 sterilis  
 et infestus. *novissima verba*; nota  
 res : *Vale, Ave*. — 232. *Inponit* pro  
 ponit, *facit* tumulum terra aggesta in  
 illo loco; fortasse heroico more, ἀμψί

πυρήν, io loco, quo rogas arserat;  
 ut videtur res apud Homerum animam  
 repraesentanda, ut tumulus fiat io  
 eo loco, io quo rogas fuerat, v. c. II.  
 ψ, 255, 256; η, 431. *ingenti mole*,  
 more veterum populorum plerorum-  
 que; unde disputata sunt tam multa  
 de tumulis barbarorum. — Tum huic  
 tumulo imponit *sua arma*, *remum-*  
*que tubamque*, solemniter more a multis  
 illustrato, etiam ex sepulcris. Conf.  
 Fabrett. ad Columu. Tris. p. 374.  
 Postea pro instrumentis his facile pu-  
 trescentibus et pereuntibus cippi ex  
 saxo istis instrumentis insculpti po-  
 siti. — 234. *monte sub aërio* : *Iliaco-*  
*que iugum memorabile rem*, de Mi-  
 seno Statius III Silv. 5, 98 et de El-  
 penore sum Hom. Od. μ, 14, 15.

236 sqq. Nunc ad aeternum Maenibus  
 faciendum se accingit Aeneas ex prae-  
 cepto. — v. 153. *spelunca Averno* im-  
 mineos (hinc *tuta lacu*) et alia, quam  
 quae supra v. 42 memorata est. v. 40

Vnde locum Graii dixerunt nomine Aornon.  
 Quatuor hic primum nigrantis terga iuencos  
 Constituit frontique invergit vina sacerdos  
 Et summas carpens media inter cornua saetas 245  
 Ignibus inponit sacris, libamina prima,  
 Voce vocans Hecaten Coeloque Ereboque potentem;  
 Supponunt alii cultros tepidumque cruorem  
 Suscipiunt pateris. Ipse atri velleris agnam  
 Aeneas matri Eumenidum magnaeque sorori 250  
 Ense ferit sterilemque tibi, Proserpina, vaccam;  
 Tum Stygio regi nocturnas inchoat aras  
 Et solida inponit taurorum viscera flammis  
 Pingue super oleum infundens ardentibus extis.

*lantes, volucres.* Sic III Ge. 147, *Plurimus volitans*. — Versus 242 epica gravitate indignus et suspectus (cf. ad I, 409, ubi simile iudicium vides. Quam medic. codex a prima manu hunc versum habeat, epicam gravitatem non cura versumque pro genuino habeo: quare obelo expuosi. R. Idem statuo. B.) Sacrum parat sub ipsum speluncæ ingressum. — 243 sq. Totus hic sacrificii diis inferis facti apparatus apud plures poetas occurrit, ductus ex Homero pluribus locis: imprimis Od. x, 317; λ, 25. *Invergit* signantius et elegantius quam infundit; nihil amplius. *Et summas carpens* pertinet ad Homericum: Ἀλλ' ὁ, τ' ἀπαρχόμενος κτεράλῃς τριχας ἐν πυρὶ βάλῃ. Iam inter victimæ consecrationem, quæ sit vino in caput libato et pilo tamquam pro ἀπαρχαῖς evulso et erenato, concipiuntur preces, v. e. Od. γ, 445, 446. Itaque h. l. subicitur: *Voce vocans Hecaten*. — 248. *Supponunt cultros*, subiectis, admotis infra sub iugulo, ut Ge. III, 492, *suppositi cultri*, ex

religione in sacris inferis notissima, ut prona et cernua mactaretur victima diis inferis. Mox *suscipiunt* Pompon. Sab. s antiquum verbum est s scilicet pro *excipiunt* vulgari. Sic. I, 475. — 250. *Mater Eumenidum*, Nox (inf. XII, 816. Arschyl. Eumen. 322) et Noctis soror, Terra, ut Servius notavit; ideoque ex Chao. Ipsi Eumenidibus sacrum facit Scipio loco hinc expresso Silius X, 429 sqq. — *sterilem vaccam*, ex religionis præscriptio, στείραν βούην Od. λ, 30. — 252 *nocturnas aras* simpliciter, quia sacrum noctis fit; ut diis inferis fieri fas erat. — *Inchoare* verbum sacerorum esse Servius tradit: saltem exquisitè positum pro *facit*. *Aras* autem puta in scrolæ excisam, ut in sacris inferis; hinc *humiles aras* dixit Valer. Fl. III, 426. — 253. *solida viscera*, totam victimam. *Viscera* pro carnibus et crudis partibus etiam alias occurrunt; mox pro *libalem exta*: diis enim inferis sunt *holocausta*. Itaque ad flammam alendam oleum infunditur. Cf. Apollun. III, 4030 sq. 4190 sq.

Ecce autem! primi sub lumina solis et ortus 258  
 Sub pedibus mugire solum et iuga coepta moveri  
 Silvarum visaeque canes ululare per umbram,  
 Adventante dea. Procul o! procul este, profani,  
 Conclamat vates, totoque absistite luco;  
 Tuque invade viam vaginaque eripe ferrum; 260  
 Nunc animis opus, Aenea, nunc pectore firmo.  
 Tantum effata furens antro se inmisit aperto.  
 Ille ducem haud timidus vadentem passibus aequat.

Di, quibus imperium est animarum, Vmbraeque si-  
 Et Chaos et Phlegethon, loca nocte tacentia late, (lentes

255. Tempus a nocte media usque ad noctem extremam intelligendum esse et res et sacri huius mos docet. v. Silius XIII, 405, 413, 419. Apollon. III, 4190, 4028. cf. inf. ad 535. Quae autem sequuntur, terrae motus at inferarum caenum latratus alias signa esse solent Hecates adventus in sacris, quae ad Manes evocandos fiunt. Hic omne hoc rei miraculum non alio pertinere videtur, quod placatam esse sacro Hecateo Aeneamque adeo ad loca inferi admitti; uti ap. Orpheum ad solvenda claustra Inei, quo aureum vellus servatur, v. 983 sq.: et omnino ad placandam Hecatem ap. Apollon. III, l. c. Naque aliter quod de deorum inferorum venia acceptum esse locum a Fene-lonio, docet suavissima imitatio in Telemacho lib. XVIII, p. 423. Imitatus quoque locum est Dantes Infern. Cant. III, 430 sq. — *adventante dea* de Hecate esse intelligendum nihil est quod dubites, si modo caetera de his sacris loca poetarum consulas, v. c. Apollon. III, 4241 sqq. Theocrit. Idyll. II, 35, 36, 40—43. Quod *canes* nonnunquam de Furiis dictae sunt, huc non vocandum erat ab Intpp. Sunt canes Hecaten comitan-

tes, et passim in sacris magicis memorati. Ad *iuga silvarum* offendunt Intpp., sed sunt iuga montium silvis consita; nihil simplicius. Sic *dorsum nemorum* ap. Horat. *silvas iugosas* disit Ovid. Am. I, 4, 9. 258. *Procul o! procul*. An formula hac initiorum satis solenter hic poeta usus sit, dubito. Nemo enim sderat, qui amoveri posset, praeter socios Aeneas. De monstis inferis intelligit Cerda. At quis ea per *profanos* designata credat! Warburtono quidem res erat satis expedita, dum (quod verum. B.) initia Eleusinia hic expressa volebat. (Si haec verba pro formula exordii sacri sollempni accipere licet, qua nihil aliud nisi audientiam sibi vates facere velit, via est quod poetae solertiam reprehendas. Nec vates nosse forsitan poterat, an in Aeneae sociis nullus βίβλος s. ἀνάρτος, profanus versetur. R.) — Quae sequuntur de ense nudato, ea Homero mutuata sunt Odys. λ, 48 sq.

264 sq. Habet insigne vim ad animos excitandos et horrore quodam sacro imbuendos subita haec deorum inferorum at Manium appellatio. Ad sententiam cf. Senec. Herc. fur. 658 — 664. Chaos bene invocatur, ex quo



Sit mihi fas audita loqui; sit numine vestro 268  
 Pandere res alta terra et caligine mersas.  
 Ibant obscuri sola sub nocte per umbram  
 Perque domos Ditis vacuas et inania regna:  
 Quale per incertam lunam sub luce maligna 270  
 Est iter in silvis, ubi coelum condidit umbra  
 Iuppiter et rebus nox abstulit atra colorem.  
 Vestibulum ante ipsum primisque in faucibus Orci  
 Luctus et ultrices posuere cubilia Curae,  
 Pallentes habitant Morbi tristisque Senectus 275  
 Et Metus et malesuada Fames ac turpis Egestas,  
 Terribiles visu formae, Letumque Labosque;  
 Tum consanguineus Leti Sopor et mala mentis

Nox nata et Erebus. *Phlegethon* omnino pro locis inferis, sed ad terrorem nominatus praeceteris. Cf. *Inf.* 550 sqq. *Sit numine vestro*, voluntate, *pandere*, liceat per numen vestrum; quantum ad vos attinet; h. e. cum venia vestra. — 268. *obscuri*, poetico ornatu translatum epitheton ab umbra vel nocte. *domos simpl.* pro locis. *incertam lunam*, núbilo coelo, unde lux maligna, parca, infirma ac tenuis; ut contra *benignus* interdum largus, multus. *Incerti soles* sup. III, 203, 204. *αἰὲν ὁρατόν* apud Apollon. IV, 1697.

273—287. Ingeniose in faucibus et aditu locorum inferorum constituta ea, quae vel morti sunt vicina vel in morte sunt. Cf. Serv. Imitatores loci iam excitavit Cerdas Silium (XIII, 579 sqq.), Senecam in Herc. fur. (680 sqq.), Claudian. in Ruf. (I, 29 sqq.); et recentioribus Spenserum, ubi Mammonae antrum describit (*Fairy Queen II B. Canto VII. XXI*), et Miltonum (*Paradise lost B. I, 624*) Spensius. Iage-

niosa Fenelonii est ratio, qui Plutonis throno assidentia haec monstra exhibet. Praeivit Hesiod. in Theog. 744 sq. Observemus porro ex eodem Servio ad h. l. *Oreum*, h. e. Plutonem, ut *Αἰθρῶν* pro loco ponit sic, ut Iovem pro aëre. Curae, angore, conscientiae, ut bene Serv. laudato noto Ioven. XIII, 493 sq. *quos diri conscia facti mens habet attonitos et nudo verberare caedit*. — Tum 276 *malesuada Fames*, quae suadet rapinas, scelera. Eurip. Electra 375: ἀλλ' ἔχει νόσον πύλα διδάσκει δ' ἄνδρα τῇ χερσὶ ζῆλον. Et huius generis plura ap. Euripidem. Silius in l. c. XIII, 585. *Et deforme malum ae* (quod melius abest) *sceleri proclivis Egestas*. Praeivit Homerus Od. ρ, 286, 287 et σ, 53, 54. *turpis Egestas*, deformis, sordida; unde *Terribiles visu formae* adiectum. Imitator loci Seneca Herc. fur. 691 *Famesque tabido rieta*. Comparant Intpp. Lucret. (III, 65 sq.). — 278. *consanguineus Leti Sopor* ex II, 5, 231. *Ἰνός καὶ γυναικὸς θανάτου*. Etiam Hesiodo Theog. 756 sqq.

Gaudia mortiferumque adverso in limine Bellum,  
Ferreique Eumenidum thalami et Discordia demens, 280  
Vipereum crinem vittis innexa cruentis.

In medio ramos annosaque brachia pandit  
Vlmus opaca, ingens, quam sedem Somnia volgo  
Vana tenere ferunt, foliisque sub omnibus haerent.  
Multaque praeterea variarum monstra ferarum, 285

*Somnus et Mors Nocte matre editi-  
mula nectis Gaudia* ideoque talis  
mentis, quae et ipsa mala et aelestia  
est, quae gaudet sceleribus. Argu-  
tatur in epitheto Seneca Ep. 59, 2.  
(qui tamen Stoicam ad significatio-  
nem haec revocat ac iudicat. R.) —  
*adverso in limine.* Bellum in ipso  
limine (cum Furiis et Eride), quo-  
niam nulla maior est causa, ait Serv.  
nimis argute; repetit poeta, quod  
supra posuerat: *prima in faucibus  
Orci.* — 280. *thalami*, ut apud Ho-  
merum, *Σάλας*, cubicula, ferreis  
claustris seu foribus. Ita Νυκτὶς πα-  
ιδὶς ἱστῶν; οἶν' ἔχουσαν in foribus  
Tartari, ap. Hesiod. loco modo laud.  
v. 758. Cogitandum autem de servo-  
rum ianitorum cellis. Enimvero *Tini-  
phone cum Sororibus* non minus infra  
v. 570 sq. in *aditu Tartari* collocata  
memoratur. Non habeo, quod satis  
commode ad hanc difficultatem re-  
spondeant. Dicere enim eas hic ha-  
bere suas sedes et per alia loca discer-  
sitare fortasse ieiunum sit. An Eu-  
menides alias esse voluit quam Fu-  
rias? Idsioe exemplo feret. Expedi-  
ratio apud Ovidium est IV Met. 452  
sq., ubi illae etiam *ante fores*, sed  
Tartari, sedent. Tertia aliqua eorum  
sedes occurrit, inf. XII, 849, 850,  
ubi *in limine regiae Iovis* easdem  
satellitum loco caubare dicuntur,  
aliorum poetarum more. Sed poetae.

licet diversi in locis diversa sequi  
mythos, modo nihil inest, quod prae-  
sentem fructum et voluptatem loci,  
in quo lector versatur, turbet et in-  
tercipiat.

282 sq. Mirum phantasma, quod  
Somnia sedem assignat in ulmo. Sed  
diis alatis, levibus, vagis bene ea  
convenit, et commentum substatum  
poetae suspicio ea Homero II. 5, 286  
— 291, ubi Somnus a Iunone adduc-  
tus in arbore consistet, donec Iovem  
possit opprimere. Aliis in aditu Orci  
Somnia collocare solenne est poetis.  
Odys. ω. 42, παρ' Ἡλίου πύλας (oc-  
cidentis Solis) habitat ὄψμις Οὐρίων.  
volgo, passim, catervatim, ut bene  
Serv. (fortasse volgo melius cum  
ferunt iunxerit. R.) — Eandem arbo-  
rem satia commode in taxum et se-  
dem bubonum, atrigum et Harpyia-  
rum mutavit Silius XIII, 595 — 600:  
item Seneca Herc. fur. 690. — 285.  
A Somniorum ludibriis facilius fuit  
poetae ingenio progressus ad phan-  
tasmata et monstra. Sed ea iam anti-  
quiores in his locis collocasse ea Ari-  
stophane colligo in Ranis 443, Μῆνι  
ταῦτ' (Charontem narraverat) ὄψμις  
xxi ἔμπρ' ὄψμις κρυφαὶ Διμύσταται. Est  
locus de Bacchi descensu ad inferos.  
Adde v. 280 sqq. 475 sq. cf. de Hec-  
culis descensu inf. Aen. VIII, 296 sq.  
(Nec abludit ab hoc more monstra  
talja in locis inferis collosandi etru-

Centauri, in foribus stabulant, Scyllaeque bifformes  
 Et centumgeminus Briareus ac bellua Lernae  
 Horrendum stridens flammisque armata Chimaera,  
 Gorgones Harpyiaeque et Forma tricorporis umbrae.  
 Conripit hic subita trepidus formidine ferrum 290  
 Aeneas strictamque aciem venientibus offert,  
 Et, ni docta comes tenuis sine corpore vitas  
 Admoneat volitare cava sub imagine formae,  
 Inruat et frustra ferro diverberet umbras.

Hinc via, Tartarei quae fert Acherontis ad undas: 295  
 Turbidus hic coeno vastaque voragine gurgis

sea et graeca antiquior per Italiam religio. Cf. Bottigieri Vasengemalde I, 3. pag. 89 R.) — 286. in foribus stabulant, accommodate ad feras, pro sunt in primo aditu. *Scyllae bifformes*, imperne specie puellari, quae in bellum marinam desinit. v. ad Ecl. VI, 74. Ergo h. l. plures Scyllae ponuntur recte; plura monstra Scyllae, ut Statius eloquitur Silv. V, 3, 280. Nec assumenda est altera, Nisi fil. Praeivit Lucret. V, 890, 891. IV, 737. Locum videbis expressum a Tasso Gerusol. lib. IV, st. 5. — 287. *Briareus centumgeminus*, ut trigemini pro trinis, centumplex; sive ut ἐκπύργιστον dicere vellet ex II. a, 402—404, sive centum manuum respectu, ut Aegaeonein inf. X, 565 sq. — 289. *Gorgones* in Hade iam in Odys. λ, 632, ubi Ulysses metuit, ne Gorgon sibi occurrat. Fugat Gorgonem Hercules ap. Apollod. II, 5, 42. p. 424. Vnde apparet, simpliciter terroris symbolum forma ac specie aliqua expressum Gorgonem fuisse. — *Forma tricorporis umbrae* ornate, pro tricorpore Geryone: τριπύργος ap. Aeschylum Agam. 819. Imitatum etiam hoc in loco habuit Virgi-

lius Silium XIII, 587 sq. Harpyiis fugandis Ariostus ad Orci ingressum adduxit Astolphum suum. (Orlando furioso, canto XXXIII et XXXIV.) — 290 sq. ad ductum Homeri l. c. Od. x, 535 sq. λ. 48 sq. cf. ibid. 218 — 221. add. Apollon. I, 4250. — offert, exquirite pro intental, et tenues vitas, αἰσῶντα vita utentia, animas. Non admodum diversae tenues vitas dixit in ortu animarum Ge. IV, 224. — sine corpore vero; habebant tamen corporum speciem, corpora tenuis, umbratica, αἰσῶντα: hinc mox v. 303 corpora; sed non corpora viva v. 391. — cava sub imagine formae, sub cava forma corporis, h. e. inani, non solida. Sic lib. II, 360, cavae umbrae.

295 sq. Non subtiliter et ad historici diligentiam nomina fluminum inferorum posuit Virgilius, sed poetae more ea variavit. Acherontem appellat, qui fere Styx esse solet; etiam flumen mox lacum et paludem. (Fortasse Sophocl. Antig. 810 sq. nostro observabatur. R.) Porro Acheron h. l. in Cocytum immittit se; contra quam Homer. Odys. x, 513 sq. facil. coeno, mox arena; non diver-

**Aestuat** atque omnem Cocyto eructat arenam.  
**Portitor** has horrendus aquas et flumina servat  
**Terribili** squalore Charon, cui plurima mento  
**Canities** inculta iacet; stant lumina flamma; 300  
**Sordidus** ex humeris nodo dependet amictus.  
**Ipse** ratem conto subigit velisque ministrat  
**Et** ferruginea subveclat corpora cymba  
**Iam** senior; sed cruda deo viridisque senectus.  
**Huc** omnis turba ad ripas effusa ruebat, 305  
**Matres** atque viri defunctaque corpora vita  
**Magnanimum** heroum, pueri innauptaeque puellae  
**Inpositique** rogis iuvenes ante ora parentum:  
**Quam** multa in silvis autumnii frigore primo  
**Labsa** cadunt folia aut ad terram gurgite ab alto, 310

*sum. Aestuat* simpl. pro fluit; nisi, quia voricosus amnis est: conf. v. 107. — *Cocytus eructat*, in Cocytum. Ex h. l. Statius IV Theb. 522, *liventes Acheron eructat arenas*. — 298-304. Ornate singuli; et ex h. l. alii Charontem exhibuerunt, ut Seneca Herc. fur. 764-769. — *stant lumina flamma* pro vulgari: flamma stat, est in oculis: sunt lumina flammaea. Vestitum naucleri v. 304, lacernam, pallii genus, Plautinus locus illustrat in Milie (Act. IV, Sc. 4, 41-45), ubi palliolum ferrugineum connexum in humero laevo expapillato brachio. — *nodus* est seu proprie seu tibulae. Cf. ad Aen. I, 320. IX, 776. — 302. *subigit*, ut Ge. I, 201, 202. — *velis ministrat* etiam inf. X, 218, h. e. ministerium praestat, operatur, velis; vela curat. *Ministerium* omnino voc. servile et nauticum. Heinsius mavult iungere: *ministrat ratem velis*, ut ap. Valer. Fl. III, 38. *ferruginea cymba* est *κυνία*, colore ni-

gricante ex imbris aquisque contracto (Sophocl. Antig. 954 *κελαινὰς ὕδης* conferantur. R.) *cruda* (vigens) *senectus* frequentatum iam Graecis *ὤμου γῆρας ὠμότης*. — 305-308 lucunda enumeratio, in primis v. 308, adumbrata ex Odys. λ, 38-41, in quo suaviore *Παρασκευαί τ' ἀπαιαί, νεοπενδία θυρῶν ἔχουσιν*. Occurrit eadem Ge. IV, 475-477; sed ornata ibi comparatione paullo immutata v. 473, 474: *Quam multa in foliis avium se millia eondunt, Vesper ubi aut hibernus agit de montibus imber*. — 309 sqq. Comparatio duplex multis post Virgilium frequentata, veteribus et recentibus, fluxit ex Homero, altera Odys. I, 51, 52. Iliad. β, 494, 492 et 800; cf. Apollon. IV, 216, 217, altera ex Il. γ, 3 sqq. et Il. β, 459 sqq. Ad *quam multa* supple animo *tanta turba* ex vs. 305. *ad terram* v. 310 de calidioris plaga accipio, quam volatus trans mare petierant; ut v. c. de Ae-

Quam multae glomerantur aves, ubi frigidus annus  
 Trans pontum fugat et terris inmittit apricis.  
 Stabant orantes primi transmittere cursum  
 Tendebantque manus ripae ulterioris amore;  
 Navita sed tristis nunc hos nunc adcipit illos, 315  
 Ast alios longe submotos arcet arena.  
 Aeneas (miratus enim motusque tumultu)  
 Dic, ait, o virgo! quid volt concursus ad amnem?  
 Quidve petunt animae? vel quo discrimine ripas  
 Hae linquunt, illae remis vada livida verrunt? 320  
 Olli sic breviter fata est longaeva sacerdos:  
 Anchisa generate, deum certissima proles,  
 Cocyti stagna alta vides Stygiamque paludem,  
 Di cuius iurare timent et fallere numen.  
 Haec omnis, quam cernis, inops inhumataque turba est;

gypto narratur, quo sub hiemis initium ingentia agmina avium e nostris terris advolant. — 311. *frigidus annus*, χειμὼν, frigida anni pars, autumnus hiemsque.

313. *transmittere cursum*, h. a. transire. De hoc nemo dubitet. Sed quomodo dictum hoc? Figura graeca est, ait Servius. Scilicet vulgari more: *transmittimus* (nos trans) *amnem cursum*, h. e. navigatione, πρὸς τὴν, tum vero doctius: ipse *cursum transmittitur*. Ita πρὸς ὅμας τὸν πλοῦν. *submotos arcet* in litore, plenius pro *submovet*. — 320. *Ripas hae linquunt*, recedunt non admissas in cymbam. Necesse non est, ut ipsae animae remigent, quod apud Lucianum faciunt aliquoties animae Charontis iussu; nam simpl. dictum esse potest pro: navigant trans fluvium, ut et inf. 411, *per iuga longa sedebant animae* tamquam vectores locis assignatis. — *longaeva*: nota fabula de Sibylla ab Apolline amata, dei munere tot annos, quot arc-

nulas manu hauserat, necta. — 322. *certissima*, quod concessu aditu ad inferos cognitum; sup. 130, 131. Nam pauci dii geniti ex inferis redire potuerunt. — 323. *Cocytum et Stygem* appositione sermonis usus dixit, etiam vere diversi amnes. Iam v. 324 *Di cuius* ex Od. a, 185, 186. — *iurare et fallere*, priore. — 325-336. Bona religio ex Orphica disciplina ad inflectendos ferorum hominum animos inventa, ut humanitatis sensum iustorum persolvendorum necessitas consecrata escitaret; qui primus humanioris cultus gradus est. — 325. *inops*, cui nemo opem tulit, iusta persolvit. Nam videtur arguari Servius, qui ab Ops terra ductum *insepultum* apud veteres significasse narrat. *ripas et fluvia transportare*, ut vulgare traicere, scilicet navem trans amnem. De re ll. φ, 71-74. — *Cantum errant amos*. Nescio, an de suo posuerit Virgilius animas insepultorum per C. amos errare non admissas,

Portitor ille Charon; hi, quos vehit unda, sepulti. <sup>326</sup>  
 Nec ripas datur horrendas et rauca fluenta  
 Transportare prius, quam sedibus ossa quierunt.  
 Centum errant annos volitantque haec litora circum:  
 Tum demum admissi stagna exoptata revisunt, <sup>330</sup>  
 Constitit Anchisa satus et vestigia pressit,  
 Multa putans sortemque animo miseratus iniquam.  
 Cernit ibi maestos et mortis honore carentis  
 Leucaspim et Lyciae ductorem classis Orontem,  
 Quos simul a Troia ventosa per aequora vectos <sup>335</sup>  
 Obruit Auster aqua involvens navemque virosque.

Ecce gubernator sese Palinurus agebat,  
 Qui Libyco nuper cursu, dum sidera servat,  
 Exciderat puppi mediis effusus in undis.  
 Hunc ubi vix multa maestum cognovit in umbra, <sup>340</sup>  
 Sic prior adloquitur: Quis te, Palinure, deorum  
 Eripuit nobis medioque sub aequore mersit?  
 Dic age. Namque mihi fallax haud ante repertus  
 Hoc uno responso animum delusit Apollo,  
 Qui fore te ponto incolumem, finisque canebat <sup>345</sup>  
 Venturum Ausonios. En, haec promissa fides est?  
 Ille autem: Neque te Phoebi cortina fefellit,  
 Dux Anchisiada, nec me deus aequore mersit:

ut trahantur. *stagna revisunt*; cum ante relecti, summioli recessissent; nunc admissi et recepti visunt stagna, trahuntur. Mox ad v. 332 miro acumine Servius: Bene animo, quasi rei praesago; ipse enim Aeneas insepultus in celis, ut IV, 620, *mediisque inhumatus arena*. — 333-336. De his v. sup. I, 143 sqq.

337 sqq. Palinurus manifeste ex Homérico Elpenore adumbratus Od. λ, 51 sqq. *Libyco cursu*, navigatione de Carthagine, post discessum lamen

e Sicilia; haud longe a Sirenuasis insulis. v. sup. V sub f. — 340. *in umbra*, quod v. 452 *adgnovitque per umbras*. — 344. *Ἀπόλλων ἀφ' οὐδ' ἑς τὸ πρῶν* ex Aeschylō laudant. — 346. cf. Iliad. μ, 461. *promissa fides*, eventus. *Fides* apud poetas de certo eventu oraculorum, quibus deus fidem suam obstrinxit; quae praeserta in veritatem et eventum certum abit. — 348. *deus* s. idem Apollo s. omnino numen, deus aliquis, *me non mersit*, submersit, quia ad Italiae litus enata-

Namque gubernaculum multa vi forte revolsum ,  
 Cui datus haerebam custos cursusque regebam , 350  
 Praecipitans traxi mecum. Maria aspera iuro  
 Non ullum pro me tantum cepisse timorem,  
 Quam tua ne spoliata armis , excussa magistro ,  
 Deficeret tantis navis surgentibus undis.  
 Tris notus hibernas inmensa per aequora noctis 355  
 Vexit me violentus aqua ; vix lumine quarto  
 Prospexi Italiam summa sublimis ab unda.  
 Paullatim adnabam terrae : iam tuta tenebam ,  
 Ni gens crudelis madida cum veste gravatum  
 Prensantemque uncis manibus capita aspera montis  
 Ferro invasisset praedamque ignara putasset. 361  
 Nunc me fluctus habet versantque in litore venti.  
 Quod te per coeli incundum lumen et auras ,  
 Per genitorem oro , per spes surgentis Iuli :  
 Eripe me his , invicte , malis ; aut tu mihi terram 365  
 Iniice , namque potes , portusque require Velinos ;  
 Aut tu , si qua via est , si quam tibi diva creatrix  
 Ostendit ( neque enim , credo , sine numine divom

rem , ut v. 356 addit. De reliquis cf. V, 857 sqq. — 349. Cogitandum Palinurum gubernaculo secum avulso insidentem natasse. Suavis autem fidei et amoris afflectus in sqq. *Maria aspera iuro* etc. — 352. *pro me* , de me. — 353. *armis* pro gubernaculo h. l. , *excussa magistro* exquisitior ratio pro vulgari : *magistro excusso* , translato verbo ad locum , unde melio sit. — 355. Comparant locum de Ulysse Od. x, 388 sqq. *summa sublimis ab unda* , ibid. 393. *πρὸς δὲ τὸν κύματος ἀπ' οὐρα*. 359 sqq. Palinurus navi excussus ad litus Lucaniae enalaverat ; sed a barbaris occisus promontorio nomen Palinurum dedit. *cum veste* : aut ut ea

et ipse undis haustis gravaretur , aut ut cum abundet , ut interdum in poetis solet.

360. Ab Homérico Ulysse Odys. x, 428, 434. Quod hic Lucani faciunt , idem Laestrygonibus circa Formias tribuerat Homerus Odys. x, 118. — 362. *me* corpus esse facile vides. Notissimum αὐτοῦς δὲ ἰδόμεν τεύχε νόστον. — 363 sqq. adumbrati ex Il. λ, 66 sqq. de Elpenore. — 364. *surgentis Iuli* ut iam IV, 274. *portus Velinos* per prolepsin dictos a Velia in iisdem locis ad Palinurum prom. aliquando condenda. — 367. *Divae creatrix* etiam VIII, 534 mater Aeneae , Venus ; ut *creata* pro *parere*.

Flumina tanta paras Stygiamque innare paludem),  
 Da dextram misero et tecum me tolle per undas, <sup>370</sup>  
 Sedibus ut saltem placidis in morte quiescam.  
 Talia fatus erat, coepit quum talia vates:  
 Vnde haec, o Palinure, tibi tam dira cupido?  
 Tu Stygias inhumatus aquas amnemque severum  
 Eumenidum adspicies ripamve iniussus obibis? <sup>375</sup>  
 Desine fata deum flecti sperare precando.  
 Sed cape dicta memor duri solatia casus.  
 Nam tua finitimi longe lateque per urbes  
 Prodigiiis acti coelestibus ossa piabunt  
 Et statuent tumulum et tumulo sollempnia mittent, <sup>380</sup>  
 Aeternumque locus Palinuri nomen habebit.  
 His dictis curae emotae pulsusque parumper  
 Corde dolor tristi; gaudet cognomine terra. —

Ergo iter inceptum peragunt fluvioque propinquant.  
 Navita quos iam inde ut Stygia prospexit ab unda <sup>385</sup>  
 Per tacitum nemus ire pedemque advertere ripae,  
 Sic prior adgreditur dictis atque increpat ultro:  
 Quisquis es, armatus qui nostra ad flumina tendis,  
 Fare age quid venias iam istinc, et conprime gressum.  
 Vmbrarum hic locus est, Somni Noctisque soporae;

369. *innare*. docius quam ingredi flumen, adire, navigare per flumen. — 371. *sedibus* de recepta in locis inferis umbrâ: v. ad v. 452. nunc *saltem*, quia nautae semper vagantur, ut Servius bene monet. Versus 370 ex Iliad. φ, 75 subnatus: καὶ μοι δὲς τὴν χεῖρ', Ὀδυσσεύης, Patrocli umbra. — 374. *amnem severum* (h. e. tristem, horrendum) Eumenidum ducta dixit, eodem modo ac si deorum inferorum, Proserpinae vel Hecatae, appellares. — *ripam obibis* pro accedes, pervenies ad ripam alteram. — 377. *cape memor*, tene

memoria. — 378. *Nam*, ut γὰρ ab initio orationis pro δῆ, *sane*, scilicet. Cum a barbaris, Lucanos edunt, qui serius ea loca incohererent, occisus esset Palinurus, postea ii pestilentia laborantes a deo consulto responsum acceperunt placandos esse Palinuri Manes. *sollempnia* mittent, τιμὰς χοῆς, ἱπῆς et similia; inferias ferent. — 384-416. Charon umbras, non corpora vehere solitus aegre, ut Aeneam transiebat, adducitur. — 384. (*Ergo*. Tali modo re perfecta, absoluta. R.) — 385. *ab unda*, medio amne, cf. 410. — 392 sq. Homeri-



Corpora viva nefas Stygia vectare carina. 391  
 Nec vero Alciden me sum laetatus euntem  
 Adcepisse lacu, nec Thesea Pirithoumque,  
 Dis quamquam geniti atque invicti viribus essent.  
 Tartareum ille manu custodem in vincla petivit 395  
 Ipsius a solio regis traxitque trementem;  
 Hi dominam Ditis thalamo deducere adorti.  
 Quae contra breviter fata est Amphrysia vates:  
 Nullae hic insidiae tales (absiste moveri)  
 Nec vim tela ferunt. Licet ingens ianitor antro 400  
 Aeternum latrans exsanguis terreat umbras;  
 Casta licet patruī servet Proserpina limen.  
 Troiūs Aeneas, pietate insignis et armis,  
 Ad genitorem imas Erebi descendit ad umbras.

cum: Οὐ δ' ἔφατ' τὸ γε ἰδὼν γάθον  
 Ἀχιλλεύς. Servius: «Lectum est  
 » et in Orpheo, quod, quando Her-  
 » cules ad inferos descendit, Charon  
 » territus eum statim suscepit. Ob  
 » quam rem anno integro in compe-  
 » dibus fuit. Ideo ergo non laetatus,  
 » scilicet propter supplicium suum. »  
 Bona nota. Modum loquendi ab Ho-  
 mero petiit. Od. μ, 88 de Scylla:  
 Οὐδέ τί τις μιν Ἰνδύουσι ἰδὼν,  
 οὐδ' εἰ θεὸς ἀντίστυν. Similitudinem  
 habet aliquam excusatio Somni cum  
 subiuncta narratione ap. Hom. II, ξ,  
 249 sqq. — (lacu, i. e. in Styge, in  
 cymba mea. R.) — 392. euntem,  
 ἰόντα pro ἰδόντα, adeuntem loca in-  
 fera, (et quidem adhuc vivum. R.)  
 — Dis geniti. Theseus a Neptuno,  
 Pirithous a Iove; vide v. c. II, ξ,  
 317, 318 et al. — 395, 396. Fundus  
 fabulae II, δ, 367 sqq. Variè autem  
 a poetis tractatus fuit Hercules ad in-  
 feros descensus. Cf. v. c. II, s, 395  
 sqq. Apollod. II, 5, 12 et ibi Not. —  
 397. dominam, δέσποιναν, proprie de

Proserpina. Alias dictum esset, ut  
 apud Homerum passim εἰλας δέσ-  
 ποιναν. — 398. Amphrysia vates. Longe  
 petiit epitheton eum Servio vocat  
 Burmannus. Enimvero cur tam longe  
 petunt, ab Amphryso, Thecaliae fl.,  
 ad quem Apollo pavit greges? (v.  
 Callim. H. in Ap. 48. et sup. Georg.  
 III, 2), cum alia esset Amphrysus  
 (v. Steph. Byz. h. v.) vel Ambrysus  
 in Phocide in Delphorum vicinia ut  
 ideo idem ait ac Delphica vates, Cir-  
 rhaea vates. absiste, noli moveri. —  
 Mox 402 uoc, ne Cerberus abducatur  
 aut Proserpina rapiatur, verendum  
 tibi est. servet limen. Mira commini-  
 scitur Cerda. Servat domum, limen,  
 thalamum ex veteri (in primis Grae-  
 corum, ubi mulieres κατὰ λίσσας et  
 θαλαμώματα laudantur. R.) vivendi  
 ratione mulier casta, frogi, quatenus  
 conspectum virorum fugit, intra do-  
 mum se continet, in publicum non  
 prodit. Conf. inf. VII, 52, 53. licet  
 terreat, servet; per nos, per Aeneam  
 licet; Cerberus intactus maneto cum

Si te nulla movet tantae pietatis imago; 403  
 At ramum hunc (aperit ramum, qui veste latebat)  
 Adgnoscas. Tumida ex ira tum corda residunt.  
 Nec plura his. Ille admirans venerabile donum  
 Fatalis virgae, longo post tempore visum,  
 Caeruleam advertit puppim ripaeque propinquat. 410  
 Inde alias animas, quae per iuga longa sedebant,  
 Deturbat laxatque foros: simul adcipit alveo  
 Ingentem Acnean. Gemuit sub pondere cymba  
 Sutilis et multam adcepit rimosa paludem.  
 Tandem trans fluvium incolumis vatemque virumque 415  
 Informi limo glaucaeque exponit in ulva.

Cerberus haec ingens latratu regna trifauci  
 Personat, adverso recubans inmanis in antro.  
 Cui vates horrere videns iam colla colubris  
 Melle soporata et medicatis frugibus offam 420  
 Obiicit. Ille fame rabida tria guttura pandens

Proserpina: h. e. nec cum Hercule Cerberum abducturi nec cum Theseo Proserpinam descendimus. — *pietatis imago*, cogitatio. — 407. Viso ramo aureo Charon placatur; nec illa plura hia addidit.

409. *fatalis*, quam nemo decerpere poterat, nisi cui solo concessum erat; v. sup. 146, 147. *longo post tempore*: igitur Hercules et Theseus cum ramo aureo venerant. — 411. *iuga longa*, ζυγά, transtra; h. l. vectorum, ἰμψατοῦν, sedilia. *laxatque foros*, tabulata vacuat. Serv. uti multitudine dicitur arioni locus. Egrégie autem Charontis feroa ac durum ingenium declaratum. — *Ingentem Acnean*; quis dubitari posse putet, an ad corporis magnitudinem referendum sit? Ita de heroibus ubique Homerus et poetae, ut ipsa exempla a Cerda allata satis decla-

rant. (Levibus umbris destinata cymba pondere Aeneae vix sufficit, gemuit. R.) — 414. *cymba sutilis* sive ex coriis sive vitillis et iuvoca (cf. Plin. H. N. XXVII, 40. bip. R.) Si Charontem Aegyptiorum in animo habuit, de papyracea cymba, *lavis Aegyptii* vocant, cogitare potuit. (V. Herodot. II, 66. B.)

417-425. Orci et Proserpinae palatio praece vitae more canis additus est custos iam apud Homerum II. 9, 366, ubi ille ex Erebo ab Hercule abductus, et ap. Hesiod. Θ, 769 sq. Apud eundem nomen ipsum Cerberi occurrit v. 314, non apud Homerum. Commenta de illo pleraque Heraclii debere videntur: vid. Apollod. II, 5, 12 et not. pag. 428 sqq. Schol. II. 9, 368. Dixit *trifaucem*, ut fuere similis *trifax*, *trilix*, *triceps*: ergo et trifaux fuit. Insurgit

Conripit obiectam atque inmania terga resolvit  
 Fusus humi totoque ingens extenditur antro.  
 Occupat Aeneas aditum custode sepulto  
 Evaditque celer ripam inremeabilis undae. 425  
 Continuo audita voces vagitus et ingens  
 Infantumque animae flentes in limine primo,  
 Quos dulcis vitae exsortis et ab ubere raptos  
 Abstulit atra dies et funere mersit acerbo.  
 Hos iuxta falso damnati crimine mortis: 430  
 Nec vero hae sine sorte datae sine iudice sedes.

nunc ille in Aeneam tamquam nondum fisco defunctum, novo exemplo loca infera adentem; itaque ille placatur. Diverse Cerberi placatio tractata est post Hesiodum Theog. 769 sqq. a Statio II Theb. 26-31. Mercurii enim virga contactu sopitur. At Virgilius Argonauticos scriptores ante oculos habuit, apud quos dracon aurei velleris custos ossa obiecta donatur, ut iam sup. IV, 486 vidimus, ubi ea draconi Hesperidum apponitur. Ossam 420 intellige *μαλτρούττα*, globulum ex pulve factum, sed admisto melle et papavere aliisque seminibus et succis ita temperatum, ut vim soporificam haberet; hinc *soporata* ipsa ossa, melle et *frugibus medicatis*: has de papavere plerumque videas exponi. Sunt tamen omnino grana et semina succis herbarum, quae vim aliquam v. c. in magicis rebus habent, *perfusa*. Hinc *resolvitur* somno corpus, *ἀναλύεται*, ut is, quem toto hoc loco ante oculos habuit, Apollon. IV, 450 *δολύχην ἀνελύει* *ἔκτανθαι*, et v. 424 *custode sepulto*, sc. somno. — Ad v. 423 cf. sup. III, 634, *iacuitque per antrum Immanis*, de Polyphemum. In ultimo versu *irremabilem* undam eo referunt

interpretes, quod non eadem via rediturus Aeneas. Cf. inf. 899. Argutius hoc quam necesse. Nativam Stygis communem exprimit epitheton *irremabilem*. (Transire, non redire hae undae animae possunt. R.)

426 sqq. Hinc ad 540 de prima locorum inferorum regione agitur. Sedem in ea habent umbrae, quae maturiore, quam natura fecerat, morte inferos adierant. — 430-433. Quid in his sedibus assignandis sequutus sit poeta, non liquet. Inter infantes et iniqui iudicio aut sua manu interceptos commune hoc intercedere videtur, quod mortem fatalem antevertunt et immatura morte obierunt innocui et insontes. Si eos adhuc haberemus auctores, fortasse Pythagoreos, quos poeta in h. l. sequutus est, melius nobis de toto hoc philosophemate constaret. De infantibus nonnulla *ὁὐκ ἔστιν ἀσκήματα* in mytho suo praetermittere se dicit Plato de Rep. XI sub fin. Hoc graviter subicitur, iudiciis horum insontium damnatorum retractari a Minos. — *Nec vero hae sine sorte datae sine iudice sedes*; non sine iudice sortito dato, sed iudicium sortito ditorum sententia. Non enim

Quaesitor Minos urnam movet; ille silentum  
Conciliumque vocat vitasque et crimina discit.

Proxima deinde tenent maesti loca, qui sibi letum  
Insontes peperere manu lucemque perosi 435  
Proiecere animas. Quam vellont aethere in alto  
Nunc et pauperiem et duros perferre labores!  
Fas obstat, tristisque palus inamabilis unda  
Adligat et novies Styx interfusa coercet.

Nec procul hinc partem fusi monstrantur in omnem  
Lugentes campi; sic illos nomine dicunt. 441

*sortem* da ipsa sententia accipi posse, docent sequentia. Sedet *quaesitor* seu iudex quaestionis ut Romae in causa capitali praetor, cui ea quaestio obligit, vel is, cui ille delegavit quaestionem; adsident ei *iudices selecti*, qui *sortitione nominum* e decuriis a iudice quaestionis lecta causae cuique contigerant. Hinc h. l. *quaesitor urnam movet*, sortitur iudices; tum citat reus ad iudicium: *silentium concilium vocat*, improprie pro his, qui die dicto in iudicio adesse debent, ut de his eogonascatur; *vitasque et crimina discit*, audita utriusque partis oratione et testibus interrogatis. Locus haud dubie inter eos numerandus, quibus poeta Homerum (v. Od. 2, 568-71) eo vicit, quod suorum temporum morem carmini intulit. Claudiani, Statii at Saeecae Here. fur. obviae sunt imitationes et a Cerda notatae.

434-439. Magnam ad miserationem extulit sortem miserorum, qui sibi ipsi violentas manus intulere, sed insontes, nullo crimine polluti, sed vitae tedio propter aerumnarum nolem, qui oppressos se videbant. Gravius illi puniuntur in *Dantis inferno*. v. *Cant. XIII.* — *proiecere animas*,

eum dilectus, quasi rem vilem, ut bene Servius. Convenit notum illud Ovidii: *Sanguinis atque animae prodige Galles tuas*. At illa facti poenitentiam declarantia: *Quam vellont aethere in alto*, at nota illa at a Luciano exagitata sententia Achillis duels Odys. 2, 489-491 vim habent nescio quam ad animi affectum. — 438. *Fas* h. l. iura inferorum; cum alias omnino ad iura divina at naturae spectet. *Styx novies h. e. saepius flexibus suis regna infera ambire dicitur*. Cf. Georg. IV, 480, ubi duo versus 438, 439 leguntur, et sup. ad v. 295 sq.

440. Omnino invito poeta assertum est nonnisi amantes feminas haec loca tenera. Ceterum de Eriphyles et Cenei amoribus in deperditis poetis fuisse videntur fabulae, quas nunc ignoramus (at, nisi hoc statuas, dicere sufficit miseras et miseros amore et misere vita defunctos idaeque lugentes h. l. produisse poetam, qui elegit, quae ipsi et suo saeculo plaueverint, ut poeta, non ut historicus. R.). Iam in his primis loco misere amantes: *Hic primo, quos durus amor*, Tum vero *His Phaedram P. etc.* Ante oculos vero habuit et expressit

Hic, quos durus amor crudeli tabe peredit,  
 Secreti celantur calles et myrtea circum  
 Silva tegit; curae non ipsa in morte relinquunt,  
 His Phaedram Procrinque locis maestamque Eriphylen  
 Crudelis nati monstrantem volnera cornit, 416  
 Evadneque et Pasiphaën; his Laodamia  
 It comes et iuvenis quondam nunc femina Caenis,  
 Rursus et in veterem fato revoluta figuram.

Inter quas Phoenissa recens a volnere Dido 450  
 Errabat silva in magna, quam Troius heros,  
 Ut primum iuxta stetit adgnovitque per umbras  
 Obscuram, qualem primo qui surgere mense  
 Aut videt aut vidisse putat per nubila lunam,  
 Demisit lacrimas dulcique adfatus amore est: 455

locum Homeri Odys. λ, 224 sq., 320 sq., ubi promiscue heroinae ex inferis prodeunt. Claras mulieres etiam Polygnotus in tabula sua Νεκρῶν exhibente pinxerat, apud Pausan. X, 28, 29, in his Phaedram, Procrin, Eriphylen. Praestant quoque versus Tibulli I, El. 3, 57, *Sed me quod facili*. Virgilianum locum disertius exornavit Ausonius in Cupid. crucif., sed desideres, ut elibi, in eo iudicii subtilitatem. Conf. quoque Propert. IV, 7, 59 sqq. Late vero patentes (*partem fuos in omnem*) campos facit, non, ut Intpp. volunt, multitudinis causa, quam excepturi sunt, sed ut solitudinem in iis, quam quaserunt, habeant emanantes. — 445. Alias nunc subiungit ποῖναι heroínas. Odys. λ, 320 Φαίδραν τε Πρόκριν τε Ἴδον, et vers. 325 στρυγερὴν τ' Εριφύλην, ἢ χερσὶν φίλου ἀνδρός ἰδίεζατο τιμάρτα. De his omnibus Apollod., Hygin. Diodor. Sic., Ovidii Metam. praeter Servium ad h. l., consulendos esse ut moncari necesse non est.

(*Phaedra*, Thesei uxor, quae ob amorem in privignum Hippolytum se ipsa interemit. Cf. Ovid. Heroid. VI.) Praeter illos tamen apponemus loca saltem classica. De *Procride* a marito suo suspicace Caphelo invito ἰντ-τῆ-ετα v. Met. VII sub f. De *Eriphylen* v. Od. o, 244 sq. Stat. II Theb. 299 sqq. IV, 487 sqq. necisā ab Alcmaeons filio; v. Apollod. III, 6, 2, 7, 2 et 5. cf. ibi Not. et de *Evadne* Capanei uxore Eur. suppl. 990 sqq. *Laodamia* Protesilai uxor vel ex Luciani DD. Mort. et ex Ovid. Ep. XIII nota est; et de *Caeneo* v. Met. XII Ovid. 471 sqq.

450 sqq. Episodiu de *Didone* merito suo laudatissimu ad Homeri ductu de Aiacē Iliad. λ, 542 sqq. effluxit. — 452. Suavis comparatio Didonis aegre per umbram visae cum nova luna, petita ab Apollon. IV, 4479, 4480: Visus est Lynceus Herculem procul videre, ὡς τις τε νέφ' ἐνὶ ἤματι (nosier: *prima mensis*, nova luna) μήνην ἢ Ἴδον ἢ ἐνὶ οὐρανῷ ἑστῶσαν.

„ Infelix Dido, verus mihi nuntius ergo  
 Venerat extinctam ferroque extrema secutam?  
 Funeris heu tibi caussa fui? Per sidera iuro,  
 Per superos et, si qua fides tellure sub ima est,  
 Invitus, regina tuo de litore cessi. 460  
 Sed me iussa deum, quae nunc has ire per umbras,  
 Per loca senta situ cogunt noetemque profundam,  
 Imperiis egere suis; nec credere quivi  
 Hunc tantum tibi me discessu ferre dolorem.  
 Siste gradum teque adspectu ne subtrahe nostro. 465  
 Quem fugis? extremum, fato quod te adloquor, hoc est.,  
 Talibus Aeneas ardentem et torva tuentem  
 Lenibat dictis animum lacrimasque ciebat.  
 Illa solo fixos oculos aversa tenebat,  
 Nec magis incepto voltum sermone movetur, 470  
 Quam si dura silex aut stet Marpesia cautes.  
 Tandem conripuit sese atque inimica refugit  
 In nemus umbriferum, coniunx ubi pristinus illi  
 Respondet curis aequatque Sychaeus amorem.  
 Nec minus Aeneas casu percussus iniquo 475

χλόνουσαν ἰδούσας. — 456. nuntius ex  
 flammis luceotibus sup. V, pr. —  
 459. si quae fides, si quid apud in-  
 feros aliud, quod fidem facere iu-  
 rantis potest: id enim et ipsam fides  
 dici solet, ut sup. II, 142. — 460.  
 Virgilio comparat non male quoad  
 verba Catulli versum de Coma Bere-  
 nices: *Invita, o regina, tuo de ver-  
 tice cessi*. — 462. nix est incultae  
 telluris horror: itaque h. l. αὐχμηράν  
 χάραν intelligit; exprimit enim Ho-  
 mericum Αἰδώς δόμον εὐρώεντα —  
 465. *Siste gradum*. Hec vero prae-  
 clare ex Od. λ, 566 et omni oratione  
 disertius mox silentium ex v. 562,  
 quem iam Longius § 9 iudicium no-

bilisavit. Ad v. 466 facile in mentem  
 veniat Sophocleum illud: αἰ δ' ὦ φ.  
 — προστινέτω Παύστατον δὴ, καὶ  
 ποτ' αὖθις ὕπτιον (Aiac. 771 sq.)  
 — 467. *torva tuentem*, ὑπὸ δῖα ἰδούσαν,  
*lenibat animum*, lenire studebat eam  
 iratam et torvis obliquisque oculis  
 adspicientem; iam pro *lenire eius ani-*  
*mun*, dici poterat *lenire eam animo*  
 et (quoad) *animum*, κατὰ θυμόν,  
*lacrimas ciebat*, ipse fundebat Ae-  
 oas. — In 469 Euripidis Medea v.  
 27: Οὐτ' ὅμ' ἐπαίρουσ' οὐτ' ἀπαλ-  
 λασσούσα γῆς πρόσκοντον observata Vir-  
 giliū animo videbatur Walkenario ad  
 Hippot. p. 197 — *cunctae Marpesia*,  
 in insula Faro.

Prosequitur lacrimans longe et miseratur euntem.

Inde datum molitur iter. Iamque arva tenebant  
 Ultima, quae bello clari secreta frequentant.  
 Hic illi occurrit Tydeus, hic inclutus armis  
 Parthenopaeus et Adrasti pallentis imago. 480  
 Hic multum fleti ad superos belloque caduci  
 Dardanidae: quos ille omnis longo ordine cernens,  
 Ingemuit, Glaucumque Medontaque Thersilochumque,  
 Tris Antenoridas Cererique sacrum Polyphoeten  
 Idacumque etiam currus etiam arma tenentem. 485  
 Circumstant animae dextra laevaue frequentes,  
 Nec vidisse semel satis est; iuvat usque morari  
 Et conferre gradum et veniendi discere caussas.  
 At Danaum procures Agamemnoniaeque phalanges  
 Vt videre virum fulgentiaque arma per umbras, 490  
 Ingenti trepidare metu: pars vertere terga,  
 Ceu quondam petiere ratis; pars tollere vocem  
 Exiguam: inceptus clamor frustratur hiantis.

477—534. Aeneas nunc peragrat  
 Campum priscorum heroum. Proce-  
 dit, qua via ducit. *datum*, qua via pa-  
 tet, ducit. *molitur iter*, peragit, ait  
 Serv. Scilicet ut apud poëtas *moliri*,  
 movere et agere, facere, est primum  
 de re magnae molis, tum de qua-  
 cunque re. — *arva ultima*, in his lo-  
 cis, quae citra Plutonis regium, Ely-  
 sium et Tartarum, sunt. cf. 540.  
 — 479, 480. Sunt hi tres ex numero  
 τῶν ἐντὶ ἐνὶ Θόξαις. *pallent's*, tam-  
 quam umbrae; ideoque pro: et Adra-  
 stus. Male etiam cum Adrasto con-  
 fundunt inertem illum Troianum Il.  
 ζ, 37 sqq. — Iam 481 *fleti ad su-  
 peros*, apud vivos, inter homines. *ca-  
 duci* pro πτόναις. Nescio, an primus  
 novaverit Virgilius; eius exemplo  
 certe multi. Etiam *longo ordine* pro  
 vulgari: ingenti multitudine, ut Il,

766. Serv. — 483. Sunt Troianorum  
 nomina in Il. ρ, 216: ut tres Ante-  
 noris filii, Polybus, Agenor, Acamas  
 Il. λ, 59. *Polyphoetes* Il. ν, 791 in-  
 ter Troianos est; at Polyphoetes in-  
 ter Achivos ideoque ab h. l. alienus.  
*Idacus* Priami auriga, Iliad. ω, 325,  
 nisi de Daretis filio accipere malis  
 Iliad. ε, 11, 20. *etiam* — *etiam simpl.*  
 pro etiamnum. — 487, 488 ad animas  
 referenda esse quis dubitet? 489-493.  
 Inter feliciores huius libri locos nu-  
 merare soleo hunc. Opinionem pro-  
 fecto de Aeneae virtute facit annu-  
 miam. Nec tamen Virgilius aliter quam  
 Homeri imitatione in praecellum hoc  
 πάταρος incidit. v. Od. λ, 604, ubi  
 de Hercule inter Manes. *Ceu quon-  
 dam*, v. Il. θ, 75. ο, 320 sqq. — *exi-  
 guam vocem*, τρισπῶς intellige, v.  
 Odyss. ω, 5 sqq.

Atque hic Piriamiden laniatum corpore toto  
 Deiphobum vidit, lacerum crudeliter ora, 493  
 Ora manusque ambas populataque tempora raptis  
 Auribus et truncas inhonesto vulnere naris.  
 Vix adeo agnovit pavitantem et dira tegentem  
 Supplicia et notis compellat vocibus ultro :  
 Deiphobe armipotens, genus alto a sanguine Teucri, 500  
 Quis tam crudelis optavit sumere poenas ?  
 Cui tantum de te licuit ? Mihi fama suprema  
 Nocte tulit fessum vasta te caede Pelasgum  
 Procubuisse super confusae stragis acervom.  
 Tunc egomet tumulum Rhoeteo in litore inanem 505  
 Constitui et magna Manis ter voce vocavi.  
 Nomen et arma locum servant. Te, amice, nequivi

494. Sequitur episodium de Deiphobo, in quo argumenti dilectum, nostro saltem sensu, desideres; quam enim suavitatem habet videre aut cogitare hominem mutilatis membris nec virtute aut alla re miserationem moventem? (At post Hectorem Deiphobus praestantissimus fuit Troianorum atque Aeneae amicus, ut ex h. l. et e Lycophrone patet et e poeta nunc deperditis Virgilio notissimum erat: deinde fatum Deiphobi egregiam ad describendum poetae obtulit occasionem. Lectoribus tandem suis haec placitura scivit poeta et Tuca Variusque. R.) Verum de Helenae perfidia prodentis urbem Achivis narratio insigniter accommodata erat personae Aeneae et per se memorabilis expositione poeticae accommodata; insigniter quoque a poeta ornatum est hoc episodium. Sed imitator Homeri Virgilius et hic deprehenditur, si locum de Agamemnonia umbra conferas Od. 2, 386 sqq. Deiphobum in Helenae thalamo a Menelao oppres-

sum etiam videas ap. Quintum XIII, 354 sq. Adde Dietyr lib. V, p. 416. — 499 sqq. Vi se a Deiphobo esse raptam Helena conqueritur in Troad. Eurip. 966, at ἀπορίας praemium, datam in ludis funebribus Paridis caesi Lycophron 468 sq. Schol. ad Il. 6, 251. — Supplicia, int. illum ipsum ἀπορριπταμένον, vulnera. vix agnovit et compellat noto narrandi more Homérico, qui ex prisca aevi neglectu orationis ducendus est, pro: eum compellaret. notis, oratus epitheton, quales notorum, familiarium esse solent. Sic inf. 688, genus, γένος, oriundus, ut et supra. — 501. optavit, ex προσέσχετο, puto, h. e. statuit, induxit in animum, ausus est (opo, opito, i. e. praefero, malo. R.) 503, 504 quam ornate! pro te occubuisse pugnando. — 505-508. Sane consentaneum hoc Aeneae pietati. Nec tamen ulterius inquirendum, unde Aeneas tempus et locus suppetere ad hoc cenotaphium potuerit, si lib. II fin. et III princ. animo repetas. — 507. Nomen loco



Conspicere et patria decedens ponere terra.  
 Ad quæ Priamides: nihil o! tibi, amice, relictum;  
 Omnia Deiphobo soluisti et funeris umbris. 510  
 Sed me fata mea et scelus exitiale Lacaenae  
 His mersere malis: illa haec monumenta relinquit.  
 Namque, ut supremam falsa inter gaudia noctem  
 Egerimus, nosti, et nimium meminisse necesse est.  
 Quum fatalis equus saltu super ardua venit 515  
 Pergama et armatum peditem gravis adtulit alvo:  
 Illa chorum simulans evantis orgia circum  
 Ducebat Phrygias; flammam media ipsa tenebat  
 Ingentem et summa Danaos ex arce vocabat.  
 Tum me confectum curis somnoque gravatum 520

Inditum, et arma in tumulo constituta et fixa ex more (v. sup. 233) locum servant, insigniunt, ita ut ille pro monumento tibi sit. Fuit itaque in Rhoeteo locus ἀντίθετον ὄμμα καὶ surgit poeta illud fuisse — 507. *te* h. e. corpus, ut sup. 362, *ponere*, h. l. humare. — 509-512. *funeris*, cadaveris (sic iof. IX, 491); umbrae, non ipsi cadaveri. Ceterum locum respicit Aeson. in noto epitaphio n. XIII. — *Lacaenae*. V. sup. II, 601. De Helenae excidio Troiae fati omnino vid. II, 567 sq. — *monumenta*, *τύματα*, indicia, in me, sceleris sui. — 513. *Namque* ut s., v. sup. II, 25, 248 sq. — 515. *saltu venit super*, h. e. supergressus est, parte maiorum dejecta, ὑπερβόαν, ὑπερβάν. *gravis*, ut *feta arma*. v. sup. II, 234 sqq. In h. l. ante oculos poetae fuit locus ex Ennio a Macrob. VI, 2 servatus: *Nam maximo saltu superavit Gravidus armatis equas, Qui suo partu ardua perdat Pergama* (aut ut scriptum fuisse coniecta: *Nam maximo saltu superat gravidus armatis Equas, qui*

s., ut *gravidus armatis* eloquaris, et suo una syllaba). Cf. Lactetii locum ex eodem adumbratum lib. I, 477, 478. — Illa v. 517 sqq. ingeniosum poetam decent. Flamma seu facies ab Helena sublata Achivis signum datum esse narraverant etiam alii; at h. l., quomodo fraus ea fieri potuerit, probabilitas adfertur maior, insitutus in publica laetitia sacris Bacchiis, thiaso bacchantium ducto. Cf. sup. IV, 302 sq. inf. VII, 376, 385, 580. Etiam ad chori phantasma facile deduci potuit Euripideo loco Troad. 542-554 Helenaigitur circumducebat Troianas matronas evantes orgia, ex orgiorum more, συναλίσσας τὰ ὄργια, evando celebrantes, h. s. ἐργαζέμεναι, inter facies iactatas. Locus Od. β, 277 sq. frustra huc vocatur a viris doctis. — 519. *summa ex arce* ad Helenam refert. — 520. *confectum curis somnoque* gravatum. Comparant Isopp. Od. ζ, 2: Ἰσῆος καὶ χαμάτων ἀρημένος. Aliis locus χαμάτων ἀδδηνάστες ἡδὲ καὶ ὕπνῳ II, x, 98. — *placidulaeque* *simillima* morti. ὕπνος. . . Νήπτος, ἡδίστος,

Infelix habuit thalamus pressitque iacentem  
 Dulcis et alta quies placidaeque simillima morti.  
 Egregia interea coniunx arma omnia tectis  
 Emovet et fidum capiti subduxerat ensem :  
 Intra tecta vocat Menelaum et limina pandit , 525  
 Scilicet id magnum sperans fore munus amanti  
 Et famam extinguere veterum sic posse malorum.  
 Quid moror ? inrumpunt thalamo ; comes additus una  
 Hortator scelerum Aeolides. Di, talia Graiis  
 Instaurate ! pio si poenas ore reposito. 530  
 Sed te qui vivum casus , age fare vicissim ,  
 Adtulerint. Pelagine venis erroribus actus  
 An monitu divom ? an quae te Fortuna fatigat ,  
 Vt tristis sine sole domos , loca turbida , adires ?  
 Hac vice sermonum roseis Aurora quadrigis 535  
 Iam medium aetherio cursu traiccerat axem ,

Ἰσάτωρ ἔκχυσεν τοῖς αὐτοῖς. Mos 524  
*Emovet et subduxerat*, etsi non gram-  
 malice, tamen ad sententiam saltem  
 vi pollent aequali. — 528, 529. Suave  
 hoc et Homericum vel in hac ipsa re  
 (v. *Odyss.* 9, 517, 518), quod nec  
 ab hoc facinore Vlisses abest. *Aeolides*  
 ille, quatenus eius genus a nonnullis  
 a Sisyphe ductum, Aeoli f., a quo  
 Anticlia mater ante nuptias cum  
 Laërte factas fuerat compressa. *in-*  
*staurate*, docte, cum a sacris petitum  
 sit, retribuite, rependite. *prio ore*,  
 si poenas iustas peto. — 531-533.  
*Adumbrati* ex Homericis ratione *Od.*  
 λ, 154 sq., ubi Ulysses mater si-  
 mili modo alloquitur. Mira autem  
 videri potest appellatio: utrum errore  
 maritimo ad loca infera delatus sit ?  
 Sed cogitandum est de adito, qualia  
 Aeneas fuit per Avernum, postquam  
 ad Cumanum litus appulerat. — 533.  
*an quae te Fortuna f.* paullo durius

dictum pro: *an fortuna* (sexto casu)  
*venis*, quae te fatigat h. e. casu ad-  
 verso; fortuna infesta huc adducta?  
 — *sine sole domus*, ἀνῆλιος οἶκος  
 vel πυρρός Euripidis. — *loca turbida*.  
 Cogitandum est Chaos ad loca infera  
 referri solitum; et *air turbidus* pro  
 obscuro.

535. *Hac vice sermonum* Homericum  
 Νῶτ πρὶν δὲ ἰνδόνει ἀπαρῶμεθα, ser-  
 monis vicibus. add. Apollon. II, 450.  
 — Ex altero versu se non expedit  
 Burmannus, neque ego me neque  
 alius, quem quidem norim. Poëta de  
 critica nostra parum sollicitus, ut nec  
 aliis in locis, imprimis in temporibus  
 definiendis, tempore descensus ad  
 inferos non ad horarum intervalla  
 constituit; temporum notationem non  
 nisi binis locis subiecit; mp. 255, *primo*  
*sub lamina solis* et *ortus* iter ad loca  
 infera ingreditur Aeneas; quantum

Et fors omne datum traherent per talia tempus;  
 Sed comes admonuit breviterque adfata Sibylla est:  
 Nox ruit, Aenea; nos flendo ducimus horas.  
 Hic locus est, partis ubi se via findit in ambas: 540  
 Dextera, quae Ditis magni sub moenia tendit;  
 Hac iter Elysium nobis: at laeva malorum  
 Exercet poenas et ad inopia Tartara mittit.  
 Deiphobus contra: Ne saevi, magna sacerdos;  
 Discedam, explebo numerum reddarque tenebris. 545

temporis in itinere consumserit, nusquam apposit poëta. Iterum h. l. 535 diluculo iam exacto dies tantum non illueſcebat; et nox rurat, in eo erat ut abiret, v. 539 orta iam luce (Fortasse omnia difficultas tollitur, si poëtam sequendo statuamus, una noctis parte citissime rem peragi, et quidem ea, quae diluculo proxima est (sub lamine solis): deinde Aurora ab occasu iter suum perficit, non ab oriente, et proxima est ortui, quem mox sol sequitur. R.). Ipse reditus ex inferis 594 nullam temporis notam adiectam habet. Iam in promptu est videre, quicquid attuleris ad haec declaranda, non nisi suspitione et opinione contineri posse, nullo iudicio certo. Neutrum satis facit, sive eadem nocte omne iter peractum esse dixeris, sive per unum pluresve dies noctesque; quicquid posueris, manent in poëta, quae parum conveniant; unde apparet poëtam tempora nec satis constituisse nec constituta esse voluisse. Equidem grammaticae verborum rationi obtemperans ad unam noctem omnis revocabam. *Axis* haud dubie poëta pro coelo omnino dictus, ut et alibi. Facit autem Aurora quadriga mis ab oriente evecta decursum per coeli convexum versus occidentem eodem modo atque is,

qui subsequitur illam, Sol, et ut Nox, interdum ab astris comitata, et ipsa Luna. In poëta omnia haec ad idem fera exemplum descripta sunt. Quo modo autem tale iter confici et ad eosdem carceres rediri possit, parum laborant. Iam Aurorae decursum putari fieri intra tempus diluculi et orti Solis. Noctu factum erat sacrum. Ingressi erant iter ad infera loca iam sub diluculi tempus, *primi sub lamine Solis et ortus* v. 255. Igitur Aurora iam coeli partem aliquam (nam vulgari poëta sermonis usu et id *medium coelum* poëtae dici potest) cursu exegerat, ut nox iam fere esset pulsa. Itaque poëta: *Nox ruit, Aenea*. De reditus ad superos tempore nil memorat poëta. Itaque nec de eo laborandum. Sed ex sacerorum Manibus factorum mora orto die Aeneas infera loca relinquere debuit; sicut vicissim cum ortu Solis Manes ad infera loca redire solent, v. c. sup. V, 739-739. — 537. Homericos verum compara Odyss. π, 220. φ, 226.

540. Inter haec ad bivium erant constituti; altera via praeter Ditis regiam ad Elysium, altera ad Tartarum ducente. — *ambas*, simpliciter, pro duna; bivium facit. Plutonis regiam intellige per *Ditis moenia*. cf. inf. 630 sq. — 542. *ut laeva (via) malorum*

I decus, i, nostrum; melioribus utere fatis.  
Tantum effatus et in verbo vestigia torsit.

Respicit Aeneas subito et sub rupe sinistra  
Moenia lata videt triplici circumdata muro:  
Quae rapidus flammis ambit torrentibus amnis 550  
Tartareus Phlegethon, torquetque sonantia saxa.  
Porta adversa, ingens, solidoque adamante columnae,  
Vis ut nulla virum, non ipsi excindere ferro  
Coelicolae valeant. Stat ferrea turris ad auras;  
Tisiphoneque sedens, palla subcincta cruenta, 555  
Vestibulum exsomnis servat noctesque diesque.  
Hinc exaudiri gemitus et saeva sonare  
Verbera; tum stridor ferri tractaeque catenae.

*Exercet poenas*, h. e. ducit ad eum locum, in quo sunt, qui constituunt poenas; ideoque bene dicitur et *ad impia Tartara mittit*. Exercere autem esse id quod occupari constat. — 544. *Ne aenei pro vulgari*: ne irascere. — *explebo numerum*. Piget Servianarum nugurum. Haud dubie de reditu ad umbras, a quibus discesserat quarenum-qua Ideo discessu suo numerum diminuerat, est intelligendum. *reddat tenebris*, puta eos confabulandi processisse via versus Elysium. Caliginosa autem haec ceteriora loca esse satis vidimus. *in verbo ut loquitur*, pro *in ore*.

548 sqq. De Tartaro, qui omnino Carceris faciem habet. Cura ejus mandata Rhadamantho, v. 566; pro carnifice est Tisiphone v. 571, pro ianitore Hydra 576. *sub rupe*, rupem ex Homero transit, ubi inter Stygem et Cocytum *Ἥϊρον τε ξύνεσις τε δ'ὧν ποταμῶν ἱερὸν ὄπισθεν*, Od. x, 515. — *Moenia* h. l. series domuum. *triplicem murum* suppeditavit Hesiodus Theog. 726; sed ibi sublimior rei

species, *χάλκῳ τε ἔργῳ*, et *ἀμφὶ δὲ μὲν νύξ Τριστονχοὶ κίχονται περὶ θεῶν*, h. e. fauces Tartari. Ex utroque profecit Miltonus *Parad. lost* B. II, 642 sqq. — 551. *ambit torquetque* Homericæ forma paullo rudior pro *ambit amnis torquens*. — 552. *columnas de postibus accipio*. Imitatur Homericum *ἱλιάδ. β, 15*: *Ἐνθα στήματα τε πύλαι καὶ χάλκῳ οὐδός*. — 554. *stat ferrea turris ad auras*, educta est; in *auras* hic at v. 561 arguuntur vates iam inde a Pollione. Poëtico sermoni hoc ita proprium putandum, ut altitudinem exprimant *in auras*, *in coelum*, ut plane locum non habet illa subtilitas, an *aura* in locis inferis sit. — 555. Vt ideo nullus inde sit reditus. Quod *turrim* appellat, puta esse aedificium ingens, in altum eductum pro carcere aut ergastulo habendum: *δειρμωτέρον*. — 555. Tisiphones vestem cruentam ex Homero petit *ἱ. σ, 538*, cf. Stat. *I Theb.* 409, 410. — 556. *vestibulum* simpl. pro *aditu*. — 557, 558 numerosissima versus; sed et mirus

Constitit Aeneas strepitumque exterritus hausit.  
 Quae scelerum facies? o virgo, effare; quibusve 560  
 Vrguentur poenis? qui tantus plangor ad auras?  
 Tum vates sic orsa loqui: Dux inclute Teucrum,  
 Nulli fas casto sceleratum insistere limen;  
 Sed, me quum lucis Hecate praefecit Avernīs,  
 Ipsa deum poenas docuit perque omnia duxit. 565  
 Gnosius haec Rhadamanthus habet durissima regna  
 Castigatque auditque dolos subigitque fateri,  
 Quae quis apud superos furto laetatus inani  
 Distulit in seram comissa piacula mortem.  
 Continuo sontis ultrix adcincta flagello 570

directus rerum, quae auditu mentem percellunt, factus est. Miltonom hos versus expressisse lib. VIII, 240 sqq. iam alii notantur.

563. *insistere* equisite pro ingredi; et *limen* pro limini vel in limine. *sceleratum*, v. Ovid. Met. IV, 455 et ad Tibull. I, 3, 67. *sceleratum* est sceleribus contaminatum ideoque impurum, incestum; itaque *pīi*, puri, casti arceantur ab hoc loco. — 564. Sibylla praestitit lucem Averno ut Sacerdos. Nam Sacerdotes praefici, praesentare, ut sacris, ita templis dicuntur. — 565. *deum poenas*, quas dii nocentibus statuerunt. Hoc ex Servio tenendum. *me per omnia duxit*, putet, narrando et persequendo singulas ut ipsi percurrimus, perlostramus singula, ita alii nos ducunt per partes: eorum vero ab Hecate Sibyllam vere per Tartari recessus ductam esse patet ex illis: *vidi* — *vidi*. 592 sqq. Quod Rhadamanthus in Tartaro constituit, suo iudicio facit poēta. Est autem is non tam iudex aut magistratus, qui causas capitales persequitur, cuiusmodi supra iam erat Minos v. 432; sed qui Triumvirorum capitalium

more ludicum sententias exsequitur, supplicium adiut et de inferioris ordinis hominibus furti, grassationis, sacrilegii etc. reus ipse cognoscit. Omnino in toto loco Tartarus carceris faciem habet. — 567. *dolos*, scelera dolo malo commissa. Porro cogit fateri *piacula*, crimina, commissa *apud superos*, i.e. vltia, quae quis distulit ac fateri ideoque occulavit et effecit, ne lo iudicium adduceretur et puniretur, *in aeram mortem*, h.e. non reos factus est neque ideo poenam eorum persolvit, dum elaberet, *furto laetatus inani*, quod latere deos et impune sibi abire putabat commissa; sed temere. Ita puto haec expedienda esse. Seneca Herc. fur. 729 addidit novum auctarium: *oblitos qui sceleris nocentes debitas poenas dare*. Propius ad Maronem Statius IV, 531: *Minos... adigitque expromere vltas* *Paque retro et tandem poenarum luera fateri*. Rhadamanthus autem triumphi capitalis more supplicia sumit et quaestioem tormentis admotis ad exprimendam scelerum confessionem in reos habet. — 570. Tisiphone carnificis seu servi publici loco reos

Tisiphone quatit insultans torvosque sinistra  
 Intentans anguis vocat agmina saeva sororum.  
 Tum demum horrissono stridentes cardine sacrae  
 Panduntur portae. Cernis, custodia qualis  
 Vestibulo sedeat? facies quae limina servet? 575  
 Quinquaginta atris inmanis hiatibus Hydra  
 Saevior intus habet sedem. Tum Tartarus ipse  
 Bis patet in praeceps tantum tenditque sub umbras,  
 Quantus ad aetherium coeli suspectus Olympum.  
 Hic genus antiquum Terrae, Titania pubes, 580  
 Fulmine deiecti fundo volvuntur in imo:  
 Hic et Aloidas geminos, inmania vidi

damnatos ad supplicium raptat. *quatit soutes flagello*, docte. Proprie *quatitur flagellum*, quo soutes percutiuntur; *agmina* s. solenne de Furis, ut sup. IV, 469. Imitatur locum Statius I Theb. 112, 113.

573. Dum loquitur Sibylla, porta Tartari speriri vulgo putatur. In hoc iam Servius praevit. Si tamen rerum ac sententiarum ordinem accuratius consideres, rationem vulgarem non satisfacere sentias. Sed alia incedendum est via. Tisiphone servat vestibulum, aditum Tartari, v. 555. Ea demum a Rhadamantho statim manus iniicit et ad Tartari portam, quae semper clausa habetur, eos agit (*ἄγεται πρὸς Εἰρήνων ἀπ' Εἰσοῦ καὶ Χάος διὰ Τάρταρον*, sunt verba Socratis in Axiocho) inclamatque sorores. Tum demum (v. 573) aperitur porta. Videamus singula. Cernis, pergit Sibylla, *custodia qualis*, quae custos (sc. Tisiphone, non Megæra nec Hydra) *vestibulo*, ad aditum, *sedeat*; *facies quae limina servet*; nam *intus*, intra portam, *saevior facies*, Hydra, *sedem* habet etc. — 576. At Hydra, inquis, in vesti-

bulo orci v. 287 inter cetera monstra fuit recensitis. Ita Servius movuit hoc. Expeditur varie. Equidem Hydram non de una illa ab Hercule domita, sed simpliciter pro serpente monstruoso dictam accipio. — 577-579. *quantus prospectus est a terra ad coelum*, *ὅσος οὐρανὸς ἰστ' ἀπὸ γαίης*: Iliad. 9, 16 et Hesiod. Θ, 720-725, cf. ibid. 740-745, notissimis locis; sed in maius aucta re. — *coeli suspectus*, h. e. prospectus per aërem (male enim iungunt *coeli Olympum*), *a terra ad Olympum*, *ad coelum*; nam ex Tartaro prospectus ad coelum esse nequit, cum infera loca sint sub terra et subter iis demum Tartarus depressus lateat. Talis etiam Tartarus sub Hade ap. Homer. Il. 9, 13-16. — 580. 581 v. Hesiod. Theog. 129-131. Titans *γυναικῶν* designat. — *fundo volvuntur in imo*. praecellere, ut ad imum Tartarum detrusus exhiberet. — 582-584. De Oto et Ephialte Alooi filia videndus Homer. Od. 2, 304-319. Apollod. 1, 7, 4 ibique Notae. Expressus est h. l. a Marone, nec tamen, ut sublimitate cum Homero

Corpora, qui manibus magnum rescindere coelum  
 Adgressi superis Iovem detrudere regnis.  
 Vidi et crudelis dantem Salmonea poenas, 585  
 Dum flammæ Iovis et sonitus imitatur Olympi.  
 Quatuor hic invectus equis et lampada quassans  
 Per Graium populos mediaeque per Elidis urbem  
 Ibat ovans divomque sibi poscebat honorem,  
 Demens, qui nimbos et non imitabile fulmen 590  
 Aere et cornipedum pulsu simularet equorum.  
 At pater omnipotens densa inter nubila telum  
 Contorsit (non ille faces nec fumea taedis  
 Lumina) præcipitemque inmani turbine adegit.  
 Nec non et Tityon Terræ omniparentis alumnum 595  
 Cernere erat, per tota novem cui iugera corpus  
 Porrigitur, rostroque inmanis voltur obunco  
 Inmortale iecur tondens fecundaque poenis

contendere vellet. Spectat autem hæc et sequens fabula ad mythos stirpis Aeolicæ, quos rudiores ceteris et antiquiores esse constat. v. Apollod. I, 7, 3 sqq. et Not. et tab. VIII. Manifestum id in his ipsis fabulis, quæ h. l. subiiciuntur. — 585. De Salmoneo v. Apollod. et Hyginum cum Schol. Pind. Pyth. IV, 253. Vidi dantem Salmonea poenas, dum imitatur, quod imitatus erat. Scilicet pro deo haberi voluerat. sonitus Olympi, tonitruum. Elidis urbem, novam urbem a Salmoneo conditam Salmoniam, ad Alpheum in media Elide sitam, intellige. v. Strabon. VIII, p. 856 D. Apollod. I, 9, 7. — 590. Demens: ex ἄγχιλος, ὄς etc. Iliad. ε, 403 de Hercule, qui Plutonem sagitta percusserat, aere et pulsu equorum, curru aereo, aerato, et fortasse, quod additum ab aliis, inventum eum esse laminis æreis in solo substratis, quas equorum ungulae

pulsarent. — 593. non ille (Iupiter) faces. hoc suave ad deprimeendum Salmoneum. Tres erant dicendi formulae, ex quibus exquisitiorem prælatam vides: taedas lumine fumeo, lumen fumeum taedarum et lumen fumeum taedis. — turbine pro fulmine, ut solent nimbi, turbines, procellae cum eo coniunctae. — 595-600. Sunt hi versus ornatissimi quidem; sed præiverat Homerus loco nobili Od. λ, 575-580 et in verbis Lucret. III, 997 sqq. et Accius in Promethen ap. Clæ. Tusc. Qu. II, 10, quæ loca comparanda sunt in singulis. alumnus accipiam pro filio, ut Homer. γαῖνς ἐπαυρότος υἱόν. Voluit tamen Inipp. poetam alteram narrationem sequi, quæ ex Elara susceptus a Tellure utero fuit gestatus. Præter Apollod. I, 4, 1 ibique Not. v. Apollon. I, 761 sqq. — voltur; in Homero duo vultures ad terrorem maiorem. — In 598-600 laboravit poeta

Viscera rimaturque epulis habitatque sub alto  
 Pectore, nec fibris requies datur ulla renatis. 600  
 Quid memorem Lapithas, Ixiona Pirithoumque?  
 Quos super atra silex iam iam labsuma cadentique  
 Inminet adsimilis? Lucent genialibus aliis  
 Aurea fulcra toris epulaeque ante ora paratae  
 Regifico luxu; Furiarum maxuma iuxta 605  
 Adcubat et manibus prohibet contingere mensas  
 Exsurgitque facem adtollens atque intonat ore.  
 Hic, quibus invisi fratres, dum vita manebat,  
 Pulsatusve parens et fraus innexa clienti;

forte, ut Homericum *ἀλγίστων ἔσθῃ*  
*δύσωντος* exprimeret. *immortale iecur*,  
 Hesiodi de Prometheus *ἔκαστ' ἀθάνα-*  
*τον*, Theog. 523, *secunda poenis vis-*  
*cera*, praeciare, iecur, quod rena-  
 scitur ad novum supplicium, ut rur-  
 sus erui possit *epulis* ad epulas,  
*rimatur viscera*, Ge. I, 384, *volucres*  
*rimantur prata*, cygni pabulum et terra  
 erueno.

601-607. Duo Homeri loca ante  
 oculos habuit, Od. 2, 581 de Tan-  
 talo et 592 de Sisypno; fabulam tam-  
 en affert a vulgari narratione diver-  
 sam: Ixionem et Pirithoum ex Lapi-  
 tharum gente oriundos assidere epulis,  
 saxo supra caput minante ruinam.  
 Ad Phlegyam Statius I Theb. 713,  
 et ad Phlegyam et Thesea Valer Fl.  
 II, 492, 495 hoc idem supplicium  
 transtulere. Tantali capiti imminere  
 saxum alii commenti erant interque  
 eos Pindarus Ol. I, 88 sq. et Eurip-  
 ides in Oreste 6 et 980 sq. ubi cf.  
 Schol. usque antiquiores Alcaeus et  
 Aleman, v. Schol. ad Pind. l. c.: adde  
 Cic. Tusc. IV, 46 et Lucret. III, 953  
 sqq., cum eum Homerus in lacu  
 sitientem destituit. Sed lucum Tan-  
 tali eleganter in mensam opiparam

mutavit Maro seu is, quem sequutus  
 est poeta. Assidet *Furiarum maxuma*  
 (quae et ap. Val. Fl. I, 817 occurrit,  
 dicta ut *maxima natarum*, sup. ad I,  
 521; apud Eurip. Iphig. in Taur. 963:  
*ἡρώδιστα Ἐστρώδω*. Statius Theb.  
 VII, 477 *Eumenidum antiquissima*)  
 seu Megaera seu Alecto (nam Pa-  
 mem vix bene huc advocat Servius,  
 laudato loco lib. III, 252) et velat  
 epulis frui; hoc plus dignitatis habet,  
 quam faga pomorum et aquae in  
 Tantalo. Atrocius rem extulit Aeschy-  
 lus Eumen. 264 sqq. *genialibus toris*,  
 positis ad epulas geniales, opiparas,  
 lautas habendas, quae ad hilaritatem  
 invitant. Sic *genialis hiems* Ge. I,  
 302, ubi vid. not. *lucent fulcra aurea*  
 pro sunt. De *fulcris* quaeritur. Scilli-  
 cel pro toro fulcra memoravit poeta;  
 et pro fulcra tororum, *fulcra toris*.  
 Pro *lecto* aurea poeta *fulcra* posuit.  
 Sunt autem *fulcra* pedes vel aliis lecti  
 basis. Quod fabulam de Ixione Ge.  
 III, 38, 39; IV, 484 aliam nunc  
 deserit, quod mirantur viri docti ali-  
 quot, id poetae haud dubie licet fa-  
 cere, quippe qui nullam doctrinae  
 systema condere velit.

608-613. Hos versus equidem sen-



Aut qui divitiis soli incubuere repertis 610  
 Nec partem posuere suis, quae maxima turba est;  
 Quique ob adulterium caesi, quique arma secuti  
 Impia, nec veriti dominorum fallere dextras,

tentiarum et verborum gravitate commendatissimos esse velim. Sunt nonnulla in Platonis loca, quae sequi potuit. Probabile fit in teletis per machinas scenicas haec ipsa sceleratorum tormenta fuisse exhibita; docet hoc Ariatophanes, qui exagitat seu philosophos seu initiatos in Ran. 145-151. Homerus etsi Tantalum, Tityum ac Sisyphum poenas scelerum luere in loca inferis monuit; non tamen aut loca poenarum discreta aut scelera definit, quorum poenae exigantur, praeter unum periurium, Iliad. 7, 279. r, 258, 259. Scilicet temporum antiquiorum simplicitas erat tanta, ut super moribus ac virtute nondum subtiles initae essent rationes; de gravioribus sceleribus monere satis tum erat, inque his habebantur caedes, iniuria in supplices et in hospites, perurium. Nec aliter in decalogo a Mose prodito factum videas; atrociora tantum flagitia ille attingit, quibus qui vacet, parum adhuc ad honestatem profectus videri debet. At Maro ex philosophorum scriptis suum Tartarum constituit, idemque scelerum, quibus in illo supplicia constituta sunt, recensum facit paullo ampliorem. Ex vitae philosophia profecit Auctor Telemachi lib. XVIII, pag. 130 egregio loco! Ingratos ille, mendaces, adulatores nominat. Filium impium (ut v. 609) etiam Polygnosus in sua tabula expresserat, v. Pausan. X, 28. — 609. *Pulsatque parens, ἀνιζόμενος*, omnino male habitus, mulcatus; ante oculos erat Plato de LL. IX, sub f. p. 240. C. ed. Frf. p. 881. D. Steph.

— *et fraus innexa clienti*, pro vulgari, illata, uti fraude aliquis illaqueari dicitur. Comparata iam ab Intpp. Lex XII Tabb. v. *Patronus si clienti fraudem faxit, sacer esto* s. et Horat. II Carm. 28, 23 sqq. *incubere*, ut Ge. II, 507, *repertis* pro *partis*, *paratis*, accipe; *nec suis*, cognatis et affinibus, *posuere partem*, ex *divito*, statuerunt, tribuerunt, ut solent homines ex vita humili magnas opes consequuti erga cognatos pauperes esse duri et avari. Ad sententiam praeciaros Horatii versus laudat Servius II Serm. 2, 103: *adde eundem I, Serm. 1, 75 sqq. 84. sq. ob adulterium caesi* gravius posuit pro *adulteris* simpliciter. — *arma impia*, haud dubia bellorum civilium; sed de his accipiendum, qui patriae bellum inferunt, non qui propulsi sunt. Itaque concidunt Servii aliorumque metus, ne in Augustum peccet poeta. *nec veriti dominorum fallere dextras*. Arguantur Intpp. et hic, Servii exemplo. *Domini* non modo servorum sunt, sed et de libertorum patronis bene idem dicit poeta. Servorum autem poenas hic commemorare iudicium esset poetae epici gravitate, multo magis Romani. Tum, qui fidem fallit, is et *suam* et *alterius dextram* fallere dici potest. Itaque necessario accipiendum de libertorum impietate et fraude in patronos suos. An Pompeium Menam, Cn. Pompeii libertum, qui Sextum prodidit, animo designaverit poeta, affirmare quis audeat? Nec tamen sic in Augustum peccasset: nam et is, ut ceteri im-

Inclusi poenam expectant. Ne quaere doceri,  
 Quam poenam aut quae forma viros fortunave mersit.  
 Saxum ingens volvunt alii radiisque rotarum 616  
 Districti pendent; sedet aeternumque sedebit  
 Infelix Theseus, Phlegyasque miserrimus omnis  
 Admonet et magna testatur voce per umbras:  
 „Discite iustitiam moniti et non temnere divos.,” 620

mines, proditiōis fructum amplecti, proditorem abhorrere debuit (Servius tamen de servis intellexit, quos saepe tempore bellorum civilium in dominos suos fuisse infidissimos constat, e. c. ex Appian B. Civ. I, 72. IV, 22, 29, 39, 51. Nec dominus de patrone libertorum in usū fuisse videtur, nec epica gravitate indigna haec servorum mentio fuerit. R.)

614—615. Vulgare est: hi inclusi variis modis possunt. Noli quaerere quam poenam metuendam habesot; aut quae poenae forma fortunave, quod miseriae genus, viros mersit (ut sup. v. 512), illos caeperit, manserit. Ductum hoc ex vulgari: *mergi miseriis*. — 616. Iterum poeta ad veteres mythos redit. Non necesse est, ut solum Sisyphum et Ixionem respexerit; hunc quoque v. 601 iam memoraverat, ideoque enallage numeri, quam inferunt viri docti, carere possumus. *radiis rotarum districti pendent*, ornate, rotae illigatis membris distinctur, *ἐν τῶν ῥαδίων κατακλιθεῖσθαι*, petiit ab equuleo tormenti genere, quod ipsum pro supplicio interdum fuit, cui illigati erant tergo verberibus et ignitis laminis patente. At Ixionia rota a poeta ita describitur, ut ille modo exteriori orbi alligatus, modo ipsis radiis illigatus, perpetuo rotae vertice circumnageretur; ita ut poena in motu nunquam intermisso spectanda esset. Contra Theseus sine

omni motu sedet saxo affixus. — 617. Multis modis fabula de Thesei fuit tractata et ornata, vide v. e. Ovid. Met. VII, 433 sq. nec mirum; fuerunt enim plures, qui res Thesei, non modo attingerent, verum etiam Theaides conderent. Actum etiam de Thesei et Pirithoi descensu in Minyade, v. Pausan. X, 23, etiam in Heracleis. Nam Hercules in descensu ad inferos liberavit Theseum, v. Apollod. II, 5, 12. Apud Homerum Od. x, 630 sq. Theseus cum Pirithoo in inferis substiterat. Poeta noster hoc sequitur, ut Theseus oñ raptum Proserpinae *sedeat*. Hoc habitu poenitentiae et summi maeroris sensum prodit. Ita sedebant Theseus et Pirithous in tabulis Polygnoti ap. Pausan. X, 29. Et talem Theseum sedentem in Sarda expressum vides ap. Winckelm. n. Cl. Sed miraculum rei additum est, quod Theseus saxo insidet nec inde levare corpus potest. Cf. Schol. Apollonii I, 101. Inter auctores huius narrationis fuit Panyasis. V. Pausan. I. c. *προσπύς δὲ (χρῆματι) ἀπὸ τοῦ χροῦ; ἀντὶ δεσμῶν ἀγῶνι ἐν τῶν πέτρων* cf. 122. De regressu Thesei vs. 393 non meminerat poeta et licuit ei h. l. aliam sequi fabulam. — *Phlegyas* de Phlegyarum gente alii acceperant, quae Minyadem Boeotiae inhabitavit et propter impietatem a deo abolita fuit (v. Pausan. IX, 36. Adde II. in Apoll. 278, 279. Nam

Vendidit hic auro patriam dominumque potentem  
 Inposuit, fixit leges pretio atque refixit.  
 Hic thalamum invasit natae vetitosque hymenaeos.  
 Ausi omnes inmane nefas ausoque potiti.  
 Non, mihi si linguae centum sint, oraque centum,  
 Ferrea vox, omnis scelerum comprehendere formas, 626  
 Omnia poenarum percurrere nomina possim.

Haec ubi dicta dedit Phoebi longaeva sacerdos:  
 Sed iam age, carpe viam et susceptum perforce munus;  
 Adceleremus, ait. Cyclopum educta caminis 630

Phlegyas Thessaliae, de quibus Strabo videndus IV, p. 442 B., huc advocare non licet.) Verum non de Phlegyis Maro, sed de *Phlegya* Ixiouis et Coronidis, e qua Aesculapium Apollo suscepit, patre, qui Apollinis templum Delphis incendit (v. Serv.) accipiendus est; idem iam docuerunt Intpp. ex Statii imitatione Theb. I, 712 sqq. et Val. Fl. II, 193 sqq. *Phlegyas* igitur deorum contemtor apud iustos ad iustitiam et pietatem colendam exhortatur omnes nobilissimo illo versu: *discite iustitiam*, qui magnis viris multis in ore habitus fuit et Munchhusio, immortalis viro, frequenter. Nota quoque fabula de daemone interrogato, quis ex omnibus Virgilii versibus esset praestantissimus. Non male autem augurantur viri docti ductum colorem ex loco illustri Pindari Pyth. II, 39 sq. *Θεῶν δ' ἱερταῖσιν Ἰξίωνα φάντι ταῦτα βροτοῖς λέγειν, ἐν περὶ πάντι τροχῷ Παντὰ κυλινδόμενον· Τὸν εὐεργέταν ἄγαντος ἀμειβαῖς Εὐοχομένους τίσις δ' αἶ.* — *moniti*, h. e. exemplo meo, quod pro monitu est. Nec importunum et leuile monitum putandum hoc inter eos, quibus nullus poenitentiae locus est, cum in Tartaro inclusis poenitentiae locus nullus sit. Poenae enim

loco haberi potest haec ipsa admonitio, et vere ita exclamasse putandus est Phlegyas. — Vs. 621, 622 ex L. Vario paene integros traductos esse, Macrobi. IV, 1 testatur: *Vendidit hic Latium populis agrosque Quiritem Eripuit, fixit leges pretio atque refixit.* Quod adiecit *dominumque potentem patriae impositum*, eo pertinet, quod tyrannum liberae civitati induxit. *potentem ornat. leges fixit pretio corruptus, atque refixit*, recte Servius, quia *incisae in aereis tabulis leges affigebantur parietibus*. Minus bene alii, esse: in aes incidere. Eodem bene laudant legem Venuleii, quae est I, 8 D. ad L. Iuliam peculatus: *qui tabulam aeream legis... refixerit vel quid iude inmutaverit, Lege Italia peculatus tenetur.* Sequitur §. 1: *Eadem lege teuctur, qui quid in tabulis publicis deleverit vel induxerit*; quod ideo diversum ab illo esse necesse est. Laudant quoque Intpp. Ciceronis locum, qui est Philipp. XII, 5 f. Haec omnia ad certos antiquitatis homines referre velle inanis est opera. — 625 sqq. Ex Iliad. β, 488 notissimo loco. cf. Ge. II, 103 sqq. *ferrea vox*, nulla elansoris intentione fracta.

630—636. Platonis regiam non iurat Aeneas cum comite, sed tantum

Moenia conspicio atque adverso fornice portas,  
 Haec ubi nos praecepta iubent deponere dona.  
 Dixerat, et pariter gressi per opaca viarum  
 Conripiunt spatium medium foribusque propinquant.  
 Occupat Aeneas aditum corpusque recenti 635  
 Spargit aqua ramumque adverso in limine figit.  
 His demum exactis, perfecto munere divae  
 Devenere locos laetos et amoena vireta  
 Fortunatorum nemorum sedesque beatas.

a limine salutis, aureo ramo in foribus depositis. Ramum Proserpinae pro munere ferendum praedixerat Sibylla sup. 440, 441, 442. Regia ista habet muros aereos vel ferreos. Solent poëtae hac munitionis notione uti ducta a ferreis et serratis portis, et translato fere opere ad Vulcanum vel Cyclopes. Sic Argorum moenia ap. Statium I Theb. 630, quem locum Servius laudat, et Mycenarum ap. Senec. Thyest. 406. v. Wasm. ad Thucyd. VIII, 26 et Schol. Eurip. Orest. 964. Itaque multo magis in inferis h. l. 630 sunt moenia educta Cyclopium caminis, h. e. ferro percussis et ferruminatis in Cyclopium fabricis. — 631. *adverso fornice portas*, ornate: porta proprie ipsis erat adversa, et ea quidem in fornice ducta, arcuata. — 629. *perfice munus*, sic poëtica sermo fert: proprie doni deportatio perficiebatur; etiam sic mox 637, *munus perfectum*. — 632. *haec dona int.* de eodem munere Proserpinae dicendo. — 635. Videri potest Aeneas hoc ipso ramo aureo se adpersisse. Adumbratum haud dubie ex eo ritu, quo, qui templa intrant, se lustrant, *κατεσπάρτουνται*; quod purificationis symbolum fuisse facile intelligitur. Adeundum autem Aeneas nunc erat Elysium, locus, si quis alius,

sanctus et castus: non igitur aliena res lustratio. *ramumque figit*. In templorum aditu *κατεσπάρτουνται*, aqua lustralis et rami lustrales notae res sunt. Quod tamen ramum in pariete seu poste figit, ad dedicationem doni spectare videtur (quod ibi tamquam in ars deposuit, R.). Ceterum Warburtoni opinatio, quae Eleusiniis initiis ante oculos poëtae fuisse vult, hac utique parte placere potest, cum lustrationem in adeundis maioribus Eleusiniis h. l. invenisse sibi vivus est.

637 sqq. Traducta sunt ad Elysium sive sub terra, ut hic, sive in Insulis Fortunatis (ut ab Homero et Hesiodo cum Pindaro factum) collocatum omnia, quae sub minore coelo amoenitatem loci facere possunt, iam ab Homero Odys. δ, 563 sqq., et ab Hesiodo Epy. 470 sqq. Ex hoc ipso, quod omnis felicitas Elysii talis est, qualem Heroum vita subicere sensibus poterat, vetustas huius mythi intelligitur. Accessere ornamenta ap. Pindarum pulcherrimo loco Olymp. II, 409—419 etc. Doctior vita et philosophicis studiis exulta Graecia serenae et placidae mentis gaudia ex purae et constantis virtutis conscientia mox adiecit: quo meliora sapientiae placito egregie usum videas inter

Largior hic campos aether et lumine vestit 640  
 Purpureo, solemque suum, sua sidera norunt.  
 Pars in gramineis exercent membra palaestris,  
 Contendunt ludo et fulva luctantur arena;  
 Pars pedibus plaudunt choreas et carmina dicunt;  
 Nec non Threïcius longa cum veste sacerdos 645

alios Gloverum in Leonida X, 456 sqq. in those happier fields... Where never gloom of trouble shades the mind, Nor gust of passion heaves the quiet breast, Nor dews of grief are sprinkled, et uno verbo Statius V Silv. 3, 286, nemus quo nulla irrupit Erynnis (cui similis in terrarum oris locus est nullus); sed philosophicas rationes Maro in alium locum v. 724 sq. servavit et h. l. in primis Homerum ante oculos habuit et Axiocum Socraticum, qui circumfertur nomine Aeschinis sub fin., multoque magis Pindarum locis laud. Adde locum de Olympo Odys. ξ, 42 sqq. Communia etiam sunt nonnulla Elysio cum aurea hominum setate. Iam ab his tamquam elementis profectus ad quantam amplitudinem Paradisum suum extulit Miltonus IV, 432 sqq. Nunc verba videmus. — *perfecto munere divan*, aureo ramo ei dedicato v. 629.—640. *Largior aether* (αἰθήρ, purior aër; et, etiam. R.) patentior, liberior. Silius hinc lib. XIII, 550, *laxata lucida nocte Clausura nitent*, dixit de Elysio: Ὀψει τε πῶς αἰθέρατον ὥσπερ ἐνθάδ' Aristoph. Ran. 455, 457. — *lumen purpureum*, pulchrum, ut sup. I, 594. — *solemque suum*, in Pindari lino altero est Sol, qui in nostro orbe occidens ad infera loca progreditur; in altero Sol perpetuus noctu sequae die (ferre ut ap. Val. Fl. I, 844, ubi Sol totumque per annum durat aprica dies. Sed poeta suavius solem

Elysio suum, praestantiorē puta nostro Sole, ut cetera, assignat. Pro commentario haberi potest Telemachus lib. XIX. Inter alia: c'est plutôt une gloire céleste, qu'une lumière, imitatur Claudianus de R. P. lib. 282 sqq. *norunt*, vident, qui in Elysiis sunt, habent. — 642-644. Haec rursus ad Pindari ductum l. I. καὶ τοὶ μὲν ἱεραῖοις γυμνασίοις, τοὶ δὲ ποσειδάωνος τείρονται. Expressa scilicet *vis antiqua heroum Graeciae*, ut unaquaeque gens cum aliarum rerum inferarum tum vero Elysiis beatam sortem ad suos mores descripsit etque, quae beatam vitam suo sensu constituebant, eo transtulit. — *pedibus plaudunt choreas*, ut χερσίν χορόν, χορταίναν, elegantius quam ducunt, sc. cum pedum plausu; Odys. β, 264: Πένελγον δὲ χορὸν Δίον νοστήν. quod Maro itaque κατὰ χορόν accepit; non ut χορός pro loco dictus sit, ut alibi apud Homerum occurrit. — 645-647. Dandus erat ehoreis saltatium et cantantium unus ἀοιδός, lyricen, qui seu accioeret seu more veteris chori praeciret cantu et saltatione, ut echoragus. Quis vero magis conveniens quā Orpheus? qui da locis inferis plurima erat fabulatus, h. e. vetere philosophorum more ac sermone poetice exposuerat. *longa cum veste*, antiquiore aëvo ἀοιδῶν, vatium, postea citharodorum habitus ποδήρης, palla, ut nota res est. Adi vel Tibull. III, 4, 35, 36. *Sacerdos* autem h. l. vates,

Obloquitur numeris septem discrimina vocum,  
 Iamque eadem digitis iam pectine pulsat eburno.  
 Hic genus antiquum Teucris, pulcerrima proles,  
 Magnanimi heroës, nati melioribus annis,  
 Ilusque Assaracusque et Troiae Dardanus auctor.<sup>650</sup>  
 Arma procul currusque virum miratur inanis.  
 Stant terra defixae hastae, passimque soluti  
 Per campos pascuntur equi. Quae gratia curruum  
 Armorumque fuit vivis, quae cura nitentis

propter instituta orgia et teletas. Sacerdotes enim, ut sceptro, ita etiam palla usos constat, ut ipsi dii ea veste occurrunt, sed et reges. Nam vestis demissa ac fluens ad dignitatem et religionum maiestatem facit, ut unusquisque facile intelligit, vel ex nostrarum religionum ritu. Orpheus illis saltantibus et cantantibus accini lyra; quod ita extulit poetis: obloquitur (transitive li. I. dictum, facit loqui, *ὁμιλεῖν*, sonare, h. e.) pulsat septem discrimina vocum (i. e. sonorum, quos septem diversos edit haec lyra, quippe quae septem chordis est praedita. R.), fides, lyram *ἰντάρχοδον*, eademque discrimina vocum, eas fides, modo digitis modo pectine aut plectis pulsata, dum temperatur canulus. Numeris potest esse casu tertio, numeris saltantium et cantantium s. melodiae cantus adcommodate; maxime sexto casu accipere et ad ipsum vatem referre; obloquitur, facit loqui, sonare, fides numerose, *ἐνδοξίμως*. Illa nunc, nunc excludunt interpretationes aliorum: neque ideo de cantu ipsius Orphei hic quaeritur; sed, si quaeratur, nemo facile, qui Homerum legit, dubitet, fueritne alius, qui Orpheo lyram pulsanti accinuit, Heroico aevo utrumque facit vates.

649 sqq. partim Hesiodi ductu Epy,

459, 467 sqq. *pulcerrima proles*: pulcherrimi, h. l. de corporis dignitate. Sed insederal forsam Virgilio hoc epitheton ex loco Hom. quem expressit Iliad. v, 231 sqq. *Δὸς τ' Ἀσάρακος τε καὶ Ἀντίοιο; Γαυμήδεος, ὅς δ' ἑ κάλλεστος γένετο Διὸς καὶ Ἄρσος* etc. nati melioribus annis, secundum Hesiodum hoc, l. c., et sic alii de heroum atque etiam de aures aetate. Laudatur Catull. LXI, 22: *O nimis optato saeculorum tempore nati Heroës, ansvete: deum genua.* — 651-655. Rursus ad Pindari ductum l. c. Paulo aliter haec tractata a Platone sub f. lib. X de Rep. Retinent animae studia et artes prioris vitae: nunc nata sunt tam diversa felicitatis in vita futura commenta per omnes populos ac doctrinas religiosas. Ad sui temporis negotia haec revocavit Ovid. Met. IV, 444 sqq. Melius Maro Heroicam vitam servavit. Describit autem otia castrensia v. c. II, 7, 435. Heroibus Homericis magna gratia ideoque amor est militiae curulia. Ad meliorem nostri aevi philosophiam Elysi voluptates accommodatae sunt in Telemacho lib. XIX. — 651. *procul miratur*, cum miratione prospicit. Homericum *θεῶν*. *currus inanes*, simpl. quoniam adstant vacui dominis (s. potius tennes ἀμεινὰ ἄρματα, ut in inferis,

Pascere equos, eadem sequitur tellure repostos. 655  
 Conspicit, ecce, alios dextra laevaue per herbam  
 Vescentis laetumque choro Paeana canentis  
 Inter odoratum lauri nemus: unde superne  
 Plurimus Eridani per silvam volvitur amnis.  
 Hic manus, ob patriam pugnando volnera passi, 660  
 Quique sacerdotes casti, dum vita manebat,  
 Quique pii vates et Phoebos digna locuti,  
 Inventas aut qui vitam excoluere per artis  
 Quique sui memores alios fecere merendo;

R.) — 655. *tellure repostos*, ut alibi, conditos, mortuos. — 656-659. Hoc cum Axioclio l. c. comparandum. — *Vescentis*, epulas celebrantes: etiam sic inf. VIII, 482, 483. *lidem choro*, in choro, chorum ducendo, ἀνθόντες; Παιόνες, ut Iliad. χ, 391, Aethi-vi, et quidem in grato nemore, per quod, ut amoenitas loci maior esset, descendit amnis. Amnes sub terra ferri vidimus iam Ge. IV, 366, 367. *Eridanum* autem quod potissimum appellat, suspicor fabulis poetarum, qui Argonautica scripserunt, deberi, a quibus plura videntur fabulose de Eridano tradita esse; fortasse etiam hoc, quod ad loca ille infera defertur. Conf. Apollon. IV, 627 sq. Nam hoc, quod ad inferum mare tendit aut quod non longe a fontibus suis cuniculum subter terram per duo millia subit, poetam adducere vix potuit, ut ad inferos eum relegaret. Sed Eridanus est fabulosus ille antiquiorum poetarum amnis, quem ad geographicas rationes referre velle non minus vana esset opera, quam Oceanum, Hyperboreos, Indos, Nysam et similia geographicè constituere velle, cum ex certo locorum ac terrae situ ea definita non sint, sed ex vrga aut falsa

opinione; multo minus ex nominum similitudine, Rhodani, Rheni ac similibus veri aliquid elici potest. *superne*, b. e. ex editiore loco, *volvitur*, venit, *plurimus*; dictum eleganter ad magnam aquarum copiam designandam: ut l Ge. 487, *nux plurima*. Apud Servium sup. ad v. 603 Tantalus in *Eridano Inferorum stare* narratur, quo liquere videtur etiam ab aliis poetis Eridanum simili ratione in inferis fuisse celebratum; hactenus sequendum est, quod inter Serviana habetur: « Alii Eridanum pro quocunque accipiant, et dicunt var' ἑρδαν dictum, nam legimus l Ge. 482, *Fluviorum Rex Eridanus*. Et amant poetæ pro appellatione ponere magnæ et in suo genere præclaræ rei proprietatem, ut l Ge. 9: *potula Achelœa* » Etiam Callimachus fragm. p. 473 e Strab. IX, 608 Eridanum ita dixerat pro flumine omnino. Nobilitatur res vulgaris splendido nomine.

660 sqq. Locus de piorum turba in nobilioribus facile princeps et, quem a generosiore animo vix puto legi posse, quin incalescat et magnæ virtutis studio inflammetur: imitatione expressus a Silio XIII, 533 sqq. et a Valer. Fl. I, 836 sq. Referen-

Omnibus his nivea cinguntur tempora vitta. 668  
 Quos circumfusus sic est adfata Sibylla ;  
 Musaeum ante omnis : medium nam plurima turba  
 Hunc habet atque humeris exstantem suspicit altis :  
 Dicite, felices animae tuque, optime vates,  
 Quae regio Anchisen, quis habet locus? Illius ergo 670  
 Venimus et magnos Erebi tranavimus amnis.  
 Atque huic responsum paucis ita reddidit heros :  
 Nulli certa domus ; lucis habitamus opacis  
 Riparumque toros et prata recentia rivis  
 Incolimus. Sed vos, si fert ita corde voluntas, 675  
 Hoc superate iugum ; et facili iam tramite sistam.

Idus autem est animus in tempora antiquior herolca, in quibus per *vates* mellor vita constituta est responsis ac decorum monitis, ritibus religiosis, legibus institutisque et morum praeceptis. Nihil ista aetate actum est nisi ab animis divino numine afflatis. *Sacerdotes casti*, qui sacra caste, pura ac pie curaverant, dum vivebant. — *Vates* Silius ib. v. 538 : *qui... nec dedignanda parent Carmina fuderunt Phoebæ*, de poetis accepit. *pii*, qui *Phoebæ digna* loquuntur, grandia, sublimia, praeclara canunt. At post *inventores artium et commodorum vitae* oritur *Quisque sui memores alios fecere merendo*, qui de aliis meruerunt, pulcherrimo versu 664 ornatè pro : magnae illae et divinae animae, quae bene de genere humano merita sunt ; quibus vel una haec meritum conscientia in altera vita perennem voluptatem allatura est. *merendo*, idem quod in vulgari sermone : *demerendo*, promerendo, bene merendo de aliis. — 665. *Omnibus his*, Servius : a per : quod eos ostendit meruisse divinos honores. a Certe declarat hoc insigne esse eos viros sacros et sanctos.

Nam vittatos fuisse sacerdotes, vates, deos, satis notum est. conf. Val. Flacc. lib. 1, 836, 840. — 666 sqq. Quod Musaeum potissimum nominat poëta, mirantur Inpp. Homerus sane Aeneas in Inferis occurrere non potuit : turbatae fuissent temporum rationes. Cum autem de antiquioribus aliquis esset laudandus, Orpheus autem iam sup. t. 19 memoratus esset ; viz alius praeter Linum vel Musaeum surrogari potuit. Magna autem Musaei auctoritas propter religionem et teletas institutas. Ceterum ad Homerum in simili loco rem transtulit praeclare Silius XIII, 780 sqq. — 667, 668. *medium nam plurima turba*. Bene hoc ex heroum aetate et opinione. Nam ad Platonem eum respicisse apud Servium levis coniectura est. Ad verba cf. Il. γ, 226, 227. — Mox 674 ornatè, pro (altis mollibusque, ut V, 388. R.) *ripis* ; *recentia* sunt *rivis*, h. e. virentia propter vicinas aquas : ut Serv. ; et v. 676 *sistam*, vos ad eum deducam facili et expedita via, quales in Elysio omnino esse vias credere fas est. Antequam tum Musaeus ipse ; ubi ex summo collis ver-



Dixit et ante tulit gressum camposque nitentis  
Desuper ostentat; dehinc summa cacumina linquunt.

At pater Anchises penitus convalle virenti  
Inclusas animas superumque ad lumen ituras 680  
Lustrabat studio reCOLens, omnemque suorum  
Forte recensebat numerum carosque nepotes  
Fataque fortunasque virum moresque manusque.  
Isque, ubi tendentem adversum per gramina vidit  
Aenean, alacris palmas utrasque tetendit; 685  
Effusaeque genis lacrimae et vox excidit ore:  
Venisti tandem, tuaque spectata parenti  
Vicit iter durum pietas? datur ora tueri,  
Nate, tua et notas audire et reddere voces?  
Sic equidem ducebam animo rebarque futurum 690

tice locum ostenderat, tum Aeneas et Sybilla altera parte collis descendunt, discessu scilicet Musaeo facto. — 677. *campos nitentes* pro amoenis aene dixit. Ge. I, 453 de cultu dictum erat *nitentia culta*.

679 sqq. De occurso matris Vlyssias nonnulla in similem rationem sunt apud Homerum Od. λ, 151 sqq., sed locus hic de Anchisa praeclare a Virgilio est tractatus. Artificium egregium in hoc, quod Anchisa hoc ipso tempore in recensu animarum in hanc vitam transiturum occupatus ab Aenea deprehenditur. Traduxit enim poëta et convertit in rem suam velut illud philosophantium placitum, quo animae iam ante huius vitae ingressum existere putantur. Iam his certus locus erat assignandus, cui inclusae essent; docendum porro, unde in eum locum essent deductae. Itaque opportunitas data novis opinionibus, hoc est mythis, partim ut locum accuratius declararet, partim ut probabile fieret animas eas iam antea hu-

mana corpora animasse vitae functas in ea loca descendisse. Atqui hic rursus nova coniectandi necessitas, quomodo animae corporis contagio contaminatae vitia et erroribus liberari possint, aut in iisdem locis aut antequam in ea loca pervenerint. — 680. *inclusas*, collectas in hunc locum. v. inf. 705 sqq. — *Recolens* animo proprie praeteritis, h. e. v. 681 simpl. recensere, esquirere et addiscere futura facta et res fortiter gestas. — 683. *maius* seu virtutem seu facta intellige; nam ieiunum esset de numero acturba accipere. — 687. *Vicit iter*: facili iter victus, motus, pietate mihi iam probata; seu, ut Servius, tua mihi probata pietas vicit, effecit, ut difficile hoc iter ingredi sudes. — 690. *Sic equidem ducebam animo*. Aeneam vivum ad loca infera descendurum esse Anchises iam ante praevidisse putandus; nam idem nocturnis monitis filii pietatem permoverat, ut ad se videndum descenderet. cf. VI, 115. — *Libyae regna*,

Tempora dinumerans, nec me mea cura fefellit.  
 Quas ego te terras et quanta per aequora vectum  
 Adcipio! quantis iactatum, nate, periclis!  
 Quam metui, ne quid Libyae tibi regna nocerent!  
 Ille autem: Tua me, genitor, tua tristes imago <sup>695</sup>  
 Saepius occurrens haec limina tendere adegit;  
 Stant sale Tyrrheno classes. Da iungere dextram,  
 Da, genitor; teque amplexu ne subtrahe nostro.  
 Sic memorans largo fletu simul ora rigabat.  
 Ter conatus ibi collo dare brachia circum: <sup>700</sup>  
 Ter frustra comprehensa manus effugit imago,  
 Par levibus ventis volucrique simillima somno.  
 Interea videt Aeneas in valle reducta  
 Seclusum nemus et virgulta sonantia silvis  
 Lethaeumque, domos placidas qui praenatat, amnem.

lustris de Didonis amoribus metus, ne iis ab Italia retineretur filius. — 696. *Saepius occurrens*; sup. V, 731 sq. Nam semel memorari satis erat. conf. IV, 351. et VI, 115. — 700-702. Nota imitatio ex Od. λ, 303 sq. II. φ, 99 sq. cf. Ge. IV, 499; et de Hercule simile quid ap. Apollod. II, 5, 12. p. 121. — 703 sqq. Haec iam manifeste ex Platonicis mythis, quorum fundus in Pythagoreorum opinionibus substructus erat. Etsi enim opinio de reditu animarum in vitam communis antiquitati fuit, non ab una hypothesis, ut putatur, sed a variis illis argumentis et indiciis docte indocteque petita (v. e. a mutuo interitu ortuque omnium rerum) aut in subsidium adsumta aliis doctrinis fukiendis: Platoni tamen, si non doctrina de subeundis ante transitum in novum corpus inferis, quam et Aegyptii tenuere, ac de purgatione, quae initiis ac restructis frequentata fuisse videtur, Platoni tamen, in-

quam, peculiari, ni fallimur, fuit doctrina de bibenda ante reditum Lethe: v. de Rep. X p. 765. Frf. p. 624 A. Stephani. Ingeniosum utique commentum, cum nova vita, nova infantia ineunda sit. Anterorem cum inversa fabula nonnulli ad hoc ipsum dogma non male traduserunt, etsi is proprie ad amoris oblivionem spectabat. v. Ovid. A. Remed. 551 sqq. — 704. *virgulta sonantia silvis*. Inter plures modos, quibus accipis, probabilior est hic, ut sint dicta pro virgultis silvarum sonantibus, si ventu sint motae; ut XII, 522 sunt *virgulta sonantia lauro*. Paullo diverso modo dictum supra III, 442, *Averna sonantia silvis* b. e. silvae circa Avernum sonantes. Habet autem Elysium suas suras, suos Zephyros; conf. Od. δ, 567; Pind. Ol. β, 129 sqq. At Ge. IV, 484 noli eo vocare. — 705. *Lethe in sinibus Elysii praenatat*, praeterfluit. Servius: a Ennium secutus est, qui ait: *fluctusque natantes*. s

Hunc circum innumerae gentes populi que volabant;  
 Ac, veluti in pratis, ubi apes aestate serena  
 Floribus insidunt variis et candida circum  
 Lilia funduntur, strepit omnis murmure campus.  
 Horrescit visu subito caussasque requirit 710  
 Inscius Aeneas, quae sint ea flumina porro  
 Quive viri tanto conplerint agmine ripas.  
 Tum pater Anchises: Animae, quibus altera fato  
 Corpora debentur, Lethaei ad fluminis undam  
 Securos latices et longa oblivia potant. 715  
 Has equidem memorare tibi atque ostendere coram,  
 Iampridem hanc prolem cupio enumerare meorum:  
 Quo magis Italia mecum laetere reperta.  
 O pater, anne aliquas ad coelum hinc ire putandum est  
 Sublimes animas iterumque in tarda reverti 720

Paullo aliter, *campi notantes* Ge. III, 398. — 706. *gentes* maius sunt. Nam in gente *populi*. cf. inf. X, 202. v. Gronov. ad Liv. V, 34. — 707-709. Optime illa: *u strepit omnis murmure campus*, ex animarum discursitatione, *veluti in pratis ubi, u apodosis faciunt*. Ornata vero et suavis comparatio ex Apollonii ducta loco cum hoc omnino comparanda lib. I, 879 sqq., etsi et illo adumbrato ex Homericis II. β, 87 sqq. Cf. sup. I, 430.; Ge. IV, 128 sqq. 51 sqq. — Mox 714 *porro* simpliciter potest iungi: *caussasque requirit porro*; vel *porro*, sc. rogat, quae sint etc. Sed doctior ratio est: *quae sint ea flumina porro*, πῶς ποῦ, h. e. πῶς ποῦ, πῶς ποῦ, παρὰ ποταμῶν, longo inde cursu praetentis campum. — 713. Cum aliae suum primum corpus intrent, aliae iam purgatae in novum corpus intrare cogantur; nunc de hoc altero genere cogitandum est. — 714. Haec est *Letha*, ad quam

confluunt animae in corpora migraturae. *potant ad undam*, pro: latices potant ad amnem, in litore constitutae, procumbentes. — 715. *securas*, ab effectu, ut *morbos pallidos* dicunt. Serv. Nam ex oblivione malorum tranquillitas nascitur, cuius comes securitas. — 716. sup. V, 737: *Tum genus omne tuum et, quae dentur moenia, discas*. Desideratur in verba copula: *memorare, ostendere et enumerare tibi cupio*. — *Italiu reperta*, h. e. ad Italiam accessu; post longos sc. errores. — 719 sqq. Inest nescio quae vis et δεινόν; eximie in hac Aeneae oratione cum indignatione aliqua rogantis; suavis autem tanto maior, si Homerici Achillis (Odyss. λ, 487) indignum vitae amorem memineras. Vides in hoc quoque progressum philosophiae factum inde ab Homericis aetate. *ire sublimes*, ex inferis, ad coelum, h. e. ad vitam. Sic iam supra: *ad auras superas*, et alibi.

Corpora? quae lucis miseris tam dira cupido?  
Dicam equidem nec te suspensum, nate, tenebo;  
Suscipit Anchises atque ordine singula pandit.

Principio coelum ac terras camposque liquentis  
Lucentemque globum Lunae Titaniaque astra 725  
Spiritus intus alit, totamque infusa per artus  
Mens agitat molem et magno se corpore miscet.  
Inde hominum pecudumque genus vitaeque volantum  
Et, quae marmoreo fert monstra sub aequore pontus.  
Igneus est ollis vigor et coelestis origo 730

724 sqq. De toto hoc illustri loco, in quo fœra interpretum subtilitatem desideres, Servius vero neoplatonicas argutias affert partim et grammaticas nugæ, ita agere, ut sententiarum vis, causae et rationes exponantur, a consilio huius recensionis alienum est. Hic sententiae et verba interpretanda sunt. *Spiritus et mens*, ut *Ψυχὴ* et *Νόσ*, h. e. anima mundi, quae omnia perneat; cumque universo corporis speciem induisset poëta, recte pro partibus *artus* posuit. Sic de Terra Ge. II, 325-327. Commentarii loco esse possunt Ciceronis versus ex Consolato, lib. II, in de Divin. I, 41. Comparant alii II. 2, 483-485. — *coelum* pro aëre dictum vix dubites, et *campos liquentes* pro mari, ut aequor aquarum. In quarto tamen elemento extendendo laborarunt Grammatici; perperam. Docta ex vet. comment. servata nota est apud Pomponium, ubi inter alia: *Ridiculum est intelligere coelum pro duplici elemento, id est aëre et aethere*. Aemilius Asper, quum hunc locum annotaret, sic ait: *Membra naturae sic solet iungere Virgilius, ut in tria dividat; nam et alibi maria ac terras coelumque profundum, Ennium seculus, qui ait:* *Qui tuo lumine mare, terras, coe-*

*lum continet.* — *Titania astra*. Ex his, quae apud Diodorum exponuntur (altero loco V, 66 fabula Cretica, altero III, 57 Libyca), nihil facile huc revocari potest; nec sidera ad Titanes referri scriptorum usus est cognitum. Igitur Servius sequendus, qui altero loco *Solem* interpretatur. Dictum scilicet poëtico more pro *astrum Titanium*, h. e. Titanis (ut IV, 419) seu Solis, ut Titania Luna vel Disa saepius memoratur Apollonii exemplo: *Τιτανίς* lib. IV, 54, ubi v. Schol. — 727. *magno se corpore miscet* doctius quam *corpore se miscet*. — 728 sq. Inde, ex hac mente Mundi, omnia sunt, h. e. animam et vitam habent. Cf. Georg. IV, 224-226: *Deum namque ire per omnes Terrasque tractusque maris coelumque profundum. Huc pecudes, viras.... Quemque sibi tenuis nascentem accessere vitas*. — 729. *marmoreo aequore*, quod splendet sole, ex Homérico *μαρμαρέην* Iliad. ̘, 273; *marmor* pro mari, ut Georg. I, 254, et Aen. VII, 28. Præciverat iam Ennius apud Gell. II, 26, *Verrunt extemplo mare marmore flavo*; Lucret. II, 766; Catull. 63, 88. — 730-734. *Illis seminibus*, h. e. bis animabus ex anima mundi, tamquam ex igni scintillae, pe-

Seminibus, quantum non noxia corpora tardant,  
 Terrenique hebetant artus moribundaque membra.  
 Hinc metuunt cupiuntque; dolent gaudentque; neque  
 Dispiciunt clausae tenebris et carcere caeco. (auras  
 Quin et supremo quum lumine vita reliquit, 735  
 Non tamen omne malum miseris nec funditus omnes  
 Corporeae excedunt pestes, penitusque necesse est  
 Multa diu concreta modis inolescere miris.  
 Ergo exercentur poenis veterumque malorum

titis et in humanum corpus traductis inest ignea vis (qualis aetheris est, at aetherea natura). Verba Stoics quoque disciplina frequentata. — *noxia corpora*, praeclara, quandoquidem vim divinae flammæ obtundit terrestria natura corporis, *moribunda*, pro vulgari mortalia. — *Hinc metuunt cupiuntque*, a corporis contagio animorum perturbationes et cupiditates proficiscuntur, ex bonis malisque opinionatis. Corporis tamquam carcere *inclusae lucem non dispiciunt*, prospiciunt, pro carcere includuntur. Nam corpus vinculis animi tenebrisque assimulatur, quibus illa offuscatur et a libera rerum contemplatione retrahitur. Cic. Somn. Scip. sub f. *Sunt optimae curae de salute patriae; quibus agitur et exercitatus animus veloxius in hanc sedem et domum suam pervolabit, idque oculus faciet, si iam tum, cum erit inclusus in corpore, aminebit foras et ea, quae extra arant, contemplans quam maxime se a corpore abstrahet.* (cf. Cic. Tusc. disp. I, c. 49; §. 44, 45. B.) — 734. *clausae*: subiectum repetendum paullo longius ex vs. 720 *animae*, quum intervallis vs. 730 iam *semina*. — 735-739. Adan materiae a. terrestris corporis sordes inolescunt animabus, ut iis ne dissolutis quidem a corpore

illae elui facili possint. Itaque purgationes sunt operosae aquae, aëra, igni in locis inferis. Contagium corporis dictum: *malum, corporeae pestes, vetera mala, aedus*; intelligentiae autem perturbationes, cupiditates (v. 733), metus, irae, alia. (cf. Cic. Tusc. disp. III, 4 at alibi. B.) Secundum semel institutam sui adumbrationem iidem *animorum* dicuntur esse morbi seu *labeis, sordes, maculae, πληγες, ulcera, cicatrices, μωλυσες, οὖλοι, στίγματα*; hinc suavis illa mythus seu involutum fabulosa narratione philosophema apud Platon. Gurg. astr. p. 356, 357 de animabus coram Rhadamantho nudandis; quo in mytho suo Plutarch. de his, qui sero a Num. pun. T. II, p. 564, 565, et Lucianus aliquoties felicissime usi sunt. Virgilius quum semel per *sordes* et *maculas* animorum vitia et cupiditates animales designasset, emendationem earum per purgationis genus bene exhibuit; quum iam in aëris at initia lustrationibus et expiationibus adusti essent veterum hominum animi. Eadem purgatio mox vocatur per poenas, *supplicia* vel Platonis auctoritate in Gorgia extr. I, a., quod non observatum misere vexavit Intpp. — 738. inversa est oratio. Debebat sequi: *nec excedunt*

Supplicia expendunt. Aliae panduntur inanis

740

Suspensae ad ventos; aliis sub gurgite vasto

Infectum eluitur scelus aut exuritur igni.

Quisque suos patimur Manis; exinde per amplum

....sed penitus inoluerunt, concreverunt: unde 746 *concreta labes*. Hoc ita extulit: nec mirum hoc; quin necesse est multa, multum vitii, diu, per tam longum vitae tempus, *concreta inolescere penitus modis miris*.

740-742. A sollempnibus purgationum et lustrationum ritibus haec sunt petita. Flebat enim iustratio aëre, aqua, igni. Nec aliter sermone humano efferri animarum purgatio poterat, ne a philosophis quidem subtilioribus, si fuerunt forte qui animo corpusculum suum omnino detractum esse vellent, aut qui animum sine corpore existere vel valere superstitem cogitatione assequi possent; quod dubito. Purgationem animarum in sole et in sideribus fieri statuisse Aegyptios viri docti passim aiunt; vide Moshem. ad Cudworth. p. 366. Sed ex loco Porphyrii de abst. IV, 40, testis per se parum idonei, nisi talem opinionem iam animo attuleris, id non facile elicias. — 743, 744. *Quisque nos patimur Manis*. Vexatus locus. Simplicissima tamen est ratio: patimur supplicia ita omnes, non quidem quales nunc sumus, animae corpori inclusae, sed quoad (κατά) suos quisque Manes, pro vulgari: nostrum omnium Manes patiuntur; omnibus Manibus ista patienda sunt; purgatio ista subeunda est omnibus. Soli ad inferos perveniunt Manes; illi sunt qui purgantur, qui *patiuntur*, h. e. subeunt pro sua cuiusque parte, purgationes illas tormentorum similes. Firmat quoque hanc rationem Appuleius Florid. lib. II, p. 234 Colv. de

Pythagora: *Brachmanae autem pleurae philosophiae eius contulerunt: quae mentium documenta corporumque exercitamenta, quot partes animi, quot vices vitae; quae Manibus diis pro merito suo cuique tormenta vel praemia*. Quo loco nihil ad rem disertius esse potest. Manes pro suppliciis ac poenis vulgo accipiunt; qua ratione aut analogia, non videat: etsi sic Ausonius (quamquam hoc mihi non satis exploratum) videri potest et ipse interpretatus esse, imitatus versum hunc in Ephemer. 57, *si poenitet atque senus Formido exoruat, tormentaque sera gehennae Anticipat, patiturque nos mens saucia Manes*. (Etiam Stat. Theb. VIII, 84. At tibi quos, inquit, manes etc. pro poenis posuit. R.) Sanctii interpretatio in Minerva p. 825, 826, ut, quemadmodum mali patiuntur Lemures et Larvae eorum, quos laeserunt vel necarunt, sic boni patiuntur proprios Manes, contorta est. Certe *pati Manes* dictum vult, uti *pati Furias*. Sed hoc nihil expedit, nec si deos inferos esse h. l. dixeris Manes, ut Georg. IV, 489 et alibi. *Pati aliquem, pati deos, pati Manes*, vix latine dicitur. Ad duos Genios, qui homini adsunt, referebat alio loco Servius; sed alienum id ab h. l. Melius Rubeus daemones huc vocat ex Platone (v. c. in Phaedone p. 80 B. Frf.); sed nusquam ab hoc memorari video cruciatum animabus inferri ab ullo daemone. Valer. Fl. III, 389, qui h. l. ante oculos habuit, interpretationem in neutram partem inflectit; nam

Mittimur Elysium et pauci laeta arva tenemus,  
 Donec longa dies perfecto temporis orbe 745  
 Concretam exemit labem purumque reliquit  
 Aetherium sensum atque aurai simplicis ignem.  
 Has omnis, ubi mille rotam volvere per annos,  
 Lethaeum ad fluvium deus evocat agmine magno :  
 Scilicet inmemores, supera ut convexa revisant 750

aliam plane ille rationem inijt: Animae violenta morte vita expulsae ap. Platonem de iniuria conqueruntur: tum illae, una Puriarum comite addita, redeunt, ut a sordibus poenas expellant: *Quisque suos sordes inimicaeque pectora poenis Implent; et varia meritis formidine pulsant.* — 744. *per Elysium*, h. e. ad. Alii distinguunt *laeta arva* ab *Elysio*: sed perpetuo usu loquendi de eodem loco haec dicta inveniuntur.

745-747. Igitur aut nova in Elysio fit aut inchoata ante purgatio animarum in Elysio absolvitur: et tum post mille annos in vitam redeunt, pota ante Lethes aqua. Nisi forte versus hos tres ante 743 retrahere praestat, aut versus 743, 744 supposititii felus sunt. Tenet et moratur nos, quod pauci in loca laeta mittantur; quid igitur fit de ceteris? Eorumque purgationes absolvuntur nullo tempore? Nam il, qui ad Tartarum relegantur, ne ad purgationes quidem admitti nec admitti posse videntur. — 745. *perfecto temporis orbe*, definitum post tempus, h. e. mille annos. *purum Aetherium sensum*, mentem illam (sensu pro perceptione et iudicio animi, et hinc pro animo) ex aethere deductam, quumque idem aether sit ignis purissimus, explicative subiicit: *atque aurai simplicis ignem*. De igni auram proprie dici, ut de luce, supra v. 204 vidi-

mus. Itaque anima tandem ad pristinam puritatem aetheream restituitur. — 748-751. ubi *mille rotam volvere per annos*. De sensu constat ex v. 745: *perfecto temporis orbe*. Verba ex vulgari ratione sic constituerentur: ubi mille annorum rota voluta, h. e. circumactus orbis est. *Rotam* dixit absolute pro orbis, κύκλος. Annorum volubilitatem interpretatur Servius et Ennianum esse monet. *volvere rotam* est: exegerunt tempus in orbem rediens. Non minus ornate in similem modum Cic. in Somn. Scip. 2: *quam aetas tua septenos octies solis anfractus reditusque converterit*. Mille annos a Platone sumit de Rep. X, p. 761 Ed. Frf. p. 515 A Steph., ubi ποσὶς χιλιάτης animarum iniustarum subter terram, quasi in poenam decupli; it. in Phaedro p. 1223 D. In lustra annos mutavit Silius XIII, 558: *Hae (decima porta) animae coelum repetunt ac mille peractis Oblitae Diem redeunt in corpora lustris*. Omnino multa saecula memoravit Cic. in Somn. Scip. sub f. Pindarus novem annos finierat in praefato fragm. ap. Platonem Menon. p. 415 B Frf. (in Fragm. Pindari ex Threnis III, p. 36, 37). Animam non interire, sed tantum mori ac reviviscere; sancte igitur esse vivendum: εἰς γὰρ αὖ (h. e. ἀγ' οὖν) Φερσέφωνα παλαίσθητες (h. e. κελού, idem est vetus malum Maconis, corporis petis seu

Rursus et incipiant in corpora velle reverti.

Dixerat Anchises natumque unaque Sibyllam  
Conventus trahit in medios turbamque sonantem  
Et tumulum capit, unde omnis longo ordine possit  
Adversos legere et venientum discere voltus. 755

Nunc age, Dardanium prolem quae deinde sequatur  
Gloria, qui maneant Itala de gente nepotes,  
Inlustris animas nostrumque in nomen ituras  
Expediam dictis et te tua fata docebo.

morbus) δέξεται, ἐς τὸν ὑπερθεῶν ἄλιον  
(ad superas auras, ad coelum, h. e.  
in vitam) κλισίῳ ἐνέσθῃ ἐταῖ ἀνδρῶν  
ψυχὰν πάλιν... ἐκ τῶν βασιλικῆς ἀ-  
γαυοῖ καὶ ἀδύναμι κραιπνοῖ παρὶς τε  
μέγιστα ἄνδρες αὖξονται· ἐς δὲ τὸν  
λαμπρὸν χρόνον ἤρωες ἄγνοὶ πρὸς ἀν-  
δρώπων κλισιύνται. Idem in Olymp.  
β, 123 eos, qui vitam ter exegissent  
sic, ut inualitiam colerent, ad beatam  
insulam deferri narraverat. Ter mille  
annis circuitum animarum fieri per  
animalium corpora statuerant Aegy-  
ptii ex Herodoti fide lib. II, 123:  
quod tamen dogma tantum ad ani-  
mas spectare potuit sceleribus ac vi-  
tiis inquinatas. Nec sane potuit in  
mythis his ulla esse constantia; de  
rebus futuris, de Iliade e re nata fin-  
git quilibet consentanea. Suae autem  
petitis sensus et opiniones reddere  
solent poetæ. Ita etiam in Messia-  
animarum in vitam proditurarum sors,  
sedes, facta, dicta ad puriorem de  
anima humana sapientiam attemperata  
sunt sub f. I. I et al. ut VIII. — *deos*  
*evocat*, non hic de Mercurio agitur,  
quod putant Inpp., sed est ὁ δαίμων,  
indefinita v. Platon. de Rep. X, p.  
765 E.

752 sqq. De hoc animum, quae  
in novo corpore transiaturae sunt, re-  
genu hoc saltem teneamus, quam

opportunus ille sit in hoc ad inferas  
sedes aditu ad posteritatem tam cla-  
ram commemorandam, quamque in-  
ciudus hic locus fuerit Romanis,  
quam commendabilis genti Iuliae;  
tandem qui animi indicio poëta re-  
cessum ab ipso stirpis progenitore in  
gratiam filii, eiusdem stirpis aucto-  
ris, factum esse voluerit. — 752-  
755. *conventus in medios*, in mediam  
turbam. *sonantem*, de strepitu, ex  
Od. α, 5: τὰ δὲ ἐρεχθούσα ἔμειντο.  
cf. Horat. I Serm. 8, 41 et sup. v.  
707 sq. *adversos*, ex adverso incede-  
ntes animas *legit*, recenset, co-  
gnoscit.

756. *Gloria Dardaniæ prolis*. Enar-  
rabo clara facta et fata posterorum  
tuorum .... *nepotes* .... *animas* ...  
enarrabo. *qui maneant*, exspectandi  
sint, *nepotes Itala de gente*, de nova  
stirpe in Latin ex Lavinia suscipienda.  
*nostrum in nomen ituras*, pro vul-  
gari: futuras ex nostra gente. Sic  
*ire*, sæpe et ἰσχυροῦται. Quod autem  
Anchises hæc exponere et futuras res  
praedicere potest, ad diviandi mu-  
sus pertinet, quod ille a Venere  
acceperat. V. sup. lib. II, 687 sq. et  
al. Ceterum ex Serviana nota hæc  
apponemus: « Cetera, quae hic in-  
termittuntur, in ἀποδόμῃς com-  
memorant. » (lib. VIII, 728 sqq. et



Ille, vides, pura iuvenis qui nititur hasta, 760  
 Proxima sorte tenet lucis loca; primus ad auras  
 Aetherias Italo conmixtus sanguine surget  
 Silvius, Albanum nomen, tua postuma proles:  
 Quem tibi longaevo serum Lavinia coniunx  
 Educet silvis regem regumque parentem: 765  
 Vnde genus Longa nostrum dominabitur Alba.  
 Proximus ille Procas, Troianae gloria gentis,  
 Et Capys et Numitor et, qui te nomine reddet,  
 Silvius Aeneas, pariter pietate vel armis  
 Egregius, si umquam regnandam adceperit Albam.

hac de causa multa utique poëtae in hoc recensu praetermittenda fuere, ne his eadem afferret): unde etiam in antiquis invenimus opus hoc appellatum esse non Aeneidem, sed Geata populi Romani; quod ideo mutatum est, quia nomen non a parte sed a toto debet dari. En cerebrum Grammatici!

760 sqq. Gens Julia ab Ascanio seu Iulo ducta, qui patri successit et Albanum Longam coadidit; cf. sup. Aen. I, 267 sq.; sed reges Albani a Silvio, qui ex Lavinia postumus Aeneae natus erat. Haec est fama, quam h. l. poëta sequitur. Alii Ascanii filium et successorem Silvium faciunt. Alii aliter tradunt. V. Liv. I, 3. Victor. O. G. R. 46, 47. Dionys. Halic. I, 70. Ovid. IV Fast. 40 et Serv. ad h. l. Fabulae de Romulo et Remo ficus Ruminalis et similitudo vocis ruminis, hoc est, mammae. hastam puram, δόρυ ἀνιόντων, idem quod antiquioribus saeptum, regum et heroum insigne vel ex Homero notum. Albanum nomen, h. e. Albanus, Albae Longae rex. Nec male tamen sic

accipias: nomine inter Albanos domestico appellatus Silvius. Quo ducere potest Livius ibid. meminit Silvius postea omnibus cognomen, qui Albae regnarunt. — Argutias velt. Grammaticorum super postuma proles, v. apud Gell. II, 46 et Cerdam. Alla est subtilitas Servii et ceterorum in longaevo; quia Aeneas annis fatalibus nondum expletis perit, esse videri dictum pro deo, cuius aevum, h. e. aeternitas, proprium sit. Enimvero potest aliquis etiam senex factus liberos suscipere et senex violenta morte perire. — 764. Quem tibi longaevo. Expressit Homericum, παῖδά τελέοντων. — 767 sq. Nec omnes Albanorum reges nec ordine suo recitat: poëta est, non historicus; ipsa nominum antiquitate carmini dignitatem et gravitatem parare bene intelligebat; alius in animum descendunt et potentius movent ea, quae antiquiora sunt. proximus ergo, qui adat. Meminit Capys, quod Capys Asaraci f. Aeneae fuerat avus. Itaque Anchises refricat in hoc gratiam patris sui memoriam. Procas Troianae gloria gentis, ut Homero μέγα κλέος Ἀχαιῶν. — 770. si umquam.

Qui iuvenes quantas ostentant, adspice, vires ! 771  
 At, qui umbrata gerunt civili tempora quercu,  
 Ili tibi Nomentum et Gabios urbemque Fidenam,  
 Ili Collatinas inponent montibus arces,  
 \*Laude pudicitiae celebres, addentque superbos\* 775  
 Pometios Castrumque Inui Bolamque Coramque.

Servavit illustrationem ex antiquioribus Servius: *Recepit autem a tutore, qui eius invasit imperium: quod ei vix anno quinquagesimo tertio restituit. Et rem plenam historiae per transitum tetigit.* — 772. Qui memorati adhuc fuerunt, erant rebus bello gestis clari; qui sequuntur, artibus pacis; quae declarantur per colonias deductas et novas urbes conditas. Coronam itaque civicam, haec est quereccam, gestant, scil. ob cives servatos et de rep. bene meriti. *Atque legebatur; pro quo nunc receptum at, qui, ex eo, quod in bonis codd. et edd. legitur, Atqui umbratae praeverat* Lucret. II, 628: *viunguntque rosarum Floribus, umbrantes Matrem comitumque catervas.* — 774. ostentant vires, sunt viri fortes, forti et valido corpore virtutem animi prodentes. — 773-777. Ab Alba Longa XXX colonias in Latium et extra Latium deductas esse nota res est et in primis ex Dionysio constat lib. III, 34, p. 472, plerasque saltem novis colonis frequentatas, ut Pyckium quoque monuisse video in Diss. de pr. Ital. col. p. 455, quae vide. Liv. I, 3: *Ab eo (Latino Silvio), coloniae aliquot deductae Prisci Latini appellati.* Et Victor O. G. R. c. 47: *Igitur regnante Latino Silvio coloniae deductae sunt Proeneste, Tibur, Gali, Tusculum, Cora, Pometia, Laci (vitisium, f. Corioli. v. Dionys. V, 61. Plin. III, 5. s. 9), Cru-*

*stumium, Cameria, Bovillae ceteraque oppida circumquaque. Nomentum quidem et Fidenae cum Crustumio tres fratres conditores habuere:* Dionys. II, 53, p. 446, idque multis annis ante Romana conditam; ibid. lib. II, 36 (p. 404); Gabii inter Latinos, ibid. V, 61; et Albae Longae colonia IV, 53. — *Collatina in iis collibus sita, qui inter viam Praenestinam et laevam Anienis ripam videntur.* V. Cluver. Ital. ant. p. 663 (775 a D. L. Fabricio Lampagnano I. C. V. Mediolanensi illatus esse dicitur, quare asterisco notatus est. R.) *Pometii a Pomentini eorumque urbs Suessa Pometia communi scriptorum consensu Volscorum, non Latinorum, nomini accensetur.* Itaque Cluverius p. 4018. p. 4024, lib. III, 4 et 8 alique Virgilium poetica licentia in hoc usum esse ominoque vetus Latium finibus latioribus ad Circeios usque ex sequiore aevo definiisse. Livio sane lib. II, 46: *duae coloniae Latinae (iure Latii Roma deductae) Pometia et Cora.* Enimvero, etsi Volscorum facta est urbs Suessa una cum Cora, tamen urbes inter Latinas eam aliquando fuisse dubitari nequit. V. Plin. III, 5. s. 9. Latent inter nomina populorum foederi adscriptorum ap. Dionys. V, 64 *Πομπητιώνων* leg. *Πομπητιώνων*, et pro *Κόριον* leg. *Κοριώνων*. — *Castrum Inui, qui antiquis Italīs inter Faunos et Paves erat, etsi in Rutulis situm,*

Haec tum nomina erunt, nunc sunt sine nomine terrae.  
 Quin et avo comitem sese Mavortius addet  
 Romulus, Assaraci quem sanguinis Ilia mater  
 Educet. Viden', ut geminae stant vertice cristae, 780  
 Et pater ipse suo superum iam signat honore?  
 En, huius, nate, auspiciis illa incluta Roma  
 Imperium terris, animos aequabit Olympo  
 Septemque una sibi muro circumdabit arces  
 Felix prole virum: qualis Berecynthia mater 785  
 Invehitur curru Phrygiæ turrita per urbis,  
 Laeta deum partu, centum complexa nepotes,  
 Omnis coelicolas, omnis supera alta tenentis.  
 Iluc geminas nunc flecte acies; hanc adspice gentem

tamen Latinorum fuit colonia vel Virgilio teste; ut etiam *Bolae*, Aequorum oppidum. Sunt Bolani etiam foederi Latinorum modo memorato adscripti apud Dionys. l. c. Adde locum Victoris supra laudatum. — 778. *avo comitem sese addet*; secundum Servium: *avito sese inuget imperio*, h. e. una cum avo regnabit, donec Romam condet. Sed *vix hoc loquendi usus fert*; socium regni dixisset. Erit saltem: una cum ipso in vitam prodibit: uno scilicet tempore. Verum praestat cum edit. *Veneta legere addit*; una cum patre incedebat anima Romuli.

779. Quem Rhea Silvia Troiana stirpe oriunda partu edct. *Assaraci*, v. sup. I, 284. *Educet*, ut modo v. 765, cum nunc deberet esse: pariet. — 780. Ea bellicosum viri ingenium iam nunc militaris viri habitus (galea duplici crista, *διπῶλον* vel *διλόπον* diceret) declarat. *stant*, sint, ut sibi quoque. — 781. Ex variis ordinis verborum ac sensus faciendi modis verior hic est: *Et pater superum,*

*Iupiter, ipse cum iam signat suo honore, dignitatq̃ viri et corporis virtute arguit, cum aliquando in numerum immortalium adscriptum iri. An duplex crista in galea Martis aliquod peculiare insigne, dubito, nec ex Val. Max. I, 8, 6 doceri posse puto. Ornant una, binæ, trinæ, quaternæ cristæ. At ipsa galea perpetuum, quantum memini, Romali insigne est. — 782-788. Versus ornatissimus. — Primus 782 ex Ennio translatus ap. Isidor. XVIII, 4. *Avius auspiciis* non est h. l. dictum ut, si bellum geritur alicuius auspiciis, ductus: sed, per hæc prima urbis initis et fundamenta a Romulo lacta. — 783. quam magnifice prot̃ condetur Roma! Imperium ad terrarum fines proferet, virtute et magnanimitate superabit omnes mortales et animos diis virtute pares habebit. Obvium hoc, et similia Romæ præconia apud veteres congesti multa Cæsa; etiam de septem columnis. — 785-788. Augusta imago Cybeles per Phrygiam invectæ (ex ritu sacrarum), quæ est *Deum ma-**

Romanosque tuos. Hic Caesar et omnis Iuli 790  
 Progenies, magnum coeli ventura sub axem.  
 Illic vir, hic est, tibi quem promitti saepius audis,  
 Augustus Caesar, Divi genus, aurea condet  
 Saecula qui rursus Latio regnata per arva  
 Saturno quondam; super et Garamantas et Indos 795  
 Proferet imperium; iacet extra sidera tellus,  
 Extra anni Solisque vias, ubi coelifer Atlas

ter; confusa cum Rhea et Terra. Assimulatur Roma, quae tot magnos ac divinos viros tulit; nam de divinis honoribus in Caesares delatis non agitur. *supera alta tenentes*, Homerium *ὑπέρτατα δώματ' ἔχοντες*. Etiam ordioem rerum facit admirabilem, quod primo loco gentem Iuliam memorat, cum in Marcello oratio summi affectus pleoa substituta sit. — *Huc converte oculos* etc. omnia cum verborum dignitate extulit. *ventura sub axem*, sub coelum, in vitam, ut iam toties vidimus in hoc libro. — 792 sqq. in Augusto vero representando se ipsum superavit poëta. En pacem terrarum orbi redditam, prolatos imperii fines, vaticinia, quibus terris promissus fuit, expeditiones in terras longinquas at itinera ad constituendas provincias in iis ipsis annis, quibus haec scripsit Maro (V. C. 732 sqq. v. Vitam Virgilii lib. aa.), suscepta; quam gravia haec omnia laudum argumenta et quam splendide verbis et rerum phantasmatibus declarata! — 793. *Divi genus*, ex illo sollenni: Caesar Augustus, Divi filius. — 794. *Latio*, debebat sequi per appositum: *arvis regnatis*, sed variavit; *per arva regnata quondam Saturno*, quae sunt ipsum Latium: v. f. inf. VIII, 319 sqq. — 795-798. Fines imperii in Africa et Asia dila-

tatos intellige; etiam rebus in minus aetis. — *super* (ultra) *Garamantas*: victi hi sunt a L. Cornelio Balbo, cuius triumphum Fasti Capitolini VI Kal. April. a. 785 memorant. Cf. Plin. V, 5. Solin. c. 31. In extrema igitur vitae Virgilii et haec incidunt. *super Indos*, spectat partim ad signas Phraete reddita V. C. 734, partim ad Indorum legationem ad Augustum missam, cum iu Syria versaretur. V. Strab. XV, p. 749 C. D. adde Dion. LIV, et Vit. Virg. a. 734. Loci imitationem intpp. notant in Silio VIII, 409 sqq. de Ciceronis laude. — Iam debebat sequi: *proferet imperium*. . . et *super eam terram, quae inest extra sidera*; sed inversio facta enthousiasmum adiuvat. In sqq. australes Africae plagas designari manifestum est; sed res ad *ὑπέρτατος* deflecta. *Solis vias* proprie sunt intra Tropicos Cancr et Capricorni per eclipticam. Sic apud Aratum *ἡλιόθεν κέντρον* et *ἄλυσιν*, Phaenon. 319, 321. Servius laudat Lucani locum III, 253, in quo Aethiopes extra Zodiacum positi esse dicuntur. Iam Romani quidem ab una parte vix ad Tropicum Cancr pervenerunt, multo minus ab altera parte arma ultra aequatorem protulerunt; tantum abest, ut processerint ad alterum tropicum. Sed poëtae licuit haec amplificare et loca ultra

Axem humero torquet stellis ardentibus aptum.  
 Huius in adventum iam nunc et Caspia regna  
 Responsis horrent divom et Maeotia tellus,  
 Et septemgemiui turbant trepida ostia Nili.  
 Nec vero Alcides tantum telluris obivit,  
 Fixerit aeripedem cervam licet aut Erymanthi  
 Pacarit nemora et Lernam tremefecerit arcu:

800

*tropicos memorare, ideoque ultra sidera, hoc est, Zodiacum, ultra Solis vias et anni, qui illo solis decursu conficitur, ad eas Africae plagas designandas, quae ultra notas terras usque ad Atlantem et lineam ab hoc per Africam ductam procurrentes versus austrum tum erant repertae. Similiter altara ex parte versus arcticum polum navigantes diem post terga solemque reliquias dicti sunt ab Albinovano in fragm. de navigatione a Germanico in Oceano tentata ex Amisiae ostio. Respiciat autem a Marone Candacen victam at Aethiopiam supra Aegyptum a C. Petronio copias peragratam probabile sit; quae de ea v. Strabon. XVII, p. 820 sq. et Vitam Virgilii ad a. 732. — ubi Atlas axem, coelum, humero torquet, sustinet torquentem se at vertentem, stellis ardentibus aptum, ex quo aut seu coelo stellae aptae sunt, in eo fixae. Cf. sup. IV, 481, 482. — 799-804. Splendide at hoc annuntiavit; quod futura Augusti magnitudo multis signis ac praesagiis fuit ostensa; quasi in remotissimis quoque terris eiusmodi signa animadvertas fuerint; nimirum populi circa mare Caspium, inprimis Hyrcani et Baetriani sub Parthis degentes, Scythae ad paludem Maeotidem et Aegyptii — turbant, trepidant; nam et ipsi turbas faciunt, qui perturbantur, ut aepe alibi. Fundum rei videbis*

*ap. Sueton. Octav. 94, ubi ex Iulio quoque Marathio fabula asseritur de prodigio ante paucos, quam Augustus nasceretur, menses Romae facti, quo demutabatur, regem populi Romani Naturam parturire. Scilicet stultissima superstitione laborabat Augustus. V. Sueton. c. 92. Vbi autem sunt, qui tali superstitione ducantur, ibi nec desunt, qui fraudem faciant at praedictiones egregie inventas in medium proferant. Quod nunquam frequentius quam a bellis inde civilibus factum. V. argum. Ecl. IV. Solent enim bella, animis ad barbariam afferatis, novas superstitiones gignere. Adulationis genus isto tempore non obscurum erat, vanditare Imperatoribus vaticinia ac praesagia, quibus ipsis iam olim imperium aut insignis aliqua felicitas finisset ostensa. Ipse Iosephus Vespasiani voluntatem tali commento captabat. Si quod aliud melioris philosophiae bonum nostra aetas videt, hoc inprimis memorandum esse arbitror, quod divinationum ac praedictionum vanitate liberantur hominum animi. — 802 sq. Tandem expeditiones et itinera Augusti commemorat, v. sup. ad v. 792, Horat. III Carm. 14 pr. comparatione facta enim vago (spud Horat. III, Od. 3, 9) Hercule at Baecho. In Hercule paulo iniquior esse videtur poeta, quod ex alia erroribus tantum laudat eos, qui per Arcadiam facil*

Nec, qui pampineis victor iuga flectit habenis,  
 Liber agens celso Nysae de vertice tigris.  
 Et dubitamus adhuc virtutem extendere factis?  
 Aut metus Ausonia prohibet consistere terra?  
 Quis procul ille autem ramis insignis olivae  
 Sacra ferens? nosco crinis incanaque menta  
 Regis Romani; primus qui legibus urbem

805

810

ant; Augusti comparati magnitudo, en ipso attenuata esse videtur, etiam si dicas elevandi Ilerculis causa cervae, suis et hydrae venationem esse memoratam. *Cerynthis cerva* etiam Graecis χαλκίονος, qua voce pedum robur ideoque velocitatem prius homines declarabant; poëtae, rei miraculum ut servarent, epitheton retinuerunt *aeripodem*. Ad Arcadiam illa spectat, uti etiam Erymanthius aper et Hydra Lernaea. *Fixerit* haud dubio ad telum pertinet; atqui debuit cerva viva capta esse; v. Apollodor. II, 5. 3. Aut igitur alium auctorem sequutus est poëta aut loquutus est minus accurate: *figere* pro *capere*. — 805, 806. De Bacchi ex India triumpho agit; in ea Nysa urbs cum monte Mero, qui et ipse Nysa dictus. Iulianae de his fabulae, collectae a Noum in Dionys. Praeter Diodor. II, 38 cf. Strab. XV, p. 687. *qui flectit iuga*, biuges tigres ex v. *q. pampineis habenis*, pampino circumvolutis et implexis. — 807, 808. Et potes adhuc dubitare virtutem strenue exercere per facta? *Virtutem extendere* pro vulgari: virtutem easerere, exercere, ea uti, dici videtur is, qui ea constanter utitur, eam quasi amplificat transferendo eius usum ad multa, ideoque *per facta*; ut si quis orationem dicatur verbis extendere, pro *facere*. *Extendere* enim modo ad tem-

peris intervallum, modo ad numerum, modo ad res refertur, cum plura ad unum referimus aut unum ad multa. Amant igitur poëtae hanc vocem, ut ornent notionem simplicem. Sic pro *exigere vitam*, *aetatem* malunt: *extendere vitam*. Aeschyl. Prometh. 357: Ἰδὲ τι, θεοπαλιδας τὸν μακρὸν τῶντων βίον Ἑλπίαν pro: bonam inter spem vitam exigere. Convenit cum hoc more loquendi alter ille: *noatem proferre*, *producere vino*, *sermone*, et ipsam *tendere*. Horat. I, Ep. 5, 44, *impune licebit aetivam sermone benigno tendere lucem*, *exigere*, quam longa ea est. Bona Servii nota: *dubitamus pro dubitos*. *Miscuit personam manu*. Est autem sensus: cum tibi tanta sit praeparata posteritas, *dubitas*, *virtutem factis extendere? id est gloriam*. Bene porro firmatur Aeneae animus ad eodem in Latio figendam. Ceterum cum sequenti enumeratione comparari potest nec sine fructu locus Manilii de animabus magnorum virorum in sideribus viae lacteae constitutis lib. I, 766 sqq.

808—813. Numa rex, pacis tutela religionumque cura insignis. *Quis procul*. Servius arguitur: *mirum autem utitur phantasia*, ut quasi ostendat se non agnoscere eum, qui de gente Romana non fuerat. *Aeneas* et hanc et reliquas animas prospectabat e

Fundabit, Curibus parvis et paupere terra  
 Missus in imperium magnum, Cui deinde subibit,  
 Otia qui rumpet patriae residuesque movebit,  
 Tullus, in arma viros et iam desueta triumphis 815  
 Agmina. Quem iuxta sequitur iactantior Ancus,  
 Nunc quoque iam nimium gaudens popularibus auris.  
 Vis et Tarquinius reges animamque superbam  
 Vltoris Bruti facisque videre receptos?  
 Consulis imperium hic primus saevasque securis 820  
 Adcipiet; natosque pater nova bella moventis  
 Ad poenam pulcra pro libertate vocabit,  
 Infelix! Vtcumque ferent ea facta minores:  
 Vincet amor patriae laudumque inhensa cupido.  
 Quin Decios Drusosque procul saevumque securi 825  
 Adspice Torquatum et referentem signa Camillum.

longinquo, 754. — *sacro ferens*, proprie de sacerdotibus, v. ad Ge. II, 476, l. l. bene de aeternorum et religionum conditore. *crines inouaque menta*. Talis eius imago occurrit in numis gentis Calpurniae, Marciae et Pompeianae, ut summa sic acceptum esse appareat. Cf. Varini Imagg. n. 95 et Dionys. II, 58: ἀφ' ὧν πομπῆς βασιλεύς fuisse narrat. in imperium magnum, certe salutaris decreto tale futurum aliquando. — 813. Cui deinde subibit, Liv. I, 22. Tullus Hostilius: *Hic non solum proximo regi dissimilis, sed ferocior etiam Romulo fuit.* — *desueta triumphis*, ornatius quam bellis. — 816, 817. De Ancus Marcius, quasi in favorem populi captaverit ideoque superbius in patres fuerit, alios auctores habuisse Maronem necesse est, quam quos Livius et Dionysius ceterique sequuntur, qui ad nos pervenerunt. Ex Servio servatum videtur, quod Pompeius Sabinus adscripsit: Ancus Marcius... *revertente*

*Tullo oegre ferebat, cum e stirpe regio se iocaret* (erat Numa nepos ex filia), *proelatum sibi Tullum. Itaque sterneret favore populari Tullum regem cum toto familia occidere.* — 818, 819. *Vltor Brutus*, qui Tarquinii superbiam et Sesti libidinem ultus est. *fosces receptos*, regiam dignitatem et imperium a Regibus in Cons. translatus. — 820. V. Liv. II, 3, 4. 5. Bruti factum qui reprehenderent, iam Virgili tempore fuisse credendum est; itaque ab Aeneide adiectum: *ut abique streuit*, in quaecumque partem hoc factum interpretatur sine posteris, ipse in sumendo a filiis supplicio sequetur id quod patriae amor et gloriae cupiditas suadebunt. — 825, 826. *Decii*, pater et filius, qui se pro patria devoverunt, alter bello Latino, alter Gallico, *Drusi*, Liviae causa laudati; ex iis M. Livius Salinator h. Punico II clarus et M. Livius Drusus Trib. pl. At Drusum Liviae f. eiusque victorias de Germanis male

Illae autem, paribus quas fulgere cernis in armis,  
 Concordes animae nunc et dum nocte prementur,  
 Heu quantum inter se bellum, si lumina vitae  
 Adtulerint, quantas acies stragemque ciebunt! <sup>830</sup>  
 Aggeribus socer Alpinis atque arce Monoeci  
 Descendens, gener adversis instructus Eois.  
 Ne, pueri, ne tanta animis adsuescite bella!  
 Neu patriae validas in viscera vertite vires!  
 Tuque prior, tu parce, genus qui ducis Olympo; <sup>835</sup>  
 Proiice tela manu, sanguis meus.  
 Ille triumphata Capitolia ad alta Corinθο

In tempora Virgillii advocant Intpp. De T. Manlio Torquato Imperioso v. Liv. VIII, 7. — *referentem signa Camillum*; retulit, recepit signa in Gallia capta in pugna Allienti. cf. Liv. V, 37 et 40. — 827—836. De Caesare et Pompeio. *paribus armis*, utpote uterque Romanus: ut Ge. I, 489 *paribus concurrere telis Romanos* videre Philippi. Lucan. I, 7, *infestisque obvia signis signa, pares aquilas et pila minantia signis*. — nocte, ante ingressum vitae, quae supra *lux* erat, v. 761; — et mox v. 829 *lumina vitae*. — 831. Julius Caesar in Pompeium arma movebat e Gallia. Etsi vero Ravennae tum subsistebat eum una legione, tamen, cum ceterae legiones ex hibernis (v. de B. Civ. I, 7) ideoque maior copiarum pars ex Gallia Transalpina easet arcessenda, angusta rerum specie ab Alpibus descendens eum narrat. Alpes declarat per *aggeres Alpinos* et *arcem Monoeci*, h. e. promontorium eum templo et portu Herculis Monoecisub Alpibus maritimis non longe a Nicæa sitis, qui nunc Monaco est. Alienum igitur est non magis ab historiae veritate quam a poetæ consilio aut cogitare Caesarem

ipsum per haec loca in Italiam descendisse, aut ad reditum Caesaris ex Hispania haec referre. Videas tamen audacter haec in descriptionibus et historiis Italiae repeti et monstrari turrim super monte Turbia, qua transitu facto Caesar iter in Italiam clausurum quam Tropaeorum Augusti ruinas alii esse pronuntiant. — 832. Pompeium copias ex Oriente contraxisse quis nescit? — 833. *adsuescere bella animis*, pro vulgari adsuescere bellis. *Ne pueri, ne*. Color orationis, qui Iliad. x, 279 de Hectore et Aineo singulari certamine pugnantibus: *Μεγέρε, παῖδες φίλω, πολυμήτερες μηδὲ μάχασθον*. — 834. Insitatio Lucani est I, pr. *populumque potentem In sua victrici convernum viscera ferro*; et v. 835 Statii Theb. III, 239: *vos, o superi, meus ordine sanguis, Ne pugnate odiis*. Argutum autem magis quam verum esse arbitror, quod ad elementiam Caesaris v. 835 et 836 referunt. Cur Caesarem potissimum appellet, causa allata est in hoc ipso: *genus qui ducis Olympo*, sc. per Iulium seu Ascanium, *genus meum*.

837 aqq. Duo versus 837, 838 ad L. Mummiūm Achaicum pertinentes



Victor aget currum, caesis insignis Achivis.

Eruet ille Argos Agamemnoniasque Mycenae

Ipsumque Aeaciden, genus armipotentis Achilli, 240

dubitari nequî; eum autem potissimum commemorat non tam insigniore aliquo ioter alios magnos viros merito, quam quod *Achivos*, Graecos, bello Achaico confecto prodigavit: quae res ad Troiani hominis sensum grata auditu esse debuit. At, qui vs. sequuntur, ad quem ex Romanis dubiis referendi sint, obscurum videtur. Ad eundem Mummium ne referas, vel tò *Ille* intercedit, quod diversum aliquem designat. Veteres Pyrrhum Epiri R. respici crediderunt a Curio et Fabricio victum, qui in noto Ennii versu *Aeacides* dictus: nam genus ille ab Achille et Aeaco ducebat. Sed reliqua in his vers. memorata: *Eruet ille Argos et Mycenae*, in eum non cadunt; unde vana Virgiliî reprehensio nota apud Gell. X, 46. Iniquior est Grammaticorum strictura apud Pompon. Sab. *Hoc carmen putant e textu delentum esse; nam Virgilius procul dubio, si correxisset, fuisset exempturus; nisi aliquid adpexerit nobis incognitum.* Redditur loco sua dignitas, si *L. Aemilius Paulum*, Persei victorem, victamque Graeciam Aeneae ab Anchisa ostendi videris. Cogitandum autem nos in rei futurae praedictione versari, neque ideo „quod in ascris Iudaeorum vaticiniis fere interpretes faciunt, ad proprietatem orationis et historiae subtiliter omnia esse revocanda; quin poeta vaticiniorum ambiguitatem et obscuritatem studio affectasse videri debet. Graeciae opes iam ante Corinthum excisum fractas Macedonia devicta indicaturus *Argos* ac *Mycenae* nominat in veterum historicorum me-

moriam lucundam simul et augustam ut iam lib. I, 283-285 factum vidimus, quem locum cf.; item Ovid. Fast. VI, 47. Aeneae autem, cui haec a patre memorantur, omnem Graeciam designantia nomina erant *Argos* et *Mycenae*, ut aliquoties in Homericis. Quantopere autem victoria de Macedonum Rege Perseo affluerit Graeciam, ex Livio intelligas XLV, 31 sq. Ad eadem tempora belli Troiani a poeta accommodata sunt reliqua, praeclare utique, si haec Aeneae representata memineris: itaque Perseum victum appellare potuit. *Aeacidem* ab Achille oriundum; quid enim ad Trojanorum sensum laetius cogitari poterat, quam Achillis posterum aliquando Troiana esse poenas daturus calamitatis Troianis illatae et everse urbis ideoque templorum Troiae violatorum et direptorum? Ingeniosius adhuc vs. 841 unum aliquid facinus, ut poeta, et in primis Aiacis impietatem in Casandram memorat tamquam nefandum in primis scelus, quo Achivi deorum irae et vindictae sese obstrinxerant. Conf. sup. I, 39 sqq. Augustior adeo rerum species redditur etiam hic religione illata. Quod autem Persei genus ad Achillem referri sit solitum, ex Propertio illustratum est IV, extr. 39; ubi e Santenii partim emendatione: *Te, Perseu, proavi simulantem pectus Achillis, Quique tuas proavo fregit Achille domus*, b. e. proavum Paulum testor, qui Persem vicit et Macedoniam subegit; pro qua memorat gentem regiam ab Achille originem petentem; et ea Silio XV, 291, 292

Vltus avos Troiae templa et temerata Minervae.  
 Quis te, magne Cato, tacitum aut te, Cosse, relinquat?  
 Quis Gracchi genus? aut geminos, duo fulmina belli,  
 Scipiadas, cladem Libyae, parvoque potentem  
 Fabricium vel te sulco, Serrane, serentem? 845  
 Quo fessum rapitis, Fabii? tu Maximus ille es,  
 Vnus qui nobis cunctando restituis rem.  
 Excudent alii spirantia mellius aera

de Philippo Persei patre: *Ille gente egregius, veterisque ab origine regum Acacidum sceptris proavoque tenebat Achille*. Quomodo Macedonum reges ab Achille genus ducere potuerint, qui Heraclidæ erant, in tanta commentariorum in utrumque locum mole neminem vidi docere. Videtur ad maternam stirpem ab Olympiade esse redeundum, quæ erat Neoptolemi, Epiri R. filia. V. Iustin. VII, 6. (Manifesto præstat testimonio Iustini 28, 1 uti in derivanda hac cognatione a Pithia matre Philippi V, quippe quæ genus suum ab Achille duxit: Olympias autem hia Macedoniæ regibus nullæ prognationis vinculo erat iuncta. Vnde patet *Acacidem* esse Persen, ultimum Macedoniæ regem, nec de Epiro eiusque devastatione a Paulo Aemilio iussa Senatus Rom. facta, ut notissima ita foedissima; sermonem esse posse, quod Heynius egregius ipse postea sensisse videtur, adiecto: Si tamen, qui *Acacides* sit, definiendum est, simplicissimum est de Perseo cogitare: tunc *crux* est, prosterneat, vincet Acac. R.) Per solitas vaticinii ambages vsa. 839, 840, 841 hoc uerbum declaratur: «Ille alter, Paulus Aemilius, Græciæ opes iam ante priorem illum Mummium frangit.»

842—845. Notissimè in rebus Romanis viri, Cato est maior, M. Por-

cus, qui et ab aliis inter magnos viros memoratus est; et hic inter Cossum & Gracchos hec locum habet, etsi Viticensem in Augusti gratiam omisit videri non debet. V. Horat. I Carm. 12, 35 et inf. VIII, 670. De A. Cornelio Cossò spoliis optimis elaro v. Liv. IV, 49, 20. *Gracchi genus* respicit maxime Ti. Sempronium Gracchum, b. Punico II clarum. — *Scipiadas*, int. Africanum maiorem et miorem; nomadiectum: *clades Libyæ*, Carthaginis alter victor, alter eversor. — *fulmina belli* de Scipionibus proprio aliquo modo dictum. Imitatus est Silius VII, 106, ubi nunc *not fulmina gentis Scipiadæ*? Præiit Lucret. III, 1017: *Scipiades belli fulmen, Carthaginis horror, Ossa dedit terræ proinde ac fumum infusus cunct.* Fulvius assimulavit bellatorem iam Homerus Iliad. v. 242, βῆ δ' ἴππῳ ἀσπερὸν ἐνὶ ἔλυνος. Tragicum hoc, quod ipse heros ἀσπερὸν πόλιν appellatur. — *parvo potentem Fabricium*, in parva re domesticæ divitem; uti *contentus parvo* aliquis dicitur. De C. Atilio Serrano v. Plinium XVIII, 3, a. 4: Perizon. Animadv. Hist. c. 1. — 816. *fessum* me longa oratione, cum de Fabiis tot dicenda restent. — 817. De Fabio Maximo Cunctatore versum deberi Ennio constat.

818—854. Locus haud dubie e nobilissimis, quo Romanorum ingenia

(Creao equidem) vivos ducent de marmore volus,  
Orabunt caussas melius, coelique meatus 850

Describent radio et surgentia sidera dicent:

Tu regere imperio populus, Romane, memento;

Haec tibi erunt artes: pacisque imponere morem,

Parcere subiectis, et debellare superbos.

Sic pater Anchises, atque haec mirantibus addit: 855

Adspice, ut insignis spoliis Marcellus opimis

Ingreditur victorque viros supereminet omnis!

et laudes cum Graecis (nam ad hos potissimum respicit) comparantur. Graeci praestabant artium elegantia; ex iis poeta aeris fundendi marmorisque sculpendi artem memorat; felix idem est in verborum dilectu: *aera spirantia*, statuæ, quæ vivos viros reddere videntur; et *mollius*, nam proprium in signis hoc. V. Quintil. XII, 10, 7. Non male praeclarum Pindari de Rhodiis locum comparat Olymp. VII, 94—99. Graeci porro praestabant eloquentia et quidem forensi, *Orabant causas melius*, et philosophicis mathematicisque studiis; at enim, id quod poetam decebat, ex iis unum genus posuit Maro, astrorum scientiam. — *coeli meatus*, h. e. siderum cursus, *describent*, definiunt in sphaera coelesti, *radio*, virga, petuntur  $\frac{1}{2}$  geometricis figuris, quæ in pulvere ducebantur, ut Ecl. III, 41, *descripsit radio totum qui gentibus orbem*. At Romanis proprias artes esse contendit, ut imperent terrarum orbi et aut in foederum aequas leges recipiant, qui se ad earum amicitiam applicant, aut eos, qui arma sumant, debellant. Tantum verba subiiciunt, *pacis morem imponere*, h. e. iugem, foederum leges et conditiones; *parcere subiectis*; nam volebant Romani videri clementes et

moderati erga victos et erga socios benigni et liberales; scilicet si nihil ab iis metuerent et ab opibus eorum auctis utilitatem sibi ipsis promittere possent. Ad Augustum id transtulit Horat. C. S. 54: *bellante prior, iacentem Lenis in hostem*. — At viri docti in his versis scientiam civilem, seu politicam, legum ferendarum et militarem expressam a poeta, verbo, studia pacis et belli Romanis tributa tamquam propria volunt; satis argute, si modo vere. Saltem sic *pacis imponere morem* est, leges ponere, scribere populis servandas in pace; fere ut Aen. I, 264: *populosque feroces Contundet moresque viris et moenia ponet*.

755 sqq. Sequitur locus summa cum arte et ingenii venustate elaboratus de C. Marcello, Octaviae f., ad quem ut deduceretur oratio, M. Claudium Marcellum bello Punico II clarum induxit. Narrationem de loco hoc coram Octavia lecto habet Pseudodionysius in Vita Virgillii §. 47 et Serv. ad v. 862. Add. Seneca Consol. ad Marcium 2. — 856. *Spoliis opimis*, neciso Insuhrium Gallorum duce Viridomaro, Liv. Epit. XX. V. Perizon. Animadv. c. VII. Eadem sunt v. 860 *tertia arma capta*, h. e. tertia spolia opima post Romulum et Consuem,

Hic rem Romanam magno turbante tumultu  
 Sistet, eques sternet Poenos Gallumque rebellem  
 Tertiaque arma patri suspendet capta Quirino. 860  
 Atque hic Aeneas (una namque ire videbat  
 Egregium forma iuvenem et fulgentibus armis,  
 Sed frons laeta parum et deiecto lumina voltu):  
 Quis, pater, ille, virum qui sic comitatur euntem?  
 Filius anne aliquis magna de stirpe nepotum? 865  
 Qui strepitus circa comitum! quantum iustar in ipso est!  
 Sed Nox atra caput tristi circumvolat umbra.  
 Tum pater Anchises lacrimis ingressus obortis:

*suspendet Quirino*, h. a. Romulo. Atqui ex Romuli Instituto Iovi Paretrio ferebantur spolia opima; v. Liv. I, 10. Sed potuit senioris aevi religio Romulum Iovi adiungere. Potest quonque dictum esse, quia urbis conditori omnia posterorum facta praeclara in laudem redunt. Cum his manet tamen illud cartum, in Iovis Paretrii templo spolia opima reposita fuisse. Propert. III, 10 f. *Nunc spolia in templo tria condita*. — *tumultu* de imminente bello Gallico in Italia. V. Cic. Phil. VIII, 1. Serv. Inf. ad VIII, 4. — *eques*, ex poetico sermone ad maiorem dignitatem pro bellator, dux. Occurrit et alibi. — 861. Imitationem vides apud Silium XIII, 778 sqq., ubi de Homari umbra. Comparari quoque potest recensio similis apud Eurip. Phoeniss. 120 sqq. 147 sq. Summa populi R. de M. Marcelli, Augusti ex sorore nepotis, virtutibus suscepta erat expectatio. V. Dio Cass. L. III, 30. Cf. Vita Virgilii ad a. 731. Est idem, de quo Horatius: *Crescit occulto velut arbor aëvo Fama Marcelli*. Elogia alia Intpp. notarunt ex Valerio II, 93, et Seneca Consol. ad Marciam c. 2. *frons laeta parum*, omen mortis immaturae. — *quantum iustar in ipso est*: verisimile fit, si id cogites, quod

sententia vis postulare videtur, nove h. l. *iustar* positum esse pro exemplo magnae dignitatis, specie augusta corporis. Nam non satis acquiescit legentis animus, si nihil assumas quam: quanta similitudo eius est ac. cum patre; in primis cum praecesserit: *Qui strepitus circa comitum!* quod sine dubio ad popularem favorem referendum; expectas nunc aliquid, quod dignitatem oris et maiestatem corporis commendet. Vs. 867, *Sed Nox atra caput tristi circumvolat umbra* haud dubie pulcherrimi phantasmatis. Graviter dictum erat ab Homero Od. v, 351: *Αἰὼλοι, τί κεν εἶναι τόδ' ἐπὶ πάσχατι: κεντὶ γὰρ ὕπνου Ἐδώκεν κίχλας τε πρόσωπά τε νεφέη τε γούνα. At ornatus Nox (pro Morte) circumvolat caput Nocti, Somno, Morti alas tribuit hunc nota res est. conf. ad Tibull. II, 1, 89. — 868 sqq. Quotopere omnia haec ad affectum accommodata et dicta sint, monere necesse non est. — *propria*, perpetua; ut iam Ecl. VII, 31 vidimus. — 868. *ingressus*, infit. cf. IV, 107. — 874. *Campus aëget gemitus virorum*: noto more pro: in campo agitur; arit, gemitus (ut *ἔχρηται* pro *ἔχρηται*, *εἶναι*) in funere Marcelli. De publico hoc in Marcelli funere*

O nate, ingentem luctum ne quaere tuorum;  
 Ostendent terris hunc tantum fata neque ultra 870  
 Esse sinent. Nimum vobis Romana propago  
 Visa potens, superi, propria haec si dona fuissent.  
 Quantos ille virum magnam Mavortis ad urbem  
 Campus aget gemitus! vel quae, Tiberine, videbis  
 Funera, quum tumulum praeterlabere recentem! 875  
 Nec puer Iliaca quisquam de gente Latinos  
 In tantum spe tollet avos, nec Romula quondam  
 Villo se tantum tellus iactabit alumno.  
 Heu pietas, heu prisca fides invictaque bello  
 Dextera! Non illi se quisquam inpune tulisset 880  
 Obvius armato, seu quum pedes iret in hostem  
 Seu spumantis equi foderet calcaribus armos.  
 Heu, miserande puer! si qua fata aspera rumpas,  
 Tu Marcellus eris. Manibus date lilia plenis:  
 Purpureos spargam flores animamque nepotis 885  
 His saltem adcumulem donis et fungar inani  
 Munere. Sic tota passim regione vagantur  
 Aëris in campis latis atque omnia lustrant.  
 Quae postquam Anchises natum per singula duxit

luctu v. Dio l. c.; funus autem in Campo Martio factum est ingenti cum apparatu. V. ibid. — 875. *tumulum recentem*, Mausoleum Augusti in Campo Martio ad ripam Tiberis, quod sexto suo Consulatu (V. C. 726) extruxerat. Sueton. l. c. 400. cf. Strabo V, p. 236. — 876, 877. pro vulgari: Non alius puer in tantam spem tollet Romanos; tantam de se spem faciet. Sic et Gr. *Διότις ἰναλπεύ*. — 879, 880. Egregia inversio, dum post illa, neminem Romanorum cum ipso posse comparari, pergendum erat: *non iactabit se tantum ullo alio alumno Roma nec pietate nec fide nec virtute*. — 881, 882. Comparari solet Odys. 1, 49, 50; sed ornatio Virgilii. — 883.

*Si qua via ac ratione fata rumpas*, factorum ordinem dissolvere, tam durum fatum effugere tibi liceat, tu ad M. Marcelli b. Punicio II clari nomen ac gloriam es perventurus. Nomen autem sub finem est memoratum, pleno iam erumpente animi affectu. Illa 884-886 *Manibus date lilia etc.* molliora forsitan sunt quam pro Anchisae herois persona et temporibus: Virgilius potius aevi habenda talia luctus testandi elegantia. Sunt tamen per se pulcherrima. — 885. *animam adcumulem donis* nota elegantia pro vulgari *dona, flores, in animum acc.* — *inani munere*, eo secus, quo lib. XI, 51, 52.

887. *Aëris in campis* aëreis Gram-

Incenditque animum famae venientis amore: 830  
 Exin bella viro memorat, quae deinde gerenda,  
 Laurentisque docet populos urbemque Latini  
 Et, quo quemque modo fugiatque feratque laborem.

Sunt geminae Somni portae, quarum altera fertur  
 Cornea, qua veris facilis datur exitus umbris; 835  
 Altera candenti perfecta nitens elephanto,  
 Sed falsa ad coelum mittunt insomnia Manes.  
 Iiis ubi tum natum Anchises unaque Sibyllam  
 Prosequitur dictis portaque emittit eburna: 900  
 Ille viam secat ad navis sociosque revisit;  
 Tum se ad Caietae recto fert limite portum.  
 Ancora de prora iacitur; stant litore puppes.

maticorum argutis putabam graece dictum pro campis aëris h. e. locis caliginosis h. e. inferis. Sic ἀήρ ἀέρος saepe. Occurrit tamen hic nova difficultas, quum in Elysio caligo non esse debeat et vs. 640 lectum sit: *Largior hic campos aether et lumine vestit purpureo solemque neom, non sidera norant.* Ereptum iis est coelum nostrum; nam in inferis sunt: at habent aërem suum, aetherem illum putum et apertum. Campi οἴκῃ, qui tali aëre, pro coelo, fruuntur (Fortasse in regione Aëris melius coniunxeris: Sic regio viarum vidimus II, 737). — viro pro ei. — 892. *Laurentesque docet populos.* Nota inversam orationem, pro: quae bella gerenda cum Laurentibus h. e. Latinis ad Latini urbem.

894 sqq. Quum emittendus esset Aeneas e locis inferis porta alia quam qua ingressus erat, incidit in duplices Somni portas, quibus veteres Somnia prodire luserant. Fundus Odys. τ, 562 sqq. Somnia sedem habere in Orci vestibulo supra vidimus v. 271, 282 sq. *veris umbris* pro somniis, vi oppositi; scilicet somnio-

rum genus est, quo mortuorum umbrae somniantibus offerunt se, interdum ut Furiarum loco poenas expetant. V. ad Propert. IV, 7, 87 et al. haec sunt verae umbrae, vera somnia. *nitens, ornat; perfecta, τρυφήν, vel ut Hom. αἰ δ' ἑλίσσων τε τρύφαται.* Sed: altera porta meliore quidem materia est, scilicet eburna, sed ex ea etc. *Manes*, h. e. inferi mittunt; ex inferis ad homines (nam id est ad coelum) procedunt haec altera porta non ipsae umbrae, sed phantasmata umbrarum seu Larvae; Horatii *vana imago, quae porta fugit eburna, somnium duvens* III, 27, 41; ita, vi oppositi, intelligi debent *falsa insomnia*; non somnia, quae falsa rerum specie illudunt. Nec vero ad pectus consilium ullo modo referenda sunt, quae hic mythici tantum ornatus causa de somniis a. umbris veris ac falsis eorumque ex locis inferis origine adiecit. — *viam secat, τρέφω οἴκῃ, nota res; quasi sulco pedum ducto. recto limite, ut recta via.* Tandem Pompon. Sab. *Sic fuit Homerus lib. XI* (Odys. λ.) *et Silius XIV,*

P. VIRGILII MARONIS  
AENEIDOS

LIBER SEPTIMVS.

ARGVMENTVM

*C*aietam nutricem suam Aeneas sepelit locumque ipsum ab eius nomine Caietam appellat — 5. Inde Circis sedem praetervehitur — 24 secundoque vento ad Tiberis ostia desertur adversoque flumine subvectus in Laurentem agrum egreditur — 36. Digressione de prisco Latii statu et de prodigiis, quibus Troianorum adventus denuntiatus fuerat, facta — 106, pergit narrare poëta aliud ostentum comeisarum mensarum; ubi cum ex Ascanii verbis Aeneas cognovisset eam esse terram satis sibi debitam, ad Latinum regem, qui eius tractus regnum obtinebat, centum oratores mittit, qui et suo nomine illi munera offerrent et urbis condendae locum peterent. Interea castra metatur — 159. Latinus legatione benigne audita praeter postulata Laviniam filiam suam, quam et ex Fauni patris sui oraculis et augurum responsis exferno viro tradere iussus fuerat, ultro Aeneae coniugem offert — 285. Interim Iuno prosperis Troianorum rebus offensa Alecto ad disturbandam pacem ab inferis evocat — 340, quae primum Amatam Latini uxorem — 405, deinde ipsum etiam Turnum furiis suis implet — 474 atque inde ad Troianorum iuventutem conversa, quae tum forte venationi operam dabat, mansuetum illis cervum obicit Tyrrhi, armentarii regii, liberis inprimis carum; quem cum Ascanius sagitta vulnerasset, rustici, arreptis armis, in Troianos impetum faciunt — 510. Alecto ex superiore loco classicum canit: cadunt in eo tumultu Almon, Tyrrhi filius natu maximus, et Galesus, agricola regionis totius locupletissimus: qui cum in urbem mortui essent relati, Turnus et Amata regem Latinum ad bellum suscipiendum iniuriamque manu vindicandam exstimulant — 590. Verum, cum ille et satorum et foederis nuper cum Troianis initi memor adduci non posset, ut illis bellum indiceret, Iuno ipsa Belli portas aperit — 622. Turni auspicio ad bellum sequitur

*Mezentius una cum Lauso filio — 654, item Aventinus Herculis ex Rhea filius — 669, Catillus et Coras Tiburtinī fratres — 677, Camilla e Volscorum gente virgo fortissima (803—817) aliique complures: quorum inde a v. 687 ad finem libri recensensus factus est.*

De sex posterioribus Aeneidis libris solent viri docti fere ita disputare, ut acceptum quisque hoc ab alijs tradat: inferiores esse eos libris sex prioribus inventionis laude, spiritu poetico et ornamentorum copia ac varietate; itaque multo minorem voluptatem eos legentibus asferre; remitti animum et vix episodijs aliquot idoneis excitari ac languore absterreo recreari; nec mirum esse, si haec ita se habeant, cum ultimam manum poetae carmini fatum inviderit. Quod ne frustra a veteribus traditum et a se ipsis assumptum sit, circumspexerunt viri docti curiose, quidam inchoatum in his libris, non absolutum habendum sit.

Omni licet cupiditate ac studio in poetam, ut mos est, deposito, tamen iure meo me hoc pronuntiare arbitror, in argutationibus his pauca esse, quae viro intelligenti se probare possint. Adeo a poetae consilio, carminis argumento, heroicae vitae iudole, Augustei aevi sensu ac iudicio, communi naturae humanae lege ac more; carminis epici interioribus causis aliena sunt pleraque, ut illa centies reoccta iterum perlegere, itarum refellere molestia omni molestius sit.

Vt tamen interpretationis hoc genus meum, quod non desultorium esse ab initio decrevi, sibi constet, non plane has argutias praetermittere licet. Perstringam igitur brevissime potius reprehensionum vel laudum capita et tanquam levi digito attingam ea, quae causis idoneis in utramque par-

tem destitui equidem arbitror. Actionem aiunt ab hoc libro procedere carminis alteram a priore diversam, res in Italia gestas, idque ipsam poetam non ignorasse, cum sic ordiatur narrationem v. 44, 45: *Maiores rerum mihi nascitur ordo: Maius opus moveo*: cum autem in hunc errorem inductum, quod sex prioribus libris Odysseam, his alteris sex Iliadem reddibere et exprimere voluerit. Quod, si quid aliud, frustra sumitur, etiam inter Serviana nugamenta (ad lib. VII, 1) venditatum, nec, si in singulis partibus vel episodijs Homeri vestigijs insistit Maro, cum ita imitatus esse credi debebat, ut eius corpus in partes dissectum novo exemplo conglutinaaret. Antequam ad Italiam accederet Aeneas, iter Troia factum commemorandum erat. Quod in Africam deferretur classis, quod, cum Iuno fraudibus hoc suis consequuta non esset, ut Didonis amore irretitus Aeneas Carthagine desideret, iterum consensu navibus Siciliam adgunt Troiani et inde profecti tandem Tiberis ostia invchuntur: ea omnia ad unam illam actionem non minus pertinent quam difficultates, quae exarsu in Latinum litos saeto suboriuntur quibusque verendum erat, ne a sedibus in Latio occupandis et nova colonia huc ducenda prohiberentur Troiani advenae. Invocatio Musae non per se partem operis constituere potest novam; sed ad excitandos et inflammandos sub magnae rei exordium tum poetae tum lectoris animos valere debet. Quod autem



diversa sunt rerum in his ac superioribus libris narrandarum genere, hoc ipsum ed varietatis ac copiae laudem pertinet. Quis in Homero recensum navium novam carminis partem constituere dixerit, quoniam poeta Musis invocatis illam orditur? *Maius opus se movere, ingredi, dicit* poeta rerum naturas respiciens, bella ac pugnas, cum erroribus maritimis comparatas: *Dicam horrida bella, Dicoam acies etc.* v. 41, 42.

Reprehendunt alii poetam, quod horum sex librorum argumentum intra bella ac pugnas continetur: haec rerum semper ad idem genus redeuntium turba nasci legentis taedium. At enim sic ab omni narratione epica, quae in rebus gestis magnis ac mirabilibus factisque eudaciae ac virtutis heroicae specie coimus moventibus versatur, erit abstinendum. Nam et magna est omnium similitudo, et magna pars rebus bello gestis continetur. Tum bello ad ipsam historiarum fidem paratae fuerunt Troianae sedes in Latio; et variati sunt a poeta pugnarum casus mirifice, etiam episodis suis distincti. Bellum enim propter puellam Aeoliae numquam viam geri: quod ne verum quidem est. Geritur bellum de Troianorum sedibus in Latio; accedit Laviniae coniugium tamquam pignus foederis cum Latino super his sedibus in Latio enecessis facti: VII, 260 sq. 267 sq.; neque vero Leviniae emorem qualem nostra aetas probat, ab Aenea in heroica vita expectari posse per se patet, neque Amatae reginae, Latini uxori, partes, quales Neriae Mediceae vel Annae Austriacae, eo aetate dari potuisse. Praeterea ictum cum Latino foedere causas belli aiunt (Macrobiani exemplo Sat. V, 17) nimis esse exiles ac tenues; cervam, puellae Silviae delicias, casu a Tro-

ianis caesam. At vero haec causa belli non fuit, sed exacerbata iam Latinorum animis prima, qua erumperent irae, occasio (cf. ad VII, 475); eaque ad pricae vitae morem non male attemperata; in primis si Latium cogites, quale illo tempore fuit, per vicos et tuguria sparsim inhabitatum, cum una urbs Laurentum esset; etiam poeta teuitatem rerum diligenter ex oculis legentium removuit resque vitae heroicae pauperes et exiles epico splendore summo ornavit. Sed omnino belli exordie non ad cervem interceptam, sed ad humoiles ortes et ad evocatae Alectus fraudes referenda sunt, quibus exasperati Latinorum et Turni animi a novis in Latio sedibus Troianos prohibent.

In Latino tamen multa sunt, quae personam epicam dedecant. Recte hoc moneretur, si epicam ille, quam volunt, personam sustineret, hoc est, si in hoc rege summa rerum verteretur. Nec vero eminere eum par erat, si Turnus in medium erat adducendus isque cum Aenea comparandus; non magis quem Priamum, cum Hectori belli summa esset tradenda: aut enim duo futuri erant Turni aut simplicitas actionis et argumenti unitas descrenda. Adumbratum est in Latino veterum regum exemplum, quorum vix alia ductoritas, quam ut consilliorum populi principes bellicae duces essent. Latinus igitur non audent bellum gerendum detrectare, poscentibus populis: lib. VII, 591 sqq. Cum autem Turno summe belli esset mandanda, Latinus annis gravis a rerum actu erat removendus. Itaque Turnus copias cogit, agmen ducit, ad eiusque voluntatem in ipsa urbe novae copiae conscribuntur lib. VII, 367 sqq. Turni autem ferox ingenium ac violentia multo magis elucescit cum Latini

miti ac mansueta mente comparata. At ipse Turnus plus audaciae ac viridae virtutis habet, quam Aeneas. Recte utique, ne duo essent Aeneae. Et dignus erat adversarius Aeneae obviandus. Cum autem huic semel esset tributa virtus cum prudentia et constantia animi, quae res adversae et rerum usus et experientia assero solet: violenta illa et temeraria fortitudo in Aeneas non cadebat, Turno relinqui poterat. Annon Laviniae, si liberum erat puellae arbitrium, praefereendus fuisset Turnus, quæstio est ex nostra moribus ingeniiæ accessita, non ex heroicae vitae æterioribus in femineum sexum instituta. Dabatur puellis maritus, quem si, in quorum manu erant, vellet; non quærebatur nec petebatur a puellâ. Nec vero Latino displicebat Turnus, immo probatus eximie (v. c. XII, 49 sq.); prodigiis tantum et monitis deorum externum generum sibi adscribendum esse Latinos intellexerat.

Potuerit utique esse in Aeneide, quæ minus se probarent Varro, Tuccæ, Mæcenati vel Augusto; sunt quoque passim notata a nobis nonnulla, in primis in deorum ministeriis, parum subtiliter digesta; alia, maxima in sermonibus, rhetorum argutiis inquinata, quæ displicere possunt: sed hæc profecto, quæ nostri ævi critici reprehendenda putarunt, ista ætate vix in vituperationem venerunt; nec omnino cum naturæ integritate et simplicitate coniuncta, verum ex nostræ vitæ fastidio et stomacho docta sunt. Quod si sex posteriora libri non sequæ delectatione tenent animos magnæ lecto-

rum partia, ac priores: causas eius rei facile equidem assequor cum alias tunc hanc, quod ad sex posteriora libros intelligendos doctrinae huius vulgaris copia rerumque antiquæ Italiae scientia requiritur, quæ ab interpretibus adhuc parum diligenter exposita erat; is autem, qui in rebus versatur obscuris ideoque difficilibus, ubi laboris molestia voluptatem intercipit et ingravescenti tandem taedium librum manu excutit, non facile eius rei causam in se latentem agnoscit, sed in auctore rei, quæ taedium offerebat, reperit. Adeo difficile est in se descendere, et iudicii sui causas exquirere occultas. Qui tamen antiquarum rerum lectione delectatur et tam ingeniose a puellâ et solerter innumera ex Italiae antiquitate commodo loco posita et ad finem epicum attemperata animadvertit, is non minus recordari debet magnam huius voluptatis partem etiam a doctrinae copiis, difficultatis superatae sensu, antiquitatis studio et amore et, quæ alia, proficisci.

Mihi quidem inventi et doctrinae ludicri in dilectu et ornato multo maiorem usudem habere videtur Maro in sex posterioribus libris, quam Homerus in carminibus suis; nam versabatur hic in argumento multis iam carminibus vulgato; at Virgilius non nisi rerum tenuium, exilium et obscurarum famam popularem, fortasse a Catone et Varrone docta diligentia cognovit, antea oculos habebat, quæ ipsi erat ita constituenda et ornanda, ut carmine digna et narratu memorabilis satis videri posset.

Tu quoque litoribus nostris, Aeneïa nutrix  
 Aeternam moriens famam, Caieta, dedisti;  
 Et nunc servat honos sedem tuus, ossaque nomen  
 Hesperia in magna, si qua est ea gloria, signat.  
 At pius exsequiis Aeneas rite solutis, 5  
 Aggere conposito tumuli; postquam alta quierunt  
 Aequora, tendit iter velis portumque relinquit.  
 Adspirant aerae in noctem nec candida cursus  
 Luna negat; splendet tremulo sub lumine pontus.  
 Proxima Circææ raduntur litora terrae, 10  
 Dives inadcessos ubi Solis filia lucos  
 Adsiduo resonat cantu tectisque superbis

4-4. Caietae memoria in Aeneas erroribus non obscura erat; et promontorii portusque ei urbis nomen in Latii et Campaniae finibus ab ea ductum vulgo ferebatur. *Tu quoque*, praeter Misenum, VI, 232 sq. — 3. Etiamnum. *servat honos sedem tuus*, exquisite pro honore est adhuc, superest, servatur sedi tuae, tumulo; nam *sedes* pro sepulcro, ut v. 452, lib. VI. Honos autem ei habetur titulo et nomine seu inscripto, seu fama vulgato: unde fit, ut is titulus ipse appelletur *honor*. Idem erat supra VI, 507, *numen et arma locum servant*. — Quod sequitur: *nomen signat ossa*, eodem fere reddit; *nomen* est titulus sepulcri signatque ideo ossa, quae in eo condita sunt. — *Hesperia magna* epitheton ornans, v. 1, 569 et IV, 345 *Italia magna*. — tandem: *si qua est ea gloria*. Interpretes a Servio laede accipiunt, quasi dictum sit: si quis sensus eius gloriae in morte est. Bonus sensus. Verba tamen hoc tantum subiciunt: quantacunque ea gloria est.

7 9. *tendit iter velis*, per vela

vento data, docte, ut *cursum*, *gratum tendere* aliquis dicitur, pro vulgari *tendere cursu*, h. e. contendere, properare. Sic I, 656, *iter ad navis tendebat Achaes*, i. e. ibat. VI, 290 *tendere iter pennis*, i. e. volare. — *In*, i. e. sub noctem, *ἐκτὸς νύκτος* ἀστρά, ut sarpe Apollonius, ventus et luna favet navigationi. *tremulo sub lumine*, epitheto a natura radiorum lucis petito. Nota rei imago expressa dudum ab aliis e. c. ab Eonio: *Lumine sic tremulo terra et caeva caerulea candent*, ap. Macrob. VI, 4.

10-14. *Circæ insula* denique Geographiae studio incerta et falsa expellente facta terra continens, Circæii, notum Latii promontorium. Petita est fabula ex Odys. x, ubi adhuc est insula, indeque illustranda. *raduntur*; nam praetervolantur Troiani: sic III, 699, 700. *Divitem* cor appellet Circen, causam puto esse domus opulentiam (unde mox *tecta superba*) quam Homerus quoque ei tribuit l. l. v. 240, 244, et 316, 314, 315, in primis 348 sqq. cf. Ovid. Met. XIV, 260 sqq. — *inadcessos lu-*

Vrit odoratam nocturna in lumina cedrum,  
Arguto tenuis percurrens pectine telas.

cos, h. l. silva, ad quam raro accedunt huiusmodi, solitaria. Servius: ad quos nullus debet accedere, sc. veneficiorum metu. At lucos memorat secundum Homericam ibid. 449, 450, ubi silvam in insula et in ea Circeas aedes memorat. Esse autem Circeios densos silvis, ἔργον ὑψηλόν, θαλάσσιον δὲ σφόδρα, καὶ ἔχουσιν δρυὶν δάφνης πολλὰν καὶ μυρόνους, monstrari porro Elpenoris (Od. μ, 14) tumulum et in ea nasci myrtum etiam Theophrastus acceperat Histor. Plant. V, 8, et Plinius porro XV, 29 myrtum in Europae ceteriore solo... primum Circeis in Elpenoris tumulo visam tradi notavit. resonare, resonare facit, more Graecorum poetarum verba neutra in activum sensum deflectentium. Luci resonant cantu et cantum; Georg. III, 838, litoraque ateyonem resonant, acalanthida dumi et Ecl. I, 5, Tityrus docet silvas resonare Amaryllida. Et sonare aliquid simpliciter pueris, loqui, XII, 529 simili modo: Murranum, atavos et avorum antiqua sonantem Nomina. Tam varias vides esse formas in poeta. Cantus Circe notus ex Odys. x, 224 sqq., qui iidem versus quum de Calypso quoque ab Homero positi sint Odys. i, 64, 62, ex eodem loc. v. 57-61 repetiit Maro reliqua de foco et de textura. Nam Πῶρ μὲν ἐν' ἰσχαρόντι μύξα καίετο, τολύβη δ' ὀδυρὶ κείδρου τ' εὐνίστρου θίου τ' ἀνὰ νήσον ὀδύσσει, δακρυμένω. Cf. Plin. XIII, 16, 30. Priscæ vitæ et Orientis nunc quoque communes esse lautiorum hominum delicias, quas vel lasiorum nimio aestu corporum effluvia suadere possunt, ut suffimenta vel odores accendant. Hic igitur ad

Nympham ab Homero bene traductam. Est autem et hoc ex eadem vita, ut posito in mediis aedibus focus ignis lumina per noctem praebeat. Sic v. c. Odys. i, 63, 64 et alibi. — arit in lumina, ut pro lumine esset; ita sic pro ad. Cedrus autem Graecorum et Romanorum, ut iam ad Georgica notavimus lib. II, 443, e iuniperorum genere est, etiam oxycedrus (Juniperus oxycedrus Linn. B.) dicta. V. Bodaeum a Stapel ad Theophr. H. Plant. III, 12, ubi icones videntur, et post alios Celsium in Hierobot. P. I, p. 77, qui diligenter eam a cedro Libani, quae ex abietino genere est, distinguit; etsi ne sic quidem expedita satis res est. Sufficit Δούξιν, θίου, cedrum, esse aliam orientalem, aliam occidentalem, hanc quidem Theophrasti appellatam. (Sed Δούξιν s. θίου est Thuia cupressoides Linn. B.) Homericō loco quoque versus 14 illustrandus: ἱερὸν ἰσχυρόντι χροστέρι κρηπίδι ὑφάσσειν, telae h. e. pro stamine vel trama, quam textrix ἰσχυρῶσαι κρηπίδι, (non sedens illa, sed circumiens. R.) percurrit radio, navicula, adducta subinde, ad constipandum subtemen insertum spatha formae a nostro instrumento hoc diversae. argutus pecten, navicula, quae per tramam means stridorem illum facit: qui si similis fuit pectini, quo lyra pulsatur, quumque ille radii etiam nomine declaretur; forma eius a nostrorum textorum navicula admodum diversa esse debuit. Cf. sup. Georg. I, 294. Egit nunc de his uterrima cum doctrina Schneider. in Indice Scriptor. R. R. sub v. tela.

Hinc exaudiri gemitus iraeque leonum 15  
 Vincla recusantum et sera sub nocte rudentum:  
 Saetigerique sues atque in praesepibus ursi  
 Saevire ac formae magnorum ululare luporum,  
 Quos hominum ex facie dea saeva potentibus herbis  
 Induerat Circe in voltus ac terga ferarum. 20  
 Quae ne monstra pii paterentur talia Troës,  
 Delati in portus, neu litora dira subirent,  
 Neptunus ventis inplevit vela secundis  
 Atque fugam dedit et praeter vada fervida vexit.  
 Iamque rubescebat radiis mare et aethere ab alto 25  
 Aurora in roseis fulgebat lutea bigis,  
 Quum venti posuere omnisque repente resedit  
 Flatus et in lento luctantur marmore tonsae.  
 Atque hic Aeneas ingentem ex aequore lucum  
 Prospicit. Ilunc inter fluvio Tiberinus amoeno, 30  
 Vorticibus rapidis et multa flavus arena  
 In mare prorumpit; variae circumque supraque  
 Adsuetae ripis volucres et fluminis alveo

45-48. Admodum ornate singula, si eum Homericis compares Od. x, 212 sq. et Apollon. IV, 672 sqq. *formae luporum* simpl. pro lupis, forma dicendi poetica, quam iam alibi vidimus, et *praesepia* paullo ante pro caveis. Sic iam Servius explicuit. Discessit autem Virg. ab Homero, qui multas has feras humanam mansuetudinem servantes exhibuerat l. e. v. 214 sq. — 20. *induerat in voltus ac terga*, h. e. corpora, *ferarum*; pro vulgari induerat eos formis ferarum, conf. Georg. I, 487, 488. *pii*, *Zeugnisse*, diis curae sunt Troiani; sup. III, 265: *Di placidi servate pio*. — Mox 24 fuga pro celeri cursu et navigatione; et praetervexit eos per vada fervida, mare

aestuans, ut circa promontoria esse solet.

25-28. (Aurora V, 535 roseis quadrigis invehitur, h. l. bigis: nullo igitur currus discrimine facto e licentia poetica. cf. Tibull. I, 3, 94 not. R.) 27. *quum venti posuere*, sc. se, quiescere, ut X, 403. *in lento*, immoto a ventis, *marmore*, ut sup. VI, 729, ubi vid. not., pro mari, *luctantur remi*; vento cessante, qui navem ageret. Causam ornatus horum versuum in eo invehire licet, quod de orto memorabilia et magni istius diei agitur, quo primum Italiam illam a satis promissam adhibuit Troiani. — *tonsae* pro remis. — 29-36. Simili cum iudicio ornata sunt haec ac praegressi versus, quum iam

Aethera mulcebant cantu lucoque volabant.  
 Flectere iter sociis terraeque advertere proras 33  
 Imperat et laetus fluvio succedit opaco.

Nunc age, qui reges, Erato, quae tempora rerum,  
 Quis Latio antiquo fuerit status, advena classem  
 Quum primum Ausoniis exercitus adpulit oris,  
 Expediam et primae revocabo exordia pugnae. 40  
 Tu vatem, tu, diva, mone; dicam horrida bella,  
 Dicam acies actosque animis in funera reges  
 Tyrrhenamque manum totamque sub arma coactam  
 Hesperiam. Maior rerum mihi nascitur ordo;  
 Maius opus moveo. Rex arva Latinus et urbis 45  
 Iam senior longa placidas in pace regebat.  
 Hunc Fauno et nympha genitum Laurente Marica  
 Adcipimus. Fauno Picus pater: isque parentem  
 Te, Saturne, refert; tu sanguinis ultimus auctor.

de rerum summa, de accessu ad Italiam, agitur; itaque locorum faciem exhibet poeta lucundissimam. — 34. *lucoque* per lucum. — 35. *flectere iter*, cursum, ut V, 28. Facit vero haec Aeneas, ut ad ipsa Tiberis ostia cursum regat, ad Creusae monitum lib. II, 781, 782: *Et terram Hesperiam venies, ubi Lycius arva Inter opima virum laeti fluit agmine Thybris*. Escensus factus ad ripam fluminis in agrum Laurentinum. Erat autem ille olim lauris consitus; unde *lucus* et *fluvius opacus*.

37 sqq. Ad legentium animos excitandos invocationem novam valere nota in poeta res est. *Erato* ponitur a poeta pro Musa quaecunque, ut recte Servius. Apollonii exemplum bene laudatur ab aliis lib. III, 1: *Ei δ' ἔστ' ὦν, Εὔρω* etc., ubi tamen Erato proprio suo iure ad amorem Medae exponendum advocari puta-

tur. Mox *quae tempora rerum fuerint*, non tam quibus temporibus, quam quo rerum statu ac conditione Aeneas advenerit. (Quod rerum adiectum, prima, qua poeta hic utitur, vocabuli vis postulabat, quae est positio, status. R.) *exercitus* pro populo, turba, navalibus copiis. Sic apud Graecos tragicos *στρατός, τάγμα, τάξις, στόλος*; et alia populum et cives, *πολίταις*, declarare notum est. *exordia pugnae*, venatione cervi inf. 479 sqq. — 42. *reges*, Latinum, Turnum, Mezentium, hinc *Tyrrhena manus*.

45-49. Latini genus ad Saturnum refertur, deum Aboriginum indigentem cum Crono comparari solitum. Ab hoc Picus procreatus, ex hoc Faunus, Latini pater. *Faunus* nomen fuit antiqui Latii, idque fatidicum. v. inf. VII, 82 sq. — *Marica*, nympha Latii, cuius religio apud Minturnenses servata est, et lucus ad fl. Lirin con-

Filius huic fato divom prolesque virilis 50  
 Nulla fuit, primaque oriens erepta iuventa est.  
 Sola domum et tantas servabat filia sedes,  
 Iam matura viro, iam plenis nubilis annis.  
 Multi illam magno e Latio totaque petebant  
 Ausonia; petit ante alios pulcerrimus omnis 55  
 Turnus, avis atavisque potens: quem regia coniunx  
 Adiungi generum miro properabat amore;  
 Sed variis portenta deum terroribus obstant.  
 Lausus erat tecti medio in penetralibus altis,  
 Sacra comam multosque metu servata per annos: 60  
 Quam pater inventam, primas quum conderet arces,  
 Ipse ferebatur Phoebo sacrasse Latinus  
 Laurentisque ab ea nomen posuisse colonis.  
 Huius apes summum densae, mirabile dictu!  
 Stridore ingenti liquidum trans aethera vectae 65

sacrasse. *Laurentem* eam appellat, quod Aborigines, Laurentes et nomen Latinum ad Lirim usque, ut poeta innuit, pertinuisse videtur.

52-58. De Lavinia. *servabat sedes*, eodem modo, ut *servare domum* puella dicitur, proprie intra domum ac conlinens, *κατάκλυτος*, ex more priscæ vitæ: erat illaque in domo paterna unica filia et heres. Dixit *tantas sedes*, tantam sedem, domum, quia domus regia erat. (Praestat patrimonium satis amplum et laetum lotelligere: sedes enim de possessionibus in usu esse constat. R.) — 54. *petere* solenne pro procare, ut *aitur*. Bene autem ad prodigia et signorum ostenta rem revocavi poeta; primum, ut totius carminis color et indoli a religione ductæ etiam hæc pars conveniret; tum, ut Turnum praestantissimum adolescentem cum ratione aliqua Aeneae posthabitu narraret.

Sed haud dubie fuere etiam veteres fabulae super ambobus prodigiis, quæ 59-89 exponit.

59 sq. Revocandæ in animum arbores et luci in impluviis veterum. Cf. IV, 494, 504. Tibull. III, 3, 15. — *Sacra comam*, frondibus intactis, metus pro religione, ut *horror* et similis. — 61-63. *Laurentes* dieti Aborigines, qui hæc loca ad orientalem Tiberis partem incolebant, rege Latino. Inde *Laurentum*, Latini regia, eo loco situm, qui nunc Paterno et *Torre di Paterno* appellatur: ager eius usque ad mare ac Tiberim *Laurenz* vel *Laurentinus* dictus; quod nomen interdum ad totum Latium translulit poeta, ut modo in *Laurente Marica* vidimus. *primas arces*, cum primum urbem Laurentum conderet. Quod intrum Phoebo consecrat, ingeniose poeta adiecit, respectu ad suorum temporum religionem habito.

Obsedere apicem; et, pedibus per mutua nexis,  
 Examen subitum ramo frondente pendit.  
 Continuo vates, Externum cernimus, inquit,  
 Adventare virum et partis petere agmen eadē  
 Partibus ex isdem et summa dominarier arce. 70  
 Praeterea, castis adolet dum altaria taedis,  
 Vt iuxta genitorem adstat, Lavinia virgo  
 Visa (nefas!) longis comprehendere crinibus ignem  
 Atque omnem ornatum flamma crepitante cremari,  
 Regalisque adensa comas, adensa coronam 75  
 Insignem gemmis; tum fumida lumine fulvo  
 Involvi ac totis Volcanum spargere tectis.  
 Id vero horrendum ac visu mirabile ferri:  
 Namque fore inlustrem fama fatisque canebant  
 Ipsam; sed populo magnum portendere bellum. 80  
 At rex sollicitus monstris oracula Fauni

Examen apum laurum *σπορὰν* insidens praeclare ornavit v. 64—67. Conf. Ge. IV, 555—558. Est autem illud inter dira omina; vide vel Plin. IX, 47, 48; superstitione, ut probabile sit, ab incursus magnae multitudinis ingruentis opinione profecta — 70. *partibus ex isdem*, a mari infero.

74—80. Prodigium hoc ex flamma petitum quacunque frequens: supra vidimus (hoc et similia quid ex electricitate, quam vocamus, explicandum. R.) lib. II, 680 sq. Cogita vero sacrum facere Latinum adstante filia, dum accendit ligna in altari. — 73. *nefas* de prodigio h. l., res dira et abominanda, quae praeter naturam sit; contra *fas* de naturae more et constantia. *comprehendere* h. l. concipere, arripere flammam quasi ex loco ad proxima manantem. Vulgari unctione ignis *comprehendit* cri-

nem; h. l. Lavinia ignem *comprehendit* crinibus. Verba v. 74 sunt ex Lucret. VI, 454: *Terribili sonitu flamma crepitante crematur*: de lauro. At hic visus est virginis ornatu cremari flamma: pro quo dixit *visa* est cremari (*κατά*) ornatum. — coronam insignem gemmis, regium insigne, v. lib. I, 655. Corona enim sacrificantis intelligi nequit: quippe quae vittis et infalis sacrisque frondibus implexa est, non gemmis ornata.

81 sqq. Fauni oraculum in loco Albunae poëta narrat sive ex veteri memoria sive ex loci natura et fama de Sibylla Albunae rem ingeniose commentus. Scilicet in agro Tiburtino ab occasu in Anienem deferuntur Albulae aquae, sulfureae illae et medicatae; v. Cluver. Ital. pag. 715; nunc *Acqua tolfa*, vel *Solfatara di Tivoli*. Ex Albulae fluminis fontibus maior *Albunea*, fons et Nympha ex



Fatidici genitoris adit lucosque sub alta  
 Consultit Albunea nemorum, quae maxima sacro  
 Fonte sonat saevamque exhalat opaca mephitim.  
 Hinc Italiae gentes omnisque Oenotria tellus  
 In dubiis responsa petunt. Huc dona sacerdos

85

Horatio nota I Carm. 7, 42: *notus Albunae resonantis*; ut h. l. quae fonte sonat; atsi nunc, post tentas rerum vicissitudines, natura fontis et loci facies est diversa. Subiacebat autem fontis lucus Albunae sacer. — 83. *alta Albunea*, fons in lacu inexploratae altitudinis; v. Clavar. l. c. — *nemorum quae maxima sacro Fonte sonat*, h. e. quae Albunea maxima, admodum magna, manat, larga aquarum vena fluit fonte suo. Sic VI, 659 plurimus annis est, magna aquarum vi et copia profluens. *nemorum*, graece dictum, *νεμέα*, *ἀνὰ τοῦ ἄλσους*, pro *ἐν ἄλσει* difficiliorem dicendi modum ita constituit. Forma orationis non dissimilis illa Tibulli III, 5, 3: *Boiarum maxima silvis*, ubi cf. obs. Possa et *lucos nemorum* iungere; sed tum parum suaviter voces istae assent disiectae; saltem collocari dabebant sic: *nemorumque sub alta Consultit Albunea lucos*. Simpli- cissimum et optimum est coniungere *lucos nemorum*. Sic saepius iunguntur: a. c. *memoria sacri lucos tenetis* ap. Senec. Hirc. Oct. 956. Quare interpunxi post *nemorum*. R.) Nec melius procedit, si *fonte nemorum* iungas. A sulphure aquarum exurgit gravis odor, quem v. 84 *mephitim* appellavit. Hinc dea Mephitis, cuius aedes cum aliis locis tum in Hirpina erat ad Arsaneti vallem, v. Plin. II, 93 et inf. VII, 564, 565: ut in tuncela eius viderentur aquae sulfureae. Fortasse huius vaporis sulfu-

rei vim aliquam divino spiritu afflandi esse crediderunt veteres Aborigines; quod factum esse videtur, ut oraculum in illo loco conderent. Albunea autem inter Sibyllas quoque memoratur a Tibullo II, 5, 69, 70, et Laetantio I Inst. 6, ut Soidam fateam, nec constat, utrum eadem cum Nympha habitasse fuerit an diversa.

85—91. Oraculum Fauni per incubationem peti solitum, ut tot alta in vetere Graecia. Fortasse poëta doctissimus ad Amphiarai (v. Pausan. I, 34) potissimum exemplum hoc Fauni oraculum assimulaverit; nam Tiburtus cum Catillo et Cora infra v. 670—672 commemoratus Tiburis conditor et Amphiarai filius habitus est. v. Plin. XVI, 445, s. 87. Nec tamen viden, cur non veteres Pelasgi hunc incubandi morem et in Latium una cum aliis suis religionibus intulerint. *Incubare* autem, *ἐνυπνιάζειν*, voces proprias de iis, qui in locis sacris dormiebant ad accipienda responsa. Cf. Davis. ad Cic. de Div. I, 43 (Similis incubatio fiebat in Aesculapii templo Athenis, in cuius vicinia etiam fons fuit. Aristoph. Plut. 653 sq. cf. Paus. Attic. c. 24. Post multos egit egregie de hac incubatione F. A. Wolf. R.) Notatu autem dignum, quod sacerdos v. 86 ipse *incubavit*, at is qui consulebat; tum quod v. 91 *necyomantiae* speciem aliquam illud oraculum habuit. — 85. *Oenotria tellus*, latiore sensu h. l. v. lib. I,

Quum tulit et caesarum ovium sub nocte silenti  
 Pellibus incubuit stratis somnosque petivit:  
 Multa modis simulacra videt volitantia miris  
 Et varias audit voces fruiturque deorum 90  
 Conloquio atque imis Acheronta adfatur Avernis.  
 Hic et tum pater ipse petens responsa Latinus  
 Centum lanigeras mactabat rite bidentis,  
 Atque harum effultus tergo stratisque iacebat  
 Velleribus. Subita ex alto vox reddita luco est: 95  
 Ne pete connubis natam sociare Latinis,  
 O mea progenies, thalamis neu crede paratis!  
 Externi veniunt generi, qui sanguine nostrum  
 Nomen in astra ferent, quorumque ab stirpe nepotes  
 Omnia sub pedibus, qua Sol utrumque recurrens 100  
 Adspicit Oceanum, vertique regique videbunt.  
 Haec responsa patris Fauni monitusque silenti  
 Nocte datos non ipse suo premit ore Latinus:  
 Sed circum late volitans iam Fama per urbis  
 Ausonias tulerat, quum Laomedontia pubes 105  
 Gramineo ripae religavit ab aggere classem.  
 Aeneas primique duces et pulcer Iulus

532. — 86. *dona*, victimam, sacrificium. — 94. *Acheronta*, deos Inferos et Manes, ex *im. A.* Quod 95 ex alto *luco reddita vox* est, Italicis religionibus convenit, in quibus voces ex luco auditae ut h. l. auctoritatem habebant. cf. Liv. 29, 48.

96—101. Oraculum multa com verborum dignitate expositum est. Ad dignitatem quoque facit multitudinis numerus pro unitate. *connubia*, *thalami*, *externi generi* (*Connubis* scribendum est: sunt enim tres syllabae, cf. I, 73. Sic etiam Catull. 62, 57. Infra VII, 333. R.) *Omnia sub pedibus vertique regique videbunt* h. e.

esse; simplicius dictum erat Ecl. V, 57: *sub pedibusque videt nubes et sidera Daphnis*. — *Sol recurrens*, oriens et occidens.

107 sqq. Sequitur eventus vaticinii de mensis comesis, v. sup. III, 255—258. Observandum autem, quantum verborum dignitatem rei tenui et levi adiecerit posita vitalis verba propria, quae exilliora erant pro carmine, v. c. panis. — *adorea liba*, placentae, proprie de farre, quae pro panibus erant praeis hominibus, antequam fermento et meliore panis coquendi arte uterentur. Haec liba nunc mensarum vicem praestant, quibus *epu-*

Corpora sub ramis deponunt arboris altae  
 Instituuntque dapes et adorea liba per herbam  
 Subiiciunt epulis ( sic Iupiter ille monebat ) 410  
 Et Cereale solum pomis agrestibus augent.  
 Consumtis hic forte aliis ut vertere morsus  
 Exiguam in Cererem penuria adegit edendi  
 Et violare manu malisque audacibus orbem  
 Fatalis crusti patulis nec parcere quadris; 415  
 Heus ! etiam mensas consumimus ? inquit Iulus  
 Nec plura adludens. Ea vox audita laborum  
 Prima tulit finem , primamque loquentis ab ore  
 Eripuit pater ac stupefactus numine pressit ;  
 Continuo , Salve fatis mihi debita Tellus , 420  
 Vosque , ait , o fidi Troiae salvete Penates !

*Las, cibos, imponunt, poma agrestia. sic Iupiter monebat, animis, ut ita facerent, subiiciebat. Eadem liba mox Cerere solum, quatenus substeronantur pomis: hoc augent Troiani pomis, imposita pomorum strue ( ut augentur, cumulantur, arae donis ); eadem paullo post exigua Cerer, orbis fatalis crusti et patulas quadrae; cf. Morel. v. 46, 47; mox penuria edendi est penuria ciborum; violare eo refert Cerda, quod mensa inter res sacras habebatur. Potest ferri; potest etiam huc advocari locus ex Sext. Aurelio Vict. O. G. R. 40: consumtoque quod fuerat cibi crustam etiam de farreis mensis, quae sacras secum habebat, comedisse, secundum quae fuisse videntur, qui liba sacra diis penatibus offerri solita in hac fabula memoraverint; cf. ibid. e. 41. In poetica tamen oratione violare h. l. ut laedere, omnino esse potest frangere, committere.*

416—429. Bene certo homini et maxime Iulo partes dicentis dat; etsi

inter cetera hoc quoque traditum accipere potuit, *adludens*, arguens, subridens, aut simpl. ludens, iocans, ad socios. — 418. *tulit, attulit, finem*, significavit Troianis finem adesse. Sed vaticinia ( adeo perturbatae sunt hominum notiones ) dicuntur efficere ea, quae movent futura esse, multo magis tum, cum exitum habent. — 419. *Eripuit* simpliciter dicti, quod subicit Aeneas, eeleritatem declarat; excepit, ac pressit, vocem Ascanii repressit eumque loquentem interpellavit. *stupefactus numine*, h. e. oraculo, ut iam alias, cf. II, 703, vidimus. — 424. *o fidi Troiae salvete Penates!* Haec perpetua est Aeneae religio, ut Penates primo loco appellet. Promiserant tamen ei illi, unde *fidi Penates*, per somnum Aeneas Italiam esse aditurum lib. III, 447, 462, 467: *Haec nobis propriae sedes; hinc Dardanius ortus etc.*, unde nunc v. 422: *Hic domus, haec patria est vestra*, unde olim Troiam estis advecti. Tum *Genitor mihi Italia etc.*

Hic domus, haec patria est. Genitor mihi talia (namque  
 Nunc repeto) Anchises fatorum arcana reliquit:  
 Quum te, nate, fames ignota ad litora vectum  
 Adcisis coget dapibus consumere mensas, 125  
 Tum sperare domos defessus ibique memento  
 Prima locare mann molirique aggere tecta.  
 Haec erat illa fames; haec nos suprema manebat  
 Exitiis positura modum.  
 Quare agite et primo laeti cum lumine solis, 130  
 Quae loca quive habeant homines, ubi moenia gentis,  
 Vestigemus et a portu diversa petamus.  
 Nunc pateras libate Iovi precibusque vocate  
 Anchisen genitorem et vina reponite mensis.

Tribui h. l. Anchisae vaticinium en-  
 pra a Celaeno, Harpyiarum una, ac-  
 ceptum (III, 255 sqq.), mox ab He-  
 leno confirmatum (lib. III, 394)  
 omnes latpp. movent. At varia ad  
 interpretandum ei excusandum adferri  
 possunt: Anchisae omnino partes  
 vaticiniorum interpretandorum dan-  
 tur a poeta et ab aliis; igitur is Ce-  
 laenus quoque verbe disertius espo-  
 nit et saepe in ore hebuit atque ad  
 animum revocavit. Alii ad ea referre  
 volunt, quae Anchisen netum in loca  
 inferis docent lib. VI, 894, 892, 893.  
 Omnino necesse non erat, ut, quae-  
 cunque ab Anchise dicta acceperat  
 Aeneas, iam ante memorarentur a  
 poeta (Locis laud. III, 255 sq. 394  
 sqq. recte inspectis facile intellectus  
 est Anchisen fatorum ibi fuisse inter-  
 pretem, ideoque cum oraculis recte  
 explicatis bene dici *fatorum arcana*  
 explicata Aeneae reliquisse. Nemo h.  
 l. excusationem poetae recte intellecti  
 desideraverit. R.) — 125, *aecis*  
*dapibus*, exquisitis, pro consumptis.  
*moliri aggere tecta*, ornate, urbem

aedificare, quod fit vallo ducto. —  
 129. *exitiis*, aerumnis, ut *οἴκος*, *λα-  
 γός*, *clades*, graviores pro levioribus.

133 sqq. Expectabas hoc ab Ae-  
 nea, religioso homine, ut a religione  
 initium faceret, in primis cum hoc  
 solenne est, ut preces et sacra fa-  
 ciant cum omine accepto, tum exscensu  
 vel aditu in locum opatum facto.  
 Conf. in primis Odyss. v, 353 sqq.  
 Anchisen a filio consecratum Lactant.  
 I Inst. 15, 12 ex h. l. 133, 134 pre-  
 bat. Factum id iem lib. V, 58 sq. vi-  
 dimus. — 134. *reponite* pro appo-  
 nite, ponite, poetica ratione, cf. III,  
 333 not.: ut Ge. IV, 378, et *pate-  
 ras* libare: magis poeticum, quem vi-  
 num. In precibus, quae v. 136 se-  
 quuntur, augustam religionem fa-  
 ciunt et venerationem movent no-  
 mina deorum ex antiquiore religione  
 desumpta, qua naturam, naturae par-  
 tes, vires et elementa fere in pre-  
 cum, foederum vel iurium iurando-  
 rum formulis ponunt, ut tot Homari,  
 Apollonii, nam et is veteres religio-  
 nes sectatur, Pindari (P. IV, 343 sq.),

Sic deinde effatus frondenti tempora ramo 135  
 Implicat et Geniumque loci primamque deorum  
 Tellurem Nymphasque et adhuc ignota precatur  
 Flumina; tum Noctem Noctisque orientia signa,  
 Idaeumque Iovem Phrygiamque ex ordine Matrem  
 Invocat et duplicis Coeloque Ereboque parentes. 140  
 Hic pater omnipotens ter coelo clarus ab alto  
 Intonuit, radiisque ardentem lucis et auro  
 Ipse manu quatiens ostendit ab aethere nubem.  
 Deditur hic subito Troiana per agmina rumor,  
 Advenisse diem, quo debita moenia condant; 145  
 Certatim instaurant epulas atque omine magno  
 Crateras laeti statuunt et vina coronant.

Postea quum prima lustrabat lampade terras  
 Orta dies, urbem et finis et litora gentis  
 Diversi explorant; haec fontis stagna Numici, 150  
 Hunc Thybrim fluvium, hic fortis habitare Latinos.  
 Tum satus Anchisa delectos ordine ab omni

Aeschylli et ceterorum Tragicorum, etiam Herodoti loca docent. In v. 139 domestica numina subicit, ex ordine, ἱερῶν τε, deinceps, ut iam Ge. IV, 507 vidimus. v. 140, *duplices Coeloque Ereboque parentes*, utrumque parentem, Venerum inter deos, Anchisen inter Manes.

141—147. Augurium laetum, tonitru coelo sereno, ex nube corusca, quam *ardentem* dixit. *radiis lucis aureae*. Hoc v. 146 *omen magnum*, quo laeti iterum libationem faciunt et potant. De v. 147 *vina coronant* cf. sup. I, 724 not.

148—151. *Diversi*, secundum illa v. 132: *a portu diversa petamus*. Hinc igitur ad Tiberim, illinc ad Numicium usque procurrant, habitari loca a Latinis resciscunt. *Numicil fontis stagna* seu orname pro fonte dicta,

seu quod tardo ac tacito motu amnia ferebatur, nilva ipse et limo oblitus, ut ex Ovid. XIV Met. 598, 599 intelligitur. Fluctuant de eius loco virorum doctorum iudicia, nisi forte totus fluvius nunc exaruit. Ceterum ab hoc inde loco observandum, quomodo in summa rerum et hominum tenuitate legationem missam et exceptam ornaverit et ad dignitatem mirram extulerit partim rerum descriptionibus et adiunctis, partim verbis amplioribus.

152—156. *delectos ordine ab omni*, ex omnibus ordinibus; non est urgendum. — *ramis velatos Palladis. interplexas*, frondes oleagineas vittatas manibus praeferre putandi sunt, unde inf. v. 236, 237, *ne tamne, quod ultro Praeferrimus manibus vittas ac verba precantia*. Res ipsa satis nota; conf.

Centum oratores augusta ad moenia regis  
 Ire iubet, ramis velatos Palladis omnes;  
 Donaue ferre viro pacemque exposcere Teucris. <sup>155</sup>  
 Haud mora: festinant iussi rapidisque feruntur  
 Passibus. Ipse humili designat moenia fossa  
 Moliturque locum; primasque in litore sedes  
 Castrorum in morem pinnis atque aggere cingit.  
 Iamque iter emensi turres ac tecta Latinorum <sup>160</sup>  
 Ardua cernebant iuvenes muroque subibant.  
 Ante urbem pueri et primaevae flore iuventus  
 Exercentur equis domitantque in pulvere currus;  
 Aut acris tendunt arcus aut lenta lacertis  
 Spicula contorquent cursuque ictuque lacessunt, <sup>165</sup>  
 Quum praevectus equo longaevis regis ad auris

inf. VIII, 416. 428. XI, 401. 332; et apud Græcos v. c. Sophocl. Oed. I. 3: ἰστρηθεὺς κλισίῳσιν ἐξιστρημένοι: sed de modo loquendi quaerat aliquis. Scilicet *velari* ex στέρεσθαι proprie de corollis et vittis (v. ad V, 72), quae ambiunt ideoque tegunt frontem, tempora. Transulit hoc poeta ad ramos vittis et infulis obvolutos, qui praefercebantur a supplicibus et tenebantur manibus. Sed infulis et vittis dependentibus a ramo manus ipsae obtegebantur, unde *manus velatae*; et dieta hinc *velamenta* ipsi rami vittati. Igitur *velati ramis*; habentes ramos vittatos manibus, *pacem*, foras et amicitiam, ut ad alibi.

457—459. Castrum hoc Troiae est seu Troia nova Tiberim praecingens; ita ut moenis ad amnem pertinerent: IX, 469, *nam dextera cingitur amni*, adstantibus abductisque a tergo navibus; IX, 68 sq. a sinistra campus mare prospiciens IX, 238 et ad mare pertinens: in quo infra lib. IX. Ru-

tulos, qui castra oppugnant, consistere videbimus: vs. 468. cf. ad IX, 195. *molitur locum*, exquisite poetico more pro moliri tecta in loco h. e. exstruere, ut sup. v. 427 et 290 dictum erat. *primas sedes*, int. is prima litoris parte: mox *pinnas* pro muris et *aggere* pro vallo, quod fossam ab interiora parte ambit, dixit.

460—465. Laurentum missa legatio. Non modo Romanae militiae more, quod Servius putat, sed Graeco quoque et omnino priscae vitae ritu, ut in loco Hesiodi (Scut. 285, 286), ante urbem in campis exercet se cursu ac ludit armis iuventus urbana. Poeta autem eo more egregia usus est ad narrationis suavitatem. *domitant currus* pro equis iugalibus, ut alibi hi pro illis: noto poetarum more. Mox *spicula*, int. iscula et epitheton *lenta* ad materiem refer, flexibilia. *lacessunt*, exquisite pro contendunt, certant: quandoquidem provocant ac et lacessunt, qui pugnant.

Nuntius ingentis ignota in veste reportat  
 Advenisse viros. Ille intra tecta vocari  
 Imperat et solio medius consedit avito.  
 Tectum augustum, ingens, centum sublime columnis,  
 Vrbe fuit summa, Laurentis regia Pici, 174  
 Horrendum silvis et religione parentum.  
 Hic sceptrā adcipere et primos adtollere fascis  
 Regibus omen erat; hoc illis curia templum,  
 Hae sacris sedes epulis; hic ariete caeso 175  
 Perpetuis soliti patres considerare mensis.  
 Quin etiam veterum effigies ex ordine avorum  
 Antiqua e cedro, Italusque paterque Sabinus  
 Vitator, curvam servans sub imagine falcem,

170—176. *Pici haec regia in arce* Laurenti pro curia et templo erat Latini, diversa utique a Latini regia v. 59 sq. descripta et improprie nunc vs. 174 regia dicta, h. e. aedificium magnificum. Quid quod iuncta haec esse solebant, ut in Palatio Augusti erat templum Apollinis Palatini. Imitatus locum est multo cum verborum tumore Seneca Thyest. v. 611 ad 661. — *vrbe summa*, ἐν πόλει ἀποτάτη, ut Il. χ, 472, h. e. ἐν ἀποτάτη. Circa aedem illam lucus erat (v. 172), more veterum in templis et in principum aedibus. Alterum hoc ex lib. II, 299, 300 de Anchisae dumo meminimus. — 173, 174. Hic regnum auspiciari solebant reges. omen egregie pro more, cui bonum omen inerat, ut maiorum fortuna sequeretur regnum auspicienti. Auspicia regni a summis regni insignibus declarat. *ad tollere fascis* pro eo, quod sequitur, ut praeficerantur nova regi. — 175, 176. Multa docte comminisci licet in h. l. interpretando. Sed sequi praestat id, quod simplicissimum est,

Est hoc templum pro prytaneo, curia aut simili aede publica, in qua sacrificia publica cum epulis sacrorum habentur. *ariete caeso*, proprio aliquo Latini more delecta victima epulae sacrae instituuntur; quia publicum sit sacrificium, confluent primores gentis sique epulis excepti sedent *mensis perpetuis*, h. e. longa et multum procurentis mensa; ut *perpetuum tergum* et alia.

177—182. Etiam haec signa in vestibulo collocata sunt, ut in curia vel templo mos erat in aditu et portione signa inter columnas ponere. Italus et Sabinus h. l. inter Latini maiores memnerant post illa, quae v. 45—49 edixerat poeta, tamquam agnatione iuncti. *Sabinus* Sabinorum gentis, quae Ausonium vetustissima fuit, auctor. *Italus* proprie ad Oenotriam in extrema Italiae parte spectavit: de quibus cf. ad I, 532. Antiquitatis genium exhibet etiam in materia cedro; nam vetustiora signa lignea erant vel sicilia. *Vitator*, i. e. *falcem*: etiam Saturnus fere cura falce exprimitur;

Saturnusque senex Ianique bifrontis imago, 480  
 Vestibulo adstabant, aliique ab origine reges  
 Martiaque ob patriam pugnando volnera passi.  
 Multaque praeterea sacris in postibus arma,  
 Captivi pendent currus curvaeque secures  
 Et cristae capitum et portarum ingentia claustra 485  
 Spiculaque clipeique ereptaque rostra carinis.  
 Ipse Quirinali lituo parvaeque sedebat  
 Subcinctus trabea laevaque ancile gerebat

ex sermonis tamen rationibus haud dubie ad Sabinum spectant haec, quem nobis poeta ex prisca aliqua eruditione declarat vinearum colendarum auctorem fuisse: sub signo fortasse ad hermae morem in stipitem desinente *falx*, puta ad amputandas frondes (v. Ovid. Met. XIV, 628. 631 et 649), adiecta; qua specie Silvani hermae occupant. Vocem *vitigator* ex Accio petiit, in cuius fragmentis ap. Macrob. VI, 5 occurrit: *O Dionyse, pater optime, vitigator, Semela genitus, Evie*, ut bene Vossius legit. *aliique ab origine reges*, h. e. prisci. Molestum est, quod cum Servio spectari Aboriginum nomen volunt.

483-486. Haec veterem donarium et ἀναθηματιον in templis ritum referre facile intelligitur: hoc tamen loco, ut sup. II, 504, respiciuntur maxime *antefixa*, i. e. fictilia signa quadrigarum, spoliolorum, armorum in foribus templorum et fastigiis, post haec etiam in aditu domus triumphantium. Alterum genus hoc passim memoratum a poetis; Tibull. I, 454: *P' domus hostiles praeferrat exuvias*. Propert. III, 7, 26: *Atque onerare tuam fixa per arma domum*. v. Not. ad utrumque locum. Ad *antefixa* templorum spectat locus Ma-

ronis cum aliis a Cerda congestis. Videatur eo nomine ipsa signa deorum in fastigiis comprehensa esse, ut ap. Livium XXXIV, 4, *antefixa fictilia deorum Romanorum ridentes*: adde XXVI, 23; proprie tamen sunt diversa. Sed praestat imitationem cognoscere Statii lib. VII Theb. 55-59 et Siliu I, 617 sqq. *currus*: cogitandum est de forma curruum bellicorum praeae aetatis parvorum et humilium. *rostra* v. 486 subiicit, fortasse ex navibus ἰσθηπικαὶ in litore.

487-491. Inter signa veterum heroum Pici in primis status conspicua. Erat is e Latini maioribus; ac fortasse eius signum non infrequens illa aetate occurrerat Virgilio. Statua erat sedentis habitus. Fortasse etiam regiam condidisse dictus erat: sup. 471 *Laurentis regia Pici*. Prisca aliqua gravitas imagini inest; trabestus est Picus, qui veterum regum erat habitus (cf. Plin. IX, 39, s. 63), quo Romulum quoque conspicuum narrant (*trabeatum Quirinum* vocat Ovidius Met. XIV, 828 et al.), cum *lituo* (ut ideo augurali scientia clarum fuisse necesse sit) et prisco armorum genere *ancili*. — *subcinctus trabea et lituo*, nota forma, qua verbum binis adaptatur, cum de altero tantum proprie dicatur; *lituo instructus* saltem



Picus, equum domitor: quem capta cupidine coniunx  
Aurea percussum virga versumque venenis 190

Fecit avem Circe, sparsitque coloribus alas.

Tali intus templo divom patriaue Latinus

Sede sedens Teucros ad sese in tecta vocavit;

Atque haec ingressis placido prior edidit ore:

Dicite, Dardanidae (neque enim nescimus et urbem  
Et genus, auditique advertitis aequore cursum) 196

Quid petitis? quae caussa rates aut cuius egentes

Litus ad Ausonium tot per vada caerulea vexit?

Sive errore viae seu tempestatibus acti,

Qualia multa mari nautae patiuntur in alto, 200

Fluminis intrastis ripas portuque sedetis;

Ne fugite hospitium neve ignorete Latinos

Saturni gentem haud vinclo nec legibus aequam,

eral vel insignis, conspicua. Indoctae sunt Gellii V, 8 et inde repetitae a Macrob. VI, 8 argutiae de h. l. *Quirinalem litum* ornate dixit, quo Romulus aliquando usus est, in primis in urbe condenda: augurandi scientia ille excellebat. Conf. Plutarch. in Romulo p. 31 E. et Serv. *Picus equum domitor*: Homericum *ἰκνοδόμος*. Eius mutationem in picum exponit Ovid. Met. XIV, 320 sqq. *coniunx* h. l. amans, ut et alibi vidimus Ecl. VIII, 48. Nam Circe, cum amorem suum ab eo spretum vidisset, in picum seu picumnum avem eum mutavit, quae praeis Italis inter sacras et augurales aves fuit. Mox v. 192 *templum* est ipsa illa curia inde a v. 470 descripta. Excepti legati in templo ex more; ut Romae plerumque factum: et sic sup. a Didone I, 505.

195-211. Simplicitate et proprietate commendabilis oratio, ut altera Ilione fide et probabilitate cum gravitate. *auditique advertitis aequore*

*cursum*, eleganter pro: noli estis. *Sequentia* v. 196 sqq. iis similia, quae apud Homerum occurrunt Odys. 7, 74 sqq. et 252 sqq., sed *ἡστεινάζε* mentionem bene omisit Maro pro suo aevo. — 200. *qualia multa*; sic apud Homer. et alios οἷα τε πολλὰ (Sic Sophocl. Phil. 306. — πολλὰ γὰρ τὰς ἐν τῇ μετὰ γένεσιν ἀνθρώπων χρόνον. R.). v. 201 ornate, pro: huc pervenistis. *portum* simpl. de appulsus loco et statione accipe. — 202, 203. Dicta sunt secundum hos verba. illa Ovidii Met. I, 89 de aurea aetate: *Aurea prima satis est actos, quae vindicet nullo, Sponte sua, sine lege, fidem rectumque colebat. Poena metusque aberant.* Itaque Latini iusti nec necessitate ulla nec legibus, sed tenent se, continent se, moderate et iuste vivunt, sponte sua et more h. e. institutis ac moribus a Saturno sanctis. Ita *se tenent*, qui se continent, intra fines, praescriptum, legem, morem subsistunt. — 205.

Sponte sua veterisque dei se more tenentem.  
 Atque equidem memini ( fama est obscurior annis )<sup>205</sup>  
 Auruncos ita ferre senes , his ortus ut agris  
 Dardanns Idaeos Phrygiae penetrarit ad urbis  
 Threiciamque Samum , quae nunc Samothracia fertur.  
 Hinc illum Corythi Tyrrhena ab sede profectum  
 Aurea nunc solio stellantis regia coeli<sup>210</sup>  
 Adcipit et numerum divorum altaribus addit.

Dixerat. Et dieta Ilioneus sic voce secutus :  
 Rex , genus egregium Fauni , nec fluctibus actos  
 Atra subegit hiems vestris succedere terris ,  
 Nec sidus regione viae litusve fefellit ;<sup>215</sup>  
 Consilio hanc omnes animisque volentibus urbem  
 Adferimur pulsi regnis , quae maxuma quondam  
 Extremo veniens Sol adspiciebat Olympo.

Longo tempore obscurata est fama , ut a paucis aepibus adhuc teneatur eius rei memoria. *Auruncos* dixit tamquam communis cum Aboriginibus stirpis homines ; offert tamen vel sic antiquitatis notionem animis ipsam nomen. De Dardani ex Tyrrhenia originibus v. sup. ad lib. III, 167 aqq. E pluribus de Dardano mythis posita videtur hoc , cum e Tyrrhenis profectum Samothraciam inde Troadem obtinuisse. *his agris* , paullo latius dictum : nam Dardanus ex Corytho seu Cortona Etruriae oriundus ferebatur ; *urbes Phrygiae* memoravit ; h. e. loca ad incolendum idonea et a Teuero passim inhabitata , sub Ilam ; nam proprie dictae urbes tum in regione ex nullae erant. — 210, 211. *hinc* , ex hac urbe ille oriundus pro deo nunc colitur. — *stellantis* ex ἀστράτις ἀστάρως , quod Homericum est. — *coelum accipit* , pro vulgari accepit ideoque pro habet , politico

more , et *addit* , eo recepto inter deos , *numerus altaribus deorum* , h. e. aram in eius honorem extractam cumque ea templum ; quo ipso novum sacrum adicitur prioribus , h. e. conditur et instituitur. Vulgare est , *augere numerum deorum* ; ut in Ciri 202 venit cognatos augens reges numerumque suorum Ciri. Pro hoc dictum : augere numerum altarum ; et pro augere , addere numerum altaribus deorum.

212-227. Ilioneus etiam lib. I, 521 ad Didonem verba facit. — 215. *sidus* pro tempestate , *litus fefellit* , ignoratio litorum ac terrarum , *regione viae* , linea vise , pro simplici : via et navigatione instituenda ac regenda. Variavit verba versus 199 : Sive errore viae seu tempestatibus acti , illud regio viae iam ante Virgilium frequentavit Lucretius lib. II, 249 : sed nihil omnino recta regione viam declinare , quis est , qui possit cernere

Ab Iove principium generis; Iove Dardana pubes  
 Gaudet avo. Rex ipse, Iovis de gente suprema, 220  
 Troïus Aeneas tuâ nos ad limina misit.  
 Quanta per Idaeos saevis effusa Mycenis  
 Tempestas ierit campos; quibus actus uterque  
 Europae atque Asiae fatis concurrerit orbis,  
 Audiit et, si quem tellus extrema refuso 225  
 Submovet Oceano, et, si quem extenta plagarum  
 Quatuor in medio dirimit plaga Solis iniqui.  
 Diluvio ex illo tot vasta per aequora vecti  
 Dis sedem exigua patriis litusque rogamus  
 Innocuum et cunctis undamque auramque patentem.  
 Non erimus regno indecores, nec vestra feretur 231  
 Fama levis tantive abolescet gratia facti,

*esse?* item lib. I, 1040. Et sup. Aen. II, 737: et noto excedo regione viarum. Adferimur pro exiliore accedimus. In sqq. 216 sqq. multum dignitatis inest et magnifica oratio, in primis v. 222 sqq. Troiano bello per tempestatem adumbrato; unde v. 228 diluvium pro escidio et vastitate. Iovis f. Dardanus v. II, v. 245. — 220. de gente suprema. Ennium laudatur ex Ann. V nomine *Purhus*, uti memorant, a stirpe suprema, de prima origine et stirpis exortu a Iove. — 223. quibus fatis pro successu rerum et eventu fatali; et octi h. l. est vexati, calamitatibus afflicti. — 225, 226, 227 ornate pro omnibus gentibus. si quem submovet dirimit separat simpl. de habitatione in loco longinquo et remoto: et poetico more signate extremas terrarum oras ad Oceanum et deserti Libyae nominat. — refusum Oceanum, qui de aestu et recessu maris proprie dicitur, accipies simpliciter diffusum late et extensum. Sunt enim tellus extrema refuso Oceano

finis terrarum, quos ambit Oceanus, qui etiam Homero ἀπὸ πύλλος Ἰνδαυὸς II, σ, 399 et al., quatenus amnis instar terrarum orbem ille includit. — plaga solis iniqui, zona torrida nimis magna, infesto solis aestu, extenso, patens propter camporum arenas, in medio quatuor plagarum, zonarum.

228, 229, 230 sqq. Magna suavitas in extenuatione eius, quod petunt (pio et verecunda petitio bene ait Servius), tum in sui commendatione modesta ac gravi. Dis potius a religione Penatium praeclare facit initium ad movendos animos. feretur pro tenni voc. erit. Troiam magnacum vi pro Troianis, ut toties Troiam, Ilium, in Italiam inferri vidimus. In v. 233 Fides ad foedera spectat, in quibus servandis et essequendis constantia et strenuo fortisque animo ac manu opus est. Simile saltem est, quod Cicero VII ad Div. 5 manum tuam istam (ad Caesarem scripta epistola) et victoria et fide praestantem dixit. — 237. Lau-

Nec Troiam Ausonios gremio excepisse pigebit.  
 Fata per Aeneae iuro dextramque potentem,  
 Sive fide seu quis bello est expertus et armis; 235  
 Multi nos populi, multae (ne temne, quod ultro  
 Praeferimus manibus vittas ac verba precantia)  
 Et petiere sibi et voluere adiungere gentes;  
 Sed nos fata deum vestras exquirere terras  
 Imperiis egere suis. Hinc Dardanus ortus 240  
 Huc repetit, iussisque ingentibus urguet Apollo  
 Tyrrhenum ad Thybrim et fontis vada sacra Numici.  
 Dat tibi praeterea Fortunae parva prioris  
 Munera, reliquias Troia ex ardente receptas.  
 Hoc pater Anchises auro libabat ad aras; 245  
 Hoc Priami gestamen erat, quum iura vocatis  
 More daret populis, sceptrumque sacerque tiaras

dant omnes notum illud ex ll. α, 44: *Ἰσχυρὰ ἔχων ἐν χερσίν*. De re cf. sup. v. 154. — 240. *imperia* deorum sunt monita, quod iam sibi vidimus, ut mox iussu. *Huc repetit* ad Dardanum referunt Intpp. post Turnebum: in hanc nos terram, unde orti sumus, revocat Dardanus et quasi vindicat; neque aliter Donatus. Atqui hoc durum est et ignavum; multo deterior Servii ratio, ut Dardanus nunc Aeneas sit. Saltem Apollo is esse debet, qui *repetit* Troianos *huc*, in hanc terram retrahit, revocat, Italiam repetere iubet et urget ad Tiberim, h. e. retrahit, adire iubet; ideoque interponendum: *Hinc Dardanus ortus; Huc repetit iussisque ingentibus urguet Apollo*. Elsi et hoc durum: *Apollo repetit huc ... et urget ad Thybrim*. Locum laborare suspicor (Donati explicatio haud dubie optima est, nec quidquam duri et ignavi invenire licet. Tum hereditatis iure, quod Dardanus nobis reliquit, tum Apollinis

iussu, ait, huc pervenimus. Omnia bona et sana sunt. R.) *Numicium* v. ad 160. Ponit, ut poeta, fluvium ad designandam terram. Nota ratio; sed in Numicii tamquam sacri flaminis notione religio aliqua inest.

243—249. *Dat quis?* Aeneas ex v. 224. Dona commendat iterum a personis, quod sibi vidimus poetam decere; cf. l. 647 sqq. — 245. Craterem vel pateram designat. Virtutem habet oratio, quod δεικνύσκει a. dramatice res representatur, non facta narratur. *Hoc Priami gestamen erat*: cum his verbis sceptrum tradere putandus est, quod proprie inter gestamina est: nam Servium diadema interpretantem quis audiat? mox tamen adiunxit alia, quae proprie gestari non dicuntur, sed ornant tamen, *tiaram* et *veras* pictas. Summam subtilitatem in his sequi poeta noluit. — 246, 247. *iura daret*: v. sup. l. 507. Ius dicere praecipuum munus veterum regum fuisse notum est; itaque ab

Iliadumque labor vestes.

Talibus Ilionei dictis defixa Latinus  
 Obtutu tenet ora soloque immobilis haeret, 250  
 Intentos volvens oculos. Nec purpura regem  
 Picta movet nec sceptrata movent Priameia tantum,  
 Quantum in connubio natae thalamoque moratur:  
 Et veteris Fauni volvit sub pectore sortem.  
 Hunc illum fatis externa ab sede profectum 255  
 Portendi generum paribusque in regna vocari  
 Auspiciis; huic progeniem virtute futuram  
 Egregiam et totum quae viribus occupet orbem.  
 Tandem laetus ait: Di nostra incepta secudent  
 Auguriumque suum! Dabitur, Troiane, quod optas;  
 Munera nec sperno. Non vobis, rege Latino, 261  
 Divitis uber agri Troiaeve opulentia deerit.  
 Ipse modo Aeneas, nostri si tanta cupido est,  
 Si iungi hospitio properat sociusque vocari,  
 Adveniat voltus neve exhorrescat amicos. 265  
 Pars mihi pacis erit dextram tetigisse tyranni.

hoc munere eorum dignitas declarari solet. Sedent autem ius dicturi cum sceptro; res ex Homero satis obvia. *tiaras* improprie, nempe Phrygum pileus, quem aliis locis *mitram* dixit. V. sup. IV, 216. Conf. inf. IX, 616. *sacer* tantum ad venerationem Priami valere videtur, ut angustum significet ornatum. *Vestes* autem sunt Phrygiae vulgo dictae, a Troianis mulieribus acu pictae, *ἑρῶν γυναικῶν*. Mox eadem *purpura picta*.

249—258. In primo versu Iliad. γ, 217 de Vlyse verba faciente expressum esse volunt; nimis docte. Communis is est oris habitus eorum, qui stant vel sedent cogitabundi. Ita inf. v. 291. cf. sup. I, 226, 228. — 254.

*Fanni sortem* v. sup. v. 95 sqq. — 256. *paribus auspiciis*, communicato regno. Vide inf. XII, 490, 491. Sic IV, 402: *Communem hunc ergo populum paribusque regamus Auspiciis*. — 258. *quae viribus* h. e. fortitudine et virtute bellica, ut sit *βίαιος* Homericum; *saepe* sic et alterum, ut pro imperio dictum sit.

259—267. *Augurium meum* h. e. sortem, Fanni oraculum. *Munera nec sperno*, pro libens accipio; ut *saepe*. *uber agri*, ubertas, h. e. agri uberes; abstractum pro concreto; v. sup. Aen. I, 531. — 266. *pacis*, foederis, et *tyranni regis*, cf. IV, 320, utrumque docte dixit, ut poeta. *Pars erit* pro sigoo, pignore.

Vos contra regi mea nunc mandata referte.  
 Est mihi nata, viro gentis quam iungere nostrae  
 Non patrio ex adyto sortes, non plurima coelo  
 Monstra sinunt: generos externis adfore ab oris. 270  
 Hoc Latio restare canunt, qui sanguine nostrum  
 Nomen in astra ferant. Hunc illum poscere fata  
 Et reor et, si quid veri mens augurat, opto.  
 Haec effatus equos numero pater eligit omni.  
 Stabant ter centum nitidi in praesepebus altis. 275  
 Omnibus extemplo Teucris iubet ordine duci  
 Instratos ostro alipedes pictisque tapetis  
 (Aurea pectoribus demissa monilia pendent;  
 Tecti auro sulvum mandunt sub dentibus aurum),  
 Absenti Aeneae curram geminosque iugalis, 280  
 Semine ab aethereo, spirantis naribus ignem,  
 Illorum de gente, patri quos daedala Circe

268—273. Heroicae vitae mores ita ferre, ut virorum fortium nuptias orent aut filiae aut patres, iam Servius notavit. Exemplum illustre Alcinoi Odys. II, 314 sqq. *plurima coelo monstra*, ostenta divinitus missa. Sunt quae vs. 58 sq. 74 sq. exposita sunt. — 271. *Hoc Latio restare*, verba in medio posita puta, Latinos manere hanc fortunam, ut gener filiae meae advena sit. — 273. *Et reor et opto, si quid veri mens augurat*. Opto h. l. nihil aliud est, quam: eligo, amplector, generum proba, quia eum fato esse destinatum auguror.

276—285. Ut dignitatem rebus per se exilibus addere posset, omnia in maius sueta et simplicata apponit, dissimillimam in hoc rationem sequutus quam Homerus; quia alio aevo, aliis hominibus carmen suum commendatum ibat. Itaque alter rerum veritate placet, alter dignitate, gravitate ac splendore. — 276. *ordine*, deinceps,

omnibus et singulis; sic v. 439. Erant oratores centum: sup. 453. — *ostro pictisque tapetis* h. e. vestibulis stragulis purpureis auro intextis vel aequi *pictis*: unde mox *tecti auro equi*: habet hoc ex Homero, in quo τὰντας πορφύρεας inter munera II. II, 230. *Monilia* non tam ex unionibus ac gemmis, quam omnino torques aurei vel phalerae intelligendae. Neque Orientis fastum in hoc adoptasse putandus est poeta; verius ex antiquae Italiae vel Etruriae usus rem petiit. Nam monilium et torquum inter Etruscos frequentissimum usum fuisse docent Etrusca monumenta. Mox *aurum sub dentibus* quis non videt esse frenum? — 280 sqq. Aeneae mittit equos, quorum genus adumbratum est ex II, 4, 265 sqq., ubi equi a Iove Troi donatis Anchises submisserat equos; nunc Circe, ingeniosa Solis filia, cui in fabulis Italica proprius aliquis locus est, uni equorum patris submit

Subposita de matre nothos furata creavit.  
 Talibus Aeneadae donis dictisque Latini  
 Sublimes in equis redeunt pacemque reportant. 285  
 Ecce autem Inachiis sese referebat ab Argis  
 Saeva Iovis coniunx aurasque invecta tenebat;  
 Et laetum Aeneam classemque ex aethere longo  
 Dardaniam Siculo prospexit ab usque Pachyno.  
 Moliri iam tecta videt, iam fidere terrae; 290  
 Deseruisse rates. Stetit acri fixa dolore.  
 Tum quassans caput haec effundit pectore dicta:  
 Hæu stirpem invisam et fatis contraria nostris  
 Fata Phrygum! Num Sigeis occumbere campis,  
 Num capti potuere capi? num incensa cremavit 295

mortalem equam, hinc nothos furata creavit, hoc est, furim suscepim progeniem, pullum, nacta est. Nihil autem in poetarum fabulis nobilius est Solis equis. *Sublimes in equis* 285 iungenda; ut sæpe dictum; et *donis dictisque*, ut Graeci poetæ, absolute, pro: post ea dicta, eum his donis.

286 sqq. Nova representatio et rerum conversio inexpectata, cum iam sedibus in Italia captis ad eventum perducta viderentur Troianorum fata. Iterum Innonis odio et ira utitur poeta, etsi in toto loco ante oculos fuit Neptunus Odys. 2, 282 sqq.: etiam multum similitudinis huic Innonis orationi est cum illa lib. I, 36 sqq. A Pachyno usque Siciliæ promuntorio prospicit Latium; scilicet supra illa loca in aëris regione invecta, non monti insistens. Iter autem facere putanda Argis versus Carthaginem. Permutant enim dii loca, quæ amant. Mox v. 294, *fixa dolore*, transissa, ex Homericis ὀδυρόμενος παρὰ πύλον; ut, vulgo dolor infusus animo dicitur.

293 sqq. Nolim poetæ nimis arguam dictionem defendendam suscipere; multo minus ea placeat in dea irata. Verum est hoc acumen illud tragicorum, quod Graeci in scena probarunt et Maro in epico transtulit. Feram illud: *fata contraria fatis nostris* h. e. ei, quod fatale est a me constitui et novari in Troianorum fortunis posse; est autem in fatis Innonis, et fata Troianorum intercipere haud possit: cf. inf. IX, 433, 436, 437; sed, quæ sequuntur, *num occumbere, num capti potuere capi, num incensa cremavit Troia viros?* annon luxuriantis sunt ingenii? etsi reprehensio haec tenus retrahenda est, quod veritas tamen suæ sceleris subest. Exemplis alii defensionem parant, ut loco Ennii, quem espressit Maro, ut iam Macrobi. VI, 1 monuit: *Quæ neque Dardaniis campis potuere perire, Nec, cum capta, capi; nec, cum combusta, cremari.* Sed, ut in ceteris, si recte Virgilium novi, tragicorum, in primis Euripidis rhetoricos spiritus æmulatus est.

Troia viros? Medias acies mediosque per ignes  
 Invenere viam. At, credo, mea numina tandem  
 Fessa iacent, odiis aut exsaturata quievi:  
 Quin etiam patria excussos infesta per undas  
 Ausa sequi et profugis toto me opponere ponto; 300  
 Absumtae in Teucros vires coelique marisque.  
 Quid Syrtes aut Scylla mihi, quid vasta Charybdis  
 Profuit? optato conduntur Thybridis alveo  
 Securi pelagi atque mei. Mars perdere gentem  
 Inmanem Lapithum valuit; concessit in iras 305  
 Ipse deum antiquam genitor Calydonia Dianae,  
 Quod scelus aut Lapithas tantum aut Calydonia me-  
 rentem?

Ast ego, magna Iovis coniunx, nil linquere inausum  
 Quae potui infelix, quae memet in omnia verti,

297—303. At fortasse taedio victa vel odiis expletis a persequendis Troianis post Troiam exciam destiteram: ut adeo mirum non sit, si illi excidium effugerant. Immo vero etiam a patria digressos omnibus modis vexavi (299, 300, 301). Cuncta tamen, quae tentavi, nihil profuerunt; Italiam nihilominus tenent (202, 203, 204). Nunc orationem, moneo, poeticam excutias.

304—309. Cf. l. I, 30-49 non satis variata re (v. paullo ante ad v. 286). Vtroque loco ad maiores iras se exauclit luno exemplis aliorum deorum, qui idem felicius ausi sint, propositis. De Lapitharum cum Centauria pugna in Pirithoi nuptiis e Met. XII Ovidii narratio petenda est. Vulgo tamen causa ab ebrietate ducitur: sic quoque Ge. II, 457. cf. Hygin. f. 33. At de Martis in Lapithas odiis obscurior est fabula, exposita h. l. a Servio; cf. Luctat. ad Stat. Theb. II, 563; verbo: Mars in Pirithoi sacris inter ce-

teros deos solus praeteritis in Lapithas exarsit et furorem immisit, quo illi cum Centauris infestis armis concurrerunt. Magis nota est fabula de Dianae ira, cum Oeneus ea sola omissa ceteris diis omnibus primitias sacerificasset; hinc immissus aper Calydonius, ortaque super eius canviis contentione, Pleuronii Calydonem oppugnarunt. Locus classicus Il. I, 529 sqq. et Schol. ad 525. add. Apollod. I, 8, 2. Nostri Maronis vestigiis institit Statius VII Theb. 203 et 204. — 305. concessit in iras, ad poenam et vindictam. — 307 pro vulgari: Quo tamen scelere aut Lapithae aut Calydonii tantam poenam meruerant? Scilicet poenam scelere merere ad exquisitiorem formam revocatum est: scelus merere; ideoque poenam acceleris: ut sup. II, 229, scelus expendisse merentem. Sic ætæ.

308—319. quae potui, h. e. ausipui, semel in eum locum me demisi, ut omnia auderem. Haerent Intpp.,



Vincor ab Aenea! Quod si mea numina non sunt <sup>310</sup>  
Magna satis; dubitem haud equidem inplorare quod  
usquam est.

Flectere si nequeo Superos, Acheronta movebo!  
Non dabitur regnis, esto, prohibere Latinis,  
Atque inmota manet fati Lavinia coniunx:  
At trahere atque moras tantis licet addere rebus; <sup>315</sup>  
At licet amborum populos excindere regum.  
Hac gener atque socer coëant mercede suorum!  
Sanguine Troiano et Rutulo dotabere, virgo!  
Et Bellona manet te pronuba. Nec face tantum  
Cisseis praegnans ignis enixa iugalis;  
Quin idem Veneri partus sutis et Paris alter  
Funestaeque iterum recidiva in Pergama taedae.

sed posse et alibi obvium hoc sensu. Supra v. 300 idem hoc sic eloquuta erat: *Quin etiam patria excusos iugis per undas ausa sequi, et profugis toto me opponere ponto.* — In vs. 312 cum Aeschylī Supplic. 460, 468 sententiae similitudo quaedam occurrit. Etsi displicet fortasse animi impotentia in dea ad tam humilia consilia progressa, in verbis tamen multum virium et *δυναμειος*, in primis v. 317, 318, 319, est. — 314. *inmota manet fati coniunx* exquisitius pro: manent immota fata de Lavinia ab Aenea coniungi duenda, ut lib. I, 257, *manent inmota tuorum Fata tibi*, coniugium hoc interverti nequit. — 317. *mercas* pro malo et pernicie, etiam alibi frequentatum. *coëant* est coniungantur foedere et matrimonio Aeneae et Laviniae. — In v. 318 Euripidem expressum putant Hippol. 550. Est saltem similitudo aliqua. — 319. *Bellona pronuba*. Graviter dictum, si e Itonis persona proferri

memineris; nam proprie *Iuno pronuba* est, v. c. sup. IV, 466.

319—322. Docta et cum arte elaborata oratio secundum plura tragicorum graecorum loca. Non tum modo Hecuba, Cissē f., *praegnans face*, cum facem utero gerere somniaret (cf. inf. X, 704, 705 et versus ap. Cie. de Div. I, 24). *enixa est ignes iugales*, conjugales, peperit matrimonio filium, qui Asiae incendium erat futurus; verum simili modo facem edidisse partu credenda erit Venus; similis ignis erit Veneri filius suus, Aeneas (exquisitius: *quā idem Veneris partus sutis*), et erit ille alter Paris, et erunt iterum funestae taedae in Pergama recidiva, h. e. nova haec Troia seu restituta Troianorum fortuna iterum experietur tamquam alter um Iliacum excidium. *recidiva Pergama*. cf. ad IV, 344. Multum tragici spiritus huic loco inest. Versus 318 sententiam similibus Tragicorum locis illustrat Guel-

Haec ubi dicta dedit, terras horrenda petivit:  
 Luctificam Allecto Dirarum ab sede sororum  
 Infernisque ciet tenebris: cui tristia bella,  
 Iraeque insidiaeque et crimina noxia cordi.  
 Odit et ipse pater Pluton, odere sorores  
 Tartareae monstrum: tot sese vertit in ora,  
 Tam saevae facies, tot pullulat atra colubris.

325

lius: Aeschyl. Agam. 416, 417, Euripidis Hippol. 550-3.

323 sqq. Sequitur locus de *Allecto* Furiarum uox ex inferis excitata a Junone et Amatae Latini uxori, mox Latinis quoque matribus familias, tum Turno, Teucris quoque et Aboriginibus immissa, egregie quidem ille tractatus et ornatus, Iuvenalis quoque iudicio VII, 66 sq. commendatus. Excogitatu certe facillimum videtur, odiis et inimiciis ex ipsa re natis, Furiis hoc negotium dare, ut tumultus et bellum excitetur. Poëtae simul ea in hoc contigit felicitas, ut non in allegorica personae ipsae esset acquiescendum. Sunt enim Furiae ex poëtica ac mythica doctrina verae deae apud inferos collocatae, ut supra vidimus VI, 280, immissae Oresti et Herculi. *Αἰσχύαν* Herculi a Iunone immissam in scenam protulit Euripides Herc. fur. 823 sqq. Ceterum invento hoc, etsi per se haud difficili, certatim usi sunt poëtae sequiores. Sic Ovid. IV Met. 422 sqq. (quo comparato Virgilii sapientiam intelligas; nam hic rerum summam persequi contentus *Erras*, inquit, *petiit*, et *ciet*; at apud illum ipsa Iuno descendit ad infera et evocat Furias, ut Athamantem in furorem concitaret): Statius I Theb. 88 sqq., Silius II, 526 sqq. Nonnum lib. XXXI et Claudian. in Rufin. I, 25 sqq. excitat Cerda. Partem loci in Laïi umbram

transtulit Statius Theb. II, 94 sqq. Semina prima rei sunt apud Homer. II. ε, 565, 567, 568; in ceteris Eris Homerica exemplo esse potuit.

323—329. *horrenda*, ut *saeva*, pro irata. — 327, 328. Habes similia Aeschyl. verba Eumen. 69, 70, ubi post alia tandem de Furiis: *Μακάρι' ἀνδρῶν καὶ θεῶν Ὀλυμπίων*. cf. ibid. v. 490 sqq. et 414, 415. Sed Maro Allecto ad Martis Homericum exemplum adumbrasse videtur. II. ε, 890 sq. *Εχθρὰς δὲ μοι ἴσσι θεῶν οἱ Ὀλύμπῳ ἔχουσιν*. Alii γὰρ τοι ἔρις τε φθὴ πολλοὶ τε πύχας τε: etsi rem variavit feliciter. Quid enim Furiae faciem horribilem et abominandam gravius declarare possit, quam: ipsi patri ipsisque sororibus eam detestabilem haberi. Sed et locum in Eonio fuisse coniectare licet huic non dissimilem, unde fragmentum a Probo et a Varrone servatum est (Ean. Frag. p. 120 sq.): *Corpore Tartarino* (horrendo, terribili, ut Festus interpretatur) *prognata paluda* (paludata; etsi Probi lectio *palude* probare se potest) *virago*. Pergit, ei par nihil esse in tota rerum natura. Imitationem Lucani vide lib. X, 645 sqq. — 328, 329. *tot sese vertit in ora*, ad declarationem *τοῦ monstrum* pertinere putandum. Nec vultus mutationes pro vario mentis habitu ac sensu (nam id nimis tenue foret) nec in varias species et figuras mu-

Quam Iuno his acuit verbis ac talia fatur : 330  
 Hunc mihi da proprium, virgo sata Nocte, laborem,  
 Hanc operam, ne noster honos infractave cedat  
 Fama loco, neu connubis ambire Latinum  
 Aeneadae possint Italosve obsidere finis.  
 Tu potes unanimos armare in proelia fratres 335  
 Atque odiis versare domos; tu verbera tectis  
 Funereasque inferre faces; tibi nomina mille,  
 Mille nocendi artes. Fecundum concute pectus,

tatum os velim intelligere (nam id Furia non solenne est; etsi novas formas assumere Furias dubitari nequit; quod in h. l. quoque Alceste facit inf. vers. 415, ubi Turnum adit, in vultus sese transformat amiles etc. Fit Cholybe. Et similem formae mutationem videbis ap. Claudian. in Ruf. I, 434. etc. et Silium II, 553 sqq.): sed in tot ora, sc. saeva, tot horrendos vultus, terribiles ac minaces oris habitus, ex eo quod subiicitur: *Tam saevae facies*. Saepe enim sic epitheta ea sqq. retrahenda sunt ad priora. Solent scilicet Erinnyes varias oris species et vultus ad terrendum idoneos sumere, ut inf. v. 447, cum Turnus obtemperare nolle. In hunc sensum αἰολομέρζους eas dici arbitror apud Orpheum H. LXVIII, 8. Nec diversum est, quod Ge. III, 553 Tisiphone . . . *Inq̄us dice avidum surgens caput altius effert*. — 327. *Pluton pater*. Sensit eum Orpheo eod. l. Αἰδῶν χθονία, ποσειδά, κόρα.

330—340. *acuit*, eum dilectis pro alloquitur, hortatur. *virgo sata Nocte*, cf. VI, 250. Eumenides aἰνὴ πρὸς θῆ- νος esse nota res. *Hunc mihi da proprium* pro vulgari: singulare hoc mihi praesta, mea gratia suscipe. *infractave*

*cedat loco*, cumulate pro infringatur, labefactetur, convellatur; hocque vulgarius diceret: ne ego vincar. — *connubis ambire Latinum* docte; translatum ad socerum, quod puellae debebatur. Nam *ambire puellam*, *conjugium puellae*, propria sunt; doctius: *ambire puellam connubio*; nunc, ipsum *patrem*. Prohibe, ne Aeneas matrimonio iungatur Laviniae. Aliena a sermonis genio videtur interpretum illa ratio, ut *ambire* sit circumvenire (Fortasse ambire est h. l. adire, se applicare: sic IV, 283. Horat. Od. I, 35, 5. Nec opus erat, ut Aeneas a Latino connubium illud peteret, quod ille ultro iam 270 sq. obtulerat. R.) — 336. *versare* aliter hoc loco dictum quam sup. II, 62 *versare dolos*. Nunc est exagitare, vexare. Porro tu in ipsis aedium penetralibus flagris et facibus insequeris sceleratos. Hoc est *inferre verbera* (pro flagris, quod perpetuum poëta, etiam de Furiis, ut et inf. 561) *et faces tectis*, quandoquidem semel hoc in usum venit, ut scelerum commissorum terrores et conscientiae perpe- tratorum stimuli per Furiarum faces et stimulos declarentur. *tibi nomina mille*, πῶλόνυμα. Deorum enim potestates, vires, proprietates, facta per tot nomina decedantur. —

Disiice conpositam pacem, sere crimina belli;  
Arma velit poscatque simul rapiatque inventus. 340

Exin Gorgoneis Allecto infecta venenis  
Principio Latium et Laurentis tecta tyranni  
Celsa petit, tacitumque obsedit limen Amatae,  
Quam super adventu Tencrum Turnique hymenaeis  
Femineae ardentem curaeque iraeque coquebant. 345  
Huic dea caeruleis unum de crinibus anguem  
Coniicit inque sinum praecordia ad intima subdit,  
Quo furibunda domum monstro permisceat omnem.  
Ille inter vestis et levia pectora labsum

339. *Disiicere* fortius quam *dirimere*, rumpere, et *crimina* quam *causae*. Et paullo ante *conoute te*, fere ut apud Aristoph. Nub. 701: Πάστα τῶρον τε σκυρὸν Στῆθεσι πικρύνοντας. Ductum ab eo loquendi usu, cum movetur, versatur, agitur animus et cogitatio. Non absimile Horatianum I Serni. 3, 34 *denique te ipsum concute*; pro vulgari *excute*.

341—405. Allecto primo adit Amatae regionem, Latini coniugem. Omnes hoc pectus sequi videns, ut mandatis datis, inprimis a potentiore, non verba, sed ipsa res statim subiiciatur. Et merito; quis dubitet? In Virgilio igitur hoc nihil magnum. *Gorgoneis Allecto infecta venenis* accipiunt sic, ut venena secum afferat; quomodo apud Ovidium in simili loco Met. IV, 499: *Attulerat secum liquidi quoque monstra veneni* etc. Sed sic *infecta* parum placere potest, et in nostro loco venenum non ipsa dea miscet; sed 354 ex afflatu serpentis illud corpori se insinuat. — At v. 346 anguem illa de capite detractum immittit Amatae. Ergo illa caput anguibus cinctum habebat: scilicet ex poetica ratione *venena* pro serpenti-

bus dicta, quibus Furia comas habet implexas: cum semel *venena* posuisset, *infecta* quonque bene dicebat. Nihil igitur amplius cogilandum, quam: Exin Allecto, quae caput anguibus horridum habet, petit etc. *Gorgonei* angues, quales Medusae caput einguot. — 343. *tacitum* limen aut pro facile obsedit, ut Servius, aut quatenus de matris familiae cubiculo agitur in secretiore domus parte. Cerda ad curia retulit; sc. ut *tacita* sit Amata (cf. Georg. II, 247. Aen. IV, 364. R.). — 344, 345. Proprie dicimur *coquere iram pectore*, ut *πίπτειν, πύπτειν*, sic Silius II, 327: *impatiens asperque coquebat* Iam dudum *immites iras*, ubi v. Drakenb.; tum vero exquisite ipsa *ira* dicitur *coquere* nos vel *pectus nostrum*, b. e. agitare, vexare. Haec ratio iam Ennio frequentata in noto illo apud Ciceronem versu: *curam . . . Quae mune te coquit et versat sub pectore fixa*. — 346. *Huic*, in hanc. — mox 349 *levia* epitheton egregie delectum, ut serpentis lubricum lapsum adiuvet; alias est molle, lecerum. — *fallitque furentem*, latet eam, dum volvitur. Bene Serv. *sine accipitibus*

Volvitur ad tactu nullo fallitque furem 350  
 Vipeream inspirans animam; sit tortile collo  
 Aurum ingens coluber, sit longae taenia vittae  
 Innectitque comas et membris lubricus errat.  
 Ac, dum prima lues udo sublapsa veneno  
 Pertentat sensus atque ossibus implicat ignem, 355  
 Necdum animus toto percepit pectore flammam,  
 Mollius, et solito matrum de more, loquuta est  
 Multa super nata lacrimans Phrygiisque hymenaeis:  
 Exsulisne datur ducenda Lavinia Teucris,  
 O genitor? nec te miseret nataeque tuique? 360  
 Nec matris miseret, quam primo aquilone relinquet  
 Perfidus, alta petens, abducta virgine, praedo?  
 At non sic Phrygius penetrat Lacedaemona pastor

*sensu.* Nisi malis iungere: *fallit inspirans, διαδω το σπινθρος.* Afflare autem putandus est serpens halitu venenato, tanquam furoris aura antiqua, pectus reginae, circa quod errat, nondum illapsus, ut e sqq. patet. Halitu aulem, spiritu, afflatu, dicimus fieri ea, quae per sensus animos attingere et afficere videntur. — Illa v. 351-353, *fit tortile collo etc.*, nescio an pro epica dignitate nimis ingeniosa sint. Ovidio fortasse ea condones. Is tamen, cum superiora ad verbum fere expressisset (Met. IV, 485, 489-499), haec intacta reliquit. Torques autem, etiam in antiquis operibus, videmus gestatos saepe serpentibus similes. *taenia vittae*; h. e. vitta; nisi proprie h. l. oras et vincula vittarum vel fasciarum dependentia *taenias* dixit, tortiles et serpentibus similes.

351—357. Primo furoris accessu in lamenta fertur Amata. *lues*, ut *tabes, sanies*, pro veneno, h. l. est halitus ille venenatus et humidus,

unde *lues udo veneno*, quo afflatum Amatae pectus. Ovidius modo non dissimili scorpionum nigri *madidum sudore veneni* dixit II Met. 498, non quasi exsudare eum venenum crediderit; sed *sudor veneni*, humor, potius est elegantior ratio pro veneno, quod humidum diceret; *madidus* autem omnino ad profluentem oris saniem spectat. Insinuat ille se in praecordia et animum: *Pertentat sensus, subit et ossibus implicat ignem*, quatenus flamma circumvolvitur; eadem vulgari oratione ambire et involvere rem dicitur.

359—372. Oratio bene morata et argumentis instructa probabilibus et gravibus sed breviter enumeratis. Cum primis veras. locum Euripidis (Supplic. 219 sqq.) comparat Cerda. — *Exsulis Teucris* gravius quam Teucro, ut sup. 98: *Externi veniunt generi et alia.* Quantam vim habent illa: *nec matris ... praedo!* — 363. *At non sic*; ut vulgo: quasi non simili modo Paris Helenam avexerit. *penetrat*;

Ledaeamque Helenam Troianas vexit ad urbes !  
 Quid tua sancta fides ? quid cura antiqua tuorum 365  
 Et consanguineo toties data dextera Turno ?  
 Si gener externa petitur de gente Latinis,  
 Idque sedet Faunisque premunt te iussa parentis ;  
 Omnem equidem sceptris terram, quae libera nostris  
 Dissidet, externam reor et sic dicere divos. 370  
 Et Turno, si prima domus repetatur origo,  
 Inachus Acrisiusque patres mediaeque Mycenae.  
 His ubi nequidquam dictis experta Latinum  
 Contra stare videt, penitusque in viscera labsum  
 Serpentis furiale malum totamque pererrat ; 375  
 Tum vero infelix, ingentibus excita monstris,  
 Immensam sine more furit lymphata per urbem :  
 Ceu quondam torto volitans sub verbere turbo ,

praeterita res in praetens adducipoteat, in primis a poetâ. Illic enallage illa, quam vocant, pro penetravit. — In v. 365, 366 epithetorum bonus est dilectus factus. *consanguineo*; filius enim est Veniliae, sororis Amatae. — 367 sqq. Callide elevat id, quod tantam ad mariti animam vim habebat, Fauni oraculum, dum id non minus ad Turnum referri posse ait; esse enim externos habendos omnes, qui non Latini regno subsint. Tum vero Turnum originem quoque habere a gente peregrina et extra Italiam agente, ab Argivia. — *mediae Mycenae* accipiendum ut in illo: Ex media Graecia eius stirps ducta est. Dedit autem hoc poetâ seu famae seu ingenio, ut Turni originem a Danaë Persei matre peteret, quae, cum iram patris Aerisii metueret, navi in Italiam est delata ibique Ardeam condidit. Conf. inf. 408 sq.; contra quam vulgaria inter Graecos fabula ferebat, qua in arcam

eum puero inclusa mari ad insulam Seriphum enatasse narrata est.

373—377. Tentato ita Latini animo, cum eum videt *contra stare* (pro vulgari resistere), cumque venenum (docte: *serpentis furiale malum*) ioterea in intima Amatae praecordia penetravit etc. — *monstra* sunt terrorea et phantasmata furentis animo obiecta. — 377. *sine more*, sine modo ac lege ideoque *ἀνόηματος*, ἀπρὸς νόμον (cf. ad V, 694; Burm. ad Ovid. I, A. A. 419) discurret per totam urbem. Locum hunc ante oculos habuit Statius IV Theb. 378 sq.

378—384. Lineae ornataissimi loci in Iliad. ξ. 413 invenire sibi videntur viri docti; sed ibi Αἴας rotat saxum ὡς στρόμβον, *turbo* lignum illud conoidea, quo pueri ludunt, diversum a trocho, qui aeneus vel alterius materiae circulus est. At *turbo* est *ρόμβος* vel *βίμβης* ex Epigr. I Callimachi notus; ubi et *πρό κληγῆς*

Quem pueri magno in gyro vacua atria circum  
 Intenti ludo exercent; ille actus habena 380  
 Curvatis fertur spatiis; stupet inscia supra  
 Inpubesque manus, mirata volubile buxum;  
 Dant animos plagae. Non cursu segnior illo  
 Per medias urbis agitur populosque feroces:  
 Quin etiam in silvas, simulato numine Bacchi, 385  
 Maius adorta nefas, maioremque orsa furorem  
 Evolat et natam frondosis montibus abdit,  
 Quo thalamum eripiat Teucris taedasque moretur,  
 Evoe Bacche! fremens, solum te virgine dignum  
 Vociferans; etenim mollis tibi sumere thyrsos, 390

ὅσας βίββινος ἔχοντες Ἐκέρσιον, ut h. l. torto sub verbera, flagello, mox habena. — vacua circum atria, ornate, ante domum. Callimach. εὐστία ἐν τριπόδ. exercent, agunt, versant, δόσασιν. turbini dant animos (concitatiorem motum) plagae, verbera iugeminata. Ad pueros minus bene hoc referas. Verum est eorum animos incendi ipso ludo: sed hic de motu turbinis agitur. Comparatio ex Tibullo nota est lib. 1, 3: *Namque agor, ut per plana citus sola verbera turbo, quem celer adnata versat ab arto puer.* Sed, ne res ex puerorum lusibus ducta epicae dignitati detraberet, tractatione et dictionis gravitate efficeit Maro. Versatur autem comparationis vis in discursu rhombi.

385. Praeclarus locus est, qui sequitur; sed, ut eius praestantiam sentias, sacerorum Bacchicorum ritus a nostris sensibus tam alieni notitia aliqua, ex Euripidis v. c. Bacchis, imbutum habere animum necesse est. Inter eas homines, qui orgia Bacchi frequentabant, facile hoc in animum veniebat seminae, ut ira furore acti,

eum invisio genere subducere vellet filiam, Bacchico se teneri furore simularet, quo filiam iisdem sacris initiaret ideoque in silvas abduceret. Eiusmodi furoris Bacchici, qui totam Thebarum civitatem invasit, exempla in tragicis occurrunt. Solent autem iidem saepe consiliis dramatum suorum adhibere furores Bacchicos, ut per orgiorum opportunitates efficiantur nova ac mira, ut in Antiope Euripidis. — 390, 391. *Etenim tibi, σὺ γὰρ ὅη et σὺ γὰρ τοι*, non ignota forma, docta tamen et variandae orationi conmoda. Certe quidem tibi, in tuum honorem, Bacche, ait illa filiam Bacchicis orgiis se initiare (Servius infinitivum pro indicativo positum esse volebat: ita esset infinitivus narrationum). Hoc extulit per attributa Baecharum: *thyrsos mittere*, Bacchum *lustrare choro* (ut iust. X, 224 *agnoscunt longe regem lustrantque choreis*) h. e. choreas ducere circa eum medium stantem tanquam choragum: quem sequuntur ii, qui chorum celebrant, ut ideo Bacchae furore correptae deum tanquam praesentem

Te lustrare choro, sacrum tibi pascere crinem.  
 Fama volat; Furiisque adcensas pectore matres  
 Idem omnis simul ardor agit, nova quaerere tecta.  
 Deseruere domos; ventis dant colla comasque.  
 Ast aliae tremulis ululatibus aethera complent 395  
 Pampineasque gerunt incinctae pellibus hastas.  
 Ipsa inter medias flagrantem fervida pinum  
 Sustinet ac natae Turnique canit hymenaeos  
 Sanguineam torquens aciem torvumque repente  
 Clamat: Io matres, audite, ubi quaeque, Latinae: 400  
 Si qua piis animis manet infelicis Amatae  
 Gratia, si iuris materni cura remordet;  
 Solvite crinalis vittas, capite orgia mecum.  
 Talem inter silvas, inter deserta ferarum,  
 Reginam Allecto stimulis agit undique Bacchi. 405  
 Postquam visa satis primos acuisse furores  
 Consiliumque omnemque domum vertisse Latini,

ducere putent. — *pascere crinem*. In sacris Bacchicis comam promissam et solutam liberi et iactari solitam notam est. Cf. Inf. 394, 403 (Laudat ex Catulli Gallambo locum Cerda: *Tibi spargimus capillum, Tibi verticem rotamus*. Sed is est Moreti Gallianus, in eius Catullo pag. 86, quod idem carmen pro Catulli fetu habuit Gellius ad Ge. II, 392). Rarius occurrit, quod comam quoque Baccho alunt Bacchae; sed Euripidis versum iam alii laudarunt *ἱερὸς ὁ μέλας, τῷ θεῷ τ' αὐτὸν ἐπέτω* (Bacch. 493. cf. Barnes. ad v. 460). — 392 sq. Idem furor Bacchicus ceteras Latinas matronas invadit. — *nova tecta*, silvarum recessus. — 396. *pellibus*. Pellea sunt nebrides. Hastas *pampineas*, pampinis tectas, ut bene Serv. monet; thyrsos (cf. Ecl. V, 34), qui hinc *molles* dicti supra v. 390, et *pinum*, faem pi-

neam, cf. ap. Eurip. Bacch. 145 sqq. Omnia enim hic a sacris Bacchicis petita sunt; non a nuptialibus ritibus. *Sanguineam* (cf. IV, 643) *torquens aciem*, *διὰ τὸ πόρου ἀράς ἐλάσσουσα*, Eurip. Bacch. 1120. — Ad v. 400 conferunt Intpp. II, σ, 52 sq. de Thetide ad Nymphas, nec tamen quicquam inde proficere potuit Maro. *piis animis*, pro vobis. — 402. Si cura est, si ius maternum in filium tuendum vobis putatis. — *capite orgia*, exquisite, ut suscipere sacra, hoc est celebrare, agere. At dicas: quo consilio? qua spe? scilicet, ut sibi adsint filiamque a nuptiis cum viro alieno vindicent.

406—413. Ad Turnum nunc Allecto procedit, postquam consilia Latini ab ea turbata et causae belli aetiae erant; qua ipsa re verendum erat, ne domus Latini everteteretur. *acuisse*, cum di-



Protenus hinc fuscis tristis Dea tollitur alis  
 Audacis Rutuli ad muros, quam dicitur urbem  
 Acrisioneis Danaë fundasse colonis 410  
 Praecipiti delata noto. Locus Ardea quondam  
 Dictus avis, et nunc magnum manet Ardea nomen;  
 Sed fortuna fuit. Tectis hic Turnus in altis  
 Iam mediam nigra carpebat nocte quietem.  
 Allecto torvam faciem et furialia membra 415  
 Exuit; in voltus sese transformat anilis  
 Et frontem obscenam rugis arat; induit albos  
 Cum vitta crinis; tum ramum innectit olivae;  
 Fit Chalybe Iunonis anus templique sacerdos  
 Et iuveni ante oculos his se cum vocibus offert: 420  
 Turne, tot incassum fusos patiere labores  
 Et tua Dardaniis transscribi scepra colonis?  
 Rex tibi coniugium et quaesitas sanguine dotes  
 Abnegat, externusque in regnum quaeritur heres.

lectu pro exilisse. — 408. Vides Furiam alata ut ei alibi: v. c. apud Euripid. Orest. 347. — 410. Danaë igitur Acrisii f. cum Argivis fugae comitibus navi vecta ad Rutulorum litus appulisse et Ardeam extruxisse dicitur. — 411, 412. Verba olim dicta a maioribus, *avis*, Ardea; manet ea urbs etiamnum magnum nomen, h. e. loci nomen adhuc nobile est propter veterem Turni et Rutulorum famam; sed, opibus antiquis deletis, iam Narionis tempore Ardea cum vicinis locis solo aequata fuit. Vid. Strabo V, p. 232.

415. Observa dictionis ornatum in hoc, quod vulgare: assumit firmam anas, rugosae, canae etc., in verba illa resolvit: *arat*, *induit*, *innectit*: h. e. habet innexas, et sic reliqua. — 417. *obscenam* simpl. pro turpem. —

419. *Fit Chalybe, anus sacerdos Iunonis templique*. Si aliter longas verba, minus commode fit; etsi nec hoc satis commodum. Est ut *ἀνὴρ ἱερεὺς, γυνὴ ἱερεῖα*. Igitur sacerdos Iunonis tali erat habitu, ut vitta et oleaginea comas vinctas haberet comas. Imitatus est in Tiresia Statius II Theb. 97, 98, 99 et in Amphiarao VII, 83, 89. *Iunonem* autem meritis posuit, quippe quae Turni rebus studet, et cuius templum fuisse Ardeae ex locis Plinii constat, in quibus antiquissimas Ardentis templi pietas miratur XXXV, 3, s. 6, et 10, s. 38. — 421. *patiere fusos*, graece, pro *patiere effundi* — et *transscribi*. De voce *transscribi* v. sup. V, 750; h. l. transferri aut regnum Latini dotale cum Lavinia ad externos. — 423. *coniugium et dotes*, dotem, regnum dotale, paratum sanguine.

I nunc, ingratiss offer te, inrise, periclis; 425  
 Tyrrhenas, i, sterne acies; tege pace Latinos.  
 Haec adeo tibi me, placida quum nocte iaceres,  
 Ipsa palam fari omnipotens Saturnia iussit.  
 Quare age et armari pubem portisque moveri  
 Laetus in arma para et Phrygios, qui flumine pulchro  
 Consedere, duces pictasque exure carinas. 431  
 Coelestum vis magna inbet. Rex ipse Latinus,  
 Ni dare coniugium et dicto parere fatetur,  
 Sentiat et tandem Turnum experiatur in armis.  
 Hic iuvenis, vatem inridens, sic orsa vicissim 435  
 Ore refert: Classis invectas Thybridis alveo  
 Non, ut rere, meas effugit nuntius auris:  
 Ne tantos mihi finge metus, nec regia Iuno  
 Inmemor est nostri.  
 Sed te victa situ verique effeta senectus, 440  
 O mater, curis nequidquam exercet et arma  
 Regum inter falsa vatem formidine ludit.  
 Cura tibi divum effigies et templa tueri;

Nam pro Latino saepe pugnasse putandus est ex v. 425, 426. — *tege pace Latinos*, sc. avertendo et repellendo hostes. — 427. Comparant Intpp. Iliad. σ, 484: Ἡρᾷ μὲ πολεῖται etc. — 430. *lactus poetis* est simpl. alacer. *flumine pulchro*, est καλλιῆ-φοος, ornans epitheton. Sic sup. 30 *avroenum*. — 432. *Coelestum vis magna*, magnum deorum numen, τὸ τῶν θεῶν κράτος. *Phrygios duces et carinas exure*, nota dicendi forma: alterum improprie. — 433. *dicto parere*, pro vulgari: promisso stare se velle profitetur.

435—444. Nota *vatem* simpl. pro sacerdote. *orsa* pro vulgari dicta; ut *solio sic orna es alto*. — 440, 441, 442. Per senectutem vanis rumoribus captandis indulget. Docte ornata res.

— *Senectus te extroet tua is nequicquam* ideoque curis vanis, et *ludit te falsa formidine*. Addit *inter arma regum*, ut appareat, qua super re eura illa suscepta sit. *Senectus* autem dicta *victa situ*, desidia et inertia; *verique effeta*, paullo audacius dicta, cui nihil veri iudicii adest, vanis inhians, proclivior ad amplectendos falsos rumores quam ad vera exploranda. Ut *frugibus* vel *frugum effetus* ager, inhabilis longo usu et parum idoneus ad ferendas fruges; sic actus illa inhabilis ad videndum verum et ad veros timores diiudicandos et a falsis discernendos. *Irae, belli, Martis*, *feta* praecordia passim apud poetas occurrunt. — 442. *Vatem* iterum, ut v. 435. — 443. *Aedituam visu- par* designat. Forma increpandi Ho-

Bella viri pacemque gerent, quis bella gerenda.

Talibus Allecto dictis exarsit in iras.

445

At iuveni oranti subitus tremor occupat artus;

Deriguere oculi: tot Erynnis sibilat hydrys

Tantaque se facies aperit. Tum flammea torquens

Lumina cunctantem et quaerentem dicere plura

Repulit et geminos erexit crinibus anguis

450

Verberaque insonuit rabidoque haec addidit ore:

En, ego victa situ, quam veri effeta senectus

Arma inter regum falsa formidine ludit;

Respice ad haec: adsum dirarum ab sede sororum;

Bella manu letumque gero.

455

Sic effata facem iuveni coniecit et atro

Lumine fumantis fixit sub pectore taedas.

Olli somnum ingens rumpit pavor, ossaque et artus

Perfundit toto proruptus corpore sudor.

Arma amens fremit, arma toro tectisque requirit.

460

Saevit amor ferri et scelerata insania belli;

Ira super: magno veluti quum flamma sonore

Virgea suggeritur costis undantis aheni,

mero iam frequentata est Iliad. 2, 428 sqq.: ζ, 490 sqq.; πῶλεμος δ' ἀνδρῶσι μέλεισσι: add. II. v, 137 sq.

446 sqq. Exiit iam Erinny's animum, ut soleat interdum dii, et vera forma adstat. Praeclara autem rei exponendae ratio affectu ab initio statim posito: Turnum ita loquentem horror invadit etc. — 447. tot Erinny's sibilat hydrys. Nam horrendi angues ex capite sibilant et dira deae facies vera apparet. — 448. tanta pro talia. — 451. verbera insonuit, concussit, flagello increpuit. Proprium hoc Furis, ut monitum sup. ad v. 366, tu verbera tectis funereasque inferre faces. VI, 557 a Tisiphone saeva sonare verbera.

456. facem iniecit in invicem et in pectus iniit. — 460. arma fremit plus est quam: deposcit, clamat. — 461, 462. Elaborata oratio! pro belli cupiditate et ira incenditur. amor ferri et insania belli unum idemque declarant. scelerata insania, quoniam ad caedes, rapinas et scelera rapit, quae proprie de bello dicuntur; at super ira, non satis expeditio: eo eodem modo positum, ut πῶλεμος, pro πῶλεμος? eminet? Magis adhuc, quam amor pugnae, saevit, furit ira.

462—466. Fuodus comparationis in Homero II. 7, 362 sqq., qui legendus est, ubi de Xantho Vulcani flammis submissis ebulliente agitur;

Exsultantque aestu latices; furit intus aqua!  
 Fumidus atque alte spumis exuberat amnis, 465  
 Nec iam se capit unda; volat vapor ater ad auras.  
 Ergo iter ad regem polluta pace Latinum  
 Indicit primis iuvenum, et iubet arma parari,  
 Tutari Italiam, detrudere finibus hostem;  
 Se satis ambobus Teucrisque venire Latinisque. 470  
 Haec ubi dicta dedit divosque in vota vocavit,  
 Certatim sese Rutuli exhortantur in arma.  
 Hunc decus egregium formae movet atque iuventae;  
 Hunc atavi reges, hunc claris dextera factis.  
 Dum Turnus Rutulos animis audacibus inplet, 475

sed primum ornatu verborum in ra-  
 tenui superat Virgilius, ut facile ex-  
 spectabas ab imitatore Marone. conf.  
 Macrob. Sat. V, 41; tum vero etiam  
 aliud comparatum idque elegantius,  
 suaviore et doctiore metaphora, sub-  
 stituit, animum ira aestuantem. —  
*Flammam virgeam* pro virgis, at co-  
 stas ollae (sed gravius nominavit *abe-  
 num*) dixit, ut γάσπερον τριπόδος Ho-  
 merus Odys. 3, 437; et ex utroque  
 loco Quintus Cal. lib. V, 384 sqq. de  
 Aiace ira. Ornate reliqua quoque  
*Fumidus amnis aquae*, vapor, *furit*  
*intus atque alte spumis exuberat*, spu-  
 mat.

467—474. *polluta pace*, violata  
 iam: sc. consilio, conatu et volun-  
 tate Turni. Videtur hoc verius esse  
 quam alterum: ut a Latino pax sub-  
 lata sit, erepta Turno coniuge. —  
 470. *venire* est gravius quam esse, ut  
 alibi monitum. — 471. *divos in vota*  
*vocavit*, invocavit votis, cf. ad lib.  
 V, 234. *ἐνὶ ὄρεσι*. — 472. *se exhor-*  
*tantur*, ὑποσπν, ἐνύποσπν, Homericum.  
 — 472-474. Rutuli se acunt  
 ad bellum, alii pulchritudine, alii  
 nobilitate Turni, alii virtutis fama

erecti. Et sic Servius. Male Pompon.  
 et alii *Hunc* sc. Turnum accipiunt.

475 sqq. Principium belli inter  
 Latinos et Troianos cervus venationa  
 intererunt. Reprehensum hoc iam  
 apud Macrob. V, 47, et hinc a multis  
 tamquam tenua et vi epica destitu-  
 tum. Enimvero haudquaquam cerva  
 belli est causa; sed occasio tantum et  
 initium. Haec ipsa caedes cervae et  
 concursus propter eam factus pro illis  
 temporibus narrationem hanc facit  
 probabilem, cum semel non consilio,  
 sed animorum impetu committendi  
 essent Latini cum Troianis et res ad  
 manus deducenda. Tum poëta aemu-  
 latus putatur belli Iliaci initia et re-  
 tentiae in Aulida classis Achivorum  
 causas, intererunt ab Agamemnone  
 cerva Dianae sacra. Omnino invento  
 hoc poëtae strenua usi sunt, ut pu-  
 gnarum et odiorum causas ab occisis  
 casu sacris animantibus, quae (ἀνι-  
 μένα, ἄπειρα) libere vagarentur, ar-  
 cesserent. Exempla sunt ap. Cerdam,  
 sed ex imitatoribus Virgilio, Statio  
 VII Theb. 564 sq. et Valerio Fl. III,  
 45 sq. petita. Insignius est illud  
 exempl. cervae Dianae ab Agame-

Allecto in Teucros Stygiis se concitat alis,  
 Arte nova speculata locum, quo litore pulcer  
 Insidiis cursuque feras agitabat Iulus.  
 Hic subitam canibus rabiem Cocytia virgo  
 Obiicit et noto naris contingit odore 480  
 Vt cervum ardentem agerent: quae prima laborum  
 Causa fuit belloque animos adcendit agrestis.  
 Cervus erat forma praestanti et cornibus ingens,  
 Tyrrhidae pueri quem matris ab ubere raptum  
 Nutribant Tyrrheusque pater, cui regia parent 485  
 Armenta et late custodia credita campi.  
 Adsuetum imperiis soror omni Silvia cura  
 Mollibus intexens ornabat cornua sertis,  
 Pectebatque ferum puroque in fonte lavabat.  
 Ille, manum patiens mensaeque adsuetus herili, 490  
 Errabat silvis rursusque ad limina nota  
 Ipse domum sera quamvis se nocte ferebat.  
 Hunc procul errantem rabidae venantis Iuli  
 Commovere canes, flavio quum forte secundo

monone in Aulide caesae, qua navigatio clasais retardata est.

475—483. *animis Rutulas audacibus implet*: Homericam *ἄλκιον ἦσαν*, ut II. ρ, 573 animos audacia. Facit nunc Allecto, quod Eris Homericæ II. θ, 444: *νῆκος ἐπὶ πύλῃσι* etc. — 477. *arte nova*, alia fraude, novo dolo. Supra I, 657: *At Cytherea novas artes, nova pectore versat Conilia*. — 484. *prima laborum causa fuit*. Comparant II. ε, 63. χ, 416. Est primum initium calamitatum, quae insequentae sunt.

483 sqq. Molles et bucolicis propiores verius sunt, qui sequuntur. Similes deliciae Cyparissi cervus apud Ovid. Met. X, 409 sqq. occurrunt; sed juvenili carminis luxuria expoli-

tae. Calpurnii quoque imitatio Eel. VI, 33 sq. et Statii locus de tigris Bacchi mansuetis (Theb. VII, 564 sqq.) a Cerda notatur. De id genus animalibus cf. not. ad Lucian. pro Merc. Cond. c. 4. — 484. *Tyrrhidae pueri* pro Tyrrhei filii. Fuit autem nomen hoc in historia Albanorum regum non ignobile. Tyrrheus enim erat regii armenti magister, apud quem Lavinia Silvium enixa est: v. Victor. O. G. R. 46. — 487. *soror ac puerorum*, Tyrrhei filia. — *mollibus sertis*, seu vittis, seu corollis. — 490. *χαρὸν* et *ὀμορφώζων* fuisse dicii. — 492. *Ipse*, *αὐτός* pro *αὐτομάτως*.

493—495. Cervus post natiōnem (elegantius *defluere* pro *natare*) in ripa se ab aestu recreabat, cum canes

Deflueret ripaque aestus viridante levaret. 495  
 Ipse etiam, eximiae laudis succensus amore,  
 Ascanius curvo direxit spicula cornu;  
 Nec dextrae erranti deus afuit, actaque multo  
 Perque uterum sonitu perque ilia venit arundo.  
 Saucius at quadrupes nota intra tecta refugit 500  
 Successitque gemens stabulis questuque cruentus  
 Atque inploranti similis tectum omne replebat.  
 Silvia prima soror, palmis percussa lacertos,  
 Auxilium vocat et duros conclainat agrestis.  
 Olli, pestis enim tacitis latet aspera silvis, 505  
 Improvisi adsunt: hic torre armatus obusto,  
 Stipitis hic gravidi nodis: quod cuique repertum  
 Rimanti, telum ira facit. Vocat agmina Tyrrheus,  
 Quadrifidam quercum cuneis ut forte coactis  
 Scindebat, rapta spirans inmane securi. 510  
 At saeva e speculis tempus dea nacta nocendi  
 Ardua tecta petit stabuli et de culmine summo  
 Pastorale canit signum cornuque recurvo

eum se relucientem (sagientes procul et persecutae. R.) excitant. Ergo iam defluerat, ut bene Cerda accipit deflueret. — 498. *dextrae deus adesse* dicitur ad eam regendam. Nunc negatio addita: *Nec absuit deus*, h. e. adfuit fortuna *dextrae*, quo minus ea aberraret; mutatum hoc in epitheton, *dextrae erranti*. At Servius ad Alecto refert, ut sit ἡ Διός. *acta venit* plenius pro *adacta* est. — *nota tecta*, τὰ ἱστία. In miseratione cervae, placidae ac mansuetae ferae, vs. 500 sqq. notabilem artis sagacitatem adhibuit poeta.

505. *pestis*, Furia. Conf. sup. 476, 477. Latet enim illa in silva ad speculandam nocendi rationem et viam; neque inde nisi v. 511 discedit. —

*Torre obustum* quis non videat esse eadem praestant? cf. inf. 524; ut mox stipitis nodosos memorat. — *cuneis coactis*, adacto cuneo, accurrit pater ira azeviens, *spirans inmane*, μέγα πόνος.

511. *stabulum*, pastoris tugurium, ut et alibi. — 513. Fuit scilicet idem, qui nunc in agris est, mos buccina convocandi rusticolas repentino aliquo metu, periculo vel incuria. Idem mos in praeis civitatibus. Itaque Romanae primis aetatibus Comitia non aliter convocari solebant. *Per cornicinem* *centuriata* sp. Cell. XV, 27. Subnata autem Maroni Furiae buccina videri potest ex Eridis horrendo clamore Iliad. λ, 5, 11. — In 514-518 expressus Apollonii locus, pri-

Tartaream intendit vocem : qua protenus omne  
 Contremuit nemus et silvae intonuere profundae 513  
 Audiit et Triviae longe lacus ; audiit amnis  
 Sulfurea Nar albus aqua fontesque Velini ;  
 Et trepidae matres pressere ad pectora natos.  
 Tum vero ad vocem celeres , qua buccina signum  
 Dira dedit , raptis concurrunt undique telis 520  
 Indomiti agricolae ; nec non et Troia pubes  
 Ascanio auxilium castris effundit apertis.  
 Direxere acies. Non iam certamine agresti ,  
 Stipitibus duris agitur sudibusve praeustis ;  
 Sed ferro ancipiti decernunt , atraque late 525  
 Horrescit strictis seges ensibus aeraque fulgent

num quidem III, 4217, *Heantes eanum latratu* : *Ἡέσται δ' ἔτρουσε πάντα*, et multo magis draconis sibilo IV, 427-439 : *ὅμῃ δὲ μακρὰι Ἠρώς ποταμίσιο καὶ ἄπαστον ἰαχὴν ἔλκεσσι*. *Εκλυον*, οἱ καὶ πολλὸν ἰαχῆς etc. *Διέμῃ δ' ἰξυλοῦντο λεχνοῖς*, ὅμῃ δὲ πᾶσι Νηπιῶταις, οἱ τὲ σπινὸν ὡν' ἀγκυλίδεσσιν ἔαυτον, Ποδῶν παλλομύβοις χυρῶν βάλον ἀγκυλίδεσσιν : unde noster : *Et trepidae matres pressere ad pectora natos* ; non iam ornate, sed meliore ludicio : nam a Furia inflatam buccinam iam horrendum sonitum edidisse probabiliter est dictum, quoniam draconis sibilum tam longe esse auditum. Virgilii imitatore habes Statium I Theb. 418 de anguim Tisiphoneis sibilo : *Audiit et medius coeli Parnassus* etc., ubi omnia multo magis portentosa videbis — 515. *profundae* cum dilectu. In intimis magnae silvae recessibus audiebatur vox. — 516. *Triviae lacus* est Lacus Aricianus cum nemore et templo Dianae nobilissimo. cf. inf. v. 761. Nunc *Lago di Nemi*, non longe ab vico *Genzano*. Paulo remotior ab his lo-

cis versus septentrionem est *Nar*, qui inter Sabinos et Vmbros ad Tiberim descendit, *sulfureis aquis* satis notus, de quo iam Ennii versus VI Annal. *Sulfureis ponit spiramina Naris ad undas* (V. Cluver. p. 705), quarum natura candorem facit. In proximo *Lacus Velinus*, amne Velino inter montium iuga super Reate stagnante : in Narem ille quoque aliquando a M. Curio exciso monte emissus. Cic. IV ad Att. 15. Conf. Plin. III, 12, s. 47.

520. Ennii Ann. III. versus sunt ap. Macrob. VII, 3 : *Postquam defessi sunt stantes spargere sese Hauiis : amnis concurrunt undique telis*. — 521. *Indomiti agricolae* ; simpliciter accipio : durus, asperus. Sunt enim *ἔτρουτοι* : quod primo loco est, qui alteri nequeunt aut frangi ac fatigari laboribus et acrimonia ; altero *ἔτρουτος* etiam invictus, hinc validum, magnam, ingentem simpliciter denotat. — *neo non et Troia pubes*. Castrorum portis rescratis mittunt auxilium Troiani. Vulgari oratione : copiae effundunt se, effunduntur, *ἰξυλοῦνται*. — Mox vs. 525, 526, *seges atra horrescit ensibus*.

Sole lacessita et lucem sub nubila iactant :  
 Fluctus, uti, primo coepit quum albescere vento,  
 Paullatim sese tollit mare et altius undas  
 Erigit, inde imo consurgit ad aethera fundo. 530  
 Hic iuvenis primam ante aciem stridente sagitta,  
 Natorum Tyrrhi fuerat qui maximus, Almo  
 Sternitur (haesit enim sub gutture volnus et udae  
 Vocis iter tenuemque inclusit sanguine vitam);  
 Corpora multa virum circa seniorque Galaesus 535  
 Dum paci medium se offert: iustissimus unus  
 Qui fuit Ausoniisque olim ditissimus arvis:  
 Quinque greges illi balantum, quina redibant  
 Armenta, et terram centum vertebat aratris.

*seges* pro agro isque ideo pro acie: eleganter autem *acies* sistim per segetem effertur et reliqua ad eam attemperantur; qui comparandi modus exquisitae est venustatis. Locus similis inf. videndus lib. XI, 601, 602. Primae autem lineae sunt Iliad. v, 338, ubi *horret pugna hastis, ἔρπει μάχην ἔχχιστον μακρόν*. Itaque h. l. proprie diceret *enses strictos horrere*, eductos et elatos ad ictum inferendum; quandoquidem horrent omnia aspera et acuminata et erecta; tum *horret ensibus acies, ager, seges*. *Atra* propter soli naturam, sive refertur ad oculorum sensum in campo longam hominum seriem prospicientium. — At 527 *aera sole lacessita* venuste pro percussa radiis. Debetur hoc Lucretii exemplo lib. IV, 218: *Corpora quae feriant oculos visumque laesant*: unde patet, ut ex aliis locis, ubi *visum, aures, lacessere* occurrit, *lacessere*, quod proprie est irritare, provocare, esse simpliciter ferire, percutere; cf. inf. ad lib. X, 10.

528-530. *Uti mare ... quum fluctus coepit*. Saepius ornata a poetis comparatio, primum quidem ab Homero Il. 8, 422 sqq. Eandem elaboratius extulerat Maro Ge. III, 237 sq. *primo vento*; cum primus aura mare impellit fluctusque ciet spumeos.

533, 534, *volnus* pro sagitta, ut Il, 529, et *inclusit* pro vulgari interclusit, *iter vocis udae*, transducto epitheto a gutture, per quod vox emittitur; proprie *iter uduon*. Sic tenuis vita est anima. Quomodo Virgilius ornata praetellat Homerum, vide in hoc: Iliad. v, 388: οὐδὲ μιν βλάηθοντι Λαίρμόν (κατά λ.) ὅτ' ἀνθρώπων, οὐδ' ἔτι χελώνων ὄντων. — 536-539. Homerica arte Galaesi memoriam nobis commendat et miserationem facit. Cf. Il. 4, 612, 613, 614. Quod *ditissimum* eundem et *iustissimum* exhibet, ad primae vitae mores comparatum est. Illud vero ad miserationem praecclare: *Dum paci medium sese offert*, ut iam Macrobius IV, 4 monuit. corpora v. sternuntur.



Atque, ea per campos aequo dum Marte geruntur,  
 Promissi dea facta potens, ubi sanguine bellum 541  
 Inbuit et primae commisit funera pugnae,  
 Deserit Hesperiam et coeli convexa per auras  
 Iunonem victrix adsatur voce superba :  
 En, perfecta tibi bello discordia tristi ! 545  
 Dic in amicitiam coeant et foedera iungant,  
 Quandoquidem Ausonio respersi sanguine Teucros.  
 Hoc etiam his addam, tua si mihi certa voluntas :  
 Finitimas in bella feram rumoribus urbis.  
 Adcendamque animos insani Martis amore, 550  
 Vndique ut auxilio veniant ; spargam arma per agros.  
 Tum contra Iuno : terrorum et fraudis abunde est.  
 Stant belli caussae ; pugnatur comminus armis.  
 Quae fors prima dedit, sanguis novus inbuit arma.  
 Talia connubia et talis celebrent hymenaeos 555

546—571. Alecto Iunoni mandata peracta nuntians in sedem suam in inferis relegatur, quam illa petii per lacum Amsanctum. *aegro Marte*, pari utrinque belli fortuna, pugna in neutram partem inclinata. Comparant transitus formam II. 5, 84 : Ως οἱ μὲν etc. *Promissi potens*, promissis expletis, ἔγχεσσις γυναικὶ ἐν ὑπλάγῃ. Cf. ad 341. *sanguine bellum inbuit* ; Servius, initiavit. Scilicet proprie Latini imbuantur sanguine (ut v. 554, *sanguis novus inbuit arma*), inducebantur, trahebantur prima caede facta ad bellum. Conf. inf. 547. *Doctius ipsum bellum inbuitur*, instituitur, sanguine. Ex copiis, quae apud Cereram habentur, unum huc referas Propertii IV, 11, 5 : *Imbuis exemplum primae tu, Romule, palmae* : hoc est inferi exemplum, quo imbuantur, moveantur, ad similem conatum alii. — 542. *fuera pugnae pro pugna sum-*

placiter ; quae hinc quoque poetis *funerea* dicta. — 543. *per auras*, coeli convexa, iungenda ; si modo vera lectio est. Tum subint. verbum motus, *evecta*. — 546. cf. 318, 317. *Dic*, ironice, tamquam ἀδύνατον τι χρῆμα. — 548. *hoc addam* : in bella feram, rapiam, doctius quam : ad bellum accendam.

552 sq. Dignitatem orationi Iunonis inesse facile agnoscas. *Stant belli caussae* facta sunt belli auspicia manibus semel conseratis. Burmannus : certae, fixae sunt. *Stare omnino potest pro casu*, ut Graeci ἰστανόμας, usurpant, ne exilitate vocis poeticam vim frangant. *Stant ea*, quae cum maxime aguntur, in acta sunt. Eo referendum : *stant praelia* et similia. Inde *stare* etiam dicitur illud, quod constitutum, paratum, effectum est. Sic *stat sententia* ; sic *stat* h. l. *caussa belli gerendi pugna semel facta* ; et hinc *stare*

Egregium Veneris genus et rex ipse Latinus.  
 Te super aetherias errare licentius auras  
 Haud Pater ille velit, summi regnator Olympi.  
 Cede locis. Ego, si qua super fortuna laborum est,  
 Ipsa regam. Talis dederat Saturnia voces. 560  
 Illa autem adtollit stridentis anguibus alas  
 Cocytique petit sedem, supera ardua linquens.  
 Est locus Italiae medio sub montibus altis  
 Nobilis et fama multis memoratus in oris,  
 Amsancti valles; densis hunc frondibus atrum 565  
 Vrguet utrimque latus nemoris, medioque fragosus  
 Dat sonitum saxis et torto vertice torrens.  
 Hic specus horrendum, saevi spiracula Ditis,

pro decretum, fixum, certum esse. — 556, 557. cf. 317, 318. Pronuntian-  
 dum autem connubia, trinis syllabis.  
 — 559. Comp. ant. Iliad. α, 522, 523.  
 Reliquos belli casus ipsa moderabor:  
 et sane inf. 572, *extremam bello im-*  
*ponit manum.*

561—571. Nova Furiae species,  
 quod non modo alata est (ut sup.  
 476), verum quod serpentes alis im-  
 plicitos habet. Locum descensus eius  
 ad inferos non dicam an primus pro-  
 tulerit poeta; est tamen ille rei ad-  
 modum accommodatus. Est enim in  
 Hirpinis non longe ab Aeculano (nunc  
 Fricenti in Principatu Napol. R. ul-  
 teriore) lacus tetro colore et odore  
 et inter spiracula referri solitus, quae  
 Plutonia vel Charonea (*Moffete*) ap-  
 pellant, v. Plin. II, 93. Cic. de Div.  
 I, 79; hinc v. 569 *spiracula Ditis*.  
 Dictus illo lacus *Amsanctus*, quod no-  
 men etiam Plin. II, 95 et Cic. de  
 Div. I, 36 in Hirpinis memorant. Nec  
 urgendum *Italiae in medio*; aliter  
 enim geographus, aliter poeta et po-  
 pularis scriptor loquitur. Faciem qui-

dem loci nunc paullo diversam re-  
 perit Cluver. Ital. pag. 1201; silvae  
 saltem deerant. Montes situ paullo re-  
 motiores sunt: sed silva olim inde a  
 montibus ad planitiem protendi de-  
 buit. In vallis medio, ut quidem  
 Maro locum describit, fons ex rupe  
 ortus interque saxa progressus cum  
 strepitu et fragore ferebatur. Lacum  
 et vallem sub colle ilicibus consito,  
 qui utrinque vallem claudit, vidit  
 nuper Swinburne; et Cluverius la-  
 cum videret media sui parte aquam  
 magna eum vi ebullientem et resor-  
 bentem. Mutata tot annorum inter-  
 vallo loci facies Maronis fidem non  
 laefactat. — 566. *latus nemoris* ele-  
 ganter collis nemorosus, qui latus  
 vallis et lacus facit. — 567. *saxis et*  
*vertice*, h. e. vortice aquarum inter  
 saxa findi, vorticoso amne. — 568.  
*Hic specus*: non addit, an amnis illud  
 fecerit. Potuit olim specus esse odo-  
 rem sulfureum exhalans eodem loco,  
 qui nunc lacum recepit, torrente in  
 stagnum mutato. Hoc docet descriptio  
 loci, quam Abbas Fortis dedit, ut qui  
 loca adiit et ipsam vim mephiticam

Monstratur, ruptoque ingens Acheronte vorago  
Pestiferas aperit faucis; quis condita Erinny's, 570  
Invisum numen, terras coelumque levabat.

Nec minus interea extremam Saturnia bello  
Inponit regina manum. Ruit omnis in urbem  
Pastorum ex acie numerus caesosque reportant,  
Almonem puerum foedatique ora Galaesi; 575  
Inplorantque deos obtestanturque Latinum.  
Turnus adest medioque in crimine caedis et ignis  
Terrorem ingeminat: Teucros in regna vocari;  
Stirpem admisceri Phrygiam; se limine pelli.  
Tum, quorum adtonitae Baccho nemora avia matres 580  
Insultant thiasis (neque enim leve nomen Amatae)  
Undique conlecti coeunt Martemque fatigant.  
Illicet infandum cuncti contra omina bellum,  
Contra fata deum, perverso numine poscunt.  
Certatim regis circumstant tecta Latini. 585  
Ille velut pelagi rupes inmota resistit,  
Vt pelagi rupes, magno veniente fragore  
Quae sese, multis circum latrantibus undis,

expertus est. — 571. *numen invisum*, μυστήρ, levabat eleganter pro relinquebat. Res enim, quas abominamur, gravant nos.

573—600. Narrat poëta quae alia accesserint ad exacerbandos Latinorum animos, ut arma moverent. — 577. Medias inter criminationes, quas io Troianos iacit, metum iniicit fore, ut caede et igni omnia misceantur; ideoque terrorem caedis et ignis (sic enim legendum est, non igni) facit. — *se limine pelli*, pro regno, domo, regia.

580—582. Auctoritate reginae commoti filii seu propinqui feminarum, quae Baccharum more thiasis, choreis Bacchicis, insultant aeterna, thiasos

in silvis agunt (v. sup. 395, 396), coeunt et Latinum bellum poscunt. Propria fatigant Latinum clamoribus ac precibus super Marte seu bello facienda. Hinc fatigant, expugnant, ipsum bellum. Solet enim poëtae fatigare de his actionibus diei, in quibus quis fatigatur: est igitur precibus flagitare, cf. ad VIII, 94 et ad I, 280.

583, 584. contra omina, respectu ad apes et arduos Laviniae comas, sup. v. 64 sq. contra fata deum, Fauni oraculum v. 81 sq. — perverso numine pro adverso, irato, Serv. cf. Burm. Nescio tamen annon potius esse debeat: perversa, conturbata et infirmata deorum voluntate. — 586 — 590. Imago rei ad sensum obvia et a

Mole tenet; scopuli nequidquam et spumea circum  
 Saxa fremunt laterique inlisa refunditur alga. <sup>590</sup>  
 Verum, ubi nulla datur caecum exsuperare potestas  
 Consilium, et saevae nutu Iunonis eunt res:  
 Multa deos aurasque pater testatus inanis,  
 Frangimur heu fati, inquit, ferimurque procella!  
 Ipsi has sacrilego pendetis sanguine poenas,  
 O miseri. Te, Turne, nefas, te triste manebit  
 Supplicium, votisque deos venerabere seris.  
 Nam mihi parta quies, omnisque in limine portus;  
 Funere felici spoliior. Nec plura locutus  
 Sepsit se tectis rerumque reliquit habenas. <sup>600</sup>

multis frequentata, ut exempla coeervare pigeat. Virgilius tamen Homericum locum Il. 6, 618-621 ante oculos habuit et eornavit.

591 sqq. Latinus rex, cum diu restitisset, tandem victus rebus gerendis se abdicat easque partes Turno concedit. — 593. *auras*, coelum manibus sublati obtestatur. *inanes*: epitheton perpetuum aëris et aetheris, iam Lucretio frequentatum. — 594. Fato se vinci ait, quatenus non stium sed caecum turbae consilium, h. e. temerarium impetum et furorem sequi cogitur. — *Sacrilego... sanguine*, quatenus ipsi Aborigines sacrilegi, impii habendi sunt, qui contra deorum voluntatem bellum auscipiunt sordisque ictum violant. *has poenas*, docte, *pro scelere hoc poenas*. — 598, 599. Sibi rex paratum esse ait refugium in morte vicina, nec sibi eripi aliud, praeterquam ne, ut felix vixerit, ita felix beatusque moriatur. Sententia verborum expedita est, concinnata illa ex vulgari dicto: ante obitum neminem dicendum esse beatum, et posse aliquem felicem vivere, nimirum infelicem; itaque fuisse multos, qui

uno die ceteris vita discedere debuissent; hos *spoliato* discretis *funere felicit*. Sed de verbis ambigi potest: ego *omnis*, totus sum in limine, aditu portus, in portu iam tantum non navigo. *funus* pro ipsa morte, haud dubie; non de exsequiis (Fortasse simplicior haec ratio est: nunciusque portus est in limine, i. e. omne auxilium mihi ante pedes et paratum est seni; limen enim vitae ut de initio ita de fine ponitur. cf. Burmann. ad Val. Flacc. 1, 823. R.)

599, 600. Ne quid temere factum arbitretur Latinum regni munia deserere (cf. ad VIII, 1), tanandum est ad Turni nomen illustrandum ita res attemperatas esse, ut is summam imperii teneret. Nam, cum semel Turnus ad Aeneae virtutem illustrandam insigniore laude celebranda esset, fieri hoc non recte potuisse, si secundas is portas ageret et alterius auspiciis res gereret. Eodem appetant alia, quae a Marone analliter provisae sunt. Continentur Rutuli nomine Latino, et Turnus, licet Regia nomine ornatus, Latini tamen principatui parat; nunc autem in Latini

Mos erat Hesperio in Latio, quem protinus urbes  
 Albanæ coluere sacrum, nuno maxuma rerum  
 Roma colit, quum prima movent in proelia Martem,  
 Sive Getis inferre manu lacrimabile bellum  
 Hyrcanisve Arabisve parant, seu tendere ad Indos 605

locum succedit: quemadmodum apud Etruscos factum videmus aut Inter Achæns, ut plurimum civitatum reges principatum uni, Agamemnoni, deferrent. Ex dictis intelligitur, quomodo Maro sæpe *Rutulorum* nomen pro *Latinis* ponere, alias discernere potuerit: scilicet ut Hernicos, Aequos, Volscos. Hinc quoque apparet, cur Turni matrimonium *conubiis Latinis* designaretur VII, 96, et idem *Laurens Turnus* VII, 650.

601—622. Bellum indicitur. Egregium poetæ commentum bellum motum et illatum narraturi primum motum patrium Iani reserandi accessere; tum ad dese ministerium etiam rem referre, unde augusta rei species exoritur. Quod poetam v. 601, 602 ab historica fide recessisse contendunt in tpp. post Servium, cum Livius ib. I, 49 a Numa demum Ianus, indicem pacis bellicque factum, memoret; id vanum est. Nam, si nos historiam Romanam nunc ex Livio potissimum haurimus, secus res se habuit illo tempore, quo multi praecleari scriptores in manibus erant, a quibus Romæ origines diversis modis traditæ fuerant; e quibus unum vel alterum Livius delegit, idque parum curiose in antiquioribus. Antiquissima autem per Latium fuit Iani religio et a maioribus haud dubie tradita Romanis Inter instituta cetera, quæ propter obscuram vetustatem a Romulo Numaque vel alio rege vulgo repetebantur, cum instituta fuissent patria a maioribus Alba

Longa in novam coloniam profectis apportata. Cum itaque semel invaluisse opinio Numam religionum auctorem fuisse, etiam Ianus pacis bellicque indicem ad eum retulerunt, qui annales populi Romani condiderant.

604—606. *Latium Hesperium*, non aliter quam Hesperia Italia, adsecto usu loquendi Graecorum. Male arguitur Servius cum aliis esse antiquum Latium. — *protinus* h. l. iugiter, ut bene Serv., perpetuo ab eo inde tempore. *urbes Albanæ*, coloniae. Nam Alba XXX oppidorum Latinorum mater. cf. Dionys. III, 34. — *maxima rerum*, res maxima, *μᾶλλον χρῆται*. cf. ad Ge. II, 534 (Si compares Ovidiana illa, *caput rerum urbs romana, domina rerum* etc., fortasse rerum publicarum praetuleris. R.) *cum prima movent* (ad Romam hoc referendum propter sqq.) *in proelia Martem* nove dictum. Vulgo *Movetur bellum, Mars*; nec quicquam adicitur: tum quoque *moven- tur arma*, pro quibus *Martem* dixit et adiecit *in proelia*. Quod iudicio bello ancilia commovebantur, alienum ab h. l. est. — Vs. 604-606. Splendida est oratio. Bellis enim cum extremis orbis terrarum populiis gerendis imperii R. maiestas praecellare declaratur. Quod *Getas* narrat, non est urgendum; voluit tantum fines imperii ad Danubium declarare, et sic porro in sqq.; quamquam fuerit bella Romanorum et victoriae ex astate, quæ huc revocari possunt, vide

Auroramque sequi Parthosque reposcere signa.  
Sunt geminae Belli portae (sic nomine dicunt)  
Religione sacrae et saevi formidine Martis:  
Centum aerei claudunt vectes aeternaque ferri  
Robora; nec custos absistit limine Ianus. 610  
Has, ubi certa sedet patribus sententia pugnae,  
Ipse Quirinali trabea cinctuque Gabino  
Insignis reserat stridentia limina Consul;

Vit. Virg. a. V. C. 724, 725, 729, 731, 734; nec dubitare licet poetam in Augusti gratiam illis saltem adiecisse: seu tendere ad Indos Auroramque sequi. *Auroram sequi*, magis, ad extremum Orientem usque progredi. Ferebat hoc multo magis usus loquendi Romanorum, cum v. c. dicerent, ad Orientem *μισσην*, profectum esse aliquem. *Bellum* autem *Ιωλιν* est Imericum πολυδάκρυς Ἀρης πολυδάκρυτος μάχη, δακρυόεις πόλεμος.

607—610. Vides hic exemplum fabulae veteris nova interpretatione interpolatae. Iani religio ab initio haud dubie symbolica fuit ad denotandum rerum aeternam variasque eius proprietates. Tractata ea est postea ad alia, et Romae Iani templum a Romulo conditum ex Numae, ut aiunt, instituto clausum vel apertum belli pacisque habebat indicia. Hoc vero ornavit poeta remque ita expressit, quasi iam eo templo Bellum et Mars vincti tenerentur, custode in foribus Iano. Fecerat hoc idem I., 294-296. Contrario commento Horatius Ianum sit clausis foribus cohiberi, tamquam poesis auctorem et custodem II Epist. I, 255: *claustraque custodem poesis cohibentia Iani*. Pacem includi dixere alii. — *Belli* autem *portae* proprio nomine dictae

videntur: iterum inf. 622 esse templum Belli binis foribus sit. *ferri robora* ornate pro ferro simpl. seu ferreis repagulis: Lucretii exemplo lib. II, 245. — *nec custos absistit*. Videri potest Iani signum in ipso templi aditu (*ἐν πρὸς τῷ*) stetisse. Verbo, poeta nobis templum Iani exhibet hac specie: esse aedem Belli gemino aditu, ab antica et postica parte (*ὡς ἀμπρόστυλον*), clausis foribus ferreis,posito ad fores Iani sigoo: quoties bellum a Senatu decretum fuerit, Consulem reserare fores, bellum indicere; tum tani classicum.

611—615. *Has portas, stridentia limina, reserat Consul trabeatus*. *Trabea, Quirinalis*, dicta, puto, quod, uti Regibus, ita ipsi Romulo, trabeae fuerat usus. Plin. VIII, 43, a. 74: *Trabeis usos accipio reges*: et IX, 39, a. 63: *Purpurae usum semper Romae fuisse video, sed Romulo iam trabes*. Itaque recte Maro antiquissimum Latii regem Picum trabea vestiebat sup. v. 187, 188. *cinctuque Gabino*, a Gabiis translato et sacris servato. Bene Servius, qui in ceteris arguitur: *toga sic in tergum reiecta, ut ima eius lacinia a tergo revocata hominem cingat, simul caput tegat et ambiat*. Obvia res in vet. monumentis iam primisque in numis. *vocat pugnas*; ut sup. v. c. III, 253, *vocantur verati*,

Ipse vocat pugnas ; sequitur tum cetera pubes ;  
 Aereaque adsensu conspirant cornua rauco. 615  
 Hoc et tum Aeneadis indicere bella Latinus  
 More iubebatur tristisque recludere portas.  
 Abstinuit tactu pater aversusque refugit  
 Foeda ministeria et caecis se condidit umbris.  
 Tum Regina deum coelo delabsa morantis 620  
 Impulit ipsa manu portas , et cardine verso  
 Belli ferratos rupit Saturnia postes.  
 Ardet inexcita Ausonia atque , immobilis ante ,  
 Pars pedes ire parat campis ; pars arduus altis  
 Pulverulentus equis furit : omnes arma requirunt ; 625  
 Pars levis clipeos et spicula lucida tergunt  
 Arvina pingui subiguntque in cote securis ,  
 Signaque ferre iuvat sonitusque audire tubarum.  
 Quinque ideo magnae positis incudibus urbes  
 Tela novant , Atina potens Tiburque superbum , 630

velis expansis excipiuntur, ita nunc pugnandi potestas datur et admittitur, indicitur bellum. Mox v. 615 classicum canitur. Nec tamen intercedo, si quis morem reconditum et formulam solennem respiciat, qua in reserando Iano usus sit Consul, ut in ea invocaverit Martem et Bellum, et adstans multitudo verbis solennibus responderit: etsi ea de re aliunde nihil nunc constat. In vs. 616-619 orationis enclitica observa et ornatum in singulis. Cf. sup. ad v. 601. — 620. Succedit in regis locum infesta Iuno et Ianum reserat seu Belli templum. — vs. 622. Ennium exemplum servavit Servius ex Annal. postquam *Discordia tetra Belli ferratos postes portisque refregit*; unde etiam intelligitur, quomodo Virgilius in Iunonis ministerium hoc incidit. Adumbrasse eandem videtur Statius V

Theb. 446 de Amazonibus .... ubi arma *Inulget pater et saevi movet ostia Belli*.

623. *inexcita atque immobilis ante*. Nam v. 45: *rex arva Latinus et urbes iam senior longa placidas in pace regebat. pulverulentus*; nil frequentius hac imagine motae pugnae vel cursus concitatoris vel industriae et studii. πόνη, ἐργασίᾱς, ποίσις. omnes arma requirunt debitum Ennio esse notat Macrobi. VI, 1. Sed in v. 626 ad nostrum decori sensus exlegendus non est laevis et splendor ex axungia et snillo adipe (ἀργεῖν ὄσμω apud Homerum) quaesitus. Nec tamen per se tenuior aut vilior rei est species quam acumen ex cote.

629 sqq. Voluntariam hos urbes militiam suscepisse putabat Cerda, cum ceteris imperatum esset, ut militarent. Enimvero Latinus regnabat

Ardea Crustumerique et turrigeræ Antemnae.  
 Tegmina tuta cavant capitum flectuntque salignas  
 Vmbonum cratis; alii thoracas ahenos  
 Aut levis ocreas lento ducunt argento.  
 Vomeris huc et falcis honos, huc omnis aratri 635  
 Cessit amor; recoquunt patrios fornacibus ensis.  
 Classica iamque sonant; it bello tessera signum.  
 Hic galeam tectis trepidus rapit; ille frementis  
 Ad iuga cogit equos clipeumque auroque trilicem  
 Loricam induitur fidoque adcingitur ense. 640  
 Pandite nunc Heliconæ, deæ, cantusque movete :

Laurentibus, non toti Latio: confluunt igitur ceteris civitatibus, aut armorum societate iuncti aut, qui armorum studio tenentur. Equidem verbis tantum inesse video hoc: non modo agrestes ex Laurente agro confluisse (ut 573 sq. narratum erat), verum etiam magnas urbes bellandi studio exarsisse. Quinque autem præter Lanreutium et Ardeam numerat, quarum deluit inter reliquas Latii urbes præcipuum nomen esse antiquissimis temporibus: in finibus quidem occidentem versus Crustumerium et Antemnae, ad orientem autem Latii, Atina in Volscis. *Tiber superbum* a magnificentia partim ex opibus et cultu, partim ex situ in edito loco Astute, ne metrum repugnaret, pro Crustumerio cives Crustumerios dixit. Quae sequuntur, ad has potissimum urbes spectant. — 632. alii g. *vas* eudunt, *vmbonum salignas crates*, scuta de vimine facta, coriis indoctis. — 636. *recoquant*, liquefactum ferum vomeris et falcis recidunt. — 637. *it tessera*, signum bello, h. e. diditur, distribuitur. *longo fugit ordine velox Tessera*, Statius Theb. VII, 236-639. *trilicem*. V. ad III. Aen.

467: *fido ense*, cui quis fedit. Vidimus eum iam VI, 525.

641 sqq. Enumerationem, quae sequitur, copiarum Latinarum ipsa rerum ratio poetæ ingenio obiciebat: ea enim, quae sigillatim exponuntur, multo maiorem mirationem faciunt, quam si sub uno numero quamvis grandi efferantur; porro, antequam res magnae et clarae gerantur, eos cognoscere avemus, per quos eas res gestae sunt. Homericæ navium catalogi exemplo eam esse adumbratam obvium est et ab Interpp. observatum. Ab eodem Homero Iliad. β, 484 petita est Musarum invocatio; et recte, ut in rebus a prisca memoria repetitis. Comparationem autem inter Homericam et Virgilianam rationem a Macrobio inde Sat. V, c. 15 passim instituerunt viri docti; sed partium fere studio et alterutris poetæ amore abrepti. Nobis ea potasse sufficit, quae Virgilio propria sunt. Cum itaque Graecarum urbium et populorum enumeratio, ut in re communi Graeciae consensu suscepta gestisque, ad singulorum oppidorum laudem et gloriam avitam pertinere videretur: multa Homerus simpliciter nomine



Qui bello exciti reges, quae quemque secutae  
 Conplerint campos acies; quibus Itala iam tum  
 Floruerit terra alma viris, quibus arserit armis;  
 Et meministis enim, divae, et memorare potestis: 645  
 Ad nos vix tenuis famae perlabitur aura.

Primus init bellum Tyrrhenis asper ab oris

designare potuit. At Latii urbes ple-  
 raeque aut solo erant aequatae aut  
 antiquo splendore exciderant. Necesse  
 igitur fuit poetae commemorare pau-  
 cas et commendare eas a vetere fama  
 et antiquis fabulis, in primis de iis,  
 qui eas considerant. Fabulas autem  
 plerumque ad Graecaniensae fabulae  
 naturam accommodavit, origine quo-  
 que urbium Italicarum a Graecis re-  
 petita. Cum itaque urbium et populo-  
 rum varietate locorumque et morum  
 diversitate inferior caset Homero;  
 delectationem ex fabulis prius recte  
 quaesivit. Quod adversam, Troianam  
 inquam, aciem non adiecit ad Ho-  
 mericum exemplum, nemo facile  
 miretur; quum enim varietatem et  
 delectationem ea enumeratio promit-  
 tere poterat? Etruscorum auxilia  
 enarrare non oblitus est lib. X, 463  
 sq. Erant enim in genere hoc rerum  
 hominumque, quae animum tenere  
 possent. Quod ad ordinem, quo ur-  
 bes recenset poeta, attinet, etsi vana  
 ea de re virorum doctorum est subti-  
 litas, v. Marob. I. c.; tamen non  
 videntur observasse ab occidente  
 Latii ad orientales usque fines eum  
 progredi. Sunt autem socii Turni  
 ideoque Latini hi fere: Copiae ex  
 Agylia Etruriae duce Mezentio, tur-  
 ma adducta ab Aventino, Tiburtini,  
 Praenestini cum Gabinis Anienis ac-  
 eolis et Hernicis, Fescennini, Falisci  
 alique Etruriae populi Latii finitimi  
 a Messapo ducti, Sabini, Auranci et

Osci Campaniae, Aequi, Marsi et  
 Aricini. His originem Graecam assi-  
 gnavit poeta veterum scriptorum com-  
 menta secutus.

641-646. Quid est *pandere Helio-*  
*nem*? ut aditus poetae pateat? nunc  
 demum? utque eas canentes audiat?  
 ut fere Cerda exponit; et est utique  
 proprium de aditu patefaciendo *tò*  
*pandere*: an ut Musae seu descendant  
 seu in conspectum veniant, ut in He-  
 siodi Theog. pr. Hoc equidem malim,  
*adeste et dicite, ἱστῆτε γῶν μοι, Μοῦ-*  
*σαι*, ut iam rem vetustate memoriae  
 aibi exponant. De Helicone ut scena  
 aulaeis remotis pandendo cogitare  
 non licet. — 643. Sunt haec in lau-  
 dibus Italiae Ge. II, 467 sq. ubi illa  
 v. 474 est *parcas magna virum*. —  
*iam tum* praecclare dixit ad laudem  
 sui aevi, tacita quidem comparatione.  
 — 644, quos populos bellantes ha-  
 buerit. — 645, 646 ex Hom. conversi  
 Il. β, 486 sq.: sequuti sunt alii, ut  
 Statius Theb. IV, 32 sqq. Ovid. XV.  
 Met. 622, 623. *ἄλμος, fama*, et doctius  
*famae aura*.

647-654. Quod Mezentium Agyl-  
 lae, mox Caere dictae, Lucumonem  
 inter socios Latinorum memorat, ab  
 antiqua fama mutuatus est. v. VIII,  
 478 sq. — *Tyrrhenis ab oris Mesen-*  
*tius*, oriundus ex Etruria. Pulsus enim  
 Agylia apud Rutulos tunc agebat. v.  
 VIII, 492, 493. — *Laurus*, quo pul-  
 erior alter sq. Imitationem Homericam  
 Nirei multi notarunt Iliad. β, 673,

Contemptor divom Mezentius agminaque armat.

Filius huic iuxta Lausus, quo pulcrior alter

Non fuit, excepto Laurentis corpore Turni.

650

Lausus, equum domitor debellatorque ferarum,

Ducit Agyllina nequidquam ex urbe secutos

Mille viros; dignus, patriis qui laetior esset

Imperiis et cui pater haud Mezentius esset.

Post hos insignem palma per gramina currum

655

Victoresque ostentat equos satus Hercule pulcro

674, et similem locum de Euryalo Odys. 3, 446, 447; et de Alcidis 1, 309, corpore Turni pro Turno, nota ex Graecis forma, cf. VI, 22. — Idem Lausus equum domitor, ἰπποδάμης, debellatorque ferarum; quod Homericis exemplo in laude viri fortis posuit. v. Iliad. 8, 49-51. — 652. Agyllae seu Caere tyrannidem tenuerat. v. VIII, 481 sqq. — nequidquam iungam cum sequutos, qui ei in pugna eadendi frustra erant adfuturi, saltem nullo cum fructu aut ad se ab eo aut a se ad ipsum exulabant enim patria. — 653. dignus patriis qui laetior esset imperiis, ornate, dignus, qui meliore patre gauderet; ad patrem solum declarandum imperia non minus valent, quam in filio obsequium. Comparant Homericum de Peripheta Eurysthei filio: Τὸν γένει δὲ πατρός πολὺ χείρωνος υἱὸς ἀντίον παύσαις ἀπέραι. Il. 6, 644.

655 sqq. Aventinum ut unum ex heroibus Homericis inducit cum curru, quo victoriam curuli certamine obtinuerat. Eundem exhibet elipeum v. 657, quod ferri potest: sed, cum paulo post v. 666 eundem leonis exuvias indutum incedere narrat, in eo fateor me poetae diligentiam et iudicium desiderare; nam diversorum vitae praecae temporum fuit spoliis

ferarum lectum esse et de curru armatum pugnare. Quod primum curru vectum (v. 655), mox peditem incedere facit (v. 666), in hoc morem Homericorum heroum sequi potuit, qui non raro, exiguo intervallo subsequente curru, pedites incedunt. Aventinum in nonnullis signis agnoscunt recentiores veterum operum interpretes; sed is idem Hercules puer esse potest. Ceterum Aventinus heros Virgilii ingenio deberi videtur Homeri exemplo, qui in similibus heroum filiis et nepotibus commemorandis felicissimus est. Hercules autem accessus ad haec loca (v. VIII, 200 sq.) facile poetae animum impellere poterat, ut in Aventinum incederet; cuius nomen Romanis lectoribus placere poterat, cum mons Aventinus urbis Romae pars facta esset.

655. insignem palma currum simpl. intelligo νικηφόρον, ἀθλοφόρον quadrigas vel bigas, quae praemium cursus obtinuerant. Lauri vel palmae insigne curru infixum recentioris moris ne sit vereor. satus Hercule pulcro Pulcer Aventinus. Cogitandum est de pulcritudine, qualis esse potest herois, qui robore corporis omnes mortales superabat. — 657, 58. Tragycorum more elipeum dat Aventino insigne gerentem hydram. cecidit

Pulcer Aventinus, clipeoque insigne paternum  
 Centum angues cinctamque gerit serpentibus Hydram;  
 Collis Aventini silva quem Rhea sacerdos  
 Furtivum partu sub luminis edidit oras, 660  
 Mixta deo mulier, postquam Laurentia victor  
 Geryone extincto Tiryntius adigit arva  
 Tyrrhenoque boves in flumine lavit Iberas.  
 Pila manu saevosque gerunt in bella dolones  
 Et tereti pugnant mucrone veruque Sabello, 665  
 Ipse pedes, tegumen torquens inmane leonis

*angues cinctamque serpentibus hydram;* eleganter variata oratio pro vulgari: *hydram centum cinctam serpentibus.* Ceterum poetae de parvis et tenuibus parum laborantia generosam incuriam observas in hoc, quod hydram nunc centum, at lib. VI, 576 *quinguenta* capitibus horrendam exhibuit. Comparant deliciarum harum studiosi praeter Silium II, 458, 459, Eurip. Phoeniss. 1142 sqq.: Quintum Cal. VIII, 349, 350.

659 663. Bellum poetae commentum a Rheae Silviae, quam Mars ecompressit, exemplo ductum: Herculem, aris per Italiam Geryonis armentis, cum Rhea aliqua sacerdote consuevisse, unde natus sit Aventinus heros. — *mixta*, *mixtae* *Dei*, con-gressa. *furtivum edidit* pro vulgari: *furtive partu edidit. in luminis oras* a. pro locis a. pro *auras* dictum, quod malim. conf. Ge. II, 47. *Laurentia nova*, ut poeta, latius dixit; nam apud Evandrum, qui tum loca circa Palatinum et Aventinum tenebat, deverterat Hercules: qua de re v. VIII, 200 sq. — v. 663 poeticum ornatum habet commode ab eo petitum, quod in armentorum cura proprium est, lavare gregem; pro: *et armenta ex Hispania adduxit.* —

664. *in bella* h. e. ad usum belli.

664 669. *gerunt* sc. Aventini comites: quos paullo durius intelligi non infitior; etsi eo ducere potest *et* *Ipse* v. 666. *Pila* bene memorat Iam- quam Romanorum et Italorum telum; v. de his Polyb. VI, 21, ubi *ὄντροι* appellantur. De *dolone* unice am- plectendum est, quod a Varrone af- fert Servius: esse ingentem contum cum ferro brevissimo. Tale genus teli illis temporibus accommodatum. Petiit hinc Silius III, 250. — *Mu- crovem teretem* non nisi de gladio exiguo accipi posse puto, *Sabellum* autem verum nullum aliud esse videtur quam verulum, iaculi seu teli missilis genus. Samnitum quidem proprium hoc telorum genus, *σάβιλον* dictum, a quo adeo nomen eorum ductum esse volunt Samnitarum et Samnitarum seu Samnitum. v. Festum voc. *Samnitibus* et quid e. l. laudantur et Strabon. V, p. 383. B. iam, cum Samnites Sabin- nae gentis propago sint, etiam Sabin- nis idem hastae genus solenne esse aut saltem tribui potuit, unde *veru Sabellum*. Nisi omnino commune fuit populeum Lolii et reliquae Italiae. Sic Ge. II, 468, *Volacos verutos* vidi- mus. — 666. *tegumen leonis*, cui nunc sacra tribuitur, ut inf. 790 bovi, nunt

Terribili inpexum saeta, cum dentibus albis  
Indutus capiti: sic regia tecta subibat  
Horridus Herculeoque humeros innexus amictu.

Tum gemini fratres Tiburtia moenia linquunt, <sup>676</sup>  
Fratris Tiburti dictam cognomine gentem,  
Catillusque acerque Coras, Argiva iuventus;  
Et primam ante aciem densa inter tela feruntur,  
Ceu duo nubigenae quum vertice montis ab alto  
Descendunt Centauri, Homolen Othrymque nivalem <sup>675</sup>  
Linguentes cursu rapido; dat euntibus ingens  
Silva locum, et magno cedunt virgulta fragore.

Nec Praenestinae fundator defuit urbis,

exuviae: has torquet, retorquet in  
cinctum corporis. VIII, 460: *Demissa  
ab laeva pantherae terga retorquens*.  
Eadem exuvias ita accommodat capiti,  
ut rictus pellis pro galea sit, ut XI,  
680, 681: *caput ingens oris hiatus Et  
malae texere lupi cum dentibus albis*.  
Cf. mox v. 688, 689. Dentium nito-  
rem, ut in apro, sic in leone non  
memini usquam praedicatum: itaque  
*albus* tantum ornans esse videtur epi-  
theton. In ceteris scabra est oratio.  
Idem est *tegumen torquens* et *indutus*  
(illud) *capiti* et *humeros innexus ami-*  
*ctu*. Praestat saltem distinguere post  
*capiti*, ut sit: *Ipsae pedes* (pugnat)  
*torquens tegumen*, *indutus* (sc. illud s.  
ille) *capiti*: (caput eo indutum ha-  
bens). *Sic regia tecta subibat Hor-*  
*ridus* etc. Vulgo post *Sabello* ponitur  
punctum, post *capiti* comma.

670—677. In condenda urbe Ti-  
burte tres fratres consociasse operas  
suas narrantur, Amphiarai, qui ad  
Thebas ab terra haustus interiit, Ar-  
givi filii. Transfert hos in Aeneae  
tempora poeta. — *gentem*, ut poeta,  
narrat, cum urbem in oratione soluta

dixisset; cf. IV, 40 not. i v. 673 *πρὸ  
μαχόωνται* heroum Hom. exemplo pro-  
currentes ante aciem. Comparatio v.  
674 splendida est; eadem imitatione  
expressa a Statio IV Theb. 439-441:  
IX, 220-222. *nubigenas* Centauros  
cum prisca loquendi ratio appellasset,  
quod altissimos Thessaliae montes, ex  
quibus Othrys et Homole sunt (v. de  
hoc Steph. Byz. h. v. et Theocr. Id.  
VII, 403), inhabitabat, gens fera et  
silvestris, *φῆται ὀρεσζῆτοι*, semiferi:  
cum montes luti intra nubes conditi  
videri ipsique intra nubes habitare  
dici possent, genus eorum fabula a  
nube repetiit, quam Ixion pro lunone  
erat amplexus. — 677. *cedunt virgulta*  
sc. perrumpentibus; ut apro Calydo-  
nio Ovid. VIII Met. 340: *Sternitur  
impulsu nemus et propulsa fragorem  
Dat silva*. Tum *virgulta* pro silvis,  
v. c. Ge. II, 328 et alibi, Lucretii  
exemplo; ut arbusta simpl. pro ar-  
boribus.

678 sqq. De *Praeneste* fabula do-  
mestica veterum Latinorum affertur,  
de conditura urbis *Caculo*, cum in-  
fans esset, in loco reperto et pro

Volcano genitum pecora inter agrestia regem  
 Inventumque focus omnis quem credidit aetas, 680  
 Caeculus. Hunc legio late comitatur agrestis;  
 Quique altum Praeneste viri quique arva Gabinæ  
 Iunonis gelidumque Anienem et roscida rivi  
 Hernica saxa colunt, quos, dives Anagnia, pascis,  
 Quos, Amasene pater. Non illis omnibus arma 685  
 Nec clipei currusve sonant. Pars maxuma glandes  
 Liventis plumbi spargit, pars spicula gestat  
 Bina manu fulvosque lupi de pelle galeros  
 Tegmen habent capiti; vestigia nuda sinistri  
 Instituire pedis; crudus tegit altera pero. 690

Vulcani filio habito. cf. Serv. et Solin. c. 2, ad eumque Salmas. pag. 46. — 679, *genitum inter pecora* iungere fas est, non *regem inter pecora*. — 682. *Praeneste altum* a situ. v. Strabon. V, p. 365. A. — 682, 683. *Gabinæ Iunonis*. Pelasgorum religio in Latium illata, unde *Iuio Lanuvina* et hic *Gabina*. Repetit eam hinc Silius lib. XII, 537: *Iunonis tecta Gabinæ*. — 684. *qui Hernica saxa colunt*. Si verum est, quod a Festo et Servio traditur, *Sabinorum* seu (quod Festus habet, quodque eodem redit; nam Sabina stirpe oriundi fuere Marsi), Marsorum lingua *herna*, vocata *saxa* fuisse; docte postea *Hernica saxa* dixit: erat autem Hernicorum ager saxosus circa *Anagninam*, quam *divitem* cur dixerit, ex Siliî imitatione intelligitur, XII, 532, 533, *surgit suspensa tumentis Dorsis frugiferis Cerealis Anagnia glebis*. Cf. idem VIII, 392, 393: ergo fertilis est. — Iam *roscida rivi* quod ait, rivi esse possunt nulli præterquam Trerus et Cosa, Cluverio quoque monente. *Amaseni* supra Setiani in Volscis ortus Privernum prætergressus per Volcanum agrum in

mare apud Circios exit. — 686. *sonant* eleganter pro *lis sunt*. — 688. Vt lupi exuviae caput tegant sup. v. 666, sic istis e lupina pelle factus *galerus*, pilei genus, pro capitis tegmine est. — 689. *Laevum pedem nudum, dextrum perone*, hoc est corio crudo, *καρφαλίην*, tectum habent. Facit hoc mirationem; nam laevum pedem seu ocreatum seu alio modo tectum et munitum cum alibi legimus, v. c. Liv. IX, 40, tum vero ipse status pugnantis postulat, quandoquidem pedi laevo insistit eumque anteriore iu vestigio ponit is, qui aut funda glandem aut qui iaculum emittit aut arcu sagittam. Dixeris pedi laevo pro munimento fuisse clipeum sinistra manu gestatum; atqui 686 dixerat eos aine clipeis esse. Status igitur eorum talis fuisse videtur, qualis in progressu esse solet, ut dexter pes antecederet. *vestigia instituere*, statuere, ponere pedem, de gradu militum pugnantium. Lucretium præeuntem habuit l. IV, 374, *qui capite ipse suo instituit vestigia retro*: qui capiti suo instituit, contra quam debebat pedibus insistere. Ita intelligo

At Messapus, equum domitor, Neptunia proles,  
 Quem neque fas igni cuiquam nec sternere ferro,  
 Iam pridem resides populos desuetaque bello  
 Agmina in arma vocat subito ferrumque retractat.  
 Hi Fescenninas acies Aequosque Faliscos, 695  
 Hi Soractis habent arces Flaviniæque arva  
 Et Cimini cum monte lacum lucosque Capenos.  
 Ibant aequali numero regemque canebant,  
 Ceu quondam nivei liquida inter nubila cynci  
 Quum sese e pastu referunt et longa canoros 700

locum. Idem Lucret. I, 407: *Cum semel institerunt vestigia certa viai.*

691 sqq. *Messapi* obscura est fabula, saltem in his Etruriæ ad Tiberim locis, in quibus ille constituitur a poeta. Nam Messapus, conditorem et regem Messapiorum in extrema Italia, quæ Messapia et Iapygia est, traditum huc vocare non licet. *equum domitor* ut vs. 654 *Lausus*. — 692. *Invictus igni et ferro*, qui laedi non poterat. *fas*, *δυσκρόν*, ut interdum apud poetâs. 693. *resides* ut I, 721, 722; VI, 814. — 695. Quæ sequuntur urbes, in Etruriæ parte ad Tiberim vergente quaerendæ sunt: *Falisci* seu *Faleri*, nec longe ab his *Fescennia* cum *Flavinia* s. *Flavina*, quæ miste e mediâ sublata esse videtur. *Mons Soracte* (cf. XI, 793 sqq.) *Lacus Ciminus* cum Monte et Salto Ciminia, e Liv. IV, 367 noto, nunc *Lago di Vico* (nam, inquit Pompon. Sab., *illius oppidulum imperdirutum appellabatur vicus Cimini*) et *Lago di Ronciglione*; tandemque *Capena* Faliscis camtermina cum *loca Feroniæ* in agro Capenate sito. v. Liv. XXVI, tit. I, 30. Dionys. III, 32. Silium XIII, 84 sqq.; qui idem locum nostrum expressit lib. VIII,

491 sqq. Quod autem *Aequos Faliscos* appellat, ad antiquum Faliscorum nomen spectat, *Aequum Faliscum*; ab *Aequis* enim vel *Aequiculis* et *Aequanis*, a quibus tamen diversi sunt, traxerunt illi nescio quid. V. Cluver. Ital. ant. p. 538 ex Strab. V, p. 346 A. *Aequos Faliscos* etiam Silius dixit lib. VIII, 490. — 698. *aequali numero* pro *aequalis*, *aequalibus*, *numeris* h. e. *ordinibus*. At, si *ibant numero*, h. e. *ad numerum* s. *numero*, *numero* incesso ad rhythmum facto, convenire id videri potest cum altero *regemque canebant* et firmari Siliî imitatione lib. III, 345-348. Idem simili exemplo *Sabinos* expressit lib. VIII, 420: *Ibant et lacti pars Saneum voce canebant Auctorem gentis* (magis hoc consentaneum, quam h. l. Virgil. *regem*), *pars laudes ore ferebant, Sabe*, (eius filium) *tuas*. Praefero tamen prius ut minus argutum. Certe hoc ipsi est proprium, quod incedunt agmine canentes.

699. Comparisonem ex Homero II. β, 459 sqq. et Apollonio lib. IV, 1300 sqq. adumbratam esse in oculis incurrit. Virgiliæ propria vis in illis: *cum sese e pastu referunt et dant modos per longa colla. Asia palus*

Dant per colla modos; sonat amnis et Asia longe  
Pulsa palus.

Nec quisquam aeratas acies ex agmine tanto

Misceri putet; aëriam sed gurgite ab alto

Vrgueri volucrum raucarum ad litora nubem. 705

Ecce! Sabinorum prisco de sanguine magnum  
Agmen agens Clausus magnique ipse agminis instar,  
Claudia nunc a quo diffunditur et tribus et gens  
Per Latium, postquam in partem data Roma Sabinis:  
Vna ingens Amiterna cohors priscique Quirites, 710  
Ereti manus omnis oliviferaeque Mutuscae;

(ἀγνος; λαμπρὸν ap. Hom.), campus pulcherrimus ad Caystrum, cf. Ge. I, 383 sqq. *pulsa*, scil. modis, sono, resonans; non remis, ut alii accipiunt. Burmannus ait: a cygnis nataotibus vel plaudentibus aquas alis suis. Etiam hoc longius petitum.

703—705. Vt agmen incedebat eum cantu et tripudio, nemo putaret illud ad pugnam faciendam incedere. Petitum ex Apollon. IV, 238. *miscetur acies*, dum eongrediuntur, pugnant: sollenni vocabulo. — 704, 705. An et hoc commodè satis ad eygnos referri possit, dubito: malim de avibus, v. c. graibus, accipere agmine anstrinas plagas ultra mare petentibus. Lib. VI, 310: *ad terram gurgite ab alto Quam multae glomerantur aves, ubi frigidus amnis Trans pontum fugat et terris immittit apricis*. Inest alia difficultas in comparationis ratione et vi: num comparatio ad ordines incedentium aequatos spectet, an ad moles canoros et carmina. *Sed licet ut incedebat agmen cum cantu, e longinquo aliquis volucrum cum clangore volantium gregem, non viros militares accedere putasset*. Poëta vix aliam comparationem sequi poterit, si grammaticam ratio-

nem et sententiarum ordinem exspectat. Omnino tamen illa: *Nec quisquam putet... sed...* pro variatione formulae comparandi habenda memineris nihilque aliud voluisse poetam declarare quam: *et erat agmen simile agmini volucrum*.

706—709. Commodè gentis Claudiae originem ab Atta, vel Atto seu Attio, Clauso arripuit, etsi vulgo auctor stirpis habebatur ille Clausus, qui quinto a regibus electis anno cum clientibus Romam Regillo in Sabinis venerat. Nota res ex Livio II, 46; Sueton. Tib. c. I. — *prisco de sanguine Sabinorum* iungunt fere post Servium alii: nō male, cum Sabinorum stirpem vetustissimam esse constet. Suavior tamen videtur mihi unetura: *Clausus, prisco de sanguine agens agmen magnum Sabinorum magnique etc.* Virgilii locum expressit Silius VIII, 414-425.

710—717. Situs locorum, qui nunc commemorantur, docet agri Sabinii fines a poetâ antiquiora quippe tempora respiciente paullo latius constitui, quam apud Strabonem et Plinium produntur. *prisci Quirites*, h. e. Curites, Curenses, ex Curibus Sabinis:

Qui Nomentum urbem, qui Rosea rura Velini,  
 Qui Tetricae horrentis rupes montemque Severum  
 Casperiamque colunt Forulosque et flumen Ilmellae;  
 Qui Thybrim Fabarimque bibunt, quos frigida misit <sup>715</sup>  
 Nursia et Hortinae classes populique Latini,  
 Quosque secans infaustum interluit Allia nomen;  
 Quam multi Libyco volvuntur marmore fluctus,  
 Saevus ubi Orion hibernis conditur undis,  
 Vel quum sole novo densae torrentur aristae <sup>720</sup>  
 Aut Hermi campo aut Lyciae flaventibus arvis.  
 Scuta sonant pulsuque pedum tremit excita tellus.

Hinc Agamemnonius, Troiani nominis hostis,  
 Curru iungit Halesus equos Turnoque feroces  
 Mille rapit populos, vertunt felicia Baccho <sup>725</sup>

puta scriptum fuisse olim *Quires*. *Mutusca* est *Trebula Mutusca*; *Nomentum* VI, 773 inter colonias Latinas nominatum: via Nomentana ab eo dicta. — *Rosea* seu *Campi Roseae*, in agro Restino ad lacum Velinum fertilitate summa satis celebres. — 716. *Hortinae classes* simpl. pro copiis: a classibus, quae populi partes sunt; contra quam Fontanin. de Antiqq. Hortae I. I, c. 1, p. 8 statuebat. — *populi Latini*, oppida Latinorum in agro Sabino vel Sabinis accenso. — 718, 719. Ex Apollonio I, 4201 sq. adumbratum. Mare tempestatibus vexatur sub Orionis occasum, qui fit iocunde hieme. Cf. Petav. ad auctarium Op. de Doctr. temp. p. 90. Est enim et occasus Orionis matutinus apparens circa Decembris initia. — 720, 721. *sole novo* prima aestatis parte bene Serv. explicat. Nam *Sol* nunc est pro aestivo tempore, solis aestu dictus. *Lycia*, aspera et saxosa regio, nescio an alibi fertilitatis laude celebretur. Fidem tamen poetae facit Phrygiae et Lydiae,

quam *Hernus* alloit, viciniis. Ceterum, comparationis vis ut teneatur, observandum est aut v. 718 cum superioribus iungi, ut sit: « et hi quidem tam multi incedunt, quam multi fluctus volvuntur vel aristae torrentur, quum torrentur sole novo. Ita pro epiphonemate est: *Scuta sonant*; » aut distingui potest 717 post *nomen*. *Quam multi* nova sententia facta, cui apodosis supplenda sit: tam multi erant in illo agmine. Pro quibus subiicitur declaratio: *Scuta sonant* atq.

723 atq. Halesus adducit populos e priscis Auruncorum et Oscorum sedibus. Ipse *Agamemnonius* seu *Agamemnonis* olim comes et miles seu originem ab Agamemnone ducens; ab eo natus esse non potnit, nam pater X, 417 nates. Novat poeta hoc, quod Campanorum ducem facit: nam alias eius memoria ad Faliscos spectat. Cf. Ovid. Fast. IV, 73, 74. — *rapit Turno*, nota elegantia, quam mox et Tacitus alique sunt secuti, pro *adducit*, Proprie vim et festina-



Massica qui rostris et, quos de collibus altis  
 Aurunci misere patres Sidicinaeque iuxta  
 Aequora, quique Cales linguunt amnisque vadosi  
 Adcola Volturni pariterque Saticulus asper 730  
 Oscorumque manus. Teretes sunt acilides illis  
 Tela, sed haec lento mos est aptare flagello;  
 Laevas caetra tegit; falcati comminus enses.

Nec tu carminibus nostris indictus abibis,  
 Oebale, quem generasse Telon Sebethide nympha  
 Fertur, Teleboun Capreas quum regna teneret 735  
 Iam senior; patriis sed non et filius arvis  
 Contentus late iam tum ditione premebat  
 Sarrastis populos et, quae rigat, aequora, Sarnus,  
 Quique Rufas Batulumque tenent atque arva Celennae  
 Et, quos maliferae despectant moenia Abellae: 740  
 Teutonico ritu soliti torquere cateias,

tionem inuit (Eadem ratione nostri quoque poëtae *raffeu* uti coeperunt. R.) *Aurunci* ultra *Lirim* in Campania montium iuga, *Sadicini* camporum planitiem tenuisse dicuntur poëtae; nam *aequora* nulla alia sunt, quam camporum, cf. 739. *Volturnus* Campaniae *vadous*, saltem nonnullis in locis, fortasse sub egressum in mare: alias *rapax*, *ocler*, *sonorus* poëtis est; nomen quoque a vulture ductum. *Saticulus*: *Saticula*, Campaniae urbs, unde *Saticulani*; ad priacos *Ausones* urbs refertur. — 730. *acilides* seu *aolydas* ipse Virgilius satis declarat iacula fuisse *flagello*, amento h. e. loro, aptata, illigata, quae emitti et retrahi possent. Mox *falcati comminus enses* sc. armant, ex antec. *tegit*; sed simplicius est accipere: *falcati enses* ipsi sunt *cominus*, quoties *cominus* pugnatur.

733. *Teleboae* relicta *Tapho*, quas

una ex *Echinadibus* insulis *Acarnaniae* obiectis erat, *Capreas* occupasse dicuntur. Rex eorum *Telon* ex *Nympha* *Sebethi* fluvii ad *Neapolin* filia suscepit *Oebalum*, qui in continente ex insula transgressus loca circa *Sarnam* in *Hirpinia* et in extrema Campania occupavit. Qua fama haec acceperit *Maro*, nunc non constat; sed *Silius* et *Statius* eum sequuntur. — 735. *Capreas*, *Teleboun* regna, insulam, quam *Teleboae* incoluisse dicuntur. — 738. *Sarrastes*, *Sarni* fl. (quem olim *Sarrum* pronantiatum esse apparet) accolae: memorantur quoque *Silio VIII*, 538. *aequora* camporum: ut v. 729. — 740. quos despectant moenia *Abellae*. Videtur altum in monte situm habuisse hoc oppidum, unde prospectus erat in agros et camporum planitiem. Alias *Avellana* nux huic urbi nobilitatem facit. — 741. *Cateia*, teli genus hoc

Tegmina quis capitum raptus de subere cortex,  
Aerataeque micant peltæ, micat aerens ensis.

Et te montosae misere in proelia Nersae,  
Vfens, insignem fama et felicibus armis :

745

Horrida praecipue cui gens adsuetaque multo  
Venatu nemorum, duris Aequicula glebis.

Armati terram exercent, semperque recentis  
Convectare iuvat praedas et vivere rapto.

750

Quin et Marrubia venit de gente sacerdos  
Fronde super galeam et felici comtus oliva,

Archippi regis missu fortissimus Vmbro :  
Vipereo generi et graviter spirantibus hydris

Spargere qui somnos cantuque manuque solebat  
Mulcebatque iras et morsus arte levabat.

755

Sed non Dardaniae medicari cuspidis ictum

loco Teutonibus tributum, quo nunc Serrastes et Hirpini utuntur. E Virgilio Valerius et Silius eam repellunt. Vocem Celticam esse, quae longius hastae gemus designet, docuere viri docti. Mox 744 *suberis cortex* recens detractus in galeam iussit et formari videtur.

744—749. Sequuntur *Aequi* vel *Aequiculi*, qui ad utramque Anienis ripam habitaverunt. Oppidum eorum obscurum Nersa. — 746. *Aequicula* (sc. gens: nam haec iungenda; sic *Aequicula rura* Silius dixit; adiectiva forma) *duris glebis*, cui est ager asper et arduus difficilis; unde gens *horrida et venatui dedita*. Hinc etiam rapto vivebant, cum, unde viverent, partum et conditum non haberent, cf. IX, 609 sq. 613.

750. *Marrubiam* gentem exquirit dicit ab urbe praecipua, Marrubio, pro Marsia. Ducit hos sacerdos Vmbro, cuius soror fuit Angitia, Nympha v. 759 memorata. Nobiles autem

Marsi serpentum incantationibus, cf. Claver. p. 759. *Endronem*, sacerdotem quem regem adducere in praelia maluit poeta, quoniam incantationem ei fama prisca tribuerat, qua ille notior erat. *fronde ... et oliva*, nota forma poetici sermonis pro fronde olivae, qua sacerdos ornatum caput habuit apud Volcos. — 753. *graviter spirantibus*, afflatu nocentibus. — 754. *manuque*, haerent intpp. De offiis asporiferis vel herois manu admotis Barm. accipit. Sed res ipsa fert, ut de tactu accipiat. Est hoc genus domandi et capiendi angues satis notum, quod manuum contactu fit. Cf. Plin. VII, 2. Etiam Silius in loco ex nostro expresso VIII, 501: *tactuque domare venenos*, h. e. serpentes venenosos. Idem I, 411, 412: *nec non serpentes duro exarmare veneno*. *Docet Atyr*, tactuque graves sopire chelydros. Adde III, 302 et ibi not. — 756. Suavis haec rei serius gestae anticipatio, ut et mox orationis con-

Evaluit; neque eum iuvare in volnera cantus  
 Somniferi et Marsis quaesitae montibus herbae.  
 Te nemus Anguitiae, vitrea te Fucinus unda,  
 Te liquidi flevire lacus.

760

Ibat et Hippolyti proles pulcerrima bello  
 Virbius, insignem quem mater Aricia misit  
 Eductum Egeriae lucis humentia circum  
 Litora, pinguis ubi et placabilis ara Dianae. 761  
 Namque ferunt fama Hippolytum, postquam arte novæ  
 Occiderit patriasque explerit sanguine poenas (cae  
 Turbatus distractus equis, ad sidera rursus  
 Aetheria et superas coeli venisse sub auras  
 Paeonis revocatum herbis et amore Dianae.

versio v. 759, 760; utraque tamen iam in Homero obvia, cf. II. β, 838 sqq. in vulnere docte poëtae dicunt pro: ad vulnera sananda. *Fucinus lacus* inter Apenninorum montium iuga: ad quem *lucus Anguitiae* fuit.

761 sqq. In nemore Aricino Diana peregrino more culta, quem Stythicum esse ediderunt veteres. In eodem templo *Virbius* heros indigena divino honore habitus. Arcebantur antiqua religione ab hoc loco equi; inde factum, ut cum Hippolytum, Thesci f., interpretarentur ab equis iugalibus dilaniatum, a Diana ex inferis reductum et in hoc loco collocaum: Dianae amor repetendus est a venationis studio. V. Ovid. Met. XV, 532 sqq. At Maro Hippolyti filium facit Virbium ex Aricia Nympha susceptum. *pulcerrima bello* iungunt interpp. Ergo erit insignis, clara, conspicuus, ex αἰδός. Praestit fortasse: *ibat bello*, ad bellum; multo tamen magis malim iungere tertio loco *bello insignem*: ne insignem nudum frigeat. *Egeriae* fons et locus, in quo

educatus fuit Virbius, ad Ariciam est; alius vulgo narratur prope Romanam ad portam Capenam, ubi Egeriae domus, antrum sub Aventino, in quo congressa ea esse ferebatur cum Numa. — *humentia litora* ad lacum Aricinum, ubi ara Dianae seu templum. — 761. ubi *ara pinguis et placabilis Dianae* est: leiuna haec, nec epitheta bene conveniunt: *ara* si *pinguis* bene dicta est propter viciniam, non eadem bene est *placabilis*, sed Diana est *placabilis*; praestit ergo copulam eicere: *pinguis ubi placabilis ara Dianae est*. — 765-769. *arte novae*, dolo, τέχνη Phaedrae. *explerit sanguine poenas* nove dixit, ut exsolvere, exhaustire, dare, quantum imperatum est, morte luere. — *turbatus* pro consternatus. — *ad sidera rursus* orate pro revixisse. — *Paeonis herbis* simpl. pro medicamentibus, medicis, a Pacone deorum medico, Apolline. II. s, 401: Παιών, Παιώνιος. De Aesculapio Phoebi f. a Iove fulmine percusso obvia est fabula. V. Apollod. III, 10, 3 et Notae

Tum Pater omnipotens, aliquem indignatus ab umbris  
 Mortalem infernis ad lumina surgere vitae , 771  
 Ipse repertorem medicinae talis et artis  
 Fulmine Phoebigenam Stygias detrusit in undas.  
 At Trivia Hippolytum secretis alma recondit  
 Sedibus et nymphae Egeriae nemorique relegat , 775  
 Solus ubi in silvis Italis ignobilis aevum  
 Exigeret versoque ubi nomine Virbius esset.  
 Vnde etiam templo Triviae lucisque sacratis  
 Cornipedes arcentur equi, quod litore currum  
 Et iuvenem monstris pavidum effudere marinis. 780  
 Filius ardentis haud secius aequare campi  
 Exercebat equos curruque in bella ruebat.

Ipse inter primos praestanti corpore Turnus  
 Vertitur arma tenens et toto vertice supra est :  
 Cui triplici crinita iuba galea alta Chimaeram 785  
 Sustinet Aetnaeos efflantem faucibus ignis ;  
 Tam magis illa fremens et tristibus effera flammis ,

p. 704. Pindar. P. III, 96 sq. — 775. Diana Hippolytum vitae restitutum, ut irae Iovis subtraheret, abscondit in silva Aricina. Nemori eum relegat, legat, mandat, tradit, commendat. Alii, relegat ad nemus, segregat; ut Ge. III, 242: *tamros procul atque in sola relegat Pascoa*. Tum ignobilis, in bonam partem, utpote in recessu et solitudine, placide ideo et tranquille: alia ignobile aevum effertur. — 778. Religiosus igitur erat mos, ut ad lucum curru vehi nefas esset. Causa ab Hippolyti ab equis consternatis discepti pristina fortuna accessit. — 781. haud secius, etsi equi a lupo parentis arcebantur, haud minus tamen filius eos agitabat.

783 sqq. De Turno eiusque origine v. VII, 371, 372 vertitur veritas

se, docte ad animi corporisque vigorem designandum; movet, agit se, pro incedit: ut *σπερμασται*. supra est, *ὑπερστυ*. Comparant intpp. II, β, 226, 227. — Mox in 785 sq. manifeste vestigia Homeri insunt, ornatis sane verbis, sed ut rei miraculo fidem parum faciat. Nam II, ε, 4 sqq. Diomedis galea aerea, clipeus et thorax in sole coruscans non male ignem effundere narratur, idemque, etsi paullo magis in miraculum conversum, tribuit Achillis galeae Iliad. σ, 205 sqq. Virgilius expressit eum locum lib. X, 270 sqq.; hic vero, vs. 787, tam magis illa (Chimaera) fremens, etiam ausil prodigium, ut galea Chimaera ornata, furente in praelio Turno, later motus rapidos et multiplices ita coruscat, ut Chi-

Quam magis effuso crudescunt sanguine pugnae.  
 At levem clipeum sublatis cornibus Io  
 Auro insignibat, iam saetis obsita, iam bos, 790  
 Argumentum ingens, et custos virginis Argus,  
 Caelataque amnem fundens pater Inachus urna.  
 Insequitur nimbus peditum, clipeataque totis  
 Agmina densentur campis, Argivaque pubes  
 Auruncaeque manus, Rutuli, veteresque Sicani 795  
 Et Sacrae acies et picti scuta Labici;  
 Qui saltus, Tiberine, tuos sacrumque Numici  
 Litus arant Rutulosque exercent vomere collis  
 Circaeumque iugum; quis Iuppiter Anxurus arvis  
 Praesidet et viridi gaudens Feronia luco; 800

maeram, quo magis pugna exardescat, eo magis flammam spirare dicat: motu enim crebro corpora et capitis coruscant sole adverso aeream galeam necesse est: quod transfertur ad signum Chimerae in galea ei eius naturae accommodatae ornatu. Conf. Macrob. V, 43 extr. Est autem *galea erinita triplici iuba*, ἔχουσα τρεῖς λόφους, quam *τρυφάλειαν* dictam voluit pro *τριφάλειαν*. — 787. *illa*, Chimera 789 sq. In clipeo expressa Io cum Iocho: oam ab hoc ducebat genus Turni sup. v. 374 sq. *sublatis cornibus Io* ornate pro Io cornuta. — *tollens cornua*, pro habens. Locum perquam similem laudant intpp. ex Europa, quod Moschi est Idyll II, v. 43, 44. Reddita res ut argumentum anaglyphi. Io iam in bovem mutata, adstante custode Argo, et fluvius Ioachus recubans in urna, e qua aqua se effundit. *nimbus peditum*, νεφέος πεζῶν, Iliad. δ, 275 et al. *Argiva pubes* pertinet ad originem Turni et colonos Argivos, qui cum Danaë ad Italiam venerant. *Aurunxi* h. l. sunt qui cis Livim habitabant. *Sicanos* int.

reliquias Sicandrum, quae ad Tiberim in Rutulorum finibus consediisse videntur. Conf. XI, 317. — *Sacrae acies* confidenter satis definire non licet. Ardeatium fuisse dicuntur, dicti seu a vere sacro, cum gravi penitentia laborante Ardeates versacrum diis vovissent, a quo illi orti; seu quod genus hominum fuit Metri Deum sacratum. Prius Festi auctoritas, posterius Silli versus VIII, 417 firmare videtur. — 797. *sacrumque Numici litus*: proprie ipse Numicius amnis sacer, ἁγίος. — 799. *Anxur* vel *Anxur*, Volscorum nomine Iuppiter appellatus, pueri forma in numis occurrit; cum Veiove comparari solitus, de quo Ovid. Fast. III, 437 sq. Idem urbi Anxuri, mox Terracinae nomen dedisse videtur: cuius ager h. l. per arva, *quos Iuppiter Anxurus praesidet*, declarantur. Ad tertium inde lapidem *Feroniae lucus*, fons et templum. Fuit ea ex diis Latii Indigetibus, mox modo inter Nymphas relata, modo cum Iunone comparata et pro Iovia Anxuris coniuge habita. Quae Dionys. recitat lib. II, 49, p. 413 et lib. III,

Qua Saturae iacet atra palus gelidusque per imas  
Quaerit iter vallis atque in mare conditur Vfsens.

Hos super advenit Volzca de gente Camilla  
Agmen agens equitum et florentis aere calervas,  
Bellatrix: non illa colo calathisque Minervae 805  
Femineas adsueta manus, sed proelia virgo  
Dura pati cursuque pedum praevertere ventos.  
Illa vel intactae segetis per summa volaret  
Gramina nec teneras cursu laeisset aristas;  
Vel mare per medium fluctu suspensa iumentum 810  
Ferret iter celeris nec tingeret aequare plantas.  
Illam omnis tectis agrisque effusa iuventus  
Turbaque miratur matrum et prospectat euntem  
Adtonitis inhians animis, ut regius ostro 815  
Velet honos levis humeros, ut fibula crinem  
Auro internectat, Lyciam ut gerat ipsa pharetram  
Et pastorem praefixa cuspide myrtum.

32, Graecanicæ argutiae aunt. — *Satura palus* circa Vientem amnem, ad paludes Pomtinæ spectasse videtur, quæ, viginti trium urbium solo occupato, tamen olim non tam late per agrum Pomietinum ac nunc patebant. V. Cluver. p. 1003 et qui hac de regione egerunt, Adler, Maier, Nicolai al. De Saturæ tamen situ nihil notum. Cf. Silius VIII, 382 sq. ubiq. Ruperti.

803. De *Camilla* v. XI, 535 aq. Pentheileæ exemplo eam pœtæ ingenio esse subnatam nullus dubito. *fluentes acre calervas* h. e. splendentes, fulgentes. Servius notavit Ennii et Lucretii exemplo hoc factum. Sane locum quem laudat e Lucretio (lib. V, 1411), ubi *mare florere navibus* dicitur, non tam commodus erat, quam alter lib. IV, 452: *Bina lucernarum florentia lumina flammis*. Sic ἀνδρῶν, ἀνδρῶν pro αἰθρῶν, fulgens; τὸ ἀνδρῶν, ἀνδρῶν de fulgore auri. Vnde Pind. O. II, 432: ἀνδρῶν χρυσὸν πλέγν. — (805. Fortasse pœtæ animo observabatur Euripid. Iphigen. Taur. 224 sq. οὐδ' ἴστω ἐν καλλιστόγγοις Κροχίδι, Πυλάδῳς Ἀρδύος σικὼ Τυράνων ποτ-

νήλων etc. R.) — 806, sed adueta poti prælia dura, virgo cum esset, etc. — Velocitatis denotationem v. 808 aq. temere reprehendunt viri docti. Nec illa ulique convenit nostri sensibus; sed, cum Maro ea uteretur, a velustate quasi per manus erat tradita; expressit enim Iliad. v, 226-229 de equalibus Erichthonii. Similiter de Euphemo Ἀπόλλων. I, 479 sq. — 811. volaret, volasset. Ferret iter, docte, ut ferre pedes: cum alias pedes ferant aliquem.

812 sq. Ornate, quæ simpliciter Homerus dederat: Τὸν δ' ἄρα κάρης Ἀσπί' ἐπερχόμενον θεόεντο Od. β, 13; p, 64. ut regius ostro velet, sc. apud se reputans et cum miratione, memorans ut. — 814. Indutam illam puta chlamyde purpurea; is est regius honos, qui velut humeros ostro, dum ipse ex ostro est (levis i. e. pulchros. Quum non ait Amazon, loëvos, quæ est amici acuta coniectura, non praeteram. R.) Accipio fludam de acu: et Lyciam diu pharetram, ut solent pœtæ præstantius genus designare: sic arcus Cretici. E myrto basilis v. Ge. II, 417, et pastoralis myrtus de iaculo, quo pastores utuntur.

P. VIRGILII MARONIS  
AENEIDOS

LIBER OCTAVVS.

ARGVMENTVM

*Turnus belli signo ex Laurenti arce proposito Latii totius finitimarumque urbium sibi auxilia adiungit, et Venulus Argos ad Diomedem mittitur, ut eum periculi contagione et metu ad belli societatem impellat — 17. Quibus rebus permotus Aeneas copiarumque suarum paucitati diffidens Tiberini monitū adverso flumine in ea loca subvehitur, in quibus postea Roma condita est, Evandrique regis, qui ex Arcadia profugus in Palatino monte oppidum nomine Pallanteum condiderat, auxilium implorat — 100. Evander Aeneam, adventus eius causa cognita, benigne hospitio excipit sacrisque Herculis, quibus tum intentus erat, adhibitum causam eorum a Caci nece repetitam — 185—267, et ritus sacrificii edocet locaque eius tractus nobiliora obiter hospiti recenset — 310—369. Postridie Aeneas, equitum quadringentorum subsidio adiutus, quibus Pallas unicus Evandri filius praeerat, partem copiarum secundo flumine ad suos remittit; ipse cum reliquis Agyllam florentissimam petit Tyrrhenorum civitatem, cui cum Mezentio ob intolerandam crudelitatem regno expulso internecina odia intercedeabant — 454—519. Interim Vulcanus uxoris blanditiis adductus privigno suo arma fabricatur — 370—453, eademque a Venere ad Aeneam deferuntur: qui armorum pulchritudine delectatus cum cetera omnia tunc clypeum inprimis, qui res a posteritate sua strenue gerendas habebat depictas, studiose admiratur — 520 ad f.*

Etiam hic liber bello parando consumitur in primisque auxiliis arcescendis, dum Turnus per legatos Diomedem, Aeneas ipse Evandrum adit. Quae res episodio viani munit elapso.

ratissimū de Evandro, quo fabulae veteres Italiae et origines coloniae Arcadiae in Palatino monte exponit Romanis cogito lucundissimas. Qui autem de Aeneidīs praestantia recte

VIRG. Tom. III

K

Vt belli signum Laurenti Turnus ab arce  
 Extulit et rauco strepuerunt cornua cantu,  
 Vtque acris concussit equos utque inpulit arma:  
 Extemplo turbati animi, simul omne tumultu  
 Coniurat trepido Latium saevitque iuventus

5

indicare vult, non ex nostrorum hominum huiusque aetatis ingenio iudicium facere debet, id quod importunum esset, etsi plerique ita faciunt; sed id respicere animoque assequi, quam delectationem poetae carmina Romania potissimum afferre poterant, quibus ille ea meditabatur. Nam origines Latii et Romae ad nostrum sensum forsitan parum iucundae Romania haud dubie esse debuerunt cognitu gravissimae; ut, qui delectationem, quae inde capi potest, aestimare velit, ante omnia ipsis illis originibus accurate cognoscendis et evolvendis operam impendat necesse sit. Quod idem ut faciat, tanto magis interpreti inenumere recte aliquis iudicet. Succedit aliud episodium de armis et clipeo Aeneae, quod et ipsum ad Romanorum studia comparatum esse manifestum sit.

1. Mira res videri debet potuisse Turnum in aliena regia bellum instruere et copias parare. Talis animadvertere et poetam reprehendere in promptu est. Sed poeta ad praesens aetates singula componere et adornare debuit, non ad sua nec ad nostra tempora. In regibus istis antiqui aevus summa rerum erat apud populum, rexque eius voluntatem seu impetum exsequabatur. Bellum adversus Troianos plebis studiis susceptum erat, renitente frustra Latino; tam ille, quod senectutis infirmitas et solitudo suadebant, rerum summam prorsus de-

relinquit: *Neo plura loquutus Sepsit se tectis rerumque reliquit habenas*, VII, 600; et, cum Ianus esset reserandus, *Latinus foeda refugit ministeria et caecis se condidit umbra*. Itaque Turnus succedere in partes Latini debuit: quo assumpto in carminis argumentum electus est heroem, quem ornaret poeta et quem Aeneae opponeret. Cf. dicta ad VII, 599, 600. Principium quidem libri parum splendet; repetuntur ea, quae iam satis ex libro superiore constabant: placebat tamen oratio sexum et progressum a superioribus ad alia; narratio poetae procedit a v. 9. *Mittitur et magni Venulus Diomedis ad urbem*. In belli signo vexillo ex arce prodendo Romanum morem adumbrasse videri potest, qui in comitiis superstes mansit, ut vexillum in arce tolleretur; sed puto argutius hoc quam vere dici. *signum* puto per ipsa illa *cornua* vs. alt. explicari. Sic VII, 513 *Pastorale canit signum cornuque recurvo Tartaream intendit vocem* (Sed *efferre signum* de cornibus vix intelligi potest. R.)

3. Simplicissimum est de apparatu bellico accipere: ubi Turnus equos et arma excitavit, in medium produxit, extemplo totum Latium ad bellum est inflammatum. Nam *simul simp.* est *copula*. *concussit*, concitavit adhuc intus. Aliud est, *concitare habenas equorum*. — *impulit*, movit ideoque manu tractavit et protulit. Nam *impellere arma* de percussione clipeorum



Effera. Ductores primi, Messapus et Vſens  
 Contemtorque deum Mezentius, undique cogunt  
 Auxilia et latos vastant cultoribus agros.  
 Mittitur et magni Venulus Diomedis ad urbem,  
 Qui petat auxilium et, Latio consistere Teucros, 40  
 Advectum Aenean classi victosque Penatis  
 Inferre et fatis regem se dicere posci,  
 Edoceat, multasque viro se adiungere gentis  
 Dardanio et late Latio increbrescere nomen.  
 Quid struat his coeptis, quem, si Fortuna sequatur, 45  
 Eventum pugnae cupiat, manifestius ipsi  
 Quam Turno regi aut regi adparere Latino.

Talia per Latium; quae Laomedontius heros  
 Cuncta videns magno curarum fluctuat aestu  
 Atque animum nunc huc celerem nunc dividit illuc, 20  
 In partisque rapit varias perque omnia versat:  
 Sicut aquae tremulum labris ubi lumen ahenis

locum non magis habere nisi in ipsa pugna arbitror, quam de ancilium commotione sive de peditibus, ἐνδιδρυξ. De Messapo copias ex Etruriae urbibus adducente lib. VII, 691; de Vſente 745 et de Mezentio 647 sq. iam memoraverat poeta. — 8. vastant. Cf. ad I, 474.

9 sqq. Ad Diomedem, qui auxilia petant, mittuntur propter communem originem Graecam, quae Turno tribuitur. V. ad VII, 367 sqq. Quae huius legationis fortuna fuerit, videbimus XI, 226 sq. Diomedis autem in Troianos, qui Troia capta profugerant eiusque irae se subdixerant, inflammatus esse debebat animus. *Venulum* ex antiqua fama adscivit poeta, quantum ex Servio colligo. — *urbs Diomedis* Argypa est, v. XI, 246: — a v. 42, *Aeneam* dicere, *se posci regem* *fatis*, destinari; VII, 272: *Hunc il-*

*lum poscere fata* *Et reor* etc. vocabulo de fatis proprio lib. V, 707. VII, 584: — 46. *ipsi*, Diomedis, qui iam antiquus eius sit hostis.

20. Adspectu tanti per Latium motus apparatusque bellici Aeneas aliquantum commoveatur animoque variis curis versato obdormiscit; a Tiberi deo per somnum monitus accipit. Da verbis cf. IV, 285, 286. At comparatio, ut omnes viderunt, subiecta est Apollonio Rhodio III, 754 sq. ornata a Marone; nisi quod motae aquae causa ex infusione recens facta in Graeco poeta non desideratur: ὅδῃ τοι δὴ πλεονεξία μέγιστη ἡδὲ πονὲρ ἐν γαυλῶ κίχεται; add. Lucretii locus IV, 212 In hac comparatione rerum observata dissimilium similitudo delectat; nec lamen minus propterea, quod animi status et affectio re sub oculorum intuitum cedente praeclearo

Sole repercussum aut radiantis imagine Lunae  
 Omnia pervolat late loca, iamque sub auras  
 Erigitur summique ferit laquearia tecti. 25  
 Nox erat et terras animalia fessa per omnis  
 Alituum pecudumque genus sopor altus habebat,  
 Quum pater in ripa gelidique sub aetheris axe  
 Aeneas, tristi turbatus pectora bello,  
 Procubuit seramque dedit per membra quietem. 30  
 Huic deus ipse loci fluvio Tiberinus amoeno  
 Populeas inter senior se adtollere frondis  
 Visus; cum tenuis glauco velabat amictu  
 Carbasus, et crinis umbrosa tegebat arundo;  
 Tum sic adfari et curas his demere dictis: 35

O sate gente deum, Troianam ex hostibus urbem

expressa est: id quod genus comparandi suavissimum est. Aliam comparisonem Homeri eum fluctibus et diversorum ventorum flucta suspensis Iliad. ξ, 16 sqq. conferant studiosi. In imagine Lunae segulatur interpretes, est ea pro ipsa Luna, cuius sane imago in aquae superficie incidit ab eaque redditur. Alius, nec magis feliciter: possit verba *sub auras* calumniari, cum sequuntur *laquearia tecti*: verum poetica formula illam subtilitatem respuit: *sub auras* est, in altum. Compara Silium VII, 442 sqq.

26 sqq. Iterum per novum visum fatalis rerum ordo declaratur: vide sup. P. I, p. 316 sqq. Noctis declaratio magnum suavitatem habet: copiosiore ornatum IV, 522 sqq. attulit. Nuper in Lexico Homérico Apollonii Sophistae in πλώδαλον pag. 490 etiam illi Alemanem praevisse vidimus: Εὐδουσι δ' ὄριον κορυφαί τε καὶ φάραγγες, πλώδοντες ἡδὲ καὶ χαράδραι· φύλα δὲ δ', ἰσπετὰ δ', ὅττα γρήφι μέλαινα γαῖα, δῆρις ὀρεσπόδι

τε καὶ γένος μελισσῶν· καὶ πλώδαλ' ἐν βένδεσσι κορυφαί· ἡλός· εὐδουσι δ' οἰκῶν φύλα ταχυπτερόγων. Sub dio Aeneas obdormiit, *seramque dedit per membra quietem*: ducta loquendi forma ex altera, qua *romanus didi per corpus, spargi per membra*, ideoque et *quies dari per membra* dicitur. Monemus hoc, quod plerique verba tenent, causas sermonis ignorant.

31. *deus loci*, ἐπιχώριος θεός. Ripa Tiberis populis erat praetexta, quod nunc aliter se habere audimus; sed cf. inf. 95, 96 et VII, 29 sqq. — 33. *tenuis carbasus glauco amictu*, glauca palla carbasina humeris vel femori fluviorum injecta, etiam in signis veterum. Imitatorem verbosum Claudianum vide in Paneg. Olybr. (I, 214 sqq.) Adde de VI Cons. Honorii (XXVIII, 163 sqq.) — 36, 37. *Troianam ex hostibus urbem*, idem orationis color, qui in illis Aen. I, 68, *Ilion in Italiam portans*: sui stirpe et Penatibus sacrisque adductis cum re,

Qui revehis nobis aeternaue Pergama servas,  
 Expectate solo Laurenti arvisque Latinis,  
 Hic tibi certa domus, certi, ne absiste! Penates;  
 Neu belli terrere minis! Tumor omnis et irae 40  
 Concessere deum.

Iamque tibi, ne vana putes haec fingere somnum,  
 Litoreis ingens inventa sub ilicibus sus,  
 Triginta capitum fetus enixa, iacebit;  
 Alba, solo recubans, albi circum ubera nati. 45  
 Hic locus urbis erit, requies ea certa laborum:  
 Ex quo ter denis urbem redeuntibus annis  
 Ascanius clari condet cognominis Albam.  
 Haud incerta cano. Nunc, qua ratione, quod instat,  
 Expedias victor, paucis, adverte! docebo. 50  
 Arcades his oris, genus a Pallante profectum,

liquis Trojanorum. *revehis* propter stirpem Dardani fabulosam ex Italia. v. III, 767 sq. — 38. *expectate* propter deorum vaticinia. vide v. 12. VI, 687. Nempe *expectata* dicuntur quae sunt praedicta, ut in libris sacris passim; eadem dicuntur *debita*. — 41. *Concessere* h. e. resederunt. Tument animi ira, et ex ea iterum resident, si placantur.

42. Hoc ostentum iam Helenus vates praediserat l. III, 388 sqq. Vide inf. v. 81 sq. — 46-48. Sententia haec est: Hic, ubi sus invenietur, aliquando urbs Alba condetur ab Ascanio, XXX annis abhinc elapsis. Est ergo: *ex quo tempore, quando abhinc, cum aliquando, ὅτε ἐκ τούτου, τοῦ παρόντος*, et uno verbo *εἴ οὐ*, sc. *χρόνου* pro *ὅτε*. Tam vern *hic* non est urgendum, ut sit in loco suis inventae, sed, in his terris. Durius esset, si *ex quo* acciperes: secundum quod portentum, *clari cognominis* ab

alba sue nominatam, cuius signum Lavinii ostendebatur (Varro R. R. II, 4, 18), unde Albae Longae conditores profecti sunt, sacello ibi, ubi sus inventa, condito: Dionys, I, 57 (A candore rupium, ubi stabat, urbs haud dubie nomen invenit: ut Camirus ἀπυρώς ap. Hom. II, β, 646. R.)

54 sqq. Rem per se incredibilem narrare ingreditur poeta, Troianis Graecos in armorum societatem esse allegendos: quod iam Sibylla praedixerat lib. VI, 97, *via prima salutis*, *Quod minime reris, Graecia pandetur ab urbe*. Evander cum matre Carmenta seu Nicostrata ex Arcadia profectus Pelasgos suos in loca circa Tiberim adduxit et in monte, qui inde Palatinus dictus, oppidum Pallanteum, mox Palantium et Palatium appellatum, condidit. Fuerat iam in Arcadia Pallantium pagus et inter praevos Pallas, a quo l. I. hi Arcades orti dicuntur: *genus a Pallante*, h. e.

Qui regem Evandrum comites, qui signa secuti,  
 Delegere locum et posuere in montibus urbem,  
 Pallantis proavi de nomine Pallanteum.  
 Hi bellum adsidue ducunt cum gente Latina; 55  
 Hos castris adhibe socios et foedera iunge.  
 Ipse ego te ripis et recto flumine ducam,  
 Adversum remis superes subvectus ut amnem.  
 Surge age, nate dea! primisque cadentibus astris  
 Iunoni fer rite preces iramque minasque 60  
 Supplicibus supera votis. Mihi victor honorem  
 Persolves. Ego sum, pleno quem flumine cernis  
 Stringentem ripas et pingua culta secantem,  
 Caeruleus Thybris, coelo gratissimus amnis.  
 Hic mihi magna domus, celsis caput urbibus, exit. 65  
 Dixit, deinde lacu Fluvius se condidit alto  
 Ima petens. Nox Aenean somnusque reliquit.

Pallantis progenies. Idem nomen filio Evandri impertitum. Conf. Dionys. I, 34 sqq. Ovid. Fast. I, 469 sqq. Propert. IV, 1. In Evandro potuisset poeta omnia ad maiorem admirationem struere et parare, si repente Troiani in eum incidissent; Evander gente Pelasgica oriundus vix videbatur bonae spei ac fiducia locum Troianis relinquere. Sed poetae placuit alia ratio, ut per somnum haec denuntiaret utque propter Latinorum in advenas Arcades odia communi periculi metu Troianos et Arcades in foedus et societatem adduceret. Cf. Inf. 429 sqq. — 53. *in montibus* est in monte Palatino (55. *Hi bellum ducunt*, non est gerunt, sed nullo anno intermittunt et inimicitias in longum trahunt. Sin Servius et Cerda. R.) — 57. *ripis*, intra ripas, alveo; *recto flumine*, recto fluminis itinere. — 59. *primisque cadentibus astris*, h. e. sub

primum diluculum; nam postea sidera cursum noctis exacto occidere dicuntur. Cf. II, 8, 9. *Iunoni fer rite preces*, quod idem Helenus sedulo monuerat lib. III, 435 sqq. — 61. *victor*, omnibus ex voto peractis. — 64. *Caeruleus*. Atqui flavus est Tiberis et luteus, ut satis notum. Cf. IX, 814. Scilicet nunc deo communem fluviorum naturam dat. *coelo gratissimus*, *Δεοφιλέος*. — 65. Circa has easdem oras surget aliquando magna urbs, Roma. Quod in vaticiniis facere mos est, res futura effertur ut praesens, *exit* pro *exibit*. — *celsis caput urbibus*, nota illa poetica oratio pro *caput urbium*. Tum ea urbs dicta *domus* dei Tiberis, quatenus ille in ea consecratur et ut deus coletur. — Mox 66 *lacus* pro profundo seu fundo fluvii ideoque pro ipso amne.

67. Aeneas expergefactus, ut visum ratum sit, precatur. *ἰπὶ γλυκίῳ ὕπνῳ*

Surgit et aetherii spectans orientia Solis  
 Lumina rite cavis undam de flumine palmis  
 Sustulit ac talis effundit ad aethera voces: 70  
 Nymphae, Laurentes Nymphae, genus amnibus unde est,  
 Tuque, o Thybri tuo genitor cum flumine sancto,  
 Adcipite Aenean et tandem arcete periclis.  
 Quo te cumque lacus miserantem incommoda nostra  
 Fonte tenet, quocumque solo pulcerrimus exis, 75  
 Semper honore meo, semper celebrabere donis,  
 Corniger Hesperidum fluvius regnator aquarum:  
 Adsis o tantum et propius tua numina firmes!  
 Sic memorat geminasque legit de classe biremis  
 Remigioque aptat; socios simul instruit armis. 80  
 Ecce autem, subitum atque oculis mirabile monstrum,  
 Candida per silvam cum fetu concolor albo  
 Procubuit viridique in litore conspicitur sus:  
 Quam pius Aeneas tibi enim, tibi, maxuma Iuno,  
 Mactat sacra ferens et cum grege sistit ad aram. 85

ἀνέστην Hom. — 69. *rite undas sustulit*, manus lavit ut precaturus. — 71. *genus amnibus unde est*: quatenus Nymphae fontium, qui fluvios faciunt, sunt deae. Alias ποταμαίαι aliter, ut Nymphae sint fluviorum deae ac filiae. *arcete periclis*, h. l. liberate, finem laborum, imprimis in hac mea navigatione, facite; pro vulgari *arcere pericula ab aliquo*. — 74, 75. Quocumque loco fontem habes. Expressit Statius IV Theb. 832, *quacumque domo gelida ora resolvit etc. lacus* v. vs. 66. Sedes ac regia fluviorum in fontibus est: cf. ad Ge. IV, 319. Propter aquas in fonte collectas et scaturientes *lacus fontis*, ut *stagna fontis*, dici potest. Inde nunc: quicumque fons tenet te, mutatum in: quaecumque fontis aquae, et hinc, quocumque

fonte aquae seu lacus tenet te. — 75 ad formam Odys. λ, 237, 238 structus est, ubi de Enipeo Thessaliae: δὲ πολὺ καλλίστος ποταμὸν ἰσὶ γαῖαν ἔχει (corniger, epitheton desumptum ex fluvii impetu cum bovis saevitia comparato: unde Oceanus ap. Eurip. Orest. 1386 τρυφάρονος audit. R.) — 78. *tua numina*, tuum monitum per somnum et promissum. — 80. *armis* proprie. Cf. v. 93.

81. Res nova et insolita offertur: vide modo ad v. 42. Copia rationalis in v. 82, 83: *Candida... concolor cum fetu albo; Procubuit... conspiciturque... per silvam... in litore: parum placeat*, nisi memineris pectus sic prodigium alte animis oculisque inspicere velle. — Mox 84 *enim* asseverative, ut vero, pro utique, εὖ γὰρ δὴ·

Thybris ea fluvium, quam longa est, nocte tumentem  
 Leniit et tacita refluens ita substitit unda,  
 Mitis ut in morem stagni placidaeque paludis  
 Sterneret aequor aquis, remo ut luctamen abesset.  
 Ergo iter inceptum celerant; rumore secundo <sup>90</sup>  
 Labitur uncta vadis abies; mirantur et undae,  
 Miratur nemus insuetum fulgentia longe  
 Scuta virum, fluvio pictasque innare carinas.  
 Olli remigio noctemque diemque fatigant  
 Et longos superant flexus variisque teguntur <sup>95</sup>  
 Arboribus viridisque secant placido aequore silvas.  
 Sol medium coeli conscenderat igneus orbem,

nec vacat, quod putant grammatici.  
 — 87. Potesl sane iungi: ita ut. Sed  
 fortasse magis poeticum, ita imitati-  
 tit: eo modo: sic ut erat, cum ita fa-  
 ctum esset, fere sic I, 226, 227. Se-  
 quitur: ut ideo mitis etc.

90. *rumore secundo*, optime secun-  
 dum Guellium et Gronov. Obs. II,  
 47, quibus Donatus praevit, inter-  
 pretabitur de murmure aquae carina  
 et remis percussae, quae navis a puppi  
 propellitur, ideoque omnino de motu  
 aquae secundo, prospero; X, 687:  
*Labitur alta secans fluctuque arduoque*  
*secundo*; ut sit dictum pro: *curso se-*  
*undo*; etsi adverso amne. Cic. de  
 Div. I, 46 e veteri poeta: *Solvere*  
*imperat secundo iunone adversaque*  
*avi*, et Auson. Mosella v. 22: *inter*  
*labentis tacito rumore Mosellae*. Ex  
 ceteris rationibus saltem illa tolera-  
 bilis est, ut seu de celeusmate remi-  
 gum accipiat, seu de plausu et ac-  
 clamantibus sociorum bona vota fa-  
 cientium, ut V, 338. — v. 91. *unctum*  
*pice abietem* ab Ennio accepit — 93.  
*carinas pictas*: ut V, 663 *pictas abiete*  
*puppis*, *μυλτοπάρχη*. — 94. *remigio*

*noctemque diemque fatigant*, non se  
*remigando*, quod proaicum esset;  
 sed est epica sudacia. *Coelum clamore*,  
*silvas venatu* (IX, 605), *nivem cur-*  
*su*, *amnem remis fatigare* passim in  
 poetis occurrit. Est scilicet proprie  
*fatim agere*, valde, crebro movere,  
 tractare, agitare: hinc omnino in re  
 aliqua versari vel eam frequentare,  
 ea multum vel nimium uti. Cf. ad  
 Aen I, 290, *terrasque metu caelumque*  
*fatigat*. Sic *Martem fatigant* VII,  
 582, hoc est flagitant. Simili modo  
*quater*, *movere*, *impellere silvas*,  
*exercere*. Porro poetae tempori tri-  
 buunt tanquam actum ab eo id, quod  
 in tempore fit: Sic *noctem produci*,  
*diem frangi* ideoque etiam *fatigari*  
 dicunt; X, 807 *diem exercere*. Pro-  
 pertius lib. IV. Eleg. 11, 81: *Sat tibi*  
*sint noctes, quas de me, Paulle, fa-*  
*tiges*. Redit illa utique forma haec  
 tandem eo, ut *fatigare* sit *consumere*,  
*exigere*. — 96. *placido aequore*, alveo  
 fluvii, *secant silvas*, navigant inter  
 ripas silvis consitas, quibus prima  
 aetate ripae extremi Tiberis abunda-  
 bant. — 97. *ἤμος δ' Ἠλίας μέσσην οὐ-*  
*ρανὸν ἀμφιβέβηκε*. II. 3, 68 et al.

Quum muros arcemque procul ac rara domorum  
Tecta vident, quae nunc Romana potentia coelo  
Aequavit; tum res inopes Evandrus habebat. 100  
Ocins advertunt proras ubique propinquant.

Forte die sollemnem illo rex Arcas honorem.  
Amphitryoniadae magno divisque ferebat  
Ante urbem in luco. Pallas huic filius una,  
Vna omnes iuvenum primi pauperque senatus 105  
Tura dabant, tepidusque cruor fumabat ad aras.  
Vt celsas videre rates atque inter opacum  
Adlabi nemus et tacitis incumbere remis,  
Terrentur visu subito cunctique relictis  
Consurgunt mensis. Audax quos rumpere Pallas 110  
Sacra vetat raptoque volat telo obviu ipse  
Et procul e tumulto: Iuvenes, quae caussa subegit  
Ignotas tentare vias? quo tenditis? inquit.  
Qui genus? unde domo? pacemne huc fertis an arma?  
Tum pater Aeneas puppi sic fatur ab alta, 115

102 sqq. Egregia earminis oeconomia, qua belli cum Latinis gesti argumento per se tenui et pauperi copiam rerum et narrationum conciliat poeta. Offendit Aeneas Evandrum sua sacra facientem Herculi; rerum species obicitur augusta religionibus et honorum saeculique simplicitate placens. Eadem v. 185 sqq. adducit episodum de caeso ab Hercule Caco, tamquam sacri instituti causa et origine. Obversatum esse in omnibus his poetae animo locum Odys. V, 32 sqq., ubi Telemachus in Nestorem sacra facientem incidit, negari nequit; etiam ex Pisistrato Nestoris filio Pallas subnatus. Ad talia attendendum est ei, qui de sex posteriorum Aeneidia librorum praestantia et de poetae in-

genio pronuntiare vult; ne argumenti inopia fraudi sit ingenio et arti poetae. — 103: Herculi cum ceteris dilatae. V. Serv. — 105. *pauper senatus*. Explicuit Silius I, 609, *castaque beatos Paupertate Patres*. Conf. eund. VI, 631 sqq. — 108. *tacitis remis*, nulum aquarum strepitum in aoni placido facientibus. — 111. *Sacra suot* h. l. caedens quae modo *mensae*: scilicet epulae sacrae, quas peracto iam sacrificio celebrabant quasque nunc instaurant v. 172, 175. *vetat*, quia nefas eas turbare, interrumpi et omitti, ut iterum inf. vs. 173. — 114. *Tisq* (τάς) τῶ γένος; comparant Odys. α, 170 et al. vulgo: quo genere, quae gentis estis? — 115. *puppi*. Scilicet, cum v. 104 *proras advertissent*, ut ad litus accederent, non navi inhibita et

Paciferaeque manu ramum praetendit olivae:  
 Troiugenae ac tela vides inimica Latinis,  
 Quos illi bello profugos egere superbo.  
 Evandrum petimus. Ferre haec et dicite, lectos  
 Dardaniae venisse duces, socia arma rogantis. 120  
 Obstupuit tanto percussus nomine Pallas:  
 Egredere o, quicumque es, ait, coramque parentem  
 Adloquere ac nostris succede penetibus hospes!  
 Excepitque manu dextramque amplexus inhaesit.  
 Progressi subeunt luco fluviumque relinquunt. 125  
 Tum regem Aeneas dictis adfatur amicis:  
 Optume Graiugenum! cui me Fortuna precari  
 Et vitta comtos voluit praetendere ramos,  
 Non equidem extimui, Danaum quod ductor et Arcas

In puppim retroacta remisque acta  
 puppim obvertebant litori.

117. *tela inimica Latinis*, h. e. se cum Latinis bellum facientes, memorat propter v. 55: *Hi bellum assidue ducunt cum gente Latina*. Hinc quoque metus conspectis viris armatis maior esse debuit. v. 109. Graviter at illud: *Quos illi profugos egere*, cum Latini tantum nollant sedem Troianis in suo agro concedere; gravius invidiae causa additur *superbo bello*, ipsi superbi, superbe, ὑπερήφανοι. — 119. *ferre haec*, non ad ramum cum Servio et aliis referendum; sed, nuntiate. — 124. *dextramque amplexus inhaesit*: pro dextram amplexus aut eique inhaesit (ex Homericis: ἔν τ' ἄρα αἰ πῶ χερσὶ) et hoc pro simplici: manum prehendit: cf. 558, 559. Al Barro. *dextram amplexus et inhaesit* sc. cervicis vel alia corporis parte.

127. Magna cum orte argumenta foederis iungendi repetit a cognatione, tum a communi utilitate, cui

*precari*, antiquam et exquisitam orationem captavit poeta pro: cui supplicare, ἱκετεύειν. — 128. *comtos simp. pro ornatos*. A religione ritum ἱερῆς πλας ductum esse manifestum sit e vittis seu infulis lanis involventibus ramum oleaginem, cuius usus erat cum in sacris tum in lustratione et expiatione. Ideoque is, qui praeferebat, ἱερός, supplex factus, aut erimen expiare se at culpam deprecari velle symbolice et religiose significabat, aut simpliciter per sacra et deos se supplicari testatum faciebat. Hinc omnino foederis, pacis at legationis symbolum est factum (Simplicissima via ad hunc ritum rudiores homines pervenisse videntur, quum ramo quocunque arrepto inermes se esse nec quidquam hostile meditari, quid, quod auxilio indigere praeseferrent. Sic Iac. Cookius, R. Forsterus alique iterum ad gentes rudiores Americae etc. descripiiores rem se adhuc habere tradiderunt. Religiosum apud Graecos accenit. R.)



Quodque ab stirpe fores geminis coniunctus Atridis;<sup>130</sup>  
 Sed mea me virtus et sancta oracula divom  
 Cognatique patres, tua terris didita fama  
 Coniungere tibi et fatis egere volentem.  
 Dardanus, Iliacae primus pater urbis et auctor,  
 Electra, ut Graii perhibent, Atlantide cretus, <sup>135</sup>  
 Advehitur Teucros: Electram maxumus Atlas  
 Edidit, aetherios humero qui sustinet orbis.  
 Vobis Mercurius pater est, quem candida Maia  
 Cyllenae gelido conceptum vertice fudit;  
 At Maiam, auditis si quidquam credimus, Atlas, <sup>140</sup>  
 Idem Atlas generat, coeli qui sidera tollit.  
 Sic genus amborum scindit se sanguine ab uno.  
 His fretus non legatos neque prima per artem  
 Tentamenta tui pepigi: me, me ipse meumque

130. *ab stirpe geminis coniunctus Atridis.* Vtrumque genus a Iove ducatur; tum ab Atlante; nam a sororibus, Atlantis filiabus, et Evandee et Atridae oriundi erant. Ab iisdem Atlantis filiabus, Pleiadas vocent, cognatio altera v. 134 sqq. inter Evandrum et Aeneam deducta: nam Dardanus Electra et Iove natus, Evandee autem Mercurii, cui Mele mater, filius perhibebatur. V. Diooys. I, 31. Praeclere autem et ingeniose posita hac geografia coniunctione utitur ad causas emicittas Iotae Evandrum et Troianos serendas. — 131. *mea virtus respicit illud non extinui, confidentia et animi fiducia ex mee virtutis consuetudine, quem eandem confido epud te loco aliquo et auctoritate habitum iri.* Oracula divom a Sibylle accepta: v. VI, 96, 97. *cognati patres*, per Atlantis filias; Derdeous a Iove et Electre, Mercurius a Iove et Maia natus, ut modo vidimus utque mea disertius narrat. *coniungere*, h.

e. eddusere me, ut me tibi adiungere studeam.

134. *Dardanus.* Cf. omnino lib. III, 467 sq. et VII, 206 sqq. — 136. *advehitur Teucros* h. a. ad Teucroe; adit Troadem, quam Teucer tum tenebat; Derdeous ibi Dardanum urbem coodidit, Ilius autem filius Ilium; hactenus igitur posita dicere potuit: *Iliacas primus pater urbis et auctor.*

143, 144. Praecleri verba. Hunc amo empletorque Aeneam luoge; non pepigi tentamenta tui prima per legatos neque per artem; non prius te teotavi per legatos et calli e consilia; *pangere* h. l. non est pacisci, sed figere, constituere, facere; ex eo, quod *pangi*, *figi* dicuntur ea, quae decreta sunt, etiam pacta, per artem ad consilia caute et callida spectare, quibus altocius voluntatem vel exploramus vel captamus, quis non videt? Burm. tamen eo devenit, ut per epistolam interpretaretur. — *meum obseci caput.* Etiam Gr. *ἑγώ*

Obieci caput et supplex ad limina veni. 145  
 Gens eadem, quae te, crudeli Daunia bello  
 Insequitur; nos si pellant, nihil afore credunt,  
 Quin omnem Hesperiam penitus sua sub iuga mittant  
 Et mare, quod supra, teneant, quodque adluit infra.  
 Adcipe daque fidem. Sunt nobis fortia bello 150  
 Pectora, sunt animi et rebus spectata iuventus.

Dixerat Aeneas. Ille os oculosque loquentis  
 Iam dudum et totum lustrabat lumine corpus.  
 Tum sic pauca refert: Vt te, fortissime Teucrum,  
 Adcipio adgnoscoque libens! Vt verba parentis 155  
 Et vocem Anchisae magni voltumque recordor!  
 Nam memini Hesioneae visentem regna sororis  
 Laomedontiaden Priamum, Salamina petentem,  
 Protenus Arcadiae gelidos invisere finis.  
 Tum mihi prima genas vestibat flore iuventa; 160  
 Mirabarque duces Teucros, mirabar et ipsum  
 Laomedontiaden; sed cunctis altior ibat  
 Anchises. Mihi mens iuvenali ardebat amore  
 Conpellare virum et dextrae coniungere dextram:  
 Adcessi et cupidus Phenei sub moenia duxi. 165

γὰρ παρδύμενοι κεφαλὰς Od. β. 247  
 et ψυχὰς παρδύμενοι Od. γ. 74 et al.  
 Quintus Cal. XII, 63, κἀριστοὶ δὲ  
 γὰρ ἄνδρες ἐνὶ μύθῳ, ὅππῃς θυτὴν  
 παρδύμενοι στυγέοντες ἀπειδέουσιν  
 ὀλίγον. Cum contempta morte animas  
 obiciunt viri, plurimum valent vi-  
 ribus in pugna. — *gens Daunia*, Ru-  
 tuli sive a patre Turni, Dauno X,  
 616-688, sive a vetere illo Dauno  
 Apuliae conditore, a quo ea Daunia  
 dicta. Ad sententiam cf. v. 35 supra.  
 — 150. *Adcipe daque fidem foedusque*  
*feri bene firmum*. Eoölus Aon. I,  
 apud Macrob. VII, 4, p. 572.

157 aqq. Hoc vero ingeniosum et  
 elegans est poëtae commentum, quo

Priamum fingit Salaminem Hesiones  
 sororis Telamoni Herculis sodali ou-  
 ptae visendae causa hincque Arcadiam  
 adisse, ut Evander eius notitiam  
 habere posset. Sane quidem, qui  
 Homerum legerit, facile in hoc  
 commentum incidat; eam et is re-  
 cordationem priscorum hominum et  
 rerum ex prisco hospitio repetit, v.  
 c. II. 7, 205 aqq. et aliis locis; sed  
 facere hoc debito loco ac tempore, id  
 vero est quod ingenium poëtae com-  
 mentare debet. — 160. *vestibat flore*,  
*πύκνῳ*. A Marone sumserunt multi.  
 Cf. Cerda. Fundas in Homero Od. λ.  
 318, 319. — 165. *Pheneum* (ὁ et ἡ  
 Φινεύς est) posuit priscam Arcadiae

Ille mihi insignem pharetram Lyciasque sagittas  
 Discedens chlamydemque auro dedit intertextam  
 Frenaque bina, meus quae nunc habet, aurea, Pallas.  
 Ergo et, quam petitis, iuncta est mihi foedere dextra;  
 Et, lux quum primum terris se crastina reddet, 470  
 Auxilio laetos dimittam opibusque iuvabo.  
 Interea sacra haec, quando huc venistis amici,  
 Annua, quae differre nefas, celebrate faventes  
 Nobiscum et iam nunc sociorum adsuescite mensis.

Haec ubi dicta, dapes iubet et sublata reponi 475  
 Pocula gramineoque viros locat ipse sedili;  
 Praecipuumque toro et villosi pelle leonis  
 Adcipit Aenean solioque invitat acerno.  
 Tum lecti iuvenes certatim araeque sacerdos  
 Viscera tosta ferunt taurorum, onerantque canistris  
 Dona laboratae Cereris Bacchumque ministrant. 484  
 Vescitur Aeneas, simul et Troiana iuventus,  
 Perpetui tergo bovis et lustralibus extis.

urbem (II. β, 605) passimque in fabulis, Hercules maxime, memoratam, ut sedem maiorum.

466. Ea nolo ritu τῶν ξενίων, munerum hospitalium, IIad. ζ, 219 et al., ex quorum pretio et arte tanto maior honor accrescebat ei, qui ea acceperat. — 467. *chlamydem intertextam auro*: vulgare est auro *intertexto*, quod et h. l. haud pauci boni codd. mscr. habent; et ferri hoc potest ut velustum; decet enim carmen epicum ὁ τῶν ἀρχαιοτέρων πόνος, aliquid priscae roboris. — 471. *opibusque*: *auxilium* et *opes*, h. e. ea, quibus ad bellum gerendum Troiani instrui et ornari poterant. — 472 sqq. Color similis narrationis Odys. γ, 34 sqq. et iterum δ, 48 sqq.

477. Epulis sacris hospites adhibet

Evander, sique finitis causam sacri memorat. Nolim iungere *praecipuum toro*, quod impedit reliqua; sed *incipit praecipuum*: reliquos Aeneae socios in gramine collocat, Aeneam autem, praecipuum et principem inter eos, collocat in solio ex acere, cui torus est impositus pelle leonis instratus. Cf. inf. 367, 368. — *invitat solio*, ad solium, ut tot alia, v. c. *moenibus* IX, 676. — 479. *arae sacerdos*: non enim templum erat Herculis, sed ara maxima dicta. Cf. inf. 269-272. — 481. Onerant caonstra donis *laboratae Cereris*, frumenti *παρασκευάσθου* pro ἐκπονήσεως, elaborati, labore confecti panis. *Viscera* autem sunt pro carnibus. — 483. *Perpetui tergo bovis* expressit Homericum Νῶτα διὰ τευκῆ, IIad. κ, 312. Odys. ξ, 437, ubi

Postquam exempta fames et amor compressus edendi,  
 Rex Evandrus ait: Non haec sollemnia nobis, 185  
 Has ex more dapes, hanc tanti numinis aram  
 Vana superstitio veterumque ignara deorum  
 Inposuit: saevis, hospes Troiane, periclis  
 Servati facimus meritosque novamus honores.  
 Iam primum saxis suspensam hanc adspice rupem: 190  
 Disiectae procul ut moles desertaque montis  
 Stat domus et scopuli ingentem traxere ruinam.  
 Hic spelunca fuit vasto submota recessu,  
 Semihominis Caci facies quam dira tenebat,  
 Solis inaccessam radiis; semperque recenti 195

Aisa et Vlysses eodem modo praecipuae portionis honore accipiuntur. — *lustralibus extis*. Multa perperam Serv. et alii; sed slier accipi exta via possunt, quam quod eorum usus aliquis praecipuus in lustrationibus erat: non quidem tum; nam heroicis temporibus exta, ut h. l., in epulis sacris apponebantur; sequentibus tamen aetatibus, quibus exta inspecta sunt et in aris cremata. A Romanis autem exta immolari solita esse, etiam in sacris expiatoriis, satis constat: v. e. in Fordieidiis Ovid. Fast. IV, 637, 638 sq. *Lustralem faciem* et similia comparat quoque Barth. ad Stat. Theb. I, 507.

184. *amor edendi*. Quia non videt Homericum ἔπος ἐδνός? cf. I, 216. — 187. *veterum ignara deorum* superstitio, religio, deserens, relinquens praecorum deorum cultum et *vana*, temere innovata, nullo certo animi indicio. — 189. *novamus* dictum de sacro anniversario. Sacrum igitur lit Herculi Servatori, Ζωτήρι, Ἀλῆξάντῃ. Cum his verbis monstrat rupem saxis suspensa, quorum pars

disiecta iacebat et longe provoluta, cum ruinis antri.

193 sqq. De Caco fabula Itolorum domestica fuit: ornata a poetis Romanis variis modis. Conferantur Ovid. Fast. I, 543 sqq. Propert. IV. El. 9. Liv. I, 7: qui locus huic nostro haud absimilis. Dionys. I, 39. Traxere ex Virgilio suas descriptiones, Amyci Valerius Fl. IV, 177 sqq. et serpentis ad Bagradam a Regulo occisi Silius VI, 146 sqq. VI autem poeta pro episodio fabulam adhibere posset, veniam dabat carminis consilium Romanorum originibus et nomini consulti. Nam a Caco interuentu sacri Herculi ad *Aram Maximam* fieri soliti origo repelita. Cf. Iuf. 269 sq. Liv. I. I.

194. Interponitur: *Semihominis Caci facies quam dira tenebat*, ut sit *facies Caci* pro monstro Caci. cf. inf. 298. VI, 575 et Burm. h. l. ideoque pro vulgari: Cacus dira facie, monstrum. Vt alii interponunt: *Semihominis Caci: facies quam dira tenebat*, sententia est: cuius speluncae facies erat dira. Quod poeta ornatus

Caede tepebat humus, foribusque adfixa superbis  
 Ora virum tristi pendebant pallida tabo.  
 Huic monstro Volcanus erat pater: illius atros  
 Ore vomens ignis magna se mole ferebat.  
 Adtulit et nobis aliquando optantibus aetas 209  
 Auxilium adventumque dei. Nam maxumus ultor,  
 Tergemini nece Geryonae spoliisque superbus,  
 Alcides aderat taurosque hac victor agebat  
 Ingentis; vallemque boves amnemque tenebant.  
 At furiis Caci mens effera, ne quid inausum 205  
 Aut intractatum scelerisve dolive fuisset,  
 Quatuor a stabulis praestanti corpore tauros  
 Avertit, totidem forma superante iuencas:  
 Atque hos, ne qua forent pedibus vestigia rectis,  
 Cauda in speluncam tractos versisque viarum 210  
 Indiciis raptos saxo occultabat opaco.  
 Quaerenti nulla ad speluncam signa ferebant.  
 Interea, quum iam stabulis saturata moveret  
 Amphitryoniades armenta abiturumque pararet,  
 Discessu mugire boves, atque omne querelis 215  
 Inpleri nemus et colles clamore relinqui.

extulit: *quam facies dira tenebat*. — 196. *superbus* Maroni est *saevus*, *atrox*. — 199. *magna se mole ferebat*, simpl. ad habitum corporis vastamque speciem refero, pro *inecebat*; sed assumit notionem vasis corporis; id quod ad *ἐνάρπυστα* facit.

202. Cf. lib. VII, 661 sqq. *Herculis* nomen variis Itatorum fabulis implicuit antiquitas; et peragratos ab Hercule Italiae vestigia ubique ostentabant. — 208. *Avertit*, abigit, ut I, 527; tñm *intractatum* pro vulgari *inlentatum*; nam iunctum τῶ *inausum*. — *a stabulis*, a pascuis, in quibus procubuerant: ut αἰλλῆ. Iterum sic v.

213. — 209, 210. Hoc a Mercurii furtis adumbratum. V. Homer. Hymn. in Mercur. v. 69 sqq. 75, 76. *verae viarum indicia* sunt vestigia pedum, *ferebant*, se ferebant. — 216. *Herculem* cum armentis puta progressum iam ab altera montis parte processisse. *colles clamore relinqui*, h. e. superari boum mugitus ut hene Burn. exposuit; Ita ut ultra colles procederet mugitus et usque ad Caci speluncam in altera montis parte perveniret. Ita passim *relinquimus* eum, quem superamus, in primis cursu, et *loca relinquimus*, per quae transitus, ad ulteriora pergendo, ideoque clamor

Reddidit una boum vocem vastoque sub antro  
 Mugit et Caci spem custodita fefellit.  
 Hic vero Alcidae furiis exarserat atro  
 Felle dolor; rapit arma manu nodisque gravatum 220  
 Robur et aetherii cursu petit ardua montis,  
 Tum primum nostri Cacum videre timentem  
 Turbatumque oculis. Fugit illicet ocior Euro  
 Speluncamque petit; pedibus timor addidit alas.  
 Vt sese inclusit ruptisque inmane catenis 225  
 Deiecit saxum; ferro quod et arte paterna  
 Pendebat, fultosque emuniit obice postes:  
 Ecce furens animis aderat Tirynthius omnemque  
 Adcessum lustrans huc ora ferebat et illuc,  
 Dentibus infrendens. Ter totum fervidus ira 230  
 Lustrat Aventini montem; ter saxea tentat  
 Limina nequidquam; ter fessus valle resedit.  
 Stabat acuta silex, praecisis undique saxis,  
 Speluncae dorso insurgens, altissima visu;  
 Dirarum nidis domus opportuna volucrum. 235  
 Hanc, ut prona iugo laevum incumbibat ad amnem,  
 Dexter in adversum nitens concussit et imis  
 Avolsam solvit radicibus; inde repente  
 Inpulit: impulsu quo maxumus insonat aether,  
 Dissultant ripae refluitque exterritus amnis. 240

relinquit altos montes, quos superat.  
 Haec tamen ratio dura est. Praestat  
 cum Servio accipere: colles relinqui a  
 bubus discedentibus cum clamore. Sic  
 I, 519, et templum magno clamore  
 ptebant, quidni ei relinquebant? —  
 219. furis, per furias, iram. — 220.  
 arma sunt ipsa clava, de qua seqq.

226. ferro et arte paterna, catenis  
 ferreis a Vulcano elaboratis suspensum  
 erat saxum, quod densis et aditum  
 abstruxit, postes fultos emuniit, ornate

pro muniit fores, obice, saxo illo  
 obiecto pro obice: quod idem v. 231  
 saxea limina. Catenas ferreas ab usu  
 istius saeculi alienas bene temperavit  
 poeta adiecta artis Vulcani memo-  
 ratione. — 236, 237. Stabat saxum,  
 sed prominens, προῖς, ἐντοῖς,  
 in tergo antri versus Tiberim et in  
 ripa ita situm, ut ad laevam ei amnis  
 esset: huic ex adverso, ita ut ripa de-  
 atra ei esset, stetit Hercules et saxum  
 labefactavit, ut in amnem prolapsum

At specus et Caci detecta adparuit ingens  
 Regia, et umbrosae penitus patuere cavernae:  
 Non secus ac si qua penitus vi terra debiscens  
 Infernas reseret sedes et regna recludat  
 Pallida, dis invisā; superque inmane barathrum 215  
 Cernatur trepidentque inmisso lumine Manes.  
 Ergo insperata deprensū in luce repente  
 Inclusūque cavo saxo atque insueta rudentem  
 Desuper Alcides telis premit, omniaque arina  
 Advocat et ramis vastisque molaribus instat. 250  
 Ille autem (neque enim fuga iam super ulla pericli)  
 Faucibus ingentem fumum mirabile dictu!  
 Evomit involvitque domum caligine caeca  
 Prospectum eripiens oculis, glomeratque sub antro  
 Fumiferam noctem commixtis igne tenebris. 255  
 Non tulit Alcides animis sequē ipse per ignem  
 Praecipiti iniecit saltu, qua plurimus undam  
 Fumus agit, nebulaque ingens specus aestuat atra.

ruerit. — 242. regia ut de Aeoli antro  
 aula lib. I, 440. Ornabit autem En-  
 nianum versum: *Tum cava sub mon-  
 tem late specus intus patebat.*

243 sqq. Ex II. 9, 61 sqq. esse  
 adumbratos versus monitum satis post  
 Macrob. V, 16. Illud addam: Homē-  
 rica esse longe graviora, quod ibi  
 inter effectus poenae deorum nume-  
 ratur hoc, quod Mars tantum in com-  
 paratione posuit. Statius hinc Theb.  
 VII, 815: Amphiarao a terra hausto:  
*ecce alie praeceps humus ore profundo  
 Dissilit, iugue vicem tremuerunt sidera  
 et undae.* — 245. *Dis invisā*; argu-  
 tatur Burmannus post Ruacum et alios,  
 cum interpretatur non visa, ut *invi-  
 sis* lib. II Aen. 574. Sed in loco Ho-  
 merico, quem poeta expressit, v. 65,  
 satis manifesta sunt vicia... τὰ τε

στυγίων δαίμονες, h. e. *abhorrent,  
 averrantur, δαδόναντι.* Mox *super* est  
 desuper. — 248. *insueta rudentem*,  
 insolito et horrendo more vociferan-  
 tem. Frequens et obviū apud poetas  
 est usus vocum talium a clamore ani-  
 malium tractarum. Cf. Ernesti ad  
 Callim. hymn. in Del. 56, ubi et no-  
 atri loci memor fuit. *molaribus* simpl.  
 pro grandibus saxis, sic *μύλωνες* II. 9,  
 461; et *rami* quoque pro stipitibus  
 et truncis Non de clava cogitandum  
 erat, secundum molares, Ovidius l. c.  
 Fast. I, 570: *Rempque ferox saxis sti-  
 pitibusque gerit.*

256. *animis*, prae ira, ut 228, *furens  
 animis.* — 257. *undam*, ut Ge. I, 472,  
*undantem ruptis fornacibus Aetnae.*  
 Ornate omnia. — 258. *nebula specus  
 aestuat*: fumus in specu aestuat instat

Hic Caecum in tenebris incendia vana vomentem  
 Conripit in nodum complexus, et angit inhaerens <sup>260</sup>  
 Elisos oculos et siccum sanguine guttur.  
 Panditur extemplo foribus domus atra revolsis;  
 Abstractaeque boves abiurataeque rapinae  
 Coelo ostenduntur, pedibusque informe cadaver  
 Protrahitur. Nequeunt expleri corda tuendo <sup>265</sup>  
 Terribilis oculos, voltum villosaque saetis  
 Pectora semiferi atque extinctos faucibus ignis.  
 Ex illo celebratus honos, laetique minores  
 Servavere diem, primusque Potitius auctor  
 Et domus Herculei custos Pinaria sacri. <sup>270</sup>  
 Hanc aram luco statuit, quae Maxuma semper  
 Dicitur nobis et erit quae maxuma semper.  
 Quare agite, o iuvenes, tantarum in munere laudum  
 Cingite fronde comas et pocula porcite dextris

aquae ebullientis assurgens et in auras se evolvens (nam aestuat mare, ignis, novae fumus); est ergo a qua specus parte densissimus est fumus. — 260, 261. Elidit fauces Caeci arto brachiorum nodo constricti, more Herculis, quo leo et Antaeus fuit occisus: aliter Propert. IV, 9, 26 cum Ovid. I Fast. 576, ubi clava interimitur Cacus. in nodum doctius quam per undum, nodo, complexus corripit, arreptum completitur; tum angit faucibus compressis sic, ut elidantur ora deficiantque sanguis in venis gutturis coarctati. — 263. abiuratae rapinae; respicit epitheton rem supra non memoratam, sed intellectu facilem: Caecum perituro negasse se boves apud se habere. — 263. Cf. II. X, 269 sqq.

268. Hinc sacrum in honorem Herculis celebrari coepit, quod posteri traditum servarunt, ita ut adhuc anniversariam sollemne agamus. — 269

sq. cf. sup. ad v. 493 sq. Narrata res est a Liv. I, 7 et IX, 29. Dionys. I, 39. Propert. IV, 9, 67, 68. Tacito Ann. XI, 41. — 270. custos, antistes, quae curaret sacrum. domus Pinaria pro Pinario s. Pinarii. — 274. Est haec ara maxima, de qua magnus est disputatio, cum de loco, tum de nomine Ovid. Fast. I, 582: Constituitque ubi, quae Maxima dicitur, aram, Hic, ubi pars Fribis de bove nomen habet. Diversa tradit Dionys. Hal. I, 39 extr. p. 31. statuit Hercules.

273. tantarum in munere laudum. Barmannus alique lib. V, 652 huc vocant, ubi munus pro sacro positum est. Laudes dicantur poetis pro virtutibus et strenue factis, ergo in munere laudum est cum Servio accipiendum: in honorem tanti facinorae, quo de nobis meruit Hercules. Conf. sup. 485-489. — 274. Sequitur locus de libatione. Porcite; non, secundum



Communemque vocate deum et date vina volentes.<sup>275</sup>

Dixerat, Herculea bicolor quum populus umbra  
Velavitque comas foliisque innexa pependit,  
Et sacer inplevit dextram scyphus. Ocius omnes  
In mensam laeti libant divosque precantur.

Devexo interea propior fit Vesper Olympo: 280

Iamque sacerdotes primusque Potitius ibant  
Pellibus in morem cincti flammisque ferebant.  
Instaurant epulas et mensae grata secundae  
Dona ferunt cumulantque oneratis lancibus aras.

Servium, ut alter alteri ex ordine poculum praebeat aut omnibus famuli; sed, quod libatio sit manu exposita et prolato poculo: proferte, in altum tollite. Mos idem: *date vina*; effundite. *Communem deum* Trojanis et Arcadibus, communi foedere iunctis, hospitibus et amicis. Vid. vs. 172, 173, 174. Sic accipiendum cum Donato; aliena multa cumulant Servius et interpretes. Inf. XII, 418: *Rutulique viri Teucrique In medioque focos et dis communibus aras Gramineas parabant.* — 276, 277. Cum his dictis imposuit sibi Evander coronam populeam et pleno poculo vinum libavit. Cum Romani sacrum facientes capite essent velato: v. III, 403 sq. Herculi sacrum fiebat Graecanico ritu, testo Livio I, 7, qui ab Evandro ita institutum esse ait. Itaque nunc caput einsit *populea* corona, quod *populus* *Aleidae* *gratissima* et quidem *alba*; hoc norunt omnes; *bicolor* tamen, variante scilicet candore in foliorum frontibus et tergis. Populi successit usus lauri in sacro Herculis. V. Serv. Macrob. Sat. III, 12 et Cerdam. — 278. *scyphus* dictus proprie h. l. in re Heseuli sacra; notante Macrob. V, 21.

280. *devexo Olympo*, coelo, circumacto motu diurno, inclinante se, ut II, 250: *Vertitur interea oecum et ruit Oceano Nox*. Haec et sqq. ad *mensas secundas* atque adeo ad *bellaria* convivantium referunt interpretes: quod pro temporum heroicorum ratione nullo modo fieri posse arbitror, in primis libatione modo facta; sed religiosum ritum describi arbitror, quo sub vespere sacrum et in hoc a sacerdotibus ignis in ara instauratur, in ignem mittuntur partes victimae cremandae, aliae partes in epulis sacris adponuntur et ad aram saltatio cum hymno instituitur. Certe sacerdotes *flamas ferebant*, *cumulant aras*: tum Salli ad cantum circa aram saltant: *inocens altaria circum*, Ergo et reliqua eodem referenda, et inter instauratum saltem sacrum epulas quoque instauratas fuisse dicendum; quas eandem inusitato more per *mensam seceantam* seu *mensae secundae* dona declarat. Fateendum tamen, ne sic quidem vs. 283, 284 sensu et structura satis congruere; ut eos novulam cum ceteris conclusis intelligas, quia usus secunda desideratur, utque eos melius abire existimes — *pellibus cincti*. Mos antiquus mansit in Luperis ex vita

Tum Salii ad cantus incensa altaria circum 285  
 Populeis adsunt evincti tempora ramis,  
 Hic iuvenum chorus, ille senum: qui carmine laudes  
 Herculeas et facta ferunt: ut prima novercae  
 Monstra manu geminosque premens eliserit anguis;  
 Vt bello egregias idem disiecerit urbis, 290  
 Troiamque Oechaliamque; ut duros mille labores  
 Rege sub Eurystheo fati Iunonis iniquae  
 Pertulerit. Tu nubigenas, invicte, bimembris  
 Hylaeumque Pholumque manu, tu Cresta inactas  
 Prodigia et vastum Nemeae sub rupe leonem. 295

antiqua, qua pellibus incincti incedebant homines. — *omnatis lancibus* ad turis copiam refert Cerda; sane tus etiam lance apportabatur, non modo acerra. Cf. Ovid. IV. Pont. 9, 33. Servius exta h. l. lancibus apponi ait: idque sequi praestat. Instauratas epulas vidimus supra lib. VII, v. 433 crustis iam comestis: Nunc pateras libate Iovi et 446. *Certatim instaurant epulas*, ubi epulae videri possunt de sola libatione dictae esse. Ita convenit locus Od. 7, 388 sqq., ubi Nestor domum rediit de sacro cum suis assidet et libationem facit: nulla epularum repetitarum mentione facta.

285. *Salii* apud Romanos Martis erant sacerdotes ex Numae instituto, ut creditum fuit. At h. l. poeta Herculi Salios assignat, quandoquidem in vetere Latio Saliorum nomen commune sacerdotum fuisse videtur a sciendo; quoniam olim omnis res sacra cum tripudio et cantu coniuncta erat; cf. Servius. Haeserant in hoc iam veteres. V. Macroh. III. Sat. 12. — *Chorus* 287 est turba saltantium et canentium circa aram, chorus *ὑποθήκη*; et *ἐπὶ χορῷ*, et carmen dixeris esse *ὑποχορηγίαν*. — Quae sequuntur

v. 288 sqq., hymnorum veterum in Herculeum argumenta sunt, oratione a poeta praecleara in hymni formulam conversa V. 293 sqq., ut ipsa narratio dramatis naturam induat. Cf. ad ea Apollod. II, 5. — 289. V. supra v. 261. Elidebantur oculi, alibi *favores*, tum *anima*, nunc, anima elias, ipsi *angues*. *Oechaliam* seu Messeniae seu Euboiae, denegata a patre Eurysto Iole. — 291. Cf. Iliad 9, 393. τ., 433. Od. 2, 620. — *fata Iunonis* infestae aiunt esse voluntatem: sic Serv. et alii. Accipio de fatiis, quae Iunonis odium fecerat. Sic IX, 435, *Sat fatiis Fene-riqae datum*. Fatale enim erat, ut Hercules Iunonis ira tot labores perferret, ita ut ne Iupiter quidem iis casuere eum et liberare valeret. — Suavis conversio ad secundam personam v. 293. obvia tamen in poetis, ut in Horat. II, od. 19, 43, etiam recentioribus, v. c. in Miltono P. L. B. IV, 4720 sqq. *nubigenas Hylaeum Pholumque Centauros*, v. Not. ad Ge. II, 456, 457. — *Cresta prodigia*, ut monstrum, *τίρας*, taurus Gnossum, quem vivum ad Eurystheum adduxisse narratur. Ergo *inactas* solito more ita posuit, ut pluribus membris esset

Te Stygii tremuere lacus, te ianitor Orci  
 Ossa super recubans antro semesa cruento;  
 Nec te ullae facies, non terruit ipse Typhoeus  
 Arduus, arma tenens; non te rationis egentem  
 Lernaëus turba capitum circumstetit anguis. 300  
 Salve, vera Iovis proles, decus addite Divis:  
 Et nos et tua dexter adi pede sacra secundo.  
 Talia carminibus celebrant: super omnia Caci  
 Speluncam adiiciunt spirantemque ignibus ipsum.  
 Consonat omne nemus strepitu collesque resultant. 305

Exin se cuncti divinis rebus ad urbem  
 Perfectis referunt. Ibat rex obsitus aëvo  
 Et comitem Aenean iuxta natumque tenebat  
 Ingrediens, varioque viam sermone levabat.  
 Miratur facilisque oculos fert omnia circum 310  
 Aeneas capiturque locis et singula laetus  
 Exquiriturque auditque virum monumenta priorum.  
 Tum rex Evandrus Romanae conditor arcis:

accommodatum, aut aliam fabulam sequutus est. — 296, 297 descensus Herculis ad Orcum factus, ut Cerberum adduceret. II 2, 368 Od. λ, 622. — 298. *facies*, monstra; quae in inferis Herculi occurrebant. Aen. VI, 283 sqq. *Hydra Lernaëa* iam ibi commemorata: nunc *Typhoeus* additur, quem in Tartarum fulmine detrusum ediderat quoque Hesiod. *Opay*, 853 sqq. 867. Orionem in inferis collocaverat Homerus Od. λ, 571 sqq. Ad communem autem interpretum morem iungimus vs. 298-310 cum antecedentibus, et ad loca infera referimus. Enim vero, si sententias et facta coniungas, alterum ad pugnam deorum cum Gigantibus, quibus Typhoeum accenset, alterum ad hydram Ler-

naeam apud Nemeam occisam referes. Confunduntur enim Hercules ille autique religionis et Hercules Thebanus. — 299. *arduis*, præcelsis additus; poterat enim stans erectus vasti corporis specie terrere. *rationis egentem*, consilii inopem, de ἀνυχάζ, ἀνορίξ, ex pavore: h. e. terrore percussum. — 303. *dexter*, propitius ades. — 301. *spirantem ignibus* doctius quam ignes essipientem.

307—369. Evander Aeneam domum suam deducit. Ingeniose posita opportunitate utitur ad memorabilia locorum antiquam famam memorandam. *rex obsitus aëvo*: ut alias *gravis* de magna copia, *oppressus*, *obtus*, *consueti senectute*, *gravis aetate*. — 310. *faciles*, mobiles, vagos

Haec nemora indigenae Fauni Nymphaeque tenebant  
 Gensque virum truncis et duro robore nata, 315  
 Quis neque mos neque cultus erat; neque iungere tau-  
 Aut componere opes norant aut parcere parto: (ros  
 Sed rami atque asper victu venatus alebat.  
 Primus ab aethereo venit Saturnus Olympo,  
 Arma Iovis fugiens et regnis exsul ademptis: 320  
 Is genus indocile ac dispersum montibus altis  
 Composuit legesque dedit Latiumque vocari  
 Maluit, his quoniam latuisset tutus in oris.  
 Aurea quae perhibent illo sub rege fuerunt  
 Saccula; sic placida populos in pace regebat! 325

oculos, volubiles. — 314 sqq. Egre-  
 gius locus, quo antiquus Italiae status  
 describitur. *indigenae Fauni Nym-*  
*phaeque* non modo ἐγγήσιοι, sed et  
 αὐτόχθονες, αὐθιγενές scilicet desig-  
 nantur Genii locorum. Suaviter autem  
 postea extulit hoc: Loca circa Ti-  
 berim olim vastities obtinebat silva-  
 rum, per quas feri homines palabantur.  
*truncis et duro robore nata* pro  
 truncis roborum. Nata loquendi et  
 fiogendi forma ex more agrestium  
 hominum truncos arborum inhabi-  
 tandi. V. Serv. conf. Stat. IV Theb.  
 276 sqq. Nisi eodem modo, quo e  
 saxia nali dicti sunt homines, durum  
 genus, eodem quoque modo robore  
 et quereu nali, facti dicti sunt: cf.  
 Hom. Odys. XIX, 463. — 316. *mos*,  
 certum vitae institutum, lex quan-  
 dam vivendi; praelare autem mitior  
 vitae cultus declaratur his: *compo-*  
*nere opes et parcere parto*, τὸ συν-  
 μίσιον καὶ τρυφὴν: quibus  
 feros homines nullius rei providos  
 aut in usum perendinum quicquam  
 conditum servantes assuescere diffi-  
 cillimum est; id quod historiae vete-

rum et recentium populorum fero-  
 rum doceat. Conferant erectioris In-  
 dolis iuvenes Lucretianos versus lib.  
 V, 951 sqq. in iisque 956. — 318.  
*rami*, h. e. fructus arborum. Porro  
 iuog. *asper victu*, non *alebat victu*.  
 Est venatus, qui asperum victum  
 praebet, h. e. non nisi labore et mo-  
 lestia parandum.

319. Antiquus mythus de Saturni  
 fuga in has terras, ductus, ut vide-  
 tur, ex etymologia voc. Latii a la-  
 tendo. Saturnus tamen numen Lati-  
 norum patrium, fortasse a satu s.  
 satione rerum, in primis frugum  
 (unde factum est, ut homines sedes  
 figerent et tum societate tum legibus  
 coniungerentur. Graeci hoc tempori  
 tribuebant: Cicero Quaes. Tusc. V,  
 2, adscribit Philosophiae, Horat. Ep.  
 ad Pis. 391 sq. valibus, Inpr. Orpheo.  
 R.) sed comparatus ille cum Crono  
 fabulis Graecorum inae derivandi op-  
 portunitatem dedit. — 321. *indocile*  
 Serv. pro indoctum: malim pro fero  
 et agresti accipere. — 322. *compo-*  
*suit*, certis sedibus locavit. *leges de-*  
*dit*, h. e. mores et instituta, cf. VII,

Deterior donec paullatim ac decolor aetas  
 Et belli rabies et amor successit habendi.  
 Tum manus Ausonia et gentes venere Sicanae;  
 Saepius et nomen posuit Saturnia tellus.  
 Tum reges asperque inmani corpore Thybris, 330  
 A quo post Itali fluvium cognomine Thybrim  
 Diximus; amisit verum vetus Albula nomen.  
 Me pulsum patria pelagique extrema sequentem  
 Fortuna omnipotens et ineluctabile fatum  
 His posuere locis, matrisque egere tremenda 335  
 Carmentis Nymphae monita et deus auctor Apollo.  
 Vix ea dicta: dehinc progressus monstrat et aram  
 Et, Carmentalem Romano nomine, portam,  
 Quam memorant, Nymphae priscum Carmentis hono-  
 Vatis fatidicae: cecinit quae prima futuros (rem,  
 Aeneadas magnos et nobile Pallanteum: 344

203, 204. *aurea sarcula* observa v. 325 per *pacem* declarari. — 326. *decolor aetas* respectu auri, colore vitiat, dum aeres vel ferrea aetas succederet. *manus Ausonia*, h. e. Ausones, quos Livius et alii vulgo Aborigines appellant. Sicanos autem noster poeta, seu quod auctores habebat, qui et hos in Italiam venisse dicunt, cum alias eos a Liguribus ex Hispania pulcos in Siciliam traiecis-  
 se constat; seu quod Sicanos cum Siculis confundit, quos locus inter Tiberim et Liriam tenuisse scimus, unde ab Ausonibus et Pelagiis exturbati in Siciliam traiecere. *Saturnia tellus* proprie fuit in clivo Capitolino ad Tiberim, qui Saturnius olim dictus. Dionys. I, 31. Poëta inde nomen pro Laio et pro Italia frequen-  
 tari coepit: ut quibus hoc licuit, quia antiquissima aetate Italiae nomen commune non fuisse constat. Etiam

reliqua Italiae nomina a certis tra-  
 ctibus ducta sunt. Ipsum Italiae et  
 Oenotris nomen ad sola loca circa  
 sinum Lamecium spectabat. — 330.  
 Sumit et hoc poeta de Tiberi a rege  
 ita dicto ex multis aliis commentis  
 super nomine Tiberis. Cf. Serv. ad  
 h. l.

333. De adventu Evandri in Ita-  
 liam v. sup. v. 51. *pelagi extrema*,  
 nare ultimum inprimis ex sensu et  
 notione priscae Graeciae, cui occi-  
 dens inter terras ignotas et invias  
 erat. — 337. *aram Carmentis*, alia  
*Carmentis*, quam se vidisse testatur  
 sub *portam Carmentalem* Dionys. lib.  
 I, 32 ad radices Capitolii. — 338,  
 339. Interpunctionem mutavi, ne lo-  
 cus frigeret. Appositione dicta sunt:  
*Carmentalem portam ... honorem Nym-  
 phae Carmentis, vatis fatidicae.* —  
 340. *cecinit quae prima futuros*. Inge-  
 niose haec a poeta intexta sunt, ex

Hinc lucum ingentem, quem Romulus acer Asilum  
 Retulit, et gelida monstrat sub rupe Lupercal  
 Parrhasio dictum Panos de more Lycæi.  
 Nec non et sacri monstrat nemus Argileti 345  
 Testaturque locum et letum docet hospitis Argi.  
 Hinc ad Tarpeiam sedem et Capitolia ducit,  
 Aurea nunc, olim silvestribus horrida dumis.  
 Iam tum religio pavidos terrebat agrestis  
 Dira loci; iam tum silvam saxumque tremebant. 350  
 Hoc nemus, hunc, inquit, frondoso vertice collem,  
 Quis deus incertum est, habitat deus; Arcades ipsum  
 Credunt se vidisse Iovem, quum saepe nigrantem  
 Aegida concuteret dextra nimbosque cieret.

instituto præcipitandi Aeneidis argu-  
 mentum per vaticinia et fata. Sen-  
 tentiam hanc Maronia ornavit Ovid.  
 Fast. I, 475. 515 aq.; Propert. IV,  
 4; etiam Tibull. II, 5, 19. *Ballan-*  
*teum*, Palatium, conf. 54.

342—344. *lucum* . . . *Asylum*, cf.  
 Liv. I, 8. Dionys. II, 45. *retulit* est  
 appellavit. Male aliter Serv. et al. —  
*acer*, ut ὄρεος, est poetis vocabu-  
 lum proprium fortium virorum, et  
 alias impiger, promptus, animosus. —  
*Lupercal* sub monte Palatino, cf. Liv.  
 I, 5. Dionys. I, 32. *dictum Panos*  
*Lycæi*, nomen gerens Panis Lycæi,  
 quasi is a Λύκος, *lupa*, dictus sit,  
 prava nonnullorum etymologia; cum  
 verius dictum sit nomen a monte  
 Arcadiæ Lycæo (τὸ Λύκαιον, ὄρεος.  
 Diversum τὸ Λύκειον, Athenis, gym-  
 nasium). — *de more Parrhasio*, h.  
 e. Arcadico, ad exemplum Lycæi  
 Arcadii nomine ab Arcadibus ducte;  
 sed doctius hos ab urbe ut eo monte  
 declaravit.

345, 346. *nemus Argileti* sub Ca-  
 pitolio, ut docent Donatus et alii

auctores de urbe Roma. *testatur*, mon-  
 strat. *hospitis Argi*; adoptavit poeta  
 veterem fabulum de Argo quodam  
 hospitio ab Evandro excepto et, eo  
 inscio, ab Arcadibus caeso.

347—354. Locus splendidus de Ca-  
 pitolio, in quo τὰ σὺπερα τῶν θεῶν; in  
 signis futuræ maiestatis loci in prom-  
 tu est sentire. — 348. *Aurea nunc*,  
*olim*. Similis comparatio temporum  
 et conditionis ac faciei locorum in  
 Capitolio saepius occurrit (V. imprimis  
 Propert. IV, 4 et Tibull. II, 5,  
 23 sq.); tum et in aliis urbibus parti-  
 bus 360, 361, *aurea* simpliciter esse  
 multo auro ornata, nemo dubitet.  
 Sic *aurea Roma*. — 350. *dira*, magna,  
 admirabilis Serv., metuenda, δεινὴ;  
 scilicet ea, quæ dira sunt, horrorem  
 incutiant, qui idem ex religione seu  
 specie augusta et religiosa loci san-  
 ctitate venire solet. — 353. *quum saepe*  
*credunt se saepe vidisse*, quum con-  
 cuteret (nisi est pro: πῶλλιν, vehem-  
 enter): sic Ge. I, 354 *quid saepe*  
*violenter* et alibi: se vidisse Iovem

Haec duos praeterea disiectis oppida muris, 355  
 Reliquias veterumque, vides, monumenta virorum.  
 Hanc Ianus pater, hanc Saturnus condidit arcem:  
 Ianiculum huic, illi fuerat Saturnia nomen.  
 Talibus inter se dictis ad tecta subibant  
 Pauperis Evandri, passimque armenta videbant 360  
 Romanoque foro et lautis mugire Carinis.  
 Vt ventum ad sedes: Haec, inquit, limina victor  
 Alcides subiit; haec illum regia cepit.  
 Aude, hospes, contemnere opes et te quoque dignum  
 Finge deo, rebusque veni non asper egenis. 365

conculcentem. — 353, 354. *Aegis* h. l. clipeus sine controversia, cum alibi ambiguum sit, de thorace an clipeo Iovis et Palladis accipienda sit; sic Inf. 435. Ceterum haec Iovis aegida incutientis species manifeste ex Homero est adumbrata Il. 2, 164. — 163 de Troiae excidio: Εσθεται ἤμαρ... Ζεὺς δὲ σπεν Κορινθίης... Αὐτὸς ἐρωσίστην ἱερμὴν αἰγίδα πᾶσι, Τῆσδ' ἀκέρως ποτίων. Haec ille de irato Iove ad incutendum terrorem vibrante aegidem ante ora Troianorum; ut heroes fulgentem aere et radiantem sole elipsum quateret et ingerere oculis hostium linguitur. Similiter Iupiter fugat Achivos Il. 6, 59 sqq. καὶ τὸτ' ἄρα Κορινθίης ἔλκετ' αἰγίδα θυσσώνουσας Μαργαρίην, ἵδεν δὲ κατὰ νεφέσσι κάλυψεν, Ἀστράφες δὲ μάλ' αὖτε μέγ' ἔκτυπε, τὴν δ' (aegidem) ἐτίναξεν Νέκην δὲ Τρώεσσι δίδου, ἐφύβησε δ' Ἀχαιοὺς. Simili modo h. l. Iupiter aegidem concutit et fulminat, et quidem alterum facit laeva, fulmen iacit dextra. Pro fulmine ponit adiunctum nimbus, prope. nubes fulminea; et propter hos aegis nigra, nube nigra et caliginosa per tempestatem inducta.

355—358. Habet nescio quid religionis veneranda haec antiquitas ruinae duorum antiquissimorum oppidorum, quam hospiti suo monstrat. Evander. Fuit enim fama vetus de Ianiculo et arce Saturnia, duobus antiqua oppidis in montibus Ianiculo et Capitolino, olim Saturnio dicto. V. Varron. de L. L. IV, 7.

359 sqq. Etiam in his vetus simplicitas delectat, imprimis cum magnificentia senioris aetatis comparata. — *Limina Carinis*, qui in IV Regione locus fuit ab Arcu inde Constantini inter Esquilias et Coelium procedens, Pompeii M., Antonii aliisque magnificia sumtuosisque domibus ornatus; unde *laetae Carinae*. — 362. *Vt ventum ad sedes*, Evandri domum in Palatino monte, in quo conditum Pallanteum, niox Pallantium et Palatinum dictum, ut v. 54. — 364, 365. Nihil magnificentius his versibus dici potest. *aude contemnere*, generosis animo ad contemnendas opes: tamquam de re ardua et difficili, ut virtute opus sit ad espellendam murationem divitiarum; et *te quoque dignum finge deo*. Compose te mentemque informa ad similitudinem

Dixit et angusti subter fastigia tecti  
 Ingentem Aenean duxit stratisque locavit  
 Effultum foliis et pelle Libystidis ursae.  
 Nox ruit et fuscis tellurem amplectitur alis.

At Venus haud animo nequidquam exterrita mater  
 Laurentumque minis et duro mota tumultu  
 Vulcanum adloquitur, thalamoque haec coniugis aureo  
 Incipit et dictis divinum adspirat amorem :  
 Dum bello Argolici vastabant Pergama reges  
 Debita casurasque inimicis ignibus arces ,  
 Non ullum auxilium miseris , non arma rogavi

munis; h. e. fac, redde te similem  
 Herculis in contentu hoc inopia fa-  
 stus. Generalior notio est, dignus  
 qui succedat in locum dei aut in ho-  
 norem dei, nunc in mentis habitum,  
 qui dei, herois Herculis fuit, cui non  
 sordebat humilis casa. non asper, non  
 alienus, infestus ideoque non fasti-  
 diosus. — 366-368. E more prisci  
 aevi. Cf. Odyss. ξ, 48. Orph. Argon.  
 409. De *Libystide ursae* v. ad lib. V,  
 37. Etiam imago Noctis v. 369 nota-  
 bilis.

370 sqq. Qui sequitur locus, meo  
 iudicio artis magis quam ingenii lau-  
 dem habet. Nimis manifesta imita-  
 tionis Homericae sunt vestigia simul-  
 que ieiunae copiae, quae fere imita-  
 tionis studium prodere solet. Thetidis  
 ad Vulcanum accessus, ut Achilli ar-  
 ma peteret Il. ε, nullo maiorem  
 habet suavitatem ex simplicitate pri-  
 scae vitae ibi adumbrata: habet etiam  
 causam multo magis idoneam; ami-  
 serat enim Achilles arma Patroclo  
 detracta. Vnam praecederet saltem  
 locus egregius lib. XII, 87 sqq. de  
 insignibus armis Turpi: his ut divina  
 arma opponerentur, erat, quod ex-  
 spectabas. Nunc Venus adit maritum

eumque illecebris suis delinitum amo-  
 reque devinctum ad amplexus suos  
 invitat. In quibus primum redhibitus  
 est locus praestantissimus Il. ξ, 294  
 sqq., ubi Iano Iovem simili modo  
 circumvenit; sed eo consilio, ut alta  
 eum sopore opprimeret, quo pugnae  
 inter Achivos et Troianos fortunam  
 mutare posset. Hic vero Vulcanus v.  
 405, 406 obdormit, ut mox ante  
 diem ad laborem evigilet. Idem a  
 Venere ad somnum invitatur, cum  
 iam precibus facilem se et paratum  
 ostendisset. Friget aliorum imitatio,  
 ut Statii Theb. III, 262 347, ubi Ve-  
 nus Marti supplicat.

373. Venus dictis divinum adspi-  
 rat amorem: addit τὰς χάρις, τὴν  
 Σκάρπρον, ut delinrent verba Vul-  
 canum. Quod Lucretio est in simili  
 loco dulcissimo: tu sumes ex ore lo-  
 quelas funde lib. I, 40. — 375. De-  
 bita: potest ex sqq. inimicis ignibus  
 adiungi; idque melius. Servius: fa-  
 taliter ad exitum destinata. Ita vero  
 adiungi fere aliquid solet: *fatis mihi*  
*debita tellus* Aen. VII, 429; *generis*  
*debita* Aen. III, 484; *sors ista aene-*  
*tae Debita erat nostrae*; mollius etiam  
 XI, 165 *fata debita* dicuntur. Late



Artis opisque tuae nec te, carissime coniunx,  
 Incassumve tuos volui exercere labores;  
 Quamvis et Priami deberem plurima natis  
 Et durum Aeneae flevissem saepe laborem. 380  
 Nunc Iovis imperiis Rutulorum constitit oris.  
 Ergo eadem supplex venio et sanctum mihi numen  
 Arma rogo, genetrix nato. Te filia Nerei,  
 Te potuit lacrimis Tithonia flectere coniunx.  
 Adspice, qui coëant populi, quae moenia clausis 385  
 Ferrum acuunt portis in me excidiumque meorum.  
 Dixerat et niveis hinc atque hinc diva lacertis  
 Cunctantem amplexu molli fovet. Ille repente  
 Adcepit solitam flammam, notusque medullas  
 Intravit calor et labefacta per ossa cucurrit: 390  
 Non secus atque olim, tonitru quum rupta corusco  
 Ignea rima micans percurrit lumine nimbos.  
 Sensit lacta dolis et formae conscia coniunx.

vero in hoc causa, cur Vulcanum precibus tum non fallaverit. — 377. *nec te tuosve labores exercere volui incassum*, consumere et impendere. — 379. *natis*, solito more, pro uno, Paride. — 381. *Rutulorum oris*, variat orationem pro Latinis, a populo finitimo. — 382. Cf. *Iliad* σ, 457. *et sanctum mihi numen Arma rogo*, non: o sanctum mihi numen: sed: et rogo numen tuum, mihi sanctum, arma, h. e. rogo te, sed blandiore oratione effert: te, mihi semper venerandum. — 383, 384. Vt Thetis Achilli, sic Aurora Memnoni arma petierat apud poëtas Cyclinos, inter quos Arctini Milesii Αἰθωνίη fuit. Conf. Quincti Paralip. II, 451. *moenia*, urbes.

387. *niveis lacertis*, quippe δεινὰ λευκώλενας. Oratui autem extulit Homericum ἀγχιὰς ἱμαρτὸς II. ξ, et mos v. 388-392 versus Humericos ibid.

294-296. — 390. *labefacta per ossa*, in quibus medulla liquefacta, soluta est. Lucretiana dictio. *Proprie meus amore*, qui resisterat, impulsa, perensia, victa *labefieri* dicitur: sup. IV, 395, *magnoque animum labefactus amore*. Iam, cum labefacta solvantur, ruunt, cadunt (cf. Lucret. III, 599, 600, 601: I, 529, 530, 531), synonymum habitum pro solutus, diffuens: itaque etiam, igni quae dissolvuntur et liquefcunt, labefactari dicuntur Lucretio IV, 701, I, 493. — 391, 392. *Præelare flammam amoris penetrantem medullas ossium comparat cum fulgure vel fulgetro inter atras nubes errante tractu ac sulco tenui, quem rimam igneam ruptam* (proprie uubes rumpitur, sed sic saepe poëtae) dixit: *ea percurrit nimbos*, nubes densa et atras, *lumine corusco*. — 393. *lacta dolis* Est sane δολοφρονέουσα *Iliad* ξ,

Tum pater aeterno fatur devinctus amore :  
 Quid caussas petis ex alto? fiducia cessit 395  
 Quo tibi, diva, mei? Similis si cura fuisset,  
 Tum quoque fas nobis Teucros armare fuisset;  
 Nec pater omnipotens Troiam nec fata vetabant  
 Stare, decemque alios Priamum superesse per annos.  
 Et nunc, si bellare paras atque haec tibi mens est, 400  
 Quidquid in arte mea possum promittere curae,  
 Quod fieri ferro liquidove potest electro,  
 Quantum ignes animaeque valent....absiste precando  
 Viribus indubitare tuis. Ea verba locutus 405  
 Optatos dedit amplexus placidamque petivit  
 Coniugis infusus gremio per membra soporem.

329, sed ornatè laeta successu doli et fraudis suae. Sic IV, 428: *risitque doli Cytherea repertis*. Sic et formosè consoia, sentiens illa, quam vini venustas sua ad mariti animum nunc habeat.

394. aeterno... amore potentius verbum quam antiquo, pristino. Praeivit Lucret. I, 35: *aeterno devinctus volvere amoris*. — 395. Quid tam longe (Nonius: ex vetusto et antiquo) repetis argumenta, quibus me moveas? Aiunt Altium in *Armorum* iudicio ante oculos fuisse: *Cor cetero tam ex alto appetias dissidio, Agamemnon?* — 396, 397. *Similis si cura fuisset*, si tale quid eirasses, voluisses, si tibi cordi fuisset: etiam tunc fieri potuisset, ut Teucris, h. e. Aenae vel Paridi, arma pararem. — 398, 399. Scilicet fata innutari non possunt, differri possunt: supra VII, 343: *Non dabitur regnis, esto, prohibere Latinis, Atque immota manet fati Lavinio coniux, At trahere atque moras tantis licet addere rebus*. Servius notationem hanc ab Etruscis repetit; euiam

vero Homero et aliis illa non minus est frequentata. — 401-403. *Quicquid curae, operae, per artem meam possum promittere, quantum ignes animaeque valent*: sc. promitto. Hoc latet in verbis *absiste precando viribus indubitare tuis*, pro simplici, *absiste precari*. — 402. *electrum* Homeri exemplo Od. δ, 73 docte posuit, exquisitius metalli genus, certa portione argenti auro admixta, quod etiam arte fingi potest. V. Plin. XXIII, 4 a. 23. Conf. Serv. — 403. *ignes animaeque*, ventus flatu suo flammam alens augensque. Servius: spiritus, quo fabriles inflari folles solent. *Spiramentum* explicat Macrobi. I So. Sc. c. 14 m. — 405, 406. *fuudi, αἰχμάς*, dicuntur, qui procubere, iacent, recubant. *infusus per herbam*: ita nunc et *infusus*, ut incubans pro cubans, recubans. Tum Vulcanus *petivit placidum soporem per membra*, qui per membra deditur. Sic et sup. v. 30: *seron dedit per membra quietem*. Honestas orationis notabilis et a multis passim notata. Conf. Gell. IX, 10; sed

Inde, ubi prima quies medio iam noctis abactae  
 Curriculo expulerat somnum, quum femina primum,  
 Cui tolerare colo vitam tennique Minerva  
 Inpositum, cinerem et sopitos suscitât ignis 410  
 Noctem addens operi famulasque ad lumina longo  
 Exercet penso, castum ut servare cubile  
 Coniugis et possit parvos educere natos,  
 Haud secus ignipotens nec tempore segnior illo  
 Mollibus e stratis opera ad fabrilia surgit. 415  
 Insula Sicanium iuxta latus Aeoliamque  
 Erigitur Liparen fumantibus ardua saxis,

ea saeculo Virgilliano debetur. Si talia miranda sunt, mirer potius verecundiam Homericeorum versuum, qui pro illa setate castissimi et iidem elegantissimi sunt l. e. II. §, 346 sqq.

407 sqq. Praeclare ornata et ad miserationem composita comparatio, cuius prima quasi stamina agnoscere licet partim apud Homerum, Iliad. x, 433-435, partim apud Apollon. IV, 1062-1066 (nam locum lib. III, 291 sqq. perperam alii huc advocant). Si tamen quaeras, quam opportune illa h. l. intexta sit, cogitandum: Vulcanum surgere ad opus de nocte, quo tempore lanifica paupercula ad lucubrandum surgit. *ubi prima quies... expulerat somnum*, ut cibi satietas expellit famem, sic nunc usus quietis somnum, somnolentiam: » ubi a prima quiete evigilans circa mediam noctem sensit omnem iterum obdormiscendi cupiditatem expulsam, alacriter e stratis ad opus surgit. » *Burm.* — 408, 409. cui inpositum, quam necessitas cogit, est Homeri γυνή χροστής. *tennique Minerva* h. e. lanificio teouem victum praehente, ut bene Serv. Minoeram de oleo, quia ad lucernam nebat, Cerda accipiebat, ni-

mis argute et exiliter. Saltem esse de tenui texto, *tenui tela* cogitandum. — 412. H. e. ut habeat, unde vivat honeste ipsa et nati, servata maritalis tori pudicitia, ut bene Cerda. — 413 ex Homérico l. e. ἵνα παῖσιν αἰσίδα πατρὶν ἀπαύξει. — 414. Illo tempore haud secus nec segnior surgit Ignipotens.

416 sqq. In his ad maiorem elegantiam refinxit Homericæ, in quibus Vulcani officina in Olympo collocatur II. σ, 369. Cum poëtae veteres assignassent Vulcano loca et insula, quæ subterraneis ignibus notabiles erant (exemplum in ipsa Lemno apud Homerum est): licuit poëtæ unam ex Aeoliis vel Vulcaniis ponere, Ilieram, quam Vulcaniam, Ἡφαίστιαν, appellat communi nomine lamquam singulari, Liparæ proximam, monte mirabilem, qui nocturnas flammæ vomit. V. Auctor Aetnae 436 sq. Iuven. I, 8, et primo loco Scymnus Chius 256 sq. Egere de ea post Cluverium multi, cf. Dorvill. Sicula p. 20, 21 et iam ante ad Chariton pag. 678. (621 Lips.) Liparam, quæ et ipsa olim arsit, Callimachus Vulcani officinam ediderat Dian. 46 sqq., ubi

Quam subter specus et Cyclopuum exesa caminis  
 Antra Aetnaea tonant validique incudibus ictus  
 Auditi referunt genitum striduntque cavernis 420  
 Stricturae Chalybum et fornacibus ignis anhelat,  
 Volcani domus et Volcania nomine tellus.  
 Hoc tunc ignipotens coelo descendit ab alto.  
 Ferrum exercebant vasto Cyclopes in antro,  
 Brontesque Steropesque et nudus membra Pyracmon.  
 His informatum manibus iam parte polita 425  
 Fulmen erat, toto genitor quae plurima coelo  
 Deiecit in terras; pars imperfecta manebat.  
 Tris imbris torti radios, tris nubis aquosae  
 Addiderant, rutili tris ignis et alitis austri. 430  
 Fulgores nunc horribiles sonitumque metumque  
 Miscebant operi flammisque sequacibus iras,

v. Spanhem., et alterutrem sub νό-  
 σου πλάγχαζε nomine Apollon. III,  
 42. ubi v. Schol. Vulcanum *Liparacum*  
 Theoc. Id. II, 133, 134, dixit: hic  
 quidem munus opportunissime tam-  
 quam Siculus. *erigitur*, ut alius, *surgit*, site est, sed cum notatione mon-  
 tium, et quia omnino insulae *altat*.  
 — 419. *Antra Aetnaea* simpl. pro igni-  
 vomis, quis dubitet, e similitudine.  
 Aliena eunt, quae de antris subterra-  
 neis inter Aetnaam et Hieram contiguas  
 suspicati sunt nonnulli. Eiusmodi acu-  
 men poeta non sequitur. — 420, 421.  
 Ornati versus. Comparari potest Cal-  
 lim. Del. 144, adde Dian. 55. *referunt*  
*genitum*; repetuit sonum h. e.  
 resonant per antra ictus incudum, ut  
 apud Herodot. I, 67, τύπος ἀντιτυ-  
 πος. *stricturae*, quas ornatè *Chalybum*  
 dixit (v. Ge. I, 58), non sunt h. l.  
 σπινθήρες nec quae proprie metallo  
 dicuntur, unde aes excoquitur; sed  
 μύδρα, massae ferri, quae procedun-

tur. Cf. 450 et 453. Mox v. 423 hoc  
 eutique pro hoc.

424, 425. Libera quidem erat no-  
 minum informatio, sed Brontem et  
 Steropen etiam elii habent: Hesiod.  
 Θ, 140. Callim in Dian. 68. Plin. II.  
 N. XXXV, 10 s. 37, 17. Statium et  
 Claudianum v. sp. Cerdem. Pyracmo-  
 nem aliunde accepit; Argen memorat  
 Apollod. I, 1, 2, ubi in not. p. 9 vide  
 de discrimine inter hos et antiquiores  
 Cyclopes. — 426-428. Nota inversam  
 orationem pro: parte iam polita, parte  
 adhuc imperfecta. *fulmen*, quae plu-  
 rimus, quod genus fulminum, ex quo  
 genera plurima; frequens poetarum  
 figura: κῆτος ... εἰς τε πολλὰ τρέψα  
 κλυτός Ἀμπερσίης Od. ε, 422 et saepe  
 alibi. Variant haec nallinem et de-  
 lectant. — 429-432. Ingenisse in ful-  
 minis materiam vertit ea, ex quarum  
 conflictu fulmen nascitur, grandinem  
 (imber tortus h. e. constrictus et coac-  
 tus in grandinem: IX, 671, quam

Parte alia Marti currumque rotasque volucris  
 Instabant, quibus ille viros, quibus excitat urbis;  
 Aegidaque horrifera, turbatae Palladis arma, 435  
 Certatim squamis serpentum auroque polibant,  
 Connexosque anguis ipsamque in pectore divae  
 Gorgona, desecto vertentem lumina collo,  
 Tollite cuncta, inquit, coeptosque aufert labores,  
 Aetnaei Cyclopes, et huc advertite mentem. 440

multa grandine nimbis In vada pro-  
 cipitant, cum Iupiter horridus austria  
 Torquet aquosam hiemem, et caelo  
 cava mobila rumpit), nubem, ignem  
 et ventum. Haec fere ex Servianis  
 amplector; cetera sunt respuenda. Fa-  
 cit autem fulvae duodecim cuspidum,  
 radiorum, ἀκτῶν, trinis in quaterna  
 latera, qualia fulmina passim in mo-  
 numentis, saepe in clipeis, in primis  
 in numis occurrunt, etsi alibi alia  
 forma tribuitur. Hic autem postea  
 ante oculos et argutius expolivit locum  
 Apollonii Argon. I, 730-734, ubi  
 una cuspis adhuc imperfecta, quam  
 Cyclopes procedunt, μακροῖς πυρὸς  
 ζαίονσιν ἄστρῳ. Vt vero, cum Vul-  
 cani officina semel memorata esset,  
 opera inchoata et effecta subiiceret,  
 poetæ ingenio et doctrinae in promptu  
 esse debuit; etsi et in hoc praeivit  
 Homer. II. 5, 373 sqq. Conf. Callim.  
 in Dian. 49, 50, ubi satia icinus equo-  
 rum Neptuniorum aquarum produci  
 narratur. Quanto grandius et subli-  
 mius est phantasma, quod fulminis  
 materiae fulgores, sonitum, metum  
 et flammam sequentem admiscent Cy-  
 clopes!

433, 434. Marti currus bellicus  
 proprio tribuitur, ex heroici aeculi  
 more bellandi. Quod ait: quibus ille  
 viros, quibus excitat urbes, h. e. qui  
 curru vectus ad bellum concitat, ex

istis illustrantur VIII, 3: *Vt belli  
 signum ... Vtique acres concussit equos*  
 etc. conf. Hesiod. Scut. Herc. 491-  
 495. Est Mars λαοστός ap. Hom. *Is-  
 tabant currum*, ut festinare aliquam  
 rem, ut insequi, urgere: quae illu-  
 strat Heins. ad XII, 7, 8, pro vul-  
 gari iustare operi.

435-438. Hic dubitari potest,  
 sitne aegis de thorace an de clipeo  
 (conf. ad 354) accipienda, hacte-  
 nus, ut de thorace non nisi v. 437  
 agatur, ipsamque in pectore divae  
 Gorgona. Expeditio tamen videtur  
 ratio, si totum locum de thorace  
 interpreteris, cuius estremæ orae  
 anguibus connexis et inter se impli-  
 citis sunt cinctae, in medio Gorgone  
 posita: cuius generis exempla pas-  
 sim occurrunt; ut unum commemo-  
 rem, quod adire fortasse in promptu  
 est, v. Spene. Polymet. t. IV, 4, *tur-  
 batæ*, iratae, ut saepe, v. e. Silii lib.  
 IX, 463. — *vertentem lumina*, de  
 oculis torvis, obliquis, ex ira et fu-  
 rore; aut potius de inversis, deficien-  
 tibus, deiectis ac fere clausis, quippe  
 in capite resciso. *βλοσυροῖς Μιδεύσεος  
 καὶ στυγερὰν δὲ Μιδεύσεος* dixit Quintus Cal.,  
 qui omnino de aegide comparandus,  
 lib. XIV, 451-457.

440. *Aetnaei*, Αἰτναῖοι, Cyclopes.  
 Cf. ad v. 419. In sqq. festinationis  
 felix notatio brevitate et celeritate

Arma acri facienda viro ! Nunc viribus usus,  
 Nunc manibus rapidis, omni nunc arte magistra !  
 Praecipitate moras ! Nec plura effatus ; et illi  
 Ocius incubuere omnes pariterque laborem  
 Sortiti. Fluit aes ravis aurique metallum 445  
 Volnificusque chalybs vasta fornace liquescit.  
 Ingentem clipeum informant, unum omnia contra  
 Tela Latinorum ; septenosque orbibus orbis  
 Impediunt. Alii ventosis follibus auras  
 Adcipiunt redduntque ; alii stridentia tinguunt 450  
 Aera lacu ; gemit inpositis incudibus antrum ;  
 Illi inter sese multa vi brachia tollunt  
 In numerum, versantque tenaci forcipe massam.  
 Haec pater Acoliis properat dum Lemnius oris,  
 Evandrum ex humili tecto lux suscitât alma 454  
 Et matutini volucrum sub culmine cantus.  
 Consurgit senior tunicaque inducitur artus  
 Et Tyrrhena pedum circumdat vincula plantis.

verborum observetur: Nunc utendum viribus, manibus, arte. — 445, 446. Cf. Iliad. σ, 474. — 446. *chalybs* pro ferro. — 448. *septenos orbibus orbis impediunt* ornate pro faciunt. Sed quisnam illi orbis sunt? non circuli, puto, in clipei asperficie ducti, sed laminae aerae aliae super aliam impactae, ut septemplex esset clipeus, quales Homericæ πτόχης sicut l. e. 494. cf. II. v, 269 sq. et π, 247. — Versus 449-453 iam in Georgicis vidimus IV, 471 sqq.

454 sqq. Artem poëtae in variato rerum et orationis caractere observa. Lenia et simplex candidaque nunc fuit oratio, roque tanto magis grata, quod strepitibus et tumultibus succedit. Comparent, quibus volupte est haecnicum amicum cognoscere, II. β,

42. Odyss. β, pr. δ, 307. o, 60. v, 424, et ad v. 459, cf. Odyss. π, 261. ξ, 528. Etiam hoc ex heroica aetate, quod Evandrum v. 461, 462 duo canes comitantur: v. Od. β, 44. p, 62. — 456. *volucrum sub culmine*, in domo vel casa Evandri. Miror hoc adiectum: sunt igitur galli gallinacei intelligendi; nam hirundines non facile e somno exeitant dormientes nec ad hunc usum a poëtis advocantur (Auctor tamen carminis Anacreont. XII queritur de ὑποσπίαται πικρὰς τῆς χυλιδόνας λαλῆς. R.). Sub lucis ortum, sic optime interpreteris, et volucrum cantum Evander evigilavit. — 458. *Tyrrhena vincula*; ornatus causa Tusculi calecamentum possit. Servius dicit: a crepidas, quas primo habuere Senatores, post equitica Ro-

Tum lateri atque humeris Tegeaeum subligat ensem,  
 Demissa ab laeva pantherae terga retorquens. 460  
 Nec non et gemini custodes limine ab alto  
 Praecedunt gressumque canes comitantur herilem.  
 Hospitis Aeneae sedem et secreta petebat  
 Sermonum memor et promissi muneris heros.  
 Nec minus Aeneas se matutinus agebat. 465  
 Filius huic Pallas, illi comes ibat Achates.  
 Congressi iungunt dextras mediisque residunt  
 Aedibus et licito tandem sermone fruuntur.  
 Rex prior haec :  
 Maxime Teucrorum ductor, quo sospite numquam 470  
 Res equidem Troiae victas aut regna fatebor ;  
 Nobis ad belli auxilium pro nomine tanto  
 Exiguae vires. Hinc Tusco claudimur amni,  
 Hinc Rutulus premit et murum circumsonat armis.  
 Sed tibi ego ingentis populos opulentaque regnis 475

mani; nunc milites». Simili orna-  
 mento patrium, Arcadium seu *Te-  
 gearum* ensen dedit; etiam nullum in-  
 signis ensis genus fuit. — Versus  
 460 ornatissimus est: amictus pelle;  
 sic tegumen torquens immane leonis  
 VII, 666. Mox *limine ab alto* perpe-  
 tuo et proprio liminis epitheto; nam  
 alioquin alienum erat a eosa exigua  
 altum limen. — 473. *secretum*: par-  
 tem aedium interiorum, ad quam  
 Aeneam vesperi deduxerat; Ge. IV,  
 403. *In secreta senis dycom*. — 464.  
*promissi muneris*: vide v. 470, 471.  
 — 465 *ἄρπυιες ἤκων, ἰστρυπες ἤλδης*  
 et alia; et se agebat: ut VI, 337, *Ecoe*  
*gubernator sese Palinurus agebat*,  
*ὑπνῶτο, se movebat, incebat*. IX,  
 696, *is enim se primus agebat*. Con-  
 venit, *ferre se*. Mox 477 *huc te affers*.  
 — 467. *mediis aedibus*: etiam hoc ad

formam aedium heroici aevi, in qui-  
 bus e vestibulo *ἄλυσος* (pro quo Ro-  
 manorum atrium fuit) introeuntem  
 exiepiebat per totas aedes patens; in  
 intimo recessu focus eum Penatibus,  
 v. inf. 541, ut ex Nonni lectione  
 constat.

472. *pro nomine tanto*: non video,  
 quam commoda sententia sit, si  
 Troianorum vel Aeneae nomen et  
 genus vel fama intelligatur; satius est  
 ei simplicissimum ad Evandri et Ar-  
 eadem nomen referre, pro: fama,  
 quae te ad nos adduxit. Perperam  
 refertur ad bellum ipsum, ut nomen  
*belli tantum* sit, vel fama de belli  
 magnitudine vel ipsa belli magnitudo.  
 — 475. *opulentaque regnis contra*:  
 volebat dicere *opulenta regna*, ap-  
 posite ad *ingentes populos*. Promptum  
 erat hoc mutare in *castra opulentorum*

Iungere castra paro, quam fors inopina salutem  
 Ostentat; Fatis huc te poscentibus adfers.  
 Haud procul hinc saxo incolitur fundata vetusto  
 Urbis Agyllinae sedes, ubi Lydia quondam  
 Gens bello praeclara iugis insedit Etruscis. 480  
 Hanc multos florentem annos rex deinde superbo  
 Imperio et saevis tenuit Mezentius armis.  
 Quid memorem infandas caedes, quid facta tyranni  
 Effera? di capiti ipsius generique reservent!  
 Mortua quin etiam inungebat corpora vivis 485  
 Componens manibusque manus atque oribus ora,  
 Tormenti genus, et sanie taboque fluentis  
 Complexu in misero longa sic morte necabat.  
 At fessi tandem cives infandâ furentem  
 Armati circumsistunt ipsumque domumque; 490  
 Obtruncant socios, ignem ad fastigia iactant.  
 Ille inter caedes Rutulorum elapsus in agros  
 Confugere et Turni defendier hospitibus armis.  
 Ergo omnis furiis surrexit Etruria iustis;  
 Regem ad supplicium praesenti Marte repossunt. 495  
 His ego te, Aeuea, ductorem millibus addam.  
 Toto namque fremunt condensae litore puppes

*regnum vel opulentis regnis; hinc exquisitior forma suborta: castra opulenta regnis, ut alia similia passim. regna autem pro regno: nam de una Agylla agitur. Opes veterum Etruscorum satis notae: v. Liv. V, 33.*

478. *Agylla s. Caere prima opibus inter Etruscos floruit et propter maritima commercia omnium prima Graecis innotuit. — saxo vetusto, antiquo opere, ut bene Serv. cf. III, 84. — 479, 480. ubi proxime ad Agyllam seu Caere spectat nec tamen reliquam Etruriam excludit. A Lydis Etrusci seu Tyrrhiani ducuntur ex*

*vulgari veterum opinione, falsa tamen, quippe ex nominis similitudine ducta. Mezentii regis Caeretanorum nomen superbo, h. e. crudeli imperio infame, ex antiquis historiis adscivit. — 484. Di capiti, ut II, 490. VI, 529, 530. — 489. infanda furentem, ἀπατα, ἀπαύτως μαινόμενον, ἐκπύρωτον. — 495 praesenti Marte, bello non dilato, quippe hoc ipso tempore in armis sunt; et quidem classem pararunt, qua in altum evecti litus Rutulorum petant bellumque inferant Turno, ni Mezentium ad supplicium dediderit.*



Signaque ferre iubent; retinet longaevus haruspex  
 Fata canens: O Maeoniae delecta iuventus,  
 Flos veterum virtusque virum, quos iustus in hostem  
 Fert dolor et merita accendit Mezentius ira! 501  
 Nulli fas Italo tantam subiungere gentem:  
 Externos optate duces. Tum Etrusca resedit  
 Hoc acies campo, monitis exterrita divom.  
 Ipse oratores ad me regnique coronam 505  
 Cum sceptro misit mandatque insignia Tarcho,  
 Succedam castris Tyrrhenaque regna capessam.  
 Sed mihi tarda gelu saeclesique effeta senectus  
 Invidet imperium seraeque ad fortia vires.  
 Natum exhortarer, ni mixtus matre Sabella 510  
 Hinc partem patriae traheret. Tu, cuius et annis  
 Et generi fata indulgent, quem numina poscunt,

498 sqq. Hoc de Etrusco aruspice commentum, qui Caeretanis conatibus opportune intercedit, ut ad Aeneas adventum res differatur, inter postiora Virgillii inventa referendum videtur. Extraneo autem duci exercitus committendus, uti Lavinia externo viro iungenda lib. VII, 96 sqq. Esse hunc aruspice ipsum illum Tarconem v. 466 notat Iulius Sabinus: parum probabiliter. *O Maeoniae*: ex 479, 480. *Flos veterum*: Ennium hoc esse Servius testatur; etsi nec omnino infrequens, ex *ἄντων, ἄνδρ*; *flos et virtus* h. l. robur populi, qui antiquam originem a Lydis habet. — 504. *Hoc campo*, *δῆξιτις*, etsi oculis prospici non poterant castris Caere locata. — 505. *regni coronam*: nunc hoc, sed dictum ut *regni insignia* et subiectum hoc idem, tamquam genus, enumeratione partium (coronae et sceptri) facta. *Coronam* dixit diadema; fuerunt tamen

Etruscis et aliis Italis coronae ex lamina aures, etiam in sacris bacchiis: cuius generis exempla ubique videntur in vasis pictis. Coronam radiatam Latini regis v. inf. lib. XII, 462, 463. — 506. *mandatque insignia simpl.* mittit insignia regni: int. ex Etruscorum more, illa scilicet ipsa, quae memoravit; tacet reliqua, sellam eburneam, tunicam palinatam, togam pietam. Vida omnino Dionys. III, 61 pr. (p. 495). *Succedam*, eo consilio, ut succedam. — 508. *saecles effeta simpl.* pro annis, et, ut corpus *effetum*, *vires effetae in corpore* V, 396, nunc *senectus effeta*; ut *ager effetus*, V. ad VII, 440-510. Ni mixtum genus habens per matrem Sabinam partem patriae seu originis hinc, a Sabinis ideoque ex Italia, duceret, etsi patre externo, Evandro, natus. — 512. Qui *genus*, ortum, ex peregrina terra habens cum idoneis rebus gerendis aetate; et quem *numina* po-

Ingredere, o Teucrum atque Italum fortissime ductor.  
 Hunc tibi praeterea, spes et solatia nostri,  
 Pallanta adiungam; sub te tollerare magistro 515  
 Militiam et grave Martis opus, tua cernere facta  
 Adsuescat primis et te miretur ab annis.  
 Arcadas huic equites biscentum, robora pubis  
 Lecta, dabo; totidemque suo tibi nomine Pallas.  
 Vix ea fatus erat; defixique ora tenebant 520  
 Aeneas Anchisiades et fidus Achates  
 Multaque dura suo tristi cum corde putabant;  
 Ni signum coelo Cytherea dedisset aperto.  
 Namque improviso vibratus ab aethere fulgor  
 Cum sonitu venit, et ruere omnia visa repente 525  
 Tyrrhenusque tubae mugire per aethera clangor.  
 Suspiciunt: iterum atque iterum fragor increpat ingens.

*sunt, h. e. quem vaticinium designat.* Cf. ad Ge. IV, 7. — 513. *Ingredere*, ut Ge. I, 42: *Ingredere et votis iam nunc ausu te vocari.* Incipe, suscipe. — 516. *grave Martis opus.* Homerum: *μέγα ἔργον Ἀρης*. Il. λ, 733 et al. — 515, 516, 517. Praeclari versus sententiis et verbis. Maronem mirati sunt et imitati in hoc loco Valer. Fl. I, 269 sqq. Silius IV, 430, 431; adde Apollon. lib. II, 804, 805 etc. — 518, 519. Quadringentos equites mittit Evander, ut iter esset expeditum nec longa mora intercederet, quam obsidionis discrimen non admittebat. Tenendum hoc est, ne mirum videatur, cur Arcades equites potissimum poetae placuerint: cum aliqui Arcades nec equitatu valuerint nec in regione montosa et aspera valere potuerint; novae autem sedes in Italia vix equitatum suppeditaverint.

520 sq. Ex veteris Italiae religione

et poetae nostri perpetuo more res aliter vix expediri Aeneaeque animus erigi poterat, quam ostento vel augurio. Sed poeta novo id commento constituit, quod meteorum seu caenitum aëris ad strepitum ex armis coelitus a Venere allatis retulit: simplicissimum autem est de tonitruo sado coelo audito cogitare. Arma in coelo passim a superstitionis hominibus conspecta, belli et eladis signa, equidem huc non referam; nec Spencii acumen placet, Polymet. Dial. 20 n. 28, qui suroram borealem a poeta describi putabat. — 523. *Ni dedisset*: nova forma orationis, in qua mirer interpretes non haesisse. Ellipsis esse debet totius enuntiationis: *et diutius etiam in ea cogitatione defixi perstitissent*, Ni etc. Vulgaris forma erat: *cum Venus signum dedit*. Efformata oratio ferè ad illa 443 *nec plura effatus est illi pro: cum illi, et sic alla. aperta*, ut Ge. I, 393: *aperta*

Arma inter nubem coeli in regione serena  
 Per sudum rutilare vident et pulsa tonare.  
 Obstupuere animis alii, sed Troius heros 530  
 Agnovit sonitum et diuæ promissa parentis.  
 Tum memorat: Ne vero, hospes, ne quaere profecto,  
 Quem casum portenta ferant; ego poscor Olympo.  
 Hoc signum cecinit missuram diva creatrix,  
 Si bellum ingrueret; Volcaniaque arma per auras 535  
 Laturam auxilio.  
 Heu quantae miseris caedes Laurentibus instant!  
 Quas poenas mihi, Turne, dabis! quam multa sub undas  
 Scuta virum galeasque et fortia corpora volves,  
 Thybri pater! Poscant acies et foedera rumpant!

*serena.* Vti nubes coelum dicuntur obducere, sic nunc aperitur illud. Cf. mox v. 527, 528. — 526. Clangor armorum, quae movebantur per aërem deportata a Venere, comparatur cum clangore tubae: *Tyrrhena* (pro Tyrrhenica) *tuba*, a Tyrrhenis, ut notum est, inventa: et doctius: *Tyrrhenus clangor tubae*. — 529. *pulsa*, impulsu, allisa sibi invicem. *tonare* pro simplici sonare.

531. et agnovit diuæ promissa parentis, et v. 534 *Hoc signum* etc. Bene Servius: κατὰ τὸ συνώνυμον intelligimus Venerem ei promississe. Clarior res ap. Homer. v. II. v, 189. Ceterum poetam hic in malum locum intulisse pedem apparet. Debebant enim, ut vis carminis esset satis magna, ea nunc omnia subleui, quae vs. 608 usque ad f. libri sequuntur. Ille etiam multo magis vacasset animus iis cognoscendis, quae de elipei argumento memorantur, quam cupiditate per illa, quae interiecta sunt, repressa et obtusa. Sed in hac ratione alia fortasse occurrebant, quibus se premi sentiebat;

ut adeo alterum praeferret. Vno modo subveniri posse videtur poetae hoc: nunc tantum narratur prodigium in nubibus ortum subili clangoris; quale meteorum illud est, quod saepe vulgus terroribus exanimavit, fragoris in aëre, procurentium fulgurum, micantium ignium. — 533. *ego poscor Olympo*, tertio casu pro *ab O.*, me Olympus poscit, me vult, respicit, h. e. ad me ostentum aëris spectat, nihil est, quod vos terreamini. Alio modo diceret *se posci Olympo* is, qui in eum attollitur, evahitur deus factus: cf. Soph. Oed. Col. 1542 ὃ παῖδ' is etc. — 538, 539. Historica quidem veritate ac fide haec non memorantur; nec ad Tiberim pugna facta est: sed poetico phantasmathe, praeclare; saltem Latium intelligi potest (Poeta tamen repetiit hanc eandem sententiam XII, 35 sqq. et, nisi fallor, omnia se optime habent, quum in vicinia fluvii oppugnatio et pugna fierent. R.) In idem inciderunt Silius II, 453, 456. Statius Achill. I, 81 sqq. Adde Stat. Theb. II, 460, 461. III, 210 sqq. et passim

Haec ubi dicta dedit, solio se tollit ab alto  
 Et primum Herculeis sopitas ignibus aras  
 Excitat hesternumque Larem parvosque Penatis  
 Laetus adit; mactant lectas de more bidentis  
 Evandrus pariter, pariter Troiana iuventus. 545  
 Post hinc ad navis graditur sociosque revisit:  
 Quorum de numero, qui sese in bella sequantur,

alii; item Horat. I, Od. 45: *Eheu quantus equis* etc. — 540 quasi: eam nunc et flagitent bellum. Serv. cf. sup. VII, 317.

542, 543. Surgit Aeneas et ad aram seu focum aedium accedit, Penates precatur. In verba plura nos teneat. *Herculeis sopitas ignibus aras* doctius dictas esse quam *ignes sopitos in aris* vel *ignes aras* in promptu est intelligere. Sed *Herculeos ignes* non satis expedit. Herculis ara ante urbem in luto erat: sup. vs. 101. De alio quam de sacro Penatibus in penetralibus domus facto locus vix intelligi potest. Iam *ignes Herculei* in foco vel ara Penatium sopiti aut ornantur epitheto hoc respectu Herculis, qui olim eandem ad aram sacra fecisse putandus est (cf. 362 sqq.); aut intuitu moris religiosi, quo ignis ex sacro Hercules hesterno (vide v. 402, 404) servatus et in focum domesticum repositus fuerat (Sic Cerda et alij); aut Hercules fuit Evandro Penatium loco Geniusque ideo seu Lar domesticus. Suspicatus sum iam olim *Heretis ignibus* scriptum fuisse a Marone, lovis Hercei ara in penetralibus posita. *Larem hesternum* si iungis cum *excitat*, accipies pro foco et igitur hesterno, heri accenso in foco, ante Larem; ut sint: *ignes in ara et larem hesternum* excitat. Hoc perquam durum est, etsi solet ita poeta eandem notionem his

terve ornare; sin iungas: Et... *excitat hesternumque Larem parvosque Penates adit*, id quod sollemnis sententiarum ordo in poeta suadere potest, alio modo laboras in iunctis sine ulla vi et sine more *Penatibus et Lare*: tum manet difficultas in epitheto *hesterni* Laris. Hactenus praeferrí potest *externumque Larem*: ἑξωθεν. Ita saltem sine offensione lectio procedit; *Et primum Herculis sopitas ignibus aras Excitat; externumque Larem parvosque Penates Lactus adit. parvos Penates* Evandri, parva sigilla, ut humilem casam decebat. — *adit* precando, προσερχεσθαι (Ignes heri in Herculis honorem incensi rursus suscitatur in aris, ubi Evander inprimis Herculi litaverat; vocantur itaque *herculei*: quo facto etiam *Lar*, quem heri modo noverat, et parvi Penates salutantur. Hanc simpliciorum rationem praeferram. R.) Puta haec fieri in suscipienda protectione et adeundo novo discrimine.

546. Anne adverso a litore Laurentino Pallantium navi advenerat Aeneas; sup. v. 90; nunc ea navi partem sociorum ad Ascanium et castra redire iubet; altera parte sibi adiuncta et Arcadibus comitibus terra per Etruriam Caere et ad Tarchonem (*Tyrhcaum regem*) proficiscitur, qui sese in bella sequantur. Paulo obscurior sententia; nam ad bellum non profi-

Praestantis virtute legit; pars cetera prona  
 Fertur aqua segnisque secundo defluit amni,  
 Nuntia ventura Ascanio rerumque patrisque. 550  
 Dantur equi Teucris Tyrrhena petentibus arva:  
 Ducunt exsortem Aeneae, quem fulva leonis  
 Pellis obit totum, praefulgens unguibus aureis.

Fama volat parvam subito vulgata per urbem,  
 Ocios ire equites Tyrrheni ad limina regis. 555  
 Vota metu duplicant matres, propiusque periclo  
 It timor et maior Martis iam adparet imago.  
 Tum pater Evandrus dextram complexus euntis  
 Haeret, inexpletum lacrimans, ac talia fatur:  
 O mihi praeteritos referat si Iuppiter annos! 560  
 Qualis eram, quum primam aciem Praeneste sub ipsa

ciscitur Aeneas, sed ad auxilia et societatem Caeretanorum parandam. Servius multis allatis nihil espedi. Dicendum, esse haud dubie viros delectos ad eorum belliseu pugnae, ut Aeneas latus tegerent in discrimine belli (pugnae, quae nux subeunda erat, R.), sicut et infra iterum v. 606: *et bello lecta iuventus*. Cf. X, 260 sqq. — 549. *segnis*, sine remigio; unde *defluit*. — 550. *Ascanio*: remanserat is apud Troianos in castris sub Tiberis ostia. Cf. sup. VII, 458, 459. De eorum autem adventu in castris nihil amplius memoravit poeta. Cf. ad X, 238. — 552. *exsortem*, eximium, ἑξαιρέτων. Adducitur equus Aeneae praecipuus. Cf. V, 354.

554 sqq. Non male sequentia ad sensum et affectum in tali rerum articulo efficta et exposita: Matrum timor; Evandri senis vota ac preces; totus discessus. Verss. 560 sqq. ex Homericis sunt adumbrati, Nestoris oratione II. η, 432 sqq., λ, 669 sqq. ψ, 629 sqq. Vlyssis ad Eumaeum

Od. ζ, 468 sqq. Laërtae Od. α, 375 sqq. Aliorum imitationes v. apud Cerdam. Fabulam de *Herilo* Praenestino: rum duce domesticam nescio unde acceperit; sed triplicem vitam ipse poeta fingere potuit ad exemplum eorum, qui caesi reviviscerent, aut ad exemplum Antaei vires a terra matre sumantis, in quam victus procubuerat. — 556. *propiusque periclo* It timor grammatice nihil aliud esse potest quam *timor it propius*, pro: timor est, fit propior, h. e. magis instat, fit maior, acrior, *periclo*, cum periculo quo magis hoc instat aut instare putatur. Mulieres prae timore propiores iusto se credunt esse periculo, ne amittant suos. Paullo aliter Silius I, 43: *propiusque facere periclo*, *Quis superare datum*. Sententia ipsa postulat sensum, augeri, aculeum fieri timorem, quo propius cum ipso discessu ad bellum sit et instat periculum seu periculi cogitatio. — 559. *inexpletum*, ἑκπλητόν, ut exsatiari flendo nequeat. — 564 ut sim talis, *qualis eram* etc. ὅσος

Stravi scutorumque incendi victor acervos  
 Et regem hac Herilum dextra sub Tartara misi!  
 Nascenti cui tris animas Feronia mater  
 Horrendum dictu! dederat; terna arma movenda, 565  
 Ter leto sternendus erat: cui tunc tamen omnis  
 Abstulit haec animas dextra et totidem exuit armis.  
 Non ego nunc dulci amplexu divellerer usquam,  
 Nate, tuo; neque finitimo Mezentius usquam  
 Huic capiti insultans tot ferro saeva dedisset 570  
 Funera, tam multis viduasset civibus urbem.  
 At vos, o superi et divom tu maxime rector  
 Iuppiter, Arcadii, quaeso, miserescite regis  
 Et patrias audite preces: Si numina vestra  
 Incolumem Pallanta mihi, si fata reservant, 575  
 Si visurus eum vivo et venturus in unum,  
 Vitam oro; patiar quemvis durare laborem:  
 Sin aliquem infandum casum, Fortuna, minaris,  
 Nunc, o nunc liceat crudelem abrumpere vitam!  
 Dum curae ambiguae, dum spes incerta futuri, 580  
 Dum te, care puer, mea sera et sola voluptas,  
 Complexu teneo; gravior ne nuntius auris  
 Volneret. Haec genitor digressu dicta supremo

ὡς ἡβούται Nestor II. π, 157. λ, 669. —  
 564. *Feronia* sup. VII, 800, *viridi gau-*  
*dens Feronia* luo. — *terna arma mo-*  
*venda*, ut ter reviviscens ter rebella-  
 rel ideoque ter esset vincendus: nam  
 mox: *totidem exuit armis*, ter apo-  
 liavit victum (*finitimo* mihi: restitui  
 cum Heinio aliisque e cod. medic. al.  
*finitimus* ex edit. Aldina 1514 flu-  
 xit. R.) — 572. Habent haec preces  
 tanto plus suavitatis, quod tanquam  
 praesensione aliqua tacita immiuentis  
 filio fati factae videntur. Nam in-  
 terimitur Pallas lib. X, 508. — 576.  
*venturus in unum*, iterum cum reviv-

surus et convenurus. — 578. *sin*: nota  
*εἰρηπία*. — 579. *crudelem vitam*, mi-  
 seram; quae enim miserum reddunt  
 aliquem, a crudeli ac saeva mente,  
 quae nec miseratur alterius, proficisci  
 videntur. — 580. Acutius sententiam  
 exulit Valer. Fl. I, 326, 327, ubi  
 a v. 325 vestigia Maronis legit: *Sua*  
*aliud Fortuna parat, misere paren-*  
*tum*; *Mors bona*, dum metus est ne  
 adhuc dolor. — 581. *sera*; ergo erat  
 τῆλυστος, in senectute patria natus.  
 — 582. *gravior ne nuntius volneret*,  
 ut τρώσαι ap. Homerum pro βλάψαι,  
 laedere, dolore adficere.

Fundebat : famuli conlabsum in tectā ferebant.

Iamque adeo exierat portis equitatus apertis, 585

Aeneas inter primos et fidus Achates ;

Inde alii Troiae proceres ; ipse agmine Pallas

In medio chlamyde et pictis conspectus in armis ,

Qualis ubi Oceani perfusus Lucifer unda ,

Quem Venus ante alios astrorum diligit ignis, 590

Extulit os sacrum coelo tenebrasque resolvit.

Stant pavidæ in muris matres oculisque sequuntur

Pulveream nubem et fulgentis aere catervas.

Olli per dumos , qua proxima meta viarum ,

Armati tendunt. It clamor , et agmine facto 595

Quadrupedante putrem sonitu quatit ungula campum.

Est ingens gelidum lucus prope Caeritis amnem ,

Religione patrum late sacer ; undique colles

585-608. A Pallasteo profectio fit ad castra apud Caere. — 588 Non agnosco hypallagen, ut sit pro chlamyde pictas; sed *picta arma* sunt auro argentoque distincta. Memorantur et alibi, XII, 381. XI, 660. — 589 sq. Homericam esse comparationem multi pronuntiarunt, nec tamen locum enotatum video, qui commode satis comparari possit Il. 8, 6, 7. de cunicula agitur, unde translatus est illud: ὅστι μάλιστα Λαμπρόν παμπαίνχσι λειομένοισι Παιωνίοις non igitur perfusus Oceani unda alio spectat, quæm ad ortum ex mari. Quem Venus etc., quis est stella Veneris, ut satis notum. At Il. 7, 317 est: εἷος δ' ἀστὲρ αἰτίμει' ἀστράσι νυχτός ἀπολύω Εσπερος, ὃς κάλλιστος ἐν οὐρανῷ ἵσταται ἀστὴρ. Cf. Apollon. III, 957 sqq., ubi de Sirio. — 594 splendidus versus de ortu in extrema coeli ora, qua mare ambit. Sup. Ge. IV, 232 : Τυγχετὶ simul os terris ostendit honestum. —

594. per dumos, per virgulta, silvas cf. Stat. II Theb. 496, 497. — meta viarum arante pro vis; proprie terminus et finis viae. — 596. Versum feliciter ipsi verborum sono rem referentem mirati sunt multi: comparatum quoque v. 465, 466, Il. 8. Odimus subtilitatem molestam in talibus: ipsum inflammasti impetum Iogenii in hæc, natura ducente, incidere necesse est; quomodo eodem aliquis celeriter facta languida oratione reddere maluit? putrem in pulverem resolutum, pulverulentum: quod iam vidimus Ge. I, 44. 215. II, 204. Praeierst Enoius apud Macrob. VI, 4 ex Annal. VI: totam quatit ungula terram, et Annal. VII: summo sonitu quatit ungula campum, et lib. XVII: it eques et planum cava concussit ungula campum. Repetit Maro versum inf. XI, 875. — 597. Caeritis: Caere, τὸ Καίρε, Καίρη, Καίρητα, Agylla, et, qui eam incolit, Caeres: unde potest ac-

Inclusere cavi et nigra nemus abiete cingunt;  
 Silvano fama est veteres sacrasse Pelagos,  
 Arvorum pecorisque deo, lucumque diemque,  
 Qui primi finis aliquando habuere Latinos.  
 Haud procul hinc Tarcho et Tyrrheni tuta tenebant  
 Castra locis, celsoque omnis de colle videri  
 Iam poterat legio et latis tendebat in arvis.  
 Huc pater Aeneas et bello lecta iuventus  
 Succedunt, fessique et equos et corpora curant.

At Venus aetherios inter dea candida nimbos  
 Dona ferens aderat; natumque in valle reducta  
 Vt procul egelido secretum flumine vidit,  
 Talibus adfata est dictis seque obtulit ultro:  
 En perfecta mei promissa coniugis arte

cipi *Caeritis* urbis et *Caeritis* fluminis. Minio perperam a Servio huc advocatur ex X, 183. Fluvius est *Caeretaonus*, oppido proximus, nunc *Fucina* dictus, ut Cluverius docet. Situm autem locorum hunc fere esse puta. Caere urbs in alto posita (sup. 478); prope urbem per agros defluit amnis, cui lucus adiacet. Agrorum plantitiem cum amne et lucu undique cingunt colles nemorosi, abietibus consiti: *colles cavi*, cavam convallem efficientes, et *nemus nigra abiete includere*, includunt, et *cingunt undique* lucum prope amnem. Alii *cingit*, ita ad solum *nemus* verbum grammaticè refertur: dummodo *colles et nemus* iungantur, h. e. colles nemorosi. Minus bene *lucus et nemus nigra abiete* iungantur: ita colles essent nudi et abietes in convalle. — 600. \**Pelagos*, *Qui primi fines a.* Agyllam inter eas Etruriae urbes memorat Dionys. Hal. I, 20. III, 58, quas Pelasgi potissimum insederint et in quibus Pelasgorum sermo praeval-

luerit et quae plurimum Pelasgici moris servarint. — 601. *Incumque diemque*; lucum Silvano consecrasse ferebantur advenae Pelasgi et solenne annum Silvano instituisse. — 603. Non male, puto, quaeras cum Servio: quomodo *castra in tutis locis* habere potuerint, si in valle et campis erant et e collibus prospici et adiri poterant. — 606. *bello lecta*, v. sup. ad 547. Aeneas cum suis in colle consederat. — 607. Reliqua poeta exsequitur lib. X, 148 sqq.

608. Haud dubie Maro, si carmini absolvendo vitae usus contigisset, melius hunc locum constituisset. Arma coelo delapsa iam supra, dum Evandri hospitio utebatur, memoraverat, re in prodigium versa 524 sq. Nunc, cum iode profectus ad Caere sub arbore consedisset Aeneas, ecce Venus adest et arma apportat. Compara II, 6, 615, 616 et τ, 3. *nimbos* pro nubibus, aëre. *secretum* docte pro: solum in secreto loco, apud flumen. — 612. *En perfecta*, cf. II, τ, 40,



Munera! ne mox aut Laurentis, nate, superbos  
 Aut acrem dubites in proelia poscere Turnum.  
 Dixit et amplexus nati Cytherea petivit; 613  
 Arma sub adversa posuit radiantia quercu.  
 Ille deae donis et tanto laetus honore  
 Expleri nequit atque oculos per singula volvit  
 Miraturque interque manus et brachia versat  
 Terribilem cristis galeam flammisque vomentem 620  
 Fatiferumque ensem, lorica ex aere rigentem,  
 Sanguineam, ingentem, qualis quum caerulea nubes  
 Solis inardescit radiis longeque refulget;  
 Tum levis ocreas electro auroque recocto  
 Hastamque et clipei non enarrabile textum. 625  
 Illic res Italas Romanorumque triumphos  
 Haud vatium ignarus venturique inscius aevi

44. *arte promissa*. cf. ad 531, 534.  
 — 617. *honore* puto dictum pro mu-  
 nere, ut γῆρας; munus parat hono-  
 rem. — 619 est Homericum τίπναι  
 etc. Iliad. τ, 19. *expleri* adspectu,  
 quod ex ipse re facile intelligas, sa-  
 tiari. 265 *expleri tuendo*, et l, 743 *ex-  
 pleri mentem nequit ardescitque tuendo*  
 fere ut νῆος ἐνπλήσσονται Odyss. λ,  
 454. — 620. *flammis vomentem* poë-  
 tica imago splendoris coruscantis, ex  
 Il. s, 4: ἀπὸ τοῦ ἐκ χόρουδός τε καὶ  
 ἀσπίδος ἀλάματος πυρ. — 622. *sangui-  
 neam*, Serv. cruentam, terribilem;  
 immo rutilam, si ex aere thoracem  
 erigites. Ornavit autem et ad terro-  
 rem usque auxit Maro, quod nude  
 posuerat Homerus Il. σ, 609: δῶρον  
 καὶ φαινέτερον πυρὸς αὐγῆς. *qualis*,  
 ut οἴη, omisso, talem, tam longe  
 fulgentem, qualis, qualiter nubes,  
 quum. — 624. Plin. XXIII, s. 20.  
 aet. . . an satis recoctum sit, splen-  
 dore deprehendente. — 625. *clipei non  
 enarrabile textum*: argumentum cli-

pei: iam varium et copiosum illud  
 erat, ut enarratu esset difficile.

626. Sequitur locus de clipeo Ae-  
 neae nobilissimus. Clipeum autem  
 cogita ita informatum, ut in medie  
 parte seu umbone mare esset cum  
 pugna Aetiaca: de qua s. v. 676 sqq.  
 Exterior ora in plures areas seu re-  
 giones discreta; quarum argumenta:  
 I. Lupa Romulum et Remum lactans  
 v. 630. II. Raptae Sabinae, bellum  
 foedusque inter Romulum et Tatium  
 factum 635. III. Meti Fufetii suppli-  
 cium 642. IV. Roma a Porcenna ob-  
 sessa cum Coelitis et Cloeliae facino-  
 ribus 646. V. Capitolium a Gallis  
 oppugnatum et, arce iam capta, ex-  
 citati anserum strepitu Romani ad  
 propugnandum ruentes 652. VI. Urbs  
 religionibus celebris ideoque pace flo-  
 rens 663. VII. Catilina in Tartaro  
 666. VIII et Cato in Elysiiis 670. —  
 627. *Haud vatium ignarus* h. e. prae-  
 dictionum, quas a vatibus Aeneas  
 exceperat. *Feceerat* et: inter caetera,

Fecerat ignipotens; illic genus omne futurae  
 Stirpis ab Ascanio pugnataque in ordine bella.  
 Fecerat et viridi fetam Mavortis in antro 630  
 Procubuisse lupam; geminos huic ubera circum  
 Ludere pendentis pueros et lambere matrem  
 Impavidos, illam tereti cervice reflexam  
 Mulcere alternos et corpora fingere lingua.  
 Nec procul hinc Romam et raptas sine more Sabinas 635  
 Consessu caveae, magnis Circensibus actis,  
 Addiderat, subitoque novum consurgere bellum  
 Romulidis Tatioque seni Curibusque severis.  
 Post idem, inter se posito certamine, reges  
 Armati Iovis ante aram paterasque tenentes 640  
 Stabant et caesa iungebant foedera porca.  
 Haud procul inde citae Metum in diversa quadrigae  
 Distulerant (at tu dictis, Albane, maneres!)  
 Raptabatque viri mendacis viscera Tullus  
 Per silvam, et sparsi rorabant sanguine vepres. 645  
 Nec non Tarquinius eiectum Porsena iubebat

quae poeta memorare non vult: secundum vs. 626. 28, 29. Illa de Lupa laetante Romulum et Remum pueros egregie et vividis imaginibus suavisque sententia sunt narrata v. 630-634; ut loties in numis et signis veterum aliisque operibus efficta occurrunt. *fitā*, enixa, ut alibi. V. Ecl. I, 50. *Mortis antrum* multi memorant, obivum illud in numis gemmisque.

635—641. *sine more, sine lege, ἀνόμω;* incomposite, lemere. Cf. VII, 277. V, 694. — 636. *caveam*, h. l. in circo dixit. *mognos Circenses ludos* dixit, quae Livio et aliis Consualia sunt Neptuno equestri celebrata; fortasse in horum locum Circenses successerunt. — 637. *consurgere bellum*: structuram invertit;

debebat sequi: et consurgens inde bellum novum. — 638. *Curibus severis*, ad Sabinorum disciplinam spectare facile intelligitur. — *porca caesa*, ex more perpetuo sacrorum in foederibus faciendis (v. c. Liv. I, 24.), quod et ipsum argumentum est multorum numorum, inprimis gentis Sulpiciae, Vetustiae, Antestinae.

642—645. Liv. I, 27, 28. — 643 docte magnaeque cum vi inversa oratio in illis: *at tu dictis, Albane, maneres!* pro quod in fide non maverat. *mendacis* proprie perfidi. Foeditas spectaculi ad nostrum sensum ingrata asperis et gladiatoriae pugnae aduetis Romanorum animis minus displicere potuit.

646—651. Liv. II, 9 sq. Effectus

Adcipere ingentique urbem obsidione premebat;  
 Aeneadae in ferrum pro libertate ruebant.  
 Illum indignanti similem similemque minanti  
 Adspiceres, pontem auderet quod vellere Cocles 650  
 Et fluvium vinclis innaret Cloelia ruptis.  
 In summo custos Tarpeiae Manlius arcis  
 Stabat pro templo et Capitolia celsa tenebat,  
 Romuleoque recens horrebat regia culmo.  
 Atque hic auratis volitans argenteus anser 655  
 Porticibus Gallos in limine adesse canebat;  
 Galli per dumos aderant arcemque tenebant,  
 Defensi tenebris et dono noctis opacae:  
 Aurea caesaries ollis atque aurea vestis;  
 Virgatis lucent sagulis; tum lactea colla 660  
 Auro innectuntur; duo quisque Alpina coruscant  
 Gaesa manu, scutis protecti corpora longis.  
 Hic exsultantis Salios nudosque Lupercos

autem Porsenna stans ad Tiberim. — 650. pontem sublieium evellens trabes sublieis impositas. *vinclis ruptis* simpl. de custodia accipiendum.

652—662. Liv. V, 47. In summo non clipei; sed in summo arcis Tarpeiae. — 654. Visabatur porro in Capitolio casa recenti culmo tecta, regia Romuli dicta. Pro erat ornate horrebat. — 655. Quae sequuntur, poetica sunt, non qualia ab artifice facile in metallo effingi potuerint. Anser volitans ad nostrum sensum dupliciter potest, non aeque ad sensus Romanorum. — 657. tenebant: de conatu, ut saepe; iam in eo erant, ut tenerent. et dono noctis opacae: paullo otiosius adiectum videtur. dono h. e. beneficio, munere. — 659 sq. Habitus Gallorum bene descriptus, etsi alieno fortasse loco. Notae eorum comae rutilae, saga virgata, aurei

torques, gaesa, acuta vasta. — aurea vestis. Mirum hanc de barba accipere Servium eumque sequi alios Si barba vestire geasa dicitur poetis, an propterea vestis absolnte de barba dicitur? Vestem intellige illa ipsa sagula ex auro facta ab artifice (seu ut colorem luteum et flavum referret, seu quod auro textas vestes amarent Galli. Cf. Silium IV, 455) versicoloribus segmentis vel virgis intertextis: qui quidem habitos, Gallis, Germania et Britannis frequentatus, Scotia nondum in usum esse desiit. lactea colla proprie de Gallis. Candidi poene sunt Galli omnes, nota vox Ammiani. duo gaesa, e more, v. Cluver. German. I, 44 et omnes eos, qui Gallicam et Germanicam antiquitatem recoquunt; item Cerdam ad h. l. et Helios.

663—666. Religiosa spectacula immiscet poetis: nota ancilia (Martis

Lanigerosque apices et labra ancilia coelo  
 Extuderat; castae ducebant sacra per urbem 665  
 Pilentis matres in mollibus. Hinc procul addit  
 Tartareas etiam sedes, alta ostia Ditis;  
 Et scelerum poenas et te, Catilina, minaci  
 Pendentem scopulo Furiarumque ora trementem;  
 Secretosque pios; his dantem iura Catonem. 670  
 Haec inter tumidi late maris ibat imago  
 Aurea, sed fluctu spumabant caerulea cano;  
 Et circum argento clari delphines in orbem  
 Aeque verrebant caudis aestumque secabant.

Kalendis vid. Ovid. Fast. III, 373 sqq.), Lupercalis (ibid. II, 267 sqq.), Flaminum caerimonias et pompam matronarum ad ludos vel sacra, ad quae pilentis vehi licuit. V. Liv. V, 25, 29. Sacra Cereri vel Carmentis facienda potissimum respicere potuit Maro. — 666. *mollia* pilenta appellat puto propter mollem et lentum incrementum, quem ipsa structura et sita editus ac celsus suasisse videtur. Servius penales currus interpretatur, ideoque mobiles, motu faciles, ut *mollia oscilla* Ge. II, 389. Iulius autem Sabinus *delicata* exponit. Saltem sic accipiam, quae mollium et delicatiorum hominum sunt carpenta. — 664. *Apex* lanceis vittis ornatus Flaminum proprius.

666—670. Et si alieno loco intrusa putem loca infera, praecelare tamen ea ornavit. *Catonem pios iura dantem*, pro iudice sedentem, quis non miratus est? Pro *Catilina* erant haud dubie, quos malis supplicio affectos videre; sed parum prudenter minusque decore posita Marium vel Sullam, Cinnam aliumve, qui remp. everterat, nominasset; contra in Catilina scelus manifestum et confessum. —

*pendentem scopulo*, puto tamquam equuleo distentum: tracta rei facie a Prometheo rupi alligato; pro vulture Furiae adsident. — *minacem scopulum* tamquam ruitorum et ruinam sua oppressurum. — *Furiarum ora trementem* ut sup. VI, 605-607: adde 574. — *dantem iura*, iudicem constitutum ut alterum Minos vel Rhadamanthum, memoratum sup. VI, 566. De *Catone Uticensi* agi liquidum est; vel ex opposito Catilinae alter oppugnavit patriam, alter libertatem propugnavit; nec vero alius, quam ad eius severitatem, respectus habitus videtur; quo magis vana est Servii aliorumque dubitatio verentium, ne Augusti Catonis memoria parum grata esse debuerit. Sed hoc refellere iam alii studuerunt, in primis ad Horat. I Carm. 42, 35.

671—674. *Inter haec* vel inter cetera; vel in horum medio. Oceanum Homeri Iliad. σ, 606, 607 ante oculos habuisse et delphines Hesiodi exempli Sc. Herc. 209-212, iudicio tamen parum severo intemuisse videtur. Alia Quinti Cal. imitatio lib. V, 93 sqq. Etlinaserat Vulcanus mare ad Actium; spuma albicante; belluis argenteis in

In medio classis aeras, Actia bella, 675  
 Cernere erat; totumque instructo Marte videres  
 Fervere Leucaten auroque effulgere fluctus.  
 Hinc Augustus agens Italos in proelia Caesar  
 Cum Patribus Populoque, Penatibus et magnis dis,  
 Stans celsa in puppi; geminas cui tempora flammæ 680  
 Laeta vomunt, patriumque aperitur vertice sidus.

mari aureo. Restabat materia navibus effluendis aë.

675 sqq. Splendida carminis pars, quam velim ipsam clipei argumentum a poetâ factum esse. Iam Propertio hic locus adeo probatus fuit, ut, etsi tum tota Aeneis nondum divulgata esset, ex eo tamen carminis summam præstantiam auguraretur: *Actia Virgilium* (juvet) *eustodia littora Phœki, Caesaris et fortes dicere posse rates: Quæ nunc Aeneas Troiani suscitât arma Iacæque Lavinis moenia littoribus. Cedite Romani scriptores, cedite Graii, Nescio quid minus nascitur Iliade*. lib. II, El. extr. In medio clipei, non maria: etsi hoc mediam clipei aream occupare putandum. Si tamen, præter pugnam, etiam fugam et triumphum complexa est, in plures partes ac regiones ea quoque area distincta esse debuit. *Actia bella*, pugnam Actiacam. *Instructo Marte*, hoc est classe instructa, *videre* *fervere* *totum Leucaten*: proprie classis fervebat, magno studii aestu se movebat, ad Leucaten: locum ex vicinia posuit, ut tanto maior rei esset species. Nam classis utraque obversa erat claustris et faucibus sinus Ambracii; pugnatum enim est in exteriore sinu versus mare patente. Agitur autem de ipsa pugna, non de iis, quæ antecesserunt. Alioqui locum haberet Florus IV, 41, 4: *Caesar... positisque in Epiro castris*

*Leucadem insulam montemque Leucaten et Ambracii sinus cornua infesta classe succinzerat. In sqq. non ubique ipsam rerum gestarum fidem, quod nimis religiosum fuisset, quam artis vel carminis rationes et opportunitates videtur sequutus. Nam classi universae M. Agrippa praefuit; Octavianus autem Caesar cum M. Valerio Messala aliisque rerum summæ, ubique res poscerent, prospicere satagebat. Italos praeclare, ut barbaricos opes Antonii v. 685 opponeret; et multo augustior rerum species in altero versu: Cum Patribus, populoque, Penatibus et magnis dis, ut eandem resp. a Senatu populoque Romano commissam tueri Augustus videretur. Penatibus et magnis diis, explicative alterum adiectum pro: et cum Penatibus, magnis diis (nisi forte penates ad Augustum et magnos deos ad rempublicam referre malis. R.): cf. ad III, 42. — 680, 684. geminas cui tempora flammæ Laeta vomunt. Perperam ad oculos Augusti fulgentes (v. Sueton. c. 79.) refert Servius et alii. Habuit poetâ in animo Diomedis easdem II, 4 sq. δαΐδ' αἰ ἐκ σφοδρῆς τε καὶ ἀντιδῶς ἀντιπαρὸν πῦρ etc. et in micululum conversus est galeae ex aere fulgor, qui radiorum vel nimbi speciem referre videri poterat, in primis si buccula galæae cogites. Laeta ad splendorem sq. lib. I, 594: laetos oculis affluet honoris. Sed cur*

Parte alia ventis et dis Agrippa secundis  
 Arduus agmen agens, cui, belli insigne superbum,  
 Tempora navali fulgent rostrata corona.  
 Hinc ope barbarica variisque Antonius armis, 685  
 Victor ab Aurorae populis et litore rubro,  
 Aegyptum viresque Orientis et ultima secum  
 Bactra vehit; sequiturque nefas! Aegyptia coniunx.  
 Vna omnes ruere, ac totum spumare, reductis  
 Convolsum remis rostrisque tridentibus, aequor. 690  
 Alta petunt: pelago credas innare revolsas  
 Cycladas, aut montis concurrere montibus altos:  
 Tanta mole viri turritis puppibus instant.  
 Stuppea flamma manu telisque volatile ferrum

*geminas flammis dixit?* accipio dictum poetica forma, cum deberet *geminis tempora* memorare. In vertice *aperitur*, lucet, apparet (proprie de oriente et in conspectum veniente *sistere*) stella Iulia, Caesaris capiti appingi solita in memoriam stellae crinitae, in quam inter ludos funebres habitos anima Caesaris abiisse credita est: v. ad Ecl. IX, 47. Eandem stellam respexit Propert. IV, 6. 29, 30.

682. *Parte alia aciei Agrippa classem agit ventis secundis.* Adversus fuerat ad quintum usque diem ventus. Plutarch. M. Anton. pag. 945 F. conf. Serv. in extrema parte notae ad v. 682. *arduis* aut ipse stans arduo in loco, aut navi ardua conspicuus. — 684. *navali corona*, quae eadem *rostrata*, rostris ex auro vallata, qua poullo ante donatus fuerat in bello Sicula, victo Sex. Pompeio. V. Vellei. II, 81, 3 et nuntio Agrippae. Doctius autem dixit *tempora rostrata*.

685. *ope barbarica.* Ex adverso expressus in aere Antonius cum copiis ex barbaris populis diversis (unde

*varia arma*) conscriptis, praeter legiones, quas habebat (cf. Plutarch. M. Anton. p. 944 B.); *vehit*, ducit copias ex Aegypto. — 686. *Victor ab Aurorae populis et litore rubro*, h. e. Eoo, magnifice ex sollenni poetarum more. Vult praelia cum Parthis, quibus Oriens tum parebat, dicere, inter quae nonnulla fuere satis felicia. Pari modo *Bactra ultima*, in remotissimo Oriente sita, nominat. Habuit Antonius auxilia a rege Medorum submissa, testante Plutarcho p. 944 C. Itidem sic v. 705, 706.

689. *reductis remis* proprie Ovid. Met. XI, 461: *resolvunt ad fortia pectora remos*. Tum *ruere* videtur dictum transilire, *ruere* sc. mare remis et ipsa carina: ut I, 35: *spumas salis aere ruebant*. — 691. *Alta petunt.* Compara Plutarch. p. 946 B. C. — 693. *puppibus turritis tanta mole*, tantae molis. Spectat hoc maxima ad Antonianas naves ad densos remorum ordines assurgentes, ad hoc *turribus et tabulatis adloventis* etc. Flor. IV, 11, 5 et sua magnitudine, in primis in ista remi-

Spargitur; arva nova Neptunia caede rubescunt. <sup>695</sup>  
 Regina in mediis patrio vocat agmina sistro,  
 Necdum etiam geminos a tergo respicit anguis;  
 Omnigenumque deum monstra et latrator Anubis  
 Contra Neptunum et Venerem contraque Minervam  
 Tela tenent. Saevit medio in certamine Mavors <sup>700</sup>  
 Caelatus ferro tristesque ex aethere Dirae,  
 Et scissa gaudens vadit Discordia palla,

gum inopia, ad regendum difficiles. Plutarch. l. c. Dio l. 32, 33. — 694. *stuppea flamma*: ad rerum veritatem, cum ab Antonio relictæ naves pertinaciter pugnare pergerent. v. Dio l. c. 34, 35. Horat. l. Od. 37, 43: *Vix una sopres navis ab ignibus*. — 695. *nova caede* sc. inter hos ipsos ignes missiles et navium incendia. At in verbis obscuritas est: *telis volatile ferrum spargitur*. Vix aliter dictum esse potest *ferrum* quam pro telis et sagittis. Tum vero quomodo *telis* telum emittitur? An *tela* pro machinis dicta? Vix putes fieri posse (Quidni, quum telo etiam de suoda usos esse conatet e Liv. 38, 29? R.) Si iungas *ferrum volatile telis*, ne sic quidem, nisi perquam dure, dictum pro *ferrum telorum*, *tela ferrea*. Lenius esset: *telum volatile ferro*. Sin *spargitur ferrum telis* h. e. per tela, missilia: non minus molestum hoc. Vix sana lectio. Saltem accommodatior altera: *telique*.

696. Acerbe hæc de Cleopatra. Potuit fortasse, quod tamen ignoro, sistri unus esse apud Aegyptios in bello. Ex hoc tamen loco non conficitur. In ludibrium versa re sistrum memoratur, quod regina cum turba spadonum et feminarum ludis et choreis vacante in medio classe versatur: sistri autem usus in lascivia Aegyptiorum

frequena. Docet quoque Propertii imitatio lib. III, 11, 43: *Ausa Cleopatra... Romanamque tubam ereptanti pellere sistro*. — 697. Necdum mortem futuram adnota sibi aspidem prospectit. Sequitur forte Virgilius aliquam famam, duo eam angues sibi admovisse.

698—703. Praelium deorum artifex effluerat in aere: ab una parte pugnant dii Aegyptii, ab altera Romani. In medio pugnam incendunt Mars, Dirae, Discordia, Bellona. Partim hæc ex deorum in praeliis Homericis interveniunt, partim, in primis Discordia et Bellona, ex preclaris locis clipei Aebillii ll. 6, 535-538 et clipei Ilerculis apud Hesiodum v. 248 sqq. 447, 453 sqq. adumbrata. Alias imitationes vide apud Quintum Cal. X, 53 sqq. XI, 8 sq. VIII, 486 sqq. — *latrator Anubis*, capite canino. Propertius, qui hunc librum nondum editum legerat (v. ad v. 675), hinc traxit lib. III, 11, 41: *Ausa Iovi nostro latrantem opponere Anubim* etc. — 701. *caelatus*, excelsus, nam de anaglypho agitur et *caelare* sic proprie in aera dicitur. *ex aethere Dirae* ideoque volantes. Reddidit eo nomine, puto, Κῆρυξ Hesiodi in Scuto Herc. 248 sqq. Homero sunt Κῆρυξ Ἰσχυάριος. Simili modo *Mors alata* pœtis est. — 702. *scissa Discordia*

Quam cum sanguineo sequitur Bellona flagello.  
 Actius haec cernens arcum intendebat Apollo  
 Desuper: omnis eo terrore Aegyptus et Indi,  
 Omnis Arabs, omnes vertebant terga Sabaei.  
 Ipsa videbatur ventis regina vocatis  
 Vela dare et laxos iam iamque inmittere funis.  
 Illam inter caedes pallentem morte futura  
 Fecerat ignipotens undis et Iapyge ferri;  
 Contra autem magno maerentem corpore Nilum,  
 Pandentemque sinus et tota veste vocantem  
 Caeruleum in gremium latebrosaue flumina victos.  
 At Caesar, triplici invectus Romana triumpho

703

710

*palla*. Redhibuit eam *lacerantem pe-  
 ctore vestem* Petron. c. 124. *Bellona*  
 cum flagello passim obvia.

704—705. Homero sublecta et haec  
 Apollinis species pro Iliacis muris pug-  
 nantis Iliad. π, 700 sqq.; sed prae-  
 clara cum arte et sollertia. Certavit  
 cum Marone Propert. IV, 6, 55, 56 et  
 68 et Albinovanus Eleg. in Maecen.  
 55, 56. Potuit tamen eam imaginem  
 facile menti obliuere signum Apollinis  
 sagittam emittentis, ἄρξβέλος, in pro-  
 montorio Actiaco positum. Pugnatum  
 autem, ut supra diximus, in conspe-  
 ctu Apollinis Actii in exteriori parte  
 sinus Ambracii; de quo videnda De-  
 lineatio et Descriptio eius aius au-  
 ctore d'Anville (in *Mém. de l'Acad.  
 des Inscri.* T. XXXII, p. 515). *Actius*  
*Apollo* v. ad III, 275, 707 sqq. Pri-  
 ma regina fugam circumspexit, ut  
 omnes tradunt: Plut. Anton. p. 946.  
 E.: Dio L, 33. — 707. *ventis vocatis*  
 v. ad lib. III, 253. et *laxos inmittere*  
 (hoc a curribus petiitum) pro: laxare,  
 solvere funes, ideoque vela explicare  
 et expandere. cf. X, 229 ibique not.  
 — 709. *pallentem morte futura*: quasi  
 praesensione mortis hanc fugam con-

sequutur. Pallorem autem argenteo  
 vel alio metallo debuit reddere arti-  
 flex: quoniamadmodum, ut *locustae vol-  
 unt exanimem exhiberet, ex aere et ar-  
 gento conflata massa unus fertur arti-  
 flex*. V. Plutarch. Conviv. Qu. V, 4;  
 et Aristonidas artifex, cum *exprimere*  
*vellet Athamantis furorem* ... *residen-*  
*tem poenitentia, aëre ferrumque mi-*  
*scuit, ut rubigine eius per nitorem aëris*  
*relucente exprimeretur verecundiae re-*  
*bor*, Plin. XXXIV, 14, s. 40. *Iapy-*  
*gem* proprie dixit; nam ab occiden-  
 tali illa plaga debuit venire ventus  
 Cleopatrae secundus.

711—713. Poëticum phantasma ma-  
 gnum et praeclarum. Fuga petitur  
 Nilus: is fugientes excipit. Propert.  
 III, 11, 51 in loco hinc expresso: *Fu-*  
*gisti tamen in timidi vaga flumina*  
*Nili* iam Fluviorum simulacra cogita  
 specie humana, recubantia et inferiore  
 corporis parte veste lecta, ut tamen  
 sinum facere possint, quem Nilus fu-  
 gientibus ostendat. Oruata singula,  
 etiam *latebrosa flumina*, quae pro la-  
 tebris nunc erant.

714 sqq. Tandem triumphus Au-  
 gusti erat ellictus in clipeo. Fuit is



Moenia, dis Italis votum immortale sacrabat, 715  
 Maxuma tercentum totam delubra per Urbem.  
 Laetitia ludisque viae plausuque fremebant;  
 Omnibus in templis matrum chorus; omnibus arae;  
 Ante aras terram caesi stravere iuvenci.  
 Ipse, sedens niveo candentis limine Phoebi, 720  
 Dona recognoscit populorum aptatque superhis  
 Postibus; incedunt victae longo ordine gentes,  
 Quam variae linguis, habitu tam vestis et armis.  
 Hic Nomadum genus et discinctos Mulciber Afros,  
 Hic Lelegas Carasque sagittiferosque Gelonos 725

triplex trinis diebus: Dalmatius, Actiacus, Alexandrinus. V. Sueton. Aug. 22 Dio LI, 24; necesse igitur est ab artifice ea, quae cuiusque diei essent, in unum fuisse congesta. votum immortale sacrabat: templa, opera immortalia dedicabat ex voto: et quidem magno numero; unde trecena dixit. Quae per reliquam Augusti vitam facta sunt, revocari postea sub unum tempus. Cf. Sueton. 29. Dio LI, 22.

717—719. Vivide laetitia publica describitur. Exquisite vero illa dicta pro vulgaribus: Omnibus in templis matronarum supplescentium coetus et arae, ante quas victimae immolabantur; unde strati iuvenci in terra et constrata terra iuvencia; tandem iuvenci stravere terram.

720 sqq. Splendida rerum species. Puta triumphatorem Octavianum iam intrasse urbem. Sedet pro tribunali sub porticu et aditu templi Apollinis Palatini et prospicit (exquisite recognoscit; arguitur Burm. in etymo vocis) succedentem pompam triumphalem, in qua portantur coronae aureae, dona populorum; ducuntur captivi una cum signis fluviorum. —721.

aptatque postibus: coronas ergo in foribus vel porticu templi suspendi curavit. — 724, 725. Vides manifeste, quod supra ad v. 686. monuimus, postam carmini dignitatem et maiestatem parare ex nominum novitate vel peregrinitate vel vetustate. — Nomadum genus et Afros. Eadem enim in Antonii partibus magna Africae pars a Cyrenis usque ad Aethiopiam, et interfuit Antonii copias Bogudes Mauretaniae rex; Plut. Anton. p. 944. B. Dio L., 6. discinctos Afros: molliem hominum arguit veste laxa et flente. An is proprius Afrorum habitus fuerit, aliunde ignoramus. Hinc Carthago discincta occurrit ap. Auson. Panegy. Gratiano dict. c. 44. Lelegas Carasque, ut nominum vetustate carmini dignitatem pararet, ponit pro populis et regibus minoris Asiae, quos enumeratos vides apud Plutarchum l. c. B. Leleges, de quorum aedibus Strabo lib. XIII multa disputat, cum Caribus oram Asiae maritimam tenuerant, antequam ab Ionibus eiecti ad interiora recesserunt. De his nec de aliis Lelegibus h. l. agitur. Frustra ad Dacos et Bastarnas nomen revocat Massonus

Finxerat; Euphrates ibat iam mollior undis,  
 Extremique hominum Morini Rhenusque bicornis  
 Indomitique Dahae et pontem indignatus Araxes.  
 Talia per clipeum Volcani, dona parentis,

in *Iano reserato* scet. III, c. 5, adversus quos M. Crassus bellum gessit. Meliore iure ad bellum illud referas *Gel-nos*, quos pro Dacis vicinis nominare potuit: nisi tamen pro Thracibus, ultra quos illi habitabant (conf. ad Ge. II, 445), dicti sunt, qui in Antonii copiis erant.

726. *Euphrates ibat iam mollior undis* h. e. leniore anme, ut donsitum ac ac subiugatum, h. e. populos acolas victos et subiectos, significaret. Vt *mollita* dicuntur et alibi, quae vieta ac confusa et ōrcitataque sunt: sic *mollis animi*, *mollia corda*. Notum autem vel ex Horatio: *Medumque flumen gentilis additum victis minores volvere vertices*: etsi hoc ad seriores annos spectat. Magno vero spiritu haec dicta et in rursus aucta amplificataque sunt. Adversus Parthos enim illo sono nihil aliud nec susceptum nec gestum, praeterquam quod Augustus, Aegypto in potestatem p. R. redacta, in Syriam reversus Paithorum legatos audīit. Conf. Ge. II, 470. IV, f. Si vero haec, quae sequuntur v. 726, 727, 728, ad triumphum illum recte referuntur, Euphrates et Araxes cum Dahis poetico more populos Orientis designant, qui Antonium sequuti erant; Morini autem et Rhenus triumphum primi diei Dalmaticum respiciunt, quo etiam de Morinis, extremae orae Galliae Belgicae ad fretum Britannicum populo (unde *extremi hominum Morini*, ut *ultimi Britanni*, *ultima Hesperia*, apud Horatium) et nonnullis Galliae

Germaniaeque populia rebellionis sociis, in primis Suevis Rhenum transgressis et a C. Carinate repressis triumphatum fuit; v. Dio LI, 21. Rhenus *bicornis*, Vahalis et Rhenus, ut tum quidem cursus erat, antequam Drusus tertium estium, Flevum, fossa ducta efficeret. *Dahae*, Nomades ad orientale Caspii maris litus versus Osum incolescentes ultra Hyrcanos. — *pontem indignatus Araxes*: nihil amplius, quam ut flumen rapidum ideoque pontis impatiens diceret eoque ipso feritatem accolarum Armenorum declararet. Sumserunt hinc Statius, Claudianus, Sidonius, quos apud Cerdam videre licet.

729. *Talia per clipeum*. Malim *clipeum*, *dona parentis*, matris Veneris, iungere, quam *talia dona parentis*. — 731. *famoniue*, κλέος, illustrium factorum sculpturam in clipeo. Ad hunc ultimum versum offenderunt passim viri docti: quibus praevit Servius seu quisquis ille fuit, quem lacinia pannis Servianis attestata auctorem habuit. *Hunc versum*, inquit, *notant Ciceri quasi superflum et inutiliter additum nec convenientem gravitati eius: namque est magis neotericeus*. Addisonus, qui pulchrae simplicitatis sensum habebat molliissimum, hunc versum esse aiebat, in quo Virgilius lusisse videretur. Iure notatum versum ut a gravitate alienum et fore frigidum pronuntiat Dorevillius. Defendit eundem versum Hurdus, vir ingenicus et doctus in *Commentar. Horat. Vol. I, ad v. 97*: ubi ambi-

Miratur rerumque ignarus imagine gaudet  
Adtollens humero famamque et fata nepotum.

730

guiltatem sententiæ etiam in severiore carmine tuctur, et hunc locum copiose quidem et satis argute, ut solet, ita tractat, ut ad ancilium religionem et sanctitatem alludi dicat. Eoimvero ante pedes erat, quod tam longe petitur, et verbo res transigi potest. Acumen lusus, quem inesse multi arbitrantur, in nostris est sensibus animisque, non in verbis nec in sententia animoque Virgilii. Poëticus sermo ita fert, ut, si quis *clipeum*, *qui facta præclara et fata nepotum insculpta sunt*, sustulisse humero (alligatus enim loro clipeus humeris iniicitur) dicendus sit, res ita efferrî possit: sustulisse eum *famam et fata nepotum*. Qui poëtica oratione imbu-

tum habet ingenium, nihil amplius cogitat, quam: *miratur et gaudet at-tollens in humerum clipeum*, in quo fama et fata nepotum erant expressa. X, 496: *rapient immmania pondera baltet impressumque nefus: una sub nocte lagali Cæcia manus iuvenum foete thalamique erunt; Quæ Aeneas Eurytides multo caelaverat auro*. Qui vero verbatim ista in patrium sermonem transfusa et ex proprio verborum significato interpretata mente volvit, notiones alias adiungit, quibus ridicula et inepta redditur sententia. Cum his tamen omnibus facile concedam, splendore superiorum versuum inferiorum esse clausulam meliusque alore versum novissimum.



P. VIRGILII MARONIS

## AENEIDOS

LIBER NONVS.

## ARGVMENTVM

**T**urnus, absente Aenea et in Tuscia conquirendis auxiliis occupato, a Iunone per Iridem admonitus, ne tantam rei bene gerendae occasionem amitteret, quam proxime ad hostes copias admovet — 32. Qui cum suis se moenibus continerent neque aequo loco facerent dimicandi potestatem, ut illis spem omnem fugae intercluderet, classem exurere conatur — 76. Erat eius classis materia ex Idaeae Matris luco caesa: quapropter Matris precibus adductus Iupiter naves omnes incendio eripuit et in totidem Nymphas marinas convertit — 122. Post haec Turnus imminente iam nocte adversus hostium eruptiones ad oppidi portam excubias disponit: iis Messapum praeficit — 167. Interim consultantibus Troianorum ducibus, quenquam potissimum ad Aeneam mitterent, qui de suorum periculo eum faceret certiores; ultro eam provinciam suscipiunt Nisus et Euryalus, coniunctissimum amicorum par — 277: qui cum urbe emissi hostium excubias vino somnoque obrutas offendissent, Rhamnetem cum magno Rutulorum numero trucidant eorumque se spoliis exornant — 366. Verum cum instante iam luce se recipere conantur, a Volscentis equitibus inspecti ad silvas confugiunt. Ibi Euryalus armorum pondere viaque errore impeditus in hostes incidit et a Volscente, frustra deprecante Niso, confoditur — 437. Nisus quoque, caeso Volscente et Euryali nece strenue vindicata, multis vulneribus confossus super amici corpus concidit — 445. Capita hastis affixa in castra deferuntur; ubi a Troianis e moenibus agnita ingentem in urbe luctum excitant — 502. Interim Turnus totis viribus hostes oppugnat: magna utrimque strages editur — 589. Ibi Ascanius Numanum insolentius se iactantem sagittae ictu interficit — 617. Pandarus et Bitias successu elati portam recludunt

*hostesque subeuntes ingenti caede propellunt — 690. Eius rei nuntio accepto Turnus per portam patentem in oppidum seu castra irrumpit — 733 Troianosque in fugam convertit — 777: tandem hostium multitudine circumventus paullatim cedit ad eam oppidi partem, quae fluvio alluitur — 789, et, ut erat armatus, flumine secundo delatus descendit litus et incolumis ad suos revertitur.*

**A**tque ea diversa penitus dum parte geruntur,  
Irim de coelo misit Saturnia Iuno  
Audacem ad Turnum. Luco tuin forte parentis  
Pilumni Turnus sacrata valle sedebat.  
Ad quem sic roseo Thaumantias ore locuta est :  
Turne, quod optanti divom promittere nemo  
Auderet, volvenda dies en! adtulit ultro.

Quod ipsa res et prudentia suadere debuit, ut per Aeneae absentiam Latini et Rutuli oppugnarent vallum Troianorum, hoc epico more drae Iridis a Iunone missae monito tribuitur: Homeri exemplo v. s. ll. σ, 166 etc. Ad poetae artificium agnoscendum Servii nota facit: *In hoc libro mutatio est omnium rerum; non et alios personae et loca alia sunt, et aliud negotium incipitur. Ab Aeneo enim transit ad Turnum, a Tuscis ad Ardeam; a petitione auxiliorum ad bellum. Rediunt autem in hoc et sequentibus libris pleraque ad bellicos apparatus et pugnas: ideoque poeta in angustum se coactum videre debuit, dum Homerum haberet, qui summa varietate omnia, quae in pugna fieri solent, exposuisset atque idcirco circa res eadem aetate et eodem bello et ab ipsis Trojanis gestas versatus occupasset, quicquid novitate et vitae heroicae more placere posset. Hoc meminisse debuit, qui ultimos libros rerum novitate et varietate carere clamant. Argumentum*

naturae ea erat tribuenda, quae in poeta reprehendenda arbitrantur. Sed in hac ipsa argumenti inopia attendi velim animum ad ea, quae poeta ad tenendas et recreandas legentium mentes excogitavit solertissime: ut in hoc libro episodium de Niso et Euryalo. Etiam illud praeculare factum, quod nunc res absente Aenea geritur, ut eius adventu nova rerum expectatio fiat. Nec quicquam iniquius factum arbitror, quam quod hoc ipsum reprehensum est in poeta, quod hoc libro per Aeneae absentiam castra oppugnantur.

4 — 24. Iunonis iussu per Iridem accepto Turnus absente Aenea ad castra Troianorum expugnanda se accingit. — 3. *parentis Pilumni*, h. e. abav. v. X, 619. *sedebat*, Asper erat interpretatus est: alia arguitur Servius; sed spectat simpliciter ad solitudinem et otium, cui conveit sedere. Lucum autem Pilumni in ea regione fuisse quidni admittamus? — 7. *volvenda dies*, quae voluitur, V. ad I,

Aeneas, urbe et sociis et classe relicta,  
 Sceptra Palatini sedemque petit Evandri;  
 Nec satis: extremas Corythi penetravit ad urbes 10  
 Lydorumque manum, conlectos, armat, agrestis.  
 Quid dubitas? nunc tempus equos, nunc poscere cur-  
 Rumpe moras omnis et turbata adripe castra! (rus!  
 Dixit et in coelum paribus se sustulit alis  
 Ingentemque fuga secuit sub nubibus arcum. 15  
 Adgnovit iuvenis duplicisque ad sidera palmas  
 Sustulit et tali fugientem est voce secutus:  
 Iri, decus coeli, quis te mihi nubibus actam  
 Detulit in terras? unde haec tam clara repente  
 Tempestas? medium video discedere coelum, 20  
 Palantisque polo stellas. Sequor omina tanta,

269. Lucretius *sidera volvenda, meta-  
 tem volvendam* eodem modo dixit. —  
 9. *Sceptra* expositus quam regna;  
 utrumque pro regia Evandri. *Corythi*  
*ad urbes*, ad Etruriam, quam desi-  
 gnat a Corytho conditore Cortonae.  
 Supra: *Corytham terrasque requere*  
*Auonias*, lib. III, 170. *Lydorum ma-  
 num* Etruscos dixit ad vulgarem opi-  
 nionem, qua ii a Lydis, Tyrrheno,  
 Atys filio, auctore repetchantur. Cf.  
 VIII, 479, 480. — 12. *turbata arripe*  
*castra*, tumultu illato per ipsum ac-  
 cessum invade, occupa: scilicet ut *ra-  
 pere* possis est pro *capere*. Dixit au-  
 tem *castra* Troianorum v. 8. *urbem*,  
 alibi *muros*, *aggerem*: nam Aeneas  
 in littore, ubi ascenderat, urbem,  
 novam Troiam, condiderat, quam  
 VII, 157, *castrorum in morem pinus*  
*atque aggere cinxit*. Ea in extremo  
 fere littore haerebat, subiecta in pro-  
 ximo loco classe. V. IX, 68, 69. —  
 15. *secuit arcum* pro: *incessit per ar-  
 cem*. Sic *secare viam*, *τίμνεν ὁδόν*,  
 incedere via, et primo loco *τίμνεν*

*ἄλξ*, *secare mare sulco facto in flu-  
 ctibus*; hinc *terram*, tum ipsam *viam*.  
 Servius reddit: *Arcum* fecit, secto  
 coelo duxit a paullo aliter. Conf. ad  
 V, 658. Versus 18 verba sunt ex II.  
 σ, 482: — *duplices*, *ambas*, non du-  
 plicatas. Cf. I, 93. — 21. Non inau-  
 ditum est estentum: *palantes polo*  
*stellae*, in primis quia interdum obla-  
 tum est auspicium; sed ornant haec  
 coelum, quod Iride in coelum exo-  
 lante disruptum est (hoc *discedere*  
 dixit, voce in haec re propria, pro  
 dehiscere, hiatus facere; cf. Seneca  
 VII. Nat. Quaest. 20) et, quod alias  
 in fulgure fieri solet, chasma fecit.  
 Apposita vocant Grammatici. Si ita-  
 que dea ruptis nubibus ad interiora  
 perrexit, stellas apparere nubibus re-  
 motis necesse fuit. Sic dii vi sua di-  
 vina attollunt se in nubes et ulterius  
 in coelum perveniunt; h. l. per arcum  
 coelestem Iri. *Sequor omina tanta*:  
 accipio omen, inquit Turnus; et,  
 qui nos erat, in visis, ostentia, omi-  
 nibus, lustrandi causa aqua se perluit.

Quisquis in arma vocas. Et sic effatus ad undam  
Processit summoque hausit de gurgite lymphas  
Multa deos orans oneravitque aethera votis.

Iamque omnis campis exercitus ibat apertis 25  
Dives equum, dives picta vestis et auri.  
Messapus primas acies, postrema coërcent  
Tyrrhidae iuvenes; medio dux agmine Turnus  
\*Vertitur arma tenens et toto vertice supra est: \*  
Ceus septem surgens sedatis amnis altus 30  
Per tacitum Ganges aut pingui flumine Nilus,  
Quum refluit campis et iam se condidit alveo.

25—46. Accessu hostium Troiani  
as muris tenent inclusi. Fundum com-  
parationis declarat Servius: exercitum  
primo confuse in campos ruisse, post  
digestum in ordines et fluminis mo-  
rem in alveum suum reversi. Id vero  
longius petiit. Flumen aquis auctis  
crescens non nisi cum impetu ferri  
potest; at h. l. agmen longo ac latu  
ordine, lento gradu et compositè in-  
cedens fluminis lato alveo inter ripas  
devoluti speciem prae se ferre bene  
dici potest. Quod in Gange alveo mo-  
se continente declaraverat, mox va-  
riat in Nilo intra alveum recepto. De  
Messapo v. VII, 691. — 26. *picta  
vestis*, more ut Etruscorum, ita alio-  
rum Italicorum. — 28. *Tyrrhulae*, Tyr-  
rhei pastores filii. v. VII, 484, 532.  
— 29. Versus haud dubie ex lib. VII,  
784 huc translatus. Deest pluribus et  
his praestantissimis Codd. Ms.: ad haec  
comparationis nervum incidit. Recte  
itaque asteriscis ut sublestae fidei no-  
tatus. *septem surgens amnis* nec ad  
ostia, nec ad tempora fluminis exun-  
dantis referendum; id enim a com-  
parationis consilio alienum; repugnat  
quoque adiecta vox *sedatis*; sed *amnes*  
sunt alvei, quibus Ganges e monti-

bus Eriodis progressus in planis locis  
fertur iam *sedatis amnis*; igitur  
Ganges inde ab ortu septem alveis  
incedit sedate ac tacito. *Surgere* autem  
est incrementum aquis auctis; quod statim  
temporibus in Gange fieri, ut in Nilo,  
Virgilius seceperat; morat porro plu-  
ribus alveis Gangem deferri, numero  
septenis, et incedere placido cursu.  
Vnde haec tenuerit, ignoramus. Ve-  
tices utique (inde ab Eratosthenis  
tempore, circa 300 ante Christ. nat.  
R.) non nisi incerta de Gange acce-  
perant; v. Plin. VI, s. 22. Bene Ser-  
vius: *Ganges ... secundum Senecam in  
situ Indiae novem alveis fluit; secun-  
dum Melam* (in quo tamen locus  
hodie non existat, nisi forte III, 7,  
med. de Situ orbis male intellectum  
Servio dixerimus. R.) *septem*. Plures  
magni amnes in eum feruntur, quos  
septenos numerum tradere potuerunt  
aliqui et pro alveis habere: multo  
magis, si fuisse neminem cogites, qui  
totum Gangis cursum emensus esset.  
Ceus ac, ita, incedit, *per tacitum*, ta-  
cite: ut per silentium, per noctem  
et (quae Drakenb. ad Silium XV,  
145. post Heinsum collegit) *per oc-  
cultum, per subitum, per longum,*



Hic subitam nigro glomerari pulvere nubem  
 Prospiciunt Teucri ac tenebras insurgere campis.  
 Primus ab adversa conclamat mole Caïcus: 35  
 Quis globus, o cives, caligine volvitur atra!  
 Ferte citi ferrum, date tela, scandite muros!  
 Hostis adest, eia! Ingenti clamore per omnis  
 Condunt se Teucri portas et moenia complent.  
 Namque ita discedens praeceperat optumus armis 40  
 Aeneas: si qua interea Fortuna fuisset,  
 Neu struere auderent aciem neu credere campo;  
 Castra modo et tutos servarent aggere muros.  
 Ergo, etsi conferre manum pudor iraque monstrat,  
 Obiiciunt portas tamen et praecepta facessunt 45  
 Armatique cavis expectant turribus hostem.  
 Turnus, ut ante volans tardum praecesserat agmen,  
 Viginti lectis equitum comitatus et urbi  
 Improvisus adest: maculis quem Thracius albis  
 Portat equus, cristaque tegit galea aurea rubra. 50  
 Ecquis erit mecum, iuvenes? qui primus in hostem?

ut Gr. διὰ βραχέων, διὰ ταχέων et similia. Laudat Servius Asprum, qui *Albus per tacitum* iungebat; minus bene.

33. νέφος νέφος et ἀπύχνη Homero frequens. — 35. *ab adversa mole*, turri in munitione Troianorum (cf. ad v. 43) ab ea parte, qua Lalini accedebant. — 37. Idem color verborum IV, 594. — 38, 39. Recipiunt se Troiani inter vallum et muros. — 41. Si quis belli easus se offerret: verbo, si quid accideret. — 44. *monstrat* h. l. hortatur, suadet, impellit: nam, qui suadet, is monstrat, quid sit faciendum et qua ratione. — 46. *cavis*, amplis.

47 — 76. Turnus Troianos muris tutos videns, ut eos in campum eliciat, classem iocundare parat. Adiri

autem et tentari castra poterant a trinis portibus, cf. ad 195; ita Turnus via a Laurento ducente secundum litus profectus, portam clausam videns, obit urbem et aditum anquirendo pervenit ad eam partem, qua castra amni erant admota, classe in littore subducta. — 48. et vacare videri potest. Enimvero iungenda: Turnus viginti equitibus comitatus et improvisus ubi adest. In equo Thracio, i. e. praestanti, non haerendum, cuius generis equorum copis vix illo tempore in Latia esse potuit; sed ornat epitheton. Cf. V, 565, 566. — 50. cf. XII, 89, *galea aurea cum crista rubra*. R. Tum v. 57 *castra fovere* pro vulgari: se in castris tenere. V. ad Gr. III, 420, *κόλυβηρ φοιτῇ λυγρῇ*. Et Turnus turbidus,

En! ait et iaculum adtorquens emittit in auras,  
 Principium pugnae, et campo sese arduus infert.  
 Clamore excipiunt socii fremituque sequuntur  
 Horrisono; Teucrum mirantur inertia corda, 55  
 Non aequo dare se campo, non obvia ferre  
 Arma viros sed castra fovere. Huc turbidus atque huc  
 Lustrat equo muros aditumque per avia quaerit.  
 Ac, veluti pleno lupus insidiatus ovili  
 Quum fremit ad caulas, ventos perpessus et imbris, 60  
 Nocte super media; tuli sub matribus agni  
 Balatum exercent, ille asper et improbus ira  
 Saevit in absentis; conlecta fatigat edendi  
 Ex longo rabies et siccae sanguine fauces:  
 Haud aliter Rutulo muros et castra tuenti 65  
 Ignescunt irae; duris dolor ossibus ardet,  
 Qua tentet ratione aditus et quae via clausos  
 Excutiat Teucros vallo atque effundat in aequor.  
 Classem, quae lateri castrorum adiuncta latebat,  
 Aggeribus saeptam circum et fluvialibus undis 70

turbatus, pudore et ira incensus, quod aditum murorum, qua subire posset, non videbat.

59 sqq. Comparatio lupi cum pugnantium rabie satis frequens. Sed in modo tractandi Apollonium I, 4243 sq. ante oculos habuisse et ornasse videtur; respectu tamen simul ad Homerum habito, qui similia de leone persequutus erat II, 2, 517 sqq. p. 647 sq. — *nocte super media*, ultra mediam noctem, ut eum longa mora incensa fames ad rabiem agat, cf. v. 63, 64. *ira saevit* melius quam *improbus ira* iungitur, ne altero loco abundet *ira*, altero autem loco *saevit* nudum et tenue relinquatur. *improbus* etiam solium per se de ira et vehementiore quoque impetu dictum occurrit X, 727:

*improba ora* h. e. avida; quandoquidem *improbus* omnino est nimius, multus, vehemens. Vide Ge. I, 449, *improbus auser* et ad 446 *improbus labor*. — *absentes* h. l. de inclusis navibus. Suave autem hoc *saevit in absentes*: quod imitati passim sunt alii. Stat. II Theb. 433. Valer. Fl. III, 589, ubi v. Inpp. *collecta ... longo tempore*, ex longa mora contracta. Sic Ovid. Metam. I, 233. V, 311. — 63, 64 ornat. *fames et sitis excruciat eum*: aliter nunc *siccae sanguine fures sanguinis penuria*, quam VIII, 261 dictae sunt. *qua parte via*, aditus ad muros, *excutiat Teucros*, facultatem et modum suppeditet, eos eliciendi. — 68. *aequor* camporum.

70. Comparant exemplum Hectoris

Invadit sociosque incendia poscit ovantis  
 Atque manum pinu flagranti fervidus inplet.  
 Tum vero incumbunt; urguet praesentia Turni  
 Atque omnis facibus pubes adcingitur atris.  
 Diripuerunt focos; piccum fert fumida lumen 75  
 Taeda et commixtam Vulcanus ad astra favillam.

Quis deus, o Musae, tam saeva incendia Teucris  
 Avertit? tantos ratibus quis depulit ignes?  
 Dicite. Prisca fides facto, sed fama perennis:  
 Tempore quo primum Phrygia formabat in Ida 80

et verba *Iliad.* 6, 716 sqq. — 73. *incumbunt*, cf. IV, 397 et not. — 74. *pubes adcingitur facibus*, armatur; instruitur, ut altero loco recte Serv. simili more *nucingi* dictum lib. VII, 487, *lituo trabaeque succinctum*. — 75. *focos*, quos a Rutulis ex templo extractos fuisse cogitandum est; ideoque nunc stipites seu taedas ardentis in foco. Haerent lutpp. cum Servio. *Burmans* focos agrestium in vicis circumvicinis advocabat.

77—122. Naves Troianorum, ne igni comborantur a Turno, mutantur in Nymphas. Fabulam, quae sequitur, tanquam absurdam et epica gravitate indignam reprehendere in promptu est: et reprehenderunt eam multi, etiam e veteribus, ut e Servio ad v. 82 patet; quandoquidem minore hoc doctrina indiget, quam argumentis idoneis eam defendere. Neque equidem insitit a nostris sensibus et phantasmatibus eam nimium quantum abhorrere. Nec vero Maro hoc non persensisse et ipse videri debet. Hoc enim erat, cur novo more additum sibi ad narrationem muniret; Apollonii utique exemplo, lib. IV, 4381 sqq., ubi navem per deserta Libyae humeris Minyarum gestalam narraturus erat. Potuit autem inter

veteres haec fabula minus displicere, quod ea vetere fama accepta esset; et Maro eam repetere potuit, cum veteres de Aeneae adventu fabulas pro geminis et stellulis intesere telae suae semel suscepisset. Metamorphosi a poetis Alexandrinis ornari coepta, nimium luxuriantia ingenia iactaverant se in hoc argumento, quod ex Ovidio e. c. Mel. XIV apparet: nam graeca plerumque perierunt. VI autem in Iulem fabulam incidere vetulas, ita factum arbitror, primo quod *immortale, ἀθάνατον*, dixerunt, quicquid diu durat et manet haud attritum; poluere itaque etiam *ὄντες ἀθάνατοι καὶ ἀγήρατοι* dici: tum quod Dryades Nymphas arbores insidere et cum iis vivere ac deficere crediderunt homines. Promptum sic fuit arbores recisas et in naves versus iterum ad pristinum nomen reversas comminisci. Alio modo, navibus in scopulos versis, Homerus navigationem Phaetorum in miraculum converterat Od. 3, 557-674.

79. *Prisca fides facto sed f.*, non capiunt Serv. et alii. *Fides* est eius, qui aliquid tradit, vel eius, quod narratur, quae alias *auctoritas*; ideoque pro ipsa *narratione* ponitur. Igitur *facto* h. e. *facti praeo est fides*,

Aeneas classem et pelagi petere alta parabat,  
 Ipsa deum fertur genetrix Berecynthia magnum  
 Vocibus his adfata Iovem: Da, nate, petenti,  
 Quod tua cara parens domito te poscit Olympo.  
 Pineae silva mihi multos dilecta per annos: 83  
 Lucus in arce fuit summa, quo sacra ferebant,  
 Nigranti picea trabibusque obscurus acernis:  
 Has ego Dardanio iuveni, quum classis egeret,  
 Laeta dedi; nunc sollicitam timor anxius urguet.  
 Solve metus atque hoc precibus sine posse parentem, 90  
 Ne cursu quassatae ullo neu turbine venti  
 Vincantur. Prosit nostris in montibus ortas.  
 Filius huic contra, torquet qui sidera mundi:

narratio. Rem narrat poeta ab antiquitate traditam; sed constante fama ad anteriores aetates propagatam: ita facti fama perennis est. — 80. De aedificatione classis cf. III, 5, 6. *Ida* autem mons et ipse sacer magnae Matri deum, cf. v. 85, 86, non minus ac *Berecynthus*, Phrygiae mons et tractus, a quo h. l. nomen inditum; uti alias illa *Idaea dea* appellata est. Conf. Strabo X, p. 718 G. et infr. X, 252: *Alma parens Idaea deum*. Consentaneum erat, ut pineta montis ei essent sacra. — 83. *domito Olympo* adiectum quorsum sit, dubitari potest. Sequuntur interpretes, quos vidi, Servium. *Videtur, inquit, hoc dicere: Praesta ei, cuius beneficio servatus ad Olympi regna venisti Saturnus enim cum omnino consummeret filios, Iovem solum esse non potuit, celsatum matris* (Opis s. Rheae s. Terrae, quam eandem cum Cybele esse perhibent) *auxilio*. Longe petitum hoc, etsi doctum ac verum, cf. Apollodor. I, 1, 3; et iterum Terrae opera coeli imperium in pugna cum Titanibus sibi paravit, cf. ibid. I, 2, 1.

Dicam equidem simpliciter, adiectum a poeta *domito Olympo* pro eo, quod volebat, te domitorem, *potentem Olympi, regem deorum*, dicere, qui ideo posset precibus satisfacere. — 85. *silva* et *lucus* per appositionem dicta puta. Sed turbatus locus est (Codd. nra. omnes in praestandis his versibus conspirant, nec ulla affertur lectionis varietas. Quare locum saluum esse puto; et, si post annos maiorem posueris interpunctionem, tibi statim apparebit, locum Rheae sacrum, sive aram sive templum in vertice montis situm intelligas, sequentibus innui versibus *lucos* s. *tipé-vu* pinibus et aceribus constanti obseptum esse. *Fuit*, quia arboribus hisce Aeneam ad classem suam aedificandam usum esse ait dea. Obeli signa itaque delevi, ut in versu 93, ubi verba *torquet... mundi* sana sunt. R.) — 86. *in arce*, in vertice Idae: est τό Γάργαρον ἄκρον, Iliad. ξ, 292. In hoc igitur sacra fieri solita Matri Idae, cf. ad v. 80: ut Iovi eodem in loco II. 2, 48. — 93. *torquet*, cf. IV, 269.

O genetrix, quo fata vocas? aut quid petis istis?  
 Mortaline manu factae immortale carinae 95  
 Fas habeant certusque incerta pericula lustret  
 Aeneas? cui tanta deo permissa potestas?  
 Immo, ubi defunctae finem portusque tenebunt  
 Ausonios, olim quaecunque evaserit undis  
 Dardaniumque ducem Laurentia vexerit arva, 100  
 Mortalem eripiam formam magnique iubebo  
 Aequis esse deas: qualis Nereia Doto  
 Et Galatea secant spumantem pectore pontum.  
 Dixerat idque ratum Stygii per flumina fratris,  
 Per pice torrentis atraque voragine ripas 105  
 Adnuit et totum nutu tremefecit Olympum.

Ergo aderat promissa dies, et tempora Parcae  
 Debita conplerant: quum Turni iniuria Matrem

94. *quo fata vocas?* ea mutas? uti fata verti, flecti, mutari dicuntur, cum de factorum ordine mutando agitur; *aut quid petis istis* (tribus seu navibus, h. e. in earum gratiam; non, ut Burm. *pro istis* (Sic iam Servius exposuit. Vtrique explicatio ad idem redit: *istis* est datus commodi. *R.*) — *immortale fas* h. l. pro conditione; ut ius. — *certus*, ut ab initio statim certum et exploratum habeat Aeneas in periculis se incolumem fore. — 98. *defunctae*, quod plenius VI, 83, *magnis pelagi defuncte periculis*. — 99. *Olim quaecunque evaserit undis*; unam enim Orontis tempestas mari meraserat I, 413; quatuor incensae a mulieribus in Sicilia, V, 699. Ergo ex XX navium numero non nisi XV Tiberim intraverant. — 105. *amnes rapidos* (s. *serventes*) et *atras* soluit dicere. Ambiguum enim ob diversum poetarum usum est, quo sensu *torrentes* dictum sit. *Torrere* proprie est calefaciendo siccare; tum cremare,

tandem ardere et servere. Iam quaecunque *servent* seu calore seu motu et impetu, dicuntur et ipsa *torrere*. Ita tandem flumina torrentis sunt *serventia, rapida*; sic Ecl. V, 52, *torrens unda* Padi. Ge. II, 451, *aqua torrens*, inf. X, 603. Itaque h. l. *ripae* torrentes, rapidi. *pice atraque voragine*, aqua, alveo, piceo et atro. Iam autem amnes in inferis etiam flagrantibus sunt; possunt igitur *torrentes* quoque h. l. sic accipi: multo magis propterea, quia alias fluvii h. l. stagnare dicuntur (*Ripae* servant pice etc. poetice pro: amnis, s. *flumina*, aqua *St. fr.*, i. e. *Styx*, quae cum palus VI, 369 vocetur, coll. ibi vers. 434-416, de rapiditate cogitari h. l. non potest. *R.*) — 106. Inferiora haec Homericis Il. α, 528 aq. iudicant Grammatici ap. Macrobius, V, 13: at non ubique eadem sententia iisdem ornamentis amplificari potest aut debet.

107. *debita fato*. VII, 420: *fatis*

Admonuit ratibus sacris depellere taedas.  
 Hic primum nova lux oculis offulsit, et ingens 410  
 Visus ab Aurora coelum transcurrere nimbus  
 Idaeique chori; tum vox horrenda per auras  
 Excidit et Troium Rutulorumque agmina complet:  
 Ne trepidate meas, Teucris, defendere navis  
 Neve armate manus; maria ante exurere Turno 415  
 Quam sacras dabitur pinus. Vos ite solutae,  
 Itē, deae pelagi; Genetrix iubet. Et sua quaeque  
 Continuo puppes abrumpunt vincula ripis  
 Delphinumque modo demersis acquora rostris  
 Ima petunt. Hinc virgineae (mirabile monstrum!) 420  
 Quot prius aeratae steterant ad litora prorae,  
 Reddunt se totidem facies pontoque feruntur.  
 Obstupere animi Rutulis; contritus ipse  
 Turbatus Messapus equis; cunctatur et amnis  
 Rauca sonans, revocatque pedem Tiberinus ab alto. 425  
 At non audaci cessit fiducia Turno;

*mibi debita tellus.* — 410. *Hic primum.* Argutatur cum aliis Catroeus, etsi Burmaonus non improbat, ut qui respiciet eredit seriora tempora, quibus Cybele Pessinunte fuit accessit Romam et templis recepta. Nam *primum* refertur ad seq. v. 412. tum vox audita. — *ab Aurora:* tanquam ab oriente, ex Asia, relicto Berecyntho et Ida. — 412. Paullo durius, sed ut poeticam orationem decebat, iunctum: *nimbus Idaeique chori*, pro: visus ab oriente coelum transcurrere nimbus, nubes et chorus, qui Matrem deum comitari solebat, Corybantum puta, in nube illa abditus et inclusus. Pro commentario est Ovidii locus Met. XIV, 536, 537, 538: ubi hoc idem prodigium exponitur, imitatione Virgilio. Etiam in *saeris* adventus deae, etsi non visae, magno

strepitu tibiarum et tympanorum declarari solebat. — 413. *agmina complet*, proprie sui aures sui loca, in quibus illa agmina habeatur, sono et strepito. — 414. Tum dea Teucros vetat *laborare* et navibus defendendis operam dare. — 418. *puppēs*, ad litus versae: v. VI, 3, 4, 5. — 421. Hic versus ex lib. X, 223 huc retractus damnatusque auctoritate meliorum codd., a quibus abest. Obelo igitur dignus est. — 422. *reddunt se*, ἀναδιδόναι: iterum emergunt, prodeunt.

423-167. Callide portentum in suam rem vertit Turnus, classe sublata Troianos nunc fuga exclusos facile a se expugnatum iri; nunc oppugnationem esse parandam; die tamen iam confecto vigilias per noctem disponit. — 424, 25. *cunctatur et amnis*, quod

Ultro animos tollit dictis atque increpat ultro:  
 Troianos haec monstra petunt; his Iuppiter ipse  
 Auxilium solitum eripuit; non tela nec ignes  
 Expectant Rutulos. Ergo maria invia Teucris 430  
 Nec spes ulla fugae; rerum pars altera adempta est:  
 Terra autem in nostris manibus; tot millia, gentes  
 Arma ferunt Italae. Nil me fatalia terrent,  
 Si qua Phryges prae se iactant, responsa deorum.  
 Sat fatis Venerique datum, tetigere quod arva 435  
 Fertilis Ausoniae Troës. Sunt et mea contra  
 Fata mihi, ferro sceleratam excindere gentem,  
 Coniuge praerepta; nec solos tangit Atridas  
 Iste dolor solisque licet capere arma Mycenis.  
 Sed periisse semel satis est. Peccare fuisset 440  
 Ante satis, penitus modo non genus omne perosos  
 Feminum, quibus haec mediï fiducia valli

VIII, 240 minus ornate. *Messapus* autem nominatur, tamquam qui inter primos exercitus infesti Rutulorum ducece erat. VIII, 6. — 426 sqq. Audacie Turni praeclare a poeta inter metum ceterorum declaratur. — 429. *Iuppiter ipse auxilium solitum* (navium, quibus entee, Troie capta, suae salutis fuge consuluerent) *eripuit*, eos perdidit; nec ideo ed eos perdendos nostra opere opus est: *non tela nec ignes Expectant Rutulos*. Ex vulgari satis usu loquendi propter expectari dicuntur ea, quae omnino futura sunt, ideoque et mela, quae imminet. *rerum pars altera*, pro vulgari: altera res, alterum, terra, in nostra est potestate; nam Troiana vello inclusis Rutuli loca vicine tenent. *tot millia* *esque gentes Italae*; ut sint opposita pro vulgari: tot millia gentium Italicarum vel Italorum. — 434. De his vaticiniis conf. dicta sup. in Prooem. Aeneidis f. VI, pag. 276 sq. — 435.

*Venerique* lib. I, 257 sqq. Turnus tamen simpliciter de telis in Aeneae gratiam a matre Venere constitutis cogitare potuit. — 438, 439. Non solus Menelaus raptum coniugis Helenae ulciscitur. Homericum II. 4, 340, 341: *Οὐ μοῦνε φίλον ἄλόχου μερόπων ἀνδράπων Ἀτρεΐδης*; etc., iam Macrobius V, 9 comparavit. — Reliquae 440 sqq. panilo ergutiora et *ῥητορικώτερά* esse videntur. Sed, dicet aliquis, satis est Troianos semel ultimam calamitatem esse expertos; nec probabile sit, cum dii tantis periculis eos servetos in Italiam adduxerint, nunc eis exitum adfuturum esse. It vero, inquit Turnus, satis etiam habere debebant semel rapuisse feminam; quippe qui ex rapto Helenae ea mela experti sint, ut modo non omne h. e. totum fere genus feminum perosi esse, odisse, debeant; tantum adest, ut novum raptum Lavineae meditentur. *Quibus haec*. *Ex*

Fossarumque morae, leti discrimina parva,  
 Dant animos. At non viderunt moenia Troiae  
 Neptuni fabricata manu considerare in ignis? 145  
 Sed vos, o lecti, ferro qui scindere vallum  
 Adparat et mecum invadit trepidantia castra?  
 Non armis mihi Volcani, non mille carinis  
 Est opus in Teucros. Addant se protenus omnes  
 Etrusci socios. Tenebras et inertia furta 150  
 \*Palladii, caesis summae custodibus arcis,\*  
 Ne timeant; nec equi caeca condemur in alvo;  
 Luce, palam certum est igni circumdare muros.  
 Haud sibi cum Danais rem faxo et pube Pelasga  
 Esse putent, decumum quos distulit Hector in annum.  
 Nunc adeo, melior quoniam pars acta diei, 155  
 Quod superest, laeti bene gestis corpora rebus  
 Procurate, viri, et pugnam sperate parati.  
 Interea vigilum excubiis obsidere portas  
 Cura datur Messapo et moenia cingere flammis. 160

ira oratio durior. Dat iis hoc vallum, haec fussa, fiduciam: an non vero multo munitione Troiae moenia eversa viderunt? Argutum et bellum etiam illud 143: *leti discrimina parva*, quod de navigatione simplicius Homer. II. 6, 628; τὸ δὲν γὰρ ὄν' ἐκ θανάτου πέποιτας. — 146. animosius, quam Homericus Hector II. 6, 440. — 148. Respicit autem Turnus arma a Thetide Achilli apportata et classem Achivorum. — 150, 151. V. sup. lib. II, 164 sqq. Insidias per noctem non struimus: *furtum* sic saepe; v. c. IX, 350. — 151. Quam hic versus impetum loquentis Turni remoretur, hemistichium ex lib. II, 166 repetitum sit et genitivus Augusteo saeculo Pallad<sup>is</sup> esset, asteriscis versus notatus est. Omnes tamen codd. ms. praestant

versum. R. — 155. *quos distulit Hector*, docte pro vulgari: quorum conatus et consilia repressit et retardavit per annos decem. Cf. XI, 288-290. Hinc eleganter illud Abironii Silonis apud Sen. Suasor. II et in Anthol. Lat. p. 87: *belli mora considit Hector*.

156. Comparant Od. 4, 291 sq. II. 6, 381. Malum ego conferri II. 9, 502 sqq. et 7, 275. Tum praeae aetatis mos et militiae observanda est imperitia, quod Rutuli castra oppugnant, ipsi vallum nullum ducunt, quosae tueantur. Nec aliter Troiani, qui Achivorum castra oppugnant, II. 9, aub f. — 160. *flammis* int. vigiliae. — Ad v. 161 sqq. cf. II. 4, 85 sq. et ad v. 165 vide II. 9, 550, 551. Agmen igitur mille quadringentorum et decem quatuor hominum fuit delectum.



Bis septem, Rutulo muros qui milite servant,  
 Delecti; ast illos centeni quemque sequuntur  
 Purpurei cristis iuvenes auroque corusci.  
 Discurrunt variantque vices fusique per herbam  
 Indulgent vino et vertunt crateras ahenos. 165  
 Conlucent ignes; noctem custodia ducit  
 Insomnem ludo.  
 Haec super e vallo prospectant Troës et armis  
 Alta tenent; nec non trepidi formidine portas  
 Explorant pontisque et propugnacula iungunt; 170  
 Tela gerunt. Instant Mnestheus acerque Serestus,  
 Quos pater Aeneas, si quando adversa vocarent,  
 Rectores iuvenum et rerum dedit esse magistros.  
 Omnis per muros legio sortita periculum  
 Excubat exercetque vices, quod cuique tuendum est.  
 Nisus erat portae custos, acerrimus armis 176

— 164. Alternis excubiis et alia munia militaria obeunt, succedentibus aliis et aliis, ut bene Burm. explicat.  
 — 165. *et vertunt crateras ahenos* esse hemistichium Ennianum Servius docet. *vertunt* autem, inclinant crateras vinum in pocula infundendo, verquot.

168 — 174. Troiani, castris tuendis quae necessaria sint, provident. *avis alta tenent* h. e. vallum, quod poeta appellat *muros, turres*, obsident armati. — 170. *pontes et propugnacula iungunt*; per ipsos muros vias seu pontes inter turres idcirco inter propugnacula seu pinnas turrium faciunt, ut discursus militum liber sit. Quo fere modo pons et ripae iungi dici possant, quod vulgo est omnem ponte iungi. *propugnacula in muris memorantur* v. 664: *Ita clamor totis per propugnacula muris*. Melius fortasse sic locum espediam. Propugnaculum est

locus munitus, munimentum, unde propugnatur; potest ideo dici de muro, turri. Iam genus est munimenti semicircularis ante vallum seu murum castrorum, quod ponte iungi cum vallo necesse est, diversum ab altero similis formae, quod in ipso vallo inaedificatum est. Similis turris ponte innecta vallo memoratur inf. 530 sq.  
 — 171. *Tela gerunt*, congerunt et apportant missilia et alia tela, quorum usus esse poterat. — 173. *Rectores iuvenum* sunt duces militum, quos designaverat Aeneas ante profectionem ad Evandrum, si quid accideret, quod operam militarem postulare. — 175. *vices*, quod explicative pro vulgari, vices quae tuendae sunt; hoc magis doctum ideoque poeticum, quam interpretari: per vices exercet id, quod etc. vel exercet vices (κατά τό), quantum ad id spectat, quod etc.  
 176—449. Pervenimus nunc ad

Hyrtacides, comitem Aeneae quem miserat Ida  
 Venatrix iaculo celerem levibusque sagittis:  
 Et iuxta comes Euryalus, quo pulcrior alter  
 Non fuit Aeneadum Troiana neque induit arma; 180  
 Ora puer prima signans intonsa iuventa.  
 His amor unus erat pariterque in bella ruebant;  
 Tum quoque communi portam statione tenebant.  
 Nisus ait, dine hunc ardorem mentibus addunt,  
 Euryale? an sua cuique deus fit dira cupido? 185

episodium Aeneidis omnium facile nobilissimum, de Niso et Euryalo, cuius suavitas summa imprimis ad sensum et affectionem amicitiae sese refert. Sed accesserunt tot alia ad animos movendos accommodata: generosa puerorum indoles, praeclara laudis cupido et virtus ullam mercedem expetens, ipso facto contenta, respectus materni amoris ac pietas, Ascanii pueri et Aletae senis benevolentia in eos. Singula explicare vel saltem notare magistra iuventutis facile erit: sed ntantur tali loco, suadeo, ad eliciendos igniculos et tentandas mentes adolescentium, qui alias seu naturae seu institutionis vitio ad poetarum delicias callo obductum palatum habent. Quem vero ne huius quidem loci dulcedine tactum videant invenem, eum omni liberali disciplina indignum iudicent. Diomedis et Ulyssis egressum nocturnum ex Iliad. x poetae ante oculos fuisse non dubito; viderunt hoc iam veteres (v. Servium ad v. t hui. lib.): sed, quod amoris mutui affectus, non inelus de iuvenum fortissimorum discrimine tandemque misratio in narrationem illata est, hoc Maronis summi poetae ingenio deberi videtur. Etiam accessus et transitus ad episodium de nuntio ad Aeneam mittendo (285) lenis

est et simplex. Egerat poeta modo de custodiis et cubiliis: est in iis Nisus.

176. Nisum Hyrtaci filium fecit, ideo tantum, puto, quod ex Homero notum erat nomen, v. c. Il. β, 837, 838. Idam matrem esse Nympham habendam quis dubitet? Euryali patrem infra v. 201 edit Opheltien, nomen e Thelonis fabulis notum. — 180. Troiana neque induit arma est Homericum ἰδύσαστο τρώεσσιν. Est id, quod vulgo dixeris: non fuit alius pulchrior neque inter Aeneadas, Aeneae comites, neque inter Troianos, qui in armis erant. — 181. Ex Homericis Od. x, 278, 279 (adde Il. u, 347, 348), ut iam Maerob. notavit Sat. V, 13: iuventem vero, ἄβην, primam dixit pro lanugine pubertatis. — 182. amor unus, idem utriusque et mutuus. Laudant et hic Homericum illud: ἴσα θυμὸν ἔχοντες, Il. π, 219. — 184. Nisus ait: ad magnum aliquid audendum sentio me inflammatum; afflatus divino an ignito animi impetu? — 184 versus alti et gravis sensus! ἐνδοξοῦσιν homines aut animo magnae rei imagine intuitu inflammato, aut perturbatae per causam seu externam seu internam, ignotam vel obscuram mentis affectu commoti; aut ut divinitus afflatus et

Aut pugnam aut aliquid iam dudum invadere magnum  
 Mens agitat mihi nec placida contenta quiete est.  
 Cernis, quae Rutulos habeat fiducia rerum.  
 Lumina rara micant; somno vinoque sepulti  
 Procubuerunt; silent late loca. Percipe porro, 490  
 Quid dubitem et quae nunc animo sententia surgat.  
 Aenean adiri omnes, populusque patresque,  
 Exposcunt mittique viros, qui certa reportent.  
 Si tibi, quae posco, promittunt (nam mihi facti  
 Fama sat est) tumulo videor reperire sub illo 495  
 Posse viam ad muros et moenia Pallantea.

commotus esse credatur animus. Facile autem pro siliatu divino habetur magnus animi impetus et ardor. Latent semina dictorum in Od. 8, 712, αἷ τις μὲν θεὸς ὤρεται, δὲ καὶ αὐτοῦ θυμὸς ἐρεμνύειν. Repetit eadem Quintus IX, 88. 228. 9. — *dura* simpl. auget, ingens, vehemens, cupido. — 186, 187, uti Iliad. x, 220, 221, Νέστορ, ἔμ' ὄρνυμι κραδίη etc. dudum mente agito. — 191. Minus bene Intpp., quasi alterum sit, de quo dubitet, alterum, quod certum ei sit. Itaque turbant in sqq. 194, 195. Sed *dubitare* quoque est deliberare, animo agitare et volvere (est enim verbi obsoleti *dubitare*, unde dubius, δοῦζω, δειῶζω, frequentativum *dubito*, considero; cf. Ernesti Clav. Cic. h. v. R.) Etiam Serv. *dubitem* id est cogitem. — 193. *reportent* non ab illo; non enim nunc id versabant animis, quid rerum ille ageret, sed qui portent ad Aeneam certa, nuntient castra obsideri: ergo et hic *reportare* pro simplici portare, ad Aeneam perferre, nuntiare. Aeneam autem adhuc apud Evandrum morari credebant vs. 196. — 194. Praemium, quod pro tanto auso po-

scere poterat, generosis puer concedere vult amico Euryalo; ipse laude facti contentus esse. Mos v. 497 *laudum* est pro laudis. *laus*, κλῆδος, factum praeclarum; tum ipsa etiam virtus, quae ad illud patrandum opus est, ut v. 252. V, 355. VIII, 273. al. *percutus* laudum amore, πλεγμαίς, tanquam stimulo et flagro: Ge. II, 476, *quorum sacra fero ingenti percutus amore*. Si exempla desideras, adi Valkenarium ad Euripidis Hippol. 1303.

495 sq. Vt de toto Nisi et Euryali consilio satis constet, locorum situs apud animum adumbrandus est. Ager Ostiensis et ostia Tiberis ad animum revocanda sunt. Castra Troianorum ad Tiberis fere ostia in orientali litore erant sita; cf. ad VII, 457; fossa et vallo illa munita et turribus; fronte versus litus, quo Laurentum situm erat, versa, ita ut via Laurentum secundum litus duceret. A sinistra parte ad amnem, a dextra moenia ad mare pertinebant. Cf. 469, 790, 945: ab eadem parte a tergo erat navium statio, sup. v. 69; hic fortasse porta ad mare ducebat. Ista porta illi egressi, Rutuli excubias

Obstupuit magno laudum percussus amore  
 Euryalus; simul his ardentem adfatur amicum:  
 Mene igitur socium summis adiungere rebus,  
 Nise, fugis? solum te in tanta pericula mittam? 200  
 Non ita me genitor, bellis adsuetus Opheltes,  
 Argolicum terrorem inter Troiaeque labores  
 Sublatum erudiit; nec tecum talia gessi  
 Magnanimum Aenean et fata extrema secutus.  
 Est hic, est animus lucis contemtor et, istum 205  
 Qui vita bene credat emi, quo tendis, honorem.  
 Nisus ad haec: Equidem de te nil tale verebar;  
 Nec fas; non! Ita me referat tibi magnus ovantem  
 Iuppiter aut, quicumque oculis haec adspicit aequis.  
 Sed, si quis, quae multa vides discrimine tali, 210

negligenter agentibus, ad tumultum tendere volebant, sub quo viam ad Palatium a Pallanteum urbem Evandri in littore Tiberis ad mare defluentis reperiri non dubitabant: v. 195, 196. VIII, 53, 54. Successerat audacia in trajectu per Rutulos facto, et laeva v. 372 et 238 viam tenebant; cum ecce! equites a rege Latino missi versus castra tendunt. A Laurento via secundum littus ducebat, unde, utpote in tractu campestri, prospere in interiores terras esse potuit. Ibi bivium, cuius altera pars sinistrorsum in interiora loca praeter castra ducebat. Deprehensi igitur Nisus et Euryalus fugiunt in silvam (v. 378), Laurentinam scilicet, unde Nisus quidem versus lacum Albanum elabitur vs. 387 aq.; sed Euryalum se non subsequutum videns iterum ad silvam reversus cum amico suo interimitur. Certamen hoc inter amicos Silius non infeliciter transtulit ad contentionem similem inter Iulacen

usorem et Hannibalem lib. III, 108 aq. et vs. 78 aq.

200. *Nise, fugis*, pro vulgari, *refugis*, recusus. — 201. Agnoscunt Intpp. vestigia Homeric loci Iliad. II, 498, 499. — 202. *non ... sublatum*: natum et educatum in bello ad Troiam gesto innuit, pro vulgari: non ego sum talis. — *nec et quidem tecum*, quem suaviter! *talia gessi*: ut sc. tu refugere possis, et nolle me socium suscepti facti adiungere. Igitur iam experimenta virtutis satis clara ediderat iuvenis fortissimus. — 204. *fata extrema* debent Aeneae esse, fuga ex urbe et errores. — 205, 206. Versus omnium, quos memini, sententiae generositate et magnanimitate praestantissimi. Sensum quisque suum excutiat et iuvenes ingenue natos observet, annon lecta et percepta sententiae exsultent! Habent simile quid loca Horatii Illud: *animaeque magnae Prodigum Paulum* (quod Statius III, 603: *largusque animae, si maserit ira*)

Si quis in adversum rapiat casusve deusve,  
Te superesse velim; tua vita dignior aetas.  
Sit, qui me raptum pugna pretiove redemptum  
Mandet humo solita; aut, si qua id Fortuna vetabit,  
Absenti ferat inferias decoretque sepulcro. 215  
Neu matri miserae tanti sim caussa doloris,  
Quae te sola, puer, multis e matribus ausa  
Persequitur magni nec moenia curat Acestae.  
Ille autem: Caussas nequidquam nectis inanis,  
Nec mea iam mutata loco sententia cedit. 220  
Adceleremus, ait; vigiles simul excitat. Illi  
Succedunt servantque vices; statione relicta  
Ipse comes Niso graditur regemque requirunt.

Caetera per terras omnis animalia somno  
Laxabant curas et cōrda oblita laborum: 225  
Ductores Teucrum primi, delecta iuventus,  
Consilium summis regni de rebus habebant,

et Lucan. de Germania I, 461: *animaeque capaces Mortis, et ignavum, rediturae parere vitae*. Quanto exilior Statil. oratio, ubi h. l. expressit Theb. I, 607 *iuvenes Famam posthabita sociis extendere vitam — bene emere esse otium vel vili stiam pretio emere notum est; oculos atque v. 209 esse propitios in promissum esse debet. Mox 213 de corporis sepulchra accipe; me, corpus meum, captum, subductum a pugna: ut toties apud Homerum sit, ubi ὡπαιξίας, ὡπαιξίας, ὡπαιξίας ὁ νεκρός. humo solita, terra, qua mortui humis solenni more solent. — 215. Absenti de eo accipio, cuius corpus non existat, quod sepeliri possit; itaque inferiis et cenotaphio desungendum est. — 217. Quae te sola. Memnit quidem in Sicilia senem et infirmum inutilis turba (cf. lib. V, 215 sq. 767);*

inler longaevas autem matronas —  
sola Eurycli mater fuit, qui in Si-  
cilia minore nolleſt Sic XI, 35 diſci-  
cultate caret, ut 192 *patres*. — *noe-  
nia Acetac*, Segesta urbem, ut  
lib. V, 755 seq. — 219. *neetia co-  
ausa*: proprie dum alia ex alia causa  
seritur. Sic et texere et praetexere  
causa dicitur. — 220 quem ornatu  
pre, mutari potest. Mox excitant com-  
militones, qui in statione excubie-  
rum in suum locum succedant; dum  
ipsi tendunt ad regem, Ascanium,  
ÆNEID.

224. Orditur narratio eodem modo, quo Homerus suam de Ulyssis et Diomedis exploratione Ilied. II, 1 et 195 sq. et. VIII, 26. — 227 Lucili est versus: *Consilium summis hominum de rebus habebant. Serv. inventus omnino de viris militaris aetatis. Ne quis senum consilia deside-*

Quid facerent quisve Aeneae iam nuntius esset;  
 Stant longis adnixa hastis et scula tenentes  
 Castrorum et campi medio. Tum Nisus et una 230  
 Euryalus confestim alacres admittier orant;  
 Rem magnam pretiumque morae fore. Primus Iulus  
 Adcepit trepidos ac Nisum dicere iussit.  
 Tum sic Hyrtacides: Audite ol mentibus aequis,  
 Aeneadae, neve haec nostris spectentur ab annis, 235  
 Quae ferimus. Rutuli somno vinoque soluti  
 Conticuere; locum insidiis conspeximus ipsi,  
 Qui patet in bivio portae, quae proxima ponto;  
 Interrupti ignes, aterque ad sidera fumus  
 Erigitur: si Fortuna permittitis uti, 240  
 Quaesitum Aenean ad moenia Pallantea  
 Mox hic cum spoliis, ingenti caede peracta,  
 Adfore cernetis. Nec nos via fallit euntis:

ret. — 229. Egregia consilii ista  
 heroum aetate habiti adumbratio,  
 cuius passim in vetustis monumentis  
 exempla occurrunt. *Stant longis ad-*  
*nixa hastis*: vide v. c. Iliad. 9, 493  
 sqq. de Hectore. — 230. *Castrorum*  
*et campi medio*. Castra erant in campi  
 planitie, ideoque ipsa castra cam-  
 pum intra vallum habebant; ut fo-  
 rum est in media urbe. — 232. *Rem*  
*magnam se afferre et pretium fore*  
*morae*, sc. quam suo adventu affe-  
 rant consiliis, v. Serv. nisi moram  
 pro tempore dictam putes, quod nun-  
 tio audiendo impenditur. — 233. *trep-*  
*idos* pro festinis, ut ante *alacres*  
 tenebis; item, mox 236 *ferre* esse  
 nuntiare. De situ castrorum vs. 238  
 vide ad v. 195. Iam portae *bivium*,  
 cum altera via Laurentum et versus  
 castra Rutulorum, qui ab his partibus  
 venerant, duceret; altera ad laevam

et a tergo castrorum in interiores  
 terras. *insidiar* h. l. ad clandestinum  
 egressum referendae sunt.

240 sq. Triplex est ratio et ordo  
 verborum, qui in his versibus inel-  
 potest. In loco, qui poëtae ulti-  
 mam manum desiderat, nunc prae-  
 fero equidem hunc, *si fortuna per-*  
*mittitis uti nos*, ut in hac hostium  
 incuria et socordia castris clam eru-  
 pimus: mox cernetis Aeneam qua-  
 situm, inventum apud Pallanteum,  
 hic affore redocem. Namque id  
 agebatur, ut Aeneae nuntiaretur  
 castra obsideri, utque is ocyus cum  
 copiis adesset. Sane sic, si hostes a  
 tergo adiecerant, magnam eorum  
 stragem edere poterat. Caeterum o-  
 mnium Codd. est: et moenia: inde  
 ab Aldd. tamen edilae: ad moenia.  
*Fortuna*, occasione, inquit Borm, ut  
 Servius. Recte quidem; sed Fortuna  
 multo latius patet multoque ornatius

Vidimus obscuris primam sub vallibus urbem  
 Venatu adsiduo et totum cognovimus amnem. 245  
 Hic annis gravis atque animi maturus Aletes:  
 Di patrii, quorum semper sub numine Troia est,  
 Non tamen omnino Tencros delere paratis,  
 Quum talis animos iuvenum et tam certa tulistis  
 Pectora. Sic memorans humeros dextrasque tenebat<sup>250</sup>  
 Amborum et voltum lacrimis atque ora rigabat:  
 Quae vobis, quae digna, viri, pro laudibus istis  
 Praemia posse rear solvi? Pulcerrima primum  
 Di moresque dabunt vestri: tum caetera reddet  
 Actutum pius Aeneas atque integer aevi 255  
 Ascanius, meriti tanti non inmemor umquam.  
 Immo ego vos, cui sola salus genitore reducto,  
 Excipit Ascanius, per mágnos, Nise, Penatis  
 Assaracique Larem et canae penetralia Vestae,  
 Obtestor (quaecumque mihi fortuna fidesque est, 260  
 In vestris pono gremiis): revocate parentem!

et potentius verbum est. — 244. Expeditissimum est, ut vidimus ad verba sub vallibus retrahatur: nos in obscura valle collocati vidimus e longinquo Pallantem in edito loco positum. In v. 246 observent tirones e trinis modis loquendi elegantissimum: animo maturo, maturus animo et maturus animi e graecis. — 248. Putant respici Odys. 8, 754 sq. — 252. laudes et hic pro virtute, pro factis strenuis, cf. ad v. 197. Paullo ante certa sunt firma, fortia, pectora. — 255. integer aevi. Argutantur Intpp. Ascanius est integra aetate, adolescens, imprimis respectu parentis. Scilicet omnino vitae tanquam summa aliqua, ἀκμή, est, ad quam assurgimus pueritia et iuventute; decedit annis, aetati, vitae tanquam summae fato nobis destinatae

pars aliqua quotannis, et quotidie; ut apud Horat. aliquoties, II Carm. 5, 13. Art. 175. Pueri itaque aut iuvenis in ἀκμή constituti summa annorum adhuc est integra: nondum imminuta. — 257. Vos... Nise, ut inf. 125 Vos, o Calliope: nota figura. — 259. Assaraci Larem: non, tanquam Assaracus Lar fuerit, ut Cerda et alii; sed pro Lare maiorum, inter quos fuit Assaracus, doctius hunc unum memoravit poeta, ut I, 284 domum Assaraci dixerat. Recte Serv. a id est familiae nostrae vel generi proprium. Ergo est: obtestor per Penates et Lares domus meae. Quos diversos habitos esse, ex hoc ipso apparet. — 260. Laborant Intpp. in fides, inde post Servium. Sed fides exquisita pro spe et voto saepe

Reddite conspectum! Nihil illo triste recepto.  
 Bina dabo argento perfecta atque aspera signis  
 Pocula, devicta genitor quae cepit Arisba;  
 Et tripodas geminos, auri duo magna talenta; 265  
 Cratera antiquum, quem dat Sidonia Dido.  
 Si vero capere Italiam sceptrisque potiri  
 Contigerit victori et praedae ducere sortem:  
 Vidisti, quo Turnus equo, quibus ibat in armis  
 Aureus; ipsum illum, clipeum cristasque rubentis, 270  
 Excipiam sorti, iam nunc tua praemia, Nise;  
 Praeterea his sex genitor lectissima matrum  
 Corpora captivosque dabit suaeque omnibus arma;  
 Insuper his, campi quod rex habet ipse Latinus.

ponitur: nam, quae speramus eventura, his aliqua ex parte fidem habemus: quaecumque mihi fortuna et quaecumque mihi spes est, ea in desideratissimi parentis reditu est posita.

263. In praemiis pollicendis locus ante oculos Iliad. 4, 122 sqq. Sapientius etiam haec omnia adornata a Virgilio. Nam apud Homerum minus honeste Dolon praemia postulat Il. x, 324 sqq. — *devicta genitor quae cepit Arisba*. De urbe hac circa Abydum sita v. in primis Strab. XIII, p. 882, 883. Steph. Byzant. h. v. ibique Holsten. cum Eustathio ad varia Homeri loca Il. 6, 837 et al. Difficultas hic in eo inest, quod Arisba Troadis urbs Troianis auxilia ab Asia adducta misit: vix adeo asequi licet, quomodo urbs sociorum a Troianis capi potuerit. Sed repetiit hoc poeta ex rebus, quae Troianum bellum antecesserant; nam ab Anchias captam urbem narrat. Potuit igitur fabulam sequi, quae cum pluribus aliis de rebus Troianis narrationibus intercidit. — 265. *magna talenta* a poetica ratione, ut epitheton

ornet. Nam, quod partes in se continet, totum magnum est respectu partium. V. ad lib. V, 248. *Cratera autem antiquum* int. antiquo opere. *dat, idemque*, sic 361 *misit* pro *misit*. — 267. Color orationis ex Homero eadem in re Il. 4, 435 sqq. *capere Italiam* magnifico, si sedem ubi teneat et terram in Latio, quam inhabitent Troiani, et praedam sortito disperituri, sortiri contigerit. — 269. *Vidisti*, quo potest etiam interrogando effici. *Turnus aureus*, aureis in armis. — 270, 271. habebis Turni spolia tamquam *γέρας ἀνέλεπτος*, munus eximium. Conf. V, 534. VIII, 552. — 272, 273. Promittit duodecim mancipia, ancillas et pueros. *Matres postae simpliciter* sunt feminae. Quod vero adiecit *suaeque omnibus arma*, oboccurum esse potest, si servos cogites; sed *captivos* memoravit, quos armatos ceperat armisque spoliaverat: eos donabit una cum armis. — 274. Recte Servius ad τὸ τέρτος, seu portionem agri regibus praeis pro honore assignati refert; qualis v. c. erat Belle-



Te vero, mea quem spatiis propioribus aetas 275  
 Insequitur, venerande puer, iam pectore toto  
 Adcipio et comitem casus conplector in omnis.  
 Nulla meis sine te quaeretur gloria rebus,  
 Seu pacem seu bella geram; tibi maxuma rerum  
 Verborumque fides. Contra quem talia fatur 280  
 Euryalus: Me nulla dies tam fortibus ausis  
 Dissimilem arguerit; tantum! Fortuna secunda  
 Aut adversa cadat. Sed te super omnia dona  
 Vnum oro: genetrix Priami de gente vetusta  
 Est mihi, quam miseram tenuit non Ilia tellus 285  
 Mecum excedentem, non moenia regis Aestae.  
 Hanc ego nunc ignaram huius quodcumque pericli est  
 Inque salutatam linquo; Nox et tua testis  
 Dextera, quod nequeam lacrimas perferre parentis.  
 At tu, oro, solare inopem et succurre relictæ. 290  
 Hanc sine me spem ferre tui; audentior ibo  
 In casus omnis. Percussa mente dederunt  
 Dardanidae lacrimas, ante omnis pulcer Iulus;  
 Atque animum patriae strinxit pietatis imago.

rophonti apud Lycios Iliad. ζ, 194 et Tarquinio Superbo in campo Martio. Spectat ad hanc ipsam regis sortem locus circa lacum Albanum v. 358, ubi tum rex stabula alta Latinus habebat h. e. armenta pascibat. insuper his, insuper in his, cum his; pro super haec. — 275 sqq. Locus suavissimus. Delectat enim honesta Ascanii et ad amicitiae sensum ex aetatis aequalitate prona indoles, mea quem ornatu pro: cui aetate propior sum. — 277. *Acipio te et conplector pectore toto comitem iunge.* — 279, 280. *tibi maxuma rerum verborumque fides erit;* habebitur rebus et verbis tibi committendis; h. e. tecum omnia consilia mea

et gerendas res communicabo. Quodcumque autem vel cum fide ac fiducia vel propter fidem facinus, id omne *fides* designat; ut paullo ante ad v. 260 notatum meminimus. — 281, 282, 283. Ego vero allaborabo, ut huic forti facto tota vita sit consentanea; tantum sc. de me polliceri audeo; quaecumque fortuna, secunda an adversa, sequela fuerit: conf. 299. Si iunges: *dissimilem arguerit tantum* pro tam dissimilem; collocatio verborum offendit, quae esse debebat: *tantum dissimilem arguerit.* Sequentia ad pietatis sensum praeclare sunt comparata.

294. Locus suavissimi affectus ple-

Tum sic effatur:

295

Spondeo digna tuis ingentibus omnia coeptis.  
 Namque erit ista mihi genetrix, nomenque Creûsae  
 Solum defuerit, nec partum gratia talem  
 Parva manet. Casus factum quicumque sequuntur,  
 Per caput hoc iuro, per quod pater ante solebat: 300  
 Quae tibi polliceor reduci rebusque secundis,  
 Haec eadem matrique tuae generique manebunt.  
 Sic ait inlacrimans; humero simul exuit ense  
 Auratum, mira quem fecerat arte Lycaon  
 Gnosius atqueabilem vagina aptarat eburna. 305  
 Dat Niso Mnestheus pellem horrentisque leonis  
 Exuvias; galeam fidus permutat Aletes.  
 Protenus armati incedunt, quos omnis euntis  
 Primorum manus ad portas iuvenumque senumque  
 Prosequitur votis. Nec non et pulcer lulus, 310  
 Ante annos animumque gerens curamque virilem,  
 Multa patri portanda dabat mandata. Sed aurae  
 Omnia discerpunt et nubibus inrita donant.

Egressi superant fossas noctisque per umbram

nus in sententiam desinit ex intimis animi recessibus repetitam. Conscientia ac cogitatio ideoque imago pietatis suae in patrem Aeneam scripserit punit animum Ascanii, exemplo similis pietatis in Euryalo erga matrem animadverso. Sic X, 824 Laeso caeso logemuit Aeneas. — *Et mentem patriae attriuit pietatis imago*, h. e. recordatio ac memoria amoris sui in Ascanium et, quantum ex simili calamitate luctum ipse esset suscepturus. Erat igitur *imago patriae pietatis* in Ascanii mente. Adhuc de verbis, Sententiam ipsam quantumvis reconditam iam in Homero observamus, Il. 7, 304, 339. Cf. Odys. 8, 413, 414.

298. *nec partum ... manet*, et ipsi imputabo in beneficium acceptum hoc, quod talem filium peperit. Meretur magnam gratiam, quae te genuit: vel, ut Serv., debet ab omnibus coli, quae talem creavit. — 303 sq. Haec ex herosicae vitae more sunt illustranda quo propriis armis alium instruere summi affectus pignus erat, cf. Il. 2, 255 sq., unde hic locus adumbratus est; ut alias arma permutare fidelis amoris tessera est. *Vagina eburna* in Odys. 9, 404 est in simili munere. — 308. Cf. Il. 2, 272 sqq. primores comitantur abeuntes. — 313. *nubibus*: dant ventia, auris, ut toties.

314. Conf. Il. 2, 469 sqq. — 315.

Castra inimica petunt, multis tamen ante futuri <sup>315</sup>  
 Exitio. Passim somno vinoque per herbam  
 Corpora fusa vident, adrectos litore currus,  
 Inter lora rotasque viros, simul arma iacere,  
 Vina simul. Prior Hyrtacides sic ore locutus:  
 Euryale, audendum dextra! Nunc ipsa vocat res. <sup>320</sup>  
 Hac iter est. Tu, ne qua manus se ad tollere nobis  
 A tergo possit, custodi et consule longe.  
 Haec ego vasta dabo et lato te limite ducam.  
 Sic memorat vocemque premit; simul ense superbum  
 Rhamnetem adgreditur, qui forte tapetibus altis <sup>325</sup>  
 Exstructus toto proflabat pectore somnum,  
 Rex idem et regi Turno gratissimus augur:  
 Sed non augurio potuit depellere pestem.  
 Tris iuxta famulos temere inter tela iacentis  
 Armigerumque Remi premit aurigamque sub ipsis <sup>330</sup>  
 Nactus equis, ferroque secat pendentia colla.  
 Tum caput ipsi aufert domino truncumque relinquit

*Impedita sententia. ante debebat esse: antequam castra petunt. Ingreduntur; atque hoc a re alienum! Ergo intelligendum inimica ipsa futura; perniciose ipsis, unde redituri non erant; ut bene Serv. i ut Inf. 355 lux inimica. Igitur ante quoad sententiam ex voce supplendum: antequam ipsi perirent. Praestat vel sic tertium: antequam ad Aeneam pervenirent et mandata perferrent. — 317. arrectos currus (ut Inf. 465 arrectae hastae), sublato in alium iugo et depresso in terram parte currus extrema, si binis rotis instructum currum cogites. E-recti currus apud Stat. Theb. III, 414. X, 469 occurrunt. Mox vina, vasa vini, ut hinc Serv. — 321. Anteit Nius: Euryalo mandat, ut sequatur et a tergo omnia tuta praestet. —*

*consula, prospice, provide. V. Burm. ad Val. Fl. III, 38. vasta dare exquisite pro facere, vastare. — vocem premit: aut submissa voce loquitur aut tacet, inquit Servius; praefera prior: memorat voce pressa. — 325, 326. ornate! docta verborum immutatione, pro vulgari: in tapetibus alte exstructis ipse Rhamnes dormiebat. Posuit autem tapetes pro pulvinis, qui tapetibus instrati sunt. — 327, 328. Praeivit Homerus Iliad. β, 858, 859. — 330-334. Remum, quem expresse non nominat, cum trionis famulis eiusque armigerum (Στάμνονα) et aurigam (ἀνίστορα) opprimit. Praestat tamen corrigere Remum, ut is ipse sit Rhamnetis armiger (Sed non opus est, si Remum dominum esse statuas; quod quo minus facias,*

Sanguine singultantem; atro tepesfacta cruore  
 Terra torique madent. Nec non Lamyrumque Lamum-  
 Et iuvenem Sarranum, illa qui plurima nocte (que  
 Luserat insignis facie multoque iacebat 336  
 Membra deo victus, felix! si protenus illum  
 Aequasset nocti ludum in lucemque tulisset.  
 Inpastus ceu plena leo per ovilia turbans;  
 Suadet enim vesana fanies; manditque trahitque 340  
 Molle pecus mutumque metu; fremit ore cruento.  
 Nec minor Euryali caedes: incensus et ipse  
 Perfurit ac multam in medio sine nomine plebem  
 Fadumque Herbesumque subit Rhoetumque Abarimque  
 Ignaros, Rhoetum vigilantem et cuncta videntem; 345  
 Sed magnum metuens se post cratera tegebat:  
 Pectore in adverso totum cui comminus ense  
 Condidit adsurgenti et multa morte recepit

nihil impedit R.) — 333. *sanguine singultantem truncum* docte dixit, qui collo reciso sanguinem emittit ebullientem, ἀναβλύσωντα. Doctius quoque dixit *singultare sanguine*, quam *sanguinem*. — *atro tepesfacta cruore Terra torique madent*. Gravitatis plus habet Homericum: δᾶρτρον δ' ἄκραν αἰσχυρὸν Σῆρ, fervebat, aestuabat, in loco praeclearo de Agamemnone eaeno inter epulas Od. λ, 419 et al. — 335 sq. Haec et similia ornamenta magno sublegit Homero miro in his artificii. Lusibus at iocis inter apulas Sarranus magnam noctis partem exegerat at nunc vino gravatus (*multo deo victus*) obdormierat; quanto malius fuisset, si potationem par totam noctem continuasset at in lucem protulisset ac produxisset! ita enim opprimii a Niso non potuisset. — 339-344. cf. X, 723 sq. Homericum locum Il. x; 485, 486 ornavit: sed ornaverat comparatio-

nam, qua saepe et varia utilis ipse Homerus alijs in locis, ut Odys. ζ, 430 sq. Il. μ, 299. Il. ο, 323, 324: unde ἀλόντων illustrat h. l. *turbans*, turbas faciens et consternans pecudes, ut tumultuentur per ovile. Spectatautem comparatio ad Nisum, atai paullo durior, omissa apodosis; *simili modo fiebat Nisus*. Tum subiicitur: *Nec minor Euryali caedes*.

343. *sine nomine*, ανώνυμος, obscuros, ignobiles. *nomen* non modo pro fama, sed et pro nobilitate ac dignitate, in medio vel de loco vel de tempora. — 346. *magnum se post cratera tegebat*. Mirabaris crateris magnitudinem! etai ingentia luere vasa fictilia, quibus vinum in pocula hauriendum servabatur; dicta eadem do lia; a quo genere essa debuit, in quo Diogenes habitabat. — 348. *et multa morte recepit*, retraxit ense multo cum sanguine, ut X, 383; ut πόνο;

Purpureum: vomit ille animam et cum sanguine mixta  
 Vina refert moriens; hic furto fervidus instat. 350  
 Iamque ad Messapi socios tendebat, ubi ignem  
 Deficere extremum et religatos rite videbat  
 Carpere gramen equos; breviter cum talia Nisus  
 (Sensit enim nimia caede atque cupidine ferri)  
 Absistamus, ait; nam lux inimica propinquat. 355  
 Poenarum exhaustum satis est; via facta per hostes.  
 Multa virum solido argento perfecta relinquunt  
 Armaque craterasque simul pulcrosque tapetas.  
 Euryalus phaleras Rhamnetis et aurea bullis

(*Purpureum*, cruentum. Aberratione calami satis antiqua vocabulum *purpureum* testium iniquioverat: reponendum itaque erat *purpureum* Servio duce, qui ait: multi distinguunt, ut ait *senatus* talis: Educit gladium multo cruore purpureum. Recte, cum h. l. voc. *ensem* epitheto vix exere possit. Idem I. H. Vossius ad Virgil. Georg. IV, 373, p. 855 *seosius* videtur. R.) Alii *recipere* dictum accipiunt pro *excipere*: ut sit *excipere* aliquem morte tanquam hospitio seu epulis, et sic *ἐξίπνεσθαι* apud Homer. Iliad. x, 238, *Ἀπὸλλων*. I, 1000. *ἐπιπνεσθαι* ap. Soph. El. 99. — 349, 350. *et cum sanguine mixta vina refert*, ἀναμίχεται, relicit. Sensus igitur foedae et iogratae rei posita habuit nullum, ut qui ista memorare non dubitavit. Sed nec alii (Ovidii et Statii exempla Cerda laudat) descriptionem tam molestam et nauseam moventem refugerunt; minor est offensio, ubi cum foeditate sensus horroris excitari debet, ut de Cato VIII, 196. — non longam furto *fervidus*, sed *fervide* instat furto, furtiva et non animadversa a ceteris caede.

350—356. Manifesta Homeri vesti-

gia II. x, 494 sqq. in Rheseo, usque ad 514. Messapus excubitis erat praefectus, IX, 459 etc. — *ignem extremum* quis dubitet iungere, ut *lumen extremum*, *deficiens*. — *religatos rite*, *ex more*, ex militari consuetudine *ligatos*, ait Servius; quidam simpliciter accipimus: equos rite alligatos? uti res poscebat, uti consuetudinem erat facere, ne liberi discurrerent, οὐ κατὰ νόμον. Apud Homer. in ea re II. x, 475. equi ex curru extremo ligati sunt. — 354. *ferri* sc. ac et Euryalum R. — 356. *Poenarum* h. l. pro caede ad ulciscendum hostem facta; caedea satis multae factae sunt.

357—366. Omissa ceteris spoliis phalerae et cingulum Rhamnetia offert Euryalus; una cum galea Messapi, qua paullo post ipse perditur hostibus. — *phalerae*. Dubitatur, etiam ad h. l., sicut equi an equitis ornamentum: nam utrique tribui solent. Apud Polyb. T. IV, p. 496 *ἀνὰ χροσώλας* *ἵππων*. Supra V, 310, *equum phaleris insignem* vidimus; hic *phaleras Rhamnetis*. Res sic expediri potest: Sunt phalerae equi; qui equum ornatum habet, ad eundem equi ornatus spectat. Itaque, qui equum pha-

Cingula (Tiburti Remulo ditissimus olim 360  
 Quae mittit dona, hospitio quum iungeret absens,  
 Caedicus: ille suo moriens dat habere nepoti;  
 Post mortem bello Rutuli pugnaque potiti)  
 Haec rapit atque humeris nequidquam fortibus aptat.  
 Tum galeam Messapi habilem cristisque decoram 365  
 Induit. Excedunt castris et tuta capessunt.

Interea praemissi equites ex urbe Latina,  
 Caetera dum legio campis instructa moratur,  
 Ibant et Turno regis responsa ferebant,  
 Tercentum, scutati omnes, Volscente magistro. 370  
 Iamque propinquabant castris muroque subibant,

leratum habet, erit et ipse eques phaleratus; ideoque Rhamnetis phalerae sunt, quibus insignis eius est equus et quidem h. l. currui iunctus. Mox v. 458 apollia enumerantur per galeam et balteum; nihil amplius. Quid si et h. l. apposita sunt, phalerae et aurea bullis cingula: ut phalerae late pro ornamento quocunque, h. l. de balteo dicantur? Sane eo ducit Silius XV, 255, phaleris hic pectora fulget. Ita phalerae esse potnere et equi et equitis. Remulum Tiburtem dicere malim quam Tiburti filium. Mox balteum int. aurea elavia insignitum, χρυσόλευον: quem ornat Homeri exemplo, v. e. II. x, 266 sqq. Balteus ille olim Caediei fuerat, qui enim misit Remulo Tiburtino homini hospitale munus, ξενίατον. Remulus moriens nepoti reliquit; quo in pugna caeso balteo illo potiti Rutuli vel in praedae parte vel ut ἀπορτίαν, balteum Rhamneti dederant. Si ita aingula constituas, vides frustra trepidasse interpretes veteres. — 362. ὁμῶς ἵχυν. ὁμῶς φίλων Homer. — 364. nequidquam aptat, non fruiturus. Serv.;

respectu calamitatis, quam accepturus est, dum per eum impeditus proditur v. 354. — habilem, aptam capiti; esse videtur Homerienm τὸ ἀραρυίας. Cf. ad I, 318.

367 sqq. Reticuit posita sapienter nonnulla, quae ex ipsa narratione intelliguntur. Praecesserat Turnus cum expedito agmine ad castra Troianorum expugnanda. Interea, ut copiarum, quae in urbe Laurentum cogebantur, adventus acceleraretur, iusserat Turnus: quae domi instruantur, praemittuntur trecenti equites. In hos ipsos ad castra appropinquantem incidunt miseri Nisus et Euryalus. — 374. muroque subibant, quosnam? Troianorum? hoc est vallum et castra, quae obsidebant Rutuli: atqui ea non ingredi poterant equites Latini. An Rutulorum? Hoc sane melius, cum de enpiis agat posita, quae Rutulis auxilio missae Rutulorum, non Troianorum, castra ingressurae sunt. Enimvero Rutulorum castra erant nulla, h. e. nec vallum nec agger; verum in campo procubuerant. Res sic expedienda: Rutuli obsidebant

Quum procul hos laevo flectentis limite cernunt,  
 Et galea Euryalum sublustri noctis in umbra  
 Prodidit inmemorem radiisque adversa refulsit.  
 Haud temere est visum. Conclamat ab agmine Volscens:  
 State viril quae caussa viae? quive estis in armis? 376  
 Quove tenetis iter? Nihil illi tendere contra;  
 Sed celerare fugam in silvas et fidere nocti.  
 Obiiciunt equites sese ad divortia nota  
 Hinc atque hinc, omnemque abitum custode coronant.  
 Silva fuit, late dumis atque ilice nigra 381  
 Horrida, quam densi conplerant undique sentes;  
 Rara per occultos lucebat semita callis.  
 Euryalum tenebrae ramorum onerosaque praeda  
 Impediunt, fallitque timor regione viarum. 385  
 Nisus abit iamque imprudens evaserat hostis  
 Atque lacus, qui post Albae de nomine dicti

vallum et portas castrorum Troiano-  
 rum: cf. 159 sqq., itaque turma, quae  
 ad exercitum mittebatur, castris Tro-  
 ianorum appropinquabat: *nabire* est  
 h. l. propius accedere, non, ingredi  
 (muroque medie. cod. praestat, cf. VII,  
 161: *Murosque alii. R.*) — 372. *laevo*  
*limite*, via a laeva parte Troianorum,  
 sc. in *divio* portae, quae proxima  
 ponto v. 238. Conf. ad v. 195. — 375.  
*haud temere est visum*, res animad-  
 versa est laud in vacuum; non negle-  
 cta est. — 377. *tendere* recte Serv.  
 h. l. verbis tendere adversus aliquem,  
 h. e. respondere. — 379. *divortia* do-  
 ctius quam diverticula. — 383. *luc-*  
*bat* eleganter de via inter dumos et  
 silvarum tenebras (Fortasse postea me-  
 mor fuit Apollon. I, 128, *δῆλ' ἀνὰ*  
*σάου' ὁ δ' ἀνὰ πῶς* etc. *R.*) In silvis sunt  
*saltus*, colles et vallis, pascendis gre-  
 gibus aptae, ad ista loca ducunt *calles*,  
 loca pecudi pervia, et in his viae,

semitae, quibus pastores incedunt.  
 Dicuntur ita iunctim apud Livium  
*saltus callesque*, loca, quibus pecudes  
 pascuntur. Ergo *calles* accipio de toto  
 illo dumoso tractu, qui erat pervius;  
 in hoc *semita*, quae euntem ducebat,  
 h. e. semitae rari, paucae erant,  
 nisi doctius, in virgulto raro, minus  
 denso. — *fallitque timor regione vi-*  
*arum*, h. e. via, periphrasice; ut  
 aberraret a via. *regio* linea, directio  
*viae*, et poëtice *viarum* pro ipsa via;  
 lib. II, 737 timor ipse, ne in hostes  
 incideret, a via, qua elabi poterat,  
 abducit. — 386. *abit*, ut lib. V, 318:  
*Primus abit* etc. *imprudens*, Euryalum  
 remansissa non animadvertens. —  
*lacus Albanus* aliquantum sane a castro  
 Troianorum seu nova Troia absuit et  
 maiore forsitan intervallo, quam ut  
 paucis horis a media nocte ad diei or-  
 tum eo usque procurrere et rursus  
 inde silvas repetere potuerit Nisus.

Albani: tum rex stabula alta Latinus habebat.  
 Ut stetit et frustra absentem respexit amicum:  
 Euryale, infelix qua te regione reliqui? 390  
 Quave sequar? Rursus perplexum iter omne revolvens  
 Fallacis silvae simul et vestigia retro  
 Observata legit dumisque silentibus errat.  
 Audit equos, audit strepitus et signa sequentum,  
 Nec longum in medio tempus, quum clamor ad auris<sup>395</sup>  
 Pervenit, ac videt Euryalum; quem iam manus omnis  
 Fraude loci et noctis subito turbante tumultu  
 Oppressum rapit et conantem plurima frustra.  
 Quid faciat? qua vi invenem, quibus audeat armis  
 Eripere? an sese medios moriturus in enses 400  
 Inferat et pulcrum properet per volnera mortem?  
 Ocius adducto torquens hastile lacerto,  
 Suspiciens altam Lunam sic voce precatur:  
 Tu, dea, tu praesens nostro succurre labori,  
 Astrorum decus et nemorum Latonia custos; 405  
 Si qua tuis umquam pro me pater Hyrtacus aris  
 Dona tulit, si qua ipse meis venatibus auxi

Enimvero non adeo geometrica subtilitate in poeta utendum est, qui omnino longius cursu evehctum Nisum declarare voluit. Poterat is locum Albanum, longinquum etsi spatio adhuc dissitum, tamen praetergredi et, dum versus Tiberim tendit, a tergo relinquere eumque evadere, etsi aliquot millibus ab eo abesset. Ad oculorum sensum haec in locum planitie sunt diiudicanda. — 388. *stabula*; habent reges suum *τέτρυς*; ergo et greges, ut v. 274 *campi quod rex habet ipse Latinus*. Ceterum tota haec poetae narratio egregie ad expectationem movendam est comparata. — 396, 398. Euryalum oppressum ignorance via-

rum tenebrisque et turbatum inopinato hostis adventu et frustra arma parantem capiunt et abducunt.

402. Consilium Nisi ex vs. 409 declarandum est: volebat occulta et repentino assultu conturbare et consternare hostes, ut incerti, quibus insidiis peterentur, in fugam se coniecissent; ita liberandi Euryali copiam fore: et successisset res, nisi morte Euryalo intentata prorupisset. — 401. Imitatur copiose Statius VI Theb. 633 sqq. Formula praecum vs. 406 sollemnis et nota vel ex II. α, 39 sq. ε, 115 sqq. Odys. δ, 763 sq. σ, 210 sqq. et alibi. *praesens*, *propitia*. — 407. *auxi* eleganter, alia et ipse tuli, ad-



Suspendive tholo aut sacra ad fastigia fixi :  
 Hunc sine me turbare globum et rege tela per auras.  
 Dixerat et toto connixus corpore ferrum 410  
 Coniicit : hasta volans noctis diverberat umbras  
 Et venit aversi in tergum Sulmonis ibique  
 Frangitur ac fisso transit praecordia ligno.  
 Volvitur ille vomens calidum de pectore flumen  
 Frigidus, et longis singultibus ilia pulsat. 415  
 Diversi circumspiciunt. Hoc acrior idem  
 Ecce aliud summa telum librabat ab aure;  
 Dum trepidant, iit hasta Tago per tempus utrumque  
 Stridens traiectoque haesit tepefacta cerebro.  
 Saevit atrox Volscens nec teli conspicit usquam 420  
 Auctorem nec quo se ardens inmittere possit.  
 Tu tamen interea calido mihi sanguine poenas  
 Persolves amborum, inquit : simul ense recluso  
 Ibat in Euryalum. Tum vero exterritus amens  
 Conclamat Nisus (nec se celare tenebris 425  
 Amplius aut tantum potuit perferre dolorem):  
 Me, mei adsum, qui feci; in me convertite ferrum,  
 O Rutuli! mea fraus omnis; nihil iste nec ausus

didi. Est voc. sacrum delis, quae appositae, structae sunt. — 408. tholus est interior lectum rotundae aedis in testudinem concameratae; sustiginus est in aditu et super foribus, ἀντὶς, ἀντὶμα ἢ δῖλα, 409. sine, ἔχων, ul. Il. 9, 242, 243: sollemnius erat δῖς πα, da, fac, me. — aversi in tergum. Is, cuius tergum petitur, averso sit corpore necesse est, non adverso. Et sic utique legere praestat. Si tuendum aversi, accipiendum erit respectu Nisi, cui sane adversum, ex adverso obiectum esse debuit Sulmonis tergum, quod hasta petebat. Sed hoc respuit usus loquendi. — 413. Iliad.

ξ, 437. χαλαρὰς αἵμα' ἀμύσσων. Lucet. II, 354: Sanguinis expirans calidum de pectore flumen. — 415. Ge. III, 506, imaque longo Ilia singulta tendunt. 416. Pacuvianum laudat Macrobianus VI, 4: Diversi circumspiciunt: horror percipit. — 417. Homericum vulnus, v. c. Il. 8, 502 et v, 473. summa ab aure, cogita statum emitentis hastam, elevata a dextra capitis parte manu. tepefacta: saepe ibid. Il. π, 333. — 422. Servius laudat ex Ennii Annal. I: nam mi calido das sanguine pocus.

424 sqq. Observa hic incallescere orationem cum ipso Nisi calore. Et

Nec potuit; coelum hoc et conscia sidera testor.  
 Tantum infelicem nimium dilexit amicum. 430  
 Talia dicta dabat: sed viribus ensis adactus  
 Transabiit costas et candida pectora rumpit.  
 Volvitur Euryalus leto, pulcrosque per artus  
 It cruor inque humeros cervix conlapsa recumbit:  
 Purpureus veluti quum flos, succisus aratro, 435  
 Languescit moriens lassove papavera collo  
 Denisere caput, pluvia quum forte gravantur.  
 At Nisus ruit in medios solumque per omnis  
 Volscientem petit; in solo Volsciente moratur. 439  
 Quem circum glomerati hostes, hinc comminus atque  
 Proturbant. Instat non secius ac rotat ense (hinc,  
 Fulmineum, donec Rutuli clamantis in ore  
 Condidit adverso et moriens animam abstulit hosti.  
 Tum super exanimem sese proiecit amicum  
 Confossus placidaque ibi demum morte quievit, 445  
 Fortunati ambo! si quid mea carmina possunt,  
 Nulla dies umquam memori vos eximet aevo:  
 Dum domus Aeneae Capitoli immobile saxum

illa: *Me, me* etc. et haec: *nihil istae*  
*etc. Tantum infelicem nimium dilexit*  
*amicum.* Quia non aestuent iuvenilis  
 animus iuterlegendum! — 433. *vol-*  
*uitur*, provolvitur, concidit caesus,  
 moriens; pro hoc dixit *leto* — 435-  
 437. *Esimia* et *suavia* comparatio; sed  
 in qua Maroni nil imputandum prae-  
 ter verborum ornatum. Nam prae-  
 clarum illud: *succisus aratro*, quo res,  
 quae multis modis fieri poterat, iam  
 suaviter ad unum certum casum re-  
 vocatur, a Catullo mutatus est: *Carm.*  
*XI*, f. ubi *flos nullo contusus aratro*,  
*Cl. eund. LXII*, 39 sq; alterum de  
 papavere totum Homericum est *Iliad.*  
*Δ*, 306, 307. Imitati sunt multi: Ad-

de Apolloo. *III*, 1398 sqq. *languescit*  
*moriens*, ἰκνύσθ. *denisere caput.* Ovid.  
*Met. III*, 501. de Narcisso: *ille caput*  
*viridi fessum submisit aratro.* — Ver-  
 sus 444, 445 praeclari, verborum  
 quoque dilectu; nunc enim recte me-  
 morata placida mors et quiescere in  
 amici complexu, Volsciente caeso.

446 — 449. Splendidissimum epi-  
 phonema! et ad miserationem alius  
 iungendam animo, dum se ipsum ea  
 laetum significat poeta, aptissimum.  
 Hic felici audacia se ipsum interponit  
 poeta narratione epica, quod aliqui  
 parum docte fieret. Sumserunt a poeta  
 alii, non aequè feliciter: congressit  
 imitationem multorum Cerda. Tu in-

Adcolet, imperiumque pater Romanus habebit.

Victores praeda Rutuli spoliisque potiti 450

Volscientem exanimum flentes in castra ferebant.

Nec minor in castris luctus, Rhamneta reperto

Exsanguis et primis una tot caede peremtis,

Sarranoque Numaque. Ingens concursus ad ipsa

Corpora seminecesque viros tepidaque recentem 455

Caede locum et plenos spumanti sanguine rivos.

Adgnoscent spolia inter se galeamque nitentem

Messapi et multo phaleras sudore receptas.

Et iam prima novo spargebat lumine terras

Tithoni croceum linquens Aurora cubile, 460

Iam sole infuso, iam rebus luce relectis.

Turnus in arma viros, armis circumdatus ipse,

Suscitat aeratasque acies: in proelia cogit

Quisque suos variisque acuunt rumoribus iras.

Quin ipsa adrectis visu miserabile! in hastis 465

spice Statium Theb. X, 413 8. Et ex parte hinc ducta loca Silii II, 696-9 et Valer. Fl. II, 242-6. Splendor aulem et pondus etiam in ornamento ac verbis. *doma Aeneae*, gens Iulia, aut, quod minus malim, omnino populus Romanus. *immobile saxum*: quippe aeternum Capitolium, et nota narratio de Termino deo, qui in fundamentis Capitolii iaciendis non cessit loco. *pater Romanus* est Iupiter Capitolinus, non Augustus; is non aeternum habiturus erat imperium. At Aeneidi faustum hoc situm obtigit, ut etiam post imperii Romani ioteritum supervit.

452. Conf. II. x, l. c. 523 sq. — 455, 456. *tepidaque recentem caede locum*: docte et eleganter; non per hypallagen, ut vulgo exponunt, sed propter exquisitiorem et remotam a vulgari usui formam. Nam *locus re-*

*ctus caede* doctius dictum est, quam *locus recentis caede*, in quo recens caedes facta. At *caedes tepida*, propter leporem adhuc cruorem. *φόνος, αἷμα λαμπρόν*. Ita et mox: *plenos spumanti sanguine rivos* dictos accipe pro rivi sanguinis.

461. *Quisque suos*. Variæ fieri possunt iuncturae; nulla satis commoda. Ad iustam ac sollemnem rationem esse debebat: *aeratasque acies in proelia cogunt*, nunc per appositum: *quisque suos* v. Dicendum est, *cogunt*, nunc relatum ad sequens, in singularem abiisse, *cogit quisque* (Simplicissima esse videtur iunctura, ut post *acies* ioterpungas: *Turnus ... acies: in proelia cogit Quisque ... iras: viros* h. l. duces interpreteris, *aeratas* autem *acies* milites. R.) *rumoribus* docte videtur positum pro hortatibus,

Praefigunt capita et multo clamore sequuntur  
Euryali et Nisi.

Aeneadae duri murorum in parte sinistra  
Opposuerunt aciem (nam dextera cingitur amni)  
Ingentisque tenent fossas et turribus altis 470  
Stant maesti; simul ora virum praefixa movebant,  
Nota nimis miseris atroque fluentia tabo.  
Interea pavidam volitans pennata per urbem  
Nuntia Fama ruit matrisque adlabitur auris  
Euryali. At subitus miserae calor ossa reliquit. 475  
Excussi manibus radii revolutaque pensa.  
Evolat infelix et femineo ululatu,  
Scissa comam, muros amens atque agmina cursu  
Prima petit: non illa virum, non illa pericli  
Telorumque memor: coelum dehinc questibus inplet:  
Hunc ego te, Euryale, adspicio? tune, illa senectae 481  
Sera meae requies, potuisti linq̄uere solam,  
Crudelis? nec te sub tanta pericula missum  
Adfari extremum miserae data copia matri?  
Heu terra ignota canibus date praeda Latinis 485  
Aliiubusque iaces! nec te tua funera mater

vocibus. — 468. Conf. ad v. 194. de locorum situ. Firmant Troiaei praesidiis vallum ab laeva parte, qua Rutuli oppugnare munitionem seu urbem, qua voce Virgilius appellat, poterant: collocant ea in ipso vallo seu muro et in turribus, quae fossa ambit. In parte sinistra murorum, ex posito castrorum a partibus Troianorum. — 473 sqq. Comparant Andromachae trapidationem et luctum Il. X, 447 sqq. et ζ, 388 sq. Vt imitatore minus subacti iudicii agnoscas, cf. Statii Ill Theb. 133 sqq. In v. 476 est affectus a multis adumbratus. Qui exempla cupit, Cerdam adeat:

malim talia quemque sibi in ipsa poetarum lectione notare aut reminisci. Nam, ut placeant et prosint, cum rerum ac sententiarum contextu talia cognoscenda sunt. — 479. *prima agmina* hand dubie iungenda. Nam praecurrit ante propugnatoreis valli. — 485, 486 ex priaci aevi atrocitate proiciendi corpora inhumata satia nota, vel ex Iliadis primis versibus. Ad sequentes quoque versus illustrandos undique locorum copia appetit, etiam ex ipso Homero, v. c. Od. ω, 294 sqq. Il. X, 86 sqq. cf. X, 557 sqq. — 486. *nec te tua funera mater produci*. Vt nunc legitur, ratio gram-

Produxi pressive oculos aut vulnera lavi  
 Veste tegens, tibi quam noctes festina diesque  
 Vrguebam et tela curas solabar anilis.  
 Quo sequar? aut quae nuncartus avolsaque membra <sup>490</sup>  
 Et funus lacerum tellus habet? hoc mihi de te,  
 Nate, refers? hoc sum terraque marique secuta?  
 Fugite me, si qua est pietas! in me omnia tela  
 Coniicite, o Rutuli! me primam absumite ferro!  
 Aut tu, magne pater divom, miserere tuoque <sup>495</sup>  
 Invisum hoc detrude caput sub Tartara telo!  
 Quando aliter nequeo crudelem abrumpere vitam.  
 Hoc fletu concussi animi, maestusque per omnis  
 It gemitus; torpent infractae ad proelia vires.  
 Illam incendensem luctus Idaeus et Actor <sup>500</sup>  
 Ilionei monitu et multum lacrimantis Iuli  
 Conripiunt interque manus sub tecta reponunt.

At tuba terribilem sonitum procul aere canoro  
 Increpuit; sequitur clamor coelumque remugit.

matia accipere sic iubet, ut tua funera sit appositum voc. te. Scilicet funus ducitur, producitur, ideoque et corpus. Frigel lamen vel sic locus. Probabile est, quom nec Servii emendatio *funeram* i. e. producentem cadaver, nec praepositio omissa ad mat in tua funera locum habere possit, legendum esse cum Bembo: *funere*. Nec ego funus tuum duxi; pro hoc doctius dictum: *te produxi funere*. — 488. *veste tegens*. Minus bene de veste funebri (*ἐντάφιος* dicitur) cogitant Intpp. et *ἀντίπρ* Laërtiae a Penelope curatum huc advocant. De filii adolescentis morte mater profecto non cogitabat; sed vestem ei ornatiorem parabat. — 492. hoc caput, quod ante oculos erat suffumum pertica v. 465, hoc sum sequuta, ut mihi aliquando

id esset sic adspectandum! Nisi hoc pro eo, propterea, malis accipere, s. pro hunc luctum. *funus* autem est cadaver, ut alibi quoque. *telo*, fulmine. Praecclare omnia ad miseratorem composita et attemperata! — 500. *illam incendensem luctus*, exultantem, augentem aliorum moerorem, ita ut animi deprimerentur et rebus praesentibus dissiderent. *Vl ardere* dicuntur ea, quae in magno motu sunt, agitantur, turbantur, versantur; sic *incendere* est molum quemcunque inferre vel augere. Cf. ad X, 895.

503, 504. Praecclare ad revocandum a moerore et recipiendum ex iam longa narratione animum utitur versibus ad movendos animos idoneis; prioris lineas ductas esse ex illo En-

Adcelerant acta pariter testudine Volsci 509  
 Et fossas implere parant ac vellere vallum.  
 Quacrunt pars aditum et scalis adscendere muros ,  
 Qua rara est acies interlucetque corona  
 Non tam spissa viris. Telorum effundere contra  
 Omne genus Teucris ac duris detrudere contis 510  
 Adsueti longo muros defendere bello.  
 Saxa quoque infestoolvebant pondere, si qua  
 Possent tectam aciem perrumpere; quum tamen omnis  
 Ferre iuvat subter densa testudine casus.  
 Nec iam sufficiunt; nam, qua globus inminet ingens  
 Inmanem Teucris molem volvuntque ruuntque, 516  
 Quae stravit Rutulos late armorumque resolvit  
 Tegmina. Nec curant caeco contendere Marte  
 Amplius audaces Rutuli, sed pellere vallo

nii: at tuba terribili sonitu tarantata dixit, omnes monere post Maecrobium. *inrepsit sonitum*, ut, sonuit sonitum; fecit, edidit sonitum. — 505. In testudine egressus est Illo-mericam *ταχομαχία* Il. μ, 443 sqq., quae in hoc et sqq. poetae animo insidere debuit, uti ex multa lectione unicuique accidere necesse est. *Testudinem agere* scutis supra caput iunctis, unde v. 513 *tecta acies*, Troiani et Achivi nondum morant; de machina nullo minus cogitare licet. Mox Messapus v. 523 Ilomerici Sarpedonis partes esplet Iliad. μ, 387 sqq. Volsci ducebantur a Camilla, VII, 803. Ceterum novam Troiam, urbem, poeta ita descripsit, ut simul castrorum vicem ea praebere possit: lib. VII, 457: *Ipse humili designat moenia fossa Molitorum locum primasque in littore sedes* Castrorum in morem pin- nis atque aggere cingit. Itaque libro nono, ea Aeneae praecepto, non in

aciem procedunt Rutulis accedentibus; sed castra et tutos servare ag- gere muros student. Erat solum, quan- tum video, ex poetae mente fossa ducta cum aggere seu vallo, ex humo aggesta, vallis seu stipitibus ei prae- fixis; vallo impositus erat murus tur- ribus et intervallis distinctus. Itaque oppugnatio ita instituitur, ut primum alii testudine facta succedere, fossam implere ac vallos convellere; alii, qua parte murus nudatus esset, scalas admove- rent. Rupta ac soluta testudine, v. 515 517, missilibus et longinquo muros propugnatoribus nu- dent. Tandem 521 sq. in turrim im- petus fit: igni immisso expulsis Tro- ianis irruunt Rutuli. — vs. 511 in- genito commenta a poeta subicitur. — *infesto pondere* pro gravi et ob gravitatem exitiosa. *quomodo tamen iu- vat*: ut illis, qui sub testudine latent, decretum est extrema experiri. — 518. caeco Marte sub testudine, quam

Missilibus cernant.

520

Parte alia horrendus visu quassabat Etruscam  
Pinum et fumiferos infert Mezentius ignis;  
At Messapus equum domitor, Neptunia proles,  
Rescindit vallum et scalas in moenia poscit.

Vos, o Calliope, precor, adspirate canenti; 525

Quas ibi tunc ferro strages, quae funera Turnus  
Ediderit, quem quisque virum demiserit Orco;  
Et mecum ingentis oras evolvite belli.

Et meministis enim, divae, et memorare potestis.

Turris erat vasto suspectu et pontibus altis, 530

Opportuna loco, summis quam viribus omnes  
Expugnare Itali summaque evertere opum vi

modo *tectam aciem* et *armorum tegmina* dixerat; pugnae tectae oppositur pugna aperta. — 522. *pinus* nulla alia est quam ardens, quae pro face eascit.

525 sqq. Praeclara haec; facit enim Musarum invocatio plurimum ad convertendos animos in Turnum, qui nunc rebus gestis erat illustrandus: modo non ex Homero omnia nimis manifeste essent translata; a quo lamen omnino diligentius curatum est, ut, quae narraret, non ex poeticae ingenio sed a vetere summa profecta esse viderentur, quam Musae suppeditarent. In Virgilio contra nimis manifestum est, ex poetico artificio aut formula poetica haec esse inserta. *Vos, o Calliope*. Exempli enallages seu syllepsios v. sp. Cerdam et alios.

525. V. II. ξ, 508 sq. — 527. *Abi ποταφόν* quis nescit? — 528. Versus Euanianus ex VI. Annal. teste Macrobi. VI, 1 et Servio: *Qui potis ingentis oras evolvere belli?* et hinc ex-

plicandum. *oras* videntur dictae simpl. pro partibus, ut fines de toto loco, spatio. *bellum* est pugna, quae quomodo omnibus locis per totam aciem facta sit, quis *evolvere* verbis, exponere, possit? *Αργαλέον δὲ με ταύτα, Σὺν ὧς, πάντ' ἀγορεύου* etc. (Iliad. μ, 476.) Adiecta vox *evolvere*, in animum revocabat Turnebo oras vestium, quod alienum est. Apud Homer. II. δ, 37: *γασφράς πολέμοιο* per oras illustant, perperam utique, nam illae sunt intervallum inter utramque aciem, qua parte propugnatores, *πρόμαχοι*, prodeunt seque invicem armis petunt. Servius oras extrema bellorum exponit; enimvero de pugna agitur. Vers. 529 huc translatus e lib. VII, 645 melioribus codd. deest.

530. Conf. lib. II, 440 sqq., ubi regia Priami simili modo oppugnatur. *pontibus*, quibus discurrunt propugnatores per moenia et ad turrim pervenire licet. Ita statuendum est, si turris fuit in ipsis muris: sius fuit ante murum seu vallum, iuncta cum eo illa fuit ponte, ut supra ad v. 170

Certabant: Troës contra defendere saxis  
 Perque cavas densi tela intorquere fenestras.  
 Princeps ardentem coniecit lampada Turnus 535  
 Et flammam adfixit lateri, quae plurima vento  
 Conripuit tabulas et postibus haesit adesis.  
 Turbati trepidare intus frustraue malorum  
 Velle fugam. Dum se glomerant retroque residunt  
 In partem, quae peste caret: tum pondere turris 540  
 Procubuit subito, et coelum tonat omne fragore.  
 Semineces ad terram, inmani mole secuta,  
 Confixique suis telis et pectora duro  
 Transfossi ligno veniunt. Vix unus Helenor  
 Et Lycus elabsi; quorum primaevus Helenor, 545  
 Maconio regi quem serva Licymnia furtim  
 Sustulerat vetitisque ad Troiam miserat armis,  
 Ense levis nudo parmaque inglorius alba.

expositum est. — 533. *defendere* sc. turrim, non se; hoc indignum poetica gravitate esset. — 536. *Et flammam adfixit lateri*: ergo turrim ligneam fuisse credendum est, si exterius adhaesit sax allisa et affixa. — 540. *peste* de incendio, ut V, 683. Dum omnes in alteram turris partem, quae intacta ab igni est, concedunt; illa, quae aëolo imposita et superstructa erat (non fundamento aëneo in terram acto), utpote lignea et mobilis inaequali pondere inclinatur. — 542. Corruente turri in latus alterum affiguntur ii, qui intus sunt, solo, gravi turris ruina; hoc dixit: *veniunt in terram*. Fit autem ex his maxime probabile turrim propugnaculum ante vallum fuisse, quandoquidem, cum in alterutrum latus illa rueret, in medio hostium se viderunt constitutos ii, qui incolomes ruina effugerant.

545 sq. Ornat Helenorem, sed Homeri vestigia legens Iliad. ζ, 23 sq. — 547. *vetitis armis*: quae tractare nandum posset propter tencram adolescentiam; nam erat *primaevus* (At mater misit: hinc *arma vetita*, haud apta servae filio, qui elegantius, quam ei conveniret, armato matrem gloriatam innuit poeta, magis sui quam heroici aevi ratione habita. R.) — 548. *parmaque inglorius alba*: media vox satis arguit poetam non *λεῦκασπιν* vel *λευκασπίδα* voluisse innuere, fulgenti clipeo instructum, ut apud Aeschyl. Sept. ad Th. 90, nec *ἄσπευ ὄπλα* sine insignibus, Euripidis Phoeniss. 449, quae moderationis ibi insigne babentur in Amphiarao; verum hominem, qui nullo dum facinore claro edito clipeum gestabat nullo argumento caelato insignem: sed de hoc more, ut clipei insignia rebus gestis responderent, aliunde nihil constat. Itaque



Isque ubi se Turni media inter millia vidit,  
 Hinc acies atque hinc acies adstare Latinas;  
 Vt fera, quae densa venantium saepta corona  
 Contra tela furit seseque haud nescia morti  
 Iniicit et saltu supra venabula fertur,  
 Haud aliter iuvenis medios moriturus in hostis  
 Inruit et, qua tela videt densissima, tendit.  
 A pedibus longe melior Lycus inter et hostis  
 Inter et arma fuga muros tenet altaque certat  
 Prendere tecta manu sociumque adtingere dextras.  
 Quem Turnus, pariter cursu teloque secutus,  
 Increpat his victor: Nostrasne evadere, demens,  
 Sperasti te posse manus? Simul adripit ipsum  
 Pendentem et magna muri cum parte revellit,  
 Qualis ubi aut leporem aut tendenti corpore cycnum  
 Sustulit alta petens pedibus Iovis armiger uncis;  
 Quaesitum aut matri multis balatibus agnum

Helenor mox fortiter in hostes irruens videtur *inglorius* h. l. esse, ut qui leviter et vulgariter tantum esse et leviparma, non *ἐνίστρας* thorace, hasta et clipeo instructus fuerit, ideoque ipse *ἄσπετος*. Est ergo *inglorius* non conspicuus (qui non gloriabatur, sed alba tantum, nullis insignibus ornata, parma armatus. R.) Contra 582 Arcens clarus chlamyde purpurea dictus. — 549. Turri in fastigio aperta, non tecto clausa, in praecipit data, desilientes duo, Helenor et Lycus, in medio hostium versari se videbant; alter, Lycus, 556 sq., vibrato a terra corpore in aggerem et murum recipere se et escendere conatur. — 551 sq. Comparandus Hom. II. μ, 41 sqq. u, 164 sq. cf. inf. XII, 4 sq. Silius X, 1 sqq. — 557. Murum humilem fuisse necesse est, qualis est Homericus murus

in vallo Achivorum, cuius pinnae Sarpedon manu convellit. IIad. μ, 397. — *tecta* pro muri summa parte, ut 568 *fastigia*; hinc 562 *pendentem*, nam prebenderat manu superiora muri, ut saltu se in altum libraret; et *magna muri cum parte*, uti Homer. loc. cit. *ἐπ' αὐτὴν ἰδὼν χερσὶ στειβαρῆσαν* El. χ', 4 ὁ' ἱστίο πάντα διαμπερές. — 563, 561. Laudantur II. χ, 308 sq. et comparantur cum his ab Intpp. inde a Macrobio; nec tamen quicquam amplius ibi est quam aquila petens πῶνα λαγῶν; hic vero cf. II. ρ, 674 sq. et ad comparationem cum aquila, quae cycnos invadit, II. ο, 690 sq. Quod vero ad vs. 565, quo lupus agnum rictu oris auferens declaratur, IIad. ε, 162 comparandum memorant, perperam faciunt. *Martius lupus*, Marti sacer.

Martius a stabulis rapuit lupus. Vndique clamor  
 Tollitur. Invadunt et fossas aggere conplent;  
 Ardentis taedas alii ad fastigia iactant.  
 Ilioneus saxo atque ingenti fragmine montis  
 Lucetium portae subeuntem ignisque ferentem; 570  
 Emathiona Liger, Corynaeum sternit Asylas,  
 Hic iaculo bonus, hic longe fallente sagitta;  
 Ortygium Caeneus, victorem Caenea Turnus;  
 Turnus Itym Cloniumque, Dioxippum Promolumque  
 Et Sagarim et summis stantem pro turribus Idan; 575  
 Privernum Capys. Hunc primo levis hasta Temillae  
 Strinxerat: ille manum proiecto tegmine demens  
 Ad volnus tulit; ergo alis adlapsa sagitta  
 Et laevo adfixa est lateri manus abditaque intus  
 Spiramenta animae letali vulnere rumpit. 580  
 Stabat in egregiis Arcentis filius armis  
 Pictus acu chlamydem et ferrugine clarus Hibera,  
 Insignis facie, genitor quem miserat Arcens

566 sq. Cum uno loco perrupisset  
 munitionem Turnus, facti inde ceteri  
 Rutuli audaciores undique novo im-  
 petu invadunt; eoque res succedit,  
 ut fossam *Auno aggesta* expletam ha-  
 beant. Tum propius murum et portam  
 subeuntes iactant sacra. — 572. *longe*  
*fallente*, e longinquo et clam feriente.  
 Cf. X, 754. — 575. *stantem pro tur-*  
*ribus*, pro vulgari: stantem in sum-  
 ma turri. — 577. Abiecto *tegmine* scuto  
 manum admovent lateri vulnerato,  
 eaque re latus nudavit; itaque *de-*  
*mens*. — 578. *alis adlapsa sagitta*, or-  
 nate, pro simplici allapsa; quia toties  
 πρὸς ὅντις ὄντοι apud Homerum, item  
*alata*, *ales* sagitta, proprie occurrunt:  
 noster improprie velocem motum et  
 volatum teli per alas expressit, ut  
 sup. lib. V, 319 *fulminis alae*. In vul-

neribus autem ingeniosus est poëta  
 Homeri exemplo. Comparant h. l.  
 Intpp. II. v, 593 sq. — 580. Hoc est  
 rupit vulnere facto eam partem, illud  
 viscus, quo respiratio fit.

582—589. Ad variandam et ornandam  
 narrationem nunc miserationem  
 excitat brevi episodio; mox 590 sq.  
 Numanus Remulus indignationem in-  
 ilicit vecordi superbia elatus. Illud vero  
 obscurum, ex qua recondita historia  
 Arcentem Siculum huc induxerit,  
 quod et in Servianis aliquis miratus  
 est. Debit poëta tacite ponere, pro-  
 fectum eum esse in Italiam cum Tro-  
 ianis e Sicilia solventibus. — 582.  
*ferrugine clarus Hibera*: purpura in-  
 ductus Hispana, quae est ferruginei,  
 nigricantis coloris. Cf. XI, 772 et Ca-  
 tull. 64, 227. not. *Arcens*, Siculus est.

Eductum Matris luco Symaethia circum  
 Flumina : pinguis ubi et placabilis ara Palaci. 585  
 Stridentem fundam positus Mezentius hastis  
 Ipse ter adducta circum caput egit habena  
 Et media adversi liquefacto tempora plumbo  
 Diffidit ac multa porrectum extendit arena.  
 Tum primum bello celerem intendisse sagittam 590  
 Dicitur, ante feras solitus terrere fugaces,  
 Ascanius fortemque manu fudisse Numanum,

Eat autem in orientali Siciliae pars *Symaethus*, fl., circa quem *lucus* fuisse a poeta narratur eo loco, quo Palicorum templum erat *Lucum matris* appellat; *Matrem Ennacem* intelligit, *Cereram*, ut saepe *Μήτηρ καὶ Κέρε*. Nisi malis matrem *Arcentis*, nympham nomine non appellatam, cuius ille *lucus* erat. De Palici loc. class. apud Macrob. V, 49. Aristot. Mirab. Auscult. 58 et Diodor. XI, 89 aut: adde Bochart. Chan. I, 28 et, si plura desideres, praeter Cluverium in Sicil. ant., Dorvillium in Sic. p. 467 et ibid. Burman. Sec. p. 472 aqq. Fuere duo heroës seu dii indigetes, quorum tamen est obscura summæ vetustatis religio. Fuere porro duo crateres seu *lucus gemelli* (ideoque fratres dicti) aquae sulfureae non longe ab Eryce, urbe, ad quos sollemnis iuraturanda fieri solebant; habitus iis honos divinus, et iis, ut diis, sanum cum sacris haud longe ab urbe Palica exstructum est, ut solebat antiquitas rebus naturalibus numen inesse credere, cui illa dei vel heroïs nomen et personam impertiebat. Quod autem sanum hoc circa *Symaethum* fuisse dicitur, non geographicè accipiendum; sed poeta locorum situm latius et a nobiliore flumine designat. Alioquin etiam prior fluvius Eryces erat, nunc *Flu-*

*di s. Paulo*, ut *Iaretta* *Symaethus* est: quod bene docuit Cluverius. Quod unum tandem Palicum memorat poeta, ad poetice rationem referendum, quæ licuit ex duobus unum nominare; nisi forte Maronis iam aetate, ut nunc, unus tantum *lucus* superstit, dictus *Donna Teia* s. *Nafua*, haud procul ab urbe Pelagonia: durat adhuc similis superstitio, muliere fatidica illic sedem habente. In medio crateris aqua ebullit sulfurei odoris *placabilis ara*, quia dii placari possunt et solent victimis: propter quas eadem ara *pinguis*. Haec ratio simplicissima. — 588. *liquefacto ... plumbo*. Haec fides et opinio antiquitatis fuit, quam sequitur poeta. Sic Lucret. VI, 177: *plumbea vero Glans etiam longo curru volvenda liquescit*. Erat autem funda missum plumbum olivæ fere simile: cuius magna adhuc copia in agrorum per Italiam superficie mota reperiri solet. — In 589 poeta, cum in oppugnatione murorum versetur, *arenam* pro solo posuit.

590. Multa h. l. moliantur viri docti, ut difficultatem diluant, quod hic iam arma tractet, qui l. I, 717 puer fuit, cui assimulatus Amor Didonis gremio insidere posset. Scilicet nec illud recte tenent, quid eo loco sit *gremio insidere*, ad veterem morem, nec cogi-

Cui Remulo cognomen erat Turnique minorem  
Germanam nuper thalamo sociatus habebat.

Is primam ante aciem digna atque indigna relatu <sup>595</sup>

Vociferans tumidusque novo praecordia regno

Ibat et ingentem sese clamore ferebat:

Non pudet obsidione iterum valloque teneri,

Bis capti Phryges, et Marti praetendere muros?

En, qui nostra sibi bello connubia poscunt! <sup>600</sup>

Quis deus Italiam, quae vos dementia adegit?

Non hic Atridae nec fandi fictor Vlixes.

Durum ab stirpe genus natos ad flumina primum

Deferimus saevoque gelu duramus et undis;

iant Amorem a veteribus puerum fere  
puberem haberi: quod ex postis et  
signis satis constat. Tum vero idem  
iam venationi scrius indulserat IV,  
156. VII, 479. — 593. Maior Turni  
soror Nympha futura erat. V. Inf.  
VII, 138 sq. — 594. *sociatus habebat*  
pro vulgari: sibi nuper sociaverat. —  
595. *digna atque indigna relatu*, fanda  
et nefanda, *ῥῆτὰ καὶ ἀῤῥῆτὰ*, nam  
v. 603 sqq. Remulus virtutem popu-  
larium recte crepat; mox contumeliosa  
et turpia in Troianos iacit. Est  
autem hoc non minus ex heroum  
quam ex barbarorum populorum vita,  
ut hostem conviciis provocent. Qui  
Homerum inspexit, hoc satis tenet.  
— 596. *novo regno* superbiebat; docte  
pro matrimonio cum regiae stirpis  
femina inito, nova enim sponsa erat  
regina. — 597. *ingentem sese ferebat*,  
incedebat cum clamore ingens homo,  
vasta corporis specie. Sic inf. XII,  
441: *portis sese extulit ingens*. — 598.  
Comparant Hectoris verba II. σ, 287.  
In iterum et in *O Phryges bis capti*  
Servius et alii Troiam ab Hercule cap-  
tam huc advocant. Ita nunc obsi-  
dentur Troiani tertio, his iam antea

expugnati. Cf. XI, 402 et Silius I,  
43. Lusum in his iam supra VII, 295.  
— *muros praetendere Marti* h. e. pug-  
nae, quod vallo et muris continent,  
se et inclusi pugnam detrectant, post  
muros latentes (Praestat tamen codicis  
medicei lectio aliorumque: *moeti*:  
cuius metu, iactator ait, ignavi muris  
se continent. R.) — 600. Invidiose  
respectu Laviniae, quam Turno erep-  
tum ibat Aeneas. — 602. Imitati sunt  
Stat. XII Theb. 761 sqq. Silius I,  
443 sqq. *fandi fictor* docte, qui fingit  
fanda, h. e. qui ficta satur, fere, quod  
*ἐνίκιστος πόδων* II. χ, 281. — 603.  
Locus qui sequitur egregius et orna-  
tus est de veteris Italiae disciplina et  
vita, quae in Sabinis diutissime vi-  
guit: eandem a maioribus Albanis  
Romani acceperant, et ex ea enituit  
Romana virtus, spectata partim fru-  
galitate et paupertate, partim tole-  
randis laboribus. Adeo a multis an-  
terioribus causis processerant initia  
rerum, quibus imperii Romani funda-  
menta iacti sunt. Adde ludas Italiae  
Ge. II, 167 sqq. et sup. V, 730: *gens*  
*dura atque aspera cultu Debellanda*  
*tibi Latio est*. — 605. *silv-aeque fani-*

Venatu invigilant pueri silvasque fatigant ; 605  
 Flectere ludus equos et spicula tendere cornu.  
 At patiens operum parvoque adsueta iuventus  
 Aut rastris terram domat aut quatit oppida bello.  
 Omne aevum ferro teritur, versaque iuvenum  
 Terga fatigamus hasta ; nec tarda senectus 610  
 Debilitat vires animi mutâtque vigorem.  
 Canitiem galea premimus ; semperque recentis  
 Conportare iuvat praedas et vivere rapto.  
 Vobis picta croco et fulgenti murice vestis ;  
 Desidia cordi ; iuvat indulgere choreis ; 615  
 Et tunicae manicas et habent redimicula mitrae.  
 O vere Phrygiae , neque enim Phryges , ite per alta

gant , multum pererrant. Sic *quater* , *move* , *turbare* dicimur silvas , *feras*. V. ad lib. VIII, 94. — 606. *spicula tendere cornu* : si cornus arbor est , e qua spicula fiunt : uti Ge. II , 418 et inf. 698 *volat Iula cornus* , sunt *apicula cornus* , spicula cornea , et *tendere* est limando incere , tamquam ad scopum ; sin *cornu* est pro arcu , de sagittis est accipiendum ; sic *torquere apicula cornu Partho* Ecl. X , 59 et alia Aen. VII , 497. XI , 773 , 859. — Tum 608 *quatit oppida bello* , simpl. pro vexat , turbat , oppugnat. Sic enim *quater* , *move* , *turbare* , ut *κλυτὴν πόλιν σείοντι* Pindar. Pyth. IV , 484. — 609. Hasta inversa , *στυπυτῆρε* , boves aratores cessantes pungimus. — 612. Etiam senes armati sumus et militamus : ut fere barbari. Sic et antiquissimi Graeci apud Thucydidem. — 614-620. Etiam hi versus inter ornatisimos : notabilis quoque rhetoricae proprii tractatio. Phryges cum Troianis permisceri et tamquam ab eadem stirpe prolectos haberi iam alias vidimus : ut statim Aen. I , 468. Iidem

mollitie et luxu infames ; quandoquidem primi cum Maeonibus seu Lydis in minore Asia opibus excelluerunt , in primis pauperum colonorum , qui e Graecia advenerant , iudicio. Ante oculos autem habuit poëta aliquot loca Homericæ Od. 9 , 248 , 249 de Phaeacibus et Iliad. ω , 264 , tum in illis : *O vere Phrygiae* Il. β , 235 , η , 96. — 614. Vestem aliam crocotam , aliam purpuream intellige , utramque Phrygio opete , acu pictam. *Desidia cordi* ; pro *desidia* , indulgetis desidia vitae. *φῆλα κλισίης τε χοροί τε*. — 616. Tunicae manicatae , *χτυπιδωτοί* , cf. Stat. VII Theb. 657. Gell. VII , 12. Ernesti clav. Cic. a. v. manicatus : tum *mitrae quae redimicula habent* , iut. pileos Phrygios fimbriis pendulis , quibus mento subligatis malae ac tempora teguntur , conf. ad lib. IV , 216 ; male plerique omnes *mitras* Graecorum ; diademata , cum his Phrygia confundunt. — 617. Sacra magnae matris deum , *matris Idaeae* , Cybele in Dindymo Phrygiae monte : *τὰ Διὸς Ἰδαιῆς ὄρε* , cf. X , 252. VI , 785 sq.

Dindyma! ubi adsuētis biforem dat tibia cantum.  
 Tympana vos buxusque vocant Berecynthia Matris  
 Idææ. Sinite arma viris et cedite ferro. 620

Talia iactantem dictis ac dira canentem  
 Non tulit Ascanius; nervoque obversus equino  
 Intendit telum diversaque brachia ducens  
 Constitit, ante Iovem supplex per voia precatus:  
 Iuppiter omnipotens, audacibus adnue coeptis. 626  
 Ipse tibi ad tua templa feram sollemnia dona  
 Et statuam ante aras aurata fronte iuvenum  
 Candentem pariterque caput cum matre ferentem,  
 Iam cornu petat et pedibus qui spargat arenam.  
 Audiit et coeli Genitor de parte serena 630  
 Intonuit laevum; sonat una fatifer arcus.  
 Effugit horrendum stridens abducta sagitta  
 Perque caput Remuli venit et cava tempora ferro  
 Traiecit. I, verbis virtutem include superbis.

et hoc lib. v. 82 (Sic Hom. Il. β, 235, Ἀχαιῖδες οὐκ ἔρ' Ἀχαιοί? R.)  
*buxus*, tibia. — 624. *canentem* simpl.  
*dicentem*, *vociferantem*.

622 sqq. Memorabile erat hoc telum, quippe primum, quod Ascanius in pugna emisit, primum virtutis documentum: itaque ornare poëta potuit. Fecit Homeri exemplo, qui sic Pandari in Menelaum mitteodam sagittam exornat Il. δ, 416-422, etiam preces 419. Conf. XI, 857 sqq.: Apollon. III, 275, 283 sq. de Amore. — (nervoque, ubi coniunctio enclitica post adverb. negandi idem valet, quod *sed*, imo potius. R.) *Obversus intendit telum*. Aliter arcus tenditur, aliter sagitta; hæc dirigitur. Sic 590 *celerem intendisse sagittam*, ut 606 *spicula tendere cornu*. — *nervo equino*, ut chorda arcus sive ex setis sit aive ex tendinibus et nervis equinis, cf.

Werasdorf. ad Avien. 933. — 626. *dona*, sacrificium, ut tollas poëta. Male Serv. de donariis. 627. Cf. Od. γ. 382 sq. — 628. *Caput cum matre ferentem*, adultum, aequalem matri. *ἰσχυρότατον ἀνδρῶν* ex Theocr. Id. η, 14 dixeris v. 629 et Ecl. III, 87 legitur. — 630. Saepius hæc occurrunt. Cf. Il. ο, 377, Hesiod. Scut. Herc. 383-385, *sonat una*. *Ἀίγχε βίος*; etc. Il. δ, 425. Cf. XI, 863-4. — 632. *adducta*, adducto arcu concitata. Proprie adducitur arcus, cum eo sagitta: tum, quæ adducto arcu evolat sagitta, poëtae et ipsa *adducta*, accelerata, admissa dici potuit: nisi malis in eo manere, ut sagitta adducta dicatur nervi respectu; ad quem sagitta adducta, admota, cui imposita fuerat. *horrendum stridens* iugenda. *Ἀσπὴ δὲ κλαγγὴ γένηται ἀπ' ὑψηλοῦ βύθιο*. — 631, 635, Schoma tractatæ narra-

Bis capti Phryges haec Rutulis responsa remittunt. 635  
 Hoc tantum Ascanius. Teucri clamore sequuntur  
 Laetitiaque fremunt animosque ad sidera tollunt.  
 Aetheria tum forte plaga crinitus Apollo  
 Desuper Ausonias acies urbemque videbat,  
 Nube sedens, atque his victorem adfatur Iulum: 640  
 Macte nova virtute, puer; sic itur ad astra!  
 Dis genite et geniture deos. Iure omnia bella  
 Gente sub Assaraci fato ventura resident;  
 Nec te Troia capit. Simul, haec effatus ab alto

tionis ad dialogum, quod orationem egregie animat, notarunt passim grammatici: cf. Clark. ad Il.  $\delta$ , 303. o, 348. Superbiae vero, qua victis aut caesis illudit victor, dignae horrida heroum vita exemplum poëta ab Homero repetiit. — 637. *animos ad sidera tollunt* andacter poëta novavit, non eo sensu, quo volunt, ut Ascanii aut suos animos per favorem extulerint laude; sed successu, gloria ac virtutis seu conscientia seu opinione ferocientes et exultantes *effervit animus* aut ipsi *animos efferre* dicuntur, et nunc quidem tam sublimes, ut coelum sibi attingere videantur. Sensu facilius rem ossequare quam verbis.

638. Apollo gentis Iuliae in primis studiosus. Ita Actiaea victorio ad eum referebatur, VIII, 704 sq. et Palatinum templum in eius honorem factum. — 639. *Ausonias acies urbemque*, oppugnationem castrorum seu urbis Troianorum, novae Troiae. Cf. I, 224 sqq. — 641. *macte*, origine et usu est *auctus*, amplificatus. Est aliquid, si reddas: o puer aucte, ornata nova virtute. Sed videtur aliud quid insuper desiderari, quod ex notione auctus, qui fructum et usum ac voluptatem affert, eliciendum est. Scilicet *macte laude*, *virtute* est qui

fruitur laude e re bene gesta, ex successu gaudens, fructum laetitiae inde capiens: et sic nihil est quod melius vocem reddat quam *ὀνήματος* in illo Homérico Od.  $\beta$ , 33, *ὀνήμας μοι δοῦναι σῖντα, ὀνήματος*, qui fructum inde capiet, cui bene sit, bene evculetur unde vulgare Graecorum *ὄνατο* ut h. l. *ὄνατο τῆς νίκης ἀπὸ τῆς*. Bene eveniat primum hoc virtutis documentum! laeti sit omnis! Itaque omnino, si in formulis ad deos precandi occurrat, *mactus* videtur esse laetus, propitius. Cf. Cato de R. R. 134. — 642. *geniture deos* propter Iulium Caesarem et Augustum, ut Serv. — 642, 643. Adscribendus est hic locus iis, in quibus pacis per orbem terrarum restitutae ei Iani clausi memoria celebratur. Certe post V. C. 725 scripta haec esse necesse est: cf. Vita Virg. sub h. a. Merito hoc tuae genti dabitur, ut oriundus ex ea Augustus omnia bella finiat. Nomen *Assaraci* ad splendorem orationis pertinet: v. ad Ge. III, 35. Aen. I, 284. *bella fato ventura*: bona determinatio, in primis respectu bellorum civilium, de quibus maxime accipiendus locus. — 644. *Nec te Troia capit*: virtute tua haec tenuitas, sed quam nunc Troiani redacti sunt, indigna est. Notum satis

Aethere se mittit, spirantis dimovet auras 645  
 Ascaniumque petit. Formam tum vertitur oris  
 Antiquum in Buten. Hic Dardanio Anchisae  
 Armiger ante fuit fidusque ad limina custos;  
 Tum comitem Ascanio pater addidit. Ibat Apollo  
 Omnia longaevo similis, vocemque coloremque 650  
 Et crinis albos et saeva sonoribus arma,  
 Atque his ardentem dictis adfatur Iulum:  
 Sit satis, Aeneada, telis inpune Numanum  
 Oppetiisse tuis! primam hanc tibi magnus Apollo  
 Concedit laudem et paribus non invidet armis; 655  
 Cetera parce, puer, bello. Sic orsus Apollo  
 Mortalis medio adspectus sermone reliquit  
 Et procul in tenuem ex oculis evanuit auram.  
 Adgnovere deum procures divinaque tela  
 Dardanidae pharetramque fuga sensere sonantem. 660  
 Ergo avidum pugnae dictis ac numine Phoebi

est illud Philippi ad Alexandrum filium: Quare aliud regnum, *Μαζαδονία γὰρ οὐ οὐ χωρεῖ*. — 645. *spirantes auras*. Nec vitales, cum Servio, nec odoras, cum Cerda, sed flantes, *πνεύοντες αἶθρας*, accipe (ventos sedat, componit. R.) — 647. Alius erat *Butes*, quem supra memoravit lib. V, 372. Adumbravit autem Periphan-tem II, p, 323 sq. (non locum II, π, 715 sq.) An vero etiam illud ex vita heroum sit: *fidusque ad limina custos*, ut armigeri (*ἑπαιχόμενος*) iidem et satellites sint, nam hi sunt *ad limina* custodes, dubito: nisi *ad limina* dici potuit pro, in duomo. — 651. Butae similia etiam canis et armis, quae ille gestabat. *arma saeva sonoribus* h. e. sonore, saeve, terribiliter sonantis: Butae sunt. *Mox Aeneada*, ex *Αἰνεάδης*, *Αἰνεάδης*, ut saepe Aeneadae. v. I, 157. — 655. *ut paribus non invidet*

*armis*, hoc sublime et magnificum: suae sagittandi peritiae, suae virtuti Ascanii futuram virtutem aequiparat deus Apollo. Alii comparationem in eo quaerunt, quod Apollo puer Pythone interfecit. Mihi hoc argutum magis quam verum esse videtur. — 657. *medio sermone*. Servius: ideo *medio*, quia non respondit Ascanius. Est vero simpliciter: antequam plura subiceret, cum his verbis discessit. Cf. IV, 277. — 659. Ergo in *fuga*, discessu divinam formam Apollo receperat, quam deposuerat, adscita humana, ut egere posset eum mortali. Forma autem divina, ut ex *divina tela pharetramque* apparet, credita est esse eadem, quae in signis expressa est, a Scopis puta vel Praxitele. — 661. *numen* declaratur per dicta, iussa, auctoritas.



Ascanium prohibent; ipsi in certamina rursus  
Succedunt animasque in aperta pericula mittunt.

It clamor totis per propugnacula muris :  
Intendunt acris arcus amentaque torquent. 665  
Sternitur omne solum telis; tum scûta cavaeque  
Dant sonitum flictu galeae, pugna aspera surgit :  
Quantus ab occasu veniens pluvialibus Haedis  
Verberat inter humum, quam multa grandine nimbi  
In vada praecipitant, quum Iuppiter horridus austris 670  
Torquet aquosam hiemem et coelo cava nubila rumpit.  
Pandarus et Bitias Idaeo Alcanore creti,  
Quos Iovis eduxit luco silvestris Iadera  
Abietibus iuvenes patriis et montibus aequos,

664 — 690. Ascaoli virtute incensâ Troiani fortiter de muris pugnant; portam tentur duo, Pandarus et Bitias. — 664. *totis per propugnacula muris*, per loca murorum, e quibus propugnatur; inde simpliciter, per muros. De voce ef. ad 470. — 665. *Acres ipsi*, intendunt acriter et iaciunt tela amentis religata. — 666, 667. Macrobius, VI, 4 ex Eonii Scipione laudat: *Sparsis hastis longe; campus splendet et horret*. Tum alii ex Annaei XI: *Tum clupeae resonant, et ferrei strident acumen*. Cf. v. 809 et II. p., 460 sq. *flictu* ducte ex vetustate pro afflictu. — *pugna aspera surgit*, fit, exasperatur multo magis et incenditur, quam adhuc factum erat.

668 sqq. Ornavit Homericos versus II. p., 456-461. *quantus* respondet ei, quod in anteced. latet: totius telorum lactorum est acervus. *Haedis pluvialibus*, propter haedos. Bene et clara Servius: « Supra Tauri cornu est signum, cui Auriga nomen est. Retinet autem stellas duas in mano, quae haedi vocantur, et capram, quarum

et ortus et occasus gravissimas tempestates faciunt. Oriuntur autem cum Scorpione mense Octobri. » Comparatis locis, quae ab Intpp. excitari solent, de occasu Haedorum sub medium Decembrem maxime posita cogitasse videtur: v. Arat. Phaen. 678-681: Theocr. Id. VII, 53, 54. Stat. Theb. VIII, 407 sqq. — 670. Quod alias austris insurgentibus, id nunc Iovi tribuit: *torquet* est *aquosam hiemem*, h. e. versat, agitatur nubes pluvias tandemque, ut illis imber exprimitur, facit: *coelo cava umbila rumpit*.

672 sqq. Ingeniose est usus loco II. p., 427 sqq. et respexit duo Lapithas, Polypoeten et Iennteum, pro portis castrorum Achivorum stantes. Ut silvestrem daret originem fratribus, in monte Ida educatos narrat, in luco Iovis Idaei parentibus silvestrem in nemoribus Idaeis vitam agentibus. Cf. 584. — 674. *Δάρηται ἀσζέρας ὀφθαλμοῖς* II. a, 560. Cuius montis cacumine comparatur Polyphemus Od. 1, 491, 492. Miror tamen poetam subicere iterum vs. 679 et his eandem

Portam, quae ducis imperio commissa, recludunt 675  
 Freti armis ultroque invitant moenibus hostem.  
 Ipsi intus dextra ac laeva pro turribus adstant  
 Armati ferro et existis capita alta corusci,  
 Quales aëriae liquentia flumina circum,  
 Sive Padi ripis Athesim seu propter amoenum, 680  
 Consurgunt geminae quercus intonsaeque coelo  
 Adtollunt capita et sublimi vertice nutant.  
 Inrumpunt, aditus Rutuli ut videre patentis.  
 Continuo Quercens et pulcer Aquicolus armis  
 Et praeceps animi Tmarus et Mavortius Haemon 685  
 Agminibus totis aut versi terga dedere,  
 Aut ipso portae posuere in limine vitam.  
 Tum magis increscunt animis discordibus irae,  
 Et iam conlecti Troës glomerantur eodem  
 Et conferre manum et procurrere longius audent. 690  
 Ductori Turno diversa in parte furenti  
 Turbantique viros perfertur nuntius, hostem  
 Fervere caede nova et portas praebere patentis.  
 Deserit inceptum atque inmani concitus ira  
 Dardaniam ruit ad portam fratresque superbos, 695  
 Et primum Antiphaten (is enim se primus agebat)

comparationem inferre. In commissa v. 675 argutati mot veteres apud Serrivium, cum dubitarent, an sit: clausa, uti tabularum commissurae dicuntur. Est haud dubie: creditis a duce, custodiae eorum mandata; et 176: *Nisus erat portae custos*. — 676. *moenibus*, in moenia, VIII, 478, ut solio. — 677. *pro turribus* accipio ἀντι πύργων, tamquam bioae turres, aliter de v. 675. — 679 sq. ex l. c. II μ, 431 sq.; sed ornavit poeta adinetis a certo genere ac loco petitis, circa Padum et Athesim. Nostrum iterum expressit

Claudian. de R. Pros. III, 370. *flumina liquentia*, ut fons liquidus, epitheton ornans. Qui 684 nominantur, e Rutulis sunt. — 688. *animis discordibus ornate*, pro iis. Tum magis increscunt irae Troiana. Iam autem ii erant hostilibus in Rutulos animis.

691. Tornus, nuntio accepto portum valli Troianorum patere, eo accurrit, in castra irrumpit et Troianos ad summum discrimen adducit. Semper inhaeret animo Homeri τυχαία. Qui ibi Hector, hic Turnus

Thebana de matre nothum Sarpedonis alti  
 Coniecto sternit iaculo: volat Itala cornus  
 Aëra per tenerum stomachoque infixa sub altum  
 Pectus abit; reddit specus atri volneris undam 700  
 Spumantem et fixo ferrum in pulmone tepescit.  
 Tum Meropem atque Erymanta manu, tum sternit Aphidnum;  
 Tum Bitian ardentem oculis animisque frementem  
 Non iaculo, neque enim iaculo vitam ille dedisset;  
 Sed magnum stridens contorta phalarica venit, 705  
 Fluminis acta modo; quam nec duo taurea terga  
 Nec duplici squama lorica fidelis et auro  
 Sustinuit; conlapsa ruunt inmania membra.  
 Dat tellus gemitum et clipeum super intonat ingens:

est. — 697. *Thebana de matre*: oriunda ex Thebe Mysiae urbe sub monte Placio, olim a Cilicibus colonis in-  
 sessa, Eetione rege, patre Andromaches, clara, quem Achilles in-  
 teremit. Iliad. α, 364. VI, 414 sq. Campus Thebes hinc mansit etiam  
 serioribus aetatibus circa Adramyti-  
 tion. Late de hac Thebe Strabo.  
 Burmannus laudat notam ad Ovid.  
 XII Met. 409. — *alti*, magni. — 698.  
*cornus*. V. Ge. II, 447, 448. — 699.  
*aëra tenerum*: alias, teouem; sed et  
 aliis locis alterum occurrit. Exempla  
 collegit Heios, spectatque hoc nec  
 minus ad aëris naturam, cum im-  
 pulsui cedit ne pervius est. *stomacho*:  
 recte Serv. v. graecus sermo est. v.  
 Dixit scilicet στήνυχον, guttur, gu-  
 lam. Tum *specus* h. e. cavum, vul-  
 nus hians, reddit *undam atri volneris*  
 h. e. sanguinem ebullientem in un-  
 darum morem, undantem. Cf. II. p,  
 47 sqq. — 702. *manu*, ense, vi op-  
 positi: nam v. 698 iaculo Antiphaten  
 prostraverat. Nec insolens hoc. Etiam  
 Serv. notavit.

703, 704. Bitiani tam vasto et im-  
 mani corpore fuisse declarat, ut ia-  
 culi vulnus nimis leve nec mortem  
 allaturum fuisset. Non satis dignum  
 Maronis castigatione Musa hoc vi-  
 detur; nec placet τὸ παρὰ πᾶσι δᾶς,  
 etsi referendus animus ad clipeum  
 et lorican, quae tam vastum cor-  
 pus tegebat. Multo enim minus de  
 nudo corpore cogitandum, tanquam  
 iaculo non pervium id esset. *dedisset*  
 pro reddidisset. — 705. Non haec est  
*phalarica*, quam Liv. XXI, 8 descri-  
 bit; sed est simpliciter pro lancea et  
 hasta latioris ferri dicta. Ex Servio  
 tamen et Festo notanda est origo  
 vocis a *falas*, h. e. turribus. — 707.  
*lorico fidelis* (quae munit, tutum  
 reddit, bona ideo et idonea, sic  
 VII, 640 *fidus ensis*) *squama duplici*  
 et *duo*, duplicibus squamis aureis  
 seu duplici squamarum ordine; uti  
*illicem lorican* dixit XII, 375. —  
 709. *ipse ingens intonat super clipeum*.  
 Potest ita, cum Iulio Sabino, ver-  
 borum ordo institui, quod et Bur-  
 manno probatur. Sed doctior est

Qualis in Euboico Baiarum litore quondam 710  
 Saxeæ pila cadit, magnis quam molibus ante  
 Constructam ponto iaciunt; sic illa ruinam  
 Prona trahit penitusque vadis inlisa recumbit,  
 Miscent se maria et nigrae adtolluntur arenae.  
 Tum sonitu Prochyta alta tremit durumque cubile 715  
 Inarime Iovis imperiis inposta Typhoeo.  
 Hic Mars armipotens animum viresque Latinis  
 Addidit et stimulos acris sub pectore vertit

Serviana ratio, ut *elipeum* neutro genere dixerit: hoc *elipeum ingens* intonat *super*, sc. super immania membra collapsa. Ita est Homericum ἀράβιον τοῦ τῦχος ἐν αὐτῷ. Ad verbum reddidit X, 488: *sonitum super arma dedere*.

710 sqq. In sequentibus iterum magnum poetam agnoscat: rem posuit novam per se magnam et terribilem easque ornavit ἱσαργῶς et docte. Interceptus erat Crater seu siveus Baianus molibus in altum ductis, partim quibus prætoria inaedificata erant, et temperati aëris et prospectus causa, partim quibus portus Iulius munebatur. V. Ge. II, 461: *Euboico litore*, propter vicinas Cymas, Chalcidensium coloniam. V. ad VII, 2. *pila saxeæ molibus magnis*, alta aggestis clementia constructa, quæ in pontum iaciunt. Serv. et Cerda *ponto* accipiunt: adversus mare; quidni: in ponto? Erant autem hæc structiones ac moles ex saxis ac clementis pulvere Puteulano solidatis confectæ: nisi *ante* est ex πρῶ vel πρὸνπῶ, procedendo a litore. Eum enim solidescere sub aqua nota res est: v. Vitruv. II, 6. Maronem exscripsit Silius IV, 297 sqq. — 715, 716. Ruina molis facta vicina loca,

insulas quoque, contremiscere narrat. *Prochyta* Promontorio Campaniæ Miseno obiecta (nunc *Procida*) cum Pithecusa s. Aenaria (nunc *Ischia*), quam *Inarimen* dixit vocabulo ex Homero ducto, etai perperam interpretato: nam Il. β, 783 est Typhoeus fulmine percussus τῷ Ἀράβιον. Quærendi Arimi et vix Ἀράβιον in Asia minore circa Ciliciam; quoniam in eo tractu loca erant terræ motibus et incendiis occultis foedata, quam locorum faciem vetustas ad monstrorum et gigantum molitiones referre solebat. Translata ab uno et altero poeta res est ad insulam Pithecusam, quæ et ipsa aliquando subterraneos ignes et ruinas experta est; igitur cum re et ipsum nomen traductum, Inarime. *Prochyta alta* epitheton commune omnium insularum, quatenus mari eminent. *cubile*, ut Pindarus Aetnam στυμνὴν Pyth. I, 54; Homerus Il. β, 783 τῷ δᾶς dixit Arimos montes.

717, 718, 719. Homericum phantasma hic amplexus est. Soepe enim deos inducit robur et animos pugnantibus aspirantes aut in fugam vertentes adversam aciem. Sic Iliad. β, 446 sqq. Minervam, γ, 44 Neptunum; et ipsum Martem Il. ε,

Inmisitque Fugam Teucris atrumque Timorem,  
 Vndique conveniunt, quoniam data copia pugnae<sup>720</sup>  
 Bellatorque animos deus incidit.  
 Pandarus, ut fuso germanum corpore cernit  
 Et, quo sit fortuna loco, qui casus agat res,  
 Portam vi multa converso cardine torquet  
 Obnixus latis humeris, multosque suorum<sup>725</sup>  
 Moenibus exclusos duro in certamine linquit;  
 Ast alios secum includit recipitque ruentis,  
 Demens, qui Rutulum in medio non agmine regem  
 Viderit inrumpentem ultroque incluserit urbi:  
 Inmanem veluti pecora inter inertia tigrim.<sup>730</sup>  
 Continuo nova lux oculis obfulsit, et arma  
 Horrendum sonuere; tremunt in vertice cristae  
 Sanguineae clipeoque micantia fulmina mittunt.

506 sqq.; sed, qui apud Homerum inter deos praeliantes negotiosus deus est, apud Maronem in otiosum allegoricum nomen abit: inprimis cum v. 721 bellatorem deum incidere animis, h. e. alacritatem, novum robur animi, disisset. — 718. *stimulos* vertit: plus quam adhibet, V. lib. VI, 104. — 719. *atrum* Timorem exemplis illustrent Cerda et Burm. ad Petron. c. 89 pr. Nec vero epitheti vis in eo modo quaerenda, quod omnia tristitia et infausta atra sunt: sed pertinet ad phantasma Terroris, ut sit tenebris et nocte involutum. — 720. *conveniunt* Latini ac Rutuli, inventa opportunitate irrumpendi in castra.

722. Pandarus porta oclusa multos suorum excludit: hostes autem, qui iam in castra irruerant, includit; in his Turnum. — 726, 727. Laudatus Statius lib. X Theb. 508 iam a Servio: *Par operi iactura lu-*

*ero: namque hoste recepto Excludere suos.* Sed his versibus minus gravitatis inest. Cf. eund. vs. 503 sq. — 728. *Νῆπιος* etc. II. β, 38 et VI, 590, *Demens, qui nimbus et fulmen simulat*: II, 345. — 730. *pecora inertia*, oves sit Cerda; saltem potissimum.

731—735. Praeclare haec in maius aucta. Scilicet cogitandum est principum virorum ac regum arma praecipuo aliquo laevore ac fulgore splenduisse, cristas fuisse altiores et sic porro. Turno autem intra castra intercepto crescit audacia: *nova lux oculis obfulsit*, accessit illi, tum autem nec minus effulsit oculis. Ceterum singula in Homero passim sunt obvia, quae tamen ad imitationem trahi nequeunt. Sic ἐνὶ στάθμοι δὲ χαλκός *Σαρπηλέων* κενάβριζε II. φ, 254 et Δεινός δ' ἔβραχε χαλκός ἐνὶ στάθμοις ἄνακτος II. δ, 410, ut hic *arma horrendum sonuere*, et II. χ, 433,

Adgnoscent faciem invisam atque inmania membra  
 Turbati subito Aeneadae. Tum Pandarus ingens <sup>735</sup>  
 Emicat et mortis fraternae fervidus ira  
 Effatur : Non haec dotalis regia Amatae;  
 Nec muris cohibet patriis media Ardea Turnum.  
 Castra inimica vides ; nulla hinc exire potestas.  
 Olli subridens sedato pectore Turnus : <sup>740</sup>  
 Incipe , si qua animo virtus , et consere dextram ;  
 Hic etiam inventum Priamo narrabis Achillem.  
 Dixerat. Ille rudem nodis et cortice crudo  
 Intorquet summis adnexus viribus hastam.  
 Excepere aurae volnus ; Saturnia Iuno <sup>745</sup>  
 Detorsit veniens , portaeque infigitur hasta.  
 At non hoc telum , mea quod vi dextera versat ,  
 Effugies ; neque enim is teli nec vulneris auctor.  
 Sic ait et sublatum alte consurgit in ensem ,  
 Et mediam ferro gemina inter tempora frontem <sup>750</sup>  
 Dividit inpubesque inmani volnere malas.  
 Fit sonus ; ingenti concussa est pondere tellus.  
 Conlapsos artus atque arma cruenta cerebro  
 Sternit humi moriens , atque illi partibus aequis  
 Huc caput atque illuc humero ex utroque pependit. <sup>755</sup>  
 Diffugiunt versi trepida formidine Troës.  
 Et , si continuo victorem ea cura subisset  
 Rumpere claustra manu sociosque inmittere portis ,

434. χαλκός δ'ἀμύματον εἰκλός αὐγῇ  
 ἢ πυρός αἰθομένου ἢ ἡλίου ἀνιόντος,  
 pro quo h. l. *fulmina* : proprie, ful-  
 gura. *Cristas* Turni *rubentes* v. 270  
 supra vidimus. — 733. *mittunt se. se.*  
*mittuntur* ; durum hoc , poeticum ta-  
 men. — 737. *dotalis regia*, Lauren-  
 tum. — 744. *Ἀρχε*, οὐ γὰρ γενεῆς  
 νεώτερος II. 9, 439. — 742, ut illud  
 lib. II, 549 : *referes ergo haec Dege-*  
*neremque Neoptolemum narrare me-*

*mento*. — 745. *Iuno detorsit*. Praeivit  
 exemplum Apollinis II. 3, 311 et  
 Minervae II. 6, 438 sqq., ubi dea  
 πρὸς ἥντα μάλα ψύξαντα avertil  
 telum Hectoris ab Achille. — 748. *ne-*  
*que enim is teli nec vulneris auctor*,  
 ut tu effugere illud possis ; immo  
 vero infertur telum a viro fortissimo.  
 — 754. *Vultus*, quale ap. Apollon.  
 II, 404 et apud Homerum haud uno  
 loco. — 757-759. καὶ νῦν πρὶν ἐρη-

Ultimus ille dies bello gentique fuisset ;  
 Sed furor ardentem caedisque insana cupido 760  
 Egit in adversos.  
 Principio Phalerim et, succiso poplite , Gygen  
 Excipit ; hinc raptas fugientibus ingerit hastas  
 In tergis : Iuno vires animumque ministrat.  
 Addit Halym comitem et confixa Phegea parma ; 763  
 Ignaros deinde in muris Martemque cientis,  
 Alcandrumque Haliumque Noëmonaque Prytanimque.  
 Lyncea tendentem contra sociosque vocantem  
 Vibranti gladio connixus ab aggere dexter  
 Occupat ; huic uno deiectum cominus ictu 770  
 Cum galea longe iacuit caput. Inde ferarum  
 Vastatorem Amycum , quo non felicior alter  
 Vnguere tela manu ferrumque armare veneno ;  
 Et Clytium Aeoliden et amicum Crethea Musis,  
 Crethea Musarum comitem , cui carmina semper 775

οὐκ ἔστιν etc. Il. 9, 217 sq. et alia exempla Iliad. α, 454 et γ, 544. Si meminisset Turnus portam castris Troiani revellere ad suos admittendos, castrum captum fuisset a Rutulis. — 760. At ille occaecata mente ad caedem faciendam ruit.

762. Ordo est, inquit Serv. Excipit (puta, in se irruentem) et succidit poplitum, ut 537, *Postibus haesit adens* h. e. inhaeret et odedit; item Ill, 237, *tectosque per herbam Disponent enses* : b. e. disponunt et tegunt. — 763. *raptas* sc. de caesorum cadaveribus, et 766 *Martem cientes*, pugnam agentes in muris. Scilicet Phegeum parma transfixa confossum et Alcandrum ceterosque in muris pugnantem *aversos* caedit; al Lynceum *adversum*. — 767. Cum hic versus ad verbum ex Homero conversus sit (Il.

s, 678), ibique iidem homines ab Vlysse occisi narrentur; Servius inde apparere ait, non ad historiam sed ad ornatum poematis haec omnia pertinere. Sed quis tandem inde ornatus existit? dicat aliquis. Scilicet ad *ἐνέργειαν* narrationis et ad animum in rem praesentem perducendum valet, si non solum caesos esse multos dicas, verum etiam nominatim eos persequaris. — 770. Comparant Il. ξ, 497. v, 481. — 771. *αἶματι δῖος ἐσθλὸς Ἰηριτῆρ* etc. Il. s, 49. — 772. *felicior*, peritior, ut alibi quoque. — *manu vacat*, sed udiectum, quoniam de peritia agitur. *ἰοὺς χρίεσθαι*, non nisi admodum barbarorum populorum mos, in Iliade vix occurrit, sed in Od. α, 260. — 774-777 suaves versus de Cretheo poeta, *δοῦλός εἰμι, ποικίλῃ*, quorum praeclara

Et citharae cordi numerosque intendere nervis;  
Semper equos atque arma virum pugnasque canebat.

Tandem ductores, audita caede suorum,  
Conveniunt Teucri, Mnestheus acerque Serestus;  
Palantisque vident socios hostemque receptum. 780  
Et Mnestheus: Quo deinde fugam, quo tenditis? inquit.  
Quos alios muros, quae iam ultra moenia habetis?  
Vnus homo et vestris, o cives, undique saeptus  
Aggeribus tantas strages inpune per urbem  
Ediderit? iuvenum primos tot miserit Orco? 785  
Nou infelicis patriae veterumque deorum  
Et magni Aeneae segnes miseretque pudetque?  
Talibus adcesi firmanantur et agmine denso  
Consistunt. Turnus paullatim excedere pugna  
Et fluvium petere ac partem, quae cingitur amni. 790  
Acrius hoc Teucri clamore incumbere magno  
Et glomerare manum: ceu saevum turba leonem  
Quum telis premit infensis; at territus ille,

imitatio est in Lennids Gloverii, ubi de Aristandro IV, 213 sqq. (lib. V, 239). — 776. Proprie *intenduntur nervi* seu fides ad numeros, h. s. sonos, pro quibus doctius *numeros* posuit; sunt enim soni numerosi, si arte eliciuntur. Doctius dixit nunc: *intendere numeros nervis*, per nervos intentos. equos, ut Homericum *ἵππων*; currus dixit: non equestres cursus; nam adiecit *arma et pugnas*.

778. *Tandem*. Bene Serv.: *Servest* τὸ πρῶτον, ne praesentibus ducibus Turnus tot strages fecisse videatur. Geruntur enim superiora alio castrorum loci. — 781, 782. Aiscem hic reddidit ex II. 6, 732 sqq. ... *ἢ τινός γε μὴν εἶναι ἀσπαστῆρας ἐπίστω*; *ἢ τὶ τειχὸς ἔσται* etc. quo *tenditis* sc. fugam, ut *tendere iter*, *gressum*, *cur-*

*sum*. Tum deinde est ulterius. — 786. *infelicis patriae* in nova Troiae reditae. *veterum deorum*, Penatium, quos alios *patrios*, a patribus acceptos, appellat; quique nunc urbe capta in hostium manus venturi sunt. — 788. Ornat simplicitatem Homericam versus Iliad. ζ, 406. p. 342.

789. Discessus Turni impavidus et animosus in ipsa fuga egregie ornatus est; nec tamen Aiscis illum nobilem discessum (II. λ, 543 sqq. 555 sqq.) superatum diem. — 790. A dextra parte si a Laurento venisse Latinos et Rutulos repotes, castra ad Tiberim pertinebant. V. sup. 469 et ad v. 495. — 792. *glomerare manum*, colligi in lacinam. Sic IV, 454, *aervi glomerant agmina*, et iam II, 345, *glomerare manum et concurrere in ar-*



Asper, acerba tuens retro redit et neque terga  
 Ira dare aut virtus patitur, nec tendere contra, 795  
 Ille quidem hoc cupiens, potis est per tela virosque.  
 Haud aliter retro dubius vestigia Turnus  
 Inproperata refert, et mens exaestuât ira.  
 Quin etiam bis tum medios invaserat hostes;  
 Bis confusa fuga per muros agmina vertit. 800  
 Sed manus e castris propere coit omnis in unum.  
 Nec contra vires audet Saturnia Iuno  
 Sufficere; aëriam coelo nam Iuppiter Irim  
 Demisit germanae haud mollia iussa ferentem,  
 Ni Turnus cedat Teucrorum moenibus altis. 805

ceni. Comparatio Homerica, sed admodum variata, ex eodem loco Il. 2, 547 sqq. Variavit tamen eam ipse Homerus alio loco egregie Il. 6, 408-413. — 794 *asper, acerba, tuens*, *δριστα δεινός*. Vtrumque ad iram spectat; esasperat ira et exacerbat animum. Sed de terribili aspectu eadem verba iam posuit Lucret. V, 35 de dracone: *asper, acerba, tuens, immani corpore serpens*. — 795 nec ira et virtus patiuntur Turnum dare terga, nec ille, cupiens quidem hoc, potest contra tendere *per tela virosque*, per agmen Troianorum conglobatum.

802. Ergo tacite intelligi vult poeta, Iunonem pugnae huic interfuisse praesentem. Quod saepe monuimus, poetam deorum interventu minus feliciter uti quam Homerum, qui rerum actum non minus diis quam hominibus assignaverat, hoc quoque loco inculpandum videtur. Iuno enim, si recte iudicamus, nunc inducitur necessitatis magis causa ad expediendam rem, quam rerum ordine ita postulante. Deam enim rebus gerendis interesse nondum vidimus, nisi

v. 725, ubi illa avertit ictum hastae a Turno, et v. 764: *Iuno vires animumque ministrat*; hoc vero poterat facere ex alto; et oblitus est poeta interponere eam praesentem pugnantibus, descensu ex Olympo facto, ut Iupiter nunc Irim mittere posset, quae eam recedere iuberet. Tamen vel sic imitatio nimis manifesta est ex Il. 2, 397 sq. o, 457 sq. et al. et Iris iam libri huius Init. mandatis Iunonis ad Turnum perferendis partes a poeta impositas pergerat: quod bis in eodem libro vix putem suaviter factum. — 802. Non audet Iuno vires sufficere Turno contra Troianorum agmen, ut adhuc fecisse est intelligenda v. 764. — *vires sufficere*, suppeditare, praebere, ut *ὑπορχεῖν, παρῆχεν*, ut iam Il, 613, *ipse pater Danaïs animos viresque secundas sufficit*. — 806 sq. Totum locum esse Homericum notarunt omnes. Aiacem ex Il. 2, 462 sqq. refert Turnus: et est locus alter cum altero comparandus. Sed in verborum ornamentis multa accepit Maro ab Ennio, qui Homericos versus iam ante expresserat. Locum ex Annal. XV adscri-

Ergo nec clipeo iuvenis subsistere, tantum  
 Nec dextra valet: iniectis sic undique telis  
 Obruitur. Strepit adsiduo cava tempora circum  
 Tinnitu galea, et saxis solida aera fatiscunt;  
 Discussaeque iubae capiti; nec sufficit umbo 810  
 Ictibus; ingeminant hastis et Troës et ipse  
 Fulmineus Mnestheus. Tum toto corpore sudor  
 Liquitur et piceum (nec respirare potestas)  
 Flumen agit; fessos quatit acer anhelitus artus.  
 Tum demum praeceps saltu sese omnibus armis 815  
 In fluvium dedit. Ille suo cum gurgite flavo  
 Adcepit venientem ac mollibus extulit undis  
 Et laetum sociis abluta caede remisit.

psit Macrob. VI. Sat. 3, dignum, qui hic quoque legatur. In bello Istrico versans poeta pugnam Istrorum cum Coelio Tribuno describebat: *Undique conveniunt, velut imber, tela Tribuno. Confligunt parvam; tinnit hastilibus umbo: Aerato sonitu, galeae; sed uce pote quisquam Undique nitendo corpus (Tribuni) discerpere ferro. Semper abundanteis hastas frangitque quatitque. Totum sudor habet corpus; nautumque laborat; Nec respirandi fit copia praepete ferro. Istri tela manu iacientis sollicitabant. Occumbunt multi leto ferroque lapique, Aut intra morros aut extra praecipe casu.* Quem talis poeta praecessit, qualem hic Ennium videmus, eum in orationis ornatu poetico ad summum potuisse pervenire mirandum non est. Iam, cui libet, comparet imitatorem alium, Statium II Theb. in Tydeo insidiis Thebanorum oppresso 517 sq 602 sq. et ad h. l. 668 sqq.

806. *uce subsistere potuit, clipeo,*

exicipiendo tela, *nec dextra, pugnans ense, valet tantum;* adeo obruitur telis. Ita vulgarem interpunctionem nunc corrigeodam esse vidi, cum esset editum: *Ergo uce clipeo iuvenis subsistere tantum, nec dextra valet.* — 809. *fatiscunt aera,* cedunt ictibus; galea, nam de hac agitur, agit rimas, rumpitur. Cf. ad Ge. I, 180; itaque cum dilectu adiectum epitheton *solida*. — 813. *Sudor piceum flumen agit,* hoc est, ut Servius interpretatur, sordidum pulvere et cruore. — 815. Vid. ad v. 790. — 816 *suo cum gurgite:* aut ut vacet cum, ut saepe, aut ut capiatur ac si esset in. V) Gr. poetis *iv* pro *év*. — 817, 818. Scilicet secundo flumine parvo intervallo delatus ad suos pervenire debuit. — *mollibus,* lenibus, ornans epitheton, et simpliciter naturam aquae refert, τὸ ὑγρὸν. — 818. *abluta caede:* ornamentum ex adinectis arreptum est; nihil amplius; *caede* h. e. sanguine.

P. VIRGILII MARONIS  
AENEIDOS

LIBER DECIMVS.

ARGVMENTVM

*I*upiter, convocato Deorum concilio, ad concordiam ipsos adhortatur — 15. Ibi Venus de Troianorum periculo insatiabilique Iunonis odio conqueritur aliquamque tandem tot calamitatum requiem petit — 62. Iuno contra malorum omnium causam in Troianos veluti primos belli auctores atque ideo in Venerem ipsam reiecit — 95. Frustra itaque tentata reconciliatione Iupiter, ubi nullum videt esse contentionum finem, ne aut uxorem aut filiam offenderet, se neutrarum partium studia secuturum pronuntiat; sed pro sua aequitate omnia satis esse permissurum — 117. Interim Rutuli totis viribus ad oppugnationem redeunt; nec minore animo obsessi se ad defensionem parant — 145. Dum haec in Latio geruntur, Aeneas rebus in Etruria ex animi sententia confectis multorumque sibi populorum auxiliis adiunctis triginta navium classe ad suos revehitur — 214. Ibi Nymphas, paullo ante in eam formam ex navibus suis transformatas, obvias habet: ex his et de classis amissione et de suorum periculo certior redditur — 255. Inde in hostium usque conspectum profectus copias suas in litus exponit. Rutuli oppugnatione desistunt occurrentesque ad litus terra hostem prohibere conantur. Magna utrimque strage pugnatur — 364. Ibi Pallas, multis prius ex hostium acie eacsis, tandem a Turno occiditur — 509. Cuius rei dolore percitus Aeneas magnos Rutulorum acervos amico inferias mittit — 601: Ascanius quoque eruptione facta suas eum patre copias coniungit — 606. Quibus rebus permota Iuno et pro Turno sollicita, impetrata a Iove venia, praesenti eum periculo eripit, obiecta illi falsa Aeneae imagine, quam dum in navim quandam fugientem insequitur, vinculis a Iunone ruptis vi tempestatis ad littora Ar-

*deae proxima devehitur — 688. Interim Mesentius Iovis monitu pugnae succedens magnum tam Troianorum quam Etruscorum numerum prosternit — 761, donec ab Aenea hastae ictu vulneratus et a Lauso filio protectus aegre se ad obligandum vulnus ex acie recipit — 795. Ibi Lausus quoque, dum patrem ulcisci conatur, ab Aenea interficitur — 832: eius rei nuntio accepto Mesentius consensu equo in praelium redit; ubi, dum filii mortem vindicare parat, eadem qua filius dextra concidit — ad f.*

<sup>o</sup> In hoc tandem libro Aeneas ad pugnam præcedit: quod multis nimis æro factum visum est, quoniam ex sua opinione, non ex argumenti et materiae natura iudicium faciebant. Aliis displicuisse video, quod Aeneas militis magis quam ducis partes explet, dum veterem heroum pugnandi morem parum mamlnere nec illud reputant, quam parum materiae narrationi epicae præbitura sit ducis sagacitas et prudentia, qualem nostri ævi res militaris postulat. Si phantasmatibus magnis rebusque, quæ sensus impellant, epica vis continetur: streona facinra, animi audacia, manus fortitudo ac robar requiruntur. Mihi quidem in aqq. libris haud pauca ex iis, quæ in reprehensionem incurere videntur, iogeoii admirationem facere solent: quondosquidem argumentum belli ac praeliorum et quidem eiusdem vitæ heroicæ, licet incredibili cum varietate ac copia ab Homero tractatum, Maro tamen per tres libros variatis rerum generibus et novitatis commendatione datusult. Artam et logenium aliquis tum demum rite perspicat, quum argumenti naturam paullo curiosius animo versaverit, quæque ipsæ aliter vel melius in eo tractando constitui posse putet, aspenderit. Inter ea, quæ logeniosæ et callida inventa sunt, primo locum aminat praeliorum narrationis variatio per diversa genera: habemus hoc libro

navium appulsum, descensum in litus et pedestrem pugnam, in lib. XI equestrem, in XII pugnam tumultuariam, tum certamen singulare. Porro, ne taedium faceret continuata praeliorum uarrstin interposita sunt plura, ut de pace consilia: tum orationes magno cum acuminæ factæ, nimia interdum cum arte et rhetorica subtilitate. Inter illas artes et inventa poëtæ referendum at hoc est, quod hoc libro Arcades, libro XI Etrusci et XII Troiani maxime virtutis ause specimina edunt; quæ et ipsa res ad varietatem facit. In ipsa autem pugnarum commemoratione Maro difficultatibus implicatum se sentire debuit non paucis nec levibus; in primis quod, quoquo se vertaret, in ea semper incidebat, quæ ab Homero iam erant tractata, hæc igitur ut variaret, mutaret, alia ratione nec minus commode tractaret, perpetuo poëtæ fuit allaborandum. Facit autem taedium serius ocyns omnis imitatio, quæ cum studio ac contentione variandis, quæ iam ab alio *proprie* expositæ erant, coniuncta est. Atque hoc illud est, quod reprehensioni poëtæ interdum locum facere potest: etsi causa rei parum animadversa est ab iis, qui, quod reprehendendum esset, videbant; quæ de causa reprehensionem haberet, minus pervidebant. Nec tamen, imprimis cum eius lectione animum imbutum haberet, in diversa

**P**anditur interea domus omnipotentis Olympi,  
Conciliumque vocat divom pater atque hominum rex

ab Homero abire eul aliam viam sibi potest facere aut aliter res tradere poterat, nisi a veritate naturae recedere vellet. Quod igitur ab homine sollerti et prudenti fieri potuit, id facit poetita, ut ex argumenti natura pugnas persequeretur et locorum et hominum naturae convenienter nec tamen sine respectu popularium, quibus placere carmen volebat, varios praeliorum casus exponeret; utque, quoties in ea incideret, quae ab Homero eum cum copia essent tradita, ut deterrent omnes, qui eadem aggredi vellet, ea omitteret eul breviter attingerat: sin talie essent, ut, quo ipso Maeonium poetam superabat, ornatum admitterent, ea etsitu et adiunctis et aliis rebus variata ornaret et amplificaret aut cultu, elegantia ac suavitatem phantasmatum et verborum expoliret. Haec quidem animo tenere debet is, qui de his libris iudicium facere sibi sumit. Vt vero aliquis cum Guyeto tres postremos libros Virgilio abiudicet, graviore, quam quas is in promptu habuit, efferre debet causas.

6. Dum haec geruntur, dii ad concilium habendum convocantur. Est poetita iam inde ab Homero Olympus accommodatus ad foemam aedium priscae vitae (cf. ad Ge. III, 261): sunt portae, ingens atrium, in quo negotia vitae et conventus edeuntium aguntur; ab utraque parte seu atrii seu, quod cum Homericis magis convenit, τοῦ οἴκου, domus, intra τοῦ ἔργου τῆς αὐλῆς, estructi sunt thalami seu minora cubacula, aedulae verius, singulis qui domum inhabi-

lent parata sunt. Conf. de Priami regia II. 5, 242 sqq. Eodem modo in Olympo ab utraque parte duodecim maiorum deorum sunt seu cubicula seu parvae aedes; in media autem domus parte, quam μεγάρων, δῶμα, δῶμα appellare solet Homerus, conventus ac consessus deorum fit sive ad deliberandum de rebus communibus sive ad epulandum. Eandem fere rerum speciem Virgilius suisque exhibet, nisi quod de cubiculis silet. Potuit autem hoc tanto magis sequi, quando Homerus multis in locis fecit ac situm Olympi variavit. Ita Iovis sedes aliqui in parte Olympi altiore vel interiore memoratur; ceterorum deorum domus in aliis Olympi iugis sitae sunt, unde ad Iovis sedes confluent. Cf. II v, 4 sqq. Cum ad conventum admittendi sunt dii, panditur domus, atrium, δῶμα. Ita hoc simpliciter accipiendum nec cum Servio et inde cum aliis Intpp. de die orto cogitandum. Etsi enim verum est noctu coelum claudi, mane aperiri dici, tamen hac ea res trahi nequit: neque rerum ordo admittit, ut nunc de matutino tempore cogitemus; inclinat enim nunc dies, quo pugnatum erat (IX, 459 sqq.), ad vesperam; comparet modo aliquis inf. 146, 147, 215, 216. Concilia autem deorum similia apud Homerum occurrunt plura, quae ante oculos Maroni fuisse probabile sit; in primis Iliad. 8, 1-4; sed ibi inter deliberandum potant dii, ea priscorum hominum more, II. 3, 2 et 51. v, 4 sqq. — omnipotentis Olympi: quod iterum XII, 791. Melior ratio nulla suppetit,

Sideream in sedem: terras unde arduus omnes  
 Castraque Dardanidum adspectat, populosque Latinos.  
 Considunt tectis bipatentibus. Incipit ipse: 5

Coelicolae magni, quianam sententia vobis  
 Versa retro tantumque animis certatis iniquis?  
 Abnueram bello Italiam concurrere Teucris.  
 Quae contra vetitum discordia? quis metus aut hos  
 Aut hos arma sequi ferrumque lacessere suasit? 10

quam ut statuatur epitheton a diis, qui in Olympo habitant, translatum esse ad ipsum Olympum: antiquiore forsitan auctoritate. — 3. τίς οὐρανὸν ἀρτιστέοντα Homericum. Ad reliqua conf. II. 2, 51, 52. — 5. *tectis bipatentibus*. Si tectum *bipatens* audias seu domum bipatentem, non aliter accipias quom ut sit, quod ab antica et a postica parte aditum habet, ut *ὑπὸ ἀμφιπρόστυλοις*. Itaque bene ad ortum et occasum refertur apud Servium. Pergit idem bene; est autem sermo Ennianus. Alii foras binis valvis operas intelligunt; nec male. Ad vs. 6 idem Servius: *quianam*, cur, quare: sermo Ennianus, *quianam legiones euedimus ferro?* a cf. V, 43: *Heu quianam* etc.

6. Oratio Iovis maiestatis plena, ipsa brevitate et antiquae orationis studio. Hortatur deos, contentiones inter se pro Troianis et Latinis deponant. Sic *versa retro* pro mutata. — *iniquis* pro infestis. — 8 sqq. Nusquam, si bene meminimus, poeta commemoravit in superioribus Iovem interdixisse, ne dii bellum inter Troianos et Latinos foverent. Nec praeter Venerem et Iunonem alii dii eam rem curasse videntur: quin potius Iovis verba parum caute praemissa videri possunt lib. I, 263, *Bellum ingens geret Italia* etc. Nec Servius ad

h. l. rem expedit. Refero hunc et fere omnia loca, in quibus deorum interventus exponitur, inter ea, quae Aeneidem nonnullum absolutam arguunt. Voluit, puto, haec praestruere, ut debebat, in superioribus et deorum consilia omnino attemperare paullo diligentius rebus in Latio gestis; sed mors incidit constans. Interes possunt haec et alia videri ex eo genere, quae tacite a poeta tamquam facta poni potuerunt; ideoque res hoc modo procedunt: Iuno nimis cupide faverat Turno, ut etiam Iupiter consultum duceret avocare eam a pugna IX, 892 sqq. Eadem Iunonis impotentia motus Iupiter conciliam deorum indicit, ut deorum studia, Iunonis in primis, reprimat. — 10. Quis metus, cuiusnam mali aut periculi depellendi adduxit, ut utraque pars bellum moveret? Docta oratio. Metuant altera pars, ne Troiani in Latio considunt et imperii futuri fundamenta iaciant; alii, ne illdem bello succumbant. *ferrum lacessere* poetae idem est, quod alibi movere, Lucretii IV, 1033 exemplo: *Namque alias aliud res commovet atque lacessit*. Sic noster dixit *lacessere pugnas* (V, 429), *bella* (XI, 254), et alii *lacessere mare, arva* etc. unde tandem poeta simpliciter est incedere, accedere; ut in illo Horatii: *Quicumque Bithyna la-*

Adveniet iustum pugnae, ne arcessite! tempus,  
 Quum fera Carthago Romanis arcibus olim  
 Exitium magnum atque Alpes immittit apertas:  
 Tum certare odiis, tum res rapuisse licebit.  
 Nunc sinite et placitum laeti componite foedus. 15

Iuppiter haec paucis; at non Venus aurea contra  
 Pauca refert:

O Pater, o hominum divomque aeterna potestas!  
 Namque aliud quid sit, quod iam implorare queamus?  
 Cernis ut insultent Rutuli, Turnusque feratur 20

*cessit Carpathium pelagus parina*, navigat per mare, quia remis movet; idcircoque ad eundem paene morem *sed ea deflectitur*, quae omnino geruntur, fiunt: itidemque Lucretii exemplo, v. c. IV, 348: *simulacra ... Quae sita sunt in luce lacessuntque*, ut videamus. Erat antiqua vox, *lacere*, movere, unde est *allicere*, *illudere*. Latet ubique notio rei impellere, ut toties Lucretius *visum*, *aures*, *lacessere*, uti etiam *movere visum*, *aures* eodem sensu dictum occurrit. Duxerat hinc Virgilius, quod supra VII, 526 vidimus: *Aera sole lacessita*, et XII, 85: *manibusque lacessant Pectora plauis evis*.

It aeq. Egregia instructa oratio! *Alpes immittit apertas*, magnifice: quandoquidem Alpibus patefactis Annibal ingressus est Italiam, *exitium* et *Alpes apertas* iunxit. Haec enim omnis calamitatis et tot cladum acceptarum causa et origo fuit, quod Alpes perviae erant factae. Ad vulgarem morem oratio est haec: Carthago Romae immisit exercitum, qui per Alpes transit cum exitio Romanorum. Potuit, tamquam postea, ipsum transitum, et doctius, ipsas Alpes transitus commemorare. Petita sunt

ex his fortasse iam ex Ennio traducta Punica Silii Italici. — 14. *res rapuisse*. Servio assentior lactenus, ut ex formula antiqua petitem hoc, utque hostilem omnino vim hoc modo a poeta declaratam dicam per rapinas, quae in bello fiunt. *Res repetere* longe aliud est quam *res rapere*. Scilicet res raptae repetuntur ac redduntur. Nec tamen satis accommodatum hoc *sed h. l. Res rapere* videtur esse raptum, turbate agere, praecipitare; quod nunc dii facere videri possunt. — Porro *placitum foedus*. Placita sunt omnia pacta, in quae consensere plures, h. e. quod illi placuit. Mox *Venus aurea* saepe occurrit: *Xpovā Appedita* ex Homero: exponitur vulgo pulchra. Sed est ex antiquissima religione auro ornata. Cf. Hymn. in Ven. 7 aeq.

16 aeq. Artificii plena oratio Veneris; ut faciat miserationem pro Troianis et indignationem adversus Iunonem. Enumerat mala Troianis illata machinatione Iunonis, incoluntatem saltem iis flagitat et, si non reliquis, saltem Ascanio. — 18. *potestas* est pro potens: abstractum pro concreto. — 19. *Namque*. Solus epim te restas, quem implorare possim; cum fere omnes dii in favorem Iu-

Per medios insignis equis tumidusque secundo  
 Marte ruat? Non clausa tegunt iam moenia Teucros.  
 Quin intra portas atque ipsis proelia miscent  
 Aggeribus moerorum, et inundant sanguine fossae.  
 Aeneas ignarus abest. Numquamne levare 25  
 Obsidione sines? Muris iterum inminet hostis  
 Nascentis Troiae; nec non exercitus alter  
 Atque iterum in Teucros Aetolis surgit ab Arpis  
 Tydides. Equidem credo, mea vulnera restant;  
 Et tua progenies mortalia demoror arma! 30  
 Si sine pace tua atque invito numine Troës  
 Italiam petiere; luant peccata; neque illos  
 Iuveris auxilio: sin tot responsa secuti,  
 Quae Superi Manesque dabant, cur nunc tua quisquam  
 Vertere iussa potest? aut cur nova condere fata? 35  
 Quid repetam exustas Erycino in littore classis?  
 Quid tempestatum regem ventosque furentis  
 Aeolia excitos? aut actam nubibus Irim?

nonis concesserint: ut Servii fere verba utar. — 24. *equis*, i. e. curru, ut *innot* pro *ἀπὸ* apud Homerum. — 24. *aggeribus moerorum* ex Ennia aut alio vetere poetâ ductum videtur, qui antiquo more *moeros* pro muris dixit: ut *pomoeria*. — 25. *numquamne*, an ubique ea ipsa fortuna manet, ul obsidione se pressos videant? — 28. Nec non alter exercitus et Diomedes insurgit, venit, in Troianos. Aetolia ab Arpis (urbe Dauniae, cuius ruinae hodieque *Arpe* vocantur), quae Aetoli sub Diomede insederunt; ad Diomedem autem belli societate iungendum missi erant legati a Latinis. Cf. VIII, 9 et lib. XI, 225 sqq. — 29. Superant adhuc cicatrices vulneris a Diomede accepti. V. II, 4, 334 sqq. Videtur hic locus lectus esse Ovidio Met. XV, 768 sqq. 30. *demoror*, ego,

dea, iterumne sustinebo ac depellam Diomedis impetum hostilem, et verendum mihi erit, ne a mortali iterum vulnerer! Scilicet *morata*, *demorata* erat Venus Diomedem, eum in Aeneam iam vulneratum ille irrueret eumque iugulaturus esset: haec sunt *mortalia arma*. — 33. *tot responsa* sc. deorum, ut IX, 434. Cf. P. I, p. 277 sqq. *Manes* Hectoris lib. II, 294, 295; Creusae II, 780, 781; Anchisae V, 729 sq.: nisi descensum ad inferos respexerit.

36. Facit invidiam Iunoni commemorandis eius in Troianos machinationibus: primum incensae in Siciliae littore classis lib. V, 606 sqq.: porro v. 37 in Aeolia insula quod adit Aeolum lib. I, 50 sq. et v. 38. *Irim* ad Turnum missam lib. IX pr. Si tamen sqq. compares, ad superiora tem-



Nunc etiam Manis (haec intentata manebat  
 Sors rerum) movet et superis inmissa repente 40  
 Allecto medias Italum bacchata per urbis.  
 Nil super imperio moveor : speravimus ista ,  
 Dum fortuna fuit : vincant, quos vincere mavis!  
 Si nulla et regio, Teucris quam det tua coniunx  
 Dura ; per eversae, genitor, fumantia Troiae 45  
 Excidia obtestor : liceat dimittere ab armis  
 Incolumem Ascanium, liceat superesse nepotem.  
 Aeneas sane ignotis iactetur in undis  
 Et, quamcumque viam dederit Fortuna, sequatur :  
 Hunc tegere et dirae valeam subducere pugnae. 50  
 Est Amathus, est celsa mihi Paphus atque Cythera  
 Idaliaeque domus : positis inglorius armis

pors referendum erit etiam hoc : ut iterum animum revocet (ita convertit orationem affectus animi concitati) ad classis incendium et Irim ad Troianas mulieres missam lib. V, 606. De Eryce (hodie Monte di S. Giuliano) cum templo Veneris et urbe in Sicilia, cuius ruinae exstant. Cf. Munter's Nachrichten von Sicilien etc, p. 231 sq. — 39. *Nunc etiam* : ex quo Troiani tandem ad Italiam appulerant. Antea mare terraque metu coelique fatigabat Iuno lib. I, 280. Nunc etiam Orcum, qui restabat, adiit (Iuno non nominatur, sed intelligitur ex *quisquam* v. 34.) ad Allecto excitandam. Vid. VII, 323 sqq. Sed et Iunonem ipsam audivimus : *Assumptae*, inquit, *in Teucros vires coelique marique...* *Placere si nequeo Superos, Acheronta movebo*, VII, 301-312. — 40. *sors rerum* pro vulgari : pars, portio : loca infera — 41. *bacchata per urbes*, vagata. Vide VII, 342 sq. Aliud est, quod Lavinia cum matronis bacchatur ibidem 376 sqq. — 42. *super im-*

*perio* : a Iove promisso. Vid. I, 257 sqq. et Disquis. II. §. VI, VII. — *Si nulla*, ut I, 233 : quibus ... *Cunctus ob Italian terrarum clauduntur orbis.* — 47. *Ascanium ... scilicet, cui regnum Italiae Romanaeque tellus debetur* lib. IV, 275 et a quo gens Iulia oriunda. — 48. *in undis*. Erat nunc in eo, ut rediret ex Etruria Tiberi devectus. Hoc tamen recipi non puto. Sed ac de in Italia negata iterum conscendenda fuisset Aeneae navis et errandum per ignotum mare, *sane* pro : est nunc et iactetur. In v. 49 comparant inlpp. versus de Sarpedone II, 7, 436, 437. — 50. Ascanium saltem liceat subducere, *ὁπάγην, ὑπερλάττω*, II, 2, 463. c, 348.

51, 52. Repete supra dicta ad lib. I, 680 et 681. — *domus Idaliae*, seu ut sint Idaliae domus, seu ut sit domus Idaliae terrae ; ut Idaliae lucos dixit, rat I, 693 ; est ipsa Idalia terra seu regio, sicut Amathus et Paphus urbes notae (cf. Theocr. XV, 100 sqq.) in Cyprio Veneti sacrae, domus pro ha-

Exigat hic aevum. Magna ditione iubeto  
 Carthago premat Ansoniam : nihil urbibus inde  
 Obstabat Tyriis. Quid pestem evadere belli 55  
 Iuvit et Argolicos medium fugisse per ignis  
 Totque maris vastaeque exhausta pericula terrae,  
 Dum Latium Teuceri recidivaque Pergama quaerunt?  
 Non satius cineres patriae insedisce supremos  
 Atque solum, quo Troia fuit? Xanthum et Simoënta 60  
 Redde, oro, miseris; iterumque revolvere casus  
 Da, pater, Iliacos Teucris. Tum regia Iuno  
 Acta furore gravi: Quid me alta silentia cogis  
 Rumpere et obductum verbis volgare dolorem?  
 Aenean hominum quisquam divomque subegit 65

litatione, aede. Dicuntur autem dii amare terras eas, frequentare et inhabitare, quae ipsis sacrae et in quibus templa eorum sunt. — 53, 54. Respicit Iovia verba paullo ante v. 42. Cf. Aen. I, 19 sqq. Verba ad invidiam gravis: *magna ditione*, potenti et duro imperio; et *premat* probe teneat. — 54. *inde*, ab Ascanio et eius posteris nulla fiet mora coloniae Tyriae, quo minus Italiae imperium nanciscatur. — 55. Tamen quid profuit Troianis ete *pestem* simpl. *ὄλεθρον* perniciem (57. *exhausta*. Cf. IV, 14. not. R.). — 58. *recidiva Pergama*, renascentia, restituta, cf. IV, 344. VII, 322. Tota conclusio orationis, qua exposulat Venus, egregia est vi ac nervo, quo argumentum per se grave potenter vibrat. Quid profuit nunc Troianis excisa urbe effugisse, si nunc fortuna similis eos excipit, ut nova urbe expta iterum exsclendantur? Quam *παλαιὰς* cineres patriae memorat! — *solum, quo Troia fuit*: ut lib. III, 11. Illa vero sublimiter: *redde nobis Troiam antiquam!* Prae-

stabat sic in Troade, in urbis solo acquatae ruina remansisse et iterum eandem aerumnas tolerasse. Erat enim metuendum ibi, ne denuo Achivi incurarent Troadem et eandem iniurias inferrent, quas Troes erant experti. Prægnant latp post Servium vim totius loci. Similis color orationis erat II, 669. *Reddite me Danais.*

63 sqq. In oratione huc Iunonia, qua Veneris accusationem dea diluit, quasi suis machinationibus calamitates hae inductae sint Troianis, et criminationes in Troianos et Aeneam retorquet, qui prior Italiam bello lacerasset, nescio an poëta paullo nimis *παρτοπνός* versetur. Omnino ea similis est *παρτοπνός* illis, quae passim in Tragicis occurrunt ad eloquentiae contentiosae speciem elaboratae. Ceterum summa sententiae redit ad notum illud: *Quis tolerit Gracchos de seditione quærentes!* atqui Gracchi sunt fere omnes, qui iniuriam aliis intulere; iniuriam sibi fieri statuerunt ab illis, qui de eorum iniuriis conqueruntur. — 63, 64 accipio secundum illa

Bella sequi aut hostem regi se inferre Latino?  
 Italiam fati petiit auctoribus, esto,  
 Cassandrae impulsus furiis: num linquere castra  
 Hortati sumus aut vitam committere ventis?  
 Num puero summam belli, num credere muros? 70  
 Tyrrhenamve fidem aut gentis agitare quietas?  
 Quis deus in fraudem, quae dura potentia nostri  
 Egit? Vbi hic Iuno demissave nubibus Iris?  
 Indignum est Italos Troiam circumdare flammis  
 Nascentem et patria Turnum consistere terra, 75  
 Cui Pilumnus avus, cui diva Venilia mater.  
 Quid? face Troianos atra vim ferre Latinis?  
 Arva aliena iugo premere atque avertere praedas?

lib. I, 25 seq. : *Nec dum etiam causae* etc. — 67. *Fata* maligne interpretatur Iuno *Cassandrae furiis* h. e. vaticiniis, quae ideo primo omnium loco Aeneam ad iter auspicandum adegerunt: cf. lib. III, 183 sqq. et P. I. p. 277 sq. — 69. *ventis praeterea*: de navigatione in Tiberi, qua Evandrum et inde Etruscos petit Aeneas. — 71. *agitare* ad utrumque diverso paulum sensu retulit: *gentes agitare quietas*, excitas ad belli societatem impellere, *Tyrrhenam fidem agitare*, movere, sollicitare, societatem et foedus ciere, *expetere*; pro vulgari: permovere Tyrrhenos, ut auxilii ferendi causa societatem ineant. — *fides* est societas fide interposita facta. V. ad IX, 79. — In 72 respicit v. 44, 38: *quis deus egit* et si quis deus, an ego egi? *in fraudem*: est malum, atra, ut toties; periculum Servius interpretatur. *quis deus* — *quae potentia nostri*: quod numen meum: forte ut I, 8, *quo numine laeso*.

74. Comparatio ad invidiam instituta. *Indignum est...* *Quid*, pro: Si

indignum est: an tolerabilius est: an tolerabilis est? *Troiam* novam, castra. — 76. *Pilumnus* inter heroes seu deos Latii indigetes fuit, nunc inter Turni maiores habitus. Cool. IX, 4: X, 619. — *Venilia* ex deabus marinis seu nymphis fuit, data a poeta, aliorum fortasse exemplo, Dauno in matrimonium, orta a Pilumno, soror Amatae Latino nuptae. Cf. VII, 366. Poeta quippe declarat Turnum esse in Italia natum et *defendere terram suam* adversus advenas (hinc verbum, *consistere*, delegit): contra Troianos advenas bellum intulisse Latinis. 77. *Quid*, an minus indignum est? *atra face*: in hoc et sqq. exaggerat notioem belli per Troianos moti, dum ea cumulat, quae in bello fieri solent, etsi a Troianis ea facta esse nunc non constat. *face* itaque proprie; male Serv. explicat *sacro bello*, nec bene Burm. remittit ad lib. VII, 456, ubi Alecto facem immittit Turni pectori. Non magis praedas egerant Troiani, quam incendia per agros sparserant: sed

Quid? soceros legere et gremiis abducere pactas?  
 Pacem orare manu, praefigere puppibus arma? 80  
 Tu potes Aenean manibus subducere Graium  
 Proque viro nebulam et ventos obtendere inanes,  
 Et potes in totidem classem convertere Nymphas:  
 Nos aliquid Rutulos contra iuisse nefandum est?  
 Aeneas ignarus abest: ignarus et absit. 85  
 Est Paphus Idaliumque tibi, sunt alta Cythera:  
 Quid gravidam bellis urbem et corda aspera tentas?  
 Nosne tibi fluxas Phrygiae res vertere fundo  
 Conamur? nos? an, miseros qui Troas Achivis  
 Obiecit? quae caussa fuit consurgere in arma 90

ad invidiam faciendam ea omnia commemorat, quae fieri belli more poterant. — 79. *legere*, eligere, sumere. Perperam cum Servio alii: furari, sublegere exponunt. *gremiis* socerorum ideoque parentum. *pactas* alia sc. Laviniam. Decet enallage iram et habet vim. — 80. Non eadem sed diversa est sententia. Ad minas a Troianis factas, obtinere se posse vi, quod precibus non concedatur, spectat alterum; *praefigere puppibus arma*. Igitur ad invidiam deflectit id, quod supra narratum VIII, 92 in simili Aeneae Tiberi adverso navigatione: *Miratur nemus inuictum fulgentia longe Scuta virum*.

81. *Tu potes*: ad Aeneam Diomedis manibus ereptum II, 2, 315 sqq. spectat; alterum v. 82 Veneri imputatur, quod a Neptuno in eius gratiam factum II, v, 321 sqq. de vera. 83 conf. lib. V, 809. — 82. *proque* eo, obicere Achilli — *ventos inanes*, auram, *ἀέρος*. — 83. Etiam hoc per aliam deam factum erat, sed in Veneris gratiam: IX, 82: *Ipsa deum fertur genetrix* etc. — 89. Si, quod

ipsa dixisti, tibi est Paphos, quocum abducere possis incolumem: — quid urbem Latini, ideoque ipsum Latium, bello illato sollicitas? gentem bellicosam, *gravidam bellis* sq. quae illa gerit; multa bella gerentem: sic *gravidam imperiis* Italiam diserat IV, 229; in qua magnum futurum erat imperium. *Idalium*. Cl. vers. 54 et I, 684. not.

88. Insurgit oratio et acerbe in ipsam Venerem invehitur: non se, sed ipsam Venerem, malorum, quae Troianis sunt, esse causam, Paridis adulterio: sic *manet alta mente repositum Iudicium Paridis* apertaeque iniuriae formae. — *vertere fundo* per vulgari. funditus evertere. — *res fluxae* seu per se infirmas Trojanorum in Latio res designat, seu, quod tamen eodemredit, ornans est epithetum: nam, quod evertitur, omne infirmatum et labefactatum esse necesse est. — 89. *an is qui absolute dictum*: sed interpretandum de Venere, quae belli Troiani auctor fuit Helena rapta; mos statimredit ad proprium:

Europamque Asiamque et foedera solvere furto?  
 Me duce Dardanius Spartam expugnavit adulter?  
 Aut ego tela dedi fove Cupidine bella?

Tum decuit metuisse tuis; nunc sera querelis  
 Haud iustis adsurgis et inrita iurgia iactas. 95

Talibus orabat Iuno, cunctique fremebant  
 Coelicolae adsensu vario: ceu flamina prima  
 Quum depressa fremunt silvis et caeca volutant  
 Murmura, venturos nautis prodentia ventos.  
 Tum Pater omnipotens, rerum cui summa potestas, 100  
 Infit. Eo dicente deum domus alta silescit,  
 Et tremefacta solo tellus; silet arduus aether;

in illa, quae causa fuit etc. — 91. *foedera solvere furto*: ut solveretur, dirimeretur pax, pacatus status inter Troianos et Graecos abducta furtim Helena: *furtum* pro raptu. *foedera* de hospitio accipit Iul. Sab., sed obstant illa: *concurrere in arma Europamque Asiamque*. — 92. Communiatur obsessam a Paride Spartam Servius: *perperam*; gravi et odiosa voce usa est dea *expugnavit* ad vim et atrocitatem raptus declarandam: quasi hoc idem esset habendum, ac si bellum intulisset. *tela amoris*. — 94. Idem color orationis: *Tum decuit, quum sceptrum dabas*, IV, 596, 597:

97—117. In hoc animorum aestu Iupiter tandem deceroit et proficitur se fatali rerum ordini omnia permitturum esse. Alio, quam in Iliade, modo haec sunt constituta. In illa, Θ, pr. a praeliis et auxiliis alterutri exercitui ferendis abstinere se iubet Iupiter deos; qui tamen mox, fraude Iunonis circumvento Iove, praeliis iterum ipsi intersunt. Meliore quoque ordine et eventu studia et discordiae deorum in Aenide procedunt ac finem habent, quam in II. φ pugna

inter ipsos deos facta nullo ad ipsam actionem usque et fructu. Ad comparationem hanc cf. Ge. I, 356—359 et Ecl. V, 82: at exornationem comparationis Miltonus dabit *Parad. Lost.* II, v. 284 sqq. — *depressa*, intercepta, impedita, inclusa; proprie ex insperato; ut de navibus Ge. IV, 421 et de Caco VIII Aen. 247-249. *tum simpliciter*, ut h. l., oppressus, inclusus. *caeca* i. e. obscura. — 100. *rerum cui summa potestas*, οὗ κρείττοτος ἔστι πύσις II. β, 418. *Odyss.* 2, 4. Splendidos hos versus pro se quisque facile mirabitur. Primus sed obscura lineas in Ennianis versibus ex Scipione servavit Macrobius VI Sat. 2: *Mundus caeli vastus constitit silentio, Et Neptuneus saevus undis asperis pausam dedit, Sol equis iter represent unguibus volantibus, Constitere amnes perennes, arbores vento vacant.* Adde Cat. Epith. 204 sq. *tremefacta solo tellus*. Adiectum solo spectat ad ποτήλειον ornatum; ut *solum terroris, solum teluris*, inungi solet; quoniam *solum*, οὐδὲν, per se notionem habet fundamenti, quod subiectum est: sic quoque *tellus* contremiscere dici potuit

Tum Zephyri posuere; premit placida aequora pontus.  
 « Adcipite ergo animis atque haec mea figite dicta :  
 Quandoquidem Ausonios coniungi foedere Teucris<sup>105</sup>  
 Haud licitum , nec vestra capit discordia finem ;  
 Quae cuique est fortuna hodie, quam quisque secat spem,  
 Tros Rutulusve fuit, nullo discrimine habeo ;  
 Seu fatis Italum castra obsidione tenentur,  
 Sive errore malo Troiae montisque sinistris.

110

solo, simpliciter, nulla alia notione adiuncta; saltem, intra se. Sicque fere mox, eum *aequora ponti* iunctim efferuntur, poëta dixit: *pontus premit aequora*, h. e. pontus premit, comprimit se, quiescit. *Solum pro usque ad solidum* accipere sermoneis rationi repugnat. *placida*, ut placida fiant. — 103. *Zephyri posuere se*, quiescere, coof. VII, 27. — 104. « Totus hic locus de primo Lucilii translatus est libro, ubi induuntur dñi habere concilium et agere primo de interitu Lupi... postea sententias dicere. » Ser. Cf. fragmenta Lucilii p. 260, 261. — 105. *Ausontos*, Ausones, cf. ad XI, 253. — 107-113. Sequitur Iovis decretum: Quam utraque pars fortunam hodie experietur, quam spem magnarum rerum praedictarum et expectatarum alterutri sibi praecident (qua spe excident), seu Troiani seu Rutuli, iuxta et eodem loco habeo: sive (quod Venus putat) fatis suis iniquis, sive (quod Iuno v. 68) stultitia Troianorum et vaineiis falsis eo res adducta est, ut nova Troia nunc oppugnetur. Nec Rutulus liber, quo minus fortunam sibi delitam consequantur. Experietur quisque seu tristitia seu laeta pro hodiernis rerum initiis et acta. Ego neutris studebo: eveniet, quae fata serent. Haec, arbitrer, sententia verbis subiecta est.

— 107, 108. *quam quisque, Tros Rutulusve fuerit, spem secat*. De voc. *secat* pronuntiare non adeo facile est. Servius exponit: sequitur, tenet, habet: ut VI, 900, *Ille viam aecat ad naves*. Sed *viam secare* longe aliud est. Si poëta archaismum sectatus *seoit* scripisset, posset esse antiqua vox *seco*, *secerre*, pro *seco*, *ere*, uode *secur* mansit. Turnebus exposuerat *sumit*: nam, qui aliquid secat, sibi partem sumit (sic nos voce *theilen* utimur. R.) Scaliger et Cerda, *aperit sibi spem factis*, ut, qui viam secat, aperit. Sed hoc durum et longe petitum est. *Spem incidere* et ex Horatio Od. I, 11, 7, *spem longam rescare* (quod tamen paululum diversum est, dento enim hoc fit, quod nimium est) rationem certam loquendi satis produnt, quae quidem ita sunt: ut simili modo *δραδύως*, quod poëtae facere licet, *spem secare* sit: incidere, intercipere, tollere spem. Sic vota, *gaudia sciodi* dieuntur. Io hoc saltem analogiam video, quam sequar, necdum vidi meliora. Respiciant autem haec ad spem Veneris de futuro Iuli regno in Italia, quam iocidi, h. e. interciderere necesse erat, si castra a Turno expugnabantur. Cf. 42, 50.

109, 110. *Iungo castra tenentur obsidione Italorum: seu fatis*, quod fata iniqua, ut Venus interpretabatur, pro-

Nec Rutulos solvo. Sua cuique exorsa laborem  
 Fortunamque ferent. Rex Iuppiter omnibus idem.  
 Fata viam invenient. Stygii per flumina fratris,  
 Per pice torrentis atraque voragine ripas  
 Adnuit et totum nutu tremefecit Olympum. » 415  
 His finis fandi. Solio tum Iuppiter aureo  
 Surgit, coelicolae medium quem ad limina ducunt.

Interea Rutuli portis circum omnibus instant  
 Sternere caede viros et moenia cingere flammis.  
 At legio Aeneadum vallis obsessa tenetur; 420  
 Nec spes ulla fugae. Miseri stant turribus altis  
 Nequidquam et rara muros cinxere corona,  
 Asius Inbrasides Hicetaoniusque Thymoetes  
 Assaracique duo et senior cum Castore Thymbris,  
 Prima acies. Hos germani Sarpedonis ambo, 425  
 Et Clarus et Themon, Lycia comitantur ab alta.  
 Fert ingens toto connixus corpore saxum,  
 Haud partem exigua montis, Lyrnessius Acmon,

sequuntur Troianos etiam in medium  
 Latium, sive errore malo Troiae (h.  
 e. Troianorum stultitia, malignantia,  
 qui oracula accepta male interpretati  
 sunt) montisque sinistris, ocellis et  
 valleinis falsis, furis Comandrac.  
 Vide vas. 67, 68. — 111. *Nec Rutulos*  
*solvo*, obscurum est per brevitatem  
 affectus. Videtur supplendum esse ex  
 his, quae proxima sunt: non solvo,  
 exsolvo, eximo, Rutulos labore et for-  
 tuna, quae eos manet. nec, non magis  
 Rutulos quam Troianos. Interpretes  
 secundum Servium solvo pro absolvo  
 accipiunt: parum commode arbitror.  
 — 113. Nihil obstat fati, fatali re-  
 rum ordini: pro, ego non obistam.  
 Cf. IX, 104-6. — 114. Docte dixit  
*ripas* (pro ipso amni) *torrentes pice*  
 et *voragine atra*, h. e. alta aqua ni-

gra defluens flumen. — 115. Notum  
 Iliad α, 528 sq. — 417. *medium*. Ille  
 Romanum agnosce: tamquam magi-  
 stratum, Consulem, deducunt Iovem  
 dii.

418—445. Interea castra oppugnata  
 aegre defendunt Troiani. — 419. Com-  
 parant verba Iliad, μ, 35, 36 et *moe-  
 nia cingere flammis*, immittere un-  
 dique ignes. Alio dictum ac IX, 160,  
 ubi de vigilis. — 425. *Stant... pri-  
 ma acies* pro vulg. *stant in prima*  
*acies*. — 426. *Lycia ab alta*, nobili,  
 clara, oriundi. — 428. Modestius hoc  
 visum Maecenati, tumidius, quod  
 Homerus dixit Odys. ι, 481, Poly-  
 phemum in naves *παρυπν ὄπας* *πα-  
 ρυπν* inculatum esse. Senec. Suas.  
 4. Sed Maecenas non cogitasse vide-  
 tur de Polyphemo agere Homerum,

Nec Clytiō genitore minor nec fratre Menestheo.  
 Ili iaculis, illi certant defendere saxis 430  
 Molirique ignem nervoque aptare sagittas.  
 Ipse inter medios, Veneris iustissima cura;  
 Dardanius caput ecce puer detectus honestum  
 Qualis gemma micat, fulvum quae dividit aurum,  
 Aut collo decus aut capiti; vel quale per artem 435  
 Inclusum buxo aut Oricia terebintho  
 Lucet ebur; fusos cervix cui lactea crinis  
 Adcipit et molli subnectens circulus auro.  
 Te quoque magnanimae viderunt, Ismare, gentes

de homine Troiano Maronem. — 431. *moliri ignem* Troiani etiam, porro ignes missiles de vallo *nervoque aptare sagittas* Troiani, adversus Rutulos.

432—439. Ornatus locus de Iulo: in Iuliae gentis gratiam. *Veneris iustissima cura*, quem merito amabat Venus, quia illi debebatur imperium, ut Serv.; seu simpliciter, quia dulcissimus puer. Is, etsi iussus abstinere a pugna (IX, 661, 662) ideoque sine armis incedens, postea *sine galea*, tamen in medio pugnantium e muris repente iterum conspicitur. — *caput honestum*, pulcrum, ut Ge. II, 392. — *Qualis gemma micat*. Emicat inter ceteros adstantes Iulus formosus, ut gemma suro inclusa sit opus eburneum buxo vel terebinthino margine ambiente. Κηρύλλαν aliquod Homericum seu ἔρυλλαν cogitat poeta. Cf. lib. I, 592, 593. — *aut collo aut capiti decus*, sive ut monili sive ut diademati inseratur gemma. — *Oricia terebinthus*. Oricus, Epiri civitas ad sinum Ionium, iuxta quam nascitur terebinthus nigrum lignum habens, ut Serv. tradit. De eadem Plin. XIII, 6, s. 12: *Circa Idem Troadis et in Macedonia* (ad hanc tum Epiri pars

illis fuit attributa) *brevis arbor haec atque fruticosa in Damasco Syriac magna*. Egit de altera hac Celsus in Hierobotan. non longe a pr. sub voc. *Et Elim. Materies ei admodum lenta ac fidelis ad vetustatem, nigri splendoris*. — Retulit autem, ait Servius, *comparationem ad candidum vulum, qui erat nigris crinibus cinctus*. In hoc tamen *comparationem* constitutam nolim putare; sic enim omni dignitate caret: sed, quod supra posui, inter ceteros bellatores Ascanius conspectus effulget nitore oris. Non male variavit rem Silius XII, 226-229 sqq. Ad v. 437 cf. Ge. IV, 337, ubi sunt *Nymphae Caccariem effusae nitidam per candida colla*. Ita et b. l. *cervix candida et circulus aureus accipit*, excipit, *crines fusos per cervicem*. Capillum promissum diadema aureum, quod inter Phrygii luxu ornamenta fuisse videtur, colligit. Valer. Fl. II, 430: *aut tereti crinem subnectitur auro, molli auro, ductili, ex bracteis aurea*. Fibulam minus bene intelligat aliquis, cum et de circulo et de crinibus agatur (at cf. vers. 818 et Val. Flac. I, 430. R.)

439 sqq. Ornat porro locum binis



Volnera dirigere et calamos armare veneno, 440  
 Maenonia generose domo: ubi pingua culta  
 Exercentque viri, Pactolosque inrigat auro.  
 Adfuit et Mnesitheus, quem pulsi pristina Turni  
 Aggere moerorum sublimem gloria tollit;  
 Et Capys: hinc nomen Campanae ducitur urbi. 445  
 Illi inter sese duri certamina belli  
 Contulerant: media Aeneas freta nocte secabat.  
 Namque, ut ab Evandro castris ingressus Etruscis  
 Regem adit et regi memorat nomenque genusque,  
 Quidve petat quidve ipse ferat, Mezentius arma 450

aliis praeclaris viris commemorandis, ne, quod poetae turpe est facere, in generalibus dictis substat oratio, utque a numero et multitudine animas traducatur ad individuos et singula. Nihil amplius in his spectandum. — *Volnera dirigere*, XI, 654 *spicula*. Quo vero iure Iमारum Lydium veneno inungentem tela inducere potuerit poeta, non assequor. Maenones illo tempore non adeo barbari erant. Et iam Amycum simili modo notaverat IX, 773 (Hunc morem esse barbarum poeta nusquam dixit; et quum Rotulos veneno inungentes vidissent tela, Troiani etiam sibi hoc licere in hostes putarunt. Nec Odysseae auctor pro more barbaro habuit, ut qui ipsum Ulyssem Ephyram profectum narrat (Od. α, 260 sqq.), ut venenum, quo tela sua inungeret, sibi pararet. R.) *Frigent quoque Magnanimae gentes*. (*Magnanimae* propter sequens genere stare non potest. Sensus loci est: Etiam tu contra hostes fortes fortissime pugnasti. *Magnanimae* autem gentes bene dici poterant; Sil. Ital. J, 29 habet: magnanimis urbibus. R.) — 441. *Maenonia generose domo*, nate nobili genere in Lydia. — 443. Ita-

rum studet gentis Memmiae nomini, v. V, 447 et ibi not. ad 144. *quem pulsi*: iterum lib. IX, 779 sqq., quem locum respicit nunc, quod Turnum a vallo repulerit. — 445. *Capys*... *Copna*: ex opinione illa veterum nota, a Graecis seu Troianis conditoribus repeli urbium Italiae origines. De Capus a Capy condita cf. Liv. IV, 37.

446 sqq. Dum ita pugnabatur utrinque, Aeneas ex portu urbis Caere, unde auxilia adducebat, solvens mari redibat cum navibus inde ab VIII extr. *Conferre manus, arma*, hinc etiam *pugnam. media nocte*, quae diem pugnae memoratae insequuta est; nam noctem pugnae supervenisse, facile ex tota narratione intelligitur. Noliit poeta iterum ornare, quod copiose exposuerat in superioris diei exitu IX, 457 sqq. Adest Aeneas cum classe postero die orto ei pugnam novam in exequu facit 260 sqq.

448. Verbo commemorat supra esposito: VIII, 478 sqq. 603 sqq. et adiungit reliqua deinceps insequuta. — 450, 451. *Mezentius arma* *Quae sibi conciliet*, Turni societate, VIII, 7, 8, 492, 493. VII, 647 sqq. — 452. quae

Quae sibi conciliet violentaque pectora Turni  
 Edocet; humanis quae sit fiducia rebus  
 Admonet inmiscetque preces. Haud fit mora; Tarcho  
 Iungit opes foedusque ferit; tum libera fati  
 Classem conscendit iussis gens Lydia divom, 455  
 Externo commissa duci. Aeneia puppis  
 Prinia tenet rostro Phrygios subiuncta leones:  
 Inminet Ida super, profugis gratissima Teucris.

*sit fiducia* h. e. nullam esse: esse rerum humanarum varietatem et vicissitudinem animarum: posse ideo fieri, ut Mezentius expulsus iterum in regnum remeet. — 453. Aut orati pendet: Namque, ut... *adit*... *inmiscetque preces*: tum *haud fit mora*; aut v. 448 explenda est: *ut ingressus erat castra Etrusca: regem adiit*,... *inmiscetque preces*. *Haud fit m.* etc. — 454. *libera fati*: a vaticinii necessitate soluti Etrusci, quo ad persequendum bello Mezentium externum ductum adascere debuerant (VIII, 495, 503. *fatum* pro vaticinio aruspici: vaticinii et responsi deorum *illigatur* vel *obligatur* is, qui aliquid ex deorum iussu facere debet. *liberatur*, enim res vel conditio eventum habet. — 455. *gens Lydia*, Etrusci ex vetere opinione, cf. lib. VIII, 479, 480.

456, 457. Turbant interpretes. Sed navis Aeneae, quae primum locum tenet (ut lib. V, 338, *Emicat Euryalus et moxre victor amicus Prius tenet*), habet insigne seu parasermon in extrema proa montem Idam et sub monte Iuliam in antro leones binos matui Idam sacros; sic 253: *binique ad frena leones*. Cf. Salmas. ad Solimp. 403. Vocabulo *puppis* improprie usus est omnino pro navi; alias *puppis* tutelam, non parasermon habet.

Ea navis subiunctos habet leones rostro, ideoque infra proram extremam. Proprie tamen parasermon est supra rostrum: igitur *subiunctus* non urgendum, sed est: habet appositos, additos. Sedet hic, h. e. in navi, Aeneas eum Pallante. Posset hic de proa accipere, unde liber caeli prospectus: sed locus sedendi et alibi in puppi assignatur, et v. 218 in puppi sedens diserte exhibetur. Illud paullo obscurius est, qua ratione Ida in proa picta et leones ibi frequentes ideoque Cybelae sacri sub monte expressi fuerint. Leonia certe ad montis altitudinem vix ulla proportio esse potuit in tali pictura. Idam sub personae symbolo expressum fuisse suspicatur Spencius, in Polymet Dial. XV, 8. Parum commode sic voc. *inminet* casus positum: debet Ida in personam mutata saltem ad latus adiunctus habere leones. Vnde porro linet navis cum insigni ex Troianis religionibus petito Aeneae apud Caeretanos statim parata et ad manus fuit? Iam veterum Grammaticorum ea fuit dubitatio, quomodo intra unius diei spatium classis adornari potuerit. Dicendum, Caeretanos iam ante ad bellum instructos classem in proutu habuisse: cf. VIII, 494. Aeneae autem navem festinanter ornasse. Poenam tamen minus eantum in his fuisse arbitros:

Hic magnus sedet Aeneas secumque volutat  
 Eventus belli varios; Pallasque sinistro 160  
 Adfixus lateri iam quaerit sidera, opacae  
 Noctis iter; iam quae passus terraque marique.

Pandite nunc Helicon, deae, cantusque movete:  
 Quae manus interea Tuscis comitetur ab oris  
 Aenean armetque rates pelagoque vehatur. 165

Massicus aerata princeps secat aequora Tigri,  
 Sub quo mille manus iuvenum, qui moenia Clusi  
 Quique urbem liquere Gosas: quis tela, sagittae  
 Corytique leves humeris et letifer arcus.  
 Vna torvus Abas: huic totum insignibus armis 170  
 Agmen et aurato fulgebat Apolline puppis.

ut et v. 205 in Oeni Mantuani navi  
 Mincium pro insigni habente. Sed  
 haec dubitatio evanescit recordanti,  
 binas naves suas (VIII, 79, 80) Aeneae se iunxisse ad Caeretanum portum  
 (Ceterum noli oblivisci, te in  
 poëta, non in historico versari, et il-  
 lum contentum esse, si imaginationi  
 tuae prudenter satisfecerit. R.) —  
 159-162. Bene Pallantis generosam  
 et erectam indolem declarat poëta.  
 Iuvenis discendi Cupidus ex Aeneas,  
 qui longum navigationis usum ha-  
 bebat, modo siderum notationes quae-  
 rit, *opacae noctis iter*: h. e. quibus  
 navis cursus per noctem regitur; mu-  
 do res gestas et fata Aeneae.

163. 4, 5. In re a prisca memoria  
 repetita Musas invocat: sic VII, 644.  
 — 166 sqq. De copijs ex Etruria et  
 de urribus, unde adducuntur, omni-  
 no haec habe. Quatuor earum copia-  
 rum turmas edidit: primam Clusi-  
 norum et Cosanorum duell *Messieu*.  
*Infra* v. 655 *Quinius* Clusinorum rex  
 ( seu Lar ) inducitur: quem sub Mas-  
 sici imperio egisse necesse est. Conf.

ibi Serv. Alteram ex Populonio et  
 Ilva s. Aethalia insula ducit *Abas*;  
 tertiam ex Pisa *Apylas*; quartam ex  
 Caere et vicinis locis *Astur*. Acce-  
 dunt auxilia e Liguribus v. 185 et e  
 Mantuanis 198. Classis omnino erat  
 XXX navium; v. 213. Copiae autem  
 mille sagittarii a Massico ducti, non-  
 genti armati sub Abante, mille alii  
 sub Aayla et totidem sub Asture:  
 ergo ter mille nongentorum capitum.  
 — *aerata Tigri* pro navi cum insigni  
 tigridis in prora: ut V, 416 sqq. et  
 v. 205, 206 et v. 209. Sub Massico  
 manus, turma, mille iuvenum erat.  
 — *coryti*, γυρτοῦ pharetræ.

170. Alterius turmae ductor *Abas*,  
 bellicosum animum vultu prae se  
 ferens. — 171. *aurato fulgebat Apol-  
 line puppis*. Ergo is tutela navis erat.  
 Sed poëta in ceteris, ut et V, 416  
 sqq. insignia navium seu parasennas  
 ponit, quae in prora sunt; etsi haec  
 duo, insigne et tutelam, vulgo con-  
 fundunt multi: itaque *puppim* potius  
 pro navi omnino dictam velim: ut  
 paullo ante versu 156. Tribuit autem

Sexcentos illi dederat Populonia mater  
 Expertos belli iuvenes; ast Ilva trecentos  
 Insula inexhaustis Chalybum generosa metallis.  
 Tertius ille hominum divomque interpret Asylas, <sup>475</sup>  
 Cui pecudum librae, coeli cui sidera parent  
 Et linguae volucrum et praesagi fulminis ignes,  
 Mille rapit densos acie atque horrentibus hastis.  
 Hos parere iubent Alpheae ab origine Pisae:  
 Urbs Etrusca solo. Sequitur pulcherrimus Astur, <sup>480</sup>  
 Astur equo fidens et versicoloribus armis.

*arma*, clipeum, thoracem, galeam puta, *insignia* huius turmae, respectu ad ferri metalla, quibus Ilva olim clara erat, habito. — 472. *Populonia mater* h. l. patria. Supra VII, 762 dubitari poterat, an *Aricia mater* eo sensu dicta esset. *Ilva*, Elba, Ἀλβαν, hodieque insula ideo celebris. — 474. *generosa metallis* pro secunda, eleganter; aed cum adiecta notione praecleari metallorum generis, quorum venas inexhaustas habet, comparatione declarata cum Chalybum fodinis.

475, 476, 477. Vatia luculenta descriptio. Eum deorum vel Iovis interpretem dici, solenne est; at h. l. *hominum divomque* est *interpret*: accipio, ut ait inter deos hominesque medius et arbiter: dum deorum voluntatem hominibus interpretatur ex augurio. *Parent* ei librae pecudum etc., quatenus eas, tamquam pro lubitu, interpretatur in bonam vel in sinistram partem. Sic apud poetas *regere* et *moderari* dicimur ea, quorum scientiam habemus; ut sidera ista, qui eorum nomina et cursum tenet. Ita  *futura parere* dicuntur ista, qui ea praedicunt, quasi vim in ea habeant: lidem  *futura moderari, regere*. Eo enim omnino inclinatur hominum opi-

nio, ut, qui praedicunt futura, eos etiam constituere possent futura potenter unde videmus obiurgari et odio haberi in sacris quoque libris nostris vates, qui sinistra fata denuntiarent, tamquam ipsos malorum auctores. Tandem eas res, quibus utuntur vates ad divinandum, aves, exta, sidera, vim occultam nescio quam habere, qua fata insistant ac mutantur, sibi persuasit superstitio. Comparat Burm. Petron. 134: *Quicquid in orbe vides, parcat mihi*. Sed ibi venefica loquitur: hanc autem sibi potestatem in omnem rerum naturam tribuere nota res est. Solenne illud, *parere* pro apparere, huc spectare non potest. — 479. *rapit* pro vulgari, ducit, ut VII, 725: *Mille rapit populos, horrentibus*, i. e. erectis. Vide ad vers. 237. — 479. Similiter Statius Theb. IV, 478: *Illo parere dati quos etc. Pisae* a. Pisa, ab ista condita, qui Pisa Elidia profecti erant, unde *Alpheae ab origine*, pro ab origine Alpheae a Eliaca; at *solo*, sede ac situ, urbs Etrusca.

480. Quartam turmam ducit Astur *equo fidens et armis*, ornate pro habens, ut Homer. ἀσπὲς πλῆθος καὶ χροῖα χροῖον alias *superbus equo — versicoloribus armis*, e diversis me-

Tercentum adiiciunt (mens omnibus una sequendi)  
 Qui Caerete domo, qui sunt Minionis in arvis,  
 Et Pyrgi veteres intempestaeque Graviscae.

Non ego te, Ligurum ductor fortissime bello, <sup>185</sup>  
 Transierim, Cinyra et paucis comitate Cupavo,  
 Cuius olorinae surgunt de vertice pennae:

tallis. Sic Iliad. ε, 504: ἐπὶ πᾶσι  
 λυγρὰ τεύχεα περικτα χάλκῳ. Hoc  
 malim huc trahere quam αἰόλα τεύ-  
 χη. Iliad. ε, 295, αἰόλα δῶρῃς apud  
 eundem, quod de motu potius acci-  
 piendum vario ac celeri, ut ἄρου-  
 ραῖος et alia dicta sunt. — 182,  
 184. Asturem sequuntur trecenti ex  
 Caere et agro ad Minionem, Pyrgis  
 et Gravisca: quae vicina oppida Caer-  
 etanorum fuere. Sed cur tam pauci  
 ex urbe tam opulenta Caere? Quia  
 mille hinc abduxerat Mesentius VII,  
 652, 653. *Adiiciunt* tercentum viros  
 ii, qui sunt Caerete domo etc. h. e.  
 qui domo sunt Caeretani, ei additi  
 sunt, eum comitantur. Burmannus  
 secundum Servium supplet *adiiciunt*  
*se*; nec multum recedit Probus, qui,  
*adiacent et quasi iuxta sunt*, interpre-  
 tatus erat. — *Intempestae Graviscae*  
*aëris intemperie*, cum in humili ac  
 palustri loco essent sitae.

185 sqq. Obscurior locus sen ex  
 interpolatione, quod equidem suspi-  
 cor, ut totus v. 188 tollendus sit,  
 quo facto sententia bene procedit  
 (ut sit: Commemorabo quoque te,  
 o Cinyra, et te, Cupavo. Cygni filii,  
 aut, quod melius est, non ego te,  
 o Cupavo, comitate a Cinyra et pau-  
 cis, transierim, olorinas pennas in  
 crista qui gestabas); seu propter ob-  
 scuriorem fabulam a praeſta aliter  
 quam ab aliis tractatam; factum enim  
 videtur, ut ex Oriente fabulam de  
 Phaëthonte, Cinyra et Cubabo (v.

Apollocl. III, 14, 3. Not.) ibique in  
 Liguriam traduxerint homines; etsi  
 Ligurum diversus plane est Cyrenus  
 et Phaëthon. Si Phanoelia elegi, Ερω-  
 τας, superessent (de quibus v. Heins.  
 et Burni. ad Ovid. Met. X, 83 et  
 Buhnken. Epist. crit. p. 299), melius  
 forsitan de fabula constaret; nam ex  
 illo ductam eam esse a Lactantio pro-  
 ditum in Narrat. fabb. II, 4; ean-  
 dem fabulam Ovidius II Met. 357  
 repetiit. Multa autem in ea tradita  
 fuisse, de quibus nunc parum constat,  
 etiam ex anaglypho discas ap.  
 Winckelm. *Mosura*, ined. n. 43, ex  
 sarcophago villae Borghesiae expresso.  
 Ut nunc locus se habet, illi aliquo  
 saltem modo expediatur utatur: *Cri-  
 men amor vestrum*; statuere necesse  
 est, Cinyram et Cupavonem turpi se  
 amore prosequutos esse. *Cupavo* et  
*Cinyras* vix videntur posse coniungi,  
 tamquam Cygni filii: itaque aut su-  
 stinenda est pronuntiatio post *Cinyra*.  
*Non ego te Transierim Cinyra*; . . .  
 et (pro nec) *te, paucis comitate Cu-  
 pavo, Coius*. Aut accipienda et scri-  
 benda sunt: *Cinyra et paucis comitate*  
*Cupavo*, ut Cupavo Cinyram et pau-  
 cos comites habuerit. Pergamus ad  
 relique. *Cupavo* cristam habet ex pen-  
 nis olorinis v. 187 in memoriam pa-  
 tris Cygni in olorem mutati ex nimio  
 luctu de Phaëthontis casu. Cyrenus  
 apud Ovidium I. e. Sthenelai (non  
 Stheneli) filius, Phaëthonti materno  
 a sanguine iunctus, mente tamen pro-

Crimen, Amor, vestrum, formaeque insigne paternae:  
 Namque ferunt luctu Cycnum Phaëthontis amati,  
 Populeas inter frondis umbramque sororum 190  
 Dum canit et maestum Musa solatur amorem,  
 Canentem molli pluma duxisse senectam,  
 Linquentem terras et sidera voce sequentem.  
 Filius aequalis comitatus classe catervas  
 Ingentem remis Centaurum promovet; ille 195  
 Instat aquae saxumque nudis inmane minatur  
 Arduus et longa sulcat maria alta carina.

*pior dictus.* — *inter populeas frondes umbramque sororum*, populos (nigras, αἰγυλίους, electrum exsudantes), in quas Phaëthontis sorores suere mutatae, ex nonnullorum saltem narratione Cf. ad Ecl. VI, 62 (Si cum Chr. Cour. Sprengelio, Neue Kritik der klassischen röm. Dichter p. 439 sqq. vers. 489 ad praecedentem referas et scribas: » *Crimen, Amor, vestrum*, i. e. quae pennae, Amor (Tibi et Matri), crimini sunt (Ovid. Metam. VIII, 240. X, 497); ut unum quidem Amorem appellet, matrem tamen Venerem quoque intelligat, ut IX, 525: *Vos, o Calliope*, ubi unam nominat, plures alloquitur. Cf. I, 439: » fortasse lucem loco obscuro missam laetaberis. R.) Versum emendes: *Crimen amoris erat formaeque ius pat. i. e. olorinae penae*, quas Cupavii ille Cyenides i. e. Cyeni filius in vertice gestabat, pro insigni a patris forma versa petito fuere; una tamen *crimen* (necesse inf. v. 497), *istudque* sive probum (qua significatione quoque occurrit ap. Propert. IV, 4, 41. Ovid. Trist. IV, 9, 25.) amoris paterni in Phaëthontem illiciti admonens. Sed ita praestat vers. 436 *Cyenida et legere pro Cenyra* et; nam

vers. anteced. postea unum tantum belli doctorem alloquitur et vet. Edit. duoque Goth. habent *Cygnae vel Cygnae, Cyene*. B. — Mox v. 192, 193 eum iam senem in cycnum prae luctu mutatum narrat. Ferunt eum duxisse, h. e. induxisse, *senectam canentem molli pluma*: ita ut senectam pluma induxerit, ex poetica ratione, eum ipsi seni pluma induceretur; *canentem... linquentem... sequentem*: h. e. ferunt eum, iam senem et canem, inductum plumis evolasse. Minus enim placet, ad poeticam quidem elegantiam, ut sit simpliciter: *durasse*, egisse, eum *senectam, canentem pluma*, sic ut haberet plumas pro canis, h. e. in cycnum mutatus. Ex h. l. ductum est illud Nemes. Cyneq. 37: *Cycnum plumamque senilem*; et Claudian. VI Cons. Honor. 174: *Mutatumque senem plumis*. — 194. *aequales catervas*: h. e. turmam aequalium; seu potius aequali numero: alios trecentos ex v. 482. — 195-197. Cum navi vectum dicere vellet, quae Centaurum pro parasemo habebat, suaviter insigne navis ad ornatum orationis convertit: Centaurus ita erat sculptus, ut saxum evulsum terra proiceret.

Ille etiam patrias agmen ciet Ocnus ab oris,  
 Fatidicae Mantus et Tusci filius amnis,  
 Qui muros matrisque dedit tibi, Mantua, nomen, 200  
 Mantua, dives avis: sed non genus omnibus unum.

498 sqq. Tandem *Montuani* accedunt Etruscis, quippe auctoribus civitatum XII transpadanarum ideoque etiam Mantuae. Ocnus dux, Mantus nymphus (nam de Manto Thresiae filia cogitasse non videtur) et Tiberis fluvii filius, diversus ab eo Oeno, quem poëtae in iuferis collocarunt, condidit et a matre appellavit Mantuam. — 204, 202, 203. Non in promptu est expedire locum secundum interpretationem Servii et Cerdæ, aut Gronovii aut Catroei. Equidem sic accipio: Mantua, potens olim eoplis urbs, quae tamen non eiusdem erant generis, sed ex gentibus III ac populis XII constabant, quorum quaterni sub una geote erant comprehensi, quibus illa esput erat: copiae autem illae erant Etruscae. Videamus singula: *dives avis* per se ambiguo sensu dictum est: potest esse *dives avis*, qui molles avos habet, quod ad stirpis vetustatem trahi posset; potest esse *dives per avos* aut *qui avos divites habuit*; ideoque de urbe et populo est sensus, qui aliquando potens fuit. Videamus nunc de usu loquendi. Dici solet aliquis potens, florens genere, nobilitate, maioribus ideoque et avis; potens poëtis est *dives*, ὀψις, usu Homérico; uti contra reges πλούσιος, quia ex divitiis opes veniunt. Iam, si quis avos habere, numerare, his gloriarī, his dives esse ac potens memoratur, adsciscitur avorum vetustas, claritas, in notionem. Sollemnior et placior forma loquendi est de singulis homi-

nibus. Statius Theb. I, 392 de Adrasto: *Dives avis et utroque Iovem de sanguine ducens*. Supra VII, 56: *Turnus avis atavisque potens*: eadem vi, qua *dives*, ὀψις, *avis*, per avos, propter avos, h. e. habens avos claros. Silius XVI, 593, *Burrus avis pollens*, VIII, 382, *Scævola avis pollens nec dextra indignus avorum*. Illic idem Silius etiam de populo: *Oci, quos dives opum, quos dives avorum E toto debet ad bellum Campania tractu*: VIII, 523. Itaque et hoc loco Mantua fuit *dives avis*, per avos; pro vulgari, habens avos claros ac potentes; ideoque urbs potens olim, maiorum aetate; quod monendum erat imprimis, quom poëtae tempore illa tantopere a pristino splendore descivisset. Constat tamen agmen e diversis populis: sed non genus omnibus unum: omnibus non ad avos erat referendum, quod vulgo facient, sed ad *agmen*, quod Ocnus adducit patriis ab oris (Simplior omnibus referendi ratio esse videtur vulgaris: durior, qua ad *agmen* vox illa spectat. Servius quoque non uoum Ocnum Mantuae conditorem nominat; sed plures conditores et eos *avos* atque in his Thebanos, unde poëta quominus *Manto* illam sumserit, nihil impedire videtur. Nsm, etsi inepta sit illa deducendi ratio, tamen regnat in urbium originibus Italiae e Graecia repelendis, nec poëtam ab illa abstinuisse quisquam recte contenderit. R.) Pergit: Namque Mantua trinas gentes et duodenos popu-

Gens illi triplex, populi sub gente quaterni;  
 Ipsa caput populis; Tusco de sanguine vires:  
 Hinc quoque quingentos in se Mezentius armat,  
 Quos patre Benaco velatus arundine glauca 205  
 Mincius infesta ducebat in aequora pinu.  
 It gravis Aulestes centenaque arbore fluctus  
 Verberat adsurgens: spumant vada marmore verso.  
 Hunc vehit inmanis Triton et caerula concha  
 Exterrens freta: cui laterum tenuis hispida nanti 210  
 Frons hominem praefert, in pristin desinit alvus;  
 Spumea semifero sub pectore murmurat unda.  
 Tot lecti proceres ter denis navibus ibant  
 Subsidio Troiae et campos salis acre secabant.  
 Iamque dies coelo concesserat, almaque curru 215

los habebat: *Gens illi triplex* etc. *Gens* tamquam latius sub se continet populos: quod Io. Fr. Gronov. ad Liv. V, 34 docuit. Populi igitur erant XII in trinas gentes divisi. Mantua vero horum XII populorum, qui Etrusci erant; h. e. XII coloniarum in dicta posthaec Gallia Cisalpina sitarum caput erat, unde Plin. III, 49, a. 23: *Mantua Tuscorum trans Padum sola reliqua*. — *vires*, copiae.

204. *Hinc in se armat* eleganter de copiis adversum Mezentium odio eius ducta. — 205, 206. Navis, qua vehitur Ocnus, parasemum seu insigne habet in prora Mincium fluvium. In Georg. III, 15, *tenera praetexit arundine ripas*, ubi v. not. et ad Ecl. I, 52. — *patre Benaco*: ducit enim nuntium Mincius (*Menzo*) ex Benacensi lacu (*Lago di Garda*) aut potius ex Alpibus ortus medium eum transit. Cf. ad Georg. II, 459, 460. — Sequitur v. 207 *Aulestes*, Oeni frater et Perusiae conditor, *gravis* propter navem mole sua gravem, in navi C

remorum ναῦς ἐκπρόσθῳ, II. v, 247; hoc extollit magnifice: *Aulestes adsurgens verberat fluctus centena arbore*, centenis remis. Silius XI, 492 *centeno verbere dixit; adsurgere, insurgere, consurgere*, notae elegantiae vocabula de nisu eius, qui magna vi ictum infert, incumbit, protrudit. De marmore, aequore, monitum ad Georg. II, 254. Navis huius parasemum in prora Triton est buccinam inflans. — 210. *frons laterum tenuis* exquisitè pro: ipse a fronte usque ad latera seu medium corpora. — 212 suavisimae modulationis versus ex Apollonio ductus est l. I, 542, 543: *Troiae novae — et campos salis acre secabant*, ut iam lib. I, 35.

215—257. Aeneas navigatione secunda iam appropinquans Troianorum castris e Nymphis, in quas mutatae fuerant naves (IX, 420 sq.), comperit castra: Turno oppugnari, ideoque se ad pugnam accingit. *dies*: erat is tertius, ex quo castra reliquerat Aeneas: is ipse dies, quo Rutuli



Noctivago Phoebe medium pulsabat Olympum :  
 Aeneas (neque enim membris dat cura quietem)  
 Ipse sedens clavumque regit velisque ministrat.  
 Atque illi medio in spatio chorus ecce suarum  
 Occurrit comitum : Nymphae, quas alma Cybebe <sup>220</sup>  
 Numen habere maris Nymphasque e navibus esse  
 Iusserat, innabant pariter fluctusque secabant,  
 Quot prius aeralae steterant ad litora prorae.  
 Adgnoscent longe regem lustrantque choreis.  
 Quarum, quae fandi doctissima, Cymodocea <sup>225</sup>  
 Pone sequens dextra puppim tenet, ipsaque dorso  
 Eminent ac laeva tacitis subremigat undis.  
 Tum sic ignarum adloquitur : Vigilasne, deum gens,  
 Aenea ? Vigila et velis inmitte rudentes.  
 Nos sumus Idææ sacro de vertice pinus, <sup>230</sup>

castra oppugnant; inde e IX, 459.  
 — *almaque curru Noctivago Phoebe*,  
 ἄμαρτι νυκτιπόδῃ. Ex Egnatii lib. I  
 de rerum natura ducta esse Macrob.  
 VI, 5 notavit. *Rosida noctivagis*  
*antris labentibus Phoebe Pulsa loco cer-*  
*sis concedens lucibus altis.* — 218.  
*Vtrumque docte, ut poëtam decet:*  
*clavum regit;* proprie nevem regimus  
 clavo; tum *velis ministrat*, pro mi-  
 nistrat, ministerium praestat uauti-  
 cum, ad vela. Cf. ad VI, 102. Sic  
*Luna ministrat equis* ap. Propert. III,  
 14, 15, et Statius, quem alij laude-  
 runt, de Apolline curru insidente  
 lib. VII, 751: *Ipse sedens telis pa-*  
*riterque ministrat habenis.* Affectarunt  
 mox idem scriptores in soluta ore-  
 tione, ut Tacitus Germ. 44, ubi v.  
 not.

219. *medio in spatio.* Nam IX,  
 121 novae Nymphae: pontoque *fe-*  
*rentur;* qui totus locus huc animo re-  
 vocandus, *suarum comitum:* quia cum

eo venerant naves. Serv. cf. IX, 80  
 sq. *Cybebe*, Κυβέβη, quae vulgo Κυ-  
 βέβη. — 221. *numen habere maris*  
 exquisita pro numine esse. IX, 101,  
 102: *magnique iubebo Aequeoris esse*  
*deas.* — 224. *lustrant choreis,* or-  
 nate pro circumdant, circumstant.

228. *deum gens*, γένος, γέντι IX,  
 642: *Dis gente*, διογνίς. — 229.  
*velis inmitte rudentes,* ut vela laxen-  
 tur ad ventum excipiendum. Sic VIII,  
 708: *Ipsa videbatur ventis regina*  
*vocatis Vela dare et laxos iam iam-*  
*que inmittere funes,* ut *inmittere ha-*  
*benas, frenas* alibi; cf. V, 116, 117.  
 Nec temen inmittere per se aut est  
 aut esse potest laxare, sed est inci-  
 tare: ubi autem vela laxantur, ru-  
 dentes non laxantur; sed intendun-  
 tur. Proprie *ventus inmittitur velis*,  
 fit hoc multo magis velis expansis et  
 rudentibus solutis aut laxatis; inver-  
 siusne solenni poëtarum *inmitti* dicun-  
 tur *vela ventis*, tandem rudentes ipsi,

Nunc pelagi Nymphae, classis tua. Perfidus ut nos  
 Praecipites ferro Rutulus flammaque premebat,  
 Rupimus invitae tua vincula teque per aequor  
 Quaerimus. Hanc Genetrix faciem miserata refecit  
 Et dedit esse deas aevumque agitare sub undis, 233  
 At puer Ascanius muro fossisque tenetur  
 Tela inter media atque horrentis Marte Latinos.  
 Iam loca iussa tenent forti permixtus Etrusco  
 Arcas eques. Medias illis opponere turmas,

*velis*, velorum expandendorum causa. Similiter *inmittitur* equus cursu concitato, *habenae* laxatae; tum *inmitti* dicuntur ipsae *habenae*, ut incitetur cursus equi et ipse equus. — 231. *perfidus*: quandoquidem foedere iam inter Latinos Troianisque facto bellum moverat. — 234. *refecit*, mutavit: nihil amplius. *dedit*, fecit, ut *idem* Homer. — 237. *horrentes Marte Latinos*: est igitur pro *horrendis*, qui horrorem faciunt, bello, pugna; cuius significatus me exemplum in Marone desiderare supra ad exordium Aeneidis fassus sum, quum *horrentia Martis arma* explicarem. Possunt *umbrae horrentes* aliquis sic accipere lib. I, 463 et 311; III, 230: verum *umbrae* sunt ibi ipsae arbores, et sic dum *horrentes*, rubi *horrentes*, *horrentia* *litora* dicta sunt. *Horrent* enim omnia, quae superficiem habent asperam: quibus opponuntur ea, quae laevia sunt et nitent. Hinc omnium *horre* pro asperum esse atque hinc squalere interdum; ut *opes horrent* Georg. IV, 96: *terra horret* III, 461. Atqui nec hic aliter dictum puti; sed *Latini horrent Marte* h. e. armis; exquisita dictio pro habentes arma horrentia, hastas crebras erectas: dum atant in acie denis ordinibus et pugnant. Vt Ennium ac habet: *Hor-*

*rescit telus exercitus asper utrinque*. Aliter Valer. Fl. VI, 524, 525 *arma horrentia* dixit de thorace aspero squamis seu ornamentis ex aere sculptis (Graecor. *οπίπτεον* et horrere idem sonant et valent. Cf. Toup. Emendatt. in Suid. p. 468. R.)

238. *Iam loca iussa tenent*. Refert et hoc Servius ad ea, in quibus *κατά το σπασμάσσον* aliquid intelligendum sit, nam *intelligimus*, cum equites *missis per terras*. Sane quidem VIII, 548 sqq., quum in Etruriam pergit Aeneas: parte sociorum in cunictatum assancta ceteros iubet Tiberi vectos reverti ad castra et nuntiare Ascanin, quae facta sint. Sed in his vix *equites* esse potuerunt (nam CCC equites Evander et Pallas dederant VIII, 518, 519); multo minus *Etrusci*, quos nondum adierat. Ad artificium itaque narrationis et suavitatem ex brevitate studii hoc referamus, quod nunc illa innuit, quae facile intelligi possunt: consensisse Aeneam naves in portu Caeretano, equitatu in litore praemisso, qui ne castra intrare posset, Turnus abiecta copiarum parte ravelat. Nec tamen memoratur, cum iis equitibus Tiberis traiciendus esset, qua parte aut quo paratu id factum sit, ne Turnus ab escensimmo in alterum litus eos prohiberet: ita

Ne castris iungant, certa est sententia Turno. 240  
 Surge age et Aurora socios veniente vocari  
 Primus in arma iube et clipeum cape, quem dedit ipse  
 Invictum Ignipotens atque oras ambiit auro.  
 Crastina lux, mea si non irrita dicta putaris,  
 Ingentes Rutulae spectabit caedis acervos. 243  
 Dixerat et dextrae discedens impulit altam  
 Haud ignara modi puppim. Fugit illa per undas  
 Ocior et iaculo et ventos aequante sagitta.  
 Inde aliae celerant cursus. Stupet inscius ipse  
 Tros Anchisiades; animos tamen omine tollit: 250  
 Tum breviter supera adspectans convexa precatur:  
 Alma parens Idaea deum, cui Dindyma cordi  
 Turrigeraeque urbes biuigique ad frena leones,  
 Tu mihi nunc pugnae princeps, tu rite propinques  
 Augurium Phrygibusque adsis pede, diva, secundo. 255

enim his eadem rerum facies exhibenda fuisset. Nam et Aeneae copiae adductae praelium in ipso littoris elivo faciunt. — 240. *iungant se*: ut solet Maro. — 246. Locus, quem laudant Apollonii est lib. II, 600, 601, ubi Minerva simili modo Argo in Symplegadas immissam protrudit. Similior tamen nostris vs. alter est locus, ubi Argo in Phinctas inducta est, IV, 930 sqq. — 247. *Modus* non est ratio, modos propelleodi; hoc esset tenue et ieiunum in epico poeta. Sed est, quod bene Servius monuit, moderatio. + Impulit navem libramento peritiae (malim *libramenti peritiam*), et moderationis, quippe quae fuerat navis h. e. cum ipsa Nympha foisset navis. — 249. *Inde aliae, se. naves, celerant cursus*, cum Aeneae navem evolare vident. Sic, puto, bene accipitur. Servius tamen argutus explicat: inde aliae Nym-

phae aliarum navium cursus celeriores efficiunt, sicut fecerat Cymodocea. —

250. *omine*, ostento, prodigio eandem animos sumit. Mox v. 255 simili metonymia *augurium* dixit.

252. V. IX, 80, 83 et 618, ubi *Dindyma ὄρη* Phrygiae. — 253. *Turrigerae urbes*: hinc ipsa Cybele turrita, *πολλὰς; πολλοῦχοι*; est enim mater Terra lib. VI, 786. *ad frena leones*, frenari soliti; ut *ad leonicam servi*, ad *linium* custos, IX, 648. — 254, 255. *pugnae princeps*; *πρόμαχος*, h. l. opitulus. *tu rite propinques augurium*: h. e. fac nateotum hoc rite eventum suum habere. Ita interpretandum arbitror. *Propinquare* poetae et alibi est admoveere, adducere: fere ut *πλάσσει* Homericum. *Augurium* autem, ni omen, oraculum, sortis, saepe pro eventu. Est ergo, fac eventus ostenti haud longe abest. Vi sensus sit, quem alii volunt: *tu praesens*

Tantum effatus; et interea revoluta ruebat  
Matura iam luce dies noctemque fugarat.

Principio sociis edicit, signa sequantur  
Atque animos aptent armis pugnaeque parent se.  
Iamque in conspectu Teucros habet et sua castra <sup>260</sup>  
Stans celsa in puppi, clipeum quum deinde sinistra  
Extulit ardentem. Clamorem ad sidera tollunt  
Dardanidae e muris (spes addita suscitatur iras,  
Tela manu iaciunt) quales sub nubibus atris  
Strymoniae dant signa grues atque aethera tranant<sup>265</sup>  
Cum sonitu fugiuntque notos clamore secundo.  
At Rutulo regi ducibusque ea mira videri  
Ausoniis, donec versas ad litora puppis

*sis et propitia hoc augurio: Cybele deberet propinquare ipsa cum augurio. Nec Barthius bene apud Burm.: praesentior et propior augurio adis. Cerda ait esse: propitium facias augurium; sed in altero subiicitur: adis pede diva secundo. — 256, 257. Ornate revoluta ruebat pro revolvebatur, redibat; ruebat pro veiebat, ut II, 250 ruit oceano nox. — matura luce, adulto die (aliter ac Georg. I, 66: adultis solibus, sestate profecta; et iterum aliter Tibull. IV, 1, 205, matura dies de morte praematura).*

258. Est hic dies, cuius gesta et adventus hoc libro usque ad eius finem assequitur. Edicit, ut ad signa conveniant Troiani; ut animos aptent armis, pugnam expectent eiqua se accingant. Ingenioso autem poeta novum pugnae genus commentus est in littore ad prohibendam escensionem, quippe quae res per se magnas difficultates habet. — 261. Clipei a Vulcano facti opportuna sit mantio. — 264-266. Ad clamorem spectare com-

parationem h. l. recte monet Servius. Clamorem tollunt, qualem grues in discessu; pro quo dixit quales dant signa grues. Nam Troianorum multitudinem designare non potest, ut VI, 340 sq., cum singuli in muris stent, non agmine incedant (conf. Lucan. V, 714 sqq. Stat. Theb. XII, 515 sqq.): multo minus telorum copiam. Ducta comparatio de Homero II, γ, 3 sqq. nec dubito potestatem, quia nubibus atris appositam, de abitu gruum in calidiores plagas ingruente hieme cogitasse. Vid. ad Aeo. VI, 340. Nec aliter Homerus I. a. Non vero ad imbrem instantem evolascentes grues Ga. I, 374, 375 huc traho. Itaque v. 266 nostri pro quibuscumque ventis hibernis ac pluviis dicti sunt. — dant signa simpl. edunt clamorem; quatenus is pro signo est eos volatu adesse vel abire. Clamor secundus, laetus, ut alibi quoque. Radium gruum ex australibus plagis redeunte vere suodum comparationis fecere alii, quorum loca apposuit Cerda. Sunt Statius Theb. V, 11-16,

Respiciunt totumque adlabi classibus aequor.  
 Ardet apex capiti cristisque a vertice flamma 270  
 Funditur et vastos umbo vomit aureus ignes :  
 Non secus ac liquida si quando nocte cometae  
 Sanguinei lugubre rubent aut Sirius ardor ;  
 Ille sitim morbosque ferens mortalibus aegris  
 Nascitur et laevo contristat lumine coelum. 275

Haud tamen audaci Turno fiducia cessit  
 Litora praecipere et venientis pellere terra.

Val. Fl. III, 359 sqq. Claud. de b. Gildon. 474-478. Oppian. Halieut. I, 620-625. Nunc vero locus lib. XIV, 334-337 totus ex Homero est coocinatus. — 269. *totumque allabi classibus aequor*. Docte de magna navium copia, ad Rutulorum phantasiam et ad mirationem faciendam accommodata. Vulgeri oratione : classis allabitur late per totum mare. Nunc mare ipsum, quam longe prospectus patet, navibus lectum videtur adfluere ad litus eum *classibus*. Nec aliter Servius. — 270-275. De summo armorum Aenese, quae a Vulcano erat facta, splendore cogitandum est, quem per ignem et flammam reddi solleone est. Homero vero ipsam flammam exire fecit armis. Plura sunt Homerica loca, quae Maro aote oculos habuit, et ab otioso diligenter comparari possunt ; adscribere ea non vacat : primum splendidissimum illud de Diomede Iliad. ε, 4-7, quem variavit in Achille Il. σ, 205-214. Ad hunc potissimum respexisse patet Maro. Comparandus quoque VII, 785-788. Mos vs. 272 comparisonem cometae de suo adiecit Maro : nam Il. δ, 75-77 de stellae traiectione agit, non de cometa. Maronem imitati aut diligenter Silius lib. I, 460-464 et Claudian. de R. Pros. I, 230-234, qui Homericum

locum modo laudatum ad verbum expressit. Quomodo nostri poetae excellere et superare possint veteres, exemplum esto hoc Miltoni *Parad. Lost* lib. II, 708 sqq., ubi cometen exustum igni et ab Ophiucho consumtum flammare et coma quassa pestem et famam immittere dicit. Sed Sirii seu caeculae comparatio tota debetur Homero : Iliad. χ, 26-33 de Achille. — 270. *apex* : cogitavit ἄποψ, conum, cui crista inserta, et designat ounc totam omnino galeam aere coruscaniem. — 272. *liquida nocte* : translate ab aëre liquido pro clara. — 273. *Sirius* est adiectivae formae. Ζεφύρε ἀστὴρ, unde h. l. *Sirius ardor* pro ipsa stella. *Ille nascitur*, oritur, *ferens*, h. e. ortu suo ille affert sitim morbosque, olimum aetum et febre. Adiecta haec ad exornandam et amplificandam comparisonem, ex more poetae ad exemplum Homeri. De re haec cf. Apollon. II, 518-524 cum Schol. et Cic. de Div. I, 54 ibiq. Davis. — 275. *laevo lumine*, ooxio, ut *infelix*. — *contristat coelum*, magna cum vi, pro fulget, sed tristia portendeas.

276 sqq. Turni et animus et oratio digna viro forti. — *litora praecipere*, ante capere, occupare (Vers. 278 abest cod. medico al. ; in aliis *sups-*

\*Vltro animos tollit dictis atque increpat ultro:  
 Quod votis optatis, adest, perfringere dextra.  
 In manibus Mars ipse, viri. Nunc coniugis esto <sup>280</sup>  
 Quisque suae tectique memor; nunc magna referto  
 Facta, patrum laudes. Vltro occurramus ad undam,  
 Dum trepidi egressisque labant vestigia prima.  
 Audentis Fortuna iuvat.  
 Haec ait et secum versat, quos ducere contra <sup>285</sup>  
 Vel quibus obsessos possit concedere muros.

Interea Aeneas socios de puppibus altis  
 Pontibus exponit. Multi servare recursus  
 Languentis pelagi et brevibus se credere saltu;  
 Per remos alii. Speculatus litora Tarcho,  
 Qua vada non spirant nec fracta remurmurat ueda,

rriori praenonitur est huc retractus e  
 l. IX, 427. Mox laudesque aut et pa-  
 trum e codd. eum Heynio praeferam:  
 nisi forte patrum laudes pro apposi-  
 tione habeas. R.) — 279. *perfringere*,  
 grave verbum, pugnare cominus; cum  
 adhuc castra oppugnasset. Dictum ut:  
*aciem perfringere*, petrumper. — 280.  
*In manibus Mars ipse*. Nunc res ad di-  
 scrimen adducta. Pugnandi tempus,  
 quod optastis, adest; in manu pugna,  
 pugnandi opportunitas, est. Adhuc  
 enim oppugnatio castrorum facta erat;  
 non acie pugnatum. *laudes*, τὰ ζῆλα  
 ἀνδρῶν, praeclara facta, gloriam pa-  
 trum. Cf. Iliad. π, 207 sq. o, 664 sq.  
 — *referto* animo vel in animum re-  
 vocato, memor esto, quod modo  
 praecessit: itaque nolim accipere, ex-  
 primito, imitator. Cf. Iliad. π, 207,  
 208, 209 et ad sequentis Iliad. o, 664  
 sqq.

283. Escensio in litus non male  
 narrata in primis in Tarchono mo-  
 rae impatiēte. Pontes: τὰς ἰμῆζ-  
 ῶνας et ἀνὰ τὰς ῥαγὰς navium dixit. —

*servare recursus Languentis pelagi*. De  
 refluxu reciprocantis maris accipi ne-  
 quit: nam cum profecto tunc non  
 exspectarunt: sed sunt loca vadosa  
 littoris, non abrupta, sed leclivia,  
 in quibus deficiant extremi fluctus;  
*recurrūt*, currit, procurrit, adeo flu-  
 ctus per magnum arenae spatium. Is  
 locus, qui fere in sinuosis littorum  
 plagis esse solet, est *recursus pelagi*  
*languentis*: et eadem sunt *brevia*: cf.  
 I, 444; V, 221. Non autem animo  
 dimittendum, agi haec in ostiis Ti-  
 beris, ubi mare sese inferi aliquan-  
 tum amai; turbatum vero et vento  
 averso spirante adactum retundit am-  
 nem venientem et intras ostia late  
 immittitur. — 290. *Per remos alii*: as-  
 sumendum: terrae se credere saltu  
 rennis pro contra litore infixis, qui-  
 bus nisi in litus prosiliant.

290. Tarchon morae impatiens vel  
 cum navium periculo in molli, qua  
 ad litus aditum mare satis profundum  
 daret, anfractu littoris terrae ocellivi  
 impingit navem remis concitatam. ut

Sed mare inoffensum crescenti adlabitur aestu, 291  
 Advertit subito proras sociosque precatur :  
 Nunc, o lecta manus, validis incumbite remis,  
 Tollite, ferte rates! inimicam findite rostris  
 Hanc terram, sulcumque sibi premat ipsa carina! 295  
 Frangere nec tali puppim statione recuso;  
 Adrepta tellure semel. Quae talia postquam  
 Effatus Tarcho, socii consurgere tonsis  
 Spumantisque rates arvis inferre Latinis; 300  
 Donec rostra tenent siccum, et sedere carinae  
 Omnes innocuae. Sed non puppis tua, Tarcho.  
 Namque, inflicta vadis, dorso dum pendet iniquo  
 Anceps sustentata diu fluctusque fatigat:  
 Solvitur atque viros mediis exponit in undis; 309

in ea considat et ipsum solum pro firmamento ac retinaculo habeat: ut nostro quoque tempore solent nautas salutis spe abiecta naufragium facere voluntarium in amico littore. Conf. Act. Ap. XXVII, 39 sqq. Feliciter res succedit ceteris molle ac limosum solum noctis, excepta Tarchonis navi. — *qua vada non spirant*, aqua non aestuat, nullos fluctus movet, ideoque scopulis non alliditur aut latentes scopulos arguit. Est enim *spirare* h. l. aestuare, inflatum esse, fluctus movere, *σπύρρειναι*. Iam Ge. I, 327 vidimus *fervereque fretis spirantibus aequor*. — 292. *crescenti aestu*. Nec hoc de aestu maris reciproco accipere licet; ne de mari quidem tempestate moto; sed de provolutis latius maris fluctibus, qui, si locum littoris molli elivo assurgentem acceperint, eo explicant se et late exundant ideoque crescere videri possunt; *aestum* autem pro fluctu, ut poeta, dixit. — 295. *tollite remos*; ad motum remorum spectat; *ferre*, impellite, agite.

Mox *inferre* littori. — 299. *consurgere* remis: cf. v. 208; abbi *insurgere*. — Mox 301 *siccum* de littore, ut Ge. I, 363, *In sicco ludunt fulicae*, et Homerus *ξηρὸν, ξηρὸν* pro *ξηρὸν* Od. ε, 402. *innocuae*, illaesae: passive, ex poetarum more. — 302, 303. *dorso iniquo*. Bene Serv. Dorsum est durior arena (*δῖν*), quae remeantibus fluctibus plerumque densatur et in modum saxi indurescit, quod a nautis *pulvinus* vocatur. *dorsum* tale, *βραχίον*, in medio mari I, 410 vidimus. — *iniquum*, noxiam, exitiosum; uti quis *in locum iniquum* adductus dicitur. Alii pro inaequali arenae eumulo accipiunt. *pendet anceps sustentata*, suspensa, se librat, agitatur, quoniam sulcum nullum impressit satis altum, nec firmata carina stabilem habet sedem. Cf. Lucan. IX, 337 et totum locum. Navis *fatigat fluctus*, dum allabentes ac recedentes eos agit et versat (conf. ad lib. VIII, 94) ideoque ipsa librata fluctuum impulsu in diversas partes versatur. Magis hoc poeticum,

Fragmina remorum quos et fluitantia transtra  
Inpediunt, retrahitque pedem simul unda relabens.

Nec Turnum signis retinet mora; sed rapit acer  
Totam aciem in Teucros et contra in litore sistit.

Signa canunt. Primus turmas invasit agrestes 310

Aeneas (omen pugnae!) stravitque, Latinos,

Occiso Therone, virum qui maximus ultro

Aenean petit; huic gladio perque aerea suta,

Per tunicam squalentem auro latus haurit apertum.

Inde Lichan ferit, exsectum iam matre peremta 315

Et tibi, Phoebe, sacrum, casus evadere ferri

Quod licuit parvo. Nec longe, Cissea durum

Inmanemque Gyan sternentes agmina clava

Deiecit leto: nihil illos Herculis arma

quam si fluctus fatigat navem. Efficitur sane sic, ut navis fatiscat. — 307. unda relabens, fluctus littus alluens et ex aliis remeans: qui facit, ut pedem in lubrico figere nequeant.

308. Fit pugna in ipso litore. — 310. Laudatur Attius in Hellenibus: Signa extemplo canere et tela ob moenia offerre imperat. — turmas agrestes. Ceterum signa canunt, i. e. classicum, quod cornu fiebat: cf. VII, 512. VIII, 2. Prudenter in Aeneam pugnantem in ipsis pugnae eordiis animos convertit poeta. — Latinos, cf. VII, 573-582. VIII, 8 et IX, 607 sqq. — 311. omen pugnae eo spectat, quod stravit Latinos, turmas agrestes: quod qui primo loco caderent, e Latinis erant. — 313. aerea suta, thoracem autilem ex aere, h. e. ex aereis lamellis vel catenulis. Scuta vulgo lectum, sed suta praestant codd. optimi, medic. rom. al. Est ὀρπετός χιτών, III, 467. — 314. Sberat thoraci tunica squalens auro, aurea. Squalere perperam a squamis ducitur, sed, ut horrere de

asperitate superficiei, cuius oppositum sit laevis ac nitor, dixere poetae, sic squalere videtur tractum primum ad superficiem sordido ac squalido colore vel nitore impuro, lutescente aut pulverulento inductum, qualis in piscium ac serpentum cute est; tum omnino de nitore quocunque, ut auri. Nam Accius in Pelopidis (apud Serv. h. l. et Macrob. VI, 7 f.) distinxit squalorem auri a squamis serpentis: eius Serpentis squamae squalido auro et purpura Praetextae. Est igitur squalere doctus dictum h. l. quam splendore, v. ad Ge. IV, 91. haurit apertum pro simpliciter haurit, ac. ita ut aperiat; haurit et aperit vulnere facto. De voc. haurire pro transfodere, ac. hauriendo sanguinem, cf. ad II, 600. — 315, 316. Phoebo sacrum quippe deo medico, cuius ope ex matris utero esset servatus. An verum sit, quod Servio tradente narrat alii, omnes secto matris ventre procreatos Phoebo fuisse sacros, dubito. — 317. nec Longe; pro: nec multo post, adverbium



Nec validae iuvare manus genitorque Melampus, <sup>320</sup>  
 Alcidae comes, usque gravis quum terra labores  
 Praebuit. Ecce Pharo, voces dum iactat inertis,  
 Intorquens iaculum clamanti sistit in ore.  
 Tu quoque, flaventem prima lanugine malas  
 Dum sequeris Clytium infelix, nova gaudia, Cydon, <sup>325</sup>  
 Dardanea stratus dextra, securus amorum,  
 Qui iuvenum tibi semper erant, miserande, iaceres:  
 Ni fratrum stipata cohors foret obvia, Phorci  
 Progenies; septem numero septenaque tela  
 Coniiciunt: partim galea clipeoque resultant <sup>330</sup>  
 Inrita; deflexit partim stringentia corpus  
 Alma Venus. Fidum Aeneas adfatur Achaten:  
 Suggere tela mihi! non ullum dextera frustra  
 Torserit in Rutulos, steterunt quae in corpore Graium  
 Iliacis campis. Tum magnam conripit hastam <sup>335</sup>  
 Et iacit: illa volans clipei transverberat aera

loci pro temporis, antiquae. Serv. Vi alias: *nes mora*, h. e. statim, inde.

321. *usque quum*, usque dum, tandem quam. Narratiunculas, quibus poeta nomina ac caedum factarum argumentum per se molestum Homeri exemplo variat, pro se quisque notabit. Nunc Cisseus et Gyas filii sunt Melampodis: isque fuit comes Herculis, quem in haec loca secutus (VIII, 21 sqq.) restitit et consedit in Latio. Illa: *nihil illos Nec iuvare*, Homerica sunt: v. c. ll. 1, 33, 54. n, 112, 113. Mox de Pharo. — 322. *voce inertes*: quia inertis hominia et imbellis est clamare et convicia iactare, ubi pugnando opus erat.

324 sqq. Phorcum igitur fingit poeta vel tradit septem habuisse pueros, qui pugnae intersunt. Memorantur quatuor: primus, si modo is ex

hoc numero fuit, *Cydon*, amator Clytii, alter *Maron* v. 337; tum *Alcanor* et tandem *Numitor* v. 342. — *nova gaudia* pro eo, qui amatur, *ta nas dixit, deliciae*. *nova* bene Serv.: quem primum tunc amare coeperat. *securus*, oblitus, in morte, nec memor amoris puerorum, qui tibi semper erat. Non diverse poeta posuerat lib. I, 350 *securus amorum Germanae*, nun curans, respiciens. — 331. Ea, quae stringere poterant, *deflexit*, ut luno lib. IX, 725, 726 in Turno: deorum apud Homerum exemplo ll. 8, 429 sqq. v, 487 sq. — 333. *Suggere tela mihi*: heroum Homericorum opes: hastarum copia in armario: vide omnino ll. v, 260 sqq. Puta igitur hastas ex pugnibus cum Achivis collectas et diligenter servatas Aeneam secum tulisse. non ullum dextera frustra torse-

Maeonis et thoraca simul cum pectore rumpit.  
 Huic frater subit Alcanor fratremque ruentem  
 Sustentat dextra : traiecto missa lacerto  
 Protinus hasta fugit servatque cruenta tenorem , <sup>340</sup>  
 Dexteraque ex humero nervis moribunda pependit.  
 Tum Numitor iaculo fratris de corpore raptò  
 Aenean petiit; sed non et figere contra  
 Est licitum , magnique semur perstrinxit Achatae.  
 Hic Curibus fidens primaevo corpore Clausus <sup>345</sup>  
 Advenit et rigida Dryopem ferit eminus hasta  
 Sub mentum graviter pressa pariterque loquentis  
 Vocem animamque rapit traiecto guttore ; at ille  
 Fronte ferit terram et crassum vomit ore cruorem.  
 Tris quoque Threicios Boreae de gente suprema <sup>350</sup>

rit. Homerica gloriatio Polydamantis  
 Il. ̄, 453 aqq. — In vs. 339-344  
 acquamur id, quod ad fidem facien-  
 dam expeditissimum est: una hasta  
 clipeum et thoracem ac pectus traie-  
 cit Maeonia; hasta alia ab Aenea  
 emissa brachium Alcanoris transfigit  
 et traiecto lacerto fugit protinus, porro,  
 ulterius abit, servatque tenorem, nec  
 remittit quicquam de impetu, quem  
 ex iactu fortis viri habebat; uno  
 verbo, brachium Maeoni suppositum  
 fere totum rescindit, ita ut illud de  
 humero penderet; reliqua ad ornatum  
 adiecta. Si de una hasta utrumque  
 vulnus faciente accipiantur versus:  
 primum res nimis in miraculum au-  
 cta est; tum 342 non apparet, quo-  
 modo tam alte infixa hasta e corpore  
 evelli possit Praestat itaque potare  
 Alcanorem alia hasta esse percussum.  
 — 341. Pendet, ex tendinibus ac mus-  
 culis, quos poeta, ut Horat. Od. 1,  
 28, 43, nervos appellat, dextera mori-  
 bunda: qualis esse solet moribundi

hominis, languida. Occurrit tamen  
 vox et proprie dicta. Ita Macrob. VII,  
 9 agnoscit septem nervorum ενδυ-  
 γίαι. — 342. Color ubique Homericus,  
 ut et in hoc versu et in aqq. — *fra-*  
*tris de corpore*, Maeonia puta, si una  
 hasta; sin duae, quod verius, *Alca-*  
*noris*. *figere contra*, πῦξαι ἀντιπρὸς,  
 in adverso Aeneae corpore, *magnique*  
*semur*. Simile vulnus Iliad. 9, 302,  
*perstrinxit* nunc pro simpliciter strinxit;  
 usm leviter strinxerat.

345. *Clausus*, qui Latinia Sabinos  
 adduxerat: v. VII, 406. Sunt igitur  
 Trolani, quos ille caedit. Videtur  
 poeta in Claudiae gentis, quae ab eo  
 originem suam repetebat, honorem  
 hunc Clausum ornare. *fidens* pro ha-  
 bens, usus. ἀλκι πειροδώς. Sic alibi  
*fidens inventa, viribus*. Dryopa, Δρυοῦ.  
*primaevo corpore*, iuventa. — 347.  
*hasta graviter pressa*, impressa, dum  
 ille inest. V. c. Hom. Iliad. 9, 47.  
 — 350. *Tres Threicios Boreae de*  
*gente suprema*. Duplex suppetit in-

Et tris, quos Idas pater et patria Ismara mittit ,  
 Per varios sternit casus. Adcurrit Halesus  
 Auruncaequae manus ; subit et Neptunia proles ,  
 Insignis Messapus equis. Expellere tendunt  
 Nunc hi, nunc illi : certatur limine in ipso 355  
 Ausoniae. Magno discordes aethere venti  
 Proelia ceu tollunt animis et viribus aequis ;  
 Non ipsi inter se, non nubila, non mare cedunt ;  
 Anceps pugna diu ; stant obnixa omnia contra :  
 Haud aliter Troianae acies aciesque Latinae 360  
 Concurrent ; haeret pede pes densusque viro vir.  
 At parte ex alia, qua saxa rotantia late

interpretatio, utraque iam in Servianis proposita, nec definire licet, utra sit verior. *Boreae gens* suprema potest esse extrema terra borealis, ut venerint illi ex Thraciae partibus versus septentrionem ultimis. Potest lamena *Boreae* etiam esse auctor silicis, a qua ducti illi tres dici potuerunt: *Boreae de gente suprema* h. e. ultima, antiquissima, ut *gens* pro genere sit. Praeferam equidem alterum hoc. *Ismara* patria pro Ismarica: mons et orba Thraciae Ismarus. Adiunxisse se Troianis potandi sunt, seu tum, cum illi his littoribus adhaeresecebant, lib. III, 43, seu in ipso bello societate armorum iuncti. — 352. *Halesus*, *Auruncaequae manus* inter Turni socios v. VII, 723 sqq. et *Messapus*, qui Etruscos a Pelasgis oriundos adduxerat; ibid. 691 sq. sunt hi in Turni exercitu. — 354. *expellere*, loco depellere, movere. Laudant Iliad. μ, 417 sq.

356 sq. Comparatio praelantium cum ventis Homero frequentata v. c. II. κ, 765-771. et Ennio ap. Macrob. VI, 2; sed nunc a Marone ita ornata,

ut nihil supra cogitari possit. — 359. *Obnixa omnia contra*. Sic omnes ubique fere edd. cum Romano et Mediceo habent: quae quidem auctoritas multo maior est lectionis auctoritate apud Arusianum Messium *obnixa venti contra omnia*, quam Aldd. et Heinsius cum Heynio praetulerant. *Omnia sicut obnixa*, obnuntantur sibi iovicem, mare ventis, venti mari et sic porro. *R.* — 361. *haeret pede pes*: Notissimi versus Iliad. ν, 430 sqq. a Tyrtaeo expressi: cf. Klotz. ad Tyrtaeum II, 31-34, p. 33 et 51 post Cerdani. Ennius iam ante Maronem: *Pes pede premitur, armis teruntur arma*, et A. Furius Annius Annal. IV: *Pressatur pede pes, mucro mucrone, viro vir*, apud Macrob. VI, 3. Alia laudant Guell., Cerda, alii; in primis Stat. Theb. VIII, 398-399: *Iam clipeus clipeis, umbone repellitur umbo; Ense minax ensis, pede pes et cuspidem cuspis*. I IL. Vossius ad Virg. Ge. I, 424 sq. p. 180, *pede* pro antiquo dativo habet.

362. Arcades equites ex Pallante adducti et a Pallante praemissi (γ

Impulerat torrens arbustaque diruta ripis,  
 Arcadas insuetos acies inferre pedestris  
 Vt vidit Pallas Latio dare terga sequaci,  
 Aspera quis natura loci dimittere quando  
 Suasit equos, unum quod rebus restat egenis,  
 Nunc prece nunc dictis virtutem adcendit amaris:  
 Quo fugitis, socii? per vos et fortia facta,  
 Per ducis Evandri nomen devictaque bella  
 Spemque meam, patriae quae nunc subit aemula laudi,  
 Fidite ne pedibus! Ferro rumpenda per hostis  
 Est via. Qua globus ille virum densissimus urguet,  
 Hac vos et Pallanta ducem patria alta reposcit.  
 Numina nulla premunt; mortali urguemur ab hoste  
 Mortales; totidem nobis animaeque manusque.  
 Ecce, maris magna claudit nos obice pontus;

238, 239) alia ex parte Rutulos adorti erant (nec opus erat, ut posita commemoraret, quomodo Tiberim traiecerent) et duce Pallante pugnabant ea parte littoris, qua torrens in Tiberim (*torrens* enim non est Tiberis) exierat; itaque equi in lubrico et aspero solo consistere non poterant: quare his relictis pedites pugnabant; verum, cum pedestri pugnae parum assueti essent, loco cedebant, cum ecce Pallas eos increpat. Cur Arcades equites tantum adducti fuerint, disputatum est ad lib. VIII, 518, 519. *rostantia* se, ut Ge. I, 163, *volentia*: etc. — 365. *Latio*, Latiniis et Rutulis. — 366. *quis*... quando, quandoquidem natura loci aspera et impedita adducerat eos, ut equis descenderent. — 367. *rebus egenis*, dubiis, egentibus consiliis, ut inopia absolute pro inopia consilii. Sic quoque VI, 91 et Homero ἀρχαὶν πρὸ ἀνοπίας. — 368.

Comparant Il. μ, 267–268. λ, 231–240.

369. Oratio Pallantis plena fiducia et indignationis, sed quibus iuvenem, qui nondum propriam laudem habebat, decere poterat. *devicta bella* nove dicit: ut pugnata bella, depugnata. — 371. *subit*, succedit, fit, *aemula laudi*, qua virtutem paternam aemulor. — 374. *Hec vos*. Vt in patriam redeatis et me incolumem reducat, non fuga quaerendum est, sed hac turba perempta. — 375. Comparant Il. φ, 568, 569, et ad v. 376, Il. ψ, 814. — 377. *Ecce maris*. Nec mari nec terra fugae locus patet. Mari inclusi sumus; nec est, quo tendere possimus, nisi ut aut in mare immittamus nos aut in castra ab hoste obsessi, qui ab aditu nos intercludit. Cf. egregia dicta Aeneia Il. α, 504 sq. et altera 734 et 740, ubi πόρται κεκλιμένοι est castra habentes

Deest iam terra fugae. Pelagus Troiamne petemus?  
 Haec ait et medius densos prorumpit in hostis.  
 Obvius huic primum, fatis adductus iniquis, 380  
 Fit Lagus: hunc, magno vellit dum pondere saxum,  
 Intorto figit telo, discrimina costis  
 Per medium qua spina dabat; hastamque receptat  
 Ossibus haerentem. Quem non super occupat Hisbo,  
 Ille quidem hoc sperans: nam Pallas ante ruentem, 385  
 Dum furit, incautum crudeli morte sodalis  
 Excipit atque ensem tumido in pulmone recondit.  
 Hinc Sthenelum petit et Rhoeti de gente vetusta  
 Anchemolium, thalamos ausum incestare novercae.  
 Vos etiam gemini Rutulis cecidistis in arvis, 390  
 Daucia, Laride Thymerque, simillima proles,  
 Indiscreta suis gratusque parentibus error;  
 At nunc dura dedit vobis discrimina Pallas:  
 Nam tibi, Thymbre, caput Evandrius abstulit ensis;  
 Te decisa suum, Laride, dextera quaerit; 395

in extrema littore. *maris* h. e. undarum. — 378. Pelagusne an Troiam. *Troiam novam*, castra Troianorum, quae adhuc pars copiarum Turni obsidebat, v. 268. Conf. IX, 130 sq. — 382, 383. Verbo: vulnus hasta factum, qua parte spina per medium dorsi inter costas procedit: quas intervallis inter se diremtae spinae adhaerent. — 384. *Hisbo* sperabat se Pallanti, ante quam ille hastam e Lagi corpore reciperet, vulnus illatum esse. *super* aut est interea, super hoc, dum in eo occupatur; aut est desuper. Pallanti inclinanti se ad recipiendam hastam vulnus desuper inferre volebat Hisbo: sed id anteverti Pallas et ex inferiore loco ensem in eius corpore figit. — 388, 389. Praeclara hic Servil nota est,

qui ex Avieno et Alexandro Polyhistor, quem ille sequutus videtur, haec narrat: Rhoetus Marrubiorum (Marsorum, v. VII, 750) rex Anchemolo filio Caspariam novercam superinduxerat, quam privignus stupravil, poenaeque et irae paternae metu ad Daunum confugerat, Turni patrem. Quo exemplo probabile sit, alia quoque huius generis memorari a poeta ex antiqua fama et scriptoribus rerum Italiae servata. — 390, 391. *Daucia proles*. Fuit ergo Daucus aliquis, cuius filii Larides et Thymer vel Thymbrus. — 392. Ut ne a suis quidem parentibus discerni possent. Imitationes notavit Cerda Silii lib. II, 636-639 et ad 649 Lucan. III, 603-608. Add. Statii Theb. VI, 340-345. IX, 292-295. Valer. Fl. I, 367, 368,

Semanimesque micant digiti ferrumque retractant.  
 Arcadas adensos monitu et praeclara tuentes  
 Facta viri mixtus dolor et pudor armat in hostis.  
 Tum Pallas biugis fugientem Rhoetea praeter  
 Traiecit. Hoc spatium tantumque morae fuit illo : 400  
 Illo namque procul validam direxerat hastam,  
 Quam medius Rhoeteus intercipit, optime Teuthra,  
 Te fugiens fratremque Tyren : curruque volutus  
 Caedit semanimis Rutulorum calcibus arva.  
 Ac velut optato ventis aestate coortis, 405  
 Dispersa inmittit silvis incendia pastor ;  
 Conreptis subito mediis extenditur una

Claudiani de IV Cons. Honor. 206-214. — 396. Bona Servii et haec nota est, » Ennii esse verbum: *Oscitat in campis caput a cervicis revulsam*, *Semanimesque micant oculi lucemque requirunt*. Quem versum ad unum carmen transtulit Varro Atacinus. » Lusere hinc alii in hoc plus quam par erat. V. ap. Guell. Cerdam et Burm. Quanto simplicius Homerus Iliad. 2, 81, 82.

399 sq. Pallas Rhoeteum, praeterfugientem bigis, ne a Teuthrante et Tyre fratribus interimeretur, hasta traiecit. Ita illos mortem effugit, quem Pallas hoc telo petierat. — 400. *hoc spatium tantumque morae fuit illo*. Si interpungimus, ut feci, *spatium* est temporis idemque quod *mora*, tantum spatium tantumque morae fuit illo, donec et ipse interficeretur. Sin interpunctio tollitur, iunctura est: *hoc tantumque spatium fuit illo morae*, casu tertio, mcratum est mortem. — 404. Sic et 731 *calcibus atram Tondit humum expirans. σπαρδίζῃ, λατρίζῃ*. Quod *Rutulorum arva* pro solo Latino posuit, ornatus causa fecit.

— 405 sq. Comparatio ad Homericum exemplum concinnata Il. 2, 455-457, forsitan etiam v. 490 sqq. Supra similem locum vidimus lib. II, 304 et Ge. II, 303 sq., in quibus vel incauto vel ignaro pastore incendium exoritur. Hoc autem loco pastor volens luhensque silvam incendit et flamma laetatur: quod aut stultum aut facinorosum hominem prodit; et quorsum omnino hoc pertinet, ut quis in media aestate incendat silvas? Hoc quidem quomodo placere et quomodo poetae excidere potuerit, non video. Verum nec poetarum culpa ea est, sed interpretum, qui silvam non meminere esse h. l. stipulas agri demessi, quas pastor seu omnino agrestis ad solum recrescendum incendit. Sic *silviam* dixit Maro de leguminum calamis Ge. I, 76 et de herbis lib. I, 452. Et hoc sensu expressit locum Lucan. quoque IX, 482 sq. — Item v. 405 *optato* est ex voto. — 406. *dispersa* epitheton ab eo, quod sequitur, sumtum: quod se dispergit incendium, non quod diversis locis pastor fecit. — 407. *conreptis mediis*:

Horrida per latos acies Volcania campos;  
 Ille sedens victor flammās despectat ostantis:  
 Non aliter socium virtus coit omnis in unum 410  
 Teque iuvat, Palla. Sed bellis acer Halesus  
 Tendit in adversos seque in sua conligit arma,  
 Hic mactat Ladona Pheretaque Demodocumque:  
 Strymonio dextram fulgenti deripit ense  
 Elatam in iugulum; saxo ferit ora Thoantis 415  
 Ossaque dispersit cerebro permixta cruento.  
 Fata canens silvis genitor celarat Halesum;  
 Vt senior leto canentia lumina solvit,  
 Iniecere manum Parcae telisque sacrarunt  
 Evandri. Quem sic Pallas petit ante precatus: 420  
 Da nunc, Thybri pater, ferro, quod missile libro,  
 Fortunam atque viam duri per pectus Halesi.

eleganter ad interiora penetrare ignem dixit. Reliqua v. 407, 408 ornatissima, comparatione incendiū cum pugna facta: unde et mox *flammas ostantes*, quasi successu exsultantes, dicere ausus est. — 409. *victor*: bene Serv.: voti compos, ἐντροχός. Est autem vis et momentum comparationis in hoc, quod in stipula flamma uno loco exorta confestim late spargitur, et nunc pugna semel a Pallante incepta extemplo ab Arcadibus collectis late per hostiles turmas propagatur. — Nunc 410 in unum locum conglochant se pugnantes Arcades. — 411. Halesus Auruncorum dux, in Turni agmine, v. paullo ante v. 352. — 412. *seque in sua colligit arma*. v post scutum se clausit (sc. tegit scuto, quo tela excipiat): sic et XII, 491, *Substitit Aeneas seque in sua colligit arma*. v Serv. Est Homericum οὐραλίζεῖς ἀντιδὶ vel ὡς ἀντιδός. — 415, *Elatam in iugulum*: iugulo suo vulnus

minantem. Serv. Fetebat Strymonius ense vel asta iugulum Halesi. Sunt hi Troiani. — 417. Ergo Halesi parens erat vates, qui filium, cuius fata praevidebat, eduxit, quoad viveret, in silvis. Similis locus II, β, 830 sqq. At vix ille e vivis excesserat, cum filius in bellum procedit. — 418. *lumina canentia* audacter pro senilibus seu senis canentis; sed canent supercilia, tempora, ipse genae. — 419. In altero iuris, in altero sacerorum vocabulo usum poetarum observat Servius: *Manus*, inquit, iniectio, quotiens nulla iudicis auctoritate expectata res nobis debitam vindicamus. Agnoscas facile verba iuris. Alterum ductum ex eo, quod diis inferia vel Manibus sacra dicuntur, quibus moriendum est. Obvium in primis in Tragicis, cf. Macrob. III, 7 (Homerus praeliverat II, β, 834, et Hesiod. Scut. Herc. 253. R.) *tela Evandri dedit Pallantis hastam*, quia a

Haec arma exuviasque viri tua quercus habebit.  
 Audit illa deus: dum textit Imaona Halesus,  
 Arcadio infelix telo dat pectus inermum. 425  
 At non caede viri tanta perterrita Lausus,  
 Pars ingens belli. sinit agmina: primus Abantem  
 Oppositum interimit, pugnae nodumque moramque.  
 Sternitur Arcadiae proles; sternuntur Etrusci;  
 Et vos, o Graiis inperdita corpora, Teucri. 430  
 Agmina concurrunt ducibusque et viribus aequis.  
 Extremi addensant acies; nec turba moveri  
 Tela manusque sinit. Hinc Pallas instat et urguet,  
 Hinc contra Lausus, nec multum discrepat aetas,  
 Egregii formae; sed quis fortuna negarat 435  
 In patriam reditus. Ipsos concurrere passus  
 Haud tamen inter se magni regnator Olympi:  
 Mox illos sua fata manent maiore sub hoste.  
 Interea soror alma monet succurrere Lauso  
 Turnum, qui volucris curru medium secat agmen. 440  
 Vt vidit socios: Tempus desistere pugnae;

patre acceptam attulerat. — 424. *Halesus* clipeum praetendens amico Imaoni suum ipsius pectus nudat, ut Pallantis hastas obvium esset.

426. Lausus Mézentii filius (VII, 649) nunc prodit, amabilis et Pallanti haud prorsus dissimilis iuvenis: is non sinit agmina esse perterrita Halesi morte. — 427. *pars ingens belli*, h. e. pugnantium. *Abas* est is, de quo X, 160, una torvus Abas. — 428. *nodum pugnae*, non de densa acie ac militum globo; sed a nodo arboris sub cuneo petilum: de eo accipe, qui fortunam belli diutissime sustinet, longissime resistit, *εἰς πάλιν* *vixit* sua virtute facit. Itaque adiectum moram. Sic in noto illo: *belli mora concecit Hector*, conf. ad IX,

455. — 430. *Et vos*. Versus affabre factus et verbis et vi sententiae ad miserationem compositae. — 432. Qui in extremis ordinibus collocati sunt, urgent priores ordines, ideoque condensant aciem, ut arma vix moveri possint.

439. Vi Pallanti dignus adversarius obiciatur, evocatur Turnus, soror alma, Iulurns nymphe; de qua tamen nondum mentio facta: sed v. XII, 739 sq. In memoriam revocandum est binis cum maxime locis pugnari, primo qua parte Aeneae classis appulerat; hic Turnus pugnabat: altero loco, ubi Pallas cum equestri turma pugnabat equis relictis 362 sq. Ad haec igitur pugnam advolat Turnus, ut succurrat; itaque, ut vidit



Solus ego in Pallanta feror; soli mihi Pallas  
 Debetur; cuperem ipse parens spectator adesset.  
 Haec ait, et socii cesserunt aequore iusso.  
 At Rutulum abscessu iuvenis tum, iussa superba 445  
 Miratus, stupet in Turno corpusque per ingens  
 Lumina volvit obitque truci procul omnia visu  
 Talibus et dictis it contra dicta tyranni:  
 Aut spoliis ego iam raptis laudabor opimis  
 Aut leto insigni. Sorti pater aequus utrique est. 450  
 Tolle minas! Fatus medium procedit in aequor.  
 Frigidus Arcadibus coit in praecordia sanguis.  
 Desiluit Turnus biugis; pedes adparat ire  
 Comminus: utque leo, specula quum vidit ab alta  
 Stare procul campis meditantem in proelia taurum, 455

socios suos qui hac parte pugnabant, iubet eos pugnare cum Pallante soli sibi servare. — 443. *debetur* a fato. — *parens* meus, Daunus. Servius tamen de Evandro, Pallantis patre, exponit, cf. II, 538, 539. — 444. *cesserunt aequore iusso* ipsi, ut XII, 696: campo, quo ipsi iussi erant cedere. — 445 sqq. Pallantis personam egregie tuitus est poeta; immota iuveni mens in tanto discrimine etc. longe: *at tum iuvenis, R. discessu, miratus, stupet in Turno*, in Turni obtutu fixus. — 447. *omnia* dixit pro: totum Turnum. — 449, 450. Ornatus quam Homericum *ἵλατο δὲ τὸν ἄλκιον* (h. e. ἀλκίον) II. γ. 253. Sententiam alibi aliter variavit Homerus: II. ν, 487. ο, 502, 522. Macrobius lib. VI, 4, ex Atthi Armorum iudicio ductum esse versum dixit: *Nam tropaeum ferre me a forti viro pulcrum est; Si autem et visor, vinci a tota nullum est probrum.* — 450. *Sorti pater aequus utrique*, scil. ferendae par est: is est pater, qui utramque fortunam, et

victoriae et mortis gloriosae, aequo animo ferat, ut fere Serv. Dixerat enim, ait Servius, Turnus v. 413: *cuperem ipse parcas spectator adesset.* — 453. *Desiluit*, ut par pari congrederetur: ita enim heroicæ vitæ lax fert. — 454. Comparationes a leonu sumtae multae similes sunt ap. Homerum II. ο, 630. π, 487, 823. ο, 164. κ, 485. λ, 413. ε, 461. Cf. ad v. 729, sed novum in Marone hoc, quod a *specula* h. e. montis vertice, *ex* *εὐκταῖς*, prospicit, et quod taurum *meditantem in proelia* videt. Imitatorem Silium cf. lib. V, 309-315: *Stadium VII Theb. 670 sqq. — meditantem in proelia*, h. e. perantem sa ad pugnam, v. e. spargendo arenam pede, lectum cornu minando, docte dixit; ut *proludere in pugnam, audere in proelia* lib. II, 347, *irasci in cornu* Ge. III, 232 et XII, 104, *proludere ad pugnam* iisdem locis. Scilicet ad exquisitiorem formam sic processit poeta: *meditari, exercere se, aliqua in re et aliquam ad rem;*

Advolat; haud alia est Turni venientis imago.  
 Hunc ubi contiguum missae fore credidit hastae,  
 Ire prior Pallas, si qua fors adiuvet ausum  
 Viribus imparibus, magnumque ita ad aethera fatur:  
 Per patris hospitium et mensas, quas advena adisti, <sup>460</sup>  
 Te precor, Alcide, coeptis ingentibus adsis.  
 Cernat semineci sibi me rapere arma cruenta,  
 Victoremque ferant morientia lumina Turni.  
 Audiit Alcides iuvenem magnumque sub imo  
 Corde premit gemitum lacrimasque effudit inanes. <sup>463</sup>  
 Tum Genitor natum dictis adfatur amicis:  
 Stat sua cuique dies; breve et irreparabile tempus  
 Omnibus est vitae: sed famam extendere factis,  
 Hoc virtutis opus. Troiae sub moenibus altis  
 Tot gnati cecidere Deum; quin occidit una <sup>470</sup>  
 Sarpedon, mea progenies. Etiam sua Turnum  
 Fata vocant, metasque dati pervenit ad aevi.  
 Sic ait atque oculos Rutulorum reiecit arvis.

hoc alterum elegantius extulit, *in rem*. — 457, 458. Vbi intra teli iactum venisse Turnum videt, praevertere et occupare decrevit Pallas, si qua ratione fortuna adinveniret: pro se dixit *aunum imparibus viribus*.

460. De hoc VIII, 362, 363. — 462, 463. Ornate. *Cernat Turnus se* spoliari et ferat, sustineat videre me victorem. — 465 sqq. Variavit et ornavit Maro ea, quae in Sarpedonis morte Homerus praeclare memnoverat Il. II, 431 sqq. et in Hectore Il. VII, 468 sqq. Alios imitatores passim Maro habuit. Vnum laudat Barm. Flaccum lib. IV, 111 sqq. — 467. *Sic*, est, praefixa, constituta est, *sua cuique dies*, τὸ μῆροπον ἕκαστῳ apud Homerum. — 468. *famam extendere factis*, τὸ κλέος. Lib. VI, 307 erat, *virtutem extendere factis*. Est idem quod

*alias: vitam extendere factis, meritis*. Sententia autem vera. 467, 468, 469 ex Homero inhæsit fortasse postea animo Odys. I, 328-334; sed multo suavius ea reddita verbis numericis. Tum pelita est sententia ex intimo animi humani sensu: in tanta vite brevitate sui saltem memoriam post mortem aliquamdiu superesse mortaliū quisque exoptat inter suos, amicos, populares: factis autem praeclaris ac virtutibus generosissimus quisque et latus ampliusque et diutius et in perpetuum idem consequi cupit. — *irreparabile* h. l. quod renovari, iterari nequit. — 469 sqq. Color ex Hom. in sententiis paulo diversis Odys. I, 468 sqq. Alii comparant ex Il. II, 467, 468, 469 Achilles verba. — 473 *reiecit* quasi retro iacit, πάλιν ἐπέμπε δότι προτέρω pro vulgari:

At Pallas magnis emittit viribus hastam  
 Vaginaque cava fulgentem deripit ensem. 475  
 Illa volans, humeris surgunt qua tegmina summa,  
 Incidit atque, viam clipei molita per oras,  
 Tandem etiam magno strinxit de corpore Turni.  
 Hic Turnus ferro praefixum robur acuto  
 In Pallanta diu librans iacit atque ita fatur: 4  
 Adspice, num mage sit nostrum penetrabile telum.  
 Dixerat; at clipeum, tot ferri terga tot aeris  
 Quum pellis totiens obeat circumdata tauri,  
 Vibranti medium cuspis transverberat ictu

retorquet, averſit: tamquam a ſpectaculo ingrato, quod impedire nec vult nec poſteſt. Grammaticorum argutiae ſuper cauſa, cur dñ vultum averſant, alienae ſunt. Conf. XII, 454 et 841.

476, 477. Variant eodd. et edd. inter *humeri* et *humeris*. Si, ut vulgo faciunt, accipimus de thorace, nil reſert, ultra modo legimus. Sed, ut de thorace accipi poſſit, verene; ita enim *hæſta*, quæ in *humerum* incidit, mox per clipei oram; ἄντυχα, adacta tandem corpus ſtrinxit: quod quomodo fieri potuerit, nemo facile dicat. *Tegmina* nulla alia eſſe poſſunt quam *clipeus*; ut eandem rem amplifical: *tegmina ſumma* et *oras clipei*. In hac interpretatione, quam et perſpicuitas et oratio poëtica dativum genitivo præferens poſtulat, præſtat *humeris* legere: *hæſta* incidit ea parte, qua *tegmina ſumma ſurgunt humeris*, qua extrema clipei ora humeris præ-tenditur, in ſumma clipei parte: ἄντυχα ὑπὸ πρῶτων, ἣ λεπτότατος δὲς χαλκός, ut Iliad. v, 275, atque eo trajecto (*viam molita per clipei oras*) etiam Turni humerum ſtringit: ἀπρότατος ... ἐπὶ γράφει χαλκῷ φωτός II, δ,

439, quem locum a v. 434 nunc Maro ante oculos habuit. Similiter 589 ab inferiore parte *hæſta* ſubit per *horas imas clipei* Lucagii ſtatutis in curru, *tum* (h. e. ora clipei trajecta) *hæſta perſurat inguam lacvum*, iuſum ventris partem in ſiniſtro latere. Tevendum autem animo, ἄντυχα clipei tenuiorem eſſe umbone faciliusque perforari poſſe. — 478. *ſtrinxit de corpore*. Heiſius nec ipſe habebat, quomodo expediret τὸ *ſtrinxit de*, et conj. *ſtrinxit ſe*; at mox *ſtringit* absolute pro ſe ſtringit, ſtringitur, dictum accipit: non video quæ ſenſu. Non veniebat in mentem viris ductis eſſe hoc graecum: τοῦ σώματος ἐνέχιστον, ἐνέγραψι, ſc. μέρος τι. Sic *ſtrinxit de corpore*, ſc. partem. — 479. *robur ferro præfixum* eſt Homericum ἄλκιμον ἔγχος ἀσχυλῶνος δῆλι χαλκῷ. Pallas exiguarum virium conſcius corporis partem nulatam in Turno pellerat; Turnus viribus conſiſus medium Pallantis clipeum traiecit. Mirantur ſic animum alterius, alterius robur. — 481. Color orationis ex II. λ, 384, 391, 392. *penetrabile t. active*, ut Ge. I, 93: *penetrabile frigus*. — 483. Variavit ſtructuram, ne eodem

Loricæque moras et pectus perforat ingens. 485  
 Ille rapit calidum frustra de vulnere telum :  
 Vna eademque via sanguis animusque sequuntur.  
 Conruit in vulnus ; sonitum super arma dedere ;  
 Et terram hostilem moriens petit ore cruento.  
 Quem Turnus super adsistens : 490  
 Arcades , hæc , inquit , memores mea dicta referte  
 Evandro : Qualem meruit , Pallanta remitto.  
 Quisquis honos tumuli , quidquid solamen humandi est ,  
 Largior. Haud illi stabunt Aeneia parvo 495  
 Hospitia. Et laevo pressit pede talia fatus  
 Exanimem , rapiens inmania pondera baltei  
 Inpressumque nefas ( una sub nocte iugali

tenore sequeretur : tot limines ferri et ceris (πύλας Homerus dixit), tot tauri terga, h. e. tol coria, quibus clipeus erat indutus, et ipsam loriceam ac pectus perforat telum.

485. *pectus ingens* Pallantis tem-  
 quem fortis et magnanimi iuvenis.  
 Male arguetur Servius et alii, ut  
*cupia ingens* iungetur. — 487. *ani-*  
*mus* pro enima. θυμός pro ψυχή. —  
 488. *in vulnus*; hastes gravi pondere.  
 Sed et omnino cum Lucretio IV, 1042:  
*Namque omnis plerumque cadunt in*  
*vulnus.* Reliquæ sunt Homericæ no-  
 tissimum: ἀράβησι δὲ τύχῃ ἐν αὐ-  
 τῷ vel ἀπὸ δὲ οἱ βράχῃ τύχῃσι πο-  
 ξίλα χαλκῷ. Monenda hæc sunt, ne  
 præteritis videar. Expresserant Ho-  
 merum iam ante Maronem Ennius et  
 Furius Antias apud Macrobi. VI, 1  
 et Vrsin. — 489. Sic Silius V, 526  
 et IX, 383, ubi, *appetere ore, morsu*  
*terram* in simili re occurrit: *mordere*  
 et *mandere humum* XI, 418. 669.  
 Homericum οὐδὲ ἰλὺν εὐδαί, quid  
 hoc aliud quam capere, petera? Sim-  
 pliciter autem accipiendum: cum pro-

num terram ore petiisse, concidisse,  
*ore cruento*: nam vulnere tali acce-  
 pto, ore et naribus sanguis erumpit.  
 — 490. Ferocites veteris ævi ex Ho-  
 mero adumbrata, ut insultet caeso  
 victor: et non in hoc versu: nam  
*super adsistens* est simpl. adstans,  
 ipse stans, alteri iacenti, sed v. 495:  
*laevo pressit pede*, λέξ προξέας, 'λέξ  
 ἐν στήθεσι βάλων', ut balteum exue-  
 ret. In hoc temen generosa Turni in-  
 doles ed emorem sui pellicit, quod  
 corpus humendum concedit Arcadi-  
 bus. — 492. *Qualem meruit*, i. e. qua-  
 lem Evander meruit, ut sibi remitte-  
 terem filium, vel, hocque melius, qua-  
 lem Pellam meruit, ut se remitterem,  
 h. e. ut dignus erat endas edolescens.  
 Prius sequuntur fere Intpp. idque vsq.  
 adstruunt. At male cum ieris-  
 mione dictum putent: Sic per erat te  
 ex pugna dimitti. *qualem*: ὅσον pro  
 ὥς, sc. sic, ut corpus humi inandand-  
 um concedatur.

497, 498. Brevitatis et varietatis  
 ideoque et suavitatis studio structu-  
 ram orationis, quam oratio erat, de-

Caesa manus iuvenum foede thalamique cruenti)  
 Quae Clonus Eurytides multo caelaverat auro :  
 Quo nunc Turnus ovat spolio gaudetque potitus. 500  
 Nescia mens hominum fati sortisque futurae  
 Et servare modum, rebus sublata secundis!  
 Turno tempus erit, magno quum optaverit emtum  
 Intactum Pallanta et quum spolia ista diemque  
 Oderit. At socii multo gemitu lacrimisque 505  
 Inpositum scuto referunt Pallanta frequentes.  
 O dolor atque decus magnum rediturne parenti!  
 Haec te prima dies bello dedit, haec eadem aufert,  
 Quum tamen ingentis Rutulorum linquis acervos!  
 Nec iam fama mali tanti sed certior auctor 510  
 Advolat Aeneae, tenui discrimine leti

serit poeta et a quarto ad primum casum transit. Erat enim impressa manus iuvenum, L. Aegyptii filiorum exculptum balteo nefas Danaidum necete nuptiali suos sponso interimentum praeter Lynceae sb una ex illis Danaï filiabus, Hypermnestra, servatum: cf. Apollod. II, 4, 4. not. Sic V, 586: *Cratera impressum signis*: cui signa impressa erant, etsi exculpta dixit. Et illustrandus hinc versus VIII, 734, *attollens humero famanque et fata nepotum* h. e. clipeum exculptis rebus a posteris gestis insignem. Idem Danaidum argumentum in clipeo copiosius essculpsit Statius Theb. IV, 432-435. Cur in hoc argumentum incideret poeta, quaerendum non est: casus obtulisse illud putandus. — 499. Quod artificis nomen adiecit, ut poeta facit, Homeri quoque exemplo. Artis enim praestantiae fidem hoc fecit. — 501. Quae hic, etiam vs. 507-509 de suo adiecit poeta, et egregiam sententiam habent et, dum futura anticipat, animum

expectatione futurorum erigunt. v. XII, 940 sqq. Hinc poetae certatim hoc artificio uti sunt. — 502. *sublata* poetae est, quod vulgo *elata*. — 503, ut lib. II, 404: *magna mercentur Achivi*. Comparandus ad rem similis de Heetore Patrocli apollia ovante locus II. p. 493-201 sq. — 507. *dolor atque decus*. Sumserunt hinc alii passim. Inprimis Martialis XI, 44, *Romani decus et dolor theatri*: sic V, 49, 50, *quem semper acerbum, semper honoratum* etc. — 509. Dicta haec ad vulgarem hominum sensum. Meliora supra praemiserat: *Stat sua cuique dies*. Ita poetae assuefaciunt animos nostros, ut, quae in utramque partem disputari possint, videamus et reputemus: et hactenus sunt sapientiae magistri, praeceptores homini generis.

510. Pugnatat Aeneas in altero agmine 310-364, ut intres locus esset pugnae Etruscorum et Pallantis a poeta esponendae. Nunc autem Aeneas virtute res indigent, *tenui discrimi-*

Esse suos; tempus versis succurrere Teucris.  
 Proxima quaeque metit gladio latumque per agmen  
 Ardens limitem agit ferro te, Turne, superbum  
 Caede nova quaerens. Pallas, Evander, in ipsis 515  
 Omnia sunt oculis; mensae, quas advena primas  
 Tunc adiit, dextraeque datae. Sulmone creatos  
 Quatuor hic iuvenes, totidem, quos educat Vfers,  
 Viventis rapit, inferias quos inmolet umbris  
 Captivoque rogi perfundat sanguine flammis. 520  
 Inde Mago procul infensam contenderat hastam.  
 Ille astu subit (ac tremebunda supervolat hasta)  
 Et genua amplectens effatur talia supplex:  
 Per patrios Manis, per spes surgentis Iuli  
 Te precor, hanc animam serves natoque patrique. 525  
 Est domus alta; iacent penitus defossa talenta

*mine leti*, modico mortis interstitio, Serv. h. e. parum abesse suos ab extrema clade. — *letum* pro exitio, strage copiarum. — 513. *latum limitem agit*. Elegans translatio a vacuo spatio ad viam et actum inter duos agros relicto petita: conf. IX, 323. A Marone mutuatus est Silius lib. IV, 463, 464. *Agere limitem* autem proprie dicitur pro facere. V. Gronov. ad Taciti German. 29. — 516. *mensae quas*. Respicit lib. VIII, 102, 175 sqq.

518. *Vfers* is scilicet, de quo VII, 745. VIII, 6; ut Sulmonem hominem supra vidimus IX, 412. Malim tamen de hominibus e Volacorum gente Vfersis fluvii aecolis accipere: ut *Sulmonem* de Pelignorum oppido. — 520. *captivoque* h. e. captivorum, pro: et quorum sanguine etc. In ulciscendo Pallante et mox in eo sepeliendo Achillem, qui Patrocli caedem ulciscitur eiue inferias facit, Maroni ante oculos fuisse constat. Ad idem exem-

plum Achillis nunc octonos iuvenes inferias Pallanti destinat et lib. XI, 81, 82 immolat Aeneas. Nondum igitur ea aetate metuendum fuit Maroni, ne displiceret immane facinus lectoribus: nec Aeneas, ubi ira ad furorem actus summa cum crudelitate supplicem ac pretium offerentem Magum v. 523 sqq. obrunrat et Tarquiti cadaveri insultat vs. 555 sq., ad Romanorum sensus videri debuit inhumaniter et impie egisse; etai hoc ad nostrum sensum aliter se habet. Mihi quidem displicet manifesta nimium imitatio Homeri Iliad. p. 26 sqq. p. 475 sqq.

521 sqq. Iterum aperta sed ornata imitatio loci HomERICI II. p. 67 sqq. — *Mago*, in Magum, ut toties, *subit*, *ὀπίσσω*, *supervolat*, *ὀπίσσω*. Et *genua amplectens*: apud Homerum plus miserationis: altera *ὄμματα* *πρόσσω*; altera hastam Achillis retinet. — 526. Duxit haec ex alio loco simili Iliad. ζ, 46 sqq. adde Iliad.

Caelati argenti; sunt auri pondera facti  
 Infectique mihi. Non hic victoria Teucrum  
 Vertitur; aut anima una dabit discrimina tanta.  
 Dixerat, Aeneas contra cui talia reddit: 530  
 Argenti atque auri memoras quae multa talenta,  
 Gnatīs parce tuis. Belli commercia Törnus  
 Sustulit ista prior iam tum Pallante peremto.  
 Hoc patris Anchisae Manes, hoc sentit Iulus.  
 Sic fatus galeam laeva tenet atque reflexa 535  
 Cervice orantis capulo tenuis adplicat ensem,  
 Nec procul Haemonides, Phoebi Triviaeque sacerdos,  
 Infula cui sacra redimibat tempora vitta,  
 Totus conlucens veste atque insignibus armis:  
 Quem congressus agit campolabsūque superstans 540  
 Inmolat ingentique umbra tegit; arma Serestus  
 Lecta refert humeris tibi, rex Gravide, tropaeum.

x, 378 sqq. — *dabit* pro *faciet*, ut et alibi, et *deſervat*. Male vero poſitam ad grammaticam ſubtilitatem revocant Ioterp. poſt Servium, ut tria genera auri, argenti acrisque: *ſignatum* (in numis), *factum* (in vasis et ſignis) *infectumque* (rude, grave, in maſſis) exprimere debuerit. *Argentum caelatum* eſt in vasis opere cetypo elaboratis, ut *aureum factum* quoque; et *talentum* ſimpliciter pro ponderibus dixit. — 531. Sententiam verſus ornavit Claudian. de B. Getic. 604-615. — In vs 532, 533 ornavit Homerica I. c. Iliad. φ, 99 ſqq., et in vs. 534, 535 ibidem 115 ſqq. *parce gnatīs tuis* pro *ſerva*, ut ſpud Lucilium et Ennium invenitur: Servio monente. — *belli commercia*, redemptionem captivorum. — 534. Eandem Anchisae Manium et Iuli ſententiam eſſe aio. Reſpicit ad preces. v. 524, 525.

537. Haemonides et ipſe c. Laſinis,

Apollinis et Dianae ſacerdos, inter pugnantes tamen e more veterum aetatum, non conſcripto hoc hominum genere in ordinem aliquem, qui ab ermiis et praeliis vacaret. Eſt autem extra regimen poſitum: *ne procul Haemonides*, ſequente: *Quem congressus agit*, pro vulgari: Nee procul cum Haemonide congregitur et eum agit. Faciunt haec ad variendam orationem; varietas enim oratione tollitur taedium, naſcitur voluptas. — 541. *ingentique umbra tegit*, ſc. ſuper adſtans ipſe vir ingens elipeum manu tenens et inclinans ſe, ut ſpolie legat. Ita accipio, nec eliter accipi poſſe puto. Ordo verborum ſimplicior erat: *lapsum immolat ſuperſtansque ingenti umbra tegit*. Sane de morte alii accipiunt, ut ſit *αἰθέρος θεῶν ἀνάλυψεν*, et quae eiſimilis eſt epod Homerum occurrunt. Al enim *noctem, umbram, tegere oculos recte dixeris*; quia vero

Instaurant acies Volcani stirpe creatus  
 Caeculus et veniens Marsorum montibus Vmbro :  
 Dardanides contra furit. Anxuris ense sinistram <sup>545</sup>  
 Et totum clipei ferro deiecerat orbem ;  
 Dixerat ille aliquid magnum vimque adfore verbo  
 Crediderat coeloque animum fortasse ferebat \*  
 Canitiemque sibi et longos promiserat annos.  
 Tarquitus exsultans contra fulgentibus armis, <sup>550</sup>  
 Silvicolae Fauno Dryope quem nympa crearat,  
 Obvius ardenti sese obtulit. Ille reducta  
 Loricam clipeique ingens onus inpedit hasta ;

*ferat : tegere aliquem umbra ? et tum umbra ingredit ?* Arma detracta dat Seresto absportanda : ex mōra v. c. II, π, 663-665.

543. *Instaurant acies* puto simpl. succedunt in pugnam cum Aenea. *Caeculus* VII, 678-681. — *Vmbro* ibid. 750-752. Cuius vero h. l. sibi difficultates et molestias Intpp. alius aliter, dum non ad Anxurem, sed ad Vmbronem aq. referunt. Perperam. Brevitati studens pōita, ne rem eandem vicies repetat, non addit Caeculum et Vmbronem fuisse caesum : latet tamen hoc in *Dardanides contra furit* ; pergit ad Anxurem, sed variata oratione, ut cum ism ante caesum dicat et narrationem de eo subiungat ; nam *deiecerat* sc. *Dardanides*, Aeneas, absiderat Anxuris manum una cum clipeo, quem tenebat. *Dixerat illa* sc. Anxur, insolentius increpuaat Aeneam : *aliquid magnum*, verba superba, ἵστος ὑψηλά. — 548. *coeloque animum fortasse ferebat*. Singulare dictum hoc. *Ferre* coelo pro : ad coelum efferre, alias vidimus iam pōitae frequentatum de superbia et arrogantia ; et fortasse ille arrogantiorum se generat, dum de Aene-

nea victoriam et longam vitam sibi promiserat. Adumbravit h. l. Silias lib. II, 403 aq. et ibid. 411, ut mox noster 550. VI universe rem enucleem : Ex sollenni pōitarum usu et hominum sensu, quem in rudi quoque ingenio deprehendes, quae alta sunt, *coelum attingere* dicuntur. I, 462, *gemini minuantur in coelum scopuli*. III, 678 *Cyclopes coelo ospita alta ferentes* et sic centena. Nec aliter Graeci, imprimis tragici ac lyrici ; illustrat τὸ ἐνὰ πύκτις οὐρανῷ Valkenarius ad Euripid. Hippolyt. 1406. Iam tropice hoc transfertur modo ad gloriam, ut Horat. *sublimi feriam sidera vertice*, modo ad gloriæ opinionem ac persuasionem, hoc est, ad *superbiam*, *iactantiam*, *ostentationem*, ut h. l., modo ad laudes, quibus quis aliquem supra vulgus effert.

550. Tarquito primo statim congressu thoracem cum clipeo hasta Aeneae perforat. *exsultans* simpl. proliens, ut solent οἱ ἐπὶ πόντος. — 552, 553. *Ille, Aeneas* (non Tarquitus), *hasta reducta*, quam reduxerat (conf. ad IX, 423, ideoque magna cum vim immiserat, *inpedit loricam clipeique onus*, transfigit Tarquiti clipeum et



Tum caput orantis nequidquam et multa parantis  
 Dicere deturbat terrae truncumque tepentem 553  
 Provolvens super haec inimico pectore fatur:  
 Istic nunc, metuende, iace! Non te optima mater  
 Condet humi patriove onerabit membra sepulcro:  
 Alitibus linquere feris, aut gurgite mersum  
 Vnda feret piscesque inpasti volnera lambent. 560  
 Protenus Antaeum, et Lucam, prima agmina Turni,  
 Persequitur fortemque Numam fulvumque Camertem  
 Magnanimo Volscente satum, ditissimus agri  
 Qui fuit Ausonidum et tacitis regnavit Amyclis.

loricam, sic ut infixa hasta haereret nec retrahi facile posset; hinc Aeneas arrepto statim esse caput deiecit (Servius *impedit*: non permisit usui esse ad protegendum Tarquitum. Nec aliter Cerda). Est autem exquisitè dictum: Tarquiti *loricam et clipeum impedit* Aeneas *hasta*, pro vulgari: *hastam impedit lorica*: nam hasta impedita et fixa tenetur; sicque et ipso clipeus impeditus est nec libere regi ac moveri potest: cf. 794, 795. Sed in his, quae reciproca sunt, poetæ illud sequuntur, quod minus vulgare est. — 554 sqq. Iterum Homericæ adumbrat in sqq., quod quidem hic factum volumus; cf. ad vs. 520-527. Primum quidem ἡ σπυρομένη δ' ἄρα τοῦτε κάρη κορύσσειν ἐμύχθη aliquoties occurrit, in primis da Dolone Il. x, 457: ubi vide ante 454 sq. Reliqua autem ex Il. q, 420-427 petita sunt. Cf. Il. λ, 452 sqq. — 558. *onerabit*. Scilicet *sepulchrum* hoc loco tumulus, τῆμαθς impositus corpori sepulto, quod alias inde tumulo *premi* dicitur, cum sub eo conditum iaceat. — 560. *pisces lambent*, ut Homer. l. α. ἀπολκυσσόνται, sanguinem haurient. 561-64. Post alios Camertem ster-

nit Aeneas. *prima agmina Turni*, vel προμάχους, qui pugnant ante ordines vel qui in prima acie, ἀπὸ πρῶτης. — 564. *Ausonidum*, Ausonidarum, ut bene Serv. exponit. *Ausonidas* autem pro Ausonibus dixit, quibus, cum olim omnem Italiam inferiorem tenerent, sedes a Circelis ad Lirin usque etiam senioribus aetatibus mansere. Iam in his locis inter Tarracinae et Caietan iuxta mare *Amuclae* vel *Amyclae* fuerant, a serpentibus deletae, seu viperae seu hydri illi fuerunt, inculis urbe excedere coactis. V. Serv. ad h. l. Plin. VIII, 29 et ceteros, qui oppidi meminere, apud Cluver. Ital. ant. p. 1093. Nomen oppidi servavit sinus, *mare Amyclaeum* vel *Amuclaeum*, quod Tacitus etiam memorat IV Aon. 59. Has Amyclas *coctas* dixit, epitheto huc retracto ab alteris Amyclis Laconicae, quae, ab Achaëis habitatae ac diu fortiter propugnatae, tandem a Doriensibus expugnatae sunt. Hostium enim adventu saepe temere nuntiato, cum vere hostis veniret, nemine nuntiante et *tacentibus omnibus* urbs capta est. Nota res vel ex versus Pervigilii: *Sic Amyclas, cum tacerent, perdidit silentium*.

Aegaeon qualis, centum cui brachia dicunt 563  
 Centenasque manus, quinquaginta oribus ignem  
 Pectoribusque arsisse, Iovis quum fulmina contra  
 Tot paribus streperet clipeis, tot stringeret ensis :  
 Sic toto Aeneas desaevit in aequore victor,  
 Vt semel intepuit mucro. Quin ecce Niphaei 570  
 Quadriinges in equos adversaque pectora tendit;  
 Atque illi, longe gradientem et dira frementem  
 Vt videre, metu versi retroque ruentes  
 Effunduntque ducem rapiuntque ad litora currus.  
 Interea biugis infert se Lucagus albis 575  
 In medios fraterque Liger; sed frater habenis  
 Flectit equos, strictum rotat acer Lucagus ensem.  
 Haud tulit Aeneas tanto fervore furentes :  
 Inruit adversaque ingens adparuit hasta.  
 Cui Liger: 580  
 Non Diomedis equos nec currus cernis Achilli  
 Aut Phrygiae campos: nunc belli finis et aevi  
 His dabitur terris. Vesano talia late  
 Dicta volant Ligeri: sed non et Troius heros  
 Dicta parat contra; iaculum nam torquet in hostem. 585

565 sqq. Splendens comparatio. Qui  
 primum nunc deductus erat in prae-  
 lium Aeneas, quanta virtute, quo fu-  
 rore sit, conspicuus! Aliter de Ae-  
 gaeone seu Briareo tradit Virgilius,  
 quam Homerus Il. x, 402, 403, eum  
 inter Gigantes eum referre videatur,  
 qui Olympum oppugnant. *Pectoribus*  
 addit 567, quia efflat ignem, ut Cacus  
 supra, ul. Typhoeus et tot alia mon-  
 stra. *tot paribus*, pari numero, sci-  
 licet quinquaginta clipeos. Sic, ut non  
 unam manum putares, *toto* etc. Serv.  
 Locum bene transtulit ad Tydeum  
 Statius Il Theb. 595 sq.

572. *longe gradientem*, longis gra-

dibus incidentem; non longinquo,  
 μακρὰ βίβαστα. Magnificum vero et  
 hoc de Aenea et mox vs. 579 *ingens*  
*apparuit*. — 575 sqq. Comparare so-  
 lent Il. λ, 401 sqq. ant 422 sqq., ubi  
 duo fratres eidem curru insistant. —  
 581. Congressus quidem est Aeneas  
 cum Diomede Il. ε, 247, 275 sqq.,  
 et cum Achille Iliad. υ, 79 sqq. Sed  
 utriusque pugnae exitus is fuit, ut  
 incolumis et salvus inde discederet;  
 ac nunc Ligeris fortunam minus pro-  
 pitiam ominatur Aeneae: esse ipsi  
 rem nunc cum viris, quos non tam  
 facile effugiturus sit, ut supra Tur-  
 nus lib IX, 454, 455: *Haud sibi cum*

Lucagus ut pronus pendens in verbera telo  
 Admonuit biugos, proiecto dum pede laevo  
 Aptat se pugnae: subit oras hasta per imas  
 Fulgentis clipei, tum laevum perforat inguen;  
 Excussus curru moribundus volvitur arvis. 590  
 Quem pius Aeneas dictis adfatur amaris:  
 Lucage, nulla tuos currus fuga segnis equorum  
 Prodidit aut vanae vertere ex hostibus umbrae.  
 Ipse rotis saliens iuga deseris. Haec ita fatus  
 Adripuit biugos. Frater tendebat inermes 595  
 Infelix palmas, curru delapsus eodem:  
 Per te, per, qui te talem genuere, parentes,  
 Vir Troiane, sine hanc animam et miserere precantis.  
 Pluribus oranti Aeneas: haud talia dudum  
 Dicta dabas. Morere et fratrem ne desere frater. 600  
 Tum, latebras animae, pectus, mucrone recludit.  
 Talia per campos edebat funera ductor  
 Dardanius, torrentis aquae vel turbinis atri  
 More farens. Tandem erumpunt et castra relinquunt  
 Ascanius puer et nequidquam obsessa iuventus. 605

*Donaus rem faxo et pube Pelasga Esse putat.* — 586 *pendens in verbera*, conf. lib. V, 146, 147. Ge. III, 106, 107; hic Lucagus gladio pro nigro usus est. Notabile autem hoc, quod Lucago in curru stanti non hastam, ex perpetuo heroum usu, sed ensen in manus dat posita. — 587. *proiecto pede*. Notissimus status pugnandi. — 588, 589. Traiecta ima clipei ora, hasta ipsum bubonem transfigit. Al v. 476 per superiorem clipei oram hasta adacta erat. — 591. *pius* epitheton oullam vim habet (nisi forte h. l. ob ultionem, qua de Palantis memoria promeruit, hoc epitheton acceperit. R.) — 592. Non proditus ex hosti aut fuga equorum

aut consternatis iis. *nulla fuga segnis equorum*, sc. quoniam hos incitaverat va. 586 *pronus in verbera*. — 593. *aut vanae ex hostibus umbrae* verterunt in fugam exemplo Niphiae v. 572, 573, 574: sed sponte desiliisti de curru. — 594. Similis sarcasmus Il. π, 745 sqq. — 595. *sine hanc animam* pro parce: vitam mihi ne eripe, sed relinque. Sic εἴη in Homero: Εὐρυπ δ' ἄλλους μὲν ἀνθρώπους ἔκ οὐδ' ἐνδοξέων. — 603. Vides et hic Homerica: cf. Iliad. ε, 87, 88. — 601, 605. Artificium narrationis velim observari in iudicio et dilecto rerum, quas narrat, tot aliis omisiss. Pugnari debuit interea non minus acriter circa muros; sed his nunc recte caremus: itaque

Iunonem interea conpellat Iuppiter ultro :  
 O germana mihi atque eadem gratissima coniunx,  
 Ut rebare, Venus (nec te sententia fallit)  
 Troianas sustentat opes : non vivida bello  
 Dextra viris animusque ferox patiensque pericli. 610  
 Cui Iuno submissa : Quid, o pulcherrime coniunx,  
 Sollicitas aegram et tua tristia dicta timentem ?  
 Si mihi, quae quondam fuerat quamque esse decebat,  
 Vis in amore foret, non hoc mihi namque negares,  
 Omnipotens, quin et pugnae subducere Turnum 615  
 Et Dauno possem incolumem servare parenti.  
 Nunc pereat Teucrisque pio det sanguine poenas.  
 Ille tamen nostra deducit origine nomen,  
 Pilumnusque illi quartus pater ; et tua larga

salis erat binis veribus nos moneri  
 de exitu oppugnationis.

606 sqq. — 608. Iuno, salute Turni  
 in tempus tantum a love impetrata,  
 Turnum elusum per αἰδώς Aeneas  
 e pugna educit. Eo iam res erat ad-  
 ducta, ut Turnum Aeneas assequere-  
 tur, ideoque pugna inter eos fieret.  
 Haec ex rerum in Aeneide ordine  
 destinato adhuc erat differenda. Deo-  
 rum interventu ad hoc usus est, ut  
 epicus poetae Homeri exemplo semel  
 instituerat facere. — 607, 608. Amore  
 haec ad Iunonem. Non virtute Tro-  
 ianorum, sed Veneris scilicet artibus  
 haec geruntur. Comparant locum Il.  
 α, 356 sqq. Adde δ, 5 sq. — 609, 610.  
 non vivida virtus ; immo vero Ae-  
 neae virtus pugnam restituerat. —  
 dextra viris, virorum : ut solet poeta.

611. pulcherrime h. l. notabilia, inter  
 blanditias. — 612. tristia dicta h. l.  
 exprobrantis, acerba. — 613. Vis in  
 amore mihi, pro : si amori meo esset  
 vis, Alias potentia dicitur de aman-

tibus. Vulgaris oratio esset : si tantum  
 valeret amor meus apud te, tantum  
 haberet vim et auctoritatem, ut olim  
 inter amoris nostri primordia. — 614.  
 namque non vacat, sed asseverat ; nem-  
 pe, scilicet, utique, γὰρ τοι, γὰρ δὲ.  
 Nunc pereat stomachistunda pronun-  
 tial, pro : nunc vero ei pereundum  
 est in Troianorum gratiam ; etsi ille  
 etc. — 618. Ille tamen nostra deducit  
 origine nomen h. a. stirpem, genus.  
 A Iunone Turni genus si ductum fuit,  
 ignotam fabulam attingit poeta, ut  
 fortasse Pilumnus Iunonis filius ha-  
 bitus fuerit, quod nunc ignoratur.  
 Potest tamen illud, nostra origine,  
 ita sumi, ut sive Saturnia sive omni-  
 no divina stirps et origo respiciatur.  
 Si enim a Danaë ductum Turni ge-  
 nus : debuit illud ad Iovem et Io re-  
 ferri ; aut Pilumnus Iovis filius haberi  
 potuit vel Saturni. Nunc cum veriora  
 ignoremus, praestat simpliciter de  
 divina origine inde a Pilumno acce-  
 pere ; nude etiam adiectum : Pitu-  
 mnusque illi quartus pater. Conf. X,

Saepe manu multisque oneravit limina donis. 620  
 Cui rex aetherii breviter sic fatur Olympi:  
 Si mora praesentis leti tempusque caduco  
 Oratur iuveni, meque hoc ita ponere sentis:  
 Tolle fuga Turuum atque instantibus eripe fatis.  
 Haecenus indulsisse vacat. Sin altior istis 625  
 Sub precibus venia ulla latet, totumque moveri  
 Mutarive putas bellum: spes pascis inanis.  
 Et Iuno adlacrumans: Quid si, quod voco gravaris,  
 Mente dares; atque haec Turno rata vita maneret!  
 Nunc manet insontem gravis exitus: aut ego veri 630  
 Vana feror. Quod ut o potius formidine falsa  
 Ludar, et in melius tua, qui potes, ora reflectas!

76.—619, 620. *Et tua largasaepe manu.* Frequens hoc ad exorandos deos et ad hominum, qui *sacris factis tanquam donis et munibus numen placari putant*, rudia ingenia accommodatum argumentum, cuius prima exempla in Homero II. 3, 238-241 et 203 sqq.

621. Iuno hoc spectabat, ut Turuum omnino morti exiperet. Huic occurrit Iupiter sic, ut in praesens modo tempus fata Turni differri patiatur. Conf. VII, 313 sqq. Est vero totus locus Homericus, II π, 439 sqq., ubi Iovi Sarpedonem morti subducturo simili modo intercedit Iuno, ac nunc Iunoni Iupiter. — 622 *caduco*, exquisitè, cadenti seu mox cauro, vel cui mox cadendum, moriendum est: ut VI, 481, *bello caduci*, cadentes. — 623. *meque hoc ita ponere sentis*: sique ita hoc factum interpretaris, in hunc sensum accipis, ut in eum modum a me constituitur nunc hoc: scil. ut Turni fata differantur, non ut mutentur. *ponere*, docte, τίθεναι pro διατάττειν, ordinare, constituere. — 625. *vacat* exquisitius quam *habet*:

nihil ultra. — 626. *venia*, concessio: quod concedam, indulgeam.

628. Belli exitum fatalem immutatum non iri Iupiter pronuntiaverat; de Turno nil meminerat. Iuno itaque Iovem, quem sibi placatorem videt seu alia de causa seu Veneris lurgia veritum, cetera de Turni vita et incolumitate eloqui non audere arbitrata, utinam id, inquit, quod disertis verbis promittere mihi gravis, animo aalter et voluntate annueres, scilicet, ut Turno (in hoc bello) vita sit incolumis! *quid si?* valei idem quod: cur non? quid ni? τί οὐκ; τί xxi, quid mali inde futurum esset, si; reditque igitur sententia ad optativum; si, utinam! *gravaris* sc. dare. *rata* eleganter, ideoque perpetua et integra, incolumis. Mox se ipsa retractat: Enimvero, *nunc*, *manet* etc. — 630, 631. *aut ergo veri vana*, nisi admodum fallor, a vero aberro. — *vani*, qui sibi vana et inania persuadet, *vani veri* graece dictum, ut fallax veri, deceptus, falsus veri h. e. vero. Sic VII, 410 *veri*

Haec ubi dicta dedit, coelo se protenus alto  
 Misit agens hiemem, nimbo succincta, per auras  
 Iliacamque aciem et Laurentia castra petivit. 635  
 Tum dea nube cava tenuem sine viribus umbram  
 In faciem Aeneae (visu mirabile monstrum)  
 Dardaniis ornat telis clipeumque iubasque  
 Divini adsimulat capitis, dat inania verba,  
 Dat sine mente sonum gressusque effingit euntis: 640  
 Morte obita quales faina est volitare figuras  
 Aut, quae sopitos deludunt somnia sensus.  
 At primas laeta ante acies exsultat imago  
 Irritatque virum telis et voce lacessit.  
 Instat cui Turnus stridentemque eminens hastam 645  
 Coniicit; illa dato vertit vestigia tergo.  
 Tum vero Aenean aversum ut cedere Turnus  
 Credidit atque animo spem turbidus hausit inanem:

*effata*, a vero vacans, verum haud afficiens. — *Quod*, καὶ ὅ, qua in re tamen utinam frustra nictum et utinam tu consilium de Turno mutea?

633 sqq. In simulacro Aeneae conflando habuit, quem sequeretur, Apollinem Homerium, qui Aeneae ἑὸν δῶλον, φάσμα, obliit Diomedj Iliad. 2, 449 sq. Inventum autem hoc Iunonis eo pertinet, quod, si ei aperte fugam illa susisset, more viri fortis Turnus fugae mortem praetulisset. Conf. Serv. ad 644. Vid. 666 sqq. Imitatus, sed sobrie, Silius X, 83 sq. et paullo pinguius, in fraude Annibali a Iunone facta lib. XVII, 518 sqq. 572 sq. In quo loco multa ex nostro expressa. Antiquissimum huius generis spectrum, αἰδῶλον, Euripidi φάσμα, est nube in Iunonis speciem mutata et Ixioni obiecta. Dicas fortasse Iunonem et h. l. sagaciter esse adhibitam ad meteorum circandum, quippe quae

aëria erat symbolum antiquae Graeciae, unde Iris erat eius ministra. Sed a Marone haec aliena sunt; quippe cui Iuno poetica persona est, qua causam efficientem rei vulgari modo non tractandas exhibet: accommodate tamen ad mythorum fidem nimbo succincta, nube. *hiemem agens*, turbine, procellam. Notum hoc ad deae praesentiam designandam, sed in impietate; deorum in templis non insolens: vide Callimach. in Apoll. pr. et Intpp. Cerda laudat ex Valer. Fl. II, 415: *Cum dea (Venus) se piceo per sudum turbida nimbo Praecipitat.* — 638. *telis* pro armis paullo durius dictum; ut de valida hasta Aeneae accipere praestat. Mox *iubas* pro galea cum crista. — 639. *inania verba* ipse mox interpretatur: *dat sine mente sonum.* — 641. *figuras*, αἰδῶλα. Ante oculos erat Lucret. I, 433 sq. — 645. *turbidus*, Iunens, elatus arro-

Quo fugis, Aenea? thalamos ne desere pactos!  
 Hac dabitur dextra tellus quaesita per undas. 650  
 Talia vociferans sequitur strictumque coruscat  
 Mucronem nec ferre videt sua gaudia ventos.  
 Forte ratis celsi coniuncta crepidine saxi  
 Expositis stabat scalis et ponte parato,  
 Qua rex Clusinis advectus Osinius oris. 655  
 Huc sese trepida Aeneae fugientis imago  
 Coniicit in latebras; nec Turnus segnior instat  
 Exsuperatque moras et pontis transilit altos.  
 Vix proram adtigerat; rumpit Saturnia funem  
 Avolsamque rapit revoluta per aequora navem. 660  
 Illum autem Aeneas absentem in proelia poscit;  
 Obvia multa virum demittit corpora morti.  
 Tum levis haud ultra latebras iam quaerit imago;  
 Sed sublime volans nubi se immiscuit atrae,  
 Quum Turnum medio interea fert aequore turbo. 665  
 Respicit ignarus rerum ingratusque salutis  
 Et duplices cum voce manus ad sidera tendit:  
 Omnipotens genitor, tanton' me crimine dignum  
 Duxisti et talis voluisti expendere poenas?

gantia, inquit Serv., perturbatur scilicet mens superbientis tumore, ira, spe, metu. Mox coruscare enses exquisitum voc. pro vibrare. — 652. Nec sentit et intelligit suam exultationem esse inanem. Loquendi ratio poëtis non infrequens; nisi majora gaudia esse dicta pro ipso simulacro, quod nunc a se ferro attingi posse gaudebat.

653. Stabat forte navis ita admota littori saxoso, ut pons applicitus esset, — *crepido saxi* orate de littore, quatenus eminet: lapidibus enim arboribusve riparum ancorae loca naves alligatas esse constat. rex ex more veteris aevi pro viro ex principibus:

aut fac fuisse Lartem Clusinarum, sub Massico, duce totius agminis. Cf. v. 466 huius libri. — 660. *aequora revoluta* de fluctuum recessu, refluxu, a littore accipit.

666. *ingratus salutis* exquisita ad Graecorum postlarum morem ἀγχαίροτος αὐτοπλά; sc. ἐνέχων quod ad salutem, vitam servatam, altine). Sic paullo ante: *verivana*. — 668. Vir fortis fugae flagitium appellat crimen et poenant. Tota oratio gravissima et affectus plena. Nec habeo quicquam compurem praeterquam Horatianae Europae querelas tantum miserationis facientes: *Ende? quo veni? laevis una*

VIRG. TOM. III

V

Quo feror? unde abii? quae me fuga quemve reducet?<sup>670</sup>  
 Laurentisne iterum muros aut castra videbo?  
 Quid manus illa virum, qui me meaque arma secuti?  
 Quosne nefas! omnis infanda in morte reliqui?  
 Et nunc palantis video gemitumque cadentum  
 Adcipio. Quid ago? aut quae iam satis ima dehiscat<sup>675</sup>  
 Terra mihi? Vos o potius miserescite, venti;  
 In rupes, in saxa (volens vos Turnus adoro)  
 Ferte ratem, saevisque vadis inmittite Syrtis,  
 Quo neque me Rutuli nec conscia fama sequatur.  
 Haec memorans animo nunc huc nunc fluctuat illuc;<sup>680</sup>  
 An sese mucrone ob tantum dedecus amens  
 Induat et crudum per costas exigit ense;  
 Fluctibus an iactat mediis et litora nando  
 Curva petat Teucrumque iterum se reddat in arma.  
 Ter conatus utramque viam; ter maxima Iuno<sup>685</sup>  
 Continuit iuvenemque animi miserata repressit.

*mors est*, Carm. III, 27-36. — 670. *quemve*: qualem, IX, 481: *Huic ego te, Euryale, aspicio?* quomodo et qua cum existimatione redibo? — 673. *Quosne* docte pro *emne*? — 675, 676. In pudore solenne hoc iam Homero τὸς μὲν χάρωνι σὺνταί χάρων, nec argutandum in eo, quod nunc mari fertur. Cf. ad IV, 24. — 677. Comparant Helenae illa II, ζ, 343 sqq. — 678. *Syrtis*. Est enim et tunc Syrtis, ut IV, 41 et sic *vada Syrtis*, Syrtis vadosa; ne de Syrtibus Africae cogites, sed de quocunque cumulo arenoso maris. — 679. *conscia fama esse potest*, cuius Turnus ipse *conscius* est; sic *conscia virtus* V, 455 pro vulgari, virtutis conscientia; Item XII, 668. Haec tamem conscientia Turnum nec in Syrti deseret. Tum antecedit *Rutuli*. Vult se abscondi in loco remoto, quo nec

Rutuli eum sequantur, nec fama de eo perveniat, ita ut a nemine agnoscat. Ergo praeferebatur alterum, ut *conscia* sit epitheton famae simpliciter aroans; omnis fama eius rei, facti, hominis, de quo aliquid nuntiatur et spargitur, est *conscia*, ita h. l. Turni. Sic *conscia sidera* supra IX, 419. *agmina conscia* scil. soli II, 267. — 681. Solenne est poëtis: *inducere se telo* et *in telum*: mucrone iussu, qui a visceribus et corpore receptus conditur et tegitur (Fortasse cum cod. rom. *mucroni* praeferebatur; ut *sece induat* sit *irruat*: siquidem *induo* est compositum ex *in* et *duo*, da. R.) — 683. An in fluctus, modicum h. est altum mare, se proiciat. — 686. *animi miserata* Serv. » pro animo m., sicut XII, 49: *O prostratus animi iuvenis*. » Immo vero est: miserata animum, dolorem animi



Labitur alta secans fluctuque aestuque secundo  
Et patris antiquam Dauni defertur ad urbem.

At Iovis interea monitis Mezentius ardens  
Succedit pugnae Teucrosque invadit ovantis. 690  
Concurrunt Tyrrhenae acies atque omnibus uni  
Vni odiisque viri telisque frequentibus instant.  
Ille, velut rupes, vastum quae prodit in aequor,  
Obvia ventorum furiis expostaque ponto  
Vim cunctam atque minas perfert coelique marisque 695  
Ipsa inmota manens, prolem Dolichaonis Hebrum  
Sternit humi, cum quo Latagum Palmumque fugacem:  
Sed Latagum saxo atque ingenti fragmine montis  
Occupat os faciemque adversam; poplite Palmum  
Succiso volvi segnem sinit armaque Lauso 700  
Donat habere humeris et vertice figere cristas.  
Nec non Evanthem Phrygium Paridisque Mimanta

nam ordo est: *iuvencem repraesentat miserata (eum) animi*, ut *græc. Διὸς δ' αἰσώσθη*. Casus secundus verbo *miserari* et similibus additus rem miserationi obiectam denotare solet, ut in eo ipso Silii loco, ad quem Burm. proveniat, lib. XI, 381 *ni poenæ iuvenem indignæ miseratus ab alto Jupiter*; et sic in omnibus exempla, quae vidi. — 687. *aestu*, fortasse h. l. vento. Vsu tamen grammatico *fluctus* est ex vento, *aestus* motus maris ex natura sua. Ergo *aestus secundus* h. l. non in altum ecripiebat, sed littori navem admovebat. — 688. *urbem*, Ardeum.

689-754. Turno ex acie educto relinquitur Mezentius, cuius facta sirenas narrantur. *Iovis monitis*, impulsu, *conf. IX, 484, 485*. Adde Servium, qui multa arguitur super viro impio (VII, 647) a Iove monito. Atqui poetæ, si deorum mini-

steriis utuntur ad expediendas res, non semper morum et animorum probitatem spectant. Multo minus id antiquiores poetæ curarunt, qui multa impie et aeleata, intercedente deorum opera, facta narrant; cum id solum reputarent, ut rei miræ et insolitæ causa et auctor inveniretur. — 691. Tyrrheni in Aeneae acie, qui sub Tarchonte tenebantur (*conf. VIII, 494, 495 et 603 sq.*), agmine in Mezentium incurrunt. Ex iisdem sunt, qui v. 696-699 occiduntur: qui 702 sq. sunt Troiani. — 693. *velut rupes*, *Iliad. ε, 618-622*, sed maiore cum ornatu. *Cf. VII, 586 sqq.*

702-706. Mimma Amyei et Theanus filius eodem nocte natus, quæ Paris ab Hecuba. Commentum poetæ ad variandam narrationem: quæ apud Homerum de Heclore et Polydamonte II. α, 254. Memoratur Theano Homero quoque, sed tamquam An-

Aequalem comitemque, una quem nocte Theano  
 In lucem genitori Amyco dedit et face praegnans  
 Cisseis regina Parin: Paris urbe paterna 705  
 Occubat; ignarum Laurens habet ora Mimanta.  
 Ac, velut ille canum morsu de montibus altis  
 Actus aper, multos Vesulus quem pinifer annos  
 Defendit multosve palus Laurentia, silva  
 Pastus arundinea, postquam inter retia ventum est, 710  
 Substitit infremuitque ferox et inhorruit armos,  
 Nec cuiquam irasci propiusque accedere virtus,  
 Sed iaculis tutisque procul clamoribus instant;  
 Ille autem inpavidus partes cunctatur in omnis

tenoris uxor et Cissei filia, Il. 5, 298, 299; λ, 223, 224; contra Hecuba Dymantis filia Ilia. π, 718. Sed poeta potuit alios, forsan tragicos, sequi, qui haec variaverant. Certe, quod Hecuba Cissei filia nunc traditur, ab Euripide accepit in Hecuba v. 3 monente Servio. Potest quoque haec Thesmo haberi diversa ab illa Homeri. — 704. *fuec praegnans Cisseis*. V. VII, 319, 320. De Cisseo v. ad V, 537. — 705. *Parin erat*: urbe prave antea lectum cum Bentl. et Marklando mutare non dubitavi. — 706. *ignarum* h. l. pro ignotum, passive, ut et alibi in poetis, v. c. Ovid. Met. VII, 401: *Iamque aderat Thesens proles ignara parenti*. Eadem nocte, sed dispari fato, nati sunt. Alter in patria oecubuit, alter in terra longinquus ignotus iacet; cf. Gell. IX, 42 f. Quod si vetus haec auctoritas non esset, malleti dicere: *ignarum* esse fati sui, uti quoque Serv. — 707-718. Exquisite ornatus locus, quem iam Homerus tractaverat Il. 2 414-419 tam praeclare, ut vis contendere cum coquemquam audere de-

buisse dicas. Maro tamen ornamenta cum alia tum haec attulit, quod, cum ibi simpliciter esset memoratum prodire aprum ex alto fruticeto, sive βελός ex ἐυλόχῳ, accurate ipse loca descripsit aprorum frequentia et praestantia notabilia in *Vesulo*, qui in Ligurum finibus mons erat, etiamnum il *Viso*, in Pedemontii extremis versus Delphinistum, ex quo Padus fontes habet; tum in palude *Laurentia*, est enim totus ille tractus Laurentinus paludosus et silvosus, de quo v. Cluver. Ital. ant. p. 896, 887: hinc *silva pastus arundinea* Horat. II, Serm. 4, 42, *aper Laurens ulvis et arundine pinguis*. Adde loca apud Bentlei. ad Horat. Epod. 5, 28. In verbis Iung. *velut aper... pastus.. substitit* h. e. subsistit. Porro nonnulla a Marone egregie adornata sunt: v. 710 *inter retia ventum est*; et *Substitit infremuitque ferox et inhorruit armos*; quod Hesiodus in simili loco non neglexit: Ὀρῶν δ' ἐν λαπίῳ ὑπὶ σὺν τρύχῃς, ἀπὸ τε δειπῶν, in Scuto Herc. 386-391; nec ipse Homerus alio in loco, qui comparandus est sup-

Dentibus infrendens et tergo decutit hastas : 715  
 Haud aliter, iustae quibus est Mezentius irae,  
 Non ulli est animus stricto concurrere ferro;  
 Missilibus longe et vasto clamore lacesunt.  
 Venerat antiquis Corythi de finibus Acron,  
 Graius homo; infectos linquens profugus hymenaeos: 720  
 Hunc ubi miscentem longe media agmina vidit,  
 Purpureum pennis et pactae coniugis ostro;  
 Inpastus stabula alta leo ceu saepe peragrans  
 (Suadet enim vesana fames) si forte fugacem  
 Conspexit capream aut surgentem in cornua cervum, 725

diosis, II. v, 471-476. Ornatiore quoque sunt, quam apud Homerum, vs. 712, 713: *irasci* i. e. audacter animum sumere et cominus congregi; tum illa vs. 715: *partes cunctatur*, emicantem se vertit, dubius quo impetum faciat, *omnes et tergo decutit hastas*. Eundem locum tractarunt multi alii et veteres et recentiores. Illorum partem apud Cerdam videre licet. Primo tamen loco nominandus erat Silius lib. I, 421 sqq. — In 716 est *irae* poeta primus movavit, pro vulgari esse odio. Cf. Macrob. VI, 6. Ceterum versuum ordinem antea perturbatum nuoc mutatum vides.

719. Etiam in Acrone aliquot commiscitur, quod ad variandam narrationem faciat. *Corythi fines*, Cortona. Cf. ad lib. III, 167. — *Graius homo*. In hoc aut eandem fabulosam Dardani a Corytho Cortonae originem respicit poeta; aut id, quod a Dionysio nobis servatum est, Cortonam Vmbrorum urbem esse captam et habitatam a Pelasgis, qui in societatem belli cum Aboriginibus venerant, atque antiquam formam usque ad paucos ante eam aetatem annos servasse. V. Dionys. lib. I, e.

20 et 26. — *infectos linquens hymenaeos*, nuptias: ornavit Homerica II. λ, 241 sqq. Explicatur *δῆμος ἡμετέλης* II. β, 704. — 721. *miscentem*, perturbantem: *κλονέοντα* redditum puta. Comparat Virgilius II. ε, 466, ubi *ἀλαλάζοντα στήθεσσι ἀνδρῶν* similis sensu. — 722 quaesito artificio omnia dicta sunt, pro gestantem purpuream crustam et vestem a sponsa textam: IX, 163, *Purpurei cristis iuvenes*.

723-729. Egregie variata comparatio, cui similem iam IX, 339 sqq. vidimus, et quaecum comparanda in primis sunt loca II. μ, 299-306 et γ, 23 sq. Imitati sunt multi, ut Statius VI Theb. 675 sq., *peragrans stabula inpastus*, circumiens icinustus, qui frustra stabula lustravit. *stabula alta*: epithelous parietes nimis altos declarat, quam ut saltu leo superare possit. *surgentem in cornua cervum*. Notio per se obvia est; ferentem cornua ardua, ut fere lib. I, 489, 490. Dictum arbitror pro *assurgere*, eminare, erigere se cornibus; sed plus *ἐκπύλλας* habet, erigere se in cornua: ut arbor surgit in ramos, mus in cacumen. Comparare licet alterum

Gaudet hians inmane comasque adrexit et haeret  
 Visceribus super incumbens; lavit improba teter  
 Ora cruor:  
 Sic ruit in densos alacer Mezentius hostes.  
 Sternitur infelix Acron et calcibus atram 730  
 Tundit humum expirans infractaque tela cruentat.  
 Atque idem fugientem haud est dignatus Oroden  
 Sternere nec iacta caecum dare cuspide volnus:  
 Obvius adversoque occurrit seque viro vir  
 Contulit, haud furto melior sed fortibus armis. 735  
 Tum super abiectum posito pede nixus et hasta;  
 Pars belli haud temnenda, viri, iacet altus Orodes:  
 Conclamant socii laetum paeana secuti.  
 Ille autem expirans: Non me, quicumque es, inulto,  
 Victor, nec longum laetabere: te quoque fata 740  
 Prospectant paria atque eadem mox arva tenebis.  
 Ad quem subridens mixta Mezentius ira:  
 Nunc morere! Ast de me divom pater atque hominum  
 Viderit! Hoc dicens eduxit corpore telum. (rex

Georg. III, 232 et XII, 404, *irasci in cornua*. — 726. *haeret incumbens*, *ἱμῆς*. — 727, 728. *lavit ora cruor*, huc latus persequutus est alio Inco Homerus Odys. χ, 402-405. *improba*, immodicae voracitatis. V. ad Georg. I, 449. — 730. *calcibus tundit humum*, V. ad 404. — 734. *infracta tela*: sunt fraeta. Sic *tendere*, *intendere*: *frendere*, *infrendere*. Saepē autem hasta in vulnus adacta, in primis ossi illisa, in ipso ferro, qua illud ligno vincitum est, infringitur ipso hastilia pendere. — 732 sq. Mezentius, indignum viro forti arbitratus a tergo hostem cadere, eum cursu antevertit; tunc conversus adverso ore in eum processit. *fugientem*, aversum, ut tergum peteret posset hasta. Reco-

dit, non fugit, ante alterum incedit. — *caecum volnus*, quod averso infigitur, ideoque non praevium. *furto*: non dolo ac fraude praestantior vir. — 736. *abiectum* h. l. prostratum. — 737. Sic apud Homerum passim exultabundi exclamant victores, v. c. II. ε, 402 sq. χ, 394 sqq., ubi et *ἀνδρῶν παύων*. — 738. *conclamant sequenti iung.*, non, ut sciunt, *seguenti parava*. — 739. Affectus plena haec morientis verba et quanta ferocia Mezentii! Sed viro forti digna. In utroque Homerus praecivit in Hectore et Achille II. χ, 358-366, et in Patroclo et Hectore II. π, 854-864. — 741. Hoc eodem solo pretrahere. — 743. *Ast de me divom* ex vulgari loquendi ratione eorum, qui aliquid

Olli dura quies oculos et ferreus urguet 745  
 Somnus; in aeternam clauduntur lumina noctem.  
 Caedicus Alcathoum obtruncat, Sacrator Hydaspen,  
 Partheniumque Rapo et praedurum viribus Orsen,  
 Messapus Cloniumque Lycaoniumque Ericeten,  
 Illum infrenis equi labso tellure iacentem, 750  
 Hunc peditem pedes. Et Lycius processerat Agis,  
 Quem tamen haud expers Valerus virtutis avitae  
 Deiicit; at Thronium Salius, Saliumque Nealces,  
 Insignis iaculo et longe fallente sagitta.  
 Iam gravis aequabat luctus et mutua Mayors 755  
 Funera; caedebant pariter pariterque ruebant  
 Victores victique; neque his fuga nota neque illis.  
 Di Iovis in tectis iram miserantur inanem  
 Amborum et tantos mortalibus esse labores;  
 Hinc Venus, hinc contra spectat Saturnia Iuno; 760  
 Pallida Tisiphone media inter millia saevita  
 At vero ingentem quatiens Mezentius hastam  
 Turbidus ingreditur campo. Quam magnus Orion,  
 Quum pedes incedit medii per maxima Nerei

curare se nolle dicunt, de eo dii viderint, diis haec permissa sunt. Voluit tamen Intpp. per ironiam in Iovem dictum: scilicet ut constet sibi Mezentius, *deorum contemtor* (VII, 618) et *cui dextra deus est* paullo post v. 773. Sed idem v. 845: *Ad coelum tendit palmas*. Videntur Intpp. in *atheï* notione arguari. — 745 ornavit id, quod apud Homerum erat: *ὧς ἔ μιν αὖθι περὶν κοιμήσασθαι χάλκῳ ὄππῃ* Il. λ, 241. — 747 sq. Latina nomina Latinos, Graeca Troianos designare videntur. *Lycaonium*, Lycannis filium. — 754. *longe fallente sagitta*, feriente a longinquo incautum, v. IX, 572.

755—832. Sequitur pugna Aeneae cum Mezentio interventus Lausi filii intercepta et Lausi mors. Ad 755 comparant Il. λ, 70 sq. — 758. *iram inanem*, qua neutra acies proficiebat quicquam; neutra enim alteram impellere poterat. — 760. Nominat inter ceteros deos duas deas, quibus potissimum pugnae exitus eordi esset. Quod vero sequitur de Furia, ad ipsam aciem spectat. Est enim veterum poetarum phantasma hoc: *Ἐρις, Ἐνώ, Κῆρ*, inter acies pugnantium volitans. Vt unum exemplum. memorum, conf. Hesiod. Scut. 248 sq.

763. *Turbidus*: quod alias saevius, furens; *ingreditur* tam magnus, quam

Stagna viam scindens, humero supereminet undas; 765  
 Aut summis referens annosam montibus ornum  
 Ingrediturque solo et caput inter nubila condit:  
 Talis se vastis infert Mezentius armis.  
 Huic contra Aeneas, speculatus in agmine longo,  
 Obvius ire parat. Manet inperterritus ille, 770  
 Hostem magnanimum opperiens, et mole sua stat  
 Atque oculis spatium emensus, quantum satis hastae:  
 Dextra, mihi deus, et telum, quod missile libro,  
 Nunc adsint! voveo praedonis corpore raptis  
 Indutum spoliis ipsum te, Lause, tropaeum 775  
 Aeneae. Dixit stridentemque eminus hastam  
 Iniicit; illa volans clipeo est excussa proculque  
 Egregium Antoren latus inter et ilia figit:  
 Herculis Antoren comitem, qui missus ab Argis  
 Haeserat Evandro atque Itala consederat urbe. 780  
 Sternitur infelix alieno vulnere coelumque  
 Adspicit et dulcis moriens reminiscitur Argos.

*magnus Orion humero supereminet undas.* Nota est prodigiosa Orionis proceritas et per mare incessus, v. Apollodor. I, 4, 3; ubi cf. Not.; nata fabula a sidere huius hominis eiusque orto. Orion oriens  $\Omega\tau\rho\upsilon\omega\ \pi\acute{o}\delta\eta\zeta$ ;  $\iota\sigma\gamma\eta$ , ut rem Theocritus effert VII Idyll. 51. Ad Polyphemj staturam corporis idem transtulerat Maro III, 664, 665. *Nerei stagna:* lib. I, 426 *invis stagua refusa vallis.* — 766, 767. *Aut (cum) ingreditur.* Etiam Homerus Orionem venatorem exhibet in Necyia Odys. 2, 571. — 771. *mole sua stat sumtum a rupe,* quae suo pondere librata firmum situm habet. De magnae molis homine stante nescio quam bene dicatur; nisi ad confidentiam sui in magnis corporis viribus referas. Aliter res se habeat, si in conflectu, in pugna urgeretur,

impelleretur. Servius explicat; in sua mole, ut dicitur: in vestigio; quod parum placet. — 773. Sic XII, 95, 96: *Nunc o nunquam frustrata vocatus hasta meos nunc tempus adest.* Similis locus est Apollonii I, 468 sq. — 774. Cum alii tropaea in deorum honorem consecrant: Mezentius vovet se armis induturum esse Lausum glum, ut ideo ille tanquam tropaeum adstet, quod erat truncus armis indotus. — 777, 778. Intelligo hastam magnam viactam superficiem convexam clipei, quem divina arte factum,  $\text{H}\epsilon\pi\alpha\sigma\tau\acute{\epsilon}\tau\upsilon\alpha\tau\omega$ , esse meminerę, tantum strinxisse, hinc resiliisse transversum actam et in Antoren adstantem aberrasse,  $\epsilon\lambda\iota\sigma\sigma\acute{\alpha}\tau\upsilon$ . — 779. *minus,* profectus, ut bene Serv. Cf. VI, 812, 813. Sic  $\sigma\tau\acute{\alpha}\lambda\lambda\iota\sigma\theta\eta\iota$ ,  $\sigma\tau\alpha\lambda\epsilon\tau\alpha\iota$ ,  $\sigma\tau\alpha\lambda\epsilon\iota$ . — 781-2 versi dulcissimi! *alieno*

Tum pius Aeneas hastam iacit: illa per orbem  
 Aere cavum triplici, per linea terga tribusque  
 Transiit intextum tauris opus imaque sedit 785  
 Inguine; sed vires haud pertulit. Ocius ensem  
 Aeneas viso Tyrrheni sanguine laetus  
 Eripit a femine et trepidanti fervidus instat.  
 Ingemuit cari graviter genitoris amore,  
 Ut vidit, Lausus; lacrimaeque per ora volutae. 790  
 Hic mortis durae casum tuaque optima facta,  
 Si qua fidem tanto est operi lata vetustas,  
 Non equidem nec te, iuvenis memorande, silebo.  
 Ille pedem referens et inutilis inque ligatus  
 Cedebat clipeoque inimicum hastile trahebat. 795  
 Prorupit iuvenis seseque inmiscuit armis;  
 Iamque adsurgentis dextra plagamque ferentis

vulnere; quod Silius VIII, 630: *telo non in sua vulnera misso*. — 783 sq. Homeri vestigia iam veteres hic agnoverunt II. 2, 355 sq. 361 sq. Clipeus Mezentii septemplex fuit ex triplici aere, ex tegumento lineo triplicique corio taurino compactus. *tribus tauris*, coriis taurinis, ut Homericum βούε.

789 sqq. In loco sq. de Lausi in Mezentium patrem pietate Antilochum Nestoris f. ante oculos habuisse videri potest poeta, quippe cuius similis pietas apud Graecos poëtas inde a cyclicis et tragicis fuit celebratissima. Vel Pindari Oden VI. Pythie. vide. Hoc certe probabilius dixeris, quam quod historiam de Scipione Africano Matronam respexisse aiunt. In hoc vero poëtae acumen observari velim, quod tantam pietatem tribuit filio hominis saevi et iniusti, quodque hunc ipsum patrem, hominem impium et odiosum, naturae affectu et amore in filium mollissimum ex-

hibuit: ut enim in tragicis, ita nunc in epica hac persona tanto magis movemur pietatis hoc affectu in homine, qui nullam talis humanitatis sensus spem de se fecerat, 794. Observandus locus etiam propterea, quod poeta epicus nunc ipse prodit suamque personam interponit: quod, si cum iudicio sit, animum lectoris advertit; nunc multo magis, cum ipse is, qui narrat, poëta miseratione se contactum significat. — 792. *Si qua vetustas*: pro posteritate dicta sunt: aliter si qua non expediri potest. Si qua senior aetas fidem feret, habebit, tantae Lausi pietati et virtuti. *quasi ut ἴππων* pro facinore, virtute. Simile illud Ciceronis pro Milone 35: *de me nulla unquam obmutescet vetustas*. — 794. *inutilis*, vulnera debilitans; ut Serv. *illigatus* sc. hastae, quae clipeo transfixo in inguen penetrarat. Similis locus de Sarpedone II. 2, 664, 665. At Aeneas v. 797 *adnurgit* dextra, ad

Aeneae subiit mucronem ipsumque morando  
 Sustinuit; socii magno clamore sequuntur,  
 Dum genitor nati parma protectus abiret, 800  
 Telaque coniciunt proturbantque eminus hostem  
 Missilibus. Furit Aeneas tectusque tenet se.  
 Ac velut, effusa si quando grandine nimbi  
 Praecipitant, omnis campis diffugit arator  
 Omnis et agricola et tuta latet arce viator, 805  
 Aut amnis ripis, aut alti fornice saxi,  
 Dum pluit in terris, ut possint, solē reducto,  
 Exercere diem: sic obrutus undique telis  
 Aeneas nubem belli, dum detonet, omnem  
 Sustinet et Lausum increpitat Lausoque minatur: 810  
 Quo moritūre ruis maioraque viribus audes?  
 Fallit te incautum pietas tua. Nec minus ille  
 Exsultat demens. Saevae iamque altius irae  
 Dardanio surgunt ductori, extremaque Lauso  
 Parcae fila legunt: validum namque exigit ensem 815  
 Per medium Aeneas iuvenem totumque recondit.

ictum inferendum insurgit manu elevata ac reducta.

802. *tectus tenet se*: sub clipeo quo missilia excipit. Sic X, 412 *aeque in sua colligit arma*. Cf. II, v, 405. — 803 sqq. Praeclara comparatio: nec Homero quicquam in ea debet Virgilius; etsi laudari solet II, p, 466 sqq., nam in illo loci diversa res geritur. Sed simillimus locus est in Quinto VIII, 379—385, qui poëta omnino ditissimus est his ornamentorum copiis. — 805, 806. *tuta arce*, laebris, refugio, cavē ripae vel antro: quatenus *arx* ab *arceo* deducitur et locum designat, ubi quis se tuetur, defendit. — 807. *Dum pluit in terris*, Lucret. VI, 630, *Cum pluit in terris, et venti nubila portant*. — 808. *exer-*

*cere diem* opere faciendo exquisite pro: exercendo opere transigere diem; ut noctem producere coena, extendere aermone; diem fatigare remigio VIII, 94, ubi v. not. — 809. *nubem belli*, ut *ποδὶ ποτατο νῆπας*, de pugnae mole tamquam procella, tempestate, et h. l. de telorum multitudine accipe. Bene Servius: « Bellantium impetum sustinet, donec deferbeat. »

810 sqq. Vt ingenium, sic oratio Aeneae diversa ab ea, qua simili in congressu cum Pallante utebatur Turnus paullo ille ferocior, 442 sq. 490 sq. — 814, 815. *Parcae fila legunt*. « Proprium, inquit Servius, fuerat *rumpunt*: tamen *legunt* sui colligunt, aut rumpunt, aut etiam transeunt. » Prima bene dixit, cetera minus. Le-



Transiit et parmam mucro, levia arma minacis,  
 Et tunicam, molli inater quam neverat auro;  
 Inplevitque sinum sanguis; tum vita per auras  
 Concessit maesta ad Manis corpusque reliquit. 820  
 At vero, ut voltum vidit morientis et ora,  
 Ora modis Anchisiades pallentia miris,  
 Ingemuit miserans graviter dextramque tetendit,  
 Et mentem patriae strinxit pietatis imago.  
 Quid tibi nunc, miserande puer, pro laudibus istis, 825  
 Quid pius Aeneas tanta dabit indole dignum?  
 Arma, quibus laetatus, habe tua; teque parentum  
 Manibus et cineri, si qua est ea cura, remitto;  
 Hoc tamen infelix miseram solabere mortem:  
 Aeneae magni dextra cadis. Increpat ultro 830  
 Cunctantis socios et terra sublevat ipsum  
 Sanguine turpantem comtos de more capillos.

guntur, puto, inter nendum fila, dum in fenum colliguntur, h. e. dum lana de colo in filum ducta in fuso glomeratur. Quare si *Parcae filia extrema* docunt, neni, etiam ea *legere* recte dicuntur, colligere, ut penso iam absoluto ea rumpant. — 817. *minacis* pro: tuis sc. Lausi. — 818. Decens in Etrusco iuvene vestis auro molli i. e. ductili testa; quod vestimenti genus frequentatum Etruscis fuisse constat. Ornavit Maro Homerica Il. v, 470. — 819, 820. *per auras*. . . *Manes*. . . sunt Homerica: Iliad π, 836, 857, nihil amplius; nec in his appositis argutandum. *Vita* pro anima, ψυχή.

824 sq. Ad miserationem egregie facit ipsa Aeneae misratio, dum tendit puero manus et terra eum sublevat 831, et respectus Ascanii et in alterius sortus cogitatio de casu, qui sibi accidere posset. — 824. *patriae*

*pietatis imago*, amoris sui in Ascanium recordatio: et quem ipse dolorem suscepturus sit in simili casu. Ea, quae recordamur, poëta imaginem effert animi obiectam Cf. IX, 299. — 825 *pro laudibus istis*, ista virtute, τὰ ἄλλα et τὸ πᾶν, h. l. virtus, qua, ut patrem servaret, ipse vitae discrimen adit. — 826 *indole* i. e. pietate. — 827. *Arma habe tua*. Magnus scilicet honos in illo aevo habitus, si victum victor non spoliaret. Cf. Il. ζ, 417. — 827, 828. *te remitto parentum Manibus et cineri*, h. e. ad sepulcrum patrium, ut te inferant; *si qua est ea cura*, sc. tibi, si modum sensum huius rei habes. *Fere sic*, ut IV, 34, *Id cinerem aut Manes credis curare sepultos*. Nisi quis ita malit accipere: modo est qui id curet, qui te inferendum curet: ut additum forte sit propterea, quod patria exulabat eum patre Lausus. — 832. *comtos de more Etrusco*

Interea genitor Tiberini ad fluminis undam  
 Volnera siecabat lymphis, corpusque lavabat  
 Arboris adclinis trunco. Procul aerea ramis 835  
 Dependet galea et prato gravia arma quiescunt.  
 Stant lecti cireum iuvenes: ipse aeger, anhelans  
 Colla fovet, fusus propexam in pectore barbam;  
 Multa super Lanseo rogitat multosque remittit,  
 Qui revocent maestique ferant mandata parentis. 840  
 At Lausum socii exanimem super arma ferebant  
 Flentes, ingentem atque ingenti vulnere victum.  
 Adghovit longe gemitum praesaga mali mens.  
 Canitiem multo deformat pulvere et ambas  
 Ad coelum tendit palmas et corpore inhaeret. 845  
 Tantane me tenuit vivendi, nate, voluptas,  
 Vt pro me hostili paterer succedere dextrae,  
 Quem genni? Tuane haec genitor per volnera servor

rum: quod ex vasis aliisque monumentis intelligitur.

833. *Sequentia de Mezentio tamquam in tabula exhibita sunt. Declaratur locus, positus, actio ipsa. Similis locus II. 4, 692 sqq. de Sarpedone. — volnera siecabat lymphis, sanguinem sistebat frigida aqua. Ignoramus, an primus hoc ausus sit Maro: imitatus est Statius I Theb. 527. τῖπτυν et τριπταῖν, sed aquae notione non adiecta, iam Homerus de vulnere dixerat, corpus levabat acclinis ornatum dictum pro acclinabat. 835. » Procul, modo iuxta, ut Ecl. VI, 16, Servius » non male. Saltem procul h. l. est paullo longius iode. Eidem videtur novasse h. l. poeta acclinis et propexam barbam; novatum dicerem primum loc quiescunt de armis iacentibus seu clipeo. — 838. Colla fovet: sustinet, levat caput arboris trunco. — fusus barbam, habens barbam eamque propexam, in pectore, in pe-*

ctus promissam, profusam, non otiosum est; sed ad ἐνδύττων narrationis requirebatur, dum ad trunco acclinatus capite demisso recubat. — 841. Illic magnum peccatum in hoc agnosce, quod arte sua effecit, ut Mezentii, tam invisibilis hominis, miseratione animos nostros tangeret. Rationem et modum et quae illa sunt, quibus hoc effecit, videant in singulis, qui haec interpretantur. super arma, super clipeo, ut facile assequi liceat. Cf. 506, Impositum sauto referunt Pallanta frequentes. — ingentem... ingenti: etiam haec ad commendationem caesi iuvenis pertineat. Καὶ τὰ μύζας μύζαντος II. π, 776. — 844. deformat: aie ornat Homericum καταχρύξτο Od. ω, 315. — 847. hostili succedere dextrae, non eo sensu dictum, ut volunt Intpp., ut 797, 798; sed: dextram h. e. vulnus excipere alterius loco. — 848. tua per volnera, pro vulnere. — Exitium praeculare memoral: hoc

Morte tua vivens? Heu, nunc misero mihi demum  
 Exsilium infelix! nunc alte vulnus adactum! 850  
 Idem ego, nate, tuum maculavi crimine nomen  
 Pulsus ob invidiam solio sceptrisque paternis.  
 Debueram patriae poenas odiisque meorum:  
 Omnis per mortes animam sontem ipse dedissem!  
 Nunc vivo! neque adhuc homines lucemque relinquo!  
 Sed linquam. Simul hoc dicens adtollit in aegrum 856  
 Se femur et, quamquam vis alto vulnere tardat,  
 Haud deiectus equum duci iubet. Hoc decus illi,  
 Hoc solamen erat; bellis hoc victor abibat  
 Omnibus. Adloquitur maerentem et talibus inquit: 860  
 Rhoebe, diu, res si qua diu mortalibus ulla est,  
 Viximus. Aut hodie victor spolia illa cruenta  
 Et caput Aeneae referes Lausique dolorum

enim primum erat, quod in Mezentii fortuna occurrere poetæ animo debebat. — 850. *nunc alte vulnus adactum*, nunc demum vulneris sensum habeo; loquitur de proprio vulnere, v. 785, 786. — 851. *crimine*, criminatioe et odio; te infamem et odiosum feci meis sceleribus. — 853, 851. *Debueram p. omisso si*, inversa oratio. Si debebam poenas civibus meis; si merebar mortem: ulinam ipse vitam vel omnibus supplicis expulsum reddidissem, superstite te! At nunc vivo, te erepto. — 857. *tardat* Heins. interpretatur: tardat se, tardatur; cf. ad Aen. II, 208. Enimvero *vis alto vulnere* tardata accipio solito poetarum more pro: vis adempta, h. e. virium defectus ex alto vulnere tardat. Servius aliter reddidit: *alti vulneris violentia*: ut ideo pro: vis vulneris dictum et doloris notio adiuncta sit. — 858. *Haud deiectus*, animo haud dejecto. — 860 sqq. Dispicit luce ad

equum suum Mezentii oratio venustioribus nostra aetate. Non defendam Hosmeri exemplo in Hectoris et in Achillis equis II. 9, 184 sqq. 7, 396 sq., aut Statii imitatione vel Silii; quae ad alias aetates pertioere videri potest. Sed in naturae humanae indole hoc ipsum videtur alte insitum esse, ut cum iis ipsis animantibus, quibus diu adsuavimus, tamquam eum familiaribus et sodalibus agamus et confabulemur. Atque hoc ipsam optimorum hominum confessione firmatum vidimus. Non vero pro epici carminis dignitate nimis humile hoc videri debet in equo beliatore. In Mezentio acceptum datum erat hoc commentum, quia mox equi vulnere ipsi sensori caedes paratur. — 861. *res si qua diu mortalibus ulla est*: scilicet in fluxa hac rerum conditione. Gravis sententia et h. l. affectus plenus. — 863. *Lausi dolorum* ex Lausi caede. II, 7: *lacrimae Creu-*

Vltor eris mecum; aut, aperit si nulla viam vis,  
 Occumbes pariter. Neque enim, fortissime, credo 865  
 Iussa aliena pati et dominos dignabere Teucros.  
 Dixit et exceptus tergo consueta locavit  
 Membra manusque ambas iaculis oneravit acutis,  
 Aere caput fulgens cristaque hirsutus equina,  
 Sic cursum in medios rapidus dedit. Aestuat ingens 870  
 Vno in corde pudor mixtoque insania luctu  
 \*Et furiis agitatus amor, et conscia virtus;\*  
 Atque hic Aenean magna ter voce vocavit.  
 Aeneas adgnovit enim laetusque precatur:  
 Sic pater ille deum faciat, sic altus Apollo, 875  
 Incipias conferre manum.  
 Tantum effatus et infesta subit obuius hasta.  
 Ille autem: Quid me erepto, saevissime, nato  
 Terres? haec via sola fuit, qua perdere posses:  
 Nec mortem horremus nec divom parcimus ulli. 880  
 Desine. Iam venio moriturus et haec tibi porto  
 Dona prius. Dixit telumque intorsit in hostem;  
 Inde aliud super atque aliud figitque volatque  
 Ingenti gyro; sed sustinet aureus umbo.

*ae.* — 767 sq. Non haec iostiliter  
 memorata, verum ad ἐπαγγελίαν, ut  
 Mezentii imago seorsibus nostris alle  
 insideat.

871. *Vno in corde pudor, pudor;*  
 furor, luctus una et coniunctim eum  
 iostammant: *pudor* quidem ex eo,  
 quod filium pro se cadere passus erat.  
 — 872. XII, 668 iterum occurrit,  
 deest in optimis codd. et adversantur  
 loci rationibus. Quare asteriscis no-  
 latur. — 874. *agnovit enim* est uli-  
 que. ὅν, γὰρ τοι, ὅν γὰρ τοι. *rim-*  
 vero. | 875. VI nunc interponitur,  
 iungenda suot; *Sic .. faciat. (et)*  
*incipias.* Potest tamen oratio iuvare:

*Sic ... Apollo!* (sc. ut tu conferas  
 manum, coogrediaris mecum) *Incipias*  
*conferre manum.* altus Apollo est ma-  
 gnus, ut iam aliquoties novavit Maro.  
 — 876. *Incipe,* in IX, 741. — 877.  
*audet h. l. simpl. it.* occurrit: aliter  
 ac modo v. 798. — 879. *haec via*  
*sola,* nato erepto, filii morte. — 880.  
*nec divom parcimus ulli,* curo, ut ab  
 eo auxilium expectem. Alio loco  
 (XI, 52) *nil diis debentem* eodem  
 sensu dixerat *parcere* h. l. pro vereri,  
 metuere ideoque omulno curare. *Sic*  
*Gr. τίδηςδεῖται* et τίδω pro cura. —  
 881. *Desine* terrere. — 883. *volatque,*  
 de equitantis in orbem velocitate. —

Ter circum adstantem laevos equitavit in orbis 893  
 Tela manu iaciens; ter secum Troïus heros  
 Inmanem aerato circumfert tegmine silvam.  
 Inde ubi tot traxisse moras, tot spicula taedet  
 Vellere, et urguetur pugna congressus iniqua:  
 Multa movens animo iam tandem erumpit et inter 896  
 Bellatoris equi cava tempora coniecit hastam.  
 Tollit se adrectum quadrupes et calcibus auras  
 Verberat effusumque equitem super ipse secutus  
 Implicat eiectoque incumbit cernuus armo:  
 Clamore incendunt coelum Troësque Latinique. 896

885. Laevam in partem non modo ob naturalem equi flexum in laevum, sed ideo maxime equitabat, ut ipse laeva clipeo tectus et dextra expedita Aeneae, qui ei semper a laeva in posteriore gyri orbe stabat, dextrum latus peteret, quod a clipeo tectum non erat. Sed Aeneas clipeum circumfert, et hunc quidem v. 887 oneratum infixis hastis: is exceperat et sustinuerat tela.

889. pugna iniqua, contra equitem ipse pedes. — 894. inter tempora coniecit hastam: traiecit tempora. Comparant similem locum II. 3, 84, ubi Nestoris equus, παρρηόρος (tertius adlectus hieis, συνοπίδι, idem qui et σαρπηόρος συρρηόρος, nobis funalis, an der Leine) perculitur ἄκρην πακκισπάλην etc.; ibi equus primum exultat (ἀνέπαλτο), tum caput in terra volutat, ut telo se liberet (κλυτὸν δόμενος περὶ χάλκῳ, ut h. l. cernuus). — 892-894 Quod natura in tali vulnere fert, poetam scripsisse probabile fit. Igitur equus primum prioribus cruribus elevatus se erigit; simul prae dolore calcibus calcitrat: sic equus effunditur et b. l. quidem in latus (non in caput, nec resupinus; neutrum reliqua

admittunt); mox ipse equus in caput procumbit et armo suo incumbit prostrato Mezentio. Sic mihi videntur singula esse tenenda, ut locus expeditur. tollit se adrectum, prioribus pedibus erectis haud dubie. Cf. XI, 637, 638, 639 et bene inter multa inania Cerda laudavit Livii locum VIII, 7: Circumactis deinde equis... spiculum inter aures equi fixit; ad cuius vulnervis sensum quom equus prioribus pedibus erectis magna vi caput quateret, excussit equitem. Adde Silium lib. IX, 595 sqq., ubi res ad elephantum traducta. calcibus de posterioribus pedibus accipio: quis enim neget equi naturam sic ferre, ut prae dolore calcitret? — Implicat; hoc ipse polita dilucidat; cernuus incumbit armo, suo scilicet, equus (quis enim aliter accipiat?) domino eiecto: quippe quid latus equi exciderat. cernuus proprie de praecipitato, κυβιστῆς. — 895. Clamore incendunt coelum, uti et mox XI, 447 incendunt claustris urbem. Esse pro implent, facile unusquisque et videat et dicat. Sed rationem reddere non tam facile est. Cerda duas rationes proponit, quarum neutra satis facit. Mihi sic videtur

Advolat Aeneas vaginaque eripit ensem  
 Et super haec: Vbi nunc Mezentius acer et illa  
 Effera vis animi? Contra Tyrrhenus, ut auras  
 Suspiciens hausit coelum mentemque recepit:  
 Hostis amare, quid iucrepitas mortemque minaris? 900  
 Nullum in caede nefas, nec sic ad proelia veni;  
 Nec tecum meus haec pepigit mihi foedera Lausus.  
 Vnum hoc, per, si qua est victis venia hostibus, oro;  
 Corpus humo patiare tegi. Scio acerba meorum  
 Circumstare odia: hunc, oro, defende furorem 905  
 Et me consortem nati concede sepulcro.  
 Haec loquitur iuguloque haud inscius adcipit ensem  
 Vndantique animam diffundit in arma cruore.

expedienda foras haec. Poëta *incendere* est augere, magnum facere quid; simili modo *adfalere* adhibetur: v. ad Ge. IV, 379. Inde dicitur aliquis *incendere clamorem in aëre, coelo*, h. e. magnam clamorem movere. Sic *incendere luctum* IX, 500, ubi v. not. vires V, 455, etc. Ductum autem ex Tragicorum *ῥέγνιν, ἀνιπλέγνιν* pro *ῥέγνιν, ἀνιπλέγνιν*, v. c. Soph. Ai. 496. Aeschyl. Pers. 593, ubi cf. Brunch. Iam poëta hoc ipsum doctius transfert ad coelum, quod hactenus proprie ideo incendi dici potest, quatenus res magno motu accepto omnino *inealescunt, ferrent*. Hinc *fora ferrent clamoribus, theatra strepitum*.

899. *hausit coelum* s. hausit oculis, quod malim; seu coelum pro auras; simulque animam recepit s. deliquit. — 901, 902. Interfice me: mortem non deprecor. Hoc sic exulit poëta: Non erit crimini me interfecisse, *multum in caede nefas* (Sere. et Cerda: «Mori viro fortis nefas non est:» quod est remotius). — nec si. Lausus meus pugnanturus non ita tecum pactus erat,

ut ne me interficeret, aut ut ego mortem deprecarer; *nec sic ad proelia veni*, h. e. nec Lauso a te caeso pugnae haec conditio nobis proposita est. Immo vero, dum Lauso superles esse non sustineo, mori decrevi. — 903. *Per, si qua est venia ex more in precum formula* pro: *per veniam, si qua est. venia, gratia, beneficium*. Similes morientium preces dederal Homerus II, χ, 388 sq. et alibi. — 905. *defende furorem*, propulsa (ut iam toties sic ex ἀπαρνὸν odia et iras, quomodo corpus meum insepultum abiciant et male mulcent): est αἰσίζησις. — 906. *consortem sepulcro nati* pro vulgari oratione *consortem sepulcri nati* posuit exquisitius. Ease pro hoc dictum illud etiam Macroh. IV, 6 monuit. — 908. *lungenda sunt: cum cruore uolanti in arma, thoracem seu clipeum*. Cf. v. 437. Ceterum in toto hoc de Lausi et Mezentii morte loco se ipsum superasse poëtam tragico affectu et carminis dignitate epica fatendum est.

P. VIRGILII MARONIS  
AENEIDOS

LIBER VNDECIMVS.

ARGVMENTVM

**O**cciso Mezentio victor Aeneas Marti tropaeum erigit; Pallantis mortui corpus magno pompae apparatu ad Evandri urbem remittit: ubi summo et patris et suorum omnium luctu excipitur — 99. Interim oratores a Latinis missi dierum duodecim inducias impetrant: quo temporis spatio utrique suorum eadavera perquirunt supremoque sepulturae honore prosequuntur — 224. Eodem quoque tempore Venulus, quem sub belli initium legatum ad Diomedem miserant Latini, ad suos redux auxilia sibi denegata renunciat — 295. Ea spe destitutus Latinus consilio convocato de summa belli consultat legatosque de pacis conditionibus ad Aeneam mittendos censet — 335. Ibi Drances et Turnus pro inveterato inter ipsos odio se mutuis conviciis proscindunt — 444. Interim Aeneas, bipartito divisis copiis, levis armaturae equites planis itineribus ad urbem praemittit: ipse cum reliquo exercitu per loca silvis montibusque impedita ad editiorem oppidi partem contendit. Cuius rei nuntio Laurentum perlato consilium dimittitur: paranturque ea, quae ad urbis defensionem putantur pertinere — 485. Turnus cognito per exploratores Aeneae consilio bifariam et ipse suas copias partitur: equitibus Messapum et Camillam praeficit eosque hostium equitibus opponit; ipse cum peditibus angustias, qua necessario Aeneae ad urbem iter erat, breviori itinere occupat atque ibi in insidiis subsistit — 531. Interponitur episodium de Camilla — 596. Interim equestre praelium committitur, diuque dubio utrimque eventu pugnatur — 647. Ibi Camilla magna prius edita hostium strage, dum Chloream Cybeles sacerdotem armorum eius pulchritudine capta incautius sequitur, ex insidiis ab Arunte hasta traicitur — 835. Quam tamen

*sacras virginis caedem Aruns non diu tulit inultam; nam et ipse paulo post ab Opi, Dianae ministra, sagitta traectus offensi numinis poenas persolvit — 867. Camillae nece consternati Rutuli fugam arripiunt: Troiani urbis oppugnationem parant — 895. Eius calamitatis nuntio ab Aece Camillae comite ad Turnum perlato, relictis quas obsederat angustiis, suis auxilio occurrit. Eodem subsequitur et Aeneas; et, quoniam imminente iam nocte praelium committi non poterat, utrique positis ante urbem castris considunt — ad f.*

Oceanum interea surgens Aurora relinquit.  
Aeneas, quamquam et sociis dare tempus humanis  
Praecipitant curae turbataque funere mens est,  
Vota deum primo victor solvebat Eoo.  
Ingentem quercum decisis undique ramis  
Constituit tumulo fulgentiaque induit arma,

Ductus adversus Latinorum urbem Laurentum Aeneas exercitus merito, ut partem argumenti et rerum narratarum, ita librum Aeneidis constituit: quod quidem per se parum secundum et leiunum magna rerum, accessionum: et episodiorum copia ornavit poeta: funere Pallantis, sepultura caesorum, reditu legatorum Latini ad Diomedem, consultatione de legatis cum pacis conditionibus ad Aeneam mittendis et, in ipso accessu ad urbem, Camillae pugna ac caede. Inprimis autem insignis hic liber orationibus insertis, in quibus *ῥητορικὸν* videri potest poeta et affectare laudem Homeri, qui simili more rhapsodiam *ῥητορικὴν*, quae nona est, et, inseruit Iliadi; hac tamen re superior noster, quod ad tragicas *ῥητορίας* haec accommodavit per vim sententiarum et vocum, *δεινότερα καὶ μεγαλοπρέπεια*.

1. Altero mane post superinis diei pugnam, cuius exitum non discrete

memoravit, ad Mesentii caede territorii Rutulos in fugam se dedisse facile unus quisque assequitur. Brevitatis studio hoc dederit poeta, qui semper ad eventum festinat et, quae ornari nec possunt, omittit; an secundis curis reservavit, quis pro certo affirmet? — 2, 3. *curae praecipitant* potentius quam: urget, premit cura. ut impendat tempus humationi caesorum militum. *funere*, dolore ex funeribus suorum, in primis Pallantis — 4. *Eoo*, Lucifero, ut III, 588. Notum *Ἐώς, ἔως ἀσπίδος*. Ad Aeneas autem religionem hoc spectat, quod ante omnia persolvit diis vota (*vota deorum*) et nunc quidem tropaeum in Martia honorem erecto; re a Graecis petita (ubi verbum et res saepe occurrit, in gemmis etc. quoque representata. *R.*) et ad Troianos traducta. Nam Italorum non erat tropaeum statuere; nisi quod tentata res est a Pompeio, tum ab aliis. — 5. Locus de tropaeo erigendo luculentus, quem



Mezenti ducis exuvias, tibi, magne, tropaeum,  
 Bellipotens. Aptat rorantis sanguine cristas  
 Telaque trunca viri et his sex thoraca petitem  
 Perfossumque locis: clipeumque ex aere sinistrae 10  
 Subligat atque ensem collo suspendit eburnum.  
 Tum socios, namque omnis eum stipata tegebat  
 Turba ducum, sic incipiens hortatur ovantis:  
 Maxima res effecta, viri! timor omnis abesto,  
 Quod superest! haec sunt spolia et de rege superbo 15  
 Primitiae, inanibusque meis Mezentius hic est.  
 Nunc iter ad regem nobis murosque Latinos.  
 Arma parate, animis et spe praesumite bellum,  
 Ne qua mora ignaros, ubi primum vellere signa

semelatus est Stal. Thab. II, 704  
 sqq., ad orationis saltem copiam comparandas. Aliud tropaei genus humeris gestatum v. 83, 84. Truncum quercus amputatum sistuit Aeneas in tumulo, seu eminentiore luco seu terra aggesta. *aggeste camporum medio* dixit Statius l. c. 708. — *tela trunca viri*, fractas Mezentii hastas, X, 882 sqq. — *his sex*, h. e. saepius. Statius ib. *perfossumque volucria crebro arma*. Illata fuere vulnere per totam pugnam, v. X, 694, 692. 715, 716 (*eburnum*, qualenus capulo eburneo a. vagina ebure distincta erat ornatus: Odys. VIII, 404.

44, 45. Mutavi hic Heinsianae recessionis interpunctionem, quae manifeste sententiam vitia bel: *Maxima res effecta viri Timor omnis abesto. Quod superest: haec sunt etc.* Imo vero iungenda: *timor omnis abesto*, quod ad id attinet, *quod superest*, (*παρά*) τὰ λοιπὰ τοῦ πολέμου (*Viri est vocat, non genil.*, ubi ad *timor fui*, qui retractum mallet. R.) Quae sequuntur: *haec sunt spolia*, illustrant

illa: *maxima res effecta*. Similia oratio Achilles victo Hectore II. χ, 391-394, ubi Ἡράκλεια μύγα κῦδος, quod hic *Maxima res effecta*, simpl. pro magna res peracta. *primitiae* sc. vel belli vel spoliolum, τὰ ἀπορίνια: ut poetice ornaverit rem et propria et exquisita voce. *de rege superbo*, Mezentio, non Turno, ut Serv. et alii. — 46. Et mea virtute de Mezentio nihil superest quam hoc tropaeum, haec eius arma trunca imposita. Paulo durior est oratio verborum iunctura: *meis manibus Mezentius hic est*, virtute mea talis est. Dictum pute cum gestu: εὐτρεῖς ἰαλίος ὁ Μενέτιος. Supra IX, 481: *Hunc ego te, Euryale, adipicio*. Si ceciderat ostenderetur, expeditior res esset: nunc tropaeum ostenditur, quod Mezentium esse ait. Hoc tamen acumen veteribus, saltem Maroni placuisse, praeter vs. 775. lib. X: *voveo Indutum spoliis ipsum te, Laue, tropaeum*, v. 473 docet. Tu quoque (Turne) nunc stans inmanis truncus in armis: tu quoque nunc es tropaeum. Pro adverbio hic accl-

Adnuerint superi pubemque educere castris, 20  
 Inpediat segnisve metu sententia tardet.  
 Interea socios inhumataque corpora terrae  
 Mandemus, qui solus honos Acheronte sub imo est.  
 Ite, ait; egregias animas, quae sanguine nobis  
 Hanc patriam peperere suo, decorate supremis 25  
 Muneribus; maestamque Evandri primus ad urbem  
 Mittatur Pallas, quem non virtutis egentem  
 Abstulit atra dies et funere mersit acerbo.  
 Sic ait inlacrimans recipitque ad limina gressum,  
 Corpus ubi exanimi positum Pallantis Acoetes 30  
 Servabat senior, qui Parrhasio Evandro  
 Armiger ante fuit; sed non felicibus aequae  
 Tum comes auspiciis caro datus ibat alumno.  
 Circum omnis famulumque manus Troianaque turba  
 Et maestum Iliades crinem de more solutae. 35  
 Vt vero Aeneas foribus sese intulit altis,  
 Ingentem gemitum tunsis ad sidera tollunt

piunt nonnulli, minus bene: nec melius succedit, si quis cum Cerda titulum imaginis animo cogitet. — 19. ubi primum, cum primum, *velere signa auuuerint superi*. Verba Romana; et captis auguriis id fieri solitum: sed hic poeta ornatus causa tantum posuisse videri debet: quam primum liebit agmen ducere. — 21. *sententia*, consilium, sensus animi, *segnis* pro segnitie, eunctatione; quod adiuncta efficiunt: *segnis metu, et tardet*. — 23. *qui solus*: notissimum illud Homericum: τὸ γὰρ γέρας ἴσθι θεόντων II. π, 675 et alibi. — 21, 25, 26. Egregia et in laudationibus (λόγους ἐπιταφίους) pro patria mortuorum, e. c. in Platouis Meneaeo et Lysiae oratione funebri, frequentata oratio. Illud proprium attexit,

quod *hanc patriam* dixit, novas sedes in Latio. — 27. *quem non virtutis egentem* Ennii versum esse Servius notavit. Homericum: οὐδὲ τι ἀλλὰς θεωμάτων.

29-99. Corpus Pallantis pompa funebri ad patrem Evandrum ducitur, *ad limina*, in receptis castris seu nova Troia. ubi, in vestibulo ex more. ἀνὰ πρόθυρον, II. τ, 212. — 31. Παρθένῳ Εὐάνδρῳ. — 32. *armiger*, ὄπῳ, ut iam supra, et comes, διὰ πῶν. — *auspiciis*, h. l. eventu. — 35. An recte *Iliades* memoratae sint, vide ad IX, 217. III, 65. Mos autem perpetuus cum veteris aevi, ea Homero notus, tum barbarorum ac ferorum populorum, ut lamenta super mortuo facerent non viri, sed feminae. — 36 sqq. Ad naturae veritatem pertinet, quod Ae-

Pectoribus, maestoque inmugit regia luctu.  
 Ipse, caput nivei fultum Pallantis et ora  
 Vt vidit levique patens in pectore vulnus 40  
 Cuspidis Ausoniae, lacrimis ita fatur obortis:  
 Tene, inquit, miserande puer, quum laeta veniret,  
 Invidit Fortuna mihi, ne regna videres  
 Nostra neque ad sedes victor veherere paternas?  
 Non haec Evandro de te promissa parenti 45  
 Discedens dederam, quum me complexus euntem  
 Mitteret in magnum imperium metuensque moneret  
 Acris esse viros, cum dura proelia gente.  
 Et nunc ille quidem spe multum captus inani  
 Fors et vota facit cumulatque altaria donis: 50  
 Nos iuvenem exanimum et nil iam coelestibus ullis  
 Debentem vano maesti comitamur honore.  
 Infelix, nati funus crudele videbis!  
 Hi nostri reditus expectatque triumphi?

nese adventu renovatur luctus. Comparat Servius Statii locum, VI Theb. 37 sqq.; multo magis convenit Valer. Fl. in funere Cyzei, III, 289 sqq. — 40. *levi*, pulchro, puerili: nondum setoso, ait Serv. Mallin de loto et a cruore purgato accipere. — 47. *in magnum imperium*. De Latio et de novis in eo sedibus parandis accipiendum omni dubio caret. Aucta res magnifice a poeta; *magnum*, respectu factorum ac vaticiniorum, quibus Aeneae eiusque posteris magnum in Italia imperium promissum erat. Hinc ducta plura loca: IX, 267. IV, 267-275. — 49, 50. Color sententiae aimilis apud Sophocle. Aiac. 589, 90. — 51. *nil iam coelestibus ullis Debentem*. Animose dictum! Referendum autem ad v. 50: *vota facit cumulatque altaria donis*, atque hinc illustrandum. Qui vota facit, *debere* dicitur diis,

si rata sunt; sin irrita sunt, nihil debet. Adeo iuveni iusta persolvimus, pro quo vota ab Evandro patre frustra suscepta fuere et quem dii salvum et incolumem esse noluere. Manifesto hoc mutatus est poeta a Sophocle; etiam paullulum inflexit. Ibi Ajax, cum per deos obsecrasset Tecmessa, ut vitae parceret, vs. 589, 590: *Αἶψα γὰρ λυτὴς εὐ κτελέσῃ, ἐγὼ δὲ τοῖς θεοῖς οὐδὲν ἄριστον ἔμῃ ἐπιλέτης ἔτι*; *annon videt, nihil me debere diis, quod quidem iis prestatem?* salute scilicet sua desperata, nihil amplius debebat diis οὐτῶσαι. Cf. ad X, 880. Plerique in Marone eo referunt sententiam, quod Pallas iam sub deorum inferorum potestatem venit. — *vano* hactenus, quod eo mortuus in vitam non revocatur. Sic VI, 886 *inane munus*. — 54. *Hi nostri reditus*. *nostri*, a nobis promissi; alias friget. Et sequitur: *haec mea ma-*

Haec mea magna fides? At non, Evandre, pudendis 55  
Volneribus pulsum adspicies; nec sospite dirum  
Optabis nato funus pater. Hei mihi, quantum  
Praesidium Ausonia et quantum tu perdis, Iule!

Haec ubi deflevit, tolli miserabile corpus  
Imperat et toto lectos ex agmine mittit 60  
Mille viros, qui supremum comitentur honorem  
Intersintque patris lacrimis: solatia luctus  
Exigua ingentis, misero sed debita patri.  
Haud segnes alii cratis et molle feretrum  
Arbuteis texunt virgis et vimine querno, 65  
Exstructosque toros obtentu frondis inumbrant.  
Hic iuvenem agresti sublimem stramine ponunt,  
Qualem virgineo demessum pollice florem  
Seu mollis violae seu languentis hyacinthi,  
Cui neque fulgor adhuc, necdum sua forma recessit; 70  
Non iam mater alit tellus viresque ministrat.  
Tunc geminas vestis auroque ostroque rigentis  
Extulit Aeneas, quas illa laeta laborum  
Ipsa suis quondam manibus Sidonia Dido  
Fecerat, et tenui telas discreverat auro. 75  
Harum unam iuveni supremum maestus honorem

*gna fides?* — *at non pudendis* (sed pulehris et honestis, adverso corpore, cf. II. v, 288-291.) *volueribus pulsum*, πῶνυλστα, percussum. — 56. *sospite* ... nato sc. cum infamia, turpi fuga e pugna servato: cuius dedecoris dolore exardescens pater infaustus sibi mortem, *dirum funus*, optat. Perperam Servii exemplo Interpretes trepidant et *sospite* pro *sospiti* dictum volunt.

59. *deflevit*, fletu finem fecit, ut Canegister ad Avian. fab. pr. exemplis illustrat: quem iam Burm. laudavit: nec tamen video, an omnino

hoc necesse sit. — 66. *obtentu frondis*, obtentis frondibus ac ramis, qui umbram desuper corpori facerent posito in feretro e crati, ex virgis et viminibus contexta. — 68-71. Obvia comparatio et multis frequentata so variata (cf. IX, 435-437.), sed h. l. suavissima ornamentorum copia et dilectu: *virgineo pollice*, — *florem seu ... seu ...*, et qui nondum marcidus elanguit: *cui neque ... recessit*: nec tamen pristino vigore nitet: *non iam mater*. — 73-75. Magistro Homero hoc didicit Maro, commendare rem seu artificis auctoritate seu ma-

Induit arsurasque comas obnubit amictu,  
 Multaque praeterea Laurentis praemia pugnae  
 Aggerat et longo praedam iubet ordine duci.  
 Addit equos et tela, quibus spoliaverat hostem. 80  
 Vinxerat et post terga manus, quos mitteret umbris  
 Inferias caeso sparsuros sanguine flammam,  
 Indutosque iubet truncos hostilibus armis  
 Ipsos ferre duces inimicaque nomina figi.  
 Ducitur infelix aevo confectus Acoetes, 85  
 Pectora nunc foedans pugnis, nunc unguibus ora;  
 Sternitur et toto proiectus corpore terrae.  
 Ducunt et Rutulo perfusos sanguine currus.  
 Post bellator equus positus insignibus Aethon  
 It lacrimans guttisque humectat grandibus ora. 90  
 Hastam alii galeamque ferunt; nam cetera Turnus  
 Victor habet. Tum maesta phalanx Teucrique sequun-  
 Tyrrenique duces et versis Arcades armis. (tur,

neris auctore. *laeta laborum*. Cf. ad lib. I, 441, *lactissimus umbrae* ideoque illa sibi placens in opera sua et operis successu: quo ipso intelligitur praelari fuisse artificii opus. Nee dicas delectatam opere, quod in amantis Aenese gratiam parabat (cf. IV, 262. R.) — 77. *obnubit*: sc. altera veste caput velavit. — 81. De iuvenibus his, quos inferiis destinaverat, v. ad X, 518-520. *caeso* sanguine adpersuros audacter pro caesorum, ut ibidem: *captivo sanguine*. — 83, 84. *Percula* describit in triumphis gestari solita humeris: arma caesorum truncis infixa vel perticis cum titulis seu nominibus eorum, quorum arma fuerant. Sunt hi *επωνυμῶν*: quali specie et nomine ipse Mars exhiberi solet. — 87. *Sternitur* et pro nunc stratus et proiectus humi: ut solebant facere doloris im-

patientia animique impotentia, ut in terram proiecti caput quoque pulvere foedarent: cf. ad 191. — 88. *currus* acciperem Pallantis currum, quo in pugna usus erat, nisi navibus venisset et statim unus equus subiceretur; nunc hosti erepti currus intelligendi, conf. lib. X, 399 etc. — 89, 90. Homericum exemplo, *Iliad.* p. 426 sq. 437 sq. Quod Maronis aevo forsan ipsa imitatione placebat, nunc hoc ipso displicet, quod imitandi studium in oculus incurrit. Res per se heroicæ vitæ sensibus et studiis accommodata. Sed adhuc Sætonii tempore hoc credebatur, *Inl. Caes.* c. 81: nec prorsus male. — 91. *nam cetera Turnus victor habet*. Supra X, 496 sq. *halteum* tantum commemoraverat, e quo *ensis* pendere debuit. Reliqua tum retulit. — 92 sq. Comparant *Il.* p. 429 sqq. de Patrocli fr-

Postquam omnis longe comitum processerat ordo ,  
 Substitit Aeneas gemituque haec addidit alto : 95  
 Nos alias hinc ad lacrimas eadem horrida belli  
 Fata vocant. Salve aeternum mihi , maxume Palla ,  
 Aeternumque vale. Nec plura effatus ad altos  
 Tendeat muros gressumque in castra ferebat.

Iamque oratores aderant ex urbe Latina 100  
 Velati ramis oleae veniamque rogantes :  
 Corpora , per campos ferro quae fusa iacebant ,  
 Redderet ac tumulo sineret succedere terrae ;  
 Nullum cum victis certamen et aethere cassis :  
 Parceret hospitibus quondam socerisque vocatis. 105  
 Quos bonus Aeneas haud aspernanda precantis  
 Prosequitur venia et verbis haec insuper addit :  
 Quatenam vos tanto Fortuna indigna , Latini ,  
 Implicuit bello , qui nos fugiatis amicos ?  
 Pacem me exanimis et Martis sorte peremptis 110  
 Oratis ? equidem et vivis concedere vellem.  
 Nec veni , nisi fata locum sedemque dedissent ;  
 Nec bellum cum gente gero : rex nostra reliquit

nere. *versis armis*, h. e. hastis, haud dubie de suis temporibus sumat poetam : cf. Tacit. Annal. III, 2. — 96. *Nos alias hinc ... vocant*. Egregie haec ad affectus et ad rerum veritatem. Bene ea traustulit Silius in nobilissimis illa *versas*. *Idem Ausoniae, quo fas est ire superbas Virtute et factis animas. Tibi gloria leto iam parva insigni : nostros Fortuna labores Versat adhuc casusque iubet noscira futuros*. lib. X, 573 sqq. Burmannus Statii versus laudat IV Theb. 600, 601, 602. *Existis casus ; bella horrida nobis Atque iterum Tydeus*. — 97. II, 5, 19, χαῖρέ μοι, ὦ Πάρις, καὶ σὺ Διὶ δόματα ... Nec diversa

clausula in orationibus fenebribus, Meneseni et Periclis.

100 sqq. Similis legatio II, 8, 381 sqq. Troianorum ad Achivos ad deprecanda mortuorum ad sepulturam corpora. Bene ea usus est poeta ad illustrandum Aenese nomen. Erat enim ea tacita confessio Latinorum, victos se esse a Troianis. — 101. *Velati, ἱερῶν, gestantes ramos vittatos manibus*. V. ad lib. II, 249. V, 72, 366. VII, 454, 237. — 101, 102, *veniam ac. hanc, corpora ut redderet : eandem mox pacem, indulgentiam, concessionem*. — 104. *aethere cassis*, II, 85, *lumine consum, vita*. — 112, *Nec veni, pro venissem*.

Hospitia et Turni potius se credidit armis.  
 Aequius huic Turnum fuerat se opponere morti. 415  
 Si bellum finire manu, si pellere Teucros  
 Adparat: his mecum decuit concurrere telis;  
 Vixet, cui vitam deus aut sua dextra dedisset.  
 Nunc ite et miseris subponite civibus ignem.  
 Dixerat Aeneas. Olli obstupere silentes 420  
 Conversique oculos inter se atque ora tenebant.  
 Tum senior semperque odiis et crimine Drances  
 Infensus iuveni Turno sic ore vicissim  
 Orsa refert: O fama ingens, ingentior armis,  
 Vir Troiane, quibus coelo te laudibus aequem? 425  
 Iustitiaene prius mirer belline laborum?  
 Nos vero haec patriam grati referemus ad urbem  
 Et te, si qua viam dederit fortuna, Latino  
 Iungemus regi. Quaerat sibi foedera Turnus.  
 Quin et fatalis murorum adtollere moles 430  
 Saxaque subvectare humeris Troiana iuvabit.  
 Dixerat haec, unoque omnes eadem ore fremebant.  
 Bis senos pepigere dies et, pace sequestra,

ὅς δ' ἔλθων ἄν, εἰ μὴ. Cf. IV, 45 not.  
 — 415. Aequius erat Turnum huic se  
 opponere morti, se obicere, pericu-  
 lum mortis subire. huic: qua hi caesi  
 occubuerunt. — 418. Vixet, vixisset.  
 Iam autem Turnus videri poterat  
 navi aufugisse: X, 665 sq.

421. *conversi* ... *tenebant* pro vul-  
 gari *conversos oculos*, h. e. conver-  
 terant oculos alter in alterum. — 422.  
*et crimine*, erimen pro criminatione;  
 ut saepe. — 424. *armis* pro *factis*,  
 rebus gestis; ut in illo Ciceronis,  
 quod e Cal. mai. Macroh. VI Sat. 2  
*laudat: contingebat in eo, quod ple-*  
*risque contra solet, ut maiora omnia*  
*re quam fama viderentur.* Sed, ut Ma-

roem a Cicerone petiisse credat,  
 nemo in animum inducat. — 426.  
*Iustitiaene* ... *mirer* ad notum graecis-  
 mum (πότῃρον τῆς δικαιοσύνης μᾶλ-  
 λον θαυμάζω εἰ, ἢ τῶν τοῦ πολέμου  
 πόνων; conf. Vechneri Hellenolox. I,  
 2, 21 ed. Heusing. Nisi forte *laudi-*  
*bus* repetere malis. R.) — 430, 431.  
*Quin nos parati sumus in exstruenda*  
*urbe falsi tibi in Latino destinata ipsi*  
*operas nostras adiungere.* — 433.  
*pax sequestra*, h. e. induciarum fide  
 et auctoritate. *Sequester*, seu medius  
 et arbiter inter duo litigantes, fidem  
 facit eius, de quo convenitur; vel  
 eius arbitrio constituitur. *pax*, pa-  
 cilio, tutos praestabat h. l. et Latinos

Per silvas Teucris mixtique inpune Latini  
Erravere iugis. Ferro sonat icta bipenni 135  
Fraxinus; evertunt actas ad sidera pinus  
Robora nec cuneis et olentem scindere cedrum  
Nec plaustris cessant vectare gementibus ornos.

Et iam Fama volans, tanti praenuntia luctus,  
Evandrum Evandrique domos et moenia complet, 140  
Quae modo victorem Latio Pallanta ferebat.  
Arcades ad portas ruere et de more vetusto  
Funereas rapuere faces; lucet via longo  
Ordine flammaram et late discriminat agros.  
Contra turba Phrygum veniens plagentia iungunt 145  
Agmina. Quae postquam matres succedere tectis  
Viderunt, maestam incendunt clamoribus urbem.  
At non Evandrum potis est vis ulla tenere;  
Sed venit in medios. Feretro Pallanta reposito  
Procubuit super atque haeret lacrimansque gemens-  
Et via vix tandem voci laxata dolore est: (quae, 150  
Non haec, o Palla, dederas promissa parenti.

et Troianos, ut permixti discurrerent. Numerum XII dierum ab Ilomero accipit Il. u, nec aliud quid quaerendum. — 134. *Per silvas*: itidem, ut Il. u, 419. — 135 sqq. Similia lib. VI, 180 not. — 136. *actas ad sidera pinus*. Ge. II, 364, agit *se palmes ad auras*. — 137. *olentem cedrum*, odoratam. De hac Graecorum et Latinorum cedro, quae ex iuniperorum genere est, satis dictum ad lib. VII, 43 et Ge. II, 443. Cf. Victorius in lib. 38, 4.

139—181. Pallantis corpus adductum a patre Evandro cum planctibus excipitur. Redit narratio ad vs. 29-98. — Ad 142. 3 Servius multa negatur tamquam ex antiquitate Romana. Refert h. l. poeta ingeniose ad

veterem Arcadum morem, quod Romanis solenne erat, ut faciebant et cereis accensis pompam funebrem ad rogum ducerent. Omnino nocturno tempore exsequias facere mos erat: quod tamen in nobilium funeribus non aequè obtinuisse inde colligas, quod pro rostris laudationes habebantur. Cum facibus fortasse etiam mos fuit ut obviam progredierentur mortuis, qui ex praeliis reportabantur. — 145. Comparant Il. u, 707 sqq. — 146. *succedere tectis* h. l. ingredi urbem. — 147. *incendunt clamoribus urbem*, clamores per urbem magnos faciunt. V. ad X, 895.

152, 153. Turbata oratio dolore loquentis. Si vera est lectio, ita ut fecimus, interpungenda et sic ex-



Cautius ut saevo velles te credere Marti  
 Haud ignarus eram, quantum nova gloria in armis  
 Et praedulce decus primo certamine posset. 155  
 Primitiae iuvenis miserae! bellicae propinqui  
 Dura rudimenta! et nulli exaudita deorum  
 Vota precesque meae! tuque, o sanctissima coniunx,  
 Felix morte tua neque in hunc servata dolorem!  
 Contra ego vivendo vici mea fata, superstes 160  
 Restarem ut genitor. Troum socia arma secutum  
 Obruerent Rutuli telis! animam ipse dedissem,  
 Atque haec pompa domum me, non Pallanta, referret!  
 Nec vos arguerim, Teuceri, nec foedera nec, quas  
 Iunximus hospitio, dextras; sors ista senectae 165  
 Debita erat nostrae. Quod si inmaturo manebat  
 Mors natum: caesis Volscorum millibus ante  
 Ducentem in Latium Teucros cecidisse iuvabit.  
 Quin ego non alio digner te funere, Palla,  
 Quam pius Aeneas et quam magni Phryges, et quam 170  
 Tyrrhenique duces, Tyrrhenum exercitus omnis.  
 Magna tropaea ferunt, quos dat tua dextera leto.

plenda est: Non hoc promiseram mihi in discessu! (contra promiseram discrimini se committere nolle) ut velles, utinam voluisses, credere te Marti, pugnae, periculo cautius! Etiam in seqq. sententiae abruptae dolorem arguunt. — 156. *Primitiae iuvenis*, iuvenilis virtutis, factorum. — *belli propinqui*, finitimi ac nimium vicini, quo Pallas mitti posset; ut Serv. — 160. *vivendo vici mea fata*. Simpl. accipio: vitam protraxi longius, quam natura ferre videbatur; mihi igitur ipse supervixi, ut pater superstes essem nato. *fata* pro morte, quam ex naturae lege maturius et ante filium pareos subire debuisset. — 162. *Obruerent*; utinam

me ipsum obruissent! — 166. *Quod si, si tamen. Solari se ipsum incipit.* — 167. *Volscorum*: ut poëta omnino pro hostibus dixit: nam Rutulis et Latinis aderant Volsci, duce Camilla: VII, 803. *iuvabit, iuvet, iuvato*: solatio esto, filium non cecidisse nisi aditu iam Troianis in Latium patefacto, per praelium secundum. — 172. *Ferunt illi Tyrrheni et Troiani tropaea* (v. 83, 84) h. e. spolis eorum, quos dat, dedit, tua dextera leto. Alit Evander insignias se suus filio parare haud posse quam hoc ipsum, quod ducitur, spolis hostium caesorum tantquam pompa funebri ductis; quibus accessuræ fuissent Turni exuviae, si Pallantis vires ani-

Tu quoque nunc stares inmanis truncus in armis,  
 Esset par aetas et idem si robur ab annis,  
 Turne. Sed infelix Teucros quid demoror armis? 475  
 Vadite et haec memores regi mandata referte:  
 Quod vitam moror invisam, Pallante peremto,  
 Dextera caussa tua est, Turnum gnatoque patrique  
 Quam debere vides. Meritis vacat hic tibi solus  
 Fortunaeque locus. Non vitae gaudia quaero, 480  
 Nec fas: sed nato Manis perferre sub imos.

Aurora interea miseris mortalibus almam  
 Extulerat lucem referens opera atque labores.  
 Iam pater Aeneas, iam curvo in litore Tarcho  
 Constituere pyras: huc corpora quisque suorum 485  
 More tulere patrum; subiectisque ignibus atris  
 Conditur in tenebras altum caligine coelum.  
 Ter circum adcensos cincti fulgentibus armis

num equasseot. — 473. *Esset tropaeum*, Turco, pro tropaeum de te esset factum. V. ad v. 16. — *truncus in armis* est armis indutus: docte, ut multa huius formae. IX, 584, *stabat in armis* pro armatus. *equitem in armis* 164. Cf. ad V, 37. — 474. Si fuisset par aetas et robur Pallanti. — 475. Quid vos retineo ab armis, a bello proseguendo? — 477. Vitam mihi adeo invisam esse necesse est, ut eam quocunque modo abrumpam. Vt tamen eam tolerem, causa est *dextera tua*: spes de virtute tua, qua Turni caede Pallantis mei mortem es ulturus. Haec *dextram*, haec ultionem debes patri filioque. — 479, 480. *hic solus locus vacat*, relictus est, *tibi meritis*, ad merita, ut de me merearis, et *fortunae*: haec una ratio est, qua et tu mereri de me et fortunae ego aliquid debere possim. — 481. *sed quaero*, in votis habeo,

*nato perferre*, nuntiare (sc. hoc, de Turno sumtam esse poenam) *Manes sub imos*, ut IV, 387, io morte, quam sibi brevi obeundam esse auguratur. Vnum illud paullo durius est, quod *perferre* absolute pro *perferre nuntium* dictum est.

482—202. Tolluntur utriusque caesi et comburuntur; primoque loco Troiaei. *miseris*, δειλοῖσι βροτοῖσι, sc. propter hoc, quod sequitur: *referens iis opera atque labores*. — 484. Io sqq. ritus funebres aevi heroici expressit, quos ex Homero illustret, qui volet, Iliad. η, 420-432. ψ pr. ad 27; 410 ad 257. ω, 777 sqq. Od. ω, 57. Alios suctores dabo ut Guell. et Cerda. Etiam singulos versus comparant Intpp., qui tamen illustratione hac non indigere videntur. — 486. *ignibus atris*, propter fumum, non aliter; patet ex altero versu, ubi *caliginem* vocat. — 489. Vi oppositi decurrere ad pedites

Decurrere rogos ; ter maestum funeris ignem  
 Lustravere in equis ululatusque ore dedere. 190  
 Spargitur et tellus lacrimis , sparguntur et arma.  
 It coelo clamorque virum clangorque tubarum.  
 Hinc alii spolia occisis derepta Latinis  
 Coniiciunt igni ; galeas ensisque decoros  
 Frenaque ferventisque rotas ; pars munera nota , 195  
 Ipsorum clipeos et non felicia tela.  
 Multa boum circa mactantur corpora Morti ;  
 Saetigerosque sues raptasque ex omnibus agris  
 In flammam iugulant pecudes. Tum litore toto  
 Ardentis spectant socios semiustaque servant 200  
 Busta , neque avelli possunt , nox humida donec  
 Invertit coelum stellis fulgentibus aptum.  
 Nec minus et miseri diversa in parte Latini  
 Innumeras struxere pyras et corpora partim  
 Multa virum terrae infodiunt avectaque partim 205  
 Finitimos tollunt in agros urbique remittunt.

spectare videtur. Prælium in hoc decursu Apollon. I, 1059, IV, 4535. Cf. Tacit. Annal. II, 7. — 191. Ex II. φ, 45 : nec fidem excedere visa est res veteribus humum humectari lacrimis, nam promo ac demisso vultu incedentium lacrimae in solum cadunt. — 192. *clangor tubarum*. Tubas ex suo aevo adscivit Maro. — 195, 196. Alii arma nota, h. e. quibus populares, Troiani, mortui usi erant, in ignem coniiciunt : ea sunt munera, quia proprie sic dicuntur omnia, quae ad honorem funebrem spectant : non felicia, quibus se defendere nequiverunt, ut Serv. — 197. *Morti* tamquam deae. Sic Servius quoque, qui laudet similia loca, Statii IV Theb. 528. Lucan. VI, 600. Notabile iamen hoc : alias Orco vel Manibus et Infe-

ris victimas haec mactari solent. — 202. Vague ad auroram : ad sensus errorem dictum, postarum more, ac si per noctem coelum circumagatur ab occidente versus orientem : cf. II, 250, 251. Sicque II. φ, 454, 226 sq. ω, 788 sq. Interdum struitur rogos nec accenditur nisi vesperi : ardet per noctem. Altero die vel tertio, ut h. l. v. 210, ubi rogos refrigerat, legebantur cineres. — De v. 202 *coelum stellis aptum*, h. e. stellas habena coelo aptas, insertas, vidimus iam IV, 482.

204, 205. De industria haec memorasse videtur, quoniam in Italia semper variavit sepultura, modo crematione modo humatione in usum recepta : prout vel ipsa silvarum copia vel inopia suadebat. Sic apud Roma-

Cetera confusaeque ingentem caedis acervum  
 Nec numero nec honore cremant; tunc undique vasti  
 Certatim crebris conlucent ignibus agri.  
 Tertia lux gelidam coelo dimoverat umbram: 210  
 Maerentes altum cinerem et confusa ruebant  
 Ossa focis tepidoque onerabant aggere terrae.  
 Iam vero in tectis, praedivitis urbe Latini,  
 Praecipuus fragor et longi pars maxima luctus.  
 Hic matres miseraeque nurus, hic cara sororum 215  
 Pectora maerentum puerique parentibus orbi  
 Dirum execrantur bellum Turnique hymenaeos;  
 Ipsum armis ipsumque iubent decernere ferro,  
 Qui regnum Italiae et primos sibi poscat honores.  
 Ingravat haec saevus Drances solumque vocari 220  
 Testatur, solum posci in certamina Turnum.  
 Multa simul contra variis sententia dictis  
 Pro Turno; et magnum reginae nomen obumbrat;  
 Multa virum meritis sustentat fama tropaeis.

nos; sic apud Etruscos, *avecta tollunt*, ornate, avehunt: sc. sublato in currum. *urbi*, Laurento. — 207. *caedis*, caesorum. — 208. *ne cum numero*, numero non inibi, *ne cum honore*, quia indiscrete nec singulis singuli regis cremantur: quod honorificum fuisset. Nisi expeditius est substituere: caesorum, qui nec numero erant, nec in honore. *In numero habentur*, in numero sunt, qui vulgo in numero aliquo esse vel haberi dicuntur. — 210 sq. V. modo ad v. 202. — *ruebant*, de cineribus crebant, pro legebant. *focis*: audacter pro pyris. — 212. *tepidus*: translate, cui tepida ossa inferebantur.

213. Impeditus locus et mendo laborare visus. Et sane in tectis... urbe

*Latini* scabra videtur esse oratio: ut Latinus praedives in urbe sit, multo minus placet. Potest tamen locus aliquanto iuvare distinctione et interpretatione opportuniore. Transit ab agris ad luctum in urbe: dicendum erat in tectis, h. e. domibus, urbis; hoc sic extulit: in tectis, praedivitis... urbe Latini, 215 sqq. Enumeratio miserationi apta et multis poësis frequentata. — 215, 216. Carae sorores. — 219. *primos honores*: ut praefertur in Laviniae matrimonio, cumque ea in regni successione. — 220, 221. Cf. quae supra ex Aeneo audierat Drances v. 415 sq. — 222-224. Contra etiam multae sententiae diversae erant pro Turno: cumque et regina Amata, quae ei studebat, luebat et fama magnarum rerum

Hos inter motus, medio in flagrante tumultu, 225  
 Ecce! super maesti magna Diomedis ab urbe  
 Legati responsa ferunt: nihil omnibus actum  
 Tantorum inpensis operum; nil dona neque aurum  
 Nec magnas valuisse preces; alia arma Latinis  
 Quaerenda aut pacem Troiano ab rege petendam. 230  
 Deficit ingenti luctu rex ipse Latinus.  
 Fatalem Aenean manifesto numine ferri,  
 Admonet ira deum tumulique ante ora recentes.  
 Ergo concilium magnum primosque suorum  
 Imperio adcitatos alta intra limina cogit. 235  
 Olli convenere fluuntque ad regia plenis  
 Tecta viis. Sedet in mediis et maxumus aevo  
 Et primus sceptris, haud laeta fronte, Latinus.  
 Atque his legatos Aetola ex urbe remissos,  
 Quae referant, fari iubet et responsa reposcit 240  
 Ordine cuncta suo. Tum facta silentia linguis,  
 Et Venulus dicto parens ita farier infit:  
 Vidimus, o cives, Diomede Argivaeque castra  
 Atque iter emensi casus superavimus omnis

gestarum sustentabal. obumbrat eum, tuctur, defendit, ut Serv.

225 sq. Insuper, super haec omnia, legati redeunt ad Diomedem Argyrippam missi. Vide lib. VIII, 9 sqq. — 232, 233. ita deum (propter adversam belli fortunam; unde etiam subiicitur: *tumuli ante ora recentes*) admonet numine manifesto, clara voluntatis deorum significatione, ferri (esse) Aeneam fatalem: fata ei aedem in Latio esse destinata. — 235. Comparant locum de simili concilio Iliad. β, 51 sqq. et ad va. 239 sqq. renuntiationem legatorum Il. ζ, 667 sqq. — *imperio adcitatos*, cum iis imperatum esset, ut venirent.

— 238. *primus sceptris*, imperio et dignitate, inter reges ac duces copiarum, qui auxilio venerant. *sceptris* pro sceptro.

242-295. Narratio magna cum arte contexta, ut, quidquid Latinis expectationem auxilii fecisset, in contrarium verum omnem spem praecideret, contra vero poenitentiam belli suscepti moveret; Diomedes meliora ac edoctum professus, infausta Archivorum fata in reditu a Troia, commendatio Aeneae ab ipso hoste et exhortatio ad pacem ineundam.

243. *Diomede*, accus. graec. Διομήδης, Διομήδης. *Argiva Castra* pro urbe Argyrippa, ut toties novam Tro-

Contigimusque manum, qua concidit Iliæ tellus. 245  
 Ille urbem Argyripam, patriæ cognomine gentis,  
 Victor Gargani condebat Iapygis arvis.  
 Postquam introgressi, et coram data copia fandi:  
 Munera praeferimus, nomen patriamque docemus;  
 Qui bellum intulerint, quæ caussa adtraxerit Arpos. 250  
 Auditis ille hæc placido sic reddidit ore:  
 O fortunatæ gentes, Saturnia regna,  
 Antiqui Ausonii, quæ vos fortuna quietos  
 Sollicitat suadetque ignota lacessere bella?  
 Quicumque Iliacos ferro violavimus agros 255  
 — Mitto ea, quæ muris bellando exhausta sub altis,  
 Quos Simois premat ille viros —, infanda per orbem

ism Troianorum castra diæta vidimus. — 245. *Contigimus manum* ad dextram datam refer, hospitii et amicitiae pignus; ut VIII, 124 in accessu ad Evandrum. *Iliæ tellus*, Ilium urbs, ut Iolles *gens, urbs, terra*, poëtis permutantur; ut mos v. 216. — 246. *patriæ cognomine gentis*, h. e. urbis, Argos Ippium in Peloponneso designat, cuius nomine novam in Apulia s. Daunia conditam urbem a Diomede appellatam tradidit antiquitas; ut corrupto eo nomine postea Argyrippa facta sit, et nunc *Argyripa*, tandemque *Aspi*. patriam autem gentem seu urbem Argos appellat poëta improprie; fuit enim Diomedes Aetolus: sed Adraiti filia, Aegialeæ, ducta in regno Argivorum successerat. Cf. vs. 269. — *Victor*, armis cum Danio adversus Messapios iunctis, conditione preposita, ut pro auxillis latis agri portem acciperet. V. Antonin. Liberal. Met. e. 37. — *Gargani Iapygis*, Iapyx pro Iapygius, ut tot alia. Etiam in Ovidio, qui h. l. expressit, Met. XIV, 458 *Dionus La-*

*pyx* occurrit. Patuit autem Iapygiæ nomen latius et ad Apuliam, Calabriam et Messapiam pertinuit. *arvis Gargani*: paullo latius, in tractu terrarum, quæ ad eum montem (nunc *Monte di S. Angelo*) pertinent. — 252, 253. *Saturnia regna*, quibus olim Saturnus regnavit; et hoc respectu fortunatæ, cf. VIII, 324, 325. — *Antiqui Ausonii*: ab Ausonibus enim oriundi sunt Latini, et ipsi Ausonum pars. *Ausonios* autem, sc. viros, populos, dixit ut poëta pro Ausoniis. Sic *Phrygiæ viri* XI, 677 cf. VII, 39. — 254. *lacessere bella* ut: movere bellum, monitum iam ad X, 10. *ignota*, pro bello dubio et incerti exitus, nisi diseris, cum ignota gente. — 256, 257. Ne memorem, ut omittem, ea, quæ urbe expugnanda ab Achivis tolerata sunt: quot viri in locis illis circa Simoëntem occubuerint. *Simois ille*, eum execratione, premat sc. mersos. Similiter I, 100: ubi tot Simois correpta sub undis. Scuta virum galeaque et fortia corpora torquet. Vbi iam laudatus locus, quem

Supplicia et scelerum poenas expendimus omnes,  
 Vel Priamo miseranda manus: scit triste Minervae  
 Sidus et Euboicae cautes ultorque Caphereus. 260  
 Militia ex illa diversum ad litus adacti,  
 Atrides Protei Menelaus adusque columnas  
 Exsulat; Aetnaeos vidit Cyclopas Vlixes.  
 Regna Neoptolemi referam versosque Penatis

rescepit poeta, *Ilid.* μ, 22 sq. Adde *Od.* γ, 107-117. — 258. *Supplicia et poenas*: atrocibus vocabulis utitur pro malis et aerumnis, quasi hae pro poena eiaciis Ilii fuerint: et ante violavimus diserat, tamquam in sacrilegio. — 259. Servius laudat Pacuvii illud: *Si Priamus adesset, et ipse eius commiseresceret*. Vides, quae brevitae sententiam complexus Maro vibraverit! Color aliqui orationis multis frequentatus. Exempla collegit Cerdà, Ovidius XIV Met. 474, ubi totum hunc locum ante oculos habet: *Graecia tam potuit Priamo quoque flenda videri*. Et ipse Maro II, 6, 7: *Quis talia fando Temperet a lacrimis*. — triste *Minervae sidus*. Iocipit Servius aut quisquis eius nomen mentitur, quando arietem et manubias Minervae, h. e. fulmina, memorat. Cerdà de face a Nauplio, Palamedis patre, in fraudem Graecorum elata accipit *sidus Minervae*: non magis commode. Alii aliter. Quod simplicissimum est, hoc tenebimus. Tempestates ortas per siderum ortus et occasus declarare perpetuus poetarum usus est. Tempestas, qua Achivorum classis disiecta est, Minervae ira (cf. lib. II, 163 sqq.: I, 39 sq.) fuit concitata; v. *Od.* α, 326, 327; in primis γ, 134, 135 sqq. Nihil igitur magis in promptu, quam tempestatem a Minerva commotam *sidus Minervae* appellari, nullo respectu alio habito.

Sane quidem Solinus c. 111 *Caphereus prominet in Hellespontum, ubi post Ilii excidium Argivam classem vel Minervae ira, vel, quod certior prodit memoria, sidus Arcturi gravibus affecit casibus*. Sed sub Arcturi ortum non dilata est Achivorum navigatio, quippe aestata facta: verum sub etesiarum aquilonum ortum, ultorque *Caphereus*: promontorium Euboeae versus orientem, ε Καρπυς et Καρπύς, propter latentia subunda saxa et vortices marisque aestum, in primis propter naufragia Graecorum a Troia redeuntium infame. ultor omnino ornat, tamquam calamitosum saxum; nisi placeat ad Alacis Oilei naufragium referre, quo Minerva eum ulta est: I, 39 sq. cf. Propert. IV, 1, 14 sq. Multa congescit Lennep. ad Phalar. Epp. p. 89.

262. *Atrides*, Menelaus: de culus erroribus v. *Odys.* δ, 81 sqq. 351 sqq. adusque *Protei columnas*: novavit paullo audacius poeta pro finibus Aegypti, nam Proteus ad Pharam insulam sedem habebat, ut ex *Od.* I. c. 351, 354 satis constat: sed, ut maiore animi phantasmate percuteret, *columnas* dixit *Protei*, ut extremas terrae plagas significaret; quemadmodum *Herodis columnas* extremas versus occidentem terras dicere mos est. exsulat: simpl. errat. Male aliter Serv., Cerdà. — 264. *Regna Neoptolemi*. Novum regnum Pyrrhi

Idomenei? Libycone habitantes litore Locros? 265  
 Ipse Mycenaëus magnorum ductor Achivum  
 Coniugis infandae prima intra limina dextra  
 Oppetiit; devictam Asiam subsedit adulter.  
 Invidisse deos, patriis ut redditus aris  
 Coniugium optatum et pulcram Calydonā viderem! 270  
 Nunc etiam horribili visu portenta sequuntur,  
 Et socii amissi petierunt aethera pennis,

in Epiro, v. III, 296-319. — *veras Penates Idomenei*, eversam domum et regnum; v. lib. III, 421 sq. ibique notam. — 265. *Libycone habitantes litore Locros*. Memorari hoc alio loco non memini: sed Maro habere potuit ex Νόρροϋ seu epicis illis eaminibus, quae in Achivorum a Troia redeuntium caibus versabantur, qui tamen, quantum scimus, nihil afferunt. Certe Aiacei Oilei comites Locros, delatos in littora Africae, in his locis concessisse tradidisse olim videntur nonnulli nobis prorsus ignoti, quos tamen posita h. l. sequitur. Ita ap. Pindar. P. 5, 110 Antenoridae cum Helena et a Lydmacho Menelaus cum Helena Cyrenes loca adliata narrati erant Sch. Lycophr. 874. Varias in Servianis portas Africae a variis memorantur, sed incerta fide. Alii ex Locris his in Brutiis considerant. vid. lib. III, 399 cf. ibi Serv. — 266-268. De Agamemnone, qui Clytemnestrae et Aegisthi insidiis perit. *prima intra limina* puta dictum pro in primo statim limina, h. a. primum aedium ingressu, cum vis domum intrasset. Servius: in ipso limine imperii, id est, in littore: quod non placeat. Sed nec ad locum aedium referre licet, ut in atrio occisus sit: etsi convivia in celebriori aedium loco habebantur, inter quae caesus

ille fuit. v. Odys. λ, 408 sqq. — 268. Victorem Troiae subsedit i. e. excepit insidiis adulter. Magnifice verbis ornatum! *Subsidere* de insidiis elegans vocabulum; ex quibus ex improvviso adoritur quis, invadit et interceptum rem. — 269, 270. *Invidisse deos*, sc. an referam! — *Calydonā viderem*. Hic sui non satis memor fuit Maro. Argos redire Diomedes debuit, quibus regnabat, unde copias eduserat et ubi Aegialeus usor degebat, non Actoliam, unde genus ducebat: in primis cum v. 243 *Argiva castra* memnisset. Etiam Homerus Odys. λ, 480, 481, 482 reditum ad Argos diserte memorat. Rectius Ovidius, quem haec ante oculos iam supra monuimus, XIV Met. 470: *Patriis sed rursus ab Argis Pellor* (Quum Virgilius tum Cyclicis et Tragicis poetis usus sit ideoque non in omnibus Homerum probaverit, tum multis de Diomede carminibus aliisque fontibus mythicis, nunc prorsus deperditis uti potuerit, nec verisimile sit Maronem h. l. toto caelo, ut aiunt, errasse; statuere licet eum, illa de Aegialeus cum Cumate perpetrato adulterio fama h. l. reiecta, aliam nescimus unde haustam narrationem praetulisse. R.)

271-274. Aves Diomedae, certum avium genus in insulis Diomedis



Fluminibusque vagantur aves (heu dira meorum  
 Supplicia!) et scopulos lacrimosis vocibus implent.  
 Haec adeo ex illo mihi iam speranda fuerunt 275  
 Tempore, quum ferro coelestia corpora demens  
 Adpetii et Veneris violavi vulnere dextram.  
 Ne vero, ne me ad tales inpellite pugnas.  
 Nec mihi cum Teucris ullum post eruta bellum  
 Pergama; nec veterum memini laetorve malorum. 280  
 Munera, quae patriis ad me portatis ab oris,  
 Vertite ad Aenean. Stetimus tela aspera contra  
 Contulimusque manus: experto credite, quantus  
 In clipeum adsurgat, quo turbine torqueat hastam.  
 Si duo praeterea tales Idaea tulisset 285  
 Terra viros; ultro Inachias venisset ad urbes  
 Dardanus et versis lugeret Graecia fati.  
 Quidquid apud durae cessatum est moenia Troiae,  
 Hectoris Aeneaeque manu victoria Graium  
 Haesit et in decumum vestigia retulit annum. 290

conspici solitum, quae littori Apuliae contra montem Garganum obiacent: Aves has in iis locis adhuc frequentes *Artenas* appellant. *Procellariam Puffinum* Linn. esse aiunt. — 275. *speranda*, metuenda, ut toties, vel simpl. cogitatione praecipienda, expectanda. Conf. IV, 419 (Vauu huius verbi in quacumque lingua occurrere, ut in graeco, ἀπαιτῶν etc. cuique observanti clarum esse potest. R.) — 276, 277. Iugeniore repetiit ex II. s., 330 sqq. cf. X, 29. Adde Ovid. XIV Met. 477, 478. — 282, 283. Congressi Diomedes et Aeneas (II. s., 239 sqq. cf. ad Aen. 96) singulari certamine; sed in praeliis hoc saepius factum ponere licet poetæ. — 283, 284. *quantus in clipeum assurgat*. De eo, qui gladio infert vulnus, alias

dictam vidimus: *assurgere*, vel *insurgere*, erigi, in ictum, in hastam, in enses; at h. l. in clipeum, quia elato in altum clipeo hastam rotatam vibrat: namque is naturalis motus est et ad corpus tuendum valet; idem motus speciem corporis et virium ad phantasiam revocat. Nil expediunt Serv. et Cerda. — 285. Color idem qui in pulcherrimis veras. II. β. 371-374. — 287. *Dardanus* pro Dardanius: ut IV, 662, et hoc pro Dardaniis, Troianis; utrumque ex poetarum more. Etiam Pindar. Nem. γ, 406 ἀρπάζων. et II. β, 704 Δάρδανος ἀνὴρ. — 288. *quicquid*, quantum, ἐπ' ὅσον, per omne tempus, per quod cessatum est; quae mora excidii facta: *haesit*; retardata est, substitit victoria Achivorum et *retulit vestigia*, relapsa est ideoque

Ambo animis, ambo insignes praestantibus armis;  
 Hic pietate prior. Coëant in foedera dextrae,  
 Qua datur: ast armis concurrant arma cavete.  
 Et responsa simul quae sint, rex optume, regis  
 Audisti et, quae sit magno sententia bello. 295

Vix ea legati: variusque per ora cucurrit  
 Ausonidum turbata fremor, ceu, saxa morantur  
 Quum rapidos amnis, sit clauso gurgite murmur  
 Vicinaeque fremunt ripae crepitantibus undis.  
 Vt primum placati animi et trepida ora quierunt, 300  
 Praefatus divos solio rex infit ab alto:

Ante equidem summa de re statuuisse, Latini,  
 Et vellem, et fuerat melius; non tempore tali  
 Cogere concilium, quum muros adsidet hostis.  
 Bellum importunum, cives, cum gente deorum 305  
 Invictisque viris gerimus: quos nulla fatigant  
 Proelia, nec victi possunt absistere ferro.  
 Spem si quam adscitis Aetolum habuistis in armis,

dubis et ineerta fuit, Hectoris et Aeneae opera: cf. IX, 455 et ibi not. Hectorem autem et Aeneam Troianorum fortissimos ipse Homerus pronuntiavit, II. p. 513. cf. II. 2, 467, 468. — 295. *quae sit magno sententia bello.* bello, paulo durius seu tertio casu, quod ad bellum attinet, seu pro: de bello.

296 sqq. Solleonis haec comparatio: praeeunte Homero II. β, 144 sqq., ubi non minus est ornatus; sed Maro phantasma variavit; pro mari flumen posuit. Aliter tractaverit lib. X, 96-99. *clauso gurgite*, praeccluso aquarum cursa saxorum obiectione. — 301. *Praefatus divos*, praeculare, more antiquo (cf. Serv.) etiam a Romanis aevulo in Senatu et Comitiorum habitorum catus factis verbis,

302. Ingenium placidum et mite cum prudentia senili praeculare hac oratione elucescit. Latinus de bello temere suscepto conquestus et spe omni melioris fortunae deiectus pacem susdet cum Aenea ineundam. — *statuisse*, pro vellem nos deliberasse. Nam bellum aggressi sunt Latini tumultuario modo, eum nihil ipse rationibus, quibus dissuadebat, efficeret, VII, 591 sq. — 304. *cum muros adsidet hostis.* Facile intelligitur rhetorico more (ideoque hyperbolice, ut ἱπὶ τείχεα, προστείχεα, e. e. Aeschyl. Suppl. 696. R.) hoc dici factum, quod minantur Troiani facere. — 305. *gente deorum*, οὖν πᾶσι θεῶν: Aenes. — 307. Vocat huc Homericum μάχης ἀνίστατο II. v, 639. v, 117. *possunt absistere* i. simp. pro abastant, i. pro

Ponite: spes sibi quisque. Sed, haec quam angusta, vi-  
 Cetera qua rerum iaceant perculsa ruina, (detis.  
 Ante oculos interque manus sunt omnia vestras.  
 Nec quemquam incuso. Potuit quae plurima virtus  
 Esse, fuit. Toto certatum est corpore regni.  
 Nunc adeo, quae sit dubiae sententia menti,  
 Expediam et paucis (animos adhibete) docebo. 315  
 Est antiquus ager Tusco mihi proximus amni,  
 Longus, in occasum, finis super usque Sicanos;  
 Aurunci Rutulique serunt et vomere duos  
 Exercent collis atque horum asperrima pascunt.  
 Haec omnis regio et celsi plaga pinea montis 320

non sustinent, non serunt animu,  
 non possunt sibi temperare, ne re-  
 bellent. — 309. *Spes sibi quisque.*  
 Nunc nunc quemque in se omnem  
 spem repositam habere necesse est:  
 non alienam opem expectare. Pergit  
 iode: Sed haec ipsa spes, quam in sua  
 quisque virtute sitam habet, quam sit  
 exigua, videtis. Nam reliqua omnia  
 quam afflicta sint, ante oculos et inter  
 manus vestras est: h. e. oculis ma-  
 nibusque tenetis, tamquam quod cer-  
 tissimum est: Graece, *πρόχειρόν ἔστι*  
 (Metrica difficultas nulla est in *Po-  
 nite: spes.* cf. post Voss. de Analog.  
 II, 15. Hieronymi de Bosch (prae-  
 ad Ej. Poemata, Vltaj. 1803), qui  
 docuit brevem syllabam etiam ante  
 ac, sp, et corrumpi. Etiam in classical  
 journal part. I. eadem sententia multis  
 exemplis demonstrata est contra Da-  
 wesium, Brunckium aliosque. Versus  
 est geminus. R.) — cetera: bene  
 Servius: absolute dixit, id est: exer-  
 citum, auxilia, vires imperii. Scilicet  
 copias intelligit ad bellum gerendum  
 necessarias. Pro explicitione sunt v.  
 419, 420 Turni verba: *opes, intacta  
 iuventus, auxilia.* 312. *quae plurima,*

h. e. quanta maxima. *ὅση πλάσση.* —  
 313. *corpore regni,* pro viribus, co-  
 piis, cf. XII, 835.

316-321. Sententiam poetæ ex ipsa  
 verbis erasmus. Snadet Latinus cedi  
 Troianis agrum ad Tiberim: quem his  
 notis designat: *est antiquus ager mihi,*  
 h. e. non nostra demum memoria oc-  
 cupatus et cultus, *longus in occasum,*  
 non quod in occasum protendatur,  
 sed quod a Lanrento in occasum spe-  
 ctat et late versus orientale Tiberis  
 litus procedit *super usque,* usque ad,  
*Sicanorum fines,* quos versus Romam  
 a poetâ poni credibile fit. Scilicet au-  
 ctores ille videtur habuisse, qui Si-  
 canos quoque ad Tiberim aliquando  
 incoluisse narrarent. Conf. VIII, 328  
 Ager hic, qui Latii pars erat, ab Au-  
 runcis et Rutulis partim colebatur,  
 partim pascebatur: v. 318, 319; ergo  
 hos Rutulos et Auruncos sub Latini  
 Imperio fuisse necesse est. Sunt in  
 hoc agro colles et tractus asperi et  
 saxosi nec nisi pascuis idonei; tunc  
 quoque pineta. Videtur hoc ad colles  
 Albanos spectare, quos ager iste at-  
 tingere debuit, quando quidem lidem  
 omnino agrum Laurentem finiebant.

Cedat amicitiae Teucrorum, et foederis aequas  
 Dicamus leges sociosque in regna vocemus:  
 Considant, si tantus amor, et moenia condant.  
 Sin alios finis aliamque capessere gentem  
 Est animus poscuntque solo decedere nostro: 325  
 Bis denas Italo texamus robore navis,  
 Seu pluris complere valent: iacet omnis ad undam  
 Materies; ipsi numerumque modumque carinis  
 Praecipiant; nos aera, manus, navalia demus.  
 Praeterea, qui dicta ferant et foedera firment, 330  
 Centum oratores prima de gente Latinos  
 Ire placet pacisque manu praetendere ramos;  
 Munera portantis aurique eborisque talenta  
 Et sellam regni trabeamque insignia nostri.

Sunt in his omnia, puto, satis expe-  
 dita. Servius recte refellit Donatum,  
 qui ad agros circa Videntem fl. in  
 Volscia haec referebat; etsi, quod  
 miror, Cluverius Donati sententiam  
 amplectus est, Ital. ant. pag. 789. Ha-  
 buit autem poeta auctoritatem, quam  
 in his sequebatur, Catulla, qui, ut  
 apud Servium legitur, in Originibus  
 narraverat Troianos a Latino accepisse  
 agrum, qui esset inter Laurentum et  
 castra Troiana, iugerum DCC. Domi-  
 tius lib. I historiae suae D iugera edi-  
 derat, auctore Victore O. G. R. c. 42;  
 quem numerum ea Hemina quoque  
 repetit Solinus c. 8. Stadiorum XL  
 agrum a colle, cui Lavinium im-  
 positum, quaquaversus patentem per  
 foedus cum Latino pactum cessisse  
 Troianis memoraverant alii apud Dio-  
 nys. I, 59. At apud Appian. lib. I  
 pr. Faunus Martia I, cum filia Lavi-  
 nia Aenese CCCC stadiorum agrum  
 in circuitu dat. Ne de iugerum nu-  
 mero parum laborare facile intelliges,  
 hoc volebam, ut constaret fuisse sa-

mam antiquam, quam in rem suam  
 vertit ac traduxit Maro. Quod tandem  
 Latinus ait *sibi esse agrum* v. 316,  
 potest hoc, si quia ita velit, proprie  
 accipi, ex vetere vita, qua regibus  
 assignata erat agri portio, *τίμαρος*,  
 ut vel ex Homero notum, II. μ, 343.

324. *aliam gentem*: iterum pro  
 terra. — 327. *complere* proprium vo-  
 cabulum de sociis ac copiis navalibus;  
 ut *πλήρωμα*. — 328. *modus*. ratio  
 aedificandi. — 329. *navalia*, res na-  
 vales, ceram, funes, vela et alia hu-  
 iusmodi. *Serv.* nam *materiem* iam  
 memoraverat. *manus*, operas (male  
 aliter alii). — 331. *prima de gente*,  
 primis de gentibus, ea nobilitate. —  
 332. *pacis ramos*: v. 401. — 333.  
*auri talenta et eboris sellam*: quia cre-  
 dat poetam sic implicita inter se col-  
 locasse? hanc figuram absurdam chia-  
 smum grammatici vocant. Immo vero  
*eboris talenta* simpliciter ad pondus et  
*copiam* referenda sunt. — 334. *Sella*  
*curulis et trabes* insignia imperii, et  
*inter munera* miti solita, apud Ro-

Consulite in medium et rebus succurrite fessis. 335

Tum Drances (idem infensus, quem gloria Turni  
Obliqua invidia stimulisque agitabat amaris,  
Largus opum et lingua melior, sed frigida bello  
Dextera; consiliis habitus non futilis auctor,  
Seditione potens; genus huic materna superbum 340  
Nobilitas dabat, incertum de patre ferebat)  
Surgit et his onerat dictis atque aggerat iras:  
Rem nulli obscuram nostrae nec vocis egentem  
Consulis, o bone rex. Cuncti se scire fatentur,  
Quid fortuna ferat populi; sed dicere mussant. 345  
Det libertatem fandi flatusque remittat,  
Cuius ob auspiciu infaustum moresque sinistros  
(Dicam equidem, licet arma mihi mortemque minetur)  
Lumina tot cecidisse ducum totamque videmus  
Consedisse urbem luctu: dum Troia tentat 350

manos, Albanos, Etrascos, ideoque  
h. l. recte et apud Latinos.

336. Observemus nunc τὸ δῖα νικῶν,  
quod poeta carmini suo novu exemplo  
inseruit ad Tragicorum, ut disimus,  
morem. Characterem orationis, quem  
expectes, ipse poeta in Drance in-  
genio describendo declarasse putan-  
dus est. Moderationem ab initio vides  
simulatam et insidiosam, mox in ca-  
villationes et incusationes Turni modo  
tectus modo manifestas erumpentem.  
Male ingeniosi nonnulli in Drance  
Ciceronem, ut in Turno M. Anto-  
nium, quaevisse. Vrsinus in Drance  
Polydamantem H. μ., 210 sqq., Ma-  
crobius V, 2 Achillem redhibitum  
volebant: utrumque nimis sedulo. Di-  
ceret saltem aliquid, qui Thersiten  
ex Iliad. β, 212 sqq. ante oculos  
fuisse contenderet; sed turpitudine  
et probro, quo ibi flagrat, liberatum.  
Et iam is ἔχθιστος Ἀχαιῶν, ut hic

*infensus, idem infensus, quem, vulgari  
modo esset, idem quem infensum.*  
Respicit vs. 422, 423. *lingua melior,*  
fortior, quam manu. At *largus opum*  
alienum ab h. l. videri potest, sive  
dives sit sive liberalis. In Turni ver-  
bis respondent 378 *largae copiae fan-*  
*di*: hoc melius. — 340, 341. Poëtam  
hoc ad ornatu excogitasse proba-  
bile est. Iulius tamen Sabinus, nescio  
unde, haec annotavit: a filius sororis  
Latini, patre rustico. — 342. *onerat*  
docte pro *auget*, *accumulat* odia in  
eum. — 345. *ferat*, postulet, petat:  
*sed dicere mussant*, cunctantur, non  
audent dicere: proprie de his, qui  
submissa ac depressa voce loquuntur;  
quod fieri potest metus causa. — 346.  
*flatus, φύσημα*, de arrogantia. Ad  
eandem et obstinatu Turni animum  
refero *mores sinistros*. ob *auspiciu*:  
auspicia et ductus belli. — 350. *Con-*  
*sedisse*, in luctu esse demersam, ut

Castra fugae fidens et coelum territat armis.  
 Vnum etiam donis istis, quae plurima mitti  
 Dardanidis dicique iubes, unum, optime regum,  
 Adicias; nec te ullius violentia vincat,  
 Quin natam egregio genero dignisque hymenaeis 355  
 Des pater et pacem hanc aeterno foedere iungas.  
 Quod si tantus habet mentis et pectora terror:  
 Ipsum obtestemur veniamque oremus ab ipso;  
 Cedat, ius proprium regi patriaeque remittat.  
 Quid miseros toties in aperta pericula civis 360  
 Proiciis, o Latio caput horum et caussa malorum?  
 Nulla salus bello; pacem te poscimus omnes,  
 Turne, simul pacis solum inviolabile pignus.  
 Primus ego, invisum quem tu tibi fingis, et esse  
 Nil moror, en! supplex venio. Miserere tuorum, 365  
 Pone animos et pulsus abi. Sat funera fusi  
 Vidimus, ingentis et desolavimus agros.  
 Aut, si fama movet, si tantum pectore robur

bene Serv.: ut οὐρανὸν, proprie de  
 flamma et cinere. Sic II, 624, consi-  
 dere in ignem Ilium. it. IX, 445. Iam  
 ad fortunae casus translata: collabi,  
 concidere, lacere calamitate, dolore.  
 Nimis tenue est, quod alii volunt  
 totam urbem sedere lugentem. — 354.  
 fugae fidens respicit casum Turni,  
 quo e pugna navi sivectus erat, lib.  
 X, 665 sq. — et coelum territat ar-  
 mis: isque qui provocat. Servius  
 observat, hoc nimis tumidum esse  
 nec, nisi e Dracina persona dictum,  
 gravitati Virgilii convenire. cf. ad X,  
 548. — 352. Vnum etiam, etiam h. l.  
 pro adhuc esse, Servius vult: ut  
 Terent. passim. — 353. dñoi, desti-  
 nari, promitti. — 357. Quod si, quo-  
 minus hoc facias, Turni metu tene-  
 ris. — 359 invidiose; regi, Latino,

patriaeque, populo Latinorum, remit-  
 tat ius proprium, suum, quod Lati-  
 nus Latinique in regiam puellam ha-  
 bent, ut possint matrimonio iungere  
 cui velint (Praestat fortasse, in com-  
 modum patriae: nam quid populus  
 Latinorum iuria habere potuit, patre  
 adhuc vivo, in collocanda filia Lati-  
 ni? R.) — 363. pacis pignus, Lavi-  
 niae coniugium, cum Aeneas: idque  
 unum inviolabile, certum, ad pacem  
 stabiliendam, quippe iam promissum  
 a patre VII, 268 sq. quod iam v.  
 356 pacem hanc aeterno pignore fir-  
 mes. — 364. invisum: haud dubie pro  
 inimicum, active. — 366. pulsus abi  
 ex proxime praecedentibus puti esset  
 potere te repulsam ferre. Sin sqq.  
 respicias et v. 392 animo teneas: Pul-  
 sus ego? recte erit: pugna victum te

Concipis et si adeo dotalis regia cordi est :  
 Aude atque adversum fidens fer pectus in hostem. 370  
 Scilicet , ut Turno contingat regia coniunx ,  
 Nos , animae viles , inhumata infletaque turba  
 Sternamur campis. Et iam tu , si qua tibi vis ,  
 Si patrii quid Martis habes , illum adspice contra ,  
 Qui vocat. 375

Talibus exarsit dictis violentia Turni ;  
 Dat gemitum rumpitque has imo pectore voces :  
 Larga quidem , Drance , semper tibi copia fandi  
 Tum quum bella manus poscunt ; patribusque vocatis  
 Primus ades. Sed non replenda est curia verbis , 380  
 Quae tuto tibi magna volant , dum distinet hostem  
 Agger moerorum , nec inundant sanguine fossae.  
 Proinde tona eloquio , solitum tibi ! meque timoris  
 Argue tu , Drance , quando tot stragis acervos  
 Teucrorum tua dextra dedit , passimque tropaeis 385

falere ac cedere. — 369. *dotalis regio*: dotale regnum. Sic et alibi. — 372. Expressit vulgare Graecorum ἥμαις, ἄδαρτος καὶ ἀχλαυστός ὄχλος, quasi tam viles habitū, ut proiciantur vel insepulti. Minus bene Serv. et alia aliter. — 374. *Martis*: patriae virtutis, *adspice contra* (forti animo resiste homini, ἀντιβλέπεις, ἀντορ-θίσαι, attolle oculos: conf. Bentlei. ad Horat. Od. I, 3, 48. R.) est Homericum ἀντὶς et ἀντιπρὸς, ut ἀντιπρὸς σιτιδίου Il. τ, 45.

376. Ad verba comparant. Iliad. α, 488 et lib. VII, 445, et ad vs. 378 Iliad. β, 796. Ceterum in hac Turni oratione multo etiam magis quam in altera Drancis saeculi sui ingenium artibus rhetoricis imbuti declaravit Maro. Nec quicquam in Graecia, multo minus in Homero reperiri arbitror, quod ad artem declamato-

riam propius spectet. Sed habebat Euripidem, fortasse et alios tragicos, qui in rhetoricis his dialogis ad dramaticam formam compositis praeeverant. — 360. Sed nunc non tempus est orationi in curia faciendae. — 381, 382. Magna loqueris, dum intra moenia tutus ab hoste lates, necdum murorum oppugnatio facta. *agger moerorum*: muri. Conf. X, 24, 144, nec, et dum nondum, *inundant sanguine fossae*. Vulgari modo *sanguis inundat fossas*, exquisitius *fossae inundant*, absolute, implentur, *sanguine*. — 383. Cum itaque muris adhuc hostis distinetur. *proinde* ad formam τὰν αἴτῃ, *intra*: quae cum ita sint, — *solitum tibi* eleganter variata oratione pro ut soles. Sic τὸ αὐτὸ absolute interponitur, et alia. Tacitus Ann. I, 56 *rurum illi caelo*, etc. imitari solei. Mox *quando* pro *quando-*

Insignis agros. Possit quid vivida virtus,  
 Experiare licet : nec longe scilicet hostes  
 Quaerendi nobis ; circumstant undique muros.  
 Imus in adversos ? Quid cessas ? An tibi Mavors  
 Ventosa in lingua pedibusque fugacibus istis 390  
 Semper erit ?  
 Pulsus ego ? aut quisquam merito, foedissime, pulsum  
 Arguet , Iliaco tumidum qui crescere Thybrim  
 Sanguine et Evandri tota cum stirpe videbit  
 Procubuisse domum atque exutos Arcadas armis ? 395  
 Haud ita me experti Bitias et Pandarus ingens  
 Et, quos mille die victor sub Tartara misi  
 Inclusus muris hostileque aggere saeptus.  
 Nulla salus bello ! Capiti cane talia demens  
 Dardanio rebusque tuis. Proinde omnia magno 400  
 Ne cessa turbare metu atque extollere vires  
 Gentis bis victae ; contra premere arma Latini.  
 Nunc et Myrmidonum proceres Phrygia arma tremi-  
 Nunc et Tydides et Larissaeus Achilles ; (scunt,  
 Amnis et Hadriacas retro fugit Aufidus undas. 405

quidem. — *stragis* acervos, ut *caedis* X, 245. XI, 207 pro caesorum. — 389 sq. Comparant II, α, 226, 227. *Imus*. Quin imus. Age eamus adversus hostem, ὀλλ' ἵσμεν. — 393-395. Omnia in maius aucta. *Arcadas* dixit, cum de uno duce Evandro cogitaret. Ante oculos esse potuit locus Iliad. 3, 453-456. Ad 396 *expertus* ut victum, cf. IX, 672 sq.

399. Pergit in refellendis Drancis verbis et nunc ad v. 362 *Nulla salus bello*. Cane talia, ominare hoc, nullam salutem esse bello, pugnando salvos esse nos non posse, Aeneae et tibi. Vertant dii in tuum caput ! Comparant Odys. β, 478, 479. —

400. Perge itaque, quod facis, melum de Troianis ingravare, etc. *gentis bis victae*, ab Hercule primum (cf. ad IX, 599 *Bis capti Phryges*. Adde VII, 295. II, 295 et II, 642, 643) ; contra premere, elevare, deprimere res Latinorum. — 403-405 *πρὸς τῶν* haec vel maxime, plus fortasse, quam in poëta epico feras. Auget scilicet per ironiam quod Diomedes belli societatem detrectaverat : erat is inter Graecorum principes, pro quibus *Myrmidonum* posuit, quibus solus Achilles imperabat. *Larissaeus Achilles*, v. ad lib. II, 497. — 405. H. e. et terrorem quo Diomedes audito Aeneae nomine percussus fuerit,



Vel, quum se pavidum contra mea iurgia fingit  
 Artificis scelus et formidine crimen acerbat?—  
 Numquam animam talem dextra hac (absiste moveri)  
 Amittes; habitet tecum et sit pectore in isto.  
 Nunc ad te et tua magna, pater, consulta revertor: 410  
 Si nullam nostris ultra spem ponis in armis,  
 Si tam deserti sumus et semel agmine verso  
 Funditus occidimus, neque habet Fortuna regressum;  
 Oremus pacem et dextras tendamus inertis:  
 Quamquam, o! si solitae quidquam virtutis adesset.—415  
 Ille mihi ante alios fortunatusque laborum  
 Egregiusque animi qui, ne quid tale videret,  
 Procubuit moriens et humum semel ore momordit.  
 Sin et opes nobis et adhuc intacta iuventus  
 Auxilioque urbes Italiae populi que supersunt; 420

simplifica verbis quam maxime. Poëtae populis vel regibus proprium etiam terra, fluvii tribuere solent; itaque h. l. terror ad fluvium Apuliae Ausidum translatus, phantasmate poetico. — 406. *Vel cum se.* Respicit 348 et 361. Abrupta vero oratio irati hominis transeuntis ad alia: et ei commodatum hoc *vel*, pro: Et vero etiam Annon indigna sunt, vel cum; pro, quid? quod cum. Horat. Epod. XII, 43: *Vel mea cum saevius agitat fastidia verba.* — *artificis scelus* pro artifex scelestissimus ille! contra mea iurgia, contra me obiurgantem, minantem vs. 348. Noli tamen timere.

410 sqq. Vult Turnus callido et subtili aditu ad persuadendum id, quod non audet palam dicere; melius esse interire quam pacem rogare; ut bene observavit Servius. — *tam deserti*: propter Diomedem, qui solus negavit auxilia; ut idem Serv. — 415-418. Seu turbavit affectus seu

calliditas inflexit orationem, quae sic procedere debebat: *quamquam*, nisi inertissimi essemus, debebamus illum habere fortunatissimum et fortissimum, qui etc. (h. e. etsi deberemus mortem praeferre tali dedecori). Hoc alterum transtulit ad se: *Ille mihi ante alios f.* Est autem *fortunatus laborum* (ut *lactus laborum* v. 73) felix in malis suis et calamitatibus. Nec tamen male, puto, aliquis apostrophen statueret, et distingueret: *Quamquam o! si solitae quidquam virtutis adesset* sc. quisquamne sustineret hoc facere. Tum pergit: *Ille mihi.* Sic lib. V, 495: *Quamquam o! ... sed superent, quibus hoc, Neptune, dedisti.* — 418. *humum ore momordit.* Homerice: conf. lib. X, 480, 419, 420. Respicit verba Latini 309, 310, 311. — 420. *urbes Italiae*: iterum respectu Diomedis, tamquam advenae Graeci et externi nominis. *superant, superabundant*, ait Serv.;

Sin et Troianis cum multo gloria venit  
 Sanguine (sunt illis sua funera parque per omnis  
 Tempestas!) cur indecores in limine primo  
 Deficimus? cur ante tubam tremor occupat artus?  
 Multa dies varique labor mutabilis aevi 425  
 Retulit in melius; multos alterna revisens  
 Lusit et in solido rursus Fortuna locavit.  
 Non erit auxilio nobis Aetolus et Arpi:  
 At Messapus erit felixque Tolumnius et, quos  
 Tot populi misere duces; nec tarda sequetur 431  
 Gloria delectos Latio et Laurentibus agris.  
 Est et Volscorum egregia de gente Camilla  
 Agmen agens equitum et florentis aere catervas.  
 Quod si me solum Teucris in certamine poscunt,  
 Idque placet tantumque bonis communibus obsto; 435  
 Non adeo has exosa manus Victoria fugit,

quod Burm. adstruit. — 421. *gloria* pro victoria, ut *κῆδος*. Ad sententiam comparant vs. Homerico Il. p, 361-365, et ad vs. 425 Isudatur tritum illud: *νίκη δ' ἀνὰ πύργους ἄνδρας* Il. χ, 339. Sententiam autem tritissimam tamen insubuit quomodo verbis ornaret. *Multa dies ... Fortuna locavit* Enniani versus sunt, Macrobi. VI, 2, quos ante oculos fuisse Maroni illi putat: *Multa dies in bello conficit unus; Et multi rursus fortunae sorte recumbunt. Haudquaquam quendam semper fortuna sequuta est.* In Marone dies et labor aevi, h. e. aevum, in quo labores tolerantur, multa in melius mutst. Adiecta spectant ad ornatum: *aevum varium*, in quo varia fortuna laetatur. *labor, πόρος, mutabilis*, serumna in meliorem fortunam mutari solita. *altera* (κατὰ) *luisit*, illasit, spe meliore delectos, et rursus in solido, ἐν στερεῷ, in

firmitate, integro statu antea in lubrico labantes locavit, h. e. in integro; in incolumem statum, in integrum restituit. *ludere* omnino praeter expectationem siquid inferendo, mutando: plerumque in deterius, h. l. in melius.

428, 429. Comparant Homericum: *παρ' ἱπποῖς καὶ ἄλλοις οἱ γὰρ με τιμῶσιν.* Aetolus et Arpi: 239 sq. — Messapus, de quo lib. VII, 691 sqq. et sibi. — Tolumnius augur, cf. XII, 258. — *felix* sitem, potens, opibus florens, videtur infelicitatem Diomedis respicere (Servio interprete: fortasse eius augurium, in quo ut potentissimo ita felicissimo magnam fiduciam ponebat, respexerit Turnus. R.) — 430. Parata erit gloria ipsis Latinis. — 432. De Camilla lib. VII, f. — 433. *florentes aere*, fulgentes. vs. VII, 804. — *tantumque bonis communibus obsto*: et in tantum obsum

Vt tanta quidquam pro spe tentare recusem.  
 Ibo animis contra: vel magnum praestet Achillem  
 Factaque Volcani manibus paria induat arma  
 Ille licet. Vobis animam hanc soceroque Latino 440  
 Turnus ego, haud ulli veterum virtute secundus,  
 Devovi. Solum Aeneas vocat: Et, vocet, oro.  
 Nec Drances potius, sive est haec ira deorum,  
 Morte luat; sive est virtus et gloria, tollat.

Illi haec inter se dubiis de rebus agebant 445  
 Certantes: castra Aeneas aciemque movebat.  
 Nuntius ingenti per regia tecta tumultu  
 Ecce ruit magnisque urbem terroribus inplet:  
 Instructos acie Tiberino a flumine Teucros  
 Tyrrhenamque manum totis descendere campis. 450  
 Extemplo turbati animi concussaue volgi

boni communi, commodis publicis ut, nisi solus dimicavero, concedat universa resp. — 437. *tanta pro spe*, ut solus dicar servasse resp. — 442. *Solum Aeneas vocat?* Aine Aeneam me provocare solum; vocet utique! — 443, 444. Sententiae fortassis nimis acutae ad sensum nostrum. Tres habet Servius interpretationes, quarum nulla satis commoda, etsi ad veram quodammodo ducere possint. Solus cum Aeneas vult congredi Turnus, et iam ea de causa, ne cum Drance quicum sive secundae sive adversae rei communicet, utque is et a calamitate et a felicitate sua absit. Et, *vocat Aeneas*, ut ego solus cum eo congressus de summa belli transigam: *Nec potius, sive haec ira deorum est* (ut eventus belli huius sit infestus), *Drances morte luat*, communi elade occidat, *nee, sive est virtus et gloria*, si hoc bello laudem virtutis ( $\kappa\lambda\acute{o}\varsigma$ ) et gloriam ( $\kappa\acute{\upsilon}\delta\omicron\varsigma$ ), vi-

etoriam) consequi dabitur, *tollat eam* ille, auferat hanc laudem pro sua parte (ut  $\alpha\iota\pi\epsilon\rho\theta\alpha\iota$ ); omninoque ideo nihil ille commune eum tota re habeat, sed exclusus sit a bona aeque et mala fortuna.

445 sqq. Sollerter et cum arte poetica partim deliberationum et incertorum fluctuantiumque consiliorum exitum facit non praevisum: partim instruit et praeparavit inde a 434 sq. pugnam inter Aeneam et Turnum, in qua carminis et narrationis tela erit delecta. Ad vs. 445 et 446 comparari solent vs. 304, 305 Il.  $\alpha$ . Saltem aliqua ex parte convenit  $\beta$ , 786 sq. 807 sq. Praestat monere, ut artem poeticae observet lector in narrationis ordine a vulgari tenore ac pedestri rerum narrandarum structura avocata. Nam secundum hanc res sic erat esponenda: Aeocum interea castris motis duplici agmine adversus urbem Laurentum iocassiae, pedestri per saltus mon-

Pectora et adrectae stimulus haud mollihus irae.  
 Arma manu trepidi poscunt; fremit arma iuventus.  
 Flent maesti mussantque patres. Hic undique clamor  
 Dissensu vario magnus se tollit in auras. 455  
 Haud secus, atque alto in luco quum forte catervae  
 Consedere avium, piscosove amne Padusae  
 Dant sonitum rauci per stagna loquacia cycni.  
 Immo, agit, o cives! adrepto tempore, Turnus,  
 Cogite concilium et pacem laudate sedentes: 460  
 Illi armis in regna ruant. Nec plura locutus  
 Conripuit sese et tectis citus extulit altis.  
 Tu, Voluse, armari Volscorum edice maniplis;  
 Duc, ait, et Rutulos. Equitem, Messapus, in armis,  
 Et cum fratre Coras, latis diffundite campis. 465  
 Pars aditus urbis firment tūrresque capessant;

tium equestri per planitiem camporum. Poëta vero singula singulis locis commode dicenda servavit. Vids inf. v. 511 sqq. 522 sqq. — 452. *et adrectae stimulus irae*: de virtute bellica; exasperati sunt animi: ut 727, 728. Nam ira erigitur, serrigitur ac stimulat, h. e. movetur. — *stimulus haud mollihus*, duris, qui penetrant. Infixi haerent. *fremit arma*, pro vulgari: cum fremitu postulat. — 454. *mussant*, in occulto lamentantur, *ἰσιμῶσιν*, *σιμῶσιν*. Vid. sup. 345.

456-458. *Haud secus atque clamor se tollit, quum*. — *Palus* cymorum copia apud poëtas celebratus: in septem oetia cum tempore diductus binis primum ostiis in mare delatus est, quorum alterum septemtrionem versus erat *Volana*, alterum a meridie *Padua* (aunc il *Po d'Argenta*) prope Spinam a mari exceptum. Cf. Comment. Acad. Bonon. Tom. VII, cum mappa ad p. 470. Ostium hoc amnem

diit et quidem *piscorum*, ut Homer. *ἰχθυόεσσα* Hyllum Iliad. v, 392. Facit illud quibusdam locis paludem, hinc *stagna*, quae *loquacia* dixit eleganter a loquacibus cycnis, ut XII, 475 *nidos loq.* hirundinis et Ecl. VIII, 22 *pinos loq.* Hos *raucos* vocavit, a clamore vel cantu. Transi. hoc Claudian. XXXI, 109, 110. De Padua (nunc canali *S. Alberti*, fossa XII M. pass. a Ravenna ducta, sec. Giambatt. Minzoni) accurate egit Cluver. Ital. ant. lib. I, c. 35. cf. Serv.

459. Concilium habete *adrepto tempore*, *ἰσχυρίσας*, *ἐν καιρῷ*, cum irratione. — 462. *seec conripuit*, pro vulgari: se proripuit, *ἄφρονε*, *ἄπρῶτον*, *ἔσπευται*. Vidimus iam VI, 472, 473. — *rapere*, *corripere* pro movere passim vidimus. — 463. Festinationem Turni bene assequitur oratio abrupta, dum Turnum esse loquenturum non praedictum est. — 464. *equitem in armis*, pro armatum, ut saepe alibi et sa.

Cetera, qua iusso, mecum manus inferat arma.  
 Illicet in muros tota discurritur urbe.  
 Concilium ipse pater et magna incepta Latinus  
 Deserit ac tristi turbatus tempore differt, 470  
 Multaque se incusat, qui non adceperit ultro  
 Dardanium Aenean generumque adciverit. Vrbi  
 Praefodiunt alii portas aut saxa sudesque  
 Subvectant. Bello dat signum rauca cruentum  
 Buccina. Tum muros varia cinxere corona 475  
 Matronae puerique; vocat labor ultimus omnis.  
 Nec non ad templum summasque ad Palladis arces  
 Subvehitur magna matrum regina caterva  
 Dona ferens; iuxtaque comes Lavinia virgo.  
 Causa mali tanti, oculos deiecta decoros. 480  
 Succedunt matres et templum ture vaporant  
 Et maestas alto fundunt de limine voces:

473. *Messapus* graece pro *Messipe* et *Coras* pro *Cora*, cum fratre Catillo. v. VII, 672. — 467. *qua iusso*, pro *iussu*: ut levasso, declarasso, amasso et al. Sequitur est Silius XII, 475. — 468, 469. Comparant Iliad. β, 808. — 472. Dativus pro genitivo. Sic utique lenior ac verior procedit oratio. Sed constanter legitur se distinguitur generumque adciverit vrbi. id est in regni salutem. Parum commode. H. B.

473. Ante portas fossas faciunt, ut bene Serv., et vallum ducunt, saxa stipitibusque et humo aggesta. — 476. *vocat labor ultimus omnes*, re ad summum discrimen adducta. Provenit autem in muros, uti Troiae praelio cum Aehivis propius urbi admoto sec, Homer. fact. — 477. Manifesta vestigia II. ζ, 86 sqq. 229 sqq. Illud autem miror, quod Palladem Iam tum coli a Laurentibus tradidit, quam tamen Troianos primum intulisse

communis fama obtinebat (nisi forte poeta desm in Latio coli solitam et eam Palladi similem innuisse dicendus est, qualem v. c. Fortunam Antiatem novimus ap. Horat. Od. I, 35: sed haec observatio etiam de aliis Graecorum deis, e. e. Baccho, Apolline valet, quippe qui hoc tempore nondum ab Italia hisce colebantur. R.) — 478. *Subvehitur* pro vulgari *invehitur*. Nam curru vectae matronae sacra adeunt: VIII, 665, *castae ducebant sacra per urbem Pileantis matres in mollibus*. — 479. *Dona*. Perperam *peplum* ex Homero huc vocant. Poetae placuit genus ponere. — 480. Oculis deiectis, *παρ' ὀφθαλμοῦ καλὰ βλάστην*: Hymn. in Cerer. 194. not. Ruhken. — 481. *Succedunt* sc. templum, intrant, ut bene Serv. Alias languet versus post illa: *Subvehitur* etc. — 482. *de limine*. Nil argutandum; est pro: ingressae templum.

Armipotens, praeses belli, Tritonia virgo,  
 Frange manu telum Phrygii praedonis et ipsum  
 Pronum sterne solo portisque effunde sub altis. 485  
 Cingitur ipse furens certatim in proelia Turnus,  
 Iamque adeo Rutulum thoraca indutus ahenis  
 Horrebat squamis surasque incluserat auro,  
 Tempora nudus adhuc, laterique adcinxerat ensem  
 Fulgebatque alta decurrens aureus arce 490  
 Exsultatque animis, et spe iam praecepit hostem:  
 Qualis, ubi abruptis fugit praesepia vinclis  
 Tandem liber equus, campoque potitus aperto  
 Aut ille in pastus armentaque tendit equarum,  
 Aut adsuetus aquae perfundi flumine noto 495  
 Emicat adrectisque fremit cervicibus alte  
 Luxurians; luduntque iubae per colla, per armos.

Nam ex more in prima templi parte  
 vota faciunt, qui deos adeunt, nec  
 intrant interiora, ut nos. — 483-485.  
 Preces vere ad verbum conversae ex  
 l. c. Homericis v. 305, 306, 307. *effunde*,  
 de prolapsio, prostrato ante  
 urbis obsessae muros.

486 sqq. Aemulatur et h. l. Maro  
 Homerum, qui heroes se armantes  
 inducit Il. γ, 330 sqq. Paridem; λ,  
 45 sqq. Agamemnonem; π, 430 sqq.  
 Patroclum; τ, 369 sqq. Achillem.  
 Convertuntur tali enumeratione animi  
 ad heroem et tenentur in eo contem-  
 plando diutius, quam si narratum le-  
 gas: *armatur Turnus*. Sed orationem  
 egregie ornavit et variavit Maro: *tho-  
 raca* etc. pro: thoracem induerat ex  
 aere in squamarum speciem conte-  
 xtum, horrentem aspera superficie,  
*surasque inclus. auro*, ocreas aureas  
 induxerat. Sed multo etiam ornatiore  
 sunt sequentia: vs. 492-497, quae ex  
 Homaro Il. ζ, 506-511 conversae esse  
 iam veteres notarunt. Ad Turnum

tamen convenientius translata puto,  
 quam de Paride fuerant pronuntiata:  
 contra quam Popin visum. Nam in  
 Turno summa abacritas et festinatio  
 ac discursatio. Virgilio tamen in ver-  
 his Ennius iam praeseverat, Macrobio  
 monenti VI. Sat. 3: *Et tunc, sicut  
 equus, qui de praesepibus actus* (ἀρ-  
 στῆσας ἐνὶ πᾶν) *Vincla suis ma-  
 gneis animis abruptis et inde Fert  
 se ac compi per caerulea, lactaque pra-  
 ta, Celso pectore!* (Στίλ (δὲ) πε-  
 δῶο προεὶς, palando solum un-  
 gulis) *saepe iubam quatuor simul altam*  
 (ὅπου δὲ κᾶν ἔχῃ, ἀπὸ δὲ χαῖται  
 ὅποις ἀΐσσονται); *Spiritus ex anima  
 calida spumas agit albas.* — *Luxurians*:  
 reddidit feliciter ex Homericis loco  
 κυδῖδων, quod ibi est pro γαυπτῶν,  
 de equo exsultante, ferociente. *alte*  
 autem v. 496 possis quidem iungere:  
*adrectis alte*, ut sit Homericum ὅπου  
 κᾶν ἔχῃ: ita tamen languescit ver-  
 sus: sed *alte luxurians*, etsi hoc inso-  
 lentius dictum videri possit, est *alte*

Obvia cui Volscorum acie comitante Camilla  
Occurrit, portisque ab equo regina sub ipsis  
Desiluit, quam tota cohors imitata relictis 500  
Ad terram defluxit equis; tum talia fatur:  
Turne! sui merito si qua est fiducia forti,  
Audeo et Aeneadam promitto occurrere turmae  
Solaque Tyrrhenos equites ire obvia contra.  
Me sine prima manu tentare pericula belli; 505  
Tu pedes ad muros subsiste et moenia serva.  
Turnus ad haec oculos horrenda in virgine fixus:  
O decus Italiae, virgo, quas dicere gratis  
Quasve referre parem? Sed nunc, est omnia quando  
Iste animus supra, mecum partire laborem. 510  
Aeneas, ut fama fidem missique reportant  
Exploratores, equitum levia improbus arma  
Praemisit, quaterent campos; ipse ardua montis  
Per deserta iugo superans adventat ad urbem:  
Furta paro belli convexo tramite silvae, 515

exultans. *ludunt iuvenae per colla, ἀγυῖ  
δὲ χαίρουσι ὅπως αἰσσοῦνται.* Adde lo-  
cum alterum Homeri, expressum ab  
Apollonio III, 1259 sq.

498. De Camilla modo ad 432. *De-  
siluit*, honoris causa factum volunt.  
— *cohors* pro turma: nam equitum h.  
I. est. — 501. *Defluxit*. Furius Annal.  
I. ap. Macrob. VI, 4: *Ille, gravi subito  
devinctus vulnere, hastenas misit equi,  
lappasque in humum defluxit, et armis  
Reddidit aeratis sonitum.* — 503. *Com-  
parant* II. v, 73 sqq. — 507. *horrenda  
in virgine* h. I. admiranda. Nam, quae  
admirationem, stuporem, horrorem,  
faciunt, ad idem fere genus referri  
solent et possunt. Sic ἀπ᾽αὐτοῦ Ho-  
mericum. — 510. *partire*, respicit illud  
solaque Tyrrhenos vs. 504. In illis:  
*quando animus est supra omnia, ex-*

*pressit magnanimitatem: ideoque inl.*  
*supra pericula, fortunae casus ei sic*  
*porro; non aliter.*

511. *fidem* eleganter pro nuntio.  
Nam, quae nuntiantur, fidem fa-  
cti faciunt. — 512. *improbus* acci-  
pio pro audax; proprie, qui nimium  
audet. — 513. *quaterent campos*, ad  
incessum equorum referri praestat;  
Servius ad perturbationem agrorum,  
h. e. agrestium, revocat. — 513. *ar-  
dua montis deserta*: necesse est ex-  
tremas Albanorum montium partes  
respexisse poetam. — 514. *iugo su-  
perans*, superior evadens, conf. II,  
207, pro vulgari: *superans iugum*, ul  
v. 905. — 515. *Furta*, pro insidiis,  
quas Turnus collocat in saucibus sal-  
tus Tyrrhenos vs. 504. In illis:  
*ducunt, seu ad quas duae viae duae*

Vt bivias armato obsidam milite fauces.  
 Tu Tyrrenum equitem conlatis excipe signis;  
 Tecum acer Messapus erit turmaeque Latinae  
 Tiburnique manus; ducis et tu concipe curam.  
 Sic ait et paribus Messapum in proelia dictis 520  
 Hortatur sociosque duces et pergit in hostem.  
 Est curvo anfractu valles adcommoda fraudi  
 Armorumque dolis, quam densis frondibus atrum  
 Vrguet utrimque latus; tenuis quo semita ducit  
 Angustaeque ferunt fauces aditusque maligni. 525  
 Hanc super in speculis summoque in vertice montis  
 Planities ignota iacet tutique receptus;

cunt, v. mox ad 522. — 519. *Tiburni manus*, copiae Tiburtinae, a Tiburno heroe ac conditore Tiburis designatae, fratribus eius Catillo et Cora ductibus, VII, 670 sqq. Adversus equitatum Aeneae, in quo turmae erant Arcadium ab Evandro missae, VIII, 518, et Etruscae, X, 238, 239, per planitiem camporum incedentem mittitur Messapus, qui nunc non suas copias, sed Latinas et Tiburtinas turmas equestres ducit, cumque eo Camilla. — 522 sqq. Insidiarum locus et ratio huiusmodi animo repraesentanda. Via Troianorum agmini pedestri, quod Aeneas ipse ducebat (cf. ad 446), erat facienda per montium iuga et saltus: in his erat vallis, *curvo anfractu*, sinuoso flexu, quae ex adversa venienti Aeneas parte in clivum assurgebat; isque erat agmine superandus: ab utroque vallis parte silvae. Has insedit Turous: equitatum autem Messapo et Camilla duce praemittit, ut manus enim praemissas ab Aeneae Etruscorum equitatu connerat, qui per camporum planitiem incedebat, Tarchontis ductu. Hic pugna equestris fit, in qua, Camilla

caesa, equites Latini fugiunt ad urbem. Audita Camillae caede equitatusque fuga Turous consilio insidiarum abiecto ex saltibus obsessis in campum procedit, ut fugam Latinorum equitum aistat urbemque, ne primo incursum capitur, praesidio firmet. Quo facto Aeneas liberis saltus angustias superat; vs. 896 sq. Assensu est hac oeconomia posita hoc, ut absentibus Aeneae et Turno gerere possent virtute Camillae et Tarchontis.

523. *valles antiqua pro vallis, quam* — *atrum* h. e. silva densa, per quam (quo, potius, qua) angusta semita est. — 525. *aditus maligni*, angusti, exigui ideoque periculosi: non obscuro, ut Serv.; ut lib. VI, 270 adiunctum est: *lux sub luce maligna*. — 526. *in speculis*, in specula, in collis vertice, ut saepe. Erat is collis planus, ideoque ex omni parte opportunus, seu ad procurrendum (528 *seu dextra laevaue velis occurrere pugnae*); seu ad hostem propulsandum, si collem superare vellet (529 *sive instare ingis*, desuper de iugo urgere hostem assultantem). — 527. *ignota* Troiana.



Seu dextra laevaue velis occurrere pugnae,  
 Sive instare iugis et grandia volvere saxa.  
 Huc iuvenis nota fertur regione viarum 530  
 Adripuitque locum et silvis insedit iniquis.  
 Velocem interea superis in sedibus Opim,  
 Vnam ex virginibus sociis sacraque caterva,  
 Compellabat et has tristis Latonia voces  
 Ore dabat: graditur bellum ad crudele Camilla, 535  
 O virgo, et nostris nequidquam cingitur armis,  
 Cara mihi ante alias; neque enim novus iste Dianae  
 Venit amor subitaque animum dulcedine movit.  
 Pulsus ob invidiam regno viresque superbas

Similia insidiarum collocandarum descriptio comparanda apud Statium Theb. II, 469 sqq.

532—596. Episodium de Camilla ad variandam narrationem egregie accommodatum; suo quidem illud loco interpositum, cum mox puellae virtus sui experimentum erat datura; vix tamen bene a narratione Dianae repetitum, nec iunctura felici et ingeniosa. Recte Servius transitum tamquam abruptum et nimis tritum reprehendit. Cf. not. ad IX, 638. *Opim*, *Ἄντι*, autem h. l. nympham edidit in Dianae consortio; cum alias ipsius Dianae nomen esset; quod ex Callimacho quoque constat in Dion. 204 et 240, ubi v. Spanhem. Mirum id visum Servio, quem ad h. l. vide et Macrobio V, 22, qui de nimia doctrina hoc Virgilium fecisse suspicabatur. Perperam utique: nam et apud eundem Callimachum in Del. 292 Opis est inter puellas Hyperboreas, quae frugum primitias olim Delum apportarunt et cum Diana ibi manserunt. Cf. Apollod. I, 4, 4. Recte ideo a Marone nymphea Opis memorata est et eodem forte respectu inf.

858 Threissa appellatur. Iuvat autem illud notare, *Diaom* h. l. cum *nymphis suis*, quibus silvae solent praesedibus assignari, in Olympo sedere, unde v. 595, 596 Opis devolat in terram. — 536. *nostris armis*, quibus Camilla in morem Dianae et Nympharum utitur. Cf. inf. 841.

539. Quae sequitur narratio de Camilla et patre Metabo, Priverium tyranno ex antiquis Italicis annalibus petita et egregie ad poëticam accommodata, cum ea τό πρῶτον δεῖ; habet, reprehensionem tamen admittit in hoc, quod Dianae illa sermone, quo ad Opim mandata dat, inserta est non satis comoda loco. Priverium, olim Volscorum, postea Latii, una e XXX colonis, haud longa ab Amaseno amne aberat: mirationem autem facit nunc idem, quod in Mezentii amore in filium filique pietate in patrem mirabamur X, 839, 841, quod tyrannus saevus tanto filiae suae amore tenetur, vires superbas, h. e. nimias, potentiam libertati civium infestans; unde odia in eum: *Pulsus ob invidiam* (et feritatem, vid. vers. 568, R.) At Servius

Priverno antiqua Metabus quum excederet urbe, 540  
 Infantem fugiens media inter proelia belli  
 Sustulit exsilio comitem matrisque vocavit  
 Nomine Casmillae, mutata parte, Camillam.  
 Ipse sinu prae se portans iuga longa petebat  
 Solorum nemorum; tela undique saeva premebant 545  
 Et circumfuso volitabant milite Volsci.  
 Ecce, fugae medio summis Amasenus abundans  
 Spumabat ripis; tantus se nubibus imber  
 Ruperat. Ille innare parans infantis amore  
 Tardatur caroque oneri timet. Omnia secum 550  
 Versanti subito vix haec sententia sedit:  
 Telum inmane, manu valida quod forte gerebat  
 Bellator, solidum nodis et robore cocto;  
 Huic natam, libro et silvestri subere clausam,

*vires superbas*, quibus superbe utebatur, interpretatur. Vt semel de hac voce ac re dicam: cum *superbia* sit animi effluentis se ipsis, quibus aliis praestare se putat, transfertur *superbus* modo ad effectus, modo ad causas, unde quis superbit; est itaque: ornatus, splendidus, dives, potens modo in meliorem, modo in deteriorem partem. Ita *honores superbi*, *coniugium superbum*, Aen. III, 475. *Ilivm superbam* III, 2. *ostrum superbum* I, 639, ubi cf. not. Ab effectis autem ductae suae notiones durus, saevus, immanis: ut VIII, 481 *superbo imperio et saevis armis*; tum est rebellis, asper, ingi impatiens, ferox, ut Brutus, libertatis studio VI, 818, amantes, qui aemulos haud ferunt, Ge. III, 217. *debellare superbos*, Aen. VI, 834. ubi opp. *parcere subiectis*. Ex prioribus itaque ordine *vires superbae* sunt, ut *opes superbae*, omnino ingentes, nimiae. Cum Servii interpretatione conveniunt vs. 539. —

541, 545, 568, ubi eius feritas memoratur. — 543. Tribuit igitur poëta patris voluntati, quod emollita pronuntiatio serioribus aetatibus attulit, ut pro *Casmilo Camillus*, pro *Camilla Canilla* diceretur. Vox illa a Pelasgis in Italiam illata Etruscis quoque fuit frequentata, qui Mercorum Casmilum appellarunt, tamquam *ministrum* deorum. V. Schol. Apollonii ad I, 917. Macrob. III, Sat. 18 et Serv. ad h. l. — 544. *iuga longa*, non longinqua et remota, sed longo tractu contigua. — 549. *Ruperat*, eruperat se, ut iam alibi vidimus: *ἔρρηξεν*. — 551. Cum omnia secum versasset, vix tandem *haec sententia sedit*, menti infixa, probata, quae subito animum subierat. — 553. *robore cocto*, igni durato, praecusto. — 554. *Telum inmane* — *Huic*: nota structurae immutationem quae vel ob negligentiae speciem suavitate non caret. *clausam*, involutam cortice. Suberis copiam in Priverni agris na-

Implicat atqueabilem mediae circumligat hastae, 555  
 Quam dextra ingenti librans ita ad aethera fatur:  
 Alma, tibi hanc, nemorum cultrix, Latonia virgo,  
 Ipse pater famulam voveo; tua prima per auras  
 Tela tenens supplex hostem fugit. Adcipe, testor,  
 Diva tuam, quae nunc dubiis committitur auris. 560  
 Dixit et adducto contortum hastile lacerto  
 Inmittit: sonuere undae; rapidum super amnem  
 Infelix fugit in iaculo stridente Camilla.  
 At Metabus, magna propius iam urgente caterva,  
 Dat sese fluvio atque hastam cum virgine victor 565  
 Gramineo donum Triviae de cespite vellit.  
 Non illum tectis ullae, non moenibus urbes  
 Adcepere; neque ipse manus feritate dedisset;  
 Pastorum et solis exegit montibus aevum.  
 Hic natam in dumis interque horrentia lustra 570  
 Armentalis equae mammis et lacte ferino

sci observavit Spohnius. — *abilem*, ita ut haberi, tractari, pro iaculo emitti cum hasta posset puella: ἀπὸ πρῶτης. Sic I, 348 *abilem arcum* vidimus, *enem* IX, 305, *galeam* ib. 365. — De alligata porro puella ingeniose v. 558, 559 *tua tela tenens supplex*. Hastae illigatum pondus in alteram ripam transmittit, ut ipse liberis manibus transostare possit, hasta autem sic missa alteri ripae infixi haereret. *famulam* autem dixit consecratam, quia ministro deorum, ἀπεπρωται, δούλοι, diis se consecrant. — 560. *dubis auris*, per quas ipsa infans dubia salute fertur. — 562. *sonuere undae*, graviter commoto aëre aquae superficiem impellente et undae fremitum movente: quid? quod transvolans cum infante iaculum sibilum vel strepitum facit in aëre, cf.

not. 595, 596, quem ipsi amni trihuere potuit. — 562. *Infelix*: vel respectu praesentis Camillae fati, vel quod iam illa aetate tantum vitae discrimen adiret.

565. *victor*, compos voti, ut saepe v. c. VIII, 64. se. flumine traiecto et filia servato. *donum Triviae*, ex voto: quam Dianae voverat. — 568. *manus dat* proprie victus, tum omnino qui cedit, qui placetur, b. l. qui, quod humanitas aliorum vel hospitalitas offert, accipit. An usquam de manibus hospitum iuvandis loquendi usus tulerit *manus dare*, ut dictum: *occipere aliquem manu*, dubito. — 569. non *pastorum aevum*, ut Serv. pro pastoralis vitae, sed *in montibus pastorum*: qui a pastoribus habitabantur. — 570. *dumi*, *lustra*, pro silvis. — *Armentalis equa*, ἰππὸς ἀγυλῆα. —

Nutribat, teneris inmulgens ubera labris.  
 Vtque pedum primis infans vestigia plantis  
 Institerat, iaculo palmas oneravit acuto  
 Spiculaque ex humero parvae suspendit et arcum. 575  
 Pro crinali auro, pro longae tegmine pallae  
 Tigridis exuviae per dorsum a vertice pendent.  
 Tela manu iam tum tenera puerilia torsit  
 Et fundam tereti circum caput egit habena  
 Strymoniamque gruem aut album deiecit olorem. 580  
 Multae illam frustra Tyrrhena per oppida matres  
 Optavere nurum: sola contenta Diana  
 Aeternum telorum et virginitatis amorem  
 Intemerata colit. Vellem haud conrepta fuisset  
 Militia tali conata lacessere Teucros; 585  
 Cara mihi comitumque foret nunc una mearum.  
 Verum age, quandoquidem fatis urguetur acerbis,  
 Labere, Nympha, polo finisque invise Latinos,  
 Tristis ubi infausto committitur omine pugna.  
 Haec cape et ultricem pharetra deprome sagittam: 590  
 Hac, quicumque sacrum violarit vulnere corpus,  
 Tros Italusve, mihi pariter det sanguine poenas.  
 Post ego nube cava miserandae corpus et arma

574. *lacte ferino*: quia *ferus* etiam de equo: ut II, 51. — 573. *Propter* erant *vestigia prima*, in quae, quibus, institit plantis pedum. Sed doctius aliterum pro: ut primum infans pedibus institit. — 580. *Strymoniam gruem*: ut Ge. I, 420. — 581. *Multae illam*. Idem orationis color lib. VII, 54. Laudat Cerda Ovid. Met. 353 sq. I, 478 sq. Adde Pindar IX, 488 sqq., Catull. Carm. Nupt. 42 sqq., qui praeiit versus in his: *Multis illi pueri, multae optavere puellae*. — *Tyrrhena per oppida*: Amaseno traiecit Metabus ad Campanorum fines accedebat: hos

insedere olim Etrusci. Servius ad h. v. et 567 ad Etruscorum potentiam rem refert, quorum iure olim tota Italia tenebatur. — 590. *Haec cape*: puta cum his dictis Dianam arcum et pharetram Opi tradere. — 591. Auguste pro: qui vulnus intulerit; sed loquitur de virgine deae consecrata. Et dicta hinc ultionis ab Arunte sumptae causa: nam, qui sacra violant, a diis puniuntur. Praeparatur his hoc unum, ne illa impune necetur, cum servari a dea non posset. — 592, 593. Sarpedonis salum ante oculos ex IIod. π, 453. Conf. ad v.

Inspoliata feram tumulo patriaeque reponam.

Dixit; at illa levis coeli delabsa per auras

595

Insonuit, nigro circumdata turbine corpus.

At manus interea muris Troiana propinquat

Etruscique duces equitumque exercitus omnis,

Compositi numero in turmas. Fremit aequore toto

Insultans sonipes et pressis pugnat habenis

600

Huc obversus et huc; tum late ferreus hastis

Horret ager, campique armis sublimibus ardent.

Nec non Messapus contra celeresque Latini

Et cum fratre Coras et virginis ala Camillae

Adversi campo adparent hastasque reductis

605

Protendant longe dextris et spicula vibrant;

432. — 594. *patriae*, graece: in patriam vel in patria terra. Videtur in Volacis sepulcrum antiquum Camillae monstratum esse. — 595, 596. Volatus velocitatem bene declaravit per *insonuit*; involuta *turbine*, nigra nube.

597-895. Fit primo pugna equestris, *maius Troia*: de pedestri agmine, quod Aeneas ducibat, accipe; ut sequentia v. 598 de equitatu, vsa. 449, 450. 511-513. cf. ad 522. Constabat autem equitatus maxime ex Etruscis. v. 450, 517. Nol. ad 519; Ipse per campos incedebat: hinc *aequore tuto*. — 599. *numero*; ad numerum suum militum, quos quaeque turma habebat: unde etiam *numeri*, ipsae cohortes, turmae. — 599, 600, 601. *Ενχαριστά* descriptio equorum generosiorum incedentium. *Insultans*, v. Georg. III, 417. — *pugnat habenis*, contra habenas, ut *μάχισθαι* τινι, spectat ad reluctatorem equorum, qui frenis cohiberi se vix patiuntur et repugnant: hinc *huc obversus et huc*. Prudent. Psychom. 194: *Huc illuc stendens obvertit terga* etc.

— 601, 602. Poëticum hoc phantasma satis notum; et iam alibi observatum est Ennium in eo praecessisse, Ennio autem Graecos et ipsum Homerum II. v, 339. De hoc igitur nil nunc monemus. Sed *ferreus ager* audacius etiam quam VII, 525-527: *atragus late Horreseit striatis seges enibus*. Scilicet *ager horret late hastis*: ut alias segete, aristas, arbutis; atque inde *ferrea* ad visum et opinionem, *ferreis* hastis totus collucens: hinc subiicitur: *campique armis sublimibus ardent*, fulgent. Quae si ad hunc modum expedit, intelligis non sine iudicio possum hunc versum ab Ennio (Annal. I, p. 33 ed. Column.) summis; Ennium autem male irrisum fuisse ab Lucilio, quod h. l. factum uarrat Servius: add. Macrobi. VI, 4 pr. et Horat. I, Serm. 40, 51, quem Serv. adduxit. — *ardent* exquisitius quam *refulgent*. Sic tamen et *αἵματι*, *αἵματι*, *φλέγειν* et alia.

603, 604, ut praedixerat v. 518, 519. — 606. *Protendant*, *προτείνουσι*, prominent tamen illae vel sic cuspidi-

Adventusque virum fremitusque ardescit equorum.  
 Iamque intra iactum teli progressus uterque  
 Substiterat : subito erumpunt clamore frementisque  
 Exhortantur equos ; fundunt simul undique tela 610  
 Crebra nivis ritu , coelumque obtexitur umbra.  
 Continuo adversis Tyrrhenus et acer Aconteus  
 Connixi incurrunt hastis primique ruinam  
 Dant sonitu ingenti , perfractaque quadrupedantum  
 Pectora pectoribus rumpunt ; excussus Aconteus, 615  
 Fulminis in morem aut tormento ponderis acti  
 Praecipitat longe et vitam dispergit in auras.  
 Extemplo turbatae acies , versique Latini  
 Reiciunt parmas et equos ad moenia vertunt.  
 Troës agunt ; princeps turmas inducit Asylas. 620  
 Iamque propinquabant portis , rursusque Latini

bus. Aliæ autem sunt *hastæ*, alla *spicula*, h. e. iscula: his eminus, illis cominus pugna sit. Igitur hastas *reducunt*, ut cum impetu immittant, iscula *vibrant*, rotant. 607. — *ad-ventus virum ardescit*, h. e. strepitus ex adventu seu strepitus advenientium maior maiorque ad aures accidit et increbescit, quo propiores iuvicem alibi turmae fiunt. cf. 911. Etenim quæ augentur, inprimis motu, incallescere ideoque et exardescere dicuntur, ut incendi. v. ad X, 895. — 608. Progressus utriusque exercitus eo iam factus erat, ut intra teli iactum ventum esset: quando utraque acies substitit. In sqq. comparatio institui potest non sine fructu Il. ð, 446 sqq., et ad v. 610, 611 v. Il. µ, 456 sqq.; 278 sqq. — *coelum obtexitur umbra*, cf. XII, 578: et *ob-umbrant æthera telis*. Etiam vulgari sermone tritum. Vnde illud Laconis, se sub umbra telorum esse pugnatu-

rum. At Il. ρ, 368 sqq., quem non cum nostro contendere debebant, pulvere caligo obducitur pugnae, non telorum crebritate. Quod autem Servius ad v. 608 habet: *Et Emiana est ista omnis ambitiosa descriptio*: hoc ad ea spectat, quæ ad IX, 806 sqq. vidimus.

612. *Tyrrhenus* h. l. nomen viri Etrusci proprium; *Aconteus* e Latinis. — 613. *Ruinam dant*, ruunt, irruunt, mutuo impetu, *perfractaque... rumpunt*, frangendo rumpunt pro perfringunt: scilicet equi concitati summo impetu pectoribus obnixi et illi in vicem configunt: qua ruina, quo conflictu labefactatus Aconteus equo decucitur: fortasse simul hastæ ictu percussus. — 620. *Troës* nunc: mos *Tusci* 629, quoniam ex utraque gente equitatus constabat, *agunt*, versos in fugam impellunt, ut V, 265. *Asylas*, qui Pisa Etruriæ copias adduxerat: X,

Clamorem tollunt et mollia colla reflectunt;  
 Hi fugiunt penitusque datis referuntur habenis:  
 Qualis ubi alterno procurrens gurgite pontus  
 Nunc ruit ad terras scopulosque superiacit undam<sup>625</sup>  
 Spumeus extremamque sinu perfundit arenam,  
 Nunc rapidus retro atque aestu revoluta resorbens  
 Saxa fugit litusque vado labente relinquit.  
 Bis Tusci Rutulos egere ad moenia versos;  
 Bis reiecti armis respectant terga tegentes. <sup>630</sup>  
 Tertia sed postquam congressi in proelia totas  
 Implicuere inter se acies, legitque virum vir;  
 Tum vero et gemitus morientum et sanguine in alto  
 Armaque corporaque et permixti caede virorum  
 Semanimes volvuntur equi; pugna aspera surgit. <sup>635</sup>  
 Orsilochus Remuli, quando ipsum horrebat adire,

175 sqq. — 622. Ante urbem subsistunt Latini, contra fugiunt Troiani et Etrusci. *colla* equorum: qui quoniam domiti, ut facile flecti queant, hinc *colla mollia*: ut Georg. III, 201: *mollis collo et mollia crura* ibid. v. 76. — 624 sqq. Comparatio praeclara et ornatissima: cui ex parte similem ex Quinto Calabro excitavit Guellius (l. XI, 226 sqq.); accedit tamen haec propius ad locum Homeri II. 2, 305 sqq. Non autem ad aestum maris crescentis et decrescantis trahendum est; sed de motu maris litus alluentis et alternis accedentis ac recedentis. Fugiant et redeunt equites, quemadmodum mare litus modo alluens modo fluctu recedens. Ornatum observa in singulis. *alterno gurgite*, unda, fluctu. Nunc *pontus*, fluctus, ad litus advolvitur Idque ideo exsuperat. *superiacit undam*, iacit undam super scopulos a. litus: praepositione ad verbum retracta: ut fere Graece: *παρὰ τοῦς ὑπὸ τοῖς βάλαι κύμα*. —

*arenam extremam*, in interiore littore, *perfundit sinu*, fluctu undas iam languentes in sinum curvante. Nunc *pontus*, unda, *aestu*, vicissitudine maris aestuantis, graviter commoti, *rapidus retro* (*παρὰ τοῦς βάλαι κύμα*, v. c. Od. 2, 430. Sic malo, quam *retro fugit*) atque *resorbens* (se, *ἀναρρόβων*) *fugit* *orzo revoluta*, h. e. per quae unda revolvitur, *ἀνακυλινδῶνται*, et *relinquit* *pontus litus vado labente*, fluctu recedente ac decrescante; donec novus fluctus iterum alluat.

631. *In tertia praelia*: eleganter pro tertio. — 632. *legitque virum vir* Homericum *ἀνὴρ δ' ἀνδρ' ἰδὼν πάλιν* II. 2, 472, h. e. percussit. Add. Tyrtaeum II, 29, 30. — 633. *Tum vero*, v. II. 2, 450 sqq. Loca alia similia observabit quisque pro se. Vnum excitabo Eurip. Phoeniss. 4196 sqq.

636. *Orsilochus* ex Troianis est. v. 690. *Remulus* ex Latinis, diversus ab eo, qui X, 592, 593 memoratus, Ad

Hastam intorsit equo ferrumque sub aure reliquit,  
 Quo sonipes ictu furit arduus altaque iactat  
 Volneris inpatiens adrecto pectore crura.  
 Volvitur ille excussus humi. Catillus Iolan 640  
 Ingentemque animis ingentem corpore et armis  
 Deicit Herminium, nudo cui vertice fulva  
 Caesaries nudique humeri; nec volnera terrent;  
 Tantus in arma patet. Latos hic hasta per armos  
 Acta tremit duplicatque virum transfixa dolore. 645  
 Funditur ater ubique cruor; dant funera ferro  
 Certantes pulcramque petunt per volnera mortem.  
 At medias inter caedes exultat Amazon,  
 Vnum exserta latus pugnae, pharetrata Camilla;  
 Et nunc lenta manu spargens hastilia denset, 650  
 Nunc validam dextra rapit indefessa bipennem.  
 Aureus ex humero sonat arcus et arma Dianae.  
 Illa etiam, si quando in tergum pulsa recessit,

reliqua v. 637-640 cf. X, 890-891 de simili vulnere. — 640. *Catillus*, qui Tiburtus agebat. cf. 519 et lib. VII, 672; ideoque Iolas et Herminii inter Troianos et Etruscos referendi. — 643, 644. *nec volnera terrent: tantus in arma patet*: arte cohaerent cum illis: *nudo cui... nudique humeri*. Habebat nudum caput et humeros nudos, ut satis appareret eum vulnere non timere: tantum, tanta sui parte, patebat in vulnere s. in tela hostilia. *duplicat virum*: incurvat, ut reddatur Homericum ἰσχυρὸν ἰσχυρῶν τε πύργων Iliad. v, 618; hinc adiectum cum, sen praee dolore. Et sic *duplicatus poples* XII, 927. Niobes lilia collapsa dicitur *duplicata vulnere caeco* ap. Ovid. Met. VI, 293, ubi v. Burro. et ad Val. Fl. VI, 309. Ap. Graecos πύργος dicit sic occurrere mami. — 646, 647. Haec ad reliquos pugnan-

tes spectant, mortem dant et accipiunt.

648. De Camilla episodium inter elaboratiores est carminis partes. *Vnum exserta latus*, mammam; 893 *sub exsertam popillam*. v. 1, 492. Disputant Intpp., utram exseruerit, nudaverit. Certe aili lacvam, nam dextra in Amazonibus erat exusta. Verum comparatio instituitur tantum ad nudationem mammae; in venatricibus autem et bellatricibus, ut Diana ac Nymphis, dextrum pectus, dextrum humerum nudatum videmus in numis ac statuis; sicque Callimachus in Dian. 213, 214. — *pugnae*. ad pugnam, ut expeditior esset ad pugnandum, in primis arcu sagittam emissura. Comparationis autem lineas ducit, quam mox repetit et ornatur vs. 659 sqq. — 650. *spargens denset*: id est, dense spargit, iacit, alias fundere, ῥίπτει. — 651. *inde-*



Spicula converso fugientia dirigit arcu,  
 At circum lectae comites, Larinaque virgo 655  
 Tullaque et aeternam quatiens Tarpeia securem,  
 Italides, quas ipsa decus sibi dia Camilla  
 Delegit pacisque bonas bellicae ministras:  
 Quales Threiciae quum flumina Thermodontis  
 Pulsant et pictis bellantur Amazones armis 660  
 Seu circum Hippolyten seu, quum se Martia curru  
 Penthesilea refert, magnoque ululante tumultu

fessa est ἄγρυτος — 653. in tergum recessit: etiam hoc a vulgari ratione deflexit. Nam vulgare est: si tergum vertis, dat, tum illa redit tergo verso, versa tergo, et in tergum. — 654. spicula fugientia, ipsa fugiens, ut recte Servius. — 658. ministras, comites: sic ἑταῖρας; Penthesilea dat Quintus Calaber lib. I, 33: ut ἑταῖρας bercum sunt. Totum illum locum de Penthesilea et partem libri contulisse non poenitebit; ut omnino poetico ornatu nullus veterum poetarum locupletior hoc Quinto est; nec dubito antiquioris aevi in eopoeia latere (cf. Th. Chr. Tychsenii, V. C. commentation. sect. III editioni poetae ab ipso procuratae praemissam, ubi egregie docuit e cyclicis poetis sua petuisse. R.) — 659. Threiciae Amazones pro Scythicis vel Sarmaticis dixit, ut Threissam Harpalicen lib. I, 346, quod tamquam poeta iure suo fecit. Sic Strymonia est Propert. IV, 4, 69. Sarmatica autem origo fere communi veterum consensu Amazonibus tribuitur, etsi vulgaris fabula a Tanaisia ostiis ad Ponti fines et Thermodontem fluvium eas traduxit. V. loc. class. Iustin. II, 4. Cf. Apollon. II, 370-966 aq. et Schol. — 659. cum flumina Thermodontis pulsant; pro ripis flumen dictum opi-

natur Cerda et alii, ut v. c. Georg. II, 41, 42: aliae arbores ... campos et flumina late Curia tenent. Mihi tamen cum ipsa res persuadet, agi de de flumine glacie obducto; tum vero etiam Claudiani imitatio, qui non aliter intellexisse videtur: adscribam totum locum Pros. rapl. II, 62-66: Quales Amazonidum pelvis exultat aduanci (ex nostro v. 663) Pulchra cohors, quoties Arcton populata ul-rago Hippolyte niveas ducit post praetelia turmas (hoc illustrat v. 661, 662: seu cum se Martia curru Penthesilea refert, redit ex pugna et quidem victrix; hinc exultant et magno tumultu); Seu flavos atrovare Gelas, seu forte rigentem (glacie) Thermodontiacam Tanaim fringere securi. Transiit hic Claudianus ad Tanain, quod Maro de Thermodonte memoraverat. Et Silius II, 73: Quales Threiciae Rhodopen Pangaeaque lustrant Saxosis memora alta iugis, curvaeque fatigant Hebrum, innupta manus. Vides Hebrum glacie obductum; et Amazones ad Thraciam revocatas. — 660. bellantur pro bellant, ut alii, v. Serv. Sic nutritor pro nutrito Georg. II, 425. pictis armis, auro argenteoque distinctis, maxime peltis. Cf. ad VIII, 588. se refert, redit (v. paulo ante); non ut Serv. pro se fert, inferi. —

Feminea exsultant lunatis agmina peltis.  
 Quem telo primum, quem postremum aspera virgo  
 Deiciis? aut quot humi morientia corpora fundis? 665  
 Eunaëum Clytio primum patre, cuius apertum  
 Adversi longa transverberat abiete pectus.  
 Sanguinis ille vomens rivos cadit atque cruentam  
 Mandit humum moriensque suo se in vulnere versat.  
 Tum Lirim Pagasumque super, quorum alter, habenas  
 Suffosso revolutus equo dum colligit, alter, 671  
 Dum subit ac dextram labenti tendit inermem,  
 Praecipites pariterque ruunt. His addit Amastrum  
 Hippotaden sequiturque incumbens eminus hasta  
 Tereaque Harpalycumque et Demophoonta Chromim-  
 Quotque emissa manu contorsit spicula virgo, (que 675  
 Tot Phrygii cecidere viri. Procul Ornytus armis  
 Ignotis et equo venator Iapyge fertur,  
 Cui pellis latos humeros erepta iuvenco  
 Pugnatori operit; caput ingens oris hiatus 680  
 Et malae texere lupi cum dentibus albis,

*tumultu ululante*, invertit, cum ipse ululens cum tumultu: cum tumultu ululantium (i. e. ovantium: ululare etiam bono sensu ut ὠλεώμεθα. conf. Hemsterh. ad Lucian. I, p. 477 Biont. R.) *Martia Penthesilea*, proprie. Iustin. II, 4, 43 duae reginae... ne successibus deriset auctoritas, gentes se Marte praedicabant.

664, 665. Variatus orationis color, Homeri exemplo II. 6, 703. π, 692. — *Eunaëum*, Int. e Troianis, *Lirim Pagasumque* ex Etruscis: reliquos v. 673 sqq. iterum Troianos: e quibus *Amastrum Hippotade* f. *Mandit humum*: quod alias mordere. vs. 418 et ad X, 489. — 671. *habeas dum colligit*: ul equum ex vulnere cernuum retrahat. — *suffosso* equus, vulnere subitus saeulo

vel hasta accepto: ut Tac. I, 65. Nolim de calcarum ictu accipi. — 674. *sequitur incumbens*, ἰπῆς ἐπιδύουσα vel ἰνὰ πύλον πύλῃ postilla: hoc refertur ad nium emittentis hastam, qua illa inssequitur eminus, h. e. petil, Terentium et alios.

677. *Ornytus* ex Etruscis. Cf. 686. — *armis ignotis*, novis h. l., ut Serv. Inconsuetis, insolentiore specie: nam habebat exuvias tauri pro thorace et rictum lupi pro galea: ut VII, 666, 667 Aventinus. Talis Argus apud Apollon. I, 324, 325. Perperam loricae ex corio factam intelligit Serv. h. l. — *Iapyge* pro Iapygio, Apulo. v. 247. — 679. *iuvenco*, lauro, *pugnatori*, silvestri, cum quo pugnave-

Agrestisque manus armat sparus; ipse catervis  
 Vertitur in mediis et toto vertice supra est.  
 Hunc illa exceptum, neque enim labor agmine verso,  
 Traicit et super haec inimicò pectore fatur: 685  
 Silvius te, Tyrrhene, feras agitare putasti?  
 Advenit, qui vestra dies muliebribus armis  
 Verba redarguerit. Nomen tamen haud leve patrum  
 Manibus hoc referes, telo cecidisse Camillae.  
 Protenus Orsilocho et Buten, duo maxima Teucrum  
 Corpora; sed Buten aversum cuspidē fixit 691  
 Loricam galeamque inter, qua colla sedentis  
 Lucent, et laevo dependet parma lacerto;  
 Orsilocho fugiens magnumque agitata per orbem  
 Eludit gyro interior sequiturque sequentem, 695  
 Tum validam perque arma viro perque ossa securim  
 Altior exsurgens oranti et multa precanti  
 Congeminat; vulnus calido rigat ora cerebro.

rat. — 682. *Sparus*: rusticum telum in modum pedi recurvum, inquit Serv. ef. ad Sallust. Catil. 56. (59) et Nepot. Epaminond. 9. — 683. *Vertitur*, versatur, ἀναστρίπτειται. — 684. *exceptum*, insidiis circumventum. ait Servius, ut VI, 473; enimvero est: assequutus fugientem; nam adiectum *agmine verso*. *Excipere* a venatione ductum h. l.: ut bene Burm. monuit. — et *super*, insuper, *fatur haec*. — 689. Eadem X, 829. Imitati sunt alii apud Cerdam.

690. *Rutes* diversus fortasse ab eo, qui lib. IX, 647 sqq. memoratur, et ab altero utique V, 372. *Orsilocho* et Troianis 636. — 692. *sedentis* in equo. Non enim inter haec omnia animo dimittendum, nos in pugna equestri versari. *Lucent* eleganter pro: apparent nuda, et quidem in laevo humero.

Buten enim fugientem, at Orsilocho ipsa fugiens obtruncavit Camilla. Etiam vulneris locus vs. 692, 693 aversam corporis partem satis declarat. Vulnus inferitur supra sinistrum humerum, in ipsam cervicis vertebra, quae attollitur paululum in capite prominente, qualis habitus sedentis est. Variasse igitur praeia videri debet vulnus Hectori ab Achille illatum II. χ, 324 sqq. et Cycni vulnus ab Achille acceptum ap. Hesiod. Sc. Herc. 416-420. Utraque loca sedulo comparanda. Ex his ipsi praeterea mentem assequuti sumus. Conf. XII, 381, 382. — 694, 695. *gyro interior*, ideoque ab laeva Orsilochoi (conf. V, 470); quo facto cursu aequato illa eius lateri luncta dextra sublata capiti ictum bipenni indigit: *securim con-*  
*geminat*, ictum, vulnus.

Incidit huic subitoque adspectu territus haesit  
 Appenninicolæ bellator filius Auni, 706  
 Haud Ligurum extremus, dum fallere fata sinebant;  
 Isque, ubi se nullo iam cursu evadere pugnae  
 Posse neque instantem reginam avertere cernit,  
 Consilio versare dolos ingressus et astu  
 Incipit haec: Quid tam egregium, si femina forti 708  
 Fidis equo? dimitte fugam et te cominus aequo  
 Mecum crede solo pugnaeque adcinge pedestri;  
 Iam nosces, ventosa ferat cui gloria laudem.  
 Dixit; at illa furens acrique adcensa dolore  
 Tradit equum comiti paribusque resistit in armis, 710  
 Ense pedes nudo puraque interrita parma.  
 At iuvenis vicisse dolo ratus avolat ipse  
 (Haud mora) conversisque fugax aufertur habenis  
 Quadrupedemque citum ferrata calce fatigat.

699 sqq. Quod sequitur episodii, novitate et varietate praecclarum et ab omni parte perfectum. Ligures fraudibus et perfidiis omnino infames fuerunt: fortasse quia montium latebris hostium incursus eludere easque inter silvarum ambages et saltus in insidias allicere solebant. *Ligures omnes fraudulentos*, verba Catonis Origg. l. II excitat Serv. ad h. l. Eundem vid. ad v. 715. Liguriae autem magna pars per ipsa Apennini protendebatur. *Incidit huic*, in hanc, graece. — *Haud Ligurum extremus*, h. e. fraude, quoties ea uti licebat, nemine inter populares inferior. — 702. *evadere pugnae* graece pro vulgari *pugna*. — 704. *ingressus* pro pedestri aggressus, moliens, ut de dicente IV, 107. VI, 863. — 705. *forti equo*. Epitheto primum observant usum Ennium (apud Cic. Cat. 5.), lum Lucret. III, 8, nuoc hinc Maronem. Faciunt autem vires

ad velocitatem. — 706. *dimitte fugam*, cursum equestrem, equi usa velocitate. — 707. *crede te solo et adcinge* (ta) *pugnae pedestri*, *cominus mecum*, pugna pedestri. — 708. *cui ferat*, i. e. an tibi ferat, *laudem*, decus ex victoria, *κλέος*. *ventosa*, vana, iuvenis, gloriatio: nam pugnae equestris successus magna ex parte equi virtuti debetur: ut simpliciter ornet epitheton Non male comparant usquequaque apud Sophoclem Antig. 353. — 709. Comparant Hectoris factum II, 3, 318 sqq. — 710. *paribus* sicut etiam illum congressurum (non congressum) putabat s. ut Servius monet. *resistit* simpl. stat. conf. Ge. IV, 424: Aen. IV, 76. — 711. *parma pura*. Epitheton arbitror simpliciter ornare: ut sit parma sine insigni et ornatu: ut *parma alba* IX, 548. — 714. *ferrata calce*: hoc de suo aevo sumit poeta. Hecorum vita *ἀντρον*, stimulum, no-

Vane Ligus frustraue animis elato superbis , 713  
 Nequidquam patrias tentasti lubricus artis ;  
 Nec fraus te incolumem fallaci perferet Auno,  
 Haec satur virgo et pernicibus ignea plantis  
 Transit equum cursu frenisque adversa prehensis  
 Congreditur poenasque inimico ex sanguine sumit : 720  
 Qnam facile accipiter saxo sacer ales ab alto  
 Consequitur pennis sublimem in nube columbam ,  
 Compransamque tenet pedibusque eviscerat uncis ;  
 Tum cruor et volsae labuntur ab aethere plumae.

At non haec nullis hominum sator atque deorum 725  
 Observans oculis summo sedet altus Olympo.  
 Tyrrhenum genitor Tarchonem in proelia saeva  
 Suscitât et stimulis haud mollibus iniicit iras.  
 Ergo inter caedes cedentiaque agmina Tarcho  
 Fertur equo variisque instigat vocibus alas 730  
 Nomine quemque vocans reficitque in proelia pulsos.

ra) (v. Il. ψ, 387, coll. 384.) ; non  
 calcar, multo minus e ferro.

715. *Ligus*, Λίγυς, pro *Ligur*. *lubricus*, fallax, ut οὐκ ἀπρόσ. — 718. *ignea*. Cf. VII, 808. A Cavallo sum-  
 tum iam alii observarunt LXIV, 337 : *Flammae praevertet celeris vestigia*  
*cervae*; de Achille. VI alias ὄζυς, ra-  
 pidus, de igni; sic nunc *igneus* pro  
 celer. — 719. *Transit equum cursu*.  
 Haec de eius celeritate praestruerat  
 lib. VII, 808, 809. — 724. Minus bene  
 comparant Intpp. Iliad. γ, 62. γ, 493.  
 Opportunior erat locus Iliad. χ, 430-  
 444. — *sacer ales*: accipio dictum,  
 propter augurium ex eo avium genere  
 capi solitum, v. c. Olyss. ο, 524 sq.;  
 sacra enim diis, quae ad augurium et  
 divinationem spectant. — 724 versus  
 inservit exornandae comparationi. Cf.  
 eund. loc.

725, 726. Homericum: Οὐδ' ἄλλο-  
 σσενίην ἔχε, h. e. omnino vidit oculis  
 suis Iupiter, Il. x, 515. Conf. Od. β,  
 285. — 727, 728 ad verba conf. IX,  
 717, 718, et hoc lib. vs. 451, 452.  
 Succedit nunc in pugnam equestrem  
 Tarcho insigne facinus editurus, et  
 ex eius copiis Etruscis, Trojanorum  
 sociis, Arruns Camillam occisurus.  
*Tarchonem*, Τάρχωνα. *suscitat*, ὀρ-  
 σσει, ἄρουν. — 731. Praevisse Fu-  
 rium (M. Furium Bibaculum) in An-  
 nal. XI: *Nomine quemque cict: dicto-*  
*rum tempus adesse Commemorat. . .*  
*Confirmat dictis: simul atque exsuscitat*  
*acres Ad bellandum animos reficitque*  
*ad praelia mentes*, notavit Macrob. IV,  
 t. Malim et hic Homerum laudare Il.  
 x, 67, παρὸν δὲ ἐν γυναιξὶ ἐνομήσων  
 ἀνδρᾶ ἐκαστον. In sqq. verbis Tar-  
 chonis a vs. 732 neminem fugero  
 possunt vestigia Homeri Iliad. δ, 340

Quis metus, o numquam dolituri, o semper inertes  
 Tyrrheni, quae tanta animis ignavia venit?  
 Femina palantis agit atque haec agmina vertit?  
 Quo ferrum quidve haec gerimus tela inrita dextris?<sup>735</sup>  
 At non in Venerem segnes nocturnaue bella  
 Aut, ubi curva choros induxit tibia Bacchi,  
 Expectare dapes et plenae pocula mensae,  
 (Hic amor, hoc studium!) dum sacra secundus haruspex  
 Nuntiet, ac lucos vocet hostia pinguis in altos.<sup>740</sup>  
 Haec effatus equum in medios, moriturus et ipse,  
 Concitat et Venulo adversum se turbidus infert  
 Dereptumque ab equo dextra complectitur hostem  
 Et gremium ante suum multa vi concitus aufert.  
 Tollitur in coelum clamor; cunctique Latini<sup>745</sup>

sq. — 732. *O nunquam dolituri*, de-  
 decoris, infamiae sensum habitori.  
 At Horat. *O dolitura mea multum*  
*virtute Neera*: Epod. 45, 44. — 736.  
 Egrege in rem suam vertit poeta fa-  
 mam de veterum Etruscorum luxurie;  
 etsi in singulis ornamentis Homerum  
 respicere potuit. Alacriter dirit eos  
 ruere ad epulas et quidem sacrificio-  
 rum. Simili argumento ad exprobra-  
 tionem utebatur Homerus in Mene-  
 stheum et Ulyssem; sed quod primi  
 vocantur ad coenam et maiore car-  
 nium vinique copia honoratur Iliad.  
 8, 340 sqq. In his: ubi tibia Bacchi  
 curva induxit choros, putatur respe-  
 xisse Maro Priami vocem, qui filios  
 increpans ἀρχηστὰς, χοροποιήσαντες  
 ἀπίστοις appellat Il. 6, 264. Locum  
 de Phaeacibus huc vocant alii Odys.  
 9, 248, 249, quo tamen vis quic-  
 quam in poetae verbis illustratur: in  
 quibus plura sunt notabilia ad morem  
 sacrorum apud Etruscos. De tibia in  
 sacris omnino, tum in Cybeles et  
 Bacchi, ad choros nil monere opus

est (sed Bacchum cum iudicio poe-  
 tico nominavit, non historico: nam  
 ad Etruscos illa vasa, quae sub no-  
 mine etruscorum salis celebra sunt,  
 nihil pertinere post Lanzii, Bottigeri  
 al. disquisitiones constat. R.) — 736.  
 Amaritudo dicti sic satis intelligitur,  
 si cogites eos fugere in praelio cum  
 femina. — 738. plenae mensae, πλὴν-  
 θύσης τραπεζῆς — 739 haruspex se-  
 cundus, qui secunda ountiat ex estis  
 inspectis. Fit autem essispiciam, cum  
 victimae pars crematur in ara; interea  
 carnes epulis apponendae curantur:  
 ubi autem litatum est, epulae sacrae  
 subsequuntur. Et h. l. quidem sacra  
 fiunt in luco, ideoque et epulae; etiam  
 hoc ex veterum more: quod serva-  
 tum in primis in sacris rusticis: v. e.  
 Tibull. 3, 40, 51.

741. moriturus et ipse: animo, ut  
 bene Servius, b. e. animi proposito.  
 — turbidus h. l. ira; ut et al. — 742.  
 Venulus e Latinis, idem qui ad Dio-  
 medem missus fuerat VIII, 9 et XI,  
 242. — 745. Ennius: Tollitur in coe-

Convertere oculos. Volat igneus aequore Tarcho,  
 Arma virumque ferens; tum summa ipsius ab hasta  
 Defringit ferrum et partis rimatur apertas,  
 Qua vulnus letale ferat; contra ille repugnans  
 Sustinet a iugulo dextram et vim viribus exit; 750  
 Vitque, volans alte raptum quum fulva draconem  
 Fert aquila implicuitque pedes atque unguibus haesit,  
 Saucius at serpens sinuosa volumina versat  
 Adrectisque horret squamis et sibilat ore  
 Arduus insurgens, illa haud minus urguet obunco 755  
 Luctantem rostro, simul aethera verberat alis,  
 Haud aliter praedam Tiburtum ex agmine Tarcho  
 Portat ovans. Ducis exemplum eventumque secuti  
 Maeonidae incurrunt. Tum fatis debitus Arruns  
 Velocem iaculo et multa prior arte Camillam 760  
 Circuit et, quae sit fortuna facillima, tentat.  
 Qua se cumque furens medio tulit agmine virgo,  
 Hac Arruns subit et tacitus vestigia lustrat;

*lum clamor exortus utrisque* ap. Maerob. VI, 4. — 748. *partes apertas* in iugulo, ut e sqq. apparet. Cf. II, 7, 321 sqq. cf. v. 692, 693. — *rimatur*. De voce cf. VI, 598, 599. Ge. I, 384. — 750. *vim viribus exit*: fallit, evitat, avertit. *corpore tela modo atque oculis vigilantibus exit* V, 538. — 751. Comparationem ex Homero petitam clamant inde a Maerob. V, 13 fere omnes II, 12, 200 sqq. et laudant temere aut vituperant alterutrum poetam. Erat tamen et hoc monendum: ornatam ac variatam rem esse a poeta egregie tum in hoc, quod narrationem Homericam in comparationem mutavit; tum in eo, quod hic vincit aquila, apud Homerum vincitur. In aliorum poetarum imitatione non laboramus. Conferas congesta apud Cerdā, saltem Ovid. Met. IV, 361.

Claudian. XV, 467 sq. *volans alte innegendum*, est ὑπερῆρης αἰθέρος. — *unguibus haesit* est, ex ἱμῶνας vel ἱμῶνας, inhaeret draconi, unguibus infixis. Sic et Cicero minus eleganter converterat Homericā de Div. I, 47: *transfigens unguibus anguem*. — Ornatio etiam 753-756 quam quae ap. Nicandr. Theriac. 456, 457. — 755. *urget*, inplat tundendo draconem et percutiendo rostro. — 759. *Maeonidae*, Etrusci, ut VIII, 499, 479. IX, 11 a credita vulgo Etruscorum e Lydia origine, et *eventus* est successus, fortuna.

759. *fatis debitus*: v. 864. Est autem Arruns ex Etruscia, quos Tarchon Aeneae adduxerat. Mirum est Grammaticos de hoc dubitare. *iaculo* (quod vibrat, ad iectum paratum, v. mox v. 767) et multa cum arte circuit Ca-

Qua victrix redit illa pedemque ex hoste reportat,  
 Hac iuvenis furtim celeris detorquet habenas. 765  
 Hos aditus iamque hos aditus omnemque pererrat  
 Vndique circuitum et certam quatit improbus hastam.  
 Forte sacer Cybelae Chloreus olimque sacerdos  
 Insignis longe Phrygiis fulgebat in armis  
 Spumantemque agitabat equum, quem pellis ahenis 770  
 In plumam squamis auro conserta tegebat.  
 Ipse peregrina ferrugine clarus et ostro  
 Spicula torquebat Lycio Gortynia cornu;  
 Aureus ex humeris sonat arcus et aurea vati  
 Cassida; tum croceam chlamydemque sinusque crepan-  
 Carbaseos fulvo in nodum conlegerat auro (tis 775

millam *Arruns prior*: quod ad *velocem* spectat; praeventens eam, dum lateri semper adhaeret. *quae sit fortuna facillima*, eleganter, qua facillime hasta peti ea poterat; omnis autem iactus aliquo fortunae munere successum suum habet. — *furens*, utpote in pugna: ardens et Camilla 781 *caeca* et *incauta*. — 767. certam, cuius ictum certum destinaverat.

768. Sacerdotes inter pugnae istam Homerus induxerat Iliad. ε, 9 varietatis studio; nec ille hominum ordo olim discretus a ceteris popularibus ac civibus, quin munera communia, *ἀντιφύγιαι*, praestaret ideoque et militiam obiret. Hic Cybeles sacerdos, quippe ioter Truianos et quidem olim, sc. in patria. Tamquam Phryx autem ornatui studet: unde poëtae locus factus ornamentorum commemorandorum. — 770, 771. Haerent in his Inopp. Mihi sic iungenda videntur: *pellis ferina auro conserta*, h. e. aureis tibulis, subter alvum equi oras pellis constringentibus, collecta et firmata; sed *pellis ahenis in plumam squamis*, h. e. cum

squamis, habens squamas in plumae modum ex aere factas (puta lammam aeream in squamas elaboratam) pelli, ne corpus rigore aeris laderetur, pro stragula substratae injectas vel innessas. Cataphractum equitem ostendi bene notat Servius, qui et Sallustii fragm. incert. laudat: *Equis paria operimenta erant, quae linteis ferreis laminis in modum plumae annexerant*. Plumae igitur eae ipsae squamae sunt a forma dictae. Occurrunt esse etiam alibi. V. Auctores de re militari et ad Justin. XII, 2 f., ubi *loricae plumatae* Parthorum memoratae. *in plumam*: ut VI, 42, *Excisum Euboicae lotus ingens rupis in austrum* (Ruhnkenius in praefat. versionis hollandicae lexici Schelleri praemissa ostendit, praepositioni in significationem i instar s adherere, laudatque Oudendorp. ad Apulej. III, p. 191. R.) — *peregrina ferrugine et ostro*, h. e. purpura ferruginea; ut, *ferrugine clarus Ithra* IX, 582. *clarus* h. l. conspicuus. Epitheta v. 773 tantum ad ornatum pertinent: nihil amplius: et iam alibi vidimus. — 775.



Pictus acu tunicas et barbara tegmina crurum.  
 Hunc virgo, sive ut templis praefigeret arma  
 Troia captivo sive ut se ferret in auro,  
 Venatrix unum ex omni certamine pugnae 780  
 Caeca sequebatur, totumque incauta per agmen  
 Femineo praedae et spoliolum ardebat amore;  
 Telum ex insidiis quum tandem tempore capto  
 Concitat et superos Arruns sic voce precatur:  
 Summe deum, sancti custos Soractis Apollo 785  
 Quem primi colimus, cui pineus ardor acervo  
 Pascitur et medium freti pietate per ignem  
 Cultores multa premimus vestigia pruna,

*Cassida*: forma vocis etiam apud Propertium III, 9, 45 occurrit; *cauf*. *Cerda*. — 776. Collegerat in nodum *sinus carbateos eropantes*: de eodem *chlamyde crocea*, ut igitur ea sit ex tenui linteo, croceo colore. Linteum hoc ut crepet et sonitum edat nota *chlamyde*, *intextae* sciunt laminae *aureae*: *lungendum enim: sinus eropantes fulvo auro*. Sic VI, 206, *eripitabat bractea sori*: et hinc similia apud Statium VI Theb. 62: VII, 682, ubi cf. Barth. — *nodum* in v. 776 de fibula accipere cogimur, quippe in *chlamyde*, quae non in nodum colligitur ut toga. Tandem interior vestis seu tunica vs. 777 est opere Phrygia. Cf. III, 483, 484. Ad Phrygium amietum, qualis in signis et aliis veterum operibus occurrit, etiam referendum est: quod de crurum integumentis sequitur (non ad colorem croceum; ut *Cerda* facit post *Servium*): et erant *barbara*, (h. e. Phrygia) *tegmina crurum*. Ita enim *Atys*, *Paris*, *Ganymedes*, *Galli* braccarum genere induli esse solent femora et crura. Bene autem *Servius*: « Sane armorum longa descriptio eo spectat,

ut in eorum cupiditatem merito *Camilla* videatur esse succensa. » Scilicet, etsi virilis animi femina, tamen a cultu et ornatu intactam mentem non habuit. — Hinc v. 782 *femineo ardore*, impatienti, ut *Serv.* Sic VII, 345: *femineo curae iraque*.

785. De Soracte monte (*Monte di S. Silvestro*) agri Falisci et Hirporum familiis, quae Apollinis sacra in eo curabant super ambustam ligni struem ambulantes, loc. class. Plinii VII, 2 et *Salmas.* *Exerc.* Plin. p. 59. Simile quid occurrit apud *Sophocl.* *Electr.* 265 ibid *Brunck* et apud maiores nostros. Eodem Hirpos attigerat lib. VII, 696: *Qui Soractis habent arces*. Imitator huius loci *Silius* lib. V, 475 sqq. Sacrum id in luco *Feroniae* fieri solitum narrat *Strabo* V, p. 394 A. Potuit scilicet sub monte Soracte Apollini sacro locus ille esse. — 786 *primi* praecipue inter ceteros, quod vulgo: in primis. *acervum* prostrue lignorum dixit: et, quia et pinea, hinc traduxit ad ignem: *pineus ardor*. — 788. *premissus vestigio*, plantas: ut *ponere*, *imprimere*, h. e. incedere pedibus. *multa pruna*, in

Da, Pater, hoc nostris aboleri dedecus armis,  
 Omnipotens! Non exuvias pulsaeve tropaeum 790  
 Virginis aut spolia ulla peto. Mihi cetera laudem  
 Facta ferent. Haec dira meo dum volnere pestis  
 Pulsa cadat, patrias remeabo inglorius urbis.  
 Audiit et voti Phoebus succedere partem  
 Mente dedit; partem volucris dispersit in auras. 795  
 Sterneret ut subita turbatam morte Camillam,  
 Adnuit oranti: reducem ut patria alta videret,  
 Non dedit, inque notos vocem vertere procellac.  
 Ergo, ut missa manu sonitum dedit hasta per auras,  
 Convertere animos acris oculosque tulere 800  
 Cuncti ad reginam Volsi. Nihil ipsa neque aurae  
 Nec sonitus memor aut venientis ab aethere teli,  
 Hasta sub exsertam donec perlata papillam  
 Haesit virgineumque alte bibit acta cruorem.  
 Concurrent trepidae comites dominamque ruentem 805

multis prunis. Fieri hoc plantis medicamento linctis non ignoravit Varro, cuius verba Servius servavit. Cum autem Soracte et Falisci VII, 695, 696 auxilia Turno miseriot, Arruntem Etruscum necesse est nunc esse ex vicinis Etruscae locis oriundum; non unum ex Hirpis: saltem diversas sequitur ab istis partes. — 790. *Omnipotens* conj. Burns., quod nesciret, an silius Apollioi id epitheton dederit. At *Iunonei omnipotentem* ipse Maro dixit IV, 693 et VII, 428; et h. l. multo magis hoc in Arrunte ferendum, quod paullo ante v. 785 *annuum* deum eundem Apollioem appellat: adiecto: *Quem primi colimus*. Non male igitur Servius ex affectu colentis haec dicta ait. *pulsa*, aut *impulsa*, prostratae, aut *fugatae*; et h. l. *victae*, ne cum Servio argueris: ut siot *exuviae* Camillae decissae, de *fugata* autem

tropaeom. Cf. statim v. 793 *pulsa cadat. inglorius*, ut *δυσλὴρς*, ut de Agamemnone Illad. β, 115. — 794, 795. ad Homericum Il. π, 249 aqq. *dedit, annuit, mente, γνώμη*, consilio, decreto animi; nullo tamen signo declarato. — 797. *patria alta*. *Ornans* epitheton satis frequens h. e. clara nobilis. Interdum ad situm refertur, etiam ad murorum sc. turrium sititudinem. Sed in talibus epithetis satis est animo obversari obscuram notionem magnae alicuius et praeclarae rei.

799. Egregie animus et Camillae imperterritus describitur: lo primis v. 801, 802. — In 803 *exserta papilla* humero dextro nudato, ut vs. 649 vidimus. — 804 Homericum *λαβὼν χροὸς ἄσαι* exprimi iam Macrobius, VI, 6 putavit: quod tamen

Suscipiunt. Fugit ante omnis exterritus Arruns  
 Laetitia mixtoque metu; nec iam amplius hastae  
 Credere nec telis occurrere virginis audet.  
 Ac, velut ille, prius quam tela inimica sequantur,  
 Continuo in montis sese avius abdidit altos 810  
 Occiso pastore lupus magnove iuvenco  
 Conscius audacis facti, caudamque remulcens  
 Subiecit pavitantem utero silyasque petivit,  
 Haud secus ex oculis se turbidus abstulit Arruns  
 Contentusque fuga mediis se immiscuit armis. 815  
 Illa manu moriens telum trahit; ossa sed inter  
 Ferreus ad costas alto stat vulnere mucro.  
 Labitur exsanguis; labuntur frigida leto  
 Lumina; purpureus quondam color ora reliquit.  
 Tum sic expirans Accam ex aequalibus unam 820  
 Adloquitur; fida ante alias quae sola Camillae  
 Quicum partiri curas, atque haec ita fatur:  
 Hactenus, Acca soror, potui; nunc volnus acerbum  
 Conficit, et tenebris nigrescunt omnia circum.  
 Effuge et haec Turno mandata novissima perfer: 825

paullo diversum est. — 806. Arruntis miserum pavorem ex Homero duxit II, π, 813, ubi Patroclo caeso Euphorbus similiter sibi ipse non salis confidit. Comparatio autem vs. 809 subiecta, et si et ipsa ab Homero mutata II, ε, 586-589, tam egregie ornata et ad naturam animantis propius adducta (inprimis vsa. 812, 813) est, ut inter praestantiores numeranda sit. Statii imitationem indicavit Burm. IV Theb. 363 sqq.; sed es friget ad Maronis locum comparata. *ille...* *lupus*: ut *ille...* *aper* X, 707. XII, 5. *sese abdidit*, abdere solet, abdit, fugit, ex gr. *scoristo*. *conscius audacis facti*, quem *ἄνθρωπος καὶ οὐκ ἄνθρωπος* dixerat. *caudam pavitantem*, quae est

ferae pavantis, *remulcens*, reflectens, *ἐκρέμωσεν*; sed exquisite: ut *mulerre* ait mulcendo inflectere, uti v. c. in felibus fieri videmus. Hesiod. *Ep.* 512, sed de frigore: *ἄνθρωπος δὲ ἐπὶ τῷ σπέρματι* ὁ ἄνθρωπος μὲν ἔστιν. — 815. *mixto* ὁ ὁμιλῶν. — 818. *labitur*; nunc de ipso conatu, natali; nam v. 828 demum de equo defluit.

821. *ante alias sola fida* quae erat: quod communius solet dici: *una ante alias fidelissima*. — 823. *Hactenus potui* sc. pugnare viribus valui, ut recte Cerda: pro vulgari: nunc vires deficiunt, vel deficio iam. — 825. Animum generosum Camillae facile mirabile, quae in ipsa morte non de sua, sed de reip. salute cogitat. —

Succedat pugnae Troianosque arceat urbe.  
 Iamque vale. Simul his dictis linquebat habenas  
 Ad terram non sponte fluens. Tum frigida toto  
 Paullatim exsolvit se corpore lentaeque colla  
 Et captum leto posuit caput, arma relinquens; 830  
 Vitaeque cum gemitu fugit indignata sub umbras.  
 Tum vero inmensus surgens ferit aurea clamor  
 Sidera; deiecta crudescit pugna Camilla;  
 Incurrunt densi simul omnis copia Teucrum  
 Tyrrhenique duces Evandrique Arcades alae. 835  
 At Triviae custos iam dudum in montibus Opis  
 Alta sedet summis spectatque interrita pugnas;  
 Utque procul medio iuvenum in clamore furentum  
 Prospexit tristi multatam morte Camillam,  
 Ingemuitque deditque has imo pectore voces: 840  
 Heu nimium, virgo, nimium crudele luisti  
 Supplicium, Teucros conata lacessere bello!  
 Nec tibi desertae in dumis coluisse Dianam  
 Profuit aut nostras humero gessisse pharetras.  
 Non tamen indecorem tua te regina reliquit 845  
 Extrema iam in morte; neque hoc sine nomine letum

827. Ex Furii Annal. I laudat versus  
 Macrob. VI: *Ille gravi subita devin-*  
*ctus vulnere habenas Misit equi la-*  
*pnaeque in humum deflavit, et armis*  
*Reddidit aeratis sonitum.* — 829. *ex-*  
*solvit se.* Proprie anima corpore ex-  
 solvi dicitur. Tamen et IV, 703:  
*teque isto corpore solvo:* Iris allocuta  
 Didonem moribundam. — 830. *cap-*  
*tum leto caput,* h. e. victum ideoque  
 languens. — 831. Notum illud Ho-  
 mericum: *ψυχὴ δ' ἐν χεῖρσιν* sq. II. π,  
 855, 856. — 834. *omnis copia,* h. e.  
 copiae, totus exercitus, ut bene Serv.  
 uti II, 564.

836. Exsequitur nunc Opis, quod

mandatum erat a Diana vs. 587 sq.,  
 ut mortem Camillae ulciscatur morte  
 Arruntis. — *custos,* Dianae comes,  
 Latona, ut V, 546 Epytides *custos eo-*  
*mesque Iuli.* — *interrita:* cum alias  
 vel solo armorum strepitu et pugnae  
 aspectu terreri soleant puellares ani-  
 mi: accedit, quod Opis tuta, e tuto  
 loco pugnam prospicit (et quomodo  
 mirationem faciat, quod venatrix sit  
 interrita? R.) 843. *desertae in dumis*  
 venustius ex poetica ratione, quam in  
 dumis desertis, h. e. silvis. *nostras,*  
 ut 536 *nostris nequiquam cingitur ar-*  
*mis.* — 845. Poetas Euripidem (Hip-  
 pol. 1416) observatum fuisse Valen.

Per gentis erit, aut famam patieris inultae.  
 Nam, quicumque tuum violavit vulnere corpus,  
 Morte luet merita. Fuit ingens monte sub alto  
 Regis Dercenni terreno ex aggere bustum 850  
 Antiqui Laurentis opacaeque ilice tectum;  
 Hic dea se primum rapido pulcerrima nisu  
 Sistit et Arruntem tumulo speculatur ab alto.  
 Vt vidit fulgentem armis ac vana tumentem:  
 Cur, inquit, diversus abis? huc dirige gressum; 885  
 Huc periture veni! capias ut digna Camillae  
 Praemia. Tune etiam telis moriere Dianae?

ad Hippol. I, 1 putabat. — 846. Non erit hoc letum ignobile, nec habebis famam inultae, ignominiam, h. e. non morieris inulta; non narrabitur de te, tulisse eum impune, qui te interemit. Fit hoc ex Dianae mandato 590-593.

849. Devolat Opis in antiquum tumulum. Tumulorum hoc genus antiquissimum ex aggesta in collis altitudinem humo, apud omnes fere veteres populos. Exempla etiam apud Homerum II. 2, 86 sqq.: β, 603. ψ, 245-248. Nunc illud observandum, quod quercubus consitus est. Regem Dercennum aliunde non novimus. Ex Servio corrupto colligas regem Aboriginum olim hoc nomine notum fuisse. Iulius Sabinus, qui pleniorum Servium habuit, haec avertit: a Dercennus, rex unus ex antiquissimis in Latium, quem plerique Latini eundem dixerant, ut Iginus. a Egerat igitur de eo Hyginus in Commentariis in Virgil. deperditis. — 854. vana tumentem, (χατ') ἰτίστια αἰδολύοντα. — diversus, in diversa, ἑτέρουα, iam lib. V, 166; ut toties adversus, aversus: v. e. mox 871. — 856. digna Camillae praemia, poenam meritam

Camillae morte: ut II, 537, et praemia reddant debita. — 857. In Tune etiam latet difficultas aliqua, quae interpretes passim tenuit, etsi ab Heinsio et Bormannoo nil notatum. Videamus rationes, quibus expediri potest, sigillatim. Aut iungi debet: tune etiam, etiam in, sc. ad exemplum tot aliorum, qui Dianae telis perire (sic fere Serv. et Donat.); aut: etiam Dianae telis, sc. nec meis; expectabamne, dum a Diana ipsa interficiaris? Neutrum placet. Erant ipsius Dianae sagittae, quibus Opis utebatur. Possit alterum distinctione iuvare; *Iluc p. veni. Capias ut digna Camillae Praemia, tune etiam telis moriere Dianae?* Hoc friget. Ex Cerdae mente dolet Nympha, fraudulento homini contingere gloriosam mortem: cum periturus sit Dianae telis. Ex simili indignatione dictum putabat Guellius. Illic quoque sensus inest: Etiamne Dianae telis opus erit, ut tu pereas? Nisi, quod valde suspicor, pannus adsutus est purpurae hemistichium, unum modum video paullo mellorem, ut ex affectu reliquorum etiam hoc cum cavillatione aliqua dicatur: *Tune etiam? Telis*

Dixit et aurata volucrem Treissa sagittam  
 Depromsit pharetra cornuque infensa tetendit  
 Et duxit longe, donec curvata coirent 860  
 Inter se capita, et manibus iam tangeret aequis  
 Laeva aciem ferri, dextra nervoque papillam.  
 Extemplo teli stridorem aurasque sonantis  
 Audiit una Arruns, haesitque in corpore ferrum.  
 Illum expirantem socii atque extrema gementem 865  
 Obliti ignoto camporum in pulvere linqunt;  
 Opis ad aetherium pennis aufertur Olympum.  
 Prima fugit, domina amissa, levis ala Camillae;  
 Turbati fugiunt Rutuli; fugit acer Atinas;  
 Disiectique duces desolatique manipuli 870  
 Tuta petunt et equis aversi ad moenia tendunt.  
 Nec quisquam instantis Teucros letumque ferentis  
 Sustentare valet telis aut sistere contra;

*moriere Dianae*; h. e. tunc etiam longius abis? non parca dicto? Aden vero, n bone, *telis moriere Dianae*. Vti in obiurgatione etiam solenne est. Dubitationes de loco hoc tollit Statii imitatio Theb. X, 910. IX, 787.

858 sqq. Quandoquidem memorabilis inter tot alia haec est sagittatio, qua dea ulciacebatur mortem Camillae, cuius admiratio adhuc animos nostros tenuit; ornata ea est a poeta exemplo Homérico in Pandaro Il. 8, 446 sqq., etiam malorum rerum exordia ab hoc Pandari telo procedebant. Cum his contendere potest alius locus Quinti Cal. X, 231-234. *Threissae* Opis, fortasse tamquam una e puellis Hyperboreis. Vid. ad v. 532. Thracem autem nomen late propagatum, ut antra quoque de Amazonibus ex Scythia v. 659. — 859. *infensa*, infenso animo, qui vires novas adiciebat. — 861. *aequis* pro aeque,

aequaliter dextra pectus ac laeva sagittae cuspidem. Scilicet dextra nervum tetenderat, ita ut mammae admotus ille dextrae esset; laeva tenebat arcum ea parte, qua arcui sagitta imponitur a nervo remissum impellenda: Il. 8, 423, εἴλετ δ' ὀμῶν γλυφίδας τε λαβὼν καὶ τεύρα βόσσας. Νευρὴν μὲν μαζῶν πίλασι, τείχε' τε σιδηροῖ. — 863, 864. Conf. IX, 631, 632, 633. — 866. *obliti*, ἀμειλήσαντες, b. e. non curantes prae fugiendi studio.

865. Fit fuga Latinorum et Rutulorum versus urbem Laurentum. — *levis* simpliciter ornat. Equitatus omnino levis, quatenus expeditior est ad iter, fugam, pedite. — 870. *manipuli*. De signiferis accipiunt Serv., Cerda; quidui ipsi militum numeri? ut vocabulum hoc accipi solet. H. l. turmae equitum. — *desolati*, relictii a ducibus, ut *vanatae cohortes*, ex dispersione et fuga. — 872. Troianorum

Sed laxos referunt humeris languentibus arcus,  
 Quadrupedumque putrem cursu quatit ungula cam-  
 Volvitur ad muros caligine turbidus atra (pum  
 Pulvis, et e speculis percussae pectora matres  
 Feminum clamorem ad coeli sidera tollunt.  
 Qui cursu portas primi irupere patentis,  
 Hos inimica super mixto premit agmine turba; 880  
 Nec miseram effugiunt mortem, sed limine in ipso,  
 Moenibus in patriis atque inter tuta domorum  
 Confixi expirant animas. Pars claudere portas;  
 Nec sociis aperire viam nec moenibus audent  
 Adcipere orantis; oriturque miserrima caedes 885  
 Defendentum armis aditus inque arma ruentum.  
 Exclusi ante oculos lacrimantumque ora parentum  
 Pars in praecipitis fossas, urgente ruina,  
 Volvitur; inmissis pars caeca et concita frenis  
 Arietat in portas et duros obiice postes. 890  
 Ipsae de muris summo certamine matres

letum inferentes, ut Serv. — 874. l. e. ipsi languentes, fessl. — 875. *campum putrem*, qui in pulverem resolvitur. ut Vill, 596. *Mox e speculis*, de muris, unde prospiciunt: ut 475.

879 sqq. Est quidem similis pugna ad portas castrorum Iliad. μ, 122 sqq. Sed Virgilii locus haud paullo plus *evapysiaē*, affectus et ornatus, habet. — 880. *super*, a tergo: nō alibi quoque: premit fugientes hostis. — 881. *moenibus*, portis; e more loquendi, cum moenia latius dicantur quam muri. — 885, 886. Obscurum est, utri sint *defendentes* et *ruentes*; nec lux ab Servio aliisque exspectanda. Simplicissimum post alia tentata hoc esse arbitror: agi de portis nondum clausis, sed etaudendis. Dum in eo sunt oppidani, ut portas clau-

dant, ecce irruunt primi fugientes, quos, ne una cum his hostis irruant, isti accipere intra urbem nolunt. Hinc oritur caedes partim eorum, qui vi ab ingressu portae fugientes prohibere volunt; partim eorum, qui vi irrumpunt et in resistentes irruunt. — 888. *urgente ruina soli*, ut sit in ora seu margine fossarum, ut rust solum et fatiscat. At Iul. Sabinius ruinam eadentium interpretatur; sic quoque alii. — 889. *pars caeca arietat in portas* cum impetu caeco, haud providentes, in portas clausas irruunt, impingunt.

891. Affectum Latinorum matronarum ex hoc profectum dicere necesse est, quod *Camillae corpus* deportalum ex pugna conspiciunt. Quam cum pro Latinorum salute cecidisse

(Monstrat amor verus patriae, ut videre Camillam)  
 Tela manu trepidae iaciunt ac robore duro  
 Stipitibus ferrum sudibusque imitantur obastis  
 Praecipites primaeque mori pro moenibus ardent. 893  
 Interea Turnum in silvis saevissimus inplet  
 Nuntius, et iuveni ingentem fert Acca tumultum :  
 Deletas Volscorum acies, cecidisse Camillam,  
 Ingruere infensos hostis et Marte secundo  
 Omnia conripuisse; metum iam ad moenia ferri. 900  
 Ille furens (et saeva Iovis sic numina poscunt)

videant, ipsae partim miseratione, partim patriae defendendae studio inflammantur. De deportato tamen ex acie corpora nihil adiecit narrationi; neque fortasse rem sic narrare potuit, cum v. 593, 594 Diana praedixisset: *se nuda cava corpus et arma inpoliatas Camillae tumulto esse illaturam*. Nec tamen commodior illa est ratio, ut ad tempus pugnae et prospectum de muris Camillae pognantis et occumbentis haec retrahantur sicque iunctim includantur (*monstrat amor verus patriae, ut videre Camillam*); ut ait: *amor verus patriae monstrat*, docet ipse hoc, ut tela iacient, ut *videre Camillam*, Camillae exemplo. Sed vereor, ne, si non totus versus 892, at hemistichium tamen ut *videre Camillam* ad suppleendum versum, quem poeta imperfectum reliquerat, illatum sit. — *summo certamine*, in extremo discrimine (ut v. 476 *labor ultimus*. Serv.); ideoque etiam viderunt eam cadere: ipsae incensae arma sumunt et hostem propugnare volunt. — 892. *Monstrat amor verus patriae* sc. Latinae matronae: earum animum ac virtutem declarat. Ita obacuriorem esse sententiam quam pro poetae ingenio ac

more facile largiar. Praestat sic interpretari: — *monstrat* Camillam a. pugnantem et occumbentem pro patria: quo exemplo inflammatae ipsae arma capiunt (Noli de versus 898 bonitate dubitare. Sensus est: *monstrat*, quales sint Latinae matronae, *amor verus patriae*, ut, i. e. ex quo viderant in urbe sua mulierem illam pro urbe et gente pugnaturam *Camillam*. R.) — 893, 894. *lunge stipites robore duro*; utuntur pro telis stipitibus sudibusque. — 895. *Praecipites*, ut *trepidae*, festinationem ac studium declarat.

896. *Nuntius* pro re nuntiata. Hoc facile videas. Malim illud observatum: *Nuntius implet Turnum*, ut absolute: *implere aliquem*, dictum sit. Sed res sic expedienda: usum esse poetam more suo et id, quod adiciendum erat: *implet Turnum ingenti tumultu*, in binas enuntiationes resolvisse: *Nuntius implet Turnum*, et *Acca fert iuveni ingentem tumultum*, perturbationem, rem nuntiat, quae turbet eius animum. — *Marte secundo omnia conripuisse*, et victores pugnae facta omnia loca occupasse.

901. Comparant illud *Διὸς δ' ἐπὶ λείπῃ βουλῇ* Il. α, 5. Pertinet autem



Deserit obsessos collis, nēmora aspera linquit.  
 Vix e conspectu exierat campumque tenebat,  
 Quum pater Aeneas saltus ingressus apertos  
 Exsuperatque iugum silvaeque evadit opaca. 905  
 Sic ambo ad muros rapidi totoque feruntur  
 Agmine nec longis inter se passibus absunt,  
 Ac simul Aeneas fumantis pulvere campos  
 Prospexit longē Laurentiaque agmina vidit,  
 Et saevum Aenean agnovit Turnus in armis 910  
 Adventumque pedum flatusque audivit equorum;  
 Continuoque ineant pugnas et proelia tentent,  
 Ni roseus fessos iam gurgite Phoebus Hiberno  
 Tinguat equos noctemque die labente reducat.  
 Considunt castris ante urbem et moenia vallant. 915

hoc, ut toties vidimus, ad epicam  
 oeconomiam, ne casu factum videatur,  
 sed Iovis voluntate. — *saeva*,  
 ut alibi apud poëtam, infesta, ad-  
 versa: at mox *saevum Aenean*, for-  
 tem, ut I, 99 et al. — 902. Locorum  
 notationem v. sup. 522, 527 sqq. —  
 904. *saltus apertos*, non obsessos am-  
 plius, vacuos ab hoste. — 905. *exsu-  
 perat iugum*, cf. eod. I, 527. — *Ae-  
 nean in armis* longe: armatum, cum  
 agmine armorum. — v. 911 adve-  
 nientem peditalum audivit. conf. ad  
 vers. 607. *flatus*, hinnitus. — 912.  
 Καὶ νῦν κεν ... ἐλ μὲν. *ineant ... ten-*

*tent*; inlissent, tentassent, nō tinxis-  
 set h. e. mersisset equos Phoebus  
 Oceano occiduo, qui ultra Hispaniam  
 patet. Monvere olim Grammatici apud  
 Servium, *tinguat* humiliter dictum  
 esse, nescio quam vere. Lucretius  
 utique non refugit *caudenti lumine  
 tinctum globum* dicere, V, 726 et  
 alibi. Poterat simile quid moneri  
 paullo ante in v. 912: *ineant pugnas  
 et praelia tentent*. Potest tamen de-  
 fendi hoc, cum et discrimen habeant  
 illa duo, et iungi tere sic soleant ab  
 Homero πολυμαχίαν καὶ μάχησθαι.



P. VIRGILII MARONIS

## AENEIDOS

LIBER DVODECIMVS.

## ARGVMENTVM

*A*uritis in duobus et iis adversis praeliis Latinorum viribus animisque eorum fractis, Turnus, uti omnem spem suam in se ipso sitam videt, frustra dissuadente Latino reginaque multis eum cum lacrimis nequicquam retinente, singulari certamine cum Aenea dimicare statuit: cuiusque rei Aeneam per quendam ex suis, Idmonem nomine, facit certiozem — 106. Accipit conditionem Aeneas, sollemnique utrimque sacramento foedus sancitur — 215. Id Iunonis impulsu 134-160 a Iuturna Nympha, Turni sorore, in falsam Camertis imaginem conversa perturbatur — 243; primusque omnium Tolumnius augur, falso augurio certam suis victoriam promittens, unum ex Gylippi filiis hasta traiecit — 276. Quo facto in conflictum armorum utraque pars ruit — 310. Aeneas quoque, dum subiti tumultus causam ignorans suos revocare conatur, ab incerto auctore sagitta vulneratus praelio excedere cogitur — 323. Qua re intellecta Turnus, magnam sibi rei bene gerendae occasionem oblatam ratus, ingentem hostium stragem edit — 383. Interim Venus decerpto ex Ida Cretensi dictamno herba filio suo medetur — 429. Refectis viribus Aeneas, Ascanium paucis suo exemplo ad virtutem cohortatus, suis auxilio accurrit Turnumque nominatim ad pugnam deposcit — 445. Verum, cum Turnus sui copiam non faceret (Iuturna enim, quae excusso Metisco auriga currum eius moderabatur, in diversam semper partem habenas deflectens congregi eos non patiebatur) — 485, caede multorum facta — 553, oppugnandae urbis consilium capit admotoque ad moenia exercitu in propugnacula proximaque aedificia ignem coniicit — 592. Ibi Amata, cum Turnum occisum arbitraretur, doloris impatientia laqueo vitam finit — 613.

*His rebus Turno per Sacem nuntiatis, cum ea rem redactam videret, ut sibi necessario dimicandum esset, nisi perpeti mallet sociorum urbem se inspiciente in hostium potestatem pervenire, ultro Aeneam ex praescripto foederis ad singulare certamen provocat — 696. Ea in pugna superior Aeneas, cum victi hostis precibus iam paene ad misericordiam flecteretur, conspecto in humeris eius balteo, quem occiso Pallanti Turnus detraxerat, repente ira accensus gladio per pectus adacto eum vita spoliatur — ad f.*

**T**urnus ut infractos adverso Marte Latinos  
Defecisse videt, sua nunc promissa reposci,  
Se signari oculis; ultro inplacabilis ardet  
Adtollitque animos: Poenorum qualis in arvis  
Saucius ille gravi venantum volnere pectus

Tela iam detesta et rebus ad novissimum momentum adductis, cum pugna altera die spectanda sit, qua Turnum esse casurum facile pro se quisque praevidet; nova tamen rerum momenta excitavit poëta variisque narrationem mirifice. Pugnae utriusque exercitus substituitur certamen inter Aeneam et Turnum singulare. Foederis conditiones ipsum Aeneidis argumentum ac finem continent, ut Troiani in Latio (v. 187 sqq. 202 sqq.) sedes accipiant. Nec tamen hoc exitum habet, turbato foedere. Ita nova rerum conversio exoritur. Increscit nostra sollicitudo, cum Aeneam vulneratum eoque as pugna subducto Turnum audacter, si unquam, se luctantem videamus. Praeter spem Aeneas sanatus in pugnam redus Turnum ad pugnam deposcit. Sed et hanc nostram expectationem intercipit Iturnae fraus. Ad ultimum perventum est, cum Aeneas ad urbem exercitum ducit exam-

que oppugnare constituit. Procedit nunc Turnus in pugnam at victus interimitur: sed et in his multa deorum intervntu incident, quibus erigitur animus ac novitate delectatur.

1-106. Turnus nullo nec Latini nec Amatae monitu vocatus in pugnam cum Aenea ruit. *infractos*: anteae semper non fractos interpretatur Servius, quem mirum est nunc demum in hac voce haerere potuisse, quam iam aliquoties ubique pro *fractus* poëtae frequentatam vidimus, v. c. IX, 499: *infractae ad praelia vires*. Monuerunt nunc satis multi, *infractus* esse valde fractum: cf. vel Cerdam; in in his habere vim Graecorum α intensivi, omni dubitatione caret. — 2. *nunc promissa* posci, expectari, ut his satisfiat. Sunt promissa de pugna cum Aenea ineunda: XI, 436 sqq. — 3. *ultro*: nullis adhuc probris et conviciis a quopiam factis. — 4-9. Summa comparatio vel Homero II. 2, 136 sqq. v, 164 sqq.,

Tum demum movet arma leo, gaudetque comantis  
 Excutiens cervice toros fixumque latronis  
 Inpavidus frangit telum et fremit ore cruento;  
 Haud secus adcenso gliscit violentia Turno.  
 Tum sic adfatur regem atque ita turbidus infit: 10  
 Nulla mora in Turno; nihil est quod dicta retractent  
 Ignavi Aeneadae nec, quae pepigere, recusent.  
 Congredior. Fer sacra, pater, et concipe foedus.  
 Aut hac Dardanium dextra sub Tartara mittam,  
 Desertorem Asiae, sedeant spectentque Latini! 15  
 Et solus ferro crimen commune refellam;

quae inter splendidissima Homeri loca sunt, translata passim in Scut. Herc. v. 426 sqq., sed ad aliam rerum speciem deflecta et praecclare variata: ut leo vulnere accepto multo magis furit, sic Turnus adverso rerum successu magis etiam quam antea irascitur; hoc enim est *attollit animos* (Propert. IV, 6, 54 attollit vires, i. e. auget. Cf. supra ad II, 381. R.) et *gliscit violentia Turno accenso*: quod Homero erat loca priore Iliad. II, 435 Diomedem a vulnere recrescitum, *πρὶν περ Διὸς πυρρὸς Τρῳέσσιν μάχεσθαι, δὲ τότε μὲν τρις τόσσον ἴσεν μῖνος* (Illud vero, quod II, 7, 96 legitur, viz cum Valckenario ad Theocrit. Adoniae. p. 252. huc commode trahi potest). Ceterum, quae ad ornatum in his vs. spectent, facile observes. Nec sine fructu ad ingenium fingendum (nam ad interpretationem poetarum necessariae esse non sunt) similes comparationes aliqua conferat, quae notatae sunt iam ab aliis: in primis Statium Theb. II, 428-433. Lucan. I, 205-215. VI, 220 sqq. Valer. III, 597 sqq. Q. Calab. III, 142 sqq. cf. quoque IX, 551 sqq. — v. 6. *movet arma* a virorum pu-

gnae petitum; nihil amplius; ad pugnam se parat. Cf. Georg. III, 236. Etsi Statius in Tigride ornavit hoc: *Bella cupis luxatque gogas et temperat ungues*, lib. II Theb. 430. — *gaudet*: voluit *exultare*, γαυριῶν, exprimere, quod hic slacritatem animi indicat et ferociam. — *fixumque* sc. in vulnere, receptum corpore. *latronis* h. l. venatoris, qui es insidiis eum aggressus erat: translate ab iis, qui vias obsident praedandi causa.

11. Repetit Turnus, quae iam XI, 434 sq. dicta, dum se pugnae singulari cum Aenea obtulerat. — 11, 12. Respicit XI, 115-118. Aeneae verba ad legatos Latinorum, sed in invdiam Aeneae traducta. *retractent* non est, quod Serv. voluit, *repetant et revolvant*; sed revocent, recantent, recedendo ab iis, de quibus iam conventum erat; osan sequitur *recusent*. — 13. *fer sacra*, cf. 118 sq. *concipio foedus*, sic verbis conceptis, ut Serv. — 15. *desertorem Asiae*, invidiose, quasi transfugam; supra VII, 358 *exules Teucros* dixerat Amata. *sedeant* ad ignaviam exprobandam esse accommodatum vides. — 16. *crimen commune refellam*: criminationem

Aut habeat victos; cedat Lavinia coniunx.

Olli sedato respondit corde Latinus:

O praestans animi iuvenis, quantum ipse feroci  
Virtute exsuperas, tanto me impensius aequum est 20  
Consulere atque omnis metuentem expendere casus.  
Sunt tibi regna patris Dauni, sunt oppida capta  
Multa manu; nec non aurumque animusque Latino est;  
Sunt aliae innuptae Latio et Laurentibus agris  
Nec genus indecores: sine me haec haud mollia fatu 25  
Sublatis aperire dolis; simul hoc animo hauri:  
Me natam nulli veterum sociare procorum  
Fas erat, idque omnes divique hominesque canebant.  
Victus amore tui, cognato sanguine victus  
Coniugis et maestae lacrimis vincla omnia rupi: 30  
Promissam eripui genero; arma inopia sumsi.  
Ex illo qui me casus, quae, Turne, sequantur  
Bella, vides; quantos primus patiare labores.  
Bis magna victi pugna vix urbe tuemur

Turni ab omnibus factam (cf. lib. XI, 215 sqq.) abolere vult. — 17. Aut ille vincat me: *victos*, victum me.

18. Decorum aetatis, τὸ ἥθος, in Latini sermone, hoc est prudentia, moderatio et lenitas, in oculos incurrunt. — 19. *quantum ipse ornate*: quo ferocior tu es, eo magis consentaneum est etc. Ex Attili Antigone expressa vult Macrob. VI, 2: *Quanto magis te istiusmodi esse intelligo, Tanto, Antigona, magis me par est tibi Consulere et parcere.* — 22. *Sunt tibi.... sine me*: haec iungenda ad absolvendam sententiam. Callide senex Latinus ea praemittit, quae dolorem et iram lenire possint. Illes regnum paternum, cuius ditin nuper captis aliquot oppidis aucta est; mihi aurum est (unde XI, 213 *praedivitis urbe La-*

*tinis*), et animus largiendi tibi, quantum satis est (h. e. si aurum insuper cupis, habebis id a me. *animus*, propensa voluntas); sunt aliae puellae tuis nuptiis non indignae; verbo: adsunt omnia, quae moderatis votis satisfacere possint; sed meae filiae coniugem potiri non potes. — 25. οὐκ ἀρχίμωρος τὸ γένος, comparat Servius. Putant scilicet positum in animo habuisse II. 1, 399, 400. — 27. *veterum procorum*: respectu advenae Aenese dicti *veteres* indigenae illi. De re vid. VII, 54 sqq. — 29. *cognato sanguine*, quia Venilia, mater Turni, soror erat Amatae. Cf. VII, 366: X, 76. — 30 *vincla religionis et foederis*; *Serv.* quod sequens versus declarat. — *Promissam eripui genero*. Nam Aenese per legatos promissam filiam. Vid. VII,

Spes Italas; recalent nostro Tiberina fluenta 35  
 Sanguine adhuc, campique ingentes ossibus albeni.  
 Quo referor toties? quae mentem insania mutat?  
 Si Turno extincto socios sum adscire paratus:  
 Cur non incolumi potius certamina tollo?  
 Quid consanguinei Rutuli, quid cetera dicet 40  
 Italia; ad mortem si te (Fors dicta refutet!)  
 Prodiderim natam et connubia nostra petentem?  
 Respice res bello varias; miserere parentis  
 Longaevi, quem nunc maestum patria Ardea longe  
 Dividit. Haudquaquam dictis violentia Turni 45  
 Flectitur; exsuperat magis aegrescitque medendo.  
 Vt primum fari potuit, sic institit ore:  
 Quam pro me curam geris, hanc precor, optume, pro me  
 Deponas letumque sinas pro laude pacisci.  
 Et nos tela, pater, ferrumque haud debile dextra 50  
 Spargimus; et nostro sequitur de vulnere sanguis.

267 sqq. — 35. *Italas ornati*: simpl.  
*spes nostras. recalent pro calent* —  
*aut recalent*, iterum calent, magna  
 quod his victi pugna. *Serv.* — 37,  
 38, 39. *Quo referor*, a consilio se-  
 mel capto revocor? Cur toties con-  
 silium muto, foedere cum Troianis  
 aemel sancito? Si, quod vides mihi  
 faciendum esse existimo te, ad so-  
 cietatem eum Troianis antea inita  
 redeundum est; cur idem non facio  
 te vivo et incolumi? Pro vulgari:  
 quam insanum est, non statim te vivo  
 id facere, quod te sublato necesse  
 erit mihi facere? — 41. *Avarta!* For-  
 tuna omen, quod dictis inest! —  
 41. *longe dividit*: ne dubita sic iun-  
 gere; etiam Ardea non adeo longe ab-  
 erat a Laurento. Non in geographo,  
 sed in poetâ versamur: cui animus  
 abducendus erat ab angustiis finibus  
 regni, in quo haec agebantur. Ita,

que amplificat omnia. Sic XI, 317  
 ager *Longus in oceanum*, cf. ad Ecl.  
 VI, 16.

46. *Exsuperat*, felix dilectu voca-  
 bulum pro vulgari crescit, praevalet;  
 ut II, 759: *flammae exsuperant*; est  
 ex ὑπερίσχυς. — *medendo* passive,  
 dum medicina ei offertur. — 49. *le-*  
*tum pro laude pacisci*, ἀντι κλῶς,  
 mortem recipere, non recusare; h.  
 e. leto redimere laudem, gloriam.  
*Letum* autem, cuius saltem discrimen  
 subibat pugna suscepta. Cf. 74. Supra  
 V, 230 eodem sensu *vitam pro laude*  
*pacisci* erat dictum. Scilicet pa-  
 ctione ei damus aliquid et accipi-  
 mus; utrumque pacisci designare  
 potest: ideoque et vitam pacisci quis  
 et mortem potest, illam reddendam,  
 hanc ferendam. — 54. *nostro vul-*  
*nere*; quod ego infero. Color in his  
 vs. idem qui II. v, 435-437, at II.

VIRG. TOM. III

Bb

Longe illi dea mater erit, quae nube fugacem  
Feminea tegat, et vanis sese occulat umbris.

At regina, nova pugnae conterrita sorte,  
Flebat et ardentem generum moritura tenebat: 55  
Turne, per has ego te lacrimas, per, si quis Amatae  
Tangit honos animum (spes tu nunc una, senectae  
Tu requies miserae; decus imperiumque Latini  
Te penes; in te omnis domus inclinata recumbit),  
Vnum oro: desiste manum committere Teucris. 60  
Qui te cumque manent isto certamine casus,  
Et me, Turne, manent. Simul haec invisā relinquam  
Lumina nec generum Aenean captiva videbo.  
Adcepit vocem lacrimis Lavinia matris

§. 510 non satis convenit. — 52. *Longe illi erit*: formula minarum, reuens in primis poetis (v. Cerdam et ad Tibull. I, 2), etiam Graecis exemplis illustranda. In vs. 52, 53 Homericam narrationem Il. 2, 314 sqq. respici per se patet. — 53. Etsi dubitari potest de hemistichio, en Virgilii sit: distinximus tamen post *tegit*: quo facto loci difficultas sublata est. *Longe illi dea mater erit, quae nube fugacem Feminea tegat; et vanis h. e.* in vanum sese occulat umbris h. e. ille: quibus Aeneas antea nube a matre (unde materna et nonc *feminea* nubes) tectus, occultatus fuerat. Nec autumes sic scribendum fuisse occultat. Nam alterum non modo recte, sed etiam elegantius dicitur, variato post prius tempore: ut solet in primis Maro noster.

54. *nova pugnae sorte*. Minus bene pro magna Serv. et alii. Immo: nove pugnae conditione, novo genere; singulare sc. certamine. — 55. *moritura*, tamquam quae mori decrevisset, nisi ille flecteretur. Cf. XI,

741 et saepe. — 57. *honos, αἰδώς*, passive, qui habetur, reverentia; VII, 401, 402 *gratia*. Comparant Intpp. modo Hecubae Iliad. χ, 82, modo Andromachae exemplum Il. ζ; sed sunt haec paulo remotiora. — 58. *imperii notionem ornat et euget τὸ decus*, dignitas, auctoritas. — *in te omnis domus inclinata recumbit*, nititur, orate: in columnas, tamquam futurus gener, ἐν κίλις ἱπόμενος. *Teucris* pro Tencro, Aenea, positum esse facile videas. Sed quorsum factum? ut a vulgari oratione eo magis recederet. Ita mox 62 *haec lumina* pro hoc lumen, vitam. — 63. *captiva* ad invidiam adiectum: satis erat victa, cuius propositum exitu caruit; vel obnoxia, quae marito mortuo sub generi manu futura est.

64-69. Praeclare τὰ ἔξοχα in virgine servatum. Erubescit illa; animi sensa non eloquitur. Quandoquidem autem sive ea antiqui aevi more sive ex carminis oeconomia Laviniae nullae praecipuae partes esse in rerum actu poterant: multo magis in rubore



Flagrantis perfusa genas, cui plurimus ignem 65  
 Subiecit rubor et calefacta per ora cucurrit.  
 Indum sanguineo veluti violaverit ostro  
 Si quis ebur, aut mixta rubent ubi lilia multa  
 Alba rosa; talis virgo dabat ore colores.  
 Illum turbat amor, figitque in virgine voltus; 70  
 Ardet in arma magis paucisque adfatur Amatam:  
 Ne, quaeso, ne me lacrimis neve omine tanto  
 Prosequere in duri certamina Martis euntem,  
 O mater: neque Onim Turno mora libera mortis.  
 Nuntius haec Idmon Phrygio mea dicta tyranno 75  
 Haud placitura refer: Quum primum crastina coelo  
 Puniceis invecta rotis Aurora rubescit;

puellae acquiescere debuit poëta. Sic  
 supra quoque lib. XI, 479, 480.  
 Erubuisse autem putanda est, cum  
 praesente Turno nuptiarum esset fa-  
 cta mentio, quas mater cum ipso,  
 non cum Aenea, factas esse vellet.  
 Nam de amore Laviniae, in utrum  
 illa animo inclinaret, nihil usquam,  
 si bene memini, poëta meminit (nisi  
 forte in hoc rubore tale quid lateat.  
 R.) — 65, 66. Non est hypallage,  
 quod volunt, inepta h. l. figura; sed  
 utrumque dici et animo repraesentari  
 potest: ut et ignis h. e. calor  
 sanguinis ruborem faciat, et rubor  
 ex concitato sanguine calorem.

67, 68. Hoc esse ductum ab Homero  
 Iliad. 8, 441 omnes norunt, sed ibi  
 de vulnere Menelai; et locus ille est  
 haud paullo ornatior. — *violaverit*  
 docte pro tinxerit: quia adscititius  
 color omnino nativum φθίσκειν, *cor-  
 rumpere*, dicitur, et Homerus μάλιστ'  
 ἰδὲ πρὸς ποταμὸν dixerat. — 68 *rubent*  
 int. de percussio rubore vicino. *Sup-  
 plendum* autem v. 69 qualis tunc co-  
 lor esse solet, *talea virgo dabat ore*

colores: talis color erat in virginis  
 ore.

70. Vt ipse rubor decebat puellam,  
 Turnus Laviniae amore magis incen-  
 ditur: nec tamen alloquitur eam, sed  
 oculis in eam coniectis matri respon-  
 det. Aliter heroum vita, aliter nostri  
 mores ferunt. *turbat amor*. Cerda  
 bene laudat illud Livii III, 47 de Ap-  
 pio: *Tanta vis amentiae verius quam  
 amoris mentem turbaverat*. — 72. *omi-  
 ne tanto*: ipsis lacrimis ominosis (cf.  
 not. ad Tibull. I, 3, 13) in exitu ad  
 pugnam. Prorsus ad Homeri ductum  
 Il. ω, 218, 219. cf. Il. ζ, 486 sqq. Ex  
 posteriore loco et ex altero Apollonii  
 inde ducto lib. I, 295 sqq. illustratur  
 sententia verhorum: *neque enim Tur-  
 no mora libera mortis*, si mora fatalis  
 instat, non liberum mihi est et moras  
 inlicere. Nisi illa exempla essent, sim-  
 plicissimum erat mortem de summo  
 discrimine, ad quod pugna adduce-  
 bat, accipere. Mor tem, h. e. pugnam,  
 non iam licet detrectare. — 76. *haud  
 placitura* tamquam Ignavo Aeneae,  
 qui retractare vellet dicta, ut v. 41,  
 42. — 78. Compsant Il. γ, 68 sq.

Non Teucros agat in Rutulos. Teucrum arma quiescant  
Et Rutulum. Nostro dirimamus sanguine bellum.  
Illo quaeratur conitinx Lavinia campo. 80

Haec ubi dicta dedit rapidusque in tecta recessit :  
Poscit equos gaudetque tuens ante ora frementis ,  
Piluino quos ipsa decus dedit Orithyia ,  
Qui candore nives anteirent , cursibus auras.  
Circumstant properi aurigae manibusque lacesunt 85  
Pectora plausa cavis et colla comantia pectunt.  
Ipse dehinc auro squalentem alboque orichalco

— 80. Praeclare haec. Hinc Lucan. VII, 348: *medas posuit deus omnia campo*.

81 sqq. An Maro, si retractare licuisset carmen, probaturus fuisset narrationem, quae sequitur, dubito. Locus est per se elegantissimus, ad exempla veterum heroum armanium se attemperatus. Sed vix placere potest, quod Turnum et Aeneam haec omnia facere narrat *die seu vespere, qui pugnam antecedit*. Ioduit arma, ut exploret, an humeris apte inhaereant, esperitur hastam, etc., ut iterum esuat et se quieti dei. Nam sequitur v. 113: *Postera vix summos* etc. Non tamen quenquam haec offendisse video. Non male quidem dicere, declarari a poetâ summum ardorem Turni et pugnae studium. Recte utique; modo ne animum quis ad temporis notationem retulerit. *te ante ora fr.* i. e. antea frementes quoad ora.

83. Poëtico more equorum genus ornat. Sunt hi Turni equi ex Thracia, Boreae sede, cuius uxor Orithyia ex Attica: cf. Apollon. I, 221 sqq. A Boreae autem cura equorum laudes repetunt poetæ; etiam Homerus. Nam Erichthonio, Dardani f., erant eques a Boreae, adeo in equum mu-

tato, prognatæ: II. v, 223 sqq., quemadmodum Achillis equos ex Podarce Harpyia suscepit Zephyrus II. π, 450 sq. Quae omnia celeritatem cursus adumbrant. Non male autem critici veteres apud Servium a culpantur hoc locum Virgilium, dicentes incongruum esse figmentum. Namque Orithyia cum Atheniensis fuerit, filia Terrigenae (Erechthei), et a Boreae in Thraciam rapta sit, quemadmodum potuit Pilumno, qui erat in Italia, equos dare? Progeniem istam armenti Erichthonii huc vocat Iul. Sabinus; non magis commode. Probabiliore inventio Penthesileae equos ab Orithyia donatos narravit Q. Calaber lib. I, 165 sq. Omnino hoc est exemplum usus mythorum apud superiores poetâs tam diversi ab usu antiquo. Maroni est merum ornamentum, nec de probabilitate historica ille laborat; antiquis vero erat phantasma in sermone hominis ἐνδοξότατος, ut ventis natum diceret equum velocissimum. — *decus* h. l. γῆρας, munus honoris causa datum: apud Homer. ἔγχαλμα. — *Qui candore*, ornavit Homericum II. π, 437 cf. II. π, 149, τ, 415. — 85. *lacesunt plausa* ornatæ pro plaudunt. Conf. Ge. III, 186; de voce *lacescere* vid. ad X, 10.

Circumdat lorica[m] humeris; simul aptat habendo  
 Ensemque clipeumque et rubrae cornua cristae,  
 Ensem, quem Dauno ignipotens deus ipse parenti 90  
 Fecerat et Stygia candentem tinxerat unda.

— 87. *aqualem auro, splendentem* v. ad X, 314. *albo orichalco*. Cum de metallis omnino multa, fide parum explorata, crediderit vetustas, etiam pretiosum aliquod et auro proximum metallum narrat poetae ὀρείχθλον, v. c. Hymn. Homer. V, 9, male a nonnullis redditum aurichalcum. Cf. h. l. Serv.; fuisse illud aeris genus aliquod pallidius, ex hoc Virgiliano loco colligitur. v. Bochart. Hieros. P. II, VI, 16 Hoc melius, quam quod Servius offert, album dici auri comparatione; nam per se album non esse, nisi album simpl. ad splendorem spectat, uti Hesiod. Sc. II. 422 ὀρείχθλον φαίνον διχί, quod iam Cerda alique maluerunt. Adde Apollon IV, 973; ubi conf. Schol. Winckelman. Monum. ined. T. II, p. 172 alia affert parum subtiliter dicta; in hoc tamen audiendus, quod albo eiusmodi metallo vasa in Museo Herculanensi esse narrat. Locus Plinii XXXIV, 2 accuratius tractatione indiget; manifestum tamen ex eo sit, veteres nativum aliquod aes candidum notum habuisse, simile vulgari huic (Messing), ad quod vulgo nomen est tractum. Vid. Io. Beckmann ad Aristot. mir. aud. p. 132. — 88. *aptat habendo*, ad habendum, ut Serv.; h. e. ut haberi commodè manu ac tractari possit; explorat, an habilis sit ensis; quomodo alias efferre hoc solebat Maro. — 89. Capiti aptat galeam. *cornua cristae* nove dixisse videtur. Servius comas interpretatur; cornua enim proprie esse cincinnos. Fortasse verba Diomedis Iliad. 2, 395

in Paridem, κέρα ἄγλαι, in animo habuit. Sed a poeta designari videtur galea duplici vel triplici crista ornata. τροπᾶλαια, quae explicita et discriminata in ternas diversas partes vergit ac nutat. Tales λόφοι ex comis s. φάλοις suis prodeuntes et in obliquum vergentes ac prominentes seque inflectentes potuere per cornua designari. Cf. IX, 50. — 91. *tinxerat*, ad temperandum seu indurandum ferrum. Vid. VIII, 450: *alii stridentia tingunt Aera laeu*: et similia Ge. IV, 472. *Stygia autem unda* tinxisse ferrum Vulcanum ait, nescio an satia commode, quandoquidem diis superis Stygis adeundis nulla est data facultas, et magis sobrie Sophocl. Al. 1056 de ferro, quo is occubuit, Ἀρ' αὖκα Ἐρινύς τοῦτ' ἐχάλκευε ξίφος: argute tamen et ingeniose, quandoquidem Styx non modo amnis ille est ipsis diis sacer et horrendus et, cum aqua ad temperandum ferrum candens memoranda esset, nulla opportunior videri debebat; verum etiam, quoniam Styx et ipse Ἐρμύς amnis erat et incorrupta atque ab omni vi secunda reddebat ea, quae in eo mergebantur. Nota est fabula de Achille Styge merso. Quemadmodum igitur alia aliam aquam meliorem esse ad ferrum temperandum (φραμίσσιν, τὸ γὰρ αὐτὲ σιδήρου γιγνέται κράτος ἐστὶ, Od. 1, 393) res est notissima, observata quoque Plinio XXXIV, s. 41; ita isto quidem respectu Stygia aqua eum ludicio ac dilectu posita videri potest.

Exin, quae mediis ingenti adnixa columnae  
 Aedibus adstabat, validam vi conripit hastam,  
 Actoris Aurunci spoliū; quassatque trementem  
 Vociferans: Nunc, o numquam frustrata vocatus 93  
 Hasta meos, nunc tempus adest; te maximus Actor,  
 Te Turni nunc dextra gerit; da sternere corpus  
 Loricamque manu valida lacerare revolsam  
 Semiviri Phrygis, et foedare in pulvere crinis  
 Vibratos calido ferro myrrhaeque madentis. 400  
 His agitur furiis, totoque ardentis ab ore  
 Scintillae absistunt; oculis micat acribus ignis:  
 Mugitus veluti quum prima in proelia taurus  
 Terrificos ciet atque irasci in cornua tentat,  
 Arboris obnixus trunco, ventosque lacessit 405  
 Ictibus et sparsa ad pugnam proludit arena.  
 Nec minus interea maternis saevus in armis

92, 93. Ad veteris aevi morem omnia. v. Od. α, 127. — 94. *Actoris Aurunci spoliū*, Actori detractum: ne dubites. Commode varo ponere potuit poeta, bellum Turno cum Auruncis, vicino populo, intercessisse: unde lib. VII, 795 in Turni copiis erant *Aurunciae manus*. — Mox 95, 96, ut X, 773, 774. — 99, 100. Perpetua in Troianos tamquam molles homines iacta probra: conf. IV, 315 sqq. IX, 614 sqq. partim ex fama de Troianorum opulentia, partim ex permutatione Troianorum cum Phrygiis facta. An vero comes iam Phryges illi calamistro *vibrare*, crispare, soliti fuerint, ea poeta probatum dare nolim: videtur in hoc heroici saeculi more deserto sui aevi mores substatuisse. — 101, 102. De ira nil frequentius his. Iam praevit Homerus II, α, 104. ο, 607, ε, 365, δ, 662. Hesiod. Sc. Herc. 390; sed *scintillae*,

h. e. fulgores, *παρὰ πυρῶν*, rem augent mirifice. Praetulit signa Apollonis. I, 1296, 1297. In ceteris praevit Lucret. III, 290 de calore: *Quum fervescit, et ex oculis micat acribus ardor*. — 103 sq. Ornatum comparationis ex Ge. III, 232-234 petiit, ubi v. not. *irasci in cornua*, iram exercere cornibus: quod paullo post et se suscitāt ira; ut surgere in cornua, erigere se cornibus. Adscriptum ibidem *Συμπύρκασις* sic *ἀέρας* ex Euripidis Bacch. 742. Versum graecum in Epp. ad Att. VIII, 5 adscripsit iam Guell. *πύρκασις* *Πέλλα* *πατρὸς* *καρπύων* *ἐκ* *ἀέρος* *Συμπύρκασις*: ut hic ventos laceant ictibus. Illud alterum: et *sparsa* et *pugnam proludit arena* proprium taurorum naturae esse notum est; idque iam Plinius VIII, 45, s. 70 notavit. Add. Oppian. Cynaget. 56, 57, 58. Q. Calab. IV, 237 sqq.

107. *saevus*, furiosus; ut toties iam

Aeneas acuit Martem et se suscitât ira ,  
 Oblato gaudens conponi foedere bellum.  
 Tum socios maestique metum solatur Iuli 110  
 Fata docens, regique iubet responsa Latino  
 Certa referre viros et pacis dicere leges.

Postera vix summos spargebat lumine montis  
 Orta dies, quum primum alto se gurgite tollunt  
 Solis equi lucemque elatis naribus efflant; 115  
 Campum ad certamen magnae sub moenibus urbis  
 Dimensi Rutulique viri Teucrique parabant  
 In medioque focos et dis communibus aras

poëtae dictum vidimus *aevum*, *crudelem*, *atrocem*, *ferum*. — *acuit Martem*: virtutem bellicam, ut *acuisse furor* VII, 406. Doctius enim poëtae dicunt *ἀγρεύω*, h. e. *ἐξύπτω*, *παρὰ φύσιν*, et acuire virtutem, iram, curas, quam acuire se ad vel in iram etc. Etiam pro: *acuire alicuius famem*, acuire aliquem, noster poëta usus est dicere: *Audistis que lupos acuiant balatibus agni*, Ge. IV, 435. — 109. *foedere*, pugna singulari ex foedere. Idem v. 112. *pacem* dixit. — 111. *Fata docens*. Non veretur poëta hoc ipso detrudere aliquantum virtuti herois sui. Qui enim novit fatale sibi esse, ut vincat, non adeo magna virtute indigere videtur, quasi qui incerto, multo magis qui certo vitae discrimine ad pugnam procedit. Sed fecit hoc, an recte non dixerim, exemplo Homeri: apud quem Helenus Hectorem ad certamen hoc ipso argumento excitat Il. η, 50, 52. — 112. *viros*, κατὰ τὸ ἐτυμολογικόν, intelligitur missos esse legatos, ut Serc. movet: etsi v. 75 tantum anus Idmon memoratus est; nisi dicas missos nunc esse ab Aenea alios, comites datos redeuntibus Latini legati.

123. Bene Servius: « Et sciendum, nunquam diem sic potenter descripsisse Virgilium, sicut in IV, 522 noctem, ubi Dido pervigilans deliberat. » Oritur scilicet dies, qui *fatum* rebus in *aevum* Conderet *humanis*, et quo summa belli et carminis exitum solum inveniret. — Ordo: *Postera vix summos spargebat lumine montes Orta dies.... Campum.... Rutuli Teucrique parabant*; pro: cum pararent. Reliqua in medio declarant ortum diei. — 115. *lucemque elatis naribus efflant*. De elato equorum in altum eluctantium capita cogitandum. Exquisitius vocabulum captavit poëta, *lucem* pro flamma, igni. Nam equos Solis ignem efflare, *πῦρ μέδω*, commune est. Ovid. Met. II, 119, 154, 155. Praeiverat autem etiam in vocis dilectu Ennius: *funduntque elateis naribus lucem*, ut Servius monuit, et Lucilius apud Victorinum: *efflantque elatis naribus lucem*. — 116. In sqq. potuit ante oculos versari simile inter Troianos et Achivos foedus de pugna singulari Il. γ, 314 sqq. — *Campum parabant*, instruebant: aequando, purgando ab arboribus etc. conf. 770, 771. — 118, 119. Arguantur Servius,

Gramineas. Alii fontemque ignemque ferebant  
 Velati lino et verbena tempora vincti. 420  
 Procedit legio Ausonidum, pilataque plenis  
 Agmina se fundunt portis. Hinc Troïus omnis  
 Tyrrhenusque ruit variis exercitus armis,  
 Haud secus instructi ferro, quam si aspera Martis  
 Pugna vocet. Nec non mediis in millibus ipsi 425  
 Ductores auro volitant ostroque decori,  
 Et genus Assaraci Mnestheus et fortis Asylas  
 Et Messapus equum domitor, Neptunia proles.  
 Vtque dato signo spatia in sua quisque recessit,  
 Defigunt tellure hastas et scuta reclinant. 430

Iul. Sabinius et alii. In *ara*, quæ h. l. e cespite fuit, puta esse *focum*, qui *ignem* recipit. *Dii* autem *communes* sunt, per quos uterque iuraturi erant, Latinus et Aeneas; ut in loco Propertii I, 11, 16, ubi puella *perfida* non meminit *communes deos*. Sicque lib. VIII, 275, *communeque vocante deum*. cf. Valer. Fl. IV, 761 *Communesque vocant superos*. — 420. Antea legabatur: *Velati lino*: villa linen cincti, cui frondes sacrae erant implicitae. *Feciales* descriptos volunt: male; nam prias sctas praefecit, *χίτωνας*, habet, ut Hom. Il. γ, 116 sq. Sed verior lectio est *lino*, veste, qua ab umbilico usque ad pedes teguntur pudenda populi, subligari, *πριζώματα*, cincti: ut praecincti esse solebant ministri sacrorum. — 421. *pilata agmina*, pilis armata. Recte hoc armorum genus Romanis proprium a Priyb. VI, 23 descriptum (cf. Ge. I, 495) nunc tribuit *Ausonidarum* h. e. Latinorum agmini; ut Aventini copias lib. VII, 664. Mirum tamen Grammaticorum veterum acumen fuit, quo *pilatum* (a pilando, *πιλῶν*, ductum) confertum, densum esse vellent. Do-

cta est Servii nota ad h. l. super aliquo hoc verbo: etsi ipsa vocis notio parum recte ab eo constituitur. Quod v. 430 *hustae* memorantur, nihil obest; nam genus hoc *pila* tamquam speciem comprehendit. Quod si *pilatus* alias non occurrit, ad analogiam tamen aliarum vocum, *hastatus*, *olipeatus*, recte se habet. Martialis auctoritate lib. X, 48 uti vis licet, cum non satis liquido constet de lectione. — 427. Mnestheum, Asylum et Messapum excitat nominatim, primum ut poeta, quandoquidem singula enarrata plus *ἐναγυσίας* habent, quam summam annumerata; tum quia hi inter viros principes maxime memorabiles, quorum etiam mox opera erit praecipua. De Mnestheo Troiano v. ad lib. V, 116, 117, de Asyla Etrusco lib. X, 175-178; Messapus in Latinorum auxiliis erat. Conf. VII, 691. — 430. Vt ad v. 116 diximus, possumus in his nonnulla ex Il. γ esse adumbrata: ut hic ex vsa. 134 sqq. Sed *ἀσπίου ἀνελκυστος* ibi diversum est ab hoc, quod *scuta reclinant*: ibi innixi sunt scutis, ut lib. IX, 229: *στῆσαν longis adnixi hastis et scuta tacentes*:

Tum studio effusae matres et volgus inermum  
 Invalidique senes turris et tecta domorum  
 Obsedere ; alii portis sublimibus adstant.

At Iuno e summo, qui nunc Albanus habetur  
 (Tum neque nomen erat nec honos aut gloria monti)<sup>135</sup>  
 Prospiciens tumulo campum adspectabat et ambas  
 Laurentum Troumque acies urbemque Latini.  
 Exemplo Turni sic est adfata sororem,  
 Diva deam, stagnis quae fluminibusque sonoris  
 Praesidet (hunc illi rex aetheris altus honorem <sup>140</sup>  
 Iuppiter erepta pro virginitate sacrauit):  
 Nympha, decus fluviorum, animo gratissima nostro,  
 Scis, ut te cunctis unam, quaecumque Latinae  
 Magnanimi Iovis ingratum adscendere cubile,  
 Praetulerim coelique lubens in parte locarim : <sup>145</sup>  
 Disce tuum, ne me incuses, Iuturna, dolorem.  
 Qua visa est fortuna pati, Parcaeque sinebant  
 Cedere res Latio, Turnum et tua moenia texi :  
 Nunc iuvenem inparibus video concurrere fatis,  
 Parcarumque dies et vis inimica propinquat. <sup>150</sup>

at h. l. reponunt in terra, κατὰ τὴν  
 γῆν, ἀνακλίνουσι πρὸς τῇ γῇ, scuta.  
 — 131 sq. ornate : cupiditate spe-  
 ctandi egressae domibus feminae,  
 pueri et senes aedium tecta et muros  
 adcoedunt (more aevi heroici ex  
 Homero et Hesiodo noto. R.)

134. *At Iuno* : de formula hac, qua  
 decorum interventum orditur poeta,  
 cf. ad lib. IX, 638. Iuno Iuturnae  
 Turni fata aperit novissima. — 135.  
*neque nomen* : nam hoc demum ab  
 Alba condita habuit ; *neque honos*, qui  
 per ferias Latinas in eo haberi solitas  
 accessit. — 139. *Iuturna* proprie unius  
 fontis Nympha est, qui non longe a

Numiculi fonte aberat, ex montis Al-  
 bani radicibus progressus, mox in  
 lacum diffusus et in Tiberim delatus.  
 Habita Nympha inter deas Latinorum  
 indigenas. *Diva deam* h. e. dea deam,  
 nihil amplius : nec Grammatici au-  
 diendi, qui distinguunt — 141. *sacrauit* : cum dilectu positum verbum  
 pro *dedit*. — 142. *decus fluviorum*  
 simpl. pro aquarum, fontium. — 144.  
*ingratum cubile* : h. e. mihi invisum,  
 quatenus in eo pellices Iunoni invisae  
 Iovis amplexibus tenentur. Ita malim  
 accipere, quam aut ad *Iovem ingratum*,  
 aut ad *Latinas ingratas* retra-  
 here. Servius varie tentat. — 148. *Ce-  
 dere res Latio*, Latinis res proce-

Non pugnam adspicere hanc oculis, non foedera possum.  
 Tu, pro germano si quid praesentius audes,  
 Perge; decet. Forsan miseros meliora sequentur.  
 Vix ea, quum lacrimas oculis Iuturna profudit  
 Terque quaterque manu pectus percussit honestum. 155  
 Non lacrimis hoc tempus, nit Saturnia Iuno;  
 Adcelera et fratrem, si quis modus, eripe morti;  
 Aut tu bella cie conceptumque excute foedus.  
 Auctor ego audendi. Sic exhortata reliquit  
 Incertam et tristi turbatam volnere mentis. 160

Interea reges, ingenti mole Latinus  
 Quadriiugo vehitur curru, cui tempora circum  
 Aurati bis sex radii fulgentia cingunt,  
 Solis avi specimen; bigis it Turnus in albis

dere, eos fortuna secunda uti. — 151. Comparant Iliad. γ, 305, 306, saltem ad verba. Ad rem nota Servii facit, qui numina, quoties morituros viderint eos, quibus favent, ab illa recedere monet: vide Stat. VII, Theb. 789 et II. 2, 213. — 153. decet plus est quam licet; ἔστω. — forsan. Serv. s ut forte possit fatorem ordo mutari. — 155. honestum, pulcrum, ex καλόν, ut Ge. II, 392 caput honestum. — 157. si quis modus, exquisite pro: quocunque modo; etiam docte mox excutere pro concutere, turbare, σὺν-χέτω; VII, 339: *diniscere pacem*. Consilium autem Iunonis ex Homero petitum II. 3, 64 sqq. — 160. incertam: aut utrum faceret, aut de eventu. Nam v. 153: *forsan miseros meliora sequentur*.

164 sqq. — 215. Foedus inter Aeneam et Latinum de pugna singulari cum Turno ineunda eiusque conditionibus. Mutum superavit Maro Homerum in sollemnibus foederis exponendis; cf. II. γ, 259 sqq. Ad figuras

Virgilio nove usurpata refert Macrobius VI, 6, quod de duobus incipit dicere et in unum desinit. Quod tamen ex Homero laudat Odys. μ, 73, 74, alienum est. Hyperbaton esse dixit Servius, ut ordo sit: *Interea reges procedunt castris*, cetera in parenthesi dicta sint. Hoc sequuntur, quantum video, interpretes; quibus tamen non accedam. Ponit ab initio poeta genus et tum individua subiungit, inflexa ad id oratione. Interpungo itaque: *Interea reges* (et quidem primo loco) *ingenti mole Latinus vehitur etc. bigis it Turnus etc. Hinc pater Aeneas — Romae: Procedunt* (sc. omnes) *castris. ingenti mole*, magna molitione, apparatu. Servius: pompa, ambitu. — 163, 164. Corona radiata ornatus Latinus in stirpis a Sole ductae argumentum. *specimen* est εἰκῆμα, documentum, id quod argueret patrem Solem: ut Ge. II, 244. *Solis avi*: ad maternum genus et Circen, Solis filiam, hic esse recurrendum nullus dubito. *Interea Latinum ipse*



Bina manu lato crispans hastilia ferro. 463  
 Ilinc pater Aeneas, Romanae stirpis origo,  
 Sidereo flagrans clipeo et coelestibus armis  
 Et iuxta Ascanius, magnae spes altera Romae,  
 Procedunt castris, puraque in veste sacerdos  
 Saetigeri fetum suis intonsamque bidentem 470  
 Adtulit admovitque pecus flagrantibus aris.  
 Illi ad surgentem conversi lumina solem  
 Dant fruges manibus salsas et tempora ferro  
 Summa notant pecudum paterisque altaria libant.  
 Tum pius Aeneas stricto sic ense precatur: 475

poëta VII, 47 Fauno et Marica genitum prodidit. Quod Maricam eandem ac Circe fuisse Servius contendit, grammaticum acumen sapit. Elai verum est, Circes et Vlyssæ filium habitum Latinum auctore ipso Hesiodo Theog. 1011-1015; tamen necessitas nulla est, ut, quod alii arbitrantur, Maronem sui ipsius oblitum nunc aliud sequi dicamus. Sed, cum tam multimode fabulae veteris Italiae narratae et ornatae fuerint, potuerunt esse utique, qui vel Faunum vel Picum (nam *ovum* simpliciter de uno ex progenitoribus accipere licet) e Circe sublatum traderent. Ita Picum a Circe amatum ex Ovidii Metam. XIV, 320 sqq. novimus. Circes et Telemachi filium Latinum alii ediderant, quos Hyginus fab. 127 exscripsit: ubi cf. Munker. Ceterum radiatam coronam, qualis in Regibus, primo Aegypti et Syriae, tunc in Caesare et Augusto, sed post mortem, a Nerone vero iude etiam viventibus imperatoribus conspicitur, exprimere utique voluit poëta: fortasse respexit honorem Caesari et Augusto habitum: *distinetam radiis coronam*, v. c. apud Flor. III, 2, 91 de Caesare; v. Intpp.

ad Vellei. II, 59, 6. Primo tamen loco fabulam spectavit Maro de Circe, Solis filia, cuius caput radiatum ab Argonauticis celebratum: v. Orph. 1216 sqq. An *his sex radii* ad XII mensium vel signorum caelestium numerum spectent, incertum est. — 165. *bina*: ex more heroum, v. lib. I, 313. — 167. Habens clipeum et arma a Venere matre accepta. *Sidereus*, fulgens, coruscus, sideris instar: hoc cum *flagrans* convenit. Homer. Iliad. π, 134, *Σύρωνα, Πηλεΐδην, ἀστρόπυτον, ποδῶνα; Αἰακίδαο*. — 170. In foedere iungendo porca maciatur more Romano. Cf. VIII, 644; agna Troiano et Graeco. V. II, 7, 246 sq.

472—474. Notandus mos horum sacerorum. Orientem spectantes *molam* saltem iniiciunt victimae, pilos e fronte eius excindunt ense (conf. VI, 245, 246), quos in flammam coniiciunt: tum vinum in aram libant. Fieri haec ad consecrationem victimae putanda sunt. Inde 213 *rite sacras pecudes*. Graecis uno verbo est *κατάψισθαι*. Rem pluribus locis Homericis illustratum vide apud Feithium et alios et Cerdam. — 474. *pateris altaria libant*, esquisite,

Esto nunc Sol testis et haec mihi Terra vocanti,  
 Quam propter tantos potui perferre labores,  
 Et pater omnipotens et tu Saturnia Iuno,  
 Iam melior iam, diva, precor; tuque inclute Mavors,  
 Cuncta tuo qui bella, pater, sub numine torques; 180  
 Fontisque Fluviosque voco, quaeque Aetheris alti  
 Religio et quae caeruleo sunt numina ponto:  
 Cesserit Ausonio si fors victoria Turno;  
 Convenit, Evandri victos discedere ad urbem,  
 Cedet Iulus agris, nec post arma ulla rebelles 185  
 Aeneadae referent ferro haec regna lacescent.  
 Sin nostrum adnuerit nobis Victoria Martem,  
 (Vt potius reor et potius di numine firment)  
 Non ego nec Teucris Italos parere iubebo  
 Nec mihi regna peto. Paribus se legibus ambae 190  
 Invictae gentes aeterna in foedera mittant.

libaudo rigant. — 176. Formula ad ductum Homericae concepta *Il.* d. γ, 276 sqq. in qua antiquissima nomina quae fuerint, observa. Formula similia etiam in *Od.* ε, 184 sqq. *Il.* d. ο, 36 sqq. τ, 258 sqq. occurrit. Nec iniucundum hoc observare in poeta ex decoro personarum variatam: Aeneas stricto esse, tamquam perinrium ulturus, Latinus sceptro protento precatur. — 174. Comparant verba ex *Il.* α. ὃ ἐν πῶλ' ἐπύοντα. — 179 iam melior, propitia, placata: ad Heleni monitum respicere putatur; lib. III, 435 sqq. — 180. torques h. l. regis, moderaris, tua voluntate, proprie: fluctis, ut currum. — 181. quaeque Aetheris alti religio. Variavit orationem; h. e. Aetherem invoco. Si numen ei est, si religiose colitur, etiam religionem aetheris esse necesse est: hinc suum quaeque etc. petiit. — 184. convenit: σύγχεται: conventum esto in

hoc, ut. — 187. Sin nostrum adnuerit nobis Victoria Martem. Per hypallage dictum pro: sin noster Mars adnuerit nobis victoriam, accipit Servius; alii tacent. Eoimvero est doctior ratio loquendi pro vulgari: sin victoria propitia fuerit, annuerit nobis pugnantibus, pugnae nostrae; quod sit fausto pugnae exitu. Nunc, cum pro pugna Mars memorari solet, pro pugnae eventu secundo: nostrum Martem, hoc est exitum secundum, qualem nus optamus, dixit. Ita Mars nou modo pugnam, sed et fortunam et successum pugnae in noto illo denotat: aequo Marte, ut VII, 540 et alibi, secundo Marte X, 21. — 188. reor hoc loco pro spero. — 189 sqq. Haec egregie ex eo, quod vere factum esse ex historiis constat, adumbrata sunt. — 190 paribus legibus. Hoc iam praemunierat poeta oraculorum veterum auctoritate: VII, 256: Et vete-

Sacra deosque dabo; socer arma Latinus habeto;  
 Imperium sollemne socer; mihi moenia Teucri  
 Constituent, urbique dabit Lavinia nomen.  
 Sic prior Aeneas; sequitur sic deinde Latinus 195  
 Suspiciens coelum tenditque ad sidera dextram:  
 Haec eadem, Aenea, Terram, Mare, Sidera iuro,  
 Latonaeque genus duplex Ianumque bifrontem  
 Vimque deum infernam et duri sacraria Ditis;  
 Audiat haec Genitor, qui foedera fulmine sancit; 200  
 Tango aras; medios ignis et numina testor:  
 Nulla dies pacem hanc Italae nec foedera rumpet,  
 Quo res cumque cadent; nec me vis ulla volentem  
 Advertet; non, si tellurem effundat in undas  
 Diluvio miscens coelumque in Tartara solvat: 205  
 Vt sceptrum hoc (dextra sceptrum nam forte gerebat)  
 Numquam fronde levi fundet virgulta neque umbras,

*ris Fauni volvit sub pectore sortem ...*  
*paribusque in regna vocari Auspicia.*

— 192. *Sacra deosque* intell. Penates ac Vestam, v. lib. II, 293. — Latinus habebit summum imperium cum iure belli: ut igitur sub eo legibus suis vivant Troiani. *Sollemne* accipit legitimum: ut solent ea quae legitima sunt, sollemni ritu suscipi, tradi. —

193. Deos in Italia vetustissima religione, Pelasgica scilicet, cultos nominat; id quod et ipsum observatu dignum. — 199. *vim deum*, ut numen, deos inferos et Ditem. Nil amplius. *ἡρώες* *ἑρῶν* pro *ἑρῶν* *ἡρώων*.

— 200. *fulmine* tamquam ostento: aruspicinam spectat; nisi malis cum aliis de Iove periculi ultore cogitare. — 201. *medios ignes*, in medio hoc, in ara, positos. Elegantiior tamen Heinsii interpretatio, ut sint tamquam sequestres et conciliatores pacis.

— 203. *volentem* bene adiectum: nam

potest foedus rumpi eo nolente et invito; uti VII, 586 sqq. societatis initae violationem prohibere non potuit.

— 204, 205. Non, si vis ulla Terram, Mare, Coelum ac Tartarum miaceat. Exquisite autem hoc extulit. *Diluvium* pro aquis inundantibus, quibus miscantur tellus et undae. — *effundat tellurem in undas*. Ex vulgari modo loquendi effunduntur undae in tellurem: unde per hypallagen dictum putavit Servius et alii. Sed constituenda est notio *effundat* ex altero *solvat*. Tellurem mari obrutam et dissolutam ac liquefactam vis maior diluat et effundat in mare; tamquam glebam illam, *βῶλον ὑγρῶν*, Medesae apud Pindarum Pyth. IV, 67 sq. *coelum in Tartara solvi*, h. e. resolutum cum Tartaro misceri. — Ad 206-211 vix necesse ut moneamus, haec ex Iliad. α, 234 sqq. esse adumbrata. Comparent studiosi ipsae

Quum semel in silvis imo de stirpe recisum  
 Matre caret posuitque comas et brachia ferro,  
 Olim arbos; nunc artificis manus aere decoro 210  
 Inclusit patribusque dedit gestare Latinis.  
 Talibus inter se firmabant foedera dictis  
 Conspectu in medio procerum. Tum rite sacratas  
 In flammam iugulant pecudes et viscera vivis  
 Eripiunt cumulantque oneratis lancibus aras. 215

At vero Rutulis impar ea pugna videri  
 Iamdudum, et vario misceri pectora motu;  
 Tum magis, ut propius cernunt non viribus aequis.  
 Adiuvat incessu tacito progressus et aram

verba. Valerii Flacci alia est imitatio lib. III, 707 aqq. — 208. *cum semel, ἐν αὐτῇ πρῶτῃ τομήν* (h. e. stirpem, unde recisum fuit) *ἐν ἱερῷ ἱερῷ. matrem, de terra, ut XI, 71: Non iam mater alit tellus.* Potest tamen, quod malim, de ipsa stirpe, trunco eum radicibus, accipi. Est haec Pindari arbor *ἐν ἱερῷ αὐτῇ χῆρος*. — 210. Aere ornatum sceptrum cogita. Vis suten comparationi in hoc: ut hoc sceptrum, haec hasta, nunquam repullulabit; sic nunquam ab hoc foedere recedam. Aliter res se habet apud Homerum, ubi Achilles tam certe sui desiderium subiturum esse Achivis pronuntiat, quam certe sceptrum, quod gestabat, nunquam iterum sit repullulaturum. Vtrique poetæ iniuria facta a viris doctis, qui alterum alteri anteferre voluerunt. — 213, 214. *rite sacratas, consecratas*, cf. ad v. 472. — *in flammam iugulant*, ut saepe iam vidimus, verbo motus resolutio in alterum verbum, pro in flammam prolucient iugulatas. — 215. *cumulantque oneratis lancibus aras*, cumulate apponunt in ara exta in lancibus. Eadem VIII, 284. Scilicet

*viscera*, quae voce alias *carnes* designantur, nunc in Italorum sacris *exta*, id est flammam immittuntur lancibus arae admodum: Ge. II, 194, *Lancibus et pandis fumantia reddimus exta*, conf. Dionys. Halic. VII, 72 extr.

216—308. Fraude Inturnae animis Latinorum incensio foedus turbatur. Comparare solent II, 215 aqq. — 219. *ut propius cernunt non viribus aequis*. Servius: eos congressuros esse, subaudit. Burmannus: *ut cernunt* scilicet scilicet Aeneam, et Turnum non esse aequis viribus. Simplicissimum erat supplere, servata verborum iunctura, *ut propius cernunt pugnam non viribus aequis ineundam*. Turbas tamen et hic fecit et melius in fraudes induxit prava interpunctio, qua nunc a me sublata omnis sententia expedita est: *non viribus aequis*; h. e. cum vires utriusque aequae non essent, retrahendum est ad verba: *impar ea pugna videri* (Fortasse sensus, consummate post aequis positi, et tum magis ad *adiuvat*, relato, clarior sit. Etiam *cernunt* esse potest h. l. dimittant. R.) — 219. *Adiuvat*,

Suppliciter venerans demisso lumine Turnus 210  
 Tabentesque genae et iuvenali in corpore pallor.  
 Quem simul ac Iuturna soror crebrescere vidit  
 Sermonem et volgi variare labantia corda :  
 In medias acies formam adsimulata Camerti  
 (Cui genus a proavis ingens clarumque paternae 225  
 Nomen erat virtutis, et ipse acerrimus armis)  
 In medias dat sese acies, haud nescia rerum,  
 Rumoresque serit varios ac talia satur :  
 Non pudet, o Rutuli, pro cunctis talibus unam  
 Obiectare animam ? numerone an viribus aequi 230  
 Non sumus ? En ! omnes et Troës et Arcades hi sunt,  
 Fatalisque manus infensa Etruria Turno.  
 Vix hostem, alterni si congregiamur, habemus.  
 Ille quidem ad superos, quorum se devovet aris,  
 Succedet fama vivusque per ora feretur : 235

facit, ut ita his videretur ; auget metum. — 222 sqq. Scilicet sic apud Homerum II. 3, 86. Pandarus Minervae monitu foedus turbat. cf. V, 496, 497. — 225. *genus ingens* esse debet vel numerosa gentilitas, quod multos ille habebat communi stirpe ortos, vel *genus* est pro nobilitate et splendore generis dictum. — 229. *pro cunctis talibus* : in laudem dictum ne dubita vel propter vs. sequi. pro his, qui et ipsi pugnare poterant, *numero et viribus aequi*. — 232. *fatalis manus*. De Trolanis, qui fataliter ad Italiam venerant, vix bene cum Servio accipias propter copulam, quae hoc ad Etruscos revocat : quos, ut arbitror, omnino epitheto hoc oneravit, ut sint agmen dirum, tetrum, exitiale. Molestius est, si dicas respesisse lib. VIII, 497 sqq. aut esse satis debitum, ut *fatis debitus* Arruns erat XI, 759. *Infensa* propter receptum a Turno hospite Mezestium ibid. v. 492 sqq.

Sed totum versum e margine venisse suspicari licet ( *Tuearis* fortasse locum, si *fatalis* exponas : exitio destinata. *Infensa* quidem est Turno, sed eam ipsam ob causam odio est nostro digna et interitu certo. R. ) — 233. *Vix hostem* : breviter exposuit, quod Humerus ornatum dederat II. 3, 423 sq. — 234. *Augusta rei species : superos, quorum se devovet aris* sententia tamen obscurior. *Aris deorum* proprie *se devovere* dicitur is, qui aut sacris curandis ideoque sacerdotio consecratur, aut acria templisque tuendis se consecrat ac devovet ; ut XI, 440, *vobis animam hanc soceroque Latino Devoveo*, vobis tuendis, ideoque pro vobis, pro vestra salute. Neutrum hic locum habet. Devovet ille se, vitam suam, morti pro Latinis, *aris deorum*, in aris, h. e. ad aras, foedere facto ante aras : re omni in manus acta. — 235. *vivusque per ora feretur*, ad. notum illud Ennia-

Nos, patria amissa, dominis parere superbis  
 Cogemur, qui nunc lenti consedimus arvis.  
 Talibus incensa est iuvenum sententia dictis  
 Iam magis atque magis serpitque per agmina murmur;  
 Ipsi Laurentes mutati ipsique Latini. 240  
 Qui sibi iam requiem pugnae rebusque salutem  
 Sperabant, nunc arma volunt foedusque precantur  
 Infectum et Turni sortem miserantur iniquam.  
 His aliud maius Iuturna adiungit et alto  
 Dat signum coelo, quo non praesentius ullum 245  
 Turbavit mentis Italas monstroque fefellit.  
 Namque volans rubra fulvus Iovis ales in aethra  
 Litoreas agitabat avis turbamque sonantem  
 Agminis aligeri, subito quum labrus ad undas  
 Cycnum excellentem pedibus rapit improbus uncis. 250  
 Adrexere animos Itali cunctaeque volucres  
 Convertunt clamore fugam mirabile visu!  
 Aetheraque obscurant pennis hostemque per auras  
 Facta nube premunt, donec vi victus et ipso

num: *volito vivis per ora virum*: ferretur sermonibus, etiam post mortem superstes. — 238. *iuvenum sententia*, ut γυναικῶν, pro animo. — 241. Comparant Iotpp. *Iliad.* β, 453 γ, 442.

244 sq. In his manifesta vestigia Homerici prodigii *Iliad.* μ, 200 sqq., quod expressum est a Cicerone in *Mario*: v. de *Div.* I, 47, et *3*, 247 sqq. cum altero *Odys.* ο, 460, ut tamen accommodatum illud sit ad eventum praesentem. — 245. *praesentius*, efficacius. Iotellige ostentum clarum, manifestum, ἐναργής, quo deorum volutas tam manifesta sit, ut dubitari de ea nequeat. — 246. *turbavit mentes Italas*. Ornate expressit poeta, quod vulgo dicimus: si-

gnum, quo nullum aliud clarius Italae h. e. Latioris visum erat: seu clarissimum, quod unquam vidissent. Nec emphasis querenda est *io mentes Italas*. monstro, h. l. ostento, augurio ipso. — 248. Fuere cygni, ut ex sqq. patet: hos quam ornate designavit! *litoreae aves*, pro flumineis, palustribus. *improbus* h. l. audax. v. XI, 767 et al. — 252. *Convertunt clamore fugam*: redeunt cum clamore, ait Serv., quod in exercitu fieri solet. Accipit illicque fugam de dispersis aquilae adventu cygois, ut sit pro coconvertunt se a fuga. Non improbo, nisi malis fugam de volatu simpliciter accipere: sic *convertimus iter*, non modo, quod mutamus, ut V, 581, sed etiam simpliciter, ut sit di-

Pondere defecit praedamque ex unguibus ales 255  
 Proiecit fluvio penitusque in nubila fugit.  
 Tum vero augurium Rutuli clamore salutant  
 Expediuntque manus, primusque Tolumnius augur,  
 Hoc erat hoc, votis, inquit, quod saepe petivi.  
 Adcipio adgnoscoque deos. Me, me duce ferrum 260  
 Conripite, o miseri, quos improbus advena bello  
 Territat, invalidas ut avis, et litora vestra  
 Vi populat. Petet ille fugam penitusque profundo  
 Vela dabit. Vos unanimi densate catervas  
 Et regem vobis pugna defendite raptum. 265  
 Dixit et adversos telum contorsit in hostis  
 Procurrens; sonitum dat stridula cornus et auras  
 Certa secat. Simul hoc simul ingens clamor, et omnes  
 Turbati cunei calefacta corda tumultu.  
 Hasta volans, ut forte novem pulcherrima fratrum 270  
 Corpora constiterant contra, quos fida crearat  
 Vna tot Arcadio coniunx Tyrrhena Gylippo,  
 Horum unum ad medium, teritur qua sutulis alvo  
 Balteus et laterum innecturas fibula mordet,

rigere, intendere, et h. l. volatum, in abeuntem aquilam, quam persequuntur. *Penitus*: in interiora nubium. Vide v 263.

257. *salutant*: venerantur, ut bene Serv., acclamant et cum acclamatione omen accipiunt. — 258. *Expediunt manus*, ut arms capiant, quas, utpote otiosi, palliis vel togis involutas habebant. — 260. Pro vulgato: accipio omen. Facile autem vides, Tolumnium augurium in eum sensum interpretari, ut aquilam de Aenea, cygnum de Turno accipiat. — 268. *certa*: directa. *simul hoc, simul*, variat id quod alias est *simul simulque*, *æqua* et *æxi*, aut *æqua*, *simul*, ut

mel positum. Saepe iam vidimus. cf. Serv. — 269. *cuneos* ornate pro consensu et consensu ordioibus dixit.

270. Occiditur unus ex sociis Troianorum. *Hasta* ... *transadigit unum* (ἄρκ) *costas*. — 273, 274 secundum exemplum io II 3, 132. *balteus* *sutilis* seu *lanens* seu *corisceus*, fortasse tamen serreis laminis nuntius: unde X, 343 *aerea suta*: baltei duo orae in medio iunguntur *fibula*, quae acui mordere dicitur, quae adstringit oram utramque baltei. Iam balteus in iostima thoracis parte subiungitur ad muniendam alvum; ita apud Homerum I. c.; at in Marone thoracis mentio sit nulla, sed solius baltei

Egregium forma juvenem et fulgentibus armis, 275  
 Transadigit costas fulvaeque effundit arena.  
 At fratres, animosa phalanx adcensaque luctu,  
 Pars gladios stringunt manibus, pars missile ferrum  
 Conripiunt caecique ruunt. Quos agmina contra  
 Procurrunt Laurentum. Hinc densi rursus inundant 280  
 Troës Angyllinique et pictis Arcades armis.  
 Sic omnis amor unus habet decernere ferro.  
 Diripuerè aras; it toto turbida coelo  
 Tempestas telorum, ac ferreus ingruit imber;  
 Craterasque focosque ferunt. Fugit ipse Latinus 285  
 Pulsatos referens infecto foedere divos.

alvum tegentis et cingentis. Qua *balteus* teritur *alvo*; propriè balteus terit alvum; nunc exquisitiore poetarum usu vicissim, alvus terit balteum eodem sensu. Incidit telum ea ipsa parte, qua *lateralis iunctura* mordet *fibula*. *Iuncturae laterum* sunt baltei duae orae, *ἑσπέρης ὄψεως*, quas *fibula* mordet, colligit, iungit: hincque ornate *iuncturae laterum* dixit. *Vulnus* igitur h. l. acceptum est *ad medium*, in medio corpore, ea ipsa parte, qua coit in alvum balteus fibulaque inserta constringitur. Similia invenies in Silii VII, 624 sqq. Val. Flacc. III, 489, 490 et in Prudent. Psychomach. 678 sqq.

277 sqq. Praelium iam pedestri et equestri iusto descripto restabat poetæ, ut tumultuariam pugnam describeret. Huc fecit in eo, qui sequitur, loco. Comparent studiosi horum rerum pugnam Centaurorum et Lapitharum Ovid. Met. XII, 210 sqq. — 289. *inundant*, complent campum, felix voc. ad copiam declarandam; *Angyllini*, Etrusci, conf. VIII, 478 sqq. *pictis armis*: ad diversorum mu-

tallorum mixtionem retuli lib. X, 481: *versicoloribus armis*; nisi poeta simpliciter *ὑπαρὰς ἀννιδω* designare voluit, quae tamen *picta* quidem, sed non *versicoloria* possunt dici *arma*. — 281. Ex Ennii VIII. laudat Macrobi. VI, 1: *Hausti spargunt hastas; sit ferreus imber* (Ita comparatio salta nota *ἄψος πολέμοιο*, *χαλκὸς μάχης*, in ipsam rei designationem abiit. — 285. *Crateras*, quibus ab libationem usuri erant. R.)

286 *pulsatos deos*, gravius verbum posuit, quod *αἰχμῆς* Graecis esset, ut violatos et ignominiose habitos designaret. Morem autem fuisse necesse est, ut foederibus faciendis ipsa dentium signa ad aram statuerentur; quippe quae b. l. attulit. Latinus et secum revehit (Cum neque deorum a Latinis allatorum ulla mentio injecta sit, neque moris deos hac in re ad aram statuendi ullum vestigium occurrat alibi; locus hic ita expediendus esse videtur, ut et ipse Latinus deos fractis foederibus laesos ideoque aversos *referens* h. e. invitans fugerit atque in urbem regressus



Infrenant alii currus aut corpora saltu  
 Subiiciunt in equos et strictis ensibus adsunt.  
 Messapus regem regisque insigne gerentem  
 Tyrrhenum Aulesten, avidus confundere foedus, 290  
 Adverso proterret equo: ruit ille recedens  
 Et miser oppositis a tergo involvitur aris  
 In caput inque humeros. At fervidus advolat hasta  
 Messapus teloque orantem multa trabali  
 Desuper altus equo graviter ferit atque ita fatur: 295  
 Hoc habet; haec melior magnis data victima divis.  
 Concurrunt Itali spoliantque calentia membra.  
 Obvius ambustum torrem Corynaeus ab ara  
 Conripit et venienti Ebuso plagamque ferenti  
 Occupat os flammis. Olli ingens barba reluxit 300  
 Nidoremque ambusta dedit. Super ipse secutus  
 Caesariem laeva turbati conripit hostis,  
 Inpressoque genu nitens terrae adplicat ipsum:  
 Sic rigido latus ense ferit. Podalirius Alsum

sit. R.) — 287. *Infrenant currus*, ut  
 ἄμαρτα, pro equis iugalibus. Conf. I  
 Ge. 514 et al. ut contra Homero ἔν-  
 νοι pro curru. *subiiciunt* sursum, in  
 altum, more Virgiliano. cf. Ecl. X,  
 74. Ge. II, 19. III, 244. IV, 385. —  
 289. *regis insigne*, diadema.

290. *confundere foedus* ex Home-  
 rico συγχύω ὄρεον pro luthare. Iam  
 lib. V, 496, ubi vide. — 291. *pro-  
 terret*, elegans et efficax verbum, pro  
 proturbat, irrumpit in eum. — 293. In  
 sinciput et tergum. ἐνί στήθεος τε  
 καὶ ὀπίσθου; II, 2, 586. — 294. *telum  
 trabale*; magnum, instar trabis, ab  
 Ennio summisso Maronem testatur  
 Servius. — 296. *Hoc habet*: solenne  
 verbum de accepto vulnere. *haec  
 melior* sere ut lib. V, 482: *Haec tibi  
 Frix meliorem animum pro morte*

*Daretis Persolvo.* — 300, 301. For-  
 tasse ad nimis tenuia descendisse vi-  
 deri potest poeta. Sed in vulnorum  
 varietate mira mirum in modum se  
 iactant epici poetae Homeri exemplo:  
 cumque omnis haec res in corporum  
 animorumque motu versetur sensum-  
 que legentis impellat, quo epici car-  
 minis etiam munus cernitur; et fe-  
 rendum hoc est et, poetico ornatu si  
 se commendat, probandum. — 300.  
*occupat* cum adiuncto accipiendum:  
 occupando ferit: ὀδύνατ' ἠλῆξας Cf.  
 Valerii Fl. III, 168 imitatioem. —  
 303. Videtur Ebusus, Etruscus gente,  
 e Mezentii copiis (saltem barbarum  
 more Etrusco alebat 300, 301; secus  
 Troiani) fugisse: tum alter Cory-  
 naeus, qui e Troianis fuisse putan-  
 dus, a tergo comam corripit et genu

Pastorem primaque acie per tela ruentem 305  
 Ense sequens nudo superinminet : ille securi  
 Adversi frontem mediam mentumque reducta  
 Disiicit et sparso late rigat arma cruore.  
 Olli dura quies oculos et ferreus urguet  
 Somnus ; in aeternam clauduntur lumina noctem. 310  
 At pius Aeneas dextram tendebat inermem  
 Nudato capite atque suos clamore vocabat :  
 Quo ruitis ? quaeve ista repens discordia surgit ?  
 O cohibete iras ! ictum iam foedus et omnes  
 Conpositae leges ; mihi ius concurrere soli ; 315  
 Me sinite atque auferte metus. Ego foedera faxo  
 Firma manu : Turnum iam debent haec mihi sacra.  
 Has inter voces , media inter talia verba  
 Ecce ! viro stridens alis adlabsa sagitta est ,  
 Incertum qua pulsa manu , quo turbine adacta ; 320  
 Quis tantam Rutulis laudem , casusne deusne ,  
 Adtulere. Pressa est insignis gloria facti ;

a tergo impresso eum prosternit, prostratum caedit. At Albus Rutulus, v. 306, 307 ex fuga conversus, Podalirii, Troiani, oa securi elata ferit. — 307. Comparant simile vulnus Il. 6, 460, 461. Il. v. 614 sqq. π., 503. — 309, 310. Eisdem versu lecti iam X, 715, 716. Homerica confer in locis modo laud.

312—382. Aeneam misceri manus velantem eminus sagitta ferit ; quo e pugna educto Latini ferocientes Troianos adorti magnam stragem edunt. *Nudato capite*, nudo. In causis rei arguantur Iutpp. Praestat saltem Servii ratio : scilicet deposita galea, ut posset agnoscere. Verum tot exempla et ipsa res docent galeam non esse impositam capiti, nisi ultimo loco et re iam ad discrimen adducta ; in negotiis vitae communibus incedere

ac discurrere armatos thorace, nudo adhuc capite et manu sine hasta, ut h. l. *manum incernem* ; XI, 489. Turnus armaverat se *Tempora nudus adhaec ; laterique adcinxerat enses*. — 316, 317. Nolite timere pro me : ego firmabo, ratum faciam foedus pugna cum Turno ineunda ex foederis conditionibus sacro hec aanciis.

318 sqq. Ad pactionis inter Achivos et Troianos turbatae morem haec esse adumbrata iam monitum est ; sed pleraque docte variata. — 319. *alis adlabsa* iungendum, h. e. adolevit. Docet alter locus lib. IX, 578. — 320. *pulsa*, ut 856 *impulsa*, pro emissis ; *sagitta* impellitur nervo, cornu, manu. *quo turbine* docte pro motu, sed vehemente, magno ; et hoc pro, quo movente, emitte. — 322. *precis*, suppressa, ut Serv. ;

Nec sese Aeneae iactavit vulnere quisquam.  
 Turnus, ut Aenean cedentem ex agmine vidit  
 Turbatosque duces; subita spe fervidus ardet; 325  
 Poscit equos atque arma simul saltuque superbus  
 Emicat in currum et manibus molitur habenas.  
 Multa virum volitans dat fortia corpora leto;  
 Semineces volvit multos aut agmina curru  
 Proterit aut raptas fugientibus ingerit hastas. 330  
 Qualis apud gelidi quum flumina concitus Hebri  
 Sanguineus Mavors clipeo increpat atque furentis  
 Bella movens inmittit equos, illi aequore aperto  
 Ante Notos Zephyrumque volant; gemit ultima pulsu  
 Thraca pedum, circumque atrae Formidinis ora 335  
 Iraeque Insidiaeque dei comitatus aguntur:  
 Talis equos alacer media inter proelia Turnus  
 Fumantis sudore quatit, miserabile caesis  
 Hostibus insultans; spargit rapida ungula rores

laet, ignoratur. — 324 sqq. Oblique hoc ipso amplificat Aeneae laudem ac virtutem. Nunc recedente Aenea Turnus conscenso curru pugnam redintegrat, multis virtutis specimenibus edita. — 326. *superbus*, nunc pro: animosus, audax; et *molitur* poet. *simpl.* pro *invenit*, ideoque tractat, regit. — 330. *hastas raptas*, correptas, arreptas. Sic saepe.

331 sq. Turnus quadrigis incedit et pugnat Martis more. Mirifice exornat comparisonem Homericam, etsi simplicitate et gravitate non minus insignem, Il. II, 298 sq. Adde Il. V, 208 sq. Aliter expressit locum Silius lib. I, 433 sqq. Marti sedes proprie assignata Thracis. *Sanguineus*: gaudens sanguine, αἰμαχρής. Ita Servius: quae auctoritatis nescio (Sic etiam Ovid. Rem. Am. 153, μαχαίρης,

recte observante Ruperti ad Sil. Ital. I, 40. R.) Nam alias esset cruentus, sanguine respersus, αἱματός. *clipeo increpat* docte pro clipeum movet, quatit, rotat: quod faciens alio clipeo sonitum facit. Nam diversum est clipeum pulsare hasta. Sic aliquis *hasta increpat*, non clipeo. *concitus incedunt*, pro concitate. — *bella movens* *simpl.* pro faciens, pugnans. *Thracis* ex Θράκη pro Thracia. *circumque*, circa deum, *aguntur*, discerunt, incedunt, *Formido* (pro qua *Formidinis* ora dici, obvia res est), *Ira*, *Insidiae*. Variavit et ornavit Comites Martis apud Homerum: Φόβος, Δείμων, Ἐρίδα, v. c. Il. II, 410. Hesiod. Scut. 195.

337—340. Talis rerum species saepe ab Homero oculis obicitur, vide Il. II, 631, 534-536, V, 498 sq. —

Sanguineos, mixtaque cruor calcatur arena. 340  
 Iamque neci Sithenelumque dedit Thamyriumque Pholomque,  
 Hunc, congressus, et hunc; illum eminus; eminus ambo  
 Imbrasidas, Glaucum atque Laden, quos Imbrasmus ipse  
 Nutrierat Lycia paribusque ornaverat armis,  
 Vel conferre manum vel equo praeverttere ventos. 345  
 Parte alia media Eumedes in proelia fertur,  
 Antiqui proles bello praeclara Dolonis,  
 Nomine avum referens, animo manibusque parentem,  
 Qui quondam, castra ut Danaum speculator adiret,  
 Ausus Pelidae pretium sibi poscere currus: 350  
 Illum Tydides alio pro talibus ausis  
 Adfecit pretio; nec equis adspirat Achillis.  
 Hunc procul ut campo Turnus prospexit aperto,  
 Ante levi iaculo longum per inane secutus  
 Sistit equos biugis et curru desilit atque 355  
 Semianimi labsoque supervenit et, pede collo  
 Inpresso, dextrae mucronem extorquet et alto

342. *congressus* cum illo, cominus. *συνδράς τις χρίσας*. — 345. ut seu pedites seu ex equo pugnarent.

346 sqq. ingeniose Eumedem nunc in carmen suum produxit et cenavit, tamquam avo Eumede et patre Dolone natum: cf. II. x, 314. Homerus quidem de Dolone *ἦν δὲ τις ἐν Τρώεσσιν*, sed qui tot alia meminerit, in quibus versandis et ornandis poetæ, in primis tragici, seu ut novitate et varietate delectent, seu pro consilii diversitate ab Homero suo recedunt, non mirabitur Maronem h. l. sibi tantum licere putasse, ut et mobilem et fortem faceret Dolonem. Vidit hoc idem Macrobius V, 16; nec placet Cardae commentum, qui *avum* matrisque ad ignaviam trahit; multo minus inter ea referam, quæ Mito superstitis

operi emendatorum fuisset. Nec pro Homericorum heroum more Dolon ideo ignavus homo videri debet. — *antiqui* pro nobilis et magni, Serv. — 352. *nec equis adspirat Achillis*; mutato tempore, pro *adspiravit*, paullo durius. Dictum cum respectu ad *avum*: ut iam a Diomede deprehensus ei exciderit magne illa audacia, qua Achillis equos sibi pro mercede explorationis pactus erat: nec tum ille amplius adspiravit ad Achillis equos. Cf. var. l. c. II. x, 401, 402. — 354. Per longum spatium iaculo insequutus Turnus Eumedem e longinquo vulnerasse putandus est. Hinc ille *semianimis labsoque*; et Turnus, qui hastam nunc non habet, *mucronem*, seu hastam seu gladium, illius mucronem extorquet, quo eum ingruet. — 356.

Fulgentem tinguit iugulo atque haec insuper addit:  
 En ! agros et, quam bello, Troiane, petisti,  
 Hesperiam metire iacens: haec praemia, qui me 380  
 Ferro ausi tentare, ferunt; sic moenia condunt.  
 Huic comitem Asbuten coniecta cuspide mittit,  
 Chloreaque Sybarimque Daretaque Thersilochumque  
 Et sternacis equi labsum cervice Thymoeten.  
 Ac, velut, Edoni Boreae quum spiritus alto 365  
 Insonat Aegaeo sequiturque ad litora fluctus,  
 Qua venti incubuere, fugam dant nubila coelo,  
 Sic Turno, quacumque viam secat, agmina cedunt,  
 Conversaeque ruunt acies; fert impetus ipsum,  
 Et cristam adverso curru quatit aura volentem. 370  
 Non tulit instantem Phegeus animisque frementem:  
 Obiecit sese ad currum et spumantia frenis

Postquam sequutus et assequutus telo eum erat, desilit Turnus curru, ut saepe pugnantes de curribus comicos congressuri. V. e. II. 7, 29 et infra v. 684. — 358. *tingit ense iugulo*, h. e. immittit in iugulum, ut sanguine tingatur. — 360. *Amara irrissu!* *metire* agros corpore, quos novis colonis Troiani metiri ei assignare volebant.

365. Velut boreas, nubes figat, sic Turnus late ante se Troianos agit. — *Edonus Boreas*, ut alius Thracius, eb Edoni (Ἠδωνοί) Thraciae populo. Incumbunt autem equilones mari Aegaeo in prunis graviter; sunt enim hi etesiae, de quibus v. Plin. II, 47. Adde Apollon. Arg. II, 527 sq. — 369. *conversae*, seu versae in fugam, seu turbatae ea *χλορία* Zan. *fugam dant*, faciunt; ut iam alibi vidimus. — 370. *Et cristam*. Non otiose hoc adiectum; sed menti obicit speciem hominis ruentis. Tum poterat poeta vulgari more efferre: *fert impetus*

*ipsum Adversum curru, et cristam quatit aura volentis*. Sed vides Meronis studium exquisitionis et doctioris orationis; cristam *volare adversum curru* absolute posuit: dum curvus adversus ventum fertur. — 372, 373. *ora detorat dextra frenis*, durum et molestum est. *equorum citatorum frenis*, h. e. immissis frenis, b. e. habentis, non magis placet. Vem proximum est: *spumantia frenis ora*, h. e. in frenis, circa, per frena. Nam frenum spuma oris modet. Variavit poeta, quod IV, 225 dixerat: *Stat sonipes ac frena ferox spumantia mandit*. — 374, 375. Non a Turno, sed a tergo immissam Phegeus fuisse hastam arbitror ab elio. Phegeus *pendet iugis*, ab equis, quos frenis apprehenderet, cumque iis luctatur, dum illi obstantur et procurruni. Inter haec *lancea consequitur resectum*, h. e. in loco corporis patenti nec clipeo tecto percutitur. Tum ille *currum* stricto gladio in *hostem*, a quo

Ora citatorum dextra detorsit equorum.  
 Dum trahitur pendetque iugis, hunc lata relectum  
 Lancea consequitur rumpitque infixā bilicem 375  
 Loricam et summum degustat vulnere corpus.  
 Ille tamen clipeo obiecto conversus in hostem  
 Ibat et auxilium ducto mucrone petebat,  
 Quum rota praecipitem et procursu concitus axis  
 Iupulit effunditque solo, Turnusque secutus 380  
 Imam inter galeam summi thoracis et oras  
 Abstulit ense caput truncumque reliquit arenae.  
 Atque ea dum campis victor dat finera Turnus;  
 Interea Aenean Mnestheus et fidus Achates  
 Ascaniusque comes castris statuere cruentum, 385  
 Alternos longa nitentem cuspidē gressus.  
 Saevit et infracta luctatur arundine telum  
 Eripere auxilioque viam, quae proxima, poscit:  
 Ense secant lato vulnus telique latebram  
 Rescindant penitus seseque in bella remittant. 390

vulneratus erat, ibat, qui ideo alius ac diversus ab Turno erat. Ita equis eius manu dimissis Turnus invehit eumque prostratum obterit. — 375. *loricam bilicem*, binis liciis, filis ordinibus seu ex lino seu ex aere (bracteolis, catenulis, squamis), factam; ut *trilicem* III, 467, ubi not. — 376. *degustat*, ut hiberet: sic iam γούσταται pro attingere II, v, 258 p. 60, 61: alibi alia figura ἐντροχῆτος *rota et axis*, currus Turni. — 381, 382. De vulnere in ipsa cervicis vertebra illati sede ac modo cf. IX, 694-693. Brevitate unus poeta pro vulnere *inter galeam et thoracem* facto *abstulit caput*.

383-384. Redit ad Aeneam vulneratum Maro, cuius *curationem*, ut

*epicūm* poetam decebat, *mirabili modo* factam exponit. — 386. *nitentem* (quoad) *gressus alternos cuspidē*, ἑγχεύ, ἐπετ-  
*όμενος ἑγχεύ*, alternis, cum altero pede claudicaret, vulnere in femore, ut probabile sit, accepto. — 387. *Saevit*. Bene, inquit Serv., viro fortis servat dignitatem: indignatur hominum perfidia, exardescit, quod a pugna abstrahitur; ipse telum tractat, lahescit; fracto ligno poscit, ut vulnere ampliato ferramentum exerceatur. Omnia haec ad nostros sensus accommodatiora, quam quae de Glaucō Homerus narrat II, π, 508 sqq.; sed Homericā propiora sunt ad naturae veritatem. — 389. *auxilioque viam*, viam auxilii, qua via ei ratione expeditissima vulnere medela afferri possit.

Iamque aderat Phoebo ante alios dilectus Iapis  
 Iasides, acri quondam cui captus amore  
 Ipse suas artis, sua munera laetus Apollo,  
 Augurium citharamque, dabat, celerisque sagittas.  
 Ille, ut depositi proferret fata parentis, 395  
 Scire potestates herbarum usumque medendi  
 Maluit et mutas agitare inglorius artis.  
 Stabat acerba fremens, ingentem nixus in hastam  
 Aeneas, magno iuvenum et maerentis Iuli  
 Concursu, lacrimis immobilis. Ille retorto • 400  
 Paeonium in morem senior succinctus amictu  
 Multa manu medica Phoebique potentibus herbis  
 Nequidquam trepidat, nequidquam spicula dextra  
 Sollicitat prensatque tenaci forcipe ferrum.  
 Nulla viam Fortuna regit; nihil auctor Apollo 405

394 sqq. *Iapis*, Iul f., inducitur exemplo Machaonis Menelai vulnus sanantis II. 6, 213 sqq. — 394. *dabat*, dare volebat: nam Iapis, oblatas a Phoebis pluribus artibus Apollineis, arte augurali, canendi, sagittandi, eis spreto maluit medicam artem (quam, ut poeta, *unum* dixit) addiscere, ideoque id munus a Phoebis optione data elegit, ut *depositi proferret fata parentis*, ut patris sui iam conclamati mortem differret. Idem, sed diversa ratione, est *proferre vitam*, h. e. producere. Et quam ornate et ad pietatem declarandam potenter: maluit *mutas agitare inglorius artes* Varie de *mutis artibus* statuunt viri docti. Grammatica quidem fert, ut musicae comparatione dictas pules, non vocales, non canoras. Sed cum ceteris b. l. adiunctis non bene convenit hoc. Intellego *artes* mutas poetico more, quae silentur et faciunt, ut li, qui eas colunt,

silentur; inprimis ex istius, quo poeta vivebat, saeculi opinione, cum medicinam tantum servi vel libertini ac graeci exercerent: ideoque *obscurae*; unde *inglorius*. In vita enim horum artes augurandi, iaculandi et canendi claritatem dabant. — 398. *acerbe fremit*, et supra *saevit* vs. 387. — 400. *immobilis* ad lacrimas eorum. Ille et senior et *succinctus retorto amictu*: egregie ad *ἐνὰ πύγαν* narrationis. Imitatur Maronem Silius in Magonis medico lib. V, 367. — 401. *Paeonium*, Apollineum, hocque pro medicorum more. Pronuntiandum autem *Paeonium*, nam Παιώνιον est, v. ad VII, 769. — 402. *Multa*, multum, *manu trepidat*: novavit egregie: pro multa tentet, sed turbato animo et cum trepidatione. Servius non male et ipse: *trepidanter facit*. — 405. Pro vulgari: Viam hanc ac rationem ferramenti extrahendi fortuna nullo modo secundat; frustra omnia

Subvenit; et saevus campis magis ac magis horror  
 Crebrescit propiusque malum est. Iam pulvere coelum  
 Stare vident, subeuntque equites et spicula castris  
 Densa cadunt mediis. It tristis ad aethera clamor  
 Bellantum iuvenum et duro sub Marte cadentum. 410  
 Hic Venus, indigno nati concussa dolore,  
 Dictamnum genetrix Cretaëa carpit ab Ida,  
 Puberibus caulem foliis et flore comantem  
 Purpureo: non illa feris incognita capris  
 Gramina, quum tergo volucres haesere sagittae. 415  
 Hoc Venus obscuro faciem circumdata nimbo  
 Detulit; hoc fusum labris splendentibus amnem

esperitur ipsis; et nulla vis res successum habet. — 406. *horror* nunc pro causa; terror. — 407. *malum* cum dilectu: est pugna fuga, terror. *Iam pulvere coelum stare vident.* Aër pulvere plenus et quasi condensatus potenter sic describitur a poetis. Exempli dant Cerda et alii. Præiverat Ennius: *stant pulvere campi*; pro vulgari: stat pulvis in campis in æræm sublotus; doctius etiam quam Horæricum: *νόστος δ' ἐνέπρηξεν κενόν ἱερὸν ἀσποπύην*, Il. ψ, 365, 366. Paullin aliter VI, 300: *stant luminis flamma*, sunt flammæ: proprie flamma stat, est, in luminibus.

411 sq. Lineæ loci fortasse ductas in Il. π, 523, 527 sqq. de Glauco ac Apolline recreto. De dictamno (*Δίctamnus* et *Δίctamnus*, a Dicte monte Cretæ, qui Idæe partem facit) inter locos classicos hic ipse Virgili; cf. Aelian. V. H. I, 10; Dioscor. III, 37. Pulegio similem plantam esse produnt veteres: inter *origana* retulit Linnaeus. V. Flor. Classica Biberbeck. pag. 155. — 413. *Pubera folia* sunt efflorescentia, exuberantia; nihil aliud. Perperam Servius folia

adultæ exponit. Etiam *pubescentem vitæ* varie tentat Salmas. Exercit. Plin. pag. 364 modo interpretando nigrescentem, modo viridantem etc. *Pubescere* translatus a pubertate ideoque a flore ætatis florem arborum, herbarum, ælenni tamen aliquæ ratione in vitibus, designat; modo omnino, ut h. l. et *pubentes herbar* Ge. III, 126. Aen. IV, 514; modo, ut in aliis locis, cum adiuncta notione modo exuberantissæ, modo maturitatis vel instantis vel expectandæ: ut Georg. II, 390: *Hinc omnis largo pubescit vinea fetu*. Haec quidem usu constante satis certæ: si tamen respicias alterum *flore comantem*, eo facile adduci potes, ut credas, poetam respexisse languinem foliorum huius herbar: nam sunt ea *γυαπαλώδη καὶ ἰπώδη καὶ τὴν ἐνέπρηξιν* habentia: secundum Dioscorid. l. e. quomodo etiam *herbas pubentes* locis supra memoratis dictas esse maluit viri docti.

416. Quæ igitur simpliciter usus dici poterat medicina ipsis: hæc poetæ a Venere allatam narrat; quæ succum expressum, ambrosia et panacea admixta, clam adstantibus



Inficit occulte medicans, spargitque salubris  
 Ambrosiae succos et odoriferam panaceam,  
 Fovit ea vulnus lymphæ longaevis lapis 420  
 Ignorans, subitoque omnis de corpore fugit  
 Quippe dolor; omnis stetit imo vulnere sanguis.  
 Iamque secuta manum nullo cogente sagitta  
 Excidit, atque novae rediere in pristina vires.  
 Arma citi properata viro; quid statis? lapis 425  
 Conclamat primusque animos accendit in hostem.  
 Non haec humanis opibus, non arte magistra  
 Proveniunt; neque te, Aenea, mea dextera servat:  
 Maior agit deus atque opera ad maiora remittit.  
 Ille avidus pugnae suras incluserat auro 430  
 Hinc atque hinc, oditque moras hastamque coruscat.  
 Postquam habilis lateri clipeus loricaque tergo est,  
 Ascanium fuis circum complectitur armis  
 Summaque per galeam delibans oscula fatur:

aquae infundit, qua lapis vulnus  
 abstergit ac fovet. Ornavit poeta sin-  
 gula, utpote in re mirabili; pro aqua  
 omnem, pro vase *lustrum splendens*  
 sersu seu lebetem, pro miscere inficere  
 ponit et sic porro. — 419. *Ambrosi-*  
*ae*, qua dii utuntur, succos pro un-  
 guento est, quod vulnus lenit et in-  
 flammationem minuit. *panacea*, me-  
 dicina, est inter fabulosos succos iam  
 apud Callim. in Apoll. 40. — 421,  
 422. Comparant ll. π, 528, 529  
*quippe*; utique, *quæ*, quod alias, sci-  
 licet. — 424. *rediere in pristina*, in  
 pristinum; vires resitotae sunt.

425. Exclamationis repentinae vim  
 facile sentis. Egregium narrantis hoc  
 artificium. — 428. *proveniunt* pro  
 vulgari: sunt, eveniunt. — 429.  
*agit*, non accipio cum Servio, Apollo  
 facit haec, nam id tenet; sed *προ-*

*παρα*, mittit ad pugnam, concitat,  
 idem quod mox remittit. — 430.  
 Mira festinatio etiam in Aenea et  
 praeclara tempus praeteritum, *inclu-*  
*serat*. — 432. est, factus est, *habi-*  
*lis lateri*, *ἀρπα*, *τὸ ἀρπάζειν* (torre),  
*ἡ πυρρὴ*, vel ut ll. γ, 332, 333 tho-  
 rax *ἡρπασε δ' αὐτῷ*, sedit in corpore,  
 adspicata, habilis reddita est lorica  
 corpori: *habilis hasta* supra fuit, quae  
 manu facile haberi, tractari, potest;  
*lorica*, quae membris commode re-  
 spondet. 435 aqq. Eminentissimus  
 locus patris affectu, sententiae gra-  
 vitate vi ac veritate; quocum com-  
 paranda loca pulcherrima, primum  
 Hectoris ad puerum Astyanactem  
 verba ll. ζ, 474 aqq.; tum Aiacis ad  
 Euryaetem ap. Sophocl., 550 aqq.;  
 unde Attius *non sum sumserat* apud Me-  
 creb. VI, 4: *Virtute sis par, clipeus*

Disce, puer, virtutem ex me verumque laborem; 435  
 Fortunam ex aliis. Nunc te mea dextera bello  
 Defensum dabit et magna inter praemia ducet.  
 Tu facito, mox quum matura adoleverit aetas,  
 Sis memor, et te, animo repetentem exempla tuorum,  
 Et pater Aeneas et avunculus excitet Hector. 440

Haec ubi dicta dedit, portis sese extulit ingens,  
 Telum inmane manu quatiens; simul agmine denso  
 Antheusque Mnestheusque raunt omnisque relictis  
 Turba fluit castris. Tum caeco pulvere campus  
 Miscetur, pulsuque pedum tremit excita tellus. 445  
 Vidit ab adverso venientis aggere Turnus,  
 Videre Ausonii, gelidusque per ima cucurrit  
 Ossa tremor. Prima ante omnis Iuturna Latinos  
 Audiit adgnovitque sonum et tremefacta refugit.

*fortunis patri.* Cum hac simplicitate quandoquidem luctandum erat Maroni; sententiam paullo argutius expressit, quam par erat. — 435. *verum laborem.* Servius ait: *quem per me ipse nuncipio; non qui ex aliorum virtute imperatoribus adscribi consuevit.* Friget sic sententis. Accipio laborem de ipsa laboris toleratione, patientia, *αὐτοπαλῆς, ἀνδραγαθία.* Dixit autem pro vulgari: disce ex me veram virtutem in tolerando labore; exemplum virtutis verae me tibi habere propositum; at secundae fortunae exempla pete ab aliis. Altero loco: *Fortunam ex aliis:* vocabulum *discere* non aequè oppositum erat. Forma tamen orationis inde existit exquisitior pro vulgari: utere fortuna meliore, quam ego aspertus sum! — 437. *defensum dabit* pro defendet, ut iam similia vidimus, *magna inter praemia ducet*, per magnas belli decora, victorias: *ducet*, quatenus puer acquirit, incedit,

patre praesente. Friget aliorum interpretatio: magno pretio habebis, si te defendero. — 438, 439, 440. Versus auae animis puerorum, quibus illustres parentes munere providentiae contigerunt infingendi, non cum praeclearia vs. III, 342 de Ascenio: *Eoquid in antiquam virtutem* sq.

441—467. Redit in pugnam Aeneas, exedes facit et Turnum ad pugnam exposcit. Verba comparant Il. v, 4, et ad 443, 444 Il. 2, 723. Iam vero 444 vulgare est: pulvis miscetur, turbatur in campo; et, quia obscurat aërem, hinc caecus; ut solet poeta pro: qui visum eripit, *caecum* dicere. — 445. *excita* doctius quam concita, concussa. — 449. *Iuturna refugit*, Camerti assimulata 224. Eadem mox Turno fratre in discrimen adducto iterum in aciem prodit vs. 468. In quo nihil erat, quod minus probabile videri debebat. Potest quis subito ter-

Ille volat campoque atrum rapit agmen aperto, 450  
 Qualis ubi ad terras abrupto sidere nimbus  
 It mare per medium, miseris heu! praescia longe  
 Horrescunt corda agricolis; dabit ille ruinas  
 Arboribus stragemque satis, ruet omnia late;  
 Ante volant sonitumque ferunt ad litora venti : 455  
 Talis in adversos ductor Rhoeteius hostis  
 Agmen agit; densi cuneis se quisque coactis  
 Adglomerant. Ferit ense gravem Thymbraeus Osirim,  
 Archetium Mnestheus, Epulonem obruncat Achates  
 Vntemque Gyas; cadit ipse Tolumnius augur, 460  
 Primus in adversos telum qui torserat hostis.  
 Tollitur in coelum clamor, versique vicissim  
 Pulverulenta fuga Rutuli dant terga per agros.  
 Ipse neque aversos dignatur sternere morti,  
 Nec pede congressos aequo nec tela ferentis 465  
 Insequitur; solum densa in caligine Turnum  
 Vestigat lustrans, solum in certamina poscit.  
 Hoc concussa metu mentem Iuturna virago

rore lugere, idem recipere animum et in discrimen redire.

450. *rapit*, concitate ducit Aeneas. — *atrum pulvere* puta. — 451 sqq. Comparatio ex Homero ducta: sed variata egregie et orata novis accessio- nibus; Il. 8, 275 sqq. (non vero Il. 5, 334 sqq. comparari et Maroni obtre- tati debebat). *abrupto sidere* ma- gnifice pro abrupta nube, quae nim- bum, procellam facit. Ausus hoc vi- detur poeta, cum semel *aidus* de tempestate dicere sollenne sit, quo- niam sub certorum siderum ortu vel occasu tempestates fiunt. *abruptis pro- cellis* Ge. III, 259: *abruptis nubibus* Aen. III, 109 dixerat. Similiter *prae- ceptis* dictum occurrit de ventis, Euro, Noto. *dabit ille*: tempore futuro haec

*ivapyūc* estulit. — 456. *Aeros Rhoeteius*, Trojanus: v. III, 109. — 437. Bene Servius: deussentur, ul cunea- tim conglobati dimicent. *cuneis*, in euneum — 458. *gravem* non satis de- finit poeta, quo sensu accipi vellet, nec refert: nam simpliciter ornat; fortem exponit Servius. Refero ad auctoritatem, dignitatem, annos. Sunt autem in his v. 459 sq. qui caedunt, Troiani; qui caeduntur, Latini. — 460. Comparant verba Iliad. π, 558. De Tolumnio supra 258-266. — 466. Sic Hector Patroclum insequitur Il. π, 731. *tela ferentes*, inferentes, ul XI, 872, hoc est adortos se, contra stantes.

463-485. Iuturna soror in diver- sas partes agit Turni currum, ne Ae-

Aurigam Turni media inter lora Metiscum  
 Excutit et longe labsum temone relinquit. 470  
 Ipsa subito manibusque undantis flectit habenas  
 Cuncta gerens, vocemque et corpus et arma Metisci.  
 Nigra velut magnas domini quum divitis aedis  
 Pervolat et pennis alta atria lustrat hirundo,  
 Pabula parva legens nidisque loquacibus escas, 475  
 Et nunc porticibus vacuis nunc humida circum  
 Stagna sonat: similis medios Iuturna per hostis  
 Fertur equis rapidoque volans obit omnia curru,  
 Iamque hic germanum iamque hic ostentat ovantem,  
 Nec conferre manum patitur; volat avia longe. 480  
 Haud minus Aeneas tortos legit obviis orbis  
 Vestigatque virum et disiecta per agmina magna

pae occurrat. *Iuturna virago.* Servius: virago dicitur mulier, quae virile implet officium. Eum sequuntur alii. Argutius dictum puto quam verius. Virago et virgo prorsus eandem vim habent: sed alterum antiquius ideoque epico carmine dignius. Hinc apud poetas virago Pallas, Diana, Nympha: ut *παρθένος, παρθενική*. Quod vero Iuturnae h. l. tribuit Maro, subiectum est Homeri exemplo Il. 2, 835 *αἴγλ.*, ubi Pallas, deiecto Silenelo, Diomedea currum simili modo regit. Sed locus ille plus dignitatis habet, quam hic, in quo versamur.

474. Cum discursatione currus Turni comparatur hirundinis vagus volutus. Exemplum huius comparationis, quantum quidem mihi constat, ante Maronem non occurrit aliud. Nisi itaque poeta is, unde ductum est, intercidit, est hoc inter inventa Maronis. Observanda autem est in re tenui et humili ornanda et emphaticenda. *Nigra hirundo:* ut domesticam designat, non ripariam, ut Scaliger

observavit. Dicam potius hirundinem rusticam describi, *ἀγροδολίττα*, quae dorso nigro caeruleo est; et agi hic non de palatio urbano, sed de villa aliqua, illa docent: nunc porticibus vacuis, nunc humida circum Stagna volat: quae in urbe non facile queras. *penitus*, in interiore domus penetrando. conf. v. 256-263. — 475. Suavis versus: *parva* cum dilectu: ut paullo ante *vacuis* declarat spatia porticus et amplitudinem. *nidis loquacibus* pro pullis, *vescente τρέφοντι*. (cf. XI, 458. Ge. IV, 47. Imitatus est Juvenal. V, 142, *ipsae loquaci gaudebit nido*. R.) — 480. *Nec conferre manum:* cum Aeneae, ut Servius monet. Nam elios persequitur.

481. *Ut legere vestigia, oras, vias* est persequi, sic legit b. l. *Aeneas tortos orbis*, obliquos et implicitas vias, ut Servii verbis utar (cf. inf. 743) pererrat ac pervagatur. — 482. *disiecta per agmina* impetum ruentis currus declarat, quo dissipati cedunt ordines. — 473, 484. Quoties e lon-

Voce vocat. Quoties oculos coniecit in hostem  
 Alipedumque fugam cursu tentavit equorum,  
 Aversos toties currus Iuturna retorsit. 485  
 Heul quid agat, vario nequidquam fluctuat aestu,  
 Diversaeque vocant animum in contraria curae.  
 Huic Messapus, uti laeva duo forte gerebat  
 Lenta levis cursu praefixa hastilia ferro,  
 Horum unum certo contorquens dirigit ictu. 490  
 Substitit Aeneas et se coniegit in arma  
 Poplite subsidens; apicem tamen incita summum  
 Hasta tulit summasque excussit vertice cristas.  
 Tum vero adsurgunt irae, insidiisque subactus,  
 Diversos ubi sensit equos currumque referri, 495  
 Multa Iovem et laesi testatur foederis aras,  
 Iam tandem invadit medios et Marte secunda  
 Terribilis saevam nullo discrimine caedem  
 Suscitât irarumque omnis effundit habenas.  
 Quis mihi nunc tot acerba deus, quis carinine cae-  
 Diversas obitumque ducum, quosaequore toto (des  
 Inque vicem nunc Turnus agit nunc Troiûs heros,

gino Turnum animadvertat eum-  
 que insequatur sic, ut iam aggredi  
 vellet etc. *tentare* h. l. pro assequi,  
 attingere: saltem in eo esse, ut as-  
 sequaris. Videtur autem (cf. v. 465)  
 Aeneas pedes incedere.

486—499. Aeneas se Turnum asse-  
 qui non posse videns a Messapo, e  
 Latinorum ducibus VII, 692, iaculo  
 petitur. — 486. *fluctuat*, *ῥωγνίται*. —  
 491. *se coniegit in arma*, *ἐντὶ τὸν κλι-  
 πειον*, quo texit se, *ὑπερβαίνων*, *sub-  
 sidens*. Res passim obvia. — 492. En-  
 nim Annal. XIV: *tamen inde volans  
 secum abstulit hasta Insigae*, ante ocu-  
 los fuisse Macrobius VI, 1, contendit.  
 — 494. Sic X, 813, 814. — *insidiis*

*subactus*, ira victus. Vulgo non satis  
 discrete exponunt Intpp. Nam si *sub-  
 actus* est coactus, ieiuna sit oratio.  
 Accipio *subactus*, ut domitus, victus,  
*δυναστεύς*, de ira, propter insidias,  
 quibus petitus ac viderat. Sic alias  
*adaetus*, *permotus*. — 499. Servius:  
 et hic moderate locutus est. Nam  
 Ennius dixit: *irarumque effunde qua-  
 drigas*.

500—553. Pugna atrox nunc oritur,  
 stragesque utrinque editur horrenda.  
 Erant superanda nunc tot alia loca de  
 congressibus pugnantium, ipsius quo-  
 que Aeneae et Turni. Hiuc invocatio  
 dei alicuius. Servius laudat Stat. X

Expediat? tanton' placuit concurrere motu,  
 Iuppiter, aeterna gentis in pace futuras!  
 Aeneas Rutulum Sucronem (ea prima ruentis 505  
 Pugna loco statuit Teucros) haud multa moratus  
 Excipit in latus et, qua fata celerrima, crudum  
 Transadigit costas et crates pectoris ensem.  
 Turnus equo deiectum Amycum fratremque Diorem  
 Congressus pedes, hunc venientem cuspidē longa, 510  
 Hunc mucrone ferit curruque abscisa duorum  
 Suspendit capita et rorantia sanguine portat.  
 Ille Talon Tanaimque neci fortemque Cethegum,  
 Tris uno congressu, et maestum mittit Onyten,  
 Nomen Echionium matrisque genus Peridia; 515  
 Hic fratres Lycia missos et Apollinis agris  
 Et iuvenem exosum nequidquam bella Menoeten  
 Arcada, piscosae cui circum flumina Lerne  
 Ars fuerat pauperque domus, nec tota potentum  
 Limina, conductaque pater tellure serebat. 520

Theb. 827. Iam 503, 504 pro vulgari: Fierine potuit, ut gentes duce mox in unum coacturae tam atroci pugna concurrerent? — 505, 506. *Teucros*, Aeneam cum comitibus per ordines ruentem, cum impetu discurrentem, dum insequitur Turnum, nunc autem eo dimisso eum proximo quoque congressum *ea pugna* primum loco statuit, confuse adhuc per ordines ruentes Teucros sistere fecit impetum; pro communi: tum primum Teueri subaliterunt ad eam pugnam. — 507. *Excipit in latus*, docte, pro excipit, vulnerat, in latere. *qua fata celerrima*, 691... μάστιγά τε κελύβιν ἔσθ' αἶ. — *ensē* pro cruento: ut el X, 682.

509. Ergo Amycus et Diorea filii Priami, ut patet e V, 297. I, 224.

Diversi ab hoc Amyco sunt, quos I. V, 373. IX, 772. X, 704 vidimus. — 510, 511. Comparare solent Iliad. v, 464, 462. — 513. *Ille Aeneas* maestum, ipsa morte, puto, quam subiturus erat. Servius tristem, severum, *αὐτοσπέρων*, exponit. *Nomen Echionium*: quoddam nomen, nomine, Echionis filium; uti et *genus* mos. Nec vero de Echione Thebano cogitandum; mater Ilepida. — 516. *Hic Turnus*, *Lycia et Apollonis agris*: respicit Pataram cum templo Latoniae et liberorum. — 517-520. Egrege ad miserationem faciendam oravit locum; idque eo sagacius fecit, quod statim atrox rerum facies succedit; *Ac velat* etc. Similis elegantiae locum vide ap. Ovid. Met. III, 682 sqq. *Lerna* solum, etsi Argivi agri fluvius et palus, non

Ac, velut inmissi diversis partibus ignes  
 Arentem in silvam et virgulta sonantia lauro,  
 Aut ubi decursu rapido de montibus altis  
 Dant sonitum spumosi amnes et in aequora currunt,  
 Quisque suum populatus iter: non segnius ambo 524  
 Aeneas Turnusque ruunt per proelia; nunc, nunc  
 Fluctuat ira intus; rumpuntur nescia vinci  
 Pectora; nunc totis in volnera viribus itur.  
 Murrhanum hic, atavos et avorum antiqua sonantem  
 Nomina per regesque actum genus omne Latinos, 530  
 Praecipitem scopulo atque ingentis turbine saxi  
 Excutit effunditque solo. Hunc lora et iuga subter  
 Provolvere rotas; crebro super ungula pulsu  
 Incita nec domini memorum proculcat equorum.

Iamen a confiniis Arcadiae multum  
 abest. Ex Evandri autem copiis fuisse  
 putandus.

521 sqq. Hic iam variavit ea, quae  
 lib. II, 304 sqq. posuerat, ubi vide  
 notam. Comparatio utraque in Ho-  
 mero et Apollonio obvia. De prior  
 in primis cf. II, 2, 453; Apollon. I,  
 4026 sq. Vid. X, 405. — 522. silvam  
 lauream intellige: posito generi, sil-  
 vae, subiungit formam seu speciem,  
 ex more. Pro virgultis *laurorum*, *lauri*,  
 doctius dixit *virgulta lauro*. Cf. lib.  
 III, 442 et VI, 704. — 525. *quisque*  
*suum populatus iter*; graviter pro de-  
 currens, sed populando, cum vsta-  
 tione agrorum. — 526. *per proelia*,  
 ordines pugnantium, sciem. — 527.  
*Fluctuat ira*: quasi fluctus agit, se-  
 stuat, IV, 530: Dido *magno irarum*  
*fluctuabat aestu*: petita rei imagine ab  
 aqua effervescente et aestuante: quae,  
 dum vas eam non capit, luctatur et  
 allaborat, ut erumpat. Cf. Lucret. III,  
 293, 299. Hinc plenum aquas *vas rum-*  
*puntur*, vocabulo solenni de copia. Sic

*rumpuntur horrea messibus*, Ge. I, 49.  
 cf. ad Tibull. II, 5, 84. Itaque nunc  
*rumpuntur pectora*, exaestuante ira,  
 quam vix continere possunt.

529. *hic*, Aeneas esse debet, nam  
 Latinum occidit: et ef. v. 638. *so-*  
*nantem*, h. e. crepantem, iactantem,  
 dixit: ut alias *sonare* est loqui, com-  
 memorare. — 530. *genus actum*, ex-  
 actum, ductum, procedens, per reges  
 Latinos; omnes eius maiores regla  
 fuerant dignitate. Mirifice argutantur  
 Intpp. — 531. *turbine* docte pro lactu,  
 sed eum rotationis notatione. *excutit*  
 curru, ut e sqq. — 532. Provolutus  
 ille est subter currum; Impeditus ha-  
 benis et rotis: his quidem equorum  
 impetu ruentibus, illis autem seu  
 manu elapsis seu manus implicitis, ut  
 igitur duplici ex ratione subter iuga,  
 sub currum provolverentur; et lora  
 et rotas eum provolverint subter  
 iuga, currum. Equi *nec memores*, im-  
 memores domini, ad miserationem  
 dicti sunt.

VIRG. TOM. III

Dd

Ille ruenti Hylo animisque inmane frementi 535  
 Occurrit telumque aurata ad tempora torquet :  
 Olli per galeam fixo stetit hasta cerebro.  
 Dextera nec tua te, Graium fortissime Cretheu ,  
 Eripuit Turno ; nec di texere Cupencum  
 Aenea veniente sui ; dedit obvia ferro 540  
 Pectora , nec misero clipei mora profuit aerei.  
 Te quoque Laurentes viderunt , Aeole , campi  
 Oppetere et late terram consternere tergo ;  
 Occidis , Argivae quem non potuere phalanges  
 Sternere nec Priami regnorum eversor Achilles : 545  
 Hic tibi mortis erant metae ; domus alta sub Ida ;  
 Lyrnessi domus alta , solo Laurente sepulcrum.  
 Totae adeo conversae acies , omnesque Latini ,  
 Omnes Dardanidae ; Mnestheus acerque Serestus  
 Et Messapus equum domitor et fortis Asylas 550  
 Tuscorumque phalanx Evandrique Arcades alae :  
 Pro se quisque viri summa nituntur opum vi.  
 Nec mora nec requies ; vasto certamine tendunt.

535. *Ille*, Turnus. — 536. *aurata*  
*ad tempora*, eureka gales lecta, ut v.  
 eq. — 537. *fixo* h. l. transfixo. —  
 538. Graecum Crethee pute fuisse ex  
 Arcadibus. *dii sui*, s. quorum io tu-  
 tele erat, s. propitii, ut alibi. Aeolus  
 ex Lyrnesso Mysiae sub Ide, que  
 parte postea Aeolis regio petuit: cf.  
 Burm. ad Ovid. Met. VII, 109, ut  
 videtur posita subulam ignotem etiam  
 h. l. esse sequutus. Ex Lyrnesso ca-  
 pta erat Briseis, Hippodamiae. — 543.  
*late terram consternere tergo*. *ἐναργί-  
 σταιον* est Homericum: πολλὸς ἔκρυτο  
*παρήρως ἐνδὲ καὶ ἐνδὲ* Il. π, 156.  
 Io tota eutem narratione hac a v.  
 538 veritatis orationis ars observanda  
 est. — 546. *mortis metae*, *θάνατον*

*τιδός* vel *τίκνον*, quatenus ipsa more  
 pro meta est. Alias etiam *vitalis meta*  
 recte dicitur. Ceterum colorem ora-  
 tionis comparat cum Il. n, 104. u,  
 390. Sed proprie huc spectat Il. π,  
 787. *ἐνδ' ἄρα τοι, Πάτροκλε, φάνη βιό-  
 τοιο τέλευτά*. — 548. *conversae* h. l.  
 ioter se ad pugnandum: ut *ἐνερπε-  
 φθνίς*. Pugna per totam utrinque aciem  
 increbuit. — 552. *Pro se quisque viri*,  
 verba repetita ex lib V, 504. Exem-  
 plum ex Attio in Meleagro laudat  
 Vrsin., ubi etiam *Pro se quisque*,  
 quod ioter imitationis exemplo per-  
 peram refert. Et iam alterum hemi-  
 stichium, quod iam IX, 532 vidimus,  
 Eonisnum esse Servius monet: *sum-  
 ma nituntur opum vi*.



Hic mentem Aeneae Genetrix pulcherrima misit,  
 Iret ut ad muros urbique adverteret agmen 556  
 Ocios et subita turbaret clade Latinos.  
 Ille ut vestigans diversa per agmina Turnum  
 Huc atque huc acies circumtulit, adspicit urbem  
 Inmunem tanti belli atque inpune quietam.  
 Continuo pugnae adscendit maioris imago; 560  
 Mnesthea Sergestumque vocat fortemque Serestum,  
 Ductores, tumulumque capit, quo cetera Teucrum  
 Concurrit legio, nec scuta aut spicula densi  
 Deponunt. Celso medius stans aggere fatur:  
 Ne qua meis esto dictis mora! Iuppiter hac stat: 565  
 Neu quis ob inceptum subitum mihi segnior ito!  
 Urbem hodie, caussam belli, regna ipsa Latini,  
 Ni frenum adcipere et victi parere fatentur,

554. Aeneas Turnum videns congressum vitare nec praelio Rutulorum vireo frangi repente se ad urbem Laurentum oppugnandam convertit. *Hic mentem*, consilium immisit, indidit, *Venus: pulcherrima*, tantum ornansepitheton. Male repugnat Cerdas cum aliis. Cum iam novissima totius belli et carminis parentur: ea quidem ipsi urbi Laurentum propius admove-re voluit poeta, ut omnia essent ipsa rerum specie et hominum frequentia augustiora utque peripetia aliqua etiam haec esset; cum antea Troianorum castra oppugnata essent a Latinis, ut nunc eadem fortuna transferretur ad Latinos. Bona etiam Servii observatio: «Sane bona, inquit, usus est oeconomia, ut diceret instinctu numinis profectum esse Aeneam ad civitatis exedidum: non incongruum fuerat, occupatum bello per se tale cepisse consilium. » Immo incongrua est causa. Sed faciat

poeta hoc, ut ipsi consilio maior auctoritas accedat deae monito. —556. *clade*, proprie, metu cladis, captae urbis.

560. In sqq. adumbratur allocutio militum. Brevitas et asperitas ipse commendanda venit. —565. *Iuppiter hac stat*: hac parte; h. e. pro nostra parte. Respicit scilicet foedus a Latinis violatum. Enniam esse Macrobius monuit, lib. VI, t. ex *Annal.* VII. *Nos semper vestra* (i. nostra) *eventis: nunc Iuppiter hac stat.* —567. *causam belli*. Servius ait: quia illie erat Lavinia. Cerdas ad Amatum refert: ut v. 600. Immo varo graviore usus est verbo poeta. Auctores belli erant Latini, qui bellum intulerant. Quod Latinis tribuendum erat, urbi tribuit: quae nunc arx erat belli. A Laurentinis enim illata erant arma. Sic et v. 572 accipiendus. —568. *urbem* et victi ad usum, non grammatica, positum. Ceterum hunc ver-

Eruam et aequa solo fumantia culmina ponam.  
 Scilicet exspectem, libeat dum proelia Turno 570  
 Nostra pati rursusque velit concurrere victus?  
 Hoc caput, o cives, haec belli summa nefandi!  
 Ferte facies propere foedusque repositae flammis.  
 Dixerat, atque animis pariter certantibus omnes  
 Dant cuneum densaque ad muros mole feruntur. 575  
 Scalae improviso subitusque adparuit ignis.  
 Discurrunt alii ad portas primosque trucidant;  
 Ferrum alii torquent et obumbrant aethera telis.  
 Ipse inter primos dextram sub moenia tendit  
 Aeneas magnaque incusat voce Latinum 580  
 Testaturque deos, iterum se ad proelia cogi;  
 Bis iam Italos hostis; haec altera foedera rumpi.  
 Exoritur trepidos inter discordia civis:  
 Urbem alii reserare iubent et pandere portas  
 Dardanidis ipsumque trahunt in moenia regem; 585  
 Arma ferunt alii et pergunt defendere muros:  
 Inclusas ut quum latebroso in pumice pastor

sum quosdam per figuram Græcam exposuisse observat Servius, ut esset: *quολογῶντι μάλιστα λαφεῖν*. Sane ad vulgarem formam erat: ni *fatebuntur se velle accipere*. Sed mutato tempore et omissione τοῦ *velle* opus erat, ut a vulgari recederet oratio. — 572. *caput belli et summa* est ipsa Laurentium urbs, quatenus illa caput est populi bellum gerentis. Cf. not. ad v. 567. De Turno quis tandem hic cogitet! — 573. *foedusque repositae flammis*. Nescio, an nimis argute dixerit poeta, si flammam sacrorum foederis feriendo respexit. Malim accipere simpliciter: illato urbi igni repositae id, quod foedere iam pepigerant Latini.

575. Ipsi certatim, certantes inter

se, *dant cuneum*, faciunt; ut *toties dare* nostro poetae. — 576. *Scalae improviso*: nota figura verbum petendum ex altero membro, appropinquavit, prolatae, adnotatae sunt — 577. *primos trucidant*. Deinde Servius: qui primi ad portas erant obvii, scilicet stationem agentes. — 582. Variat orationem: *haec iam altera*, pro: bis ruptum foedus, bis Italos, Latinos, hostes factos: conf. 212 sqq. et VII, 263, 285. — 585. Trahunt regem ad muros, haud dubie dedendae urbis et renovandi foederis causa. Nihil apertius.

587 sqq. Accipiendum de fumigatione, qua, ut favos eximat melarius, expelluntur alvearibus apum examina: cf. Ge. IV, 219. Comparat

Vestigavit apes fumoque inplevit amaro;  
 Illae intus trepidæ rerum per cerea castra  
 Discurrent magnisque acuunt stridoribus iras; 590  
 Volvitur ater odor tectis; tum murmure caeco  
 Intus saxa sonant; vacuas it fumus ad auras.

Adcidit hæc fessis etiam fortuna Latinis,  
 Quæ totam luctu concussit funditus urbem.  
 Regina ut tectis venientem prospicit hostem, 595  
 Incessi muros, ignis ad tecta volare,  
 Nusquam acies contra Rutulas, nulla agmina Turni;  
 Infelix pugnae iuvenem in certamine credit  
 Exstinctum et, subito mentem turbata dolore,  
 Se causam clamat crimenque caputque malorum, 600  
 Multaque per maestum demens effata furorem  
 Purpureos moritura manu discindit amictus  
 Et nodum informis leti trabe nectit ab alta.  
 Quam cladem miserae postquam adcepere Latinae,

tionem Apollonio sublegisse Maronem satis iam monuerunt Intpp. Locus est de Bebræum fuga lib. II, 430 aqq.; noster vero ad urbanorum discursationem et trepidationem transiit et ornamenta varia adiecit: v. c. *πῆρεν ἐνὶ ἐστὶν ὀπίσσω* in pumice. *πῆρεν* est fumo implere amaro. — *vestigavit* est pro invenit et *ὀπίσσω* accipiendum, in latebra, antro, eas detegit. *trepidæ rerum* ullemi (cf. I, 478) ornalu, pro *trepidæ* simpliciter: *trepidæ* de rebus, propter res, propter casum repentinum; in *trepidæ* rebus constitutæ, *ἀπὸ χαυροῦ*. — 591, 592 tantum ad exornandam comparationem valere debent, subnati ex verbis Apollonii: *ἐν τῷ δὲ λυγρότατῳ καὶ τῷ τρυφερότατῳ*. Studium ornatus videmus vel in his: *fumus amarus*, molestus, ater odor. Omissa

in fine ad 592 applicatio comparationis: Similis fortuna et trepidatio nunc erat in urbe Latinorum.

593. Nova calamitas afflixit Latinos casu Amatae. *fessos*, malis et iam animis fractos. — 600. *caput*, auctorem, ut XI, 361 de Turno: *o Letio caput horum et causa malorum*, et *crimen*, rerum, qui culpam meruit. — 603. Mortem Amatae iam exspectare nos fecerat vs. 62, 63. Nec pro odio illa suo in Aeneam superstes Turno esso debebat. Sed infame hoc mortis genus potius maluisse mirum videri debet. Scilicet nec hoc ad sui sæculi sensum attemperavit, nec ad nostram opinionem est diiudicandum: est enim hoc genus mortis herocum ac tragicum, h. e. terminibus et tragoediis Graecorum frequentatum. Nobile ideo leti genus ex antiquo more, in pri-

Filia prima manu flavos Lavinia crinis 405  
 Et roseas laniata genas, tum cetera circum  
 Turba furit; resonant late plangoribus aedes.  
 Hinc totam infelix volgatur fama per urbem.  
 Demittunt mentis; it scissa veste Latinus  
 Coniugis adtonitus fati urbisque ruina, 610  
 Canitiem inmundo perfusam pulvere turpans;  
 \* Multaque se incusat, qui non adceperit ante \*  
 \* Dardanium Aenean generumque adsciverit ultro \*.  
 Interea extremo bellator in aequore Turnus  
 Palantis sequitur paucos, iam seignior atque 615  
 Iam minus atque minus successu laetus equorum.  
 Adtulit hunc illis caecis terroribus aura  
 Connixtum clamorem, adrectasque inpulit auris  
 Confusae sonus urbis et inlaetabile murmur.  
 Heu mihi! quid tanto turbantur moenia luctu? 620

mis in feminis. Sic Iocasta laqueo spiritum interclusit, Epicaste Homero dicta Odys. λ, 277 sqq. Sic mater Vlyssis Anticlea; Clite ap. Apollon. I, 1063. Phaedra et aliae. Hanc ideo mortem praetulit poeta historiarum fidei, qua apud Servium Fabius Pictor Amstam inedia se interemisce tradiderat. At Piso apud Victor. O. G. R. 13 simpliciter: *interfecto Latino* (in pugna cum Rutulis) *mortem Amatam sibi met consociasse. Nodum nectit*, funem, βρόχον ἀνέψα. *nodum leti* dixit pro nodo letifero; et *letum informe* pro turpi, foedo, eximie! — 611. Pathos habet versus et miserationem facit; *inmundo* simpliciter ornat, ut Ge. I, 81. Scilicet νότον αἰζαλότονον reddidit, quae non modo de cinere foci in propinquo stantis (ut Il. σ, 23 de Achille), sed et de pulvere occurrit Od. ω, 315. *Canitiem*

terra atque infuso pulvere foedans praeverat iam Catullus LXIII, 224. — 612, 613. Hi duo versus in optimis codd. desiderantur, translati huc ex lib. XI, 471, 472.

614—996. Revocandum in mentem, quod Iuturna ad extremos ordines Turnum deduxerat: 483 sqq. Nunc illum pavor subit cum poenitentia, cum urbem oppugnari videt; tandem, novo nuntio a Sace accepto, curru desilit et ad urbem properat. — 616. Turnus tristis et sollicitus successu equorum, quos viribus ac cursu deficere tandem videbat. Ergo successus h. l. non est fortunae, sed processus, procursus equorum, cuius velocitas sensim sensimque imminuebatur. Videtur pi. Et vocem exquisitorem ad significatum minus frequentem traduxisse. — 617. *caecis terroribus*, terrore, cuius causam igno-

Quisve ruit tantus diversa clamor ab urbe?  
 Sic ait adductisque amens subsistit habenis.  
 Atque huic, in faciem, soror, ut conversa Metisci  
 Aurigae currumque et equos et lora regebat,  
 Talibus occurrit dictis: Hac, Turne, sequamur 625  
 Troiugenas, qua prima viam victoria pandit;  
 Sunt alii, qui tecta manu defendere possint.  
 Ingruit Aeneas Italis et proelia miscet;  
 Et nos saeva manu mittamus funera Teucris.  
 Nec numero inferior pugnae nec honore recedes. 630  
 Turnus ad haec:  
 O soror, et dudum adgnovi, quum prima per artem  
 Foedera turbasti teque haec in bella dedisti;  
 Et nunc nequidquam fallis dea. Sed quis Olympo  
 Demissam tantos voluit te ferre labores? 635  
 An fratris miseri letum ut crudele videres?  
 Nam quid ago? aut quae iam spondet Fortuna salutem?  
 Vidi oculos ante ipse meos me voce vocantem  
 Murrhanum, quo non superat mihi carior alter,  
 Oppetere, ingentem atque ingenti vulnere victum. 640

rabat. — 621. *diversa ab urbe*, in diversa parte sita: clamor enim ei a tergo oritur. — 627. Verborum color comparatur cum Il. 9, 312 sqq. — 629. *mittamus funera Teucris*. Alias est *mittere aliquem neci*, Orco; et *mittamus funera Teucris* pro: Teucrorum corpora. — 630. *numero* sc. funerum, h. e. caesorum. Ita Servii interpretatio lucem accipit. Durius esset: *mittamus funera*, immittamus mortes.

632. Non est acerbe a poeta exigendum, ut argumenta exponat diserte, quibus agnoverit Turnus deam sororem. Sufficit evenisse multa inopinato et a causis obscuris inde a v. 225 sqq.

Potuit etiam in habitu vel motu corporis aliquid esse, quod deam argueret. Similiter res se habet in loco, quem comparare solent, Il. 2, 815. — 634. *fallis*, λυγίστως, latere vis. — 638. *Vidi*. Non reprehendendum erat a Grammaticis, hoc in superioribus nusquam legi, nec Murrhani caede 529 narrata adiectum esse hoc, quod Turni ante oculos, Turnoque invocato, ille occubuerit; sive phantasma hoc est, quod animo Turni obversatum dici poterat: sic IV, 460, 461 de Didone; et saepe alii poetae; seu, quod equidem malim, vere Murrhanum occidi videret et poeta id nunc demum subicit. Ornatus autem ex-

Occidit infelix, ne nostrum dedecus, Vfers,  
 Adspiceret; Tencri potiuntur corpore et armis.  
 Exscindine domos, id rebus defuit unum,  
 Perpetiar? dextra nec Drancis dicta refellam?  
 Terga dabo? et Turnum fugientem haec terra videbit?<sup>645</sup>  
 Vsque adeone mori miserum est? vos o! mihi Manes  
 Este boni, quoniam Superis aversa voluntas.  
 Sancta ad vos anima atque istius inscia culpa  
 Descendam, magnorum haudumquam indignus avarum.

Vix ea fatus erat; medios volat ecce! per hostis<sup>650</sup>  
 Vectus equo spumante Saces, adversa sagitta  
 Saucius ora, ruitque inplorans nomine Turnum:  
 Turne, in te suprema salus; miserere tuorum.  
 Fulminat Aeneas armis summasque minatur  
 Deiecturum arcis Italum excidioque daturum;<sup>655</sup>  
 Iamque faces ad tecta volant. In te ora Latini,  
 In te oculos referunt; mussat rex ipse Latinus,  
 Quos generos vocet aut quae sese ad foedera flectat.  
 Praeterea regina, tui fidissima, dextra  
 Occidit ipsa sua lucemque exterrita fugit.<sup>660</sup>

tulit Maro, quod simpliciter Il. 2, 467  
*αἰὲρ ἀνὴρ* etc. — 641. *Vfers*, occi-  
 sus a Gya, v. 460, adduxerat Arqui-  
 culas. De eo lib. VII, 744 sqq. — 646.  
*Vsque adeone mori*. Neronis voce  
 celebratum hemistichium apud Sue-  
 ton. Ner. 47. *Manes* hic sunt dii in-  
 feri, ut alibi quoque; *boni*, propitii,  
 ut Ecl. V, 65. Sententia vs. 646, 647  
 fere eadem quae XI, 51, 52: quo-  
 niam deorum superiorum voluntas,  
 numen adversum est, vos, odii inferi,  
 sitis mihi propitii. — 648. *culpa*,  
 ignominiae, fugae. Promuntatio sub-  
 sistit in *anima*; et hic hiatus quae-  
 rendus erat; non post *istius*.

650. Labefactum Turni animum  
 nunc impellit, utque Aeneae occurrat,

permovet nova res: Saces vulnerati  
 et orantis misratio. Expressit locum  
 Statius XI Theb. 239 sqq. — 651.  
*fulminat*: grave vocabulum, cuius vim  
 nulla vulgari voce assequaris. Stra-  
 gem eum late facere significat, sed ad  
 oculorum sensum rem revocat tele-  
 ritas motus et splendor armorum;  
 unde et IX, 812 erat *fulmineus Mne-  
 stheus*. Voce iam Ge. IV, 561 usus  
 est; cf. v. 700. — 652. *mussat* h. l.  
 tacite deliberat. Manet tamen notio,  
 quae XI, 315 et 451 atque 715 redit,  
 ut mussare sit, non audere aperte di-  
 cere. Eodem redeunt alia apud Cer-  
 dam et al. — 659. *tui fidissima*, pro  
 vulgari: in te, tibi; ad formam illius  
 tui amantissima, inflexum. — 660.

Soli pro portis Messapus et acer Atinas  
 Sustenant aciem. Circum hos utrimque phalanges  
 Stant densae, strictisque seges mucronibus horret  
 Ferrea: tu currum deserto in gramine versas.  
 Obstupuit varia confusus imagine rerum 665  
 Turnus et obtutu tacito stetit. Aestuat ingens  
 Vno in corde pudor mixtoque insania luctu  
 Et furiis agitatus amor et conscia virtus.  
 Vt primum discussae umbrae et lux reddita menti,  
 Ardentis oculorum orbis ad moenia torsit 670  
 Turbidus eque rotis magnam respexit ad urbem.  
 Ecce autem flammis inter tabulata volutus  
 Ad coelum undabat vortex turrimque tenebat,  
 Turrim, compactis trabibus quam eduxerat ipse,  
 Subdideratque rotas pontisque instraverat altos. 675  
 Iam iam fata, soror, superant; absiste morari;  
 Quo deus et quo dura vocat Fortuna, sequamur.  
 Stat conferre manum Aeneae, stat, quidquid acerbi est,  
 Morte pati; nec me indecorem, germana, videbis  
 Amplius. Hunc, oro, sine me furere ante furorem. 680

*exterrita*: quod 599 dixerat: subito mentem turbata dolore, in furorem acta. — 664. *deserto in gramine*, extremo campo: v. 614. — 667. *uno in corde*, una eodem in corde. — 668. *Furiis* ad desperatas Laviniae nuptias refer.

669. *umbrae*: quia in vulgari sermone *caligo mentis* dicitur. — 672. *Turrim* ex seriore aevo heroicae vitae intulit poeta: diversi generis ab ea, quae IX, 530 sq. fuit narrata; illa extra murum, haec intra murum exstructa fuit. Admovebatur illa muris, ut inde desuper et ex alto hostis missilibus peti possit: subnata fortasse poetae animo ex nave incensa II, 8, eastr. et π, 122 sqq. trina autem tur-

rium genera occurrunt: primum solenne illud in muris, ut II, 460 etc., alterum mobile rotis subvectum intra muros pro usu et necessitate: tertium h. l. ante murum, cum quo ponte iungitur, ut pro propugnaculo sit, IX, 530 sq. *Tabulata* sunt turris contignationes, v. lib. II, 463, 464. *vortex flammis volutus* elegantius quam *vortex flammatus*. — 675. *pontes*, quibus disensus fieret per turrim et muros, v. IX, 470 et 530. — 676. *Vincunt fata*, parendum iis est nec evitare ea licet. — 678. *Malius, puto*, interpungitur post *Morte*, ut sit: *Stat, quicquid acerbi est Morte, pati*. — 680. In archaismo in *furere furorem* nemo haeret; sed, quod illustratum et ex-

Dixit et e curru saltum dedit ocius arvis  
 Perque hostis, per tela ruit maestamque sororem  
 Deserit ac rapido cursu media agmina rumpit.  
 Ac veluti, montis saxum de vertice praeceps  
 Quum ruit avolsum vento, seu turbidus imber 685  
 Proluit aut annis solvit sublapsa vetustas,  
 Fertur in abruptum magno mons improbus actu  
 Exsultatque solo, silvas, armenta virosque  
 Involvens secum: disiecta per agmina Turnus  
 Sic urbis ruit ad muros, ubi plurima fuso 690  
 Sanguine terra madet striduntque hastilibus aerae,  
 Significatque manu et magno simul incipit ore:  
 Parcite iam, Rutuli, et vos tela inhibete, Latini;

positum velles, hoc fortasse est; quam  
 viam h. l. habeat ante. Servius exponit:  
 a prius quam ad eum venissem, ut pug-  
 nam mente concipiam et instructus  
 furor in bella prorumpam. a Digna  
 Grammatica interpretatio, non poetica  
 Cerda cum aliis priusquam moriar  
 supplet, quod aequè putidum. Nequa  
 aliter expleri potest, quam ante, an-  
 tequam morte patiar quicquid acerbi  
 est. Video, inquit, mortem fatalem  
 mihi instare; ante tamen quoniam eam  
 subeam, sine me pugnam hanc cum  
 an inire, non pugnam evitare. Nisi  
 vitio coinquinatus est versus, est uti-  
 que inter ena, quos poeta, donec emen-  
 daret, rudere, ne hiarent, complevit.  
 Alias facile poterat succurri: sine me  
 furere, alma, s. vel sine me insanire  
 furorem. Sine me, n. soror, indulgere  
 furori huius mei, hoc est irae, virtuti,  
 ut congregiar cum Aenea, etiam si  
 fatalis mihi inestet; neque me ad alia  
 loca abductum a pugna arce.

684 aq. Comparatio ex ipsa rerum  
 natura unicuique facile poetica obvia.  
 Nec tamen ignorare potuit Virgilius  
 eam iam ab Homero tractatam Il. v,

437 aq. Hesiod. Scut. 374 aq. 437.  
 Ex Virgilio profecerunt alii: Statius  
 VII Theb. 744 aq. Valer Fl. VI,  
 631 aq. Add. Tassus *Gerus. lib.*  
 XVIII, st. 82. Sed omnium diligen-  
 tissimus in ornamentis Q. Calaber  
 lib. I, 694 aq. lib. II, 378 385. Ma-  
 ronem laudem cumulat oratio elaborata  
 et phantasmatum dilectus simulque  
 évapveta. — 685, 686. Ornata causa-  
 rum enumeratione et variata orationem  
 pro vulgari: avolsum vento seu im-  
 bre seu vetustate. *sublapsa vetustas*  
 saxi, pro saxo sublapsa vetustate: tra-  
 ducto attributo. — 687. *scut* exquise,  
 impetu, impulsu *agi* pro moveri, de-  
 turhari, docte dictum; hinc *scut*. —  
*mons* pro saxo, ut *augere phantasma*,  
*improbus*, ingens, ut ai. 688, 689. His  
 exornatur res et increscit admiratio.  
 Haec multo évapveta et ad sensum  
 efficaciora sunt, si Graeca compares  
 aut si ad simplicitatem orationis vul-  
 garis singula redegeris.

690, 691. Simplicibus verbis eadem  
 dicta Il. v, 789 et v. 692 comparari  
 solat cum Il. γ, 81. *Odyss. α*, 529  
 aq. — 692. Magna voce inquit. — 694.



Quaecumque est Fortuna, mea est; me verius unum  
Pro vobis foedus luere et decernere ferro. 695

Discessere omnes medii spatiumque dedere.

At pater Aeneas, audito nomine Turni,  
Deserit et muros et summas deserit arcis  
Praecipitatque moras omnis, opera omnia rumpit  
Laetitia exsultans horrendumque intonat armis: 700  
Quantus Athos aut quantus Eryx aut ipse coruscis  
Quum fremit ilicibus, quantus gaudetque nivali  
Vertice se adtollens pater Appenninus ad auras.  
Iam vero et Rutuli certatim et Troës et omnes  
Convertere oculos Itali quique alta tenebant 705  
Moenia quique imos pulsabant ariete muros,  
Armaque deposuere humeris. Stupet ipse Latinus,  
Ingentis, genitos diversis partibus orbis,  
Inter se coiisse viros et cernere ferro.  
Atque illi, ut vacuo patuerunt aequore campi, 710

*verius est, iustius est, me unum pro omnibus rupti foederis poenam luere, ut iam Serv. Nota nunc vocis verus significatio e graecis adumbrata, vel ex illo Horatiano: Metiri se quemque suo modulo ac pede verum est.*

697 sqq. Aeneas cum comperisset Turnum haud longe abesse, in eum ruit et pugnam eum eo committit; pugna tamen iterum differtur, fracto Turni gladio eiusque fuga. Praeclarus locus: primum in exhibenda impatientia morae et festinatione; tum in phantasmate mirae heroum magnitudinis et speciei corporis. *summas arcis*, h. l. turre, ardua murorum, ut vs. 705. 6. *alta moenia* oppositis imis muris. *praecipitatque moras omnes*, ornate, h. e. omnia, quae cum morari poterant, festinanter agit. —

700. *intonat armis*, tantus corporis specie, *quantus Athos*. Nam ad incessum haece spectant; qualis incedens Aeneas apparuerit. Etiam Hector apud Homerum Il. v, 754: ἀπὸν δὲ ἄπερ σφύριττι ἰσχυρῶς, ad ornatus Mars singula montium nomina ponit, quod efficacius ad sensus impulsu est. Duxit hinc Miltonus magnificum se sublime illud Satanæ phantasma: *dilated stood, Like Teneriff or Atlas, unremov'd: His stature reach'd the sky, and on his crest Sat Horror-plum'd. Parad. lost IV, 894.* — 702. *cum fremit vantorū procellis*: hinc et *coruscae ilices*, variante variato arborum matu luce et umbra. Sic I, 464: *silvis scena corusca*. — 709. *cernere*, κρίναι τὸν ἀγῶνα pro decernere, iam Ennio frequentatum. Cf. Heins. ad h. l. post alios. — 710. Cf.

Procursu rapido, coniectis eminus hastis,  
 Invadunt Martem clipeis atque aere sonoro.  
 Dat gemitum tellus; tum crebros ensibus ictus  
 Congeminant; fors et virtus miscentur in unum.  
 Ac, velut ingenti Sila summove Taburno 715  
 Quum duo conversis inimica in proelia tauri  
 Frontibus incurrunt, pavidì cessere magistri,  
 Stat pecus omne metu mutum mussantque iuvencae,  
 Quis nemori imperitet, quem tota armenta sequantur,  
 Illi inter sese multa vi volnera miscent 720  
 Cornuaque obnixa infigunt et sanguine largo  
 Colla armosque laetant; gemitu nemus omne remugit:  
 Haud aliter Tros Aeneas et Daunius heros  
 Concurrunt clipeis; ingens fragor aethera complet,  
 Iuppiter ipse duas aequato examine lances 725  
 Sustinet et fata inponit diversa duorum;  
 Quem damnet labor et quo vergat pondere letum.

vs. 696. — 712. *Invadunt Martem*: elato spiritu, pro ineipiunt pugnam, cf. IX, 186 *clipeis atque aere sonoro* utrumque de clipeis collisis. 724 repetitur: *Concurrunt clipeis*. — 714. *fors et virtus*. Non fors Turni, Aeneae virtus: sed pugnantes non modo virtutem praestant, sed et casum ac fortunam in ictibus et vulneribus inferendis observant: v. e. si videt alter alterum nadare latus. Omnis autem haec pugna ensibus peragitur, hastis frustra emisis vs. 711.

715. Ornatisima comparatio: inventu facile cuivis obvia, sed iam splendide et magnifice vix a quopiam tractata. Nam tenuiter Apollon. lib. II, 88, 89. Sed ipse Maro iam pugnam taurorum epikeuse tractaverat in Ge. III, 217 sqq. Cum quo conferre iuvabit Oppian, Cyneq. II, 43

sqq. Ornat nonnullum silvae positus nominibus celebriorum silvarum, Silae, silvae et montis in Bruttiorum agro (v. ad Ge. III, 219) et Taburni in Samnio (v. Ge. II, 38). — 717, 718, 719. Valent haec ad pugnae atrocitatem declarandum *mutantque*, tacite expectant, conf. 637. — *nemori*, pro pascuis, saltu: ut in Georg. v. e. II, 216. et v. h. l. Heina, nunc et ipsis armentis. Ad vs. 720. conf. Ge. III, 220 sqq. — 724. Cum posita post tot alias pugnas copiosus in hac Aeneae et Turni pugna esse non posset: ut laqueo animum eius phantasmate ac specie percelleret, primum comparatione effecit ad sensum gravi: fragore audito armorum: quod ad auditum terrificum est. — 725, 726, 727. Apud Homerum Iovem fata, *ἄρματα*, Hectoris et Achillis II,

Emicat hic inpune putans et corpore toto  
 Alte sublatum consurgit Turnus in ensem  
 Et ferit. Exclamant Troës trepidique Latini, 730  
 Adrectaeque amborum acies. At perfidus ensis  
 Frangitur in medioque ardentem deserit ictu,  
 Ni fuga subsidio subeat. Fugit ocior Euro,  
 Vt capulum ignotum dextramque adspexit inermem.

χ, 209 sqq. Achivorum et Troiano-  
 rum II. 5, 69 libra expendere notum  
 est; sed ibi alterutrinus exitium iam  
 instare declaratur: quod sequutus  
 est Miltonus in praestantissimo loco  
 lib. IV, 996 sqq. cf. Observatt. Hey-  
 nii ad Hom. II. χ, 209. (Vol. VIII.  
 ubi p. 285. emendes lin. 31. Achilles  
 cum Memnone.) Maro ad diversum  
 phantasma interpretes advocare debe-  
 bat: ad magnitudinem pugnae et ex-  
 pectationem exitus, quam ea facie-  
 bat. Non modo homines suspensi  
 expectant, sed ipsi dii; ipse Iupiter  
 libes pugnantium fata trutinat, sed  
 aequa adhuc lancee nec in alterutram  
 partem propensa. — *quem damnet  
 labor, quo vergat pondere letum*: prae-  
 gnans oratio. Videamus primum de  
 posteriore, quod esse debebat proprie:  
 utra lancea pondera vergat (καταπέ-  
 τει) eoque ipso mortem denuntiet;  
*letum* itaque pro ipsa lancea disit, qua  
 inclinata subsequitur mors. Iam prius  
 membrum *quem damnet labor* equi-  
 dem sic accipio, ut eandem senten-  
 tiam more suo his exponat poeta:  
 quem damnet sc. leto (*dammare mor-  
 tis* erat VI, 430 et *dammare caput*  
 Orco 699) utrum e duobus his morti  
 destinet iniqua sua fortuna, calamitas  
 sua; seu labor simpliciter pugna, ut  
 μένος, μάχης. Est ergo vulgare:  
 uter, lancea alterutra depressa, morti  
 destinetur. Video alicui accipere pro:

qui damnetur et addicatur labori;  
 Scaliger vero: a quo frustra labor  
 suscipiatur. Nondum damno meum  
 rationem. At Servius contraria iuncta  
 putabat: id est, inquit, quem voto  
 liberet labor praeliandi, porta scilicet  
 victoria etc. Parum luculenter  
 declarat mentem Grammaticus; hoc  
 enim vult, ut sit: quem h. e. utrum  
 voti damnet pugna (ut Ecl. V, 80:  
*dammare votis*) h. e. successus, even-  
 tus pugnae. Sed, an *dammare* abso-  
 lute a poeta ita dictum sit, recte du-  
 bites. Cf. Macrobian. V, 43.

728. Turnus, *inpune putans* id sibi  
 futurum, tuto se illaturum ictum;  
*consurgit*, insurgit, ut XI, 284: *quan-  
 tus in clipeum attergit*. — 734. Du-  
 ctus casus ex II. 7, 363, ubi Menelai  
 ictum, quo Paridem petit, similia  
 fortuna eludit. Facit autem novam  
 voluptatem novamque expectationem,  
 quod ne nunc quidem Turni sita exi-  
 tum habent, sed ad novam pugnam  
 differuntur. — 732. Sententia Imper-  
 fecta. Post hunc versum animo sup-  
 plendum: et inermis sic relictus Tur-  
 nus perisset utique, ni fuga sibi  
 consulisset: *Ni fuga subsidio subeat*,  
 subiisset aut ut subiret eius animo  
 aut umine pro subvenisset, auxilio  
 fuisset. — 734. Capulum mutilum  
 (κόλον δέρον Iliad. π, 417) *ignotum*  
 dixit, quoniam alienum, non suum,  
 sed Metisci; ut statim exponit diest-

Fama est praecipitem, quum prima in proelia iunctos  
 Consceudebat equos, patrio mucrone relicto 736  
 Dum trepidat, ferrum aurigae rapuisse Metisci;  
 Idque diu, dum terga dabant palantia Teucris,  
 Sufficit: postquam arma dei ad Volcania ventum,  
 Mortalis mucro glacies ceu futilis ictu 740  
 Dissiluit; fulva resplendent fragmina arena.  
 Ergo amens diversa fuga petit aequora Turnus  
 Et nunc huc inde huc incertos impicat orbis.  
 Vndique enim densa Teucris includere corona  
 Atque hinc vasta palus hinc ardua moenia cingunt. 745  
 Nec minus Aeneas, quamquam tardata sagitta  
 Interdum genua impediunt cursumque recusant,  
 Insequitur trepidique pedem pede fervidus arguet:  
 Inclusum veluti si quando flumine nactus  
 Cervum aut puniceae saeptum formidine pennae 750  
 Venator cursu, canis et latratibus instat;

tius posita. Nam cinserat ille quidem, cum exiret ad pugnam, ense Dauni patris (v. hoc lib. 89, 90); sed mox eo deposito ad foedus ibat in bigia, *Bina manu lato crispans hastilia ferro* v. 165.

735. *cum prima*; 324 sqq. — 739. *arma dei ad Volcania*: novatum docte exemplum Graecorum, inprimis Tragicorum, pro ad arma dei Volcani vel arma divina Volcani. — 740. Locus similis Q. Calabri lib. I, 545-548. Bene autem nunc, cum ad summum discrimen ventum est, armorum a den paratorum memoria refricatur. — 740. *futilis* pro vulgari: fragilis. — In sqq. 742 vestigia sunt fugae Hectoreae Il. X, 136 sqq. Certamen hoc ante oculos habuere et recentioribus multi, in primis Tassus in pugna Argenti et Raimondi Gie-

rus. *liber. Cant. VII. St. 80* sqq. — 743. *orbis* v. vs. 481. — *impicat*, eleganter pro facit, implicito cursu. — 745. *vasta palus*, non Iuturnae, nam is nimium quantum sberat, sed colluvies aquarum agrestis: ni omnino Laurentina regio erat et etiamnum est palustris, v. ad X, 709. — *genua tardata sagitta*, vulnere 319.

746—790. Dum Turnus fugiens Aeneam insequentem cursu eludit, ut ab eo gladio peti non posset, ecce, dum Aeneas hastam trunco fixam extrahere laborat, a sorore Iuturna alium gladium accipit. — 749. Primae comparationis lineae in Hectoris fuga Il. X, 188 sq. et x, 360. Ornavit narrationem simili exemplo Oppian-Halicut. V, 586 sqq. *inclusum flumine*, dum fugiens venit ad amnem, in quem se deicere non aude, *ripa territus alta* vs. 752. — 750. *aut puni-*

Ille autem insidiis et ripa territus alta  
 Mille fugit refugitque vias, at vividus Vmber  
 Haeret hians, iam iamque tenet similisque tenenti  
 Increpuit malis morsuque elusus inani est. 755  
 Tum vero exoritur clamor; ripaeque lacusque  
 Responsant circa et coelum tonat omne tumultu.  
 Ille simul fugiens Rutulos simul increpat omnis,  
 Nomine quemque vocans, notumque efflagitat ensem.  
 Aeneas mortem contra praesensque minatur 760  
 Exitium, si quisquam adeat; terretque trementis  
 Excisurum urbem minitans et saucius instat.  
 Quinque orbis explent cursu totidemque retexunt  
 Huc illuc. Neque enim levia aut ludicra petuntur  
 Praemia; sed Turni de vita et sanguine certant. 765  
 Forte sacer Fauno foliis oleaster amaris  
 Hic steterat, nautis olim venerabile lignum,  
 Servati ex undis ubi figere dona solebant  
 Laurenti divo et votas suspendere vestis :

*ceae*, cf. *Ge.* III, 372. — 752. *insidiis*: sunt illae ipsae lineae pinnis ac formidine distinctae, quas *expave-*  
*scens* cervus non transilit. — 753. *Vmber*, canis ex Vmbria: quod facile vides. — 754, 755 *Lepidum* ornamentum comparantis rei: petitum ex *Apollon.* lib. II, 278 281. Imitationes sunt Ovidii *Met.* I, 533 sqq. et *Statii* V *Theb.* 465 sqq. — 756. *laena* ex 745; intelligenda autem arundo et arbusta circa paludem. — 760 sqq. *Prorsus* ad *Homeri* ductum in *Hectoris* fuga *Iliad* χ, 205 sq. Ad nostrorum vero hominum sensus de decoro herois haec exigenda nequaquam. Hostem in congressu pugnae semel victum, etiam inermem ac nudum trucidat *Homericus* ac *Virgilius* hero: et nescio an nostra aetas

in praeliis aliud probeat. De nostrorum autem certaminum ac pugnarum (seu duellorum) singularium ludibriis cogitare h. l. interpretes non debebant. et *saucius*, vel etiam *saucius*; vel, quantum licebat si saucio. — 763. *retexunt* eleganter, repetunt, recurrunt. Cf. lib. V, 583, 584. — In vers. 764, 765, transferri *Homericos* notissimos versus *Il.* χ, 455-461. *levia aut ludicra*: qualia erant in certaminibus ac ludis, seu *εὐπαιδείας* illi essent seu *χρηματίας*.

766. Vim poeticam Maroni propriam in oleastro hoc ornando agnosce: simpliciter declarandus erat locus, quo hasta haerebat. Videtur ea sata quasi esse ex caprifico *Homeri* *Il.* χ, 445: conf. ζ, 433. λ, 167. *Oleaster*, *κόρυθος*, fuerat, in medio

Sed stirpem Teucris nullo discrimine sacrum 770  
 Sustulerant, puro ut possent concurrere campo.  
 Hic hasta Aeneae stabat; huc inpetus illam  
 Detulerat fixam et lenta in radice tenebat.  
 Incubuit voluitque manu convellere ferrum  
 Dardanides teloque sequi, quem prendere cursu 775  
 Non poterat. Tum vero amens formidine Turnus,  
 Faune, precor, miserere! inquit; tuque optima ferrum  
 Terra tene: colui vestros si semper honores,  
 Quos contra Aeneadae bello fecere profanos.  
 Dixit opemque dei non cassa in voia vocavit. 780  
 Namque diu luctans lentoque in stirpe moratus  
 Viribus haud ullis valuit discludere morsus  
 Roboris Aeneas. Dum nititur acer et instat:  
 Rursus in aurigae faciem mutata Metisci  
 Procurrit fratrique ensem dea Daunia reddit. 785  
 Quod Venus audaci Nymphae indignata licere  
 Adcessit telumque alta ab radice revellit.  
 Olli sublimes armis animisque resecti  
 Hic gladio fidens, hic acer et arduus hasta,

campo, nunc recisus ita, ut imae radices tantum superstites essent, quibus inhaeserat Aeneae hasta paullo ante in Turnum temere emissa: vs. 771. iam haec arbor sacra erat Fauno, Laurentum omninoque Latino- rum numini, et conspicua appensis naufragorum votis: notus naularum mos vel ex Horat. l. Carm. 5, 14. — lignum, arbor. — 770. nullo discrimine, ideoque nullo respectu habito, quod sacra erat arbor. — 771. puro campo, vacuo, non impedito. Sic Gr. *καθαρὸς χώρος*, ut Iliad. ψ, 61. Passim mos loquendi illustratus a viris doctis, v. c. ad Ovid. Fast. III, 562. — 772. hic, in radicibus trunci relictis. hasta stolat, ex iactu 771. —

774, 775. Eadem in hasta Achilles convellenda opera ponitur ab Astero-ropaeo Iliad. φ, 174 sqq.; nunc, cum lignum tenax morderet ac retineret hastam, ut diu frustra revelleretur, refertur res ad dei Fauni opem Turno latam. — 778. colui... honores, ut sacra, religiones, colere. — 781-783 quam ornate: non potuit evellere hastam, lento in stirpe: quod 773 lenta in radice. discludere morsus roboris, eiusdem radicis seu trunci, qui ferramentum hastae arte amplexus erat, ut difficile esset ad solvendum. Sic mordet fibula. — Facit Iuturna, quod Pallas in Achilles gratiam Il. χ, 267. — 789. arduus, elatus animo, audax, uli alter fidens. Sic altus Aeneas; ne-

Adsisunt contra certamine Martis anhelī.

790

Iunonem interea Rex omnipotentis Olympi

Adloquitur fulva pugnās de nube tuentem:

Quae iam finis erit, coniūx? quid denique restat?

Indigetem Aenean scis ipsa et scire fateris

Deberi coelo fatisque ad sidera tolli.

795

Quid struis? aut qua spe gelidis in nubibus haeres?

Mortalin' decuit violari vulnere divum?

Aut ense quid enim sine te Iuturna valeret? ...

*Illicet armis limgunt alii: male hic, sublimes adstant refer ad statum corporis, erecti ipsi armis sublati, utpote se petitori. — 790. contra, es adverso, adstant, stant, congregantur, in certamine pugnae, pro qua Martem anhelum dixit.*

791 sqq. — 842. Novo invento poëta nos, cum iam pugnam Turni et Aeneae instaurari expectamus, advocat et animos suspensos tenet deorum consiliis interpositis: quo fere modo Odyssaea ad finem properat, 471 sqq. Iupiter cum Iunone Troiana infesta ita transigit: ut Troiae memoria damnata sit; Troiani autem cum Aenea tutas in Latio sedes habeant. omnipotens Olympi, qui est deorum omnipotentium: de quo cf. ad lib. X, 4.

794, 795. Fatale esse, ut Aeneas deus Iodiges, ἰσχυρίης, sit, scis ipsa. Cf. VII, 313. Nota loca Liv. I, 2. f. Tibull. II, 5, 43, 44 sqq. *fatisque ad sidera tolli* ex Enniano, allato ad Aen. I, 239, quod usurpavit Ovid. Met. XIV, 814: *Vnus erit, quem tu tolles ad sidera coeli*. Hinc mox Iuno v. 819 subiungit aliud quid, quod non fati necessitas imponat. — 797, 798, 799. Fortasse haec exposulatio cum

Iunone non satis subtiliter est excutienda: argumentatio utique est valde levis, *divum*, futurum deum. Quod nunc in libris legitur, difficultatem haud dubie facit, si *mortale vulnus* communi significato accipiendum est, ut sit vulnus seu in mortali seu a mortali illatum. Quid enim in eo mirum, si Aeneas, futurus deus, nunc tamen homo a mortali, ab homine, telo petebatur, cum is in media pugna versaretur? cum Turno congregaretur? Itaque indiscor, ut credam Maronem primum h. l. *ausum mortalem* pro letali dicere: quod ad analogiam tot aliorum similium, v. c. letalis, sit praeclare; et si Serv. affamnet et Burm. recte moneat, esse usum vocis sequioris aetatis. Sed haec ipsa, quae seniores scriptores sibi permittunt, pleraque a poëtis primum profecta sunt. Ita tandem sententia digna poëta exit. Erat utique quod miraretur Iupiter, Iunonem, cum sciret ipsa Aenean immortalem futurum, tamen putasse se asequenturam hoc; ut ille telo percussus vulnere letali occideret. Adscribendus adeo hic locus iis, in quibus poëta novasse aliquid dicendus est, ne inceptae orationis crimine oneretur. Apertior utique sententia esset, si scriptum foret *mortalem*. An de-

VIRG. TOM. III

Ee

Ereptum reddi Turno et vim crescere victis?  
 Desine iam tandem precibusque inflectere nostris; 800  
 Nec te tantus edat tacitam dolor, et mihi curae  
 Saepe tuo dulci tristes ex ore recurrant.  
 Ventum ad supremum est. Terris agitare vel undis  
 Troianos potuisti, infandum adcondere bellum,  
 Deformare domum et luctu miscere hymenaeos: 805  
 Ulterius tentare veto. Sic Iuppiter orsus;  
 Sic dea submisso contra Saturnia vultu:  
 Ista quidem quia nota mihi tua, magne, voluntas,  
 Iuppiter: et Turnum et terras invita reliqui.  
 Nec tu me aëria solam nunc sede videres 810  
 Digna indigna pati; sed flammis cincta sub ipsam  
 Starem aciem traheremque inimica in proelia Teucros.

cuit mortalem vulnerari a numine? dum Iunonis fraude per Inturnam illatam esse vulnus Aeneae, vs. 319, etiam ibi nulla suspicio injecta est de auctore teli emissi. — 799, *victis* pro victo; ex decoro poetici sermonis, ne in vulgari haereret: quod toties vidimus etiam in hoc enallages genere, in tragoediis sollenni. Alia via nulla inest. — 801. *Nec te edat dolor*: alias: animum tuum, ut II. 5, 202. *Os Iupitis extiduit* et alia. In sqq. turbatur ab interpretibus, dum putatur adversativa esse propositio: et *mihi curae saepe tuo dulci tristes ex ore recurrant*, immo defer ad me curas ac querelas saepe: ita vero oratio friget. Enimvero est reiteratio antecedentis enuotiationis: nec toties me querelis tuis fatiges, et subiungi, cum negativa nec repetenda esset, novum non est, ut paullo post v. 825 *aut* occurrat pro *nec*: etiam hoc Homeri exemplo, μή... ἤδη. *recurrant*, ut Aen. I, 662, iterentur. — 803. *Terris agitare*. Consilia Iunonis: primum, tem-

pestate immissa I, 37 sq.; alterum *infandum adcondere bellum* etc. VII, 286-315, 316. Tertium ad optillas Laviniae cum Aenea pactas et Iunonis artibus turbatas spectat. *Deformare domum*, sc. luctu, ex Amatae suspensio, quocum squalor ac deformitas coniocta. *Deformem dolorem* Locrens dixit lib. VIII, 81, et *deformis negrimonia* ex Horatio nota.

808, 809. Hoc non respicere potest ea, quae hoc libro de Iunonis descensus in montem Albanum et acceptis Iovis mandatis ad Olympum reditu fuere narrata v. 433-459, 460; sed ad locum I. IX, 802 sqq., ubi Iris a Iove missa Iunonem vetat pugnae interesse. — 810. *Nec tu*, sc. nisi hoc ita se haberet. — 811, 812. *Starem in acie flammis cincta*: ad terrorem dictum puto, ut flamma in Troianos saeviat, uti quis ferro ignique grassari dicitur; nisi nube ignea circumdata in pugnam prodire voluisse dixeris: quod an usu poetarum probetur, haud novi. Fulminis usui locus via est. lib. II, 613 Iuno ferro



Iuturnam misero, fateor, succurrere fratri  
 Suasi et pro vita maiora audere probavi;  
 Non ut tela tamen, non ut contenderet arcum: 815  
 Adiuro Stygii caput implacabile fontis,  
 Vna superstitio superis quae reddita divis.  
 Et nunc cedo equidem pugnasque exosa relinquo.  
 Illud te, nulla fati quod lege tenetur,  
 Pro Latio obtestor, pro maiestate tuorum: 820  
 Quum iam connubis pacem felicibus, esto!  
 Conponent, quum iam leges et foedera iungent;  
 Ne vetus indigenas nomen mutare Latinos  
 Neu Troas fieri iubeas Teucrosque vocari,  
 Aut vocem mutare viros aut vertere vestis. 825  
 Sit Latium, sint Albani per saecula reges,  
 Sit Romana potens Itala virtute propago;  
 Occidit occideritque sinas cum nomine Troia.

accincta Achivos vocal a navibus, Pallas autem nimbo cincta arcem insidet. traheremque Teucros inimica in proelia: simpl. pro: Teucros aggredierer: nam, qui aggreditur, pugnare secum alterum cogit, provocat ad pugnandum. Verborum enim ordo non admittit alterum, ut sit: discere copias adversus Troianos. — 813, 814. Respicit 138, 152. Oratio est fere pedestris: sed observa, quomodo eam vel sic a vulgari defleserit; cum esse deberet: suasi Iuturnae, ut etc. Probavi eam audentem maius aliquid pro vita fratris. In his ac similibus Virgilianam orationem dignoscere licet. — 817. Res per se notissima: sed ornatum est egregie hoc: iaro per Stygem. caput fontis Stygii pro simplici Styge. implacabile, sc. perisurio facti. una, h. e. quae maxima iurandi inter deos est religio; obstringo me iureiurando sanctissimo.

Male arguitur Servius et cum eo alii. — est reddita, pro facta est, nihil amplius. Superstitio pro religione et metu ex ea orto. Sic fere Iliad. 6, 37, 38: ὅστις μέγιστος Ὀρκος διενότατος τε πίλει πάντας Ἰστοίαι. — 810. Pro maiestate tuorum. Bene Serv. « Respicit ad Saturnum, qui in Italia quandoque regnaverat; inde aut tuorum; nam et Latinus inde originem ducit: VII, 48, 49. » — 822. leges sunt foederis conditiones. — 823. Argute posita rem facti iam ad deorum voluntatem retrahit. Nam mansit nomen Latinorum; mansit sermo Latinus, vestitus Latinus; nec Troiani coloni quicquam in his immutarunt. Verendum autem erat, ne gens Latinorum victa in nomen victorum eederet; ut fere fieri solitum. Laudant Intpp. Sallustii verba Iug. 21. L: Victi omnes in gentem nomenque imperantium (Numidarum) convertere. — 817. Sint Romani po-

Olli subridens hominum rerumque repertor:  
 Et germana Iovis Saturnique altera proles, 830  
 Irarum tantos volvis sub pectore fluctus?  
 Verum age et inceptum frustra submitte furorem.  
 Do, quod vis, et me victusque volensque remitto.  
 Sermonem Ausonii patrum moresque tenebunt,  
 Utque est, nomen erit; commixti corpore tantum 835  
 Subsident Teuceri. Morem ritusque sacrorum  
 Adiciam faciamque omnis uno ore Latinos.  
 Hinc genus, Ausonio mixtum quod sanguine surget,  
 Supra homines, supra ire deos pietate videbis,

tentes, sed tamquam Itali, non tamquam Troiani; ut Italorum virtutem referre videantur, non Troianorum. Ceterum totum hunc locum ad lyricos numeros transtulit Horat. in regia Oda lib. III, 3, in primis v. 30 sq.

830. Tu, cum sis germana Iovis soror, tantas iras in mortales exercere potes? Vt I, 11, *tantaene animis coelestibus irae?* ut ne nomen quidem gentis exosse ferro possis. Male arguantur Grammatici. — 832. Iram perperam susceptam, conceptam, depono. — 833. *me remitto*: dictum ut remittere animum, ab ira. Remittit se, qui mollescit ideoque concedit: *uoc amplius contendit*. Vti se remittunt es, quae laxantur, solvuntur. — *Ausonii*, Ausones, ut iam aliquoties, v. c. VII, 233. X, 105. XI, 253: itidem, ut *Ausonius* dixit pro Ausonibus, ut poëta, Graecorum exemplo, etiam in appellativis, ut *παρσηνική*, sc. *χώρα*, pro *παρσηνός*. — 835, 836. Nunc tantum hoc fiet: permixti cum Ausonibus, hoc est Latinis, Troiani comprehendentur, delitescunt, latebunt sub Latinorum nomine. *corpus* de universa rep., populo, civitate, imperio, exercitu dici ad vulgarem

comparationem corporis et membrorum hominis, satis illustratum dedit Heins. ad h. l. Sic IX, 313: *toto certatum est corpore regni*. Itaque sunt h. l. Teuceri commixti cum toto populo Latinorum. Pesime ad concubitum traxit Cerda cum aliis *to corpore commixti* et *subsident*. Ornate hoc *subsident* dictum de iis, quae in commixtione infimam locum occupant: nunc, eminente Latinorum nomine, obscurabitur nomen Teucrorum. Lib. V, 498 de sorte: *galeaque ima subedit Acestes*. — 836, 837. *Adiciam*. Sacra tantum ac religiones Troianorum adiungam Italicis, Penates Latii inferentur, cf. 192; faciamque, ut uterque populus Latinus sint, ideoque *ἐπιόνησται*. — 839. *supra ire deos pietate*, h. e. iusti rectique religiosa observantis, per pietatem declarari solita, etiam in diis. Sic *di pi* sunt. Etiam vel sic *ire supra deos*, deos superare, non est urgendum: significat tantum praestantiam summam in hoc genere. Tenendum idem in innumeris locis, ubi, quaecumque excellunt ac praestant aliis, non modo paria diis ac divina esse: verum etiam

Nec gens ulla tuos aequae celebrabit honores.

810

Adnu't his Iuno et mentem laetata re'torsit.

Interea excedit coelo nubemque reliquit.

His actis aliud Genitor secum ipse volutat

Iuturnamque parat fratris dimittere ab armis.

Dicuntur geminae pestes cognomine Dirae,

845

superare deos dicuntur. Ita hominum sermo feri, multo magis priscorum ac rudium. Nam, etsi h. l. ad deos minores vel heroes referunt, tamen nec horum pietas in deos maiores usquam celebratur. — 840. Iunonis sacra in Ovidii Fastis, templa apud Donatum aliosque in descript. Romae quaerenda. Revocanda autem in animum III, 437 sqq. — Iuno 841 *mentem re'torsit*, inflexit, mutavit. Comparant *μυταστρέψας νόον* Iliad. o, 52, *ἐστράπετο νόος*, *σφῆς* et similia. Nec sane aliter commodè te expedias. Alias malim iungere *mentem laetata*. Sic tamen *re'torsit* absolute, sc. se, paullo durius dictum. — 842. *excedit coelo*: quo igitur illa abiit, si coelo excessit dea? Erit *coelum* h. l. de ipsa nube accipiendum, unde illa spectabat pugnam, aethere pendens, conf. 792, 796, 810. Ex aëre igitur illa abiit ad suum *θάλαμον*, cubiculum, quod Iulius memoravit II, 5, 466 sqq.

813-886. Educenda adhuc erat acie dea Iuturna. Ingeniose novum rei expediendae modum excogitavit Virgilius. Nam IX, 803 sq. Homeri exemplo in simili loco Irin miserat ad avocandam deam: nunc res erat varianda. Vt itaque Iuturna a fratre discederet, manifesto mortis instantis omine, bubonem esse videbimus vs. 862 illa terretur. *dimittere*: vocabulum quidem solenne in dimittendo exercitu, sed h. l. alio tractum;

est enim: abstrahere, avocare, avertere.

845 sqq. Sit et hic locus pro exemplo variae artis et rationis, qua poeta fabulas antiquas interque eas id in primis genus, quod symbolicum et allegoricum ab origine fuit, tractat. De Furis poëtam agere dubitari nequit. Sed, cum earum sedes alias sicut in Tartaro, saltem in Plutonis regia vel in aditu inferorum, ut VI, 280, nunc io Iovis illae vestibulo excubant. Servii h. l. et ad III, 209 commenta de triplici Furiarum potestate nihili sunt: uti nec illud satis probatum dedit, Furias appellatas esse *canes Iovis*: quo nomine Harpyiae alias insignitae, ut Apollon. II, 289: *Ἀρπυιᾶς, πυγᾶλοιο Διὸς κύνες*, et Kē-*ptē* ibid. IV, 4666. Nam loca Aen. VI, 257 et Lucani VI, 733 perperam adducit aut potius adigit ad hanc notionem firmandam. Neque etiam alias Furias Plutoni, alias Iovi dare voluisse putandus Maro; sed variasse poëtica phantasmata putandus est. Verum communis est ista antiquiorum poëtarum ratio, ut *canum* nomine pro custodibus et ministris utantur. Docte illustratum hoc vide a Rohrk. Epist. crit. p. 93 sq. — 845. *cognomine* pro nomine. *Dirae* est nomen illarum pestium h. e. exitiosarum deorum, substitutum a poëta *ταῖς Κηραί*, quae commemorantur etiam apud Quint. II, 509, III, 44.

Quas et Tartareum Nox intempesta Megaeram  
 Vno eodemque tulit partu, paribusque revinxit  
 Serpentum spiris ventosasque addidit alas.  
 Hae Iovis ad solium saevique in limine regis  
 Adparent acuuntque metum mortalibus aegris. 850  
 Si quando letum horrificum morbosque deum rex  
 Molitur meritas aut bello territat urbis.  
 Harum unam celerem demisit ab aethere summo  
 Iuppiter inque omen Iuturnae occurrere iussit.  
 Illa volat celerique ad terram turbine fertur 855  
 Non secus ac nervo per nubem impulsa sagitta,  
 Armatam saevi Parthus quam felle veneni,

Male Grammatici Inverse tradunt: cf. infra 865. *Apxi* sunt apud Aesch. Eumen. 420. — *geminas* .... et *Megaeram*: Docte sic variavit poeta, quod vulgo erat: sunt tres Dirae. Tum unum tantum nomen ponit; etiam hoc poetam decebat. Allecto et Tisiphone non quis non facile supplet animo? — *Noctis filias* Furias vel Eumenides etiam VI, 250; VII, 331 ediderat; idem Aesch. loc. c. 419. Quod uno partu editas facit, nescio an aliunde acceperit. — 847. *paribus*: pro pariter, pari omnes modo. *Species* Furiarum est poeticae haec, ut sint serpentibus revinctae et alatae. De aliis cf. VII, 561. — *Ventosas alas* novo epitheto, quod notionem magnitudinis alarum et concitati volatus habet; nam is ventum movet. — 849. *saevi*: epitheton h. l. accommodatum rebus ac temporibus, quibus Furiarum ministerio ad atrociam ac tristitiam utitur Iuppiter, cum irascitur. — *adparent* vox propria de ministerio, unde apparitores. — 854, 852. Arguantur, qui Furiarum munera dispescunt et Tisiphonem morbos, Allecto bello et Megaeram letum immittere aiunt.

853. *unam*. Cum poeta vix dignum sit indefinite loqui, Megaeram ex vs. 846 designasse dicendus est: *unam illam*. — 855. *turbine* simpl. pro motu 320 et 534. Volat Megaera tamquam sagitta arcu emissas. *Per nubem* auget phantasma, pro: per aërem. Parthos sagittis venenatis usus case firmat Servius Lucasi auctoritate lib. VIII, 303, 304. Verba Maronis expressit Silius lib. XIII, 497, 498. An Cretes, ex quibus Cydones sunt (v. Homer. Odys. τ, 476 et γ, 292, a quibus Cydonia urbs), medicari tela veneno soliti fuerint easque de re, etsi multis populis in prima vitae immanitate et barbarie communi, constet aliunde, ignoramus; est tamen locus alter ap. Lucian. Nigrin. Tom II, p. 79, ubi (I, p. 289 bip.) ad h. l. provocat Hemsterhus. — 857, 858. Velim codicem aliquem meliorem dare lectionem pro *Parthus*, quod vitiosum utique esse arbitror: Quid enim *Parthos* sive *Cydon*, suavitatis habeat? Aut genus ponendum erat, ut individua vel formae sequerentur; aut utrumque iterandum, ut v. c. Iliad. χ, 127, 128. Latet arbitror epitheton

Parthus sive Cydon, telum inmedicabile torsit;  
 Stridens et celeris incognita transilit umbras.  
 Talis se sata Nocte tulit terrasque petivit. 860  
 Postquam acies videt Iliacas atque agmina Turni  
 Alitis in parvae subitam conlecta figuram,  
 Quae quondam in bustis aut culminibus desertis  
 Nocte sedens serum canit inportuna per umbras,  
 Hanc versa in faciem Turni se pestis ob ora 865  
 Fertque refertque sonans clipeumque everberat alis.  
 Illi membra novus solvit formidine torpor,  
 Adrectaeque horrore comae et vox faucibus haesit.

seu *Parthi* in sq. versa, seu *fellis* v. e. *Armatus saevi fallax quam* etc. aut simile quid: nisi ultima poetae manus versus deest; quod probabile sit. (Ceterum Parthos venenatis sagittas usos esse constat e Lucan. VIII, 303 sq. *Parthus* repetitur forsitan ideo, quod illo usu metuendus tunc et infamis. R.) *Fel veneni*, ornate, ut virus, i. e. succus unusus, noxius. Sic et Tragicæ *χόλος* de veneno, quod cum sanguine serpentis confuodunt, usurpant. *telum inmedicabile*, quod vulnus insanabile facit. — 859. Singula ad maiorem phantasmatis horrorem faciunt: pro *avis* exquisitius dixit *umbras*, h. e. nigrum aërem, quem transvolat sagitta; hinc *celeris umbrae*, ul *celeris aërae*, quae celeriter transmittunt telum. Ipsa sagitta *stridens* et *incognita* transvolat, ut oculorum sensum fallat.

862 Habet haec Megarae, quae ut furia est *αιολόγιστος*, in bubonem mutatio aliquid, quod insigniter ad terrorem accommodatum est ex veterum superstitione, ex qua recentes quoque poetae ceriatim translulere praesagia bubonum et noctuarum.

Eoim vero nequaquam hoc mortis augurium comparandum ad augustum illud et sublime phantasma, quod Messiae lib. VIII sub f. exhibuit auctor, summum Germaniae ornamentum: ubi Servatoris moribundi caput duo Mortis Genii septentis gyris circumvolant. Locus ille ad horrorem incutiendum est efficacissimus. Maronem nostrum imitatur Claudian. in Eutrop. II, 229 sqq. — *Alitis parvae*. Videtur recte monitum a Servio, hoc alienum esse a bubone, quem grandi esse corpore satis constat. Et potuit poeta nocturnae genus aliquod, v. e. minimam illam noctuam, quam *fuveream* dicunt, intelligere. Reliqua tamen buboni accommodatiora sunt; cf. Plin. X, 42, s. 16, et sic IV, 462, 463. Itaque *parvam* comparative accipiendum; dea mutatur in avem, parvam respectu deae. — *subitam*: io quam subito *conlecta*, *conversa*, est. *Conligere* eleganter de re in minorem speciem mutata. Coptose illustratum ab Heinio. Cf. de angue Georg. II, 154 et al. — 864. *arum currit*, sera nocte. *νύκτερον αἰθέρι* Aratus. — *inportuna*, intempesta nocte.

At, procul ut Dirae stridorem adgnovit et alas,  
 Infelix crinis scindit Iuturna solutos 870  
 Vnguibus ora soror foedans et pectora pugnis:  
 Quid nunc te tua, Turne, potest germana iuvare?  
 Aut quid iam durae superat mihi? qua tibi lucem  
 Arte morer? talin' possum me opponere monstro?  
 Iam iam linquo acies. Ne me terrete timentem, 875  
 Obscenae volucres; alarum verbera nosco  
 Letalemque sonum, nec fallunt iussa superba  
 Magnanimi Iovis. Haec pro virginitate reponit?  
 Quo vitam dedit aeternam? cur mortis adempta est  
 Conditio? possem tantos finire dolores 880  
 Nunc certe et misero fratri comes ire per umbras.  
 Immortalis ego? aut quidquam mihi dulce meorum  
 Te sine, frater, erit? O quae satis alta dehiscat  
 Terra mihi Manisque deam demittat ad imos?  
 Tantum effata caput glauco contextit amictu 885  
 Multa gemens, et se fluvio dea condidit alto.  
 Aeneas instat contra telumque coruscat

— 869. Babone, funereu omine conspecto, Iuturna a fratre recedit, tanquam deplorata. — *stridorem* vocis sonum interpretatur Servius. Alia ad alas retrahi poterat. — 873. *duræ* .... mihi, immitti, quæ sustineam fratrem cernere in ultimum discrimen adductum nec succurram. — 875, 876. *Iam iam linquo acies* ad ductum Apollinis Homericæ, II. 7, 213, Hectore iam mortis addicto: *λίπεν δὲ ἰ Φοῖβος Ἀπόλλων*. — Obscenæ, male ominatæ. V. Georg. I, 470, Aen. III, 241 et al. — *terrete volucres* invidiose dixit, nam una est, inquit Serv. Poëtam hoc ad exquialliorem orationem pertinere vidiſſe, si pro individuis genas, pro uno plures poneret, aſepe vidimus: v. c. 699. Ap.

Tragicos ſi uſu perpetuo. — 877. Intelligo, nec latet me, fieri hæc Iovis numine ac voluntate. — 878. *reponit* doctius quam *rependit*. — 882. *quidquam meorum*; eorum, quæ mea ſunt, imprimis nunc immortalitas. IV, 317, *ſi fuit tibi quidquam dulce meum*, poterat et hoc eſſe, *quidquam meorum*. — 885, 886. Male ad Tiberim refertur. Nympha ſe in fontem ſuum ac lacum immiſit: quæ fluvium nunc diſit, quandoquidem et fluvius inde prodiit, qui in Tiberim deferitur. Cf. ad vs. 439. Similia exempla, ut Tiberia ſe in fluvium immittentis, v. VIII, 66; alia apud Homer. II. 6, 218, 219; Od. 3, 252; 6, 425.

887 ſqq. Revoca in animum ex ſa-

Ingens arboreum et saevo sic pectore fatur :  
 Quae nunc deinde mora est? aut quid iam, Turne, retractas?  
 Non cursu, saevis certandum est comminus armis. 890  
 Verte omnis tete in facies et contrahe, quidquid  
 Sive animis sive arte vales; opta ardua pennis  
 Astra sequi clausumque cava te condere terra.  
 Ille caput quassans, Non me tua fervida terrent  
 Dicta, ferox! di me terrent et Iuppiter hostis. 895  
 Nec plura effatus saxum circumspicit ingens,  
 Saxum antiquum, ingens, campo quod forte iacebat  
 Limes agro positus, litem ut discerneret arvis.  
 Vix illud lecti bis sex cervice subirent,  
 Qualia nunc hominum producit corpora tellus. 900  
 Ille manu raptum trepida torquebat in hostem

terioribus, 740 sqq. Turnum, diu in orbem media in corona pugnantium circumactum ab Aenea, redintegrasse certamen accepto ense, dum Aeneas hasta instal vs. 788, 789, 790. Maior est totius sequentis loci suavitas, si quis, eo iam ante perlecto, litem exortus Hectoris cum Achille pugnam mente teneat, v. II. x, l. c. Ita vs. 268 sqq. expressos videbis, sed ornatus, hic v. 890-893. Tum vs. 894, 895 Hectoris verba referunt, cum se a diis delusum intelligit v. 297 sqq. Comparant tamen Vrsin. et alii II. v, 811, 812, p, 175, 176. — Iam 889 *quae nunc deinde*, τίς αὖ, τίς' ἄρα. *retractare* eleganter est recusare, tergiversari, detrectare. — In vs. 894, 895 *Non me tua f.* grave pathos est. Nolim iungere *ferox hostis*. Sed *ferox* o Aenea. — *fervida dicta* sunt superba, arrogantis. *Iuppiter hostis* est infestus, ut alias inimicum nomen.

896. Emissa hasta, cum altera deficiat, aequo (v. c. II. f, 409 sqq. n,

264) sic heros Homericus saxa iaciunt: ipsi adeo dii, ut II. φ, 403 sq., unde h. l. verba fere dicta sunt; cf. ε, 303, 304, et μ, 445 sqq. Ad talem morem haec quoque exigenda sunt. Turnus autem, etsi ense repperat (vs. 785), hasta tamen eral destitutus (v. 741), quam eminens in Aeneam mitteret. Vt quis vero victum hostem etiam nudum ipse armis melioribus instructus insequeretur, dederori in heroum vita non erat: itaque Aeneas haud se indignum iudicavit imparibus armis cum hoste congredi. — 898. *litem*: remotius posuit: pro fines, ideoque litem de finibus. — 899. *Vix illud*, ad notam illam fidem et opinionem de priscorum hominum vastis corporibus et robore incredibili. Nota exempla Homeric Diomedis et Aiacis Iliad. ε, 303, 304. μ, 445, add. Apollon. III, 4366. — 901. *manu trepida*, simpliciter, *torquebat*. Servius: *Bene imperfecto unus est tempore, quia non est perfectam, quod voluit, ut v. 903,*

Altior insurgens et cursu concitus heros,  
 Sed neque currentem se nec cognoscit euntem  
 Tollentemve manu saxumque inmane moventem;  
 Genua labant; gelidus concrevit frigore sanguis. 905  
 Tum lapis ipse viri vacuum per inane volutus  
 Nec spatium evasit totum nec pertulit ictum.  
 Ac, velut in somnis, oculos ubi languida pressit  
 Nocte quies, nequidquam avidos extendere cursus  
 Velle videmur et in mediis conatibus aegri 910  
 Succidimus, non lingua valet, non corpore notae  
 Sufficiant vires nec vox aut verba sequuntur,  
 Sic Turno, quacumque viam virtute petivit,  
 Successum dea dira negat. Tum pectore sensus  
 Vertuntur varii. Rutulos adspectat et urbem 915  
 Cunctaturque metu telumque instare tremiscit  
 Nec, quo se eripiat, nec, qua vi tendat in hostem,  
 Nec currus usquam videt aurigamve sororem.

904, 907. nimis argute. v. 304 sic dubat erat pro dederat.

903, 904. Non haec Turnum prae metu mentis male compotem, ἄρσενος, arguunt; sed, quod vs. 913, 914 diserte quoque exponitur, torporem, quem Furia iniicit viresque adeo corporis debilitat. Est hoc illud, quod in viris fortissimis et audacissimis observatum est, a causis physiciis et psychologicis profectum, ut interdum nescias, qua de causa prorsus mutati, quasi defixi ac delinuti, omni animi corporisque vi destituti adstant, torpentes et inertes, seque adeo interdum trucidandos praebeant. Hoc per vertiginem, Τύφος, Apollinis manu tacto Patroclo inditum Homerus praeclare adumbravit Il. π, 786 sqq. Itaque Turnus ipse nec se cognoscit, vires solitas sibi deesse videt: se videt esse plane

alium. Aliud est nostris recentioribus linguis: se non cognoscere. — 906. *lapis viri* (pro eius) est lapis ab eo proiectus, dictum ad vulgarem formam: iactus viri. Poterat *viro* dicere, ut esset *viro volutus*, h. e. a viro; sed alterum maluit; cur non *feramus?* *inane* de aëre nunc non primum occurrit, nec eius epitheton *vacuum*: utrumque Lucretio subiectum.

908 sqq. Egregie ornavit comparisonem per se iucundam, ex Il. χ, 499 sq. Ex Virgilio expressum putant locum Oppiani Halieut. II, 81-85. Est etiam Apolloniis similis locus Il, 278 sqq. — 913. Quamcumque viam iniit, vulgari modo dices. — 914, 915. Dictum exquisitius pro sollemniori: vertit, versat varia consilia, sensus, animo Turnus. — 915 sqq. Species eadem Hectoris Iliad. χ, 293 sqq.



Cunctanti telum Aeneas fatale coruscât  
 Sortitus fortunam oculis, et corpore toto 920  
 Eminus intorquet. Murali concita numquam  
 Tormento sic saxa fremunt, nec fulmine tanti  
 Dissultant crepitus. Volat atri turbinis instar  
 Exitium dirum hasta ferens, orasque recludit  
 Loricae et clipei extremos septemplex orbis; 925  
 Per medium stridens transit femur. Incidit ictus  
 Ingens ad terram duplicato poplite Turnus.  
 Consurgunt gemitu Rutuli, totusque remugit  
 Mons circum et vocem late nemora alta remittunt.  
 Ille humilis supplexque oculos dextramque precan-  
 Protendens, equidem merui nec deprecor, inquit; (tem  
 Vtere sorte tua. Miseri te si qua parentis  
 Tangere cura potest, oro — fuit et tibi talis

919. *coruscant*, vibrat, πάλλας Hn-  
 merus ibid. 320, sed multo ornatius,  
 et respectu comparationis, quam ipse  
 ibi attulerat, hastae, sic vibratae,  
 cum Lucifero. — 920. *fortunam*, h.  
 e. locum in corpore, quem fortuna  
 dabit. Conf. ibid. v. 321, tum omni-  
 bus corporis viribus emittit hastam.  
 (nec fulmine . . . crepitus: i. e. nec  
 sonus per fulmen tonitruaque escita-  
 tus tantopere in omnes partes dissipa-  
 tur. (Quum ἔγχεσσι (Hom. II.  
 46, 78 et Hesiod. Scut. Herc. 279)  
 et rumpi, frangi de sono in usu es-  
 sent; facilis erat transitus ad fracti  
 soni dissipatinnem. R.) — 924, 925  
 Hasta traiecit clipeum in extrema,  
 puta, parte, tum loricae nam, et in  
 femore sedet. Lib. X, 587-590 si-  
 mile fere vulnus sit, sed in inguine,  
 ideoque mortale. Noluit enim poeta  
 vulnus letale esse, ut locus esset illi,  
 quae sequuntur: quibus ad tragicæ  
 fabulae exitum epos suum propius

adduxit. — 925. Aiscia εἰς αὐτὸν ἐν-  
 βόηται Il. VII, 220 quis nescit? —  
 927. *duplicato poplite*, eleganter pro  
 inflexo genu. XI, 645, *latus huius hasta  
 per artus acta tremit duplicatque vi-  
 rum transfixa dolore.*

928. *Consurgunt gemitu Rutuli*: so-  
 lenni poetæ more, quo a vulgari  
 orationem abducit, pro gemitu Ru-  
 tulorum consurgit. — 930 sqq. Vides  
 Hectorem, ut sepultura careat, sup-  
 plicentem Iliad. X, 338 sqq. — 930,  
 931. oculos convertit, manus proten-  
 dit, sed illud latet in hoc: ut toties  
 sit. — 933. *fuit et tibi talis*. Notum  
 artificum supplicantium: ad exem-  
 plum illud omnium aliorum prae-  
 stantissimum: Μυῖται παρὸς αἴθρῃ  
 etc. Il. ω, 486. Dedere alia Guell. et  
 Cerda. Verum tali cum vi, cum hac  
 divinitate, semel tantum dici hoc  
 potuit. Atque haec est illa poetæ  
 felicitas, qui primus talia occupat.  
 Rhetorum acumen figuram extulit

Anchises genitor Dauni miserere senectae  
 Et me, seu corpus spoliatum lumine mavis, 935  
 Redde meis! Vicisti, et victum tendere palmas  
 Ausonii videre; tua est Lavinia coniunx;  
 Vltius ne tende odiis! Stetit acer in armis  
 Aeneas, volvens oculos, dextramque repressit;  
 Et iam iamque magis cunctantem flectere sermo 940  
 Coeperat, infelix humero quum adparuit alto  
 Balteus, et notis fulserunt cingula bullis  
 Pallantis pueri, victum quem vulnere Turnus  
 Straverat atque humeris inimicum insigne gerebat.  
 Ille, oculis postquam saevi monumenta doloris 945  
 Exuviasque hausit, furiis adensus et ira  
 Terribilis: Tunc hinc spoliis indute meorum  
 Eripiare mihi? Pallas te hoc vulnere, Pallas  
 Inmolat et poenam scelerato ex sanguine sumit.

anacoenosin, quam hoc ipso exemplo  
 illustrat Iul. Rufinian. p. 205. — 935.  
*Et me, seu corpus.* Viro fortis digna  
 oratio; sperte mortem non deprecatur;  
 vitae tamen usum nec renuit.  
 — 893. *acer in armis* iungenda esse  
 monet Serv.; nescio an satis bene.  
 Praestaret stetit in armis iungere. Est  
 poetica *εὐπρύταξ*, quae species et ad-  
 spectus viri ante oculos revocari de-  
 bebant: *acer, ὄψαυός*, truculento vultu  
*Aeneas stetit*, adstabat, in armis,  
 armatus, qualis erat; etenim stabat  
 tenens clipeum et ensen strictum,  
 ut ex vs. 950 apparet. — 940 sqq.  
 Haec iam praeparaverat lib. X, 495  
 sq. 500-505. — 942. Balteum, e quo  
 ensis pendebat, mox ornate declarat  
 tamquam rem, in qua nunc rerum  
 cardo vertitur et quae luculentius  
 animo erat representanda. Tum vero  
 notis fulserunt cingula bullis poetica  
 forma dictum pro: et bullae, clavi

aurei, ornamenta nota, fulserunt in  
 cingulo seu balico. Itaque verendum  
 non erat, ne otiosus esset versus. —  
 945. *oculis hausit*, iam supra IV, 661,  
*Haurit hunc oculis ignem*: traduc-  
 tum ab auribus, IV, 359, *vocemque*  
*his auribus hausit*; petium ab aura,  
 quam spiritu ducimus, haurimus;  
 hinc haurimus etiam alia, quae per  
 auram sensus feriunt; tandem est sim-  
 pliciter accipere; sic transferitur ad  
 animum: X, 648, *animo spem turbidus*  
*hausit inanem*. Convenit *bibere*,  
*inbibere*, ut I, 781, *longumque bibe-*  
*bat amorem*. — 945. *monumenta do-*  
*loris* h. l. quae memoriam renovant,  
 recordationem doloris ex Pallantis  
 morte. — 947. *meorum* graviter pro  
 uno ex suis, ex amicis: Pallante. —  
 949. *inmolat*, non sibi; sed diis in-  
 feris. *scelerato ex sanguine*, poëta  
 omne facinus atrox, audax, saevum  
 est scelus, ideoque Turnus *sceleratus*,

Hoc dicens ferrum adverso sub pectore condit 950  
 Fervidus: ast illi solvuntur frigore membra,  
 Vitaeque cum gemitu fugit indignata sub umbras.

qui caedem Pallantis commiserat. — 952. Versum Homericum esse expressum Ψυχὴ δ' ἐκ πέθευ etc. Iliad. χ, 362, 363, iam notavit Servius. *indignata cum gemitu* pro gemens, moerens: ὅν πότμον γούσα anima. Conf. XI, 831. Iamque cum Turni morte foederis supra concepti condiciones

vss. 487 sqq. exitum habent: Lavinia in matrimonium accepta Aeneas Troianos in Latinum nomen adiungit, novam urbem Lavinium condit iusque socero in regno succedendi consequitur; ideoque Aeneas accepit sedem in Italia Intulitque deos Latio, ut Lib. I, 5, 6 fore poeta praedixerat.

FINIS AENEIDOS.



P. VIRGILII MARONIS

C V L E X



## PROOEMIUM

## IN CULICEM \*

Fuisse aliquando Culicem inscriptum carmen, vulgo pro Maroniani iugeni inveniendi fetu habitum, dubitari nequit. Docent id loca T. I ad Vitam Virgilii §. 28 excitata Martialis XIV, ep. 185, et VIII, ep. 56, 19, 20, Suetonii in vita Lucani, Statii Silv. II, 7, 14. (1) Quibus adde eundem praef. Silv. lib. I, ubi veretur de Thebaide edenda: *Sed et Culicem legimus et Batrachomyomachiam etiam cognoscimus. Nec quisquam est illustrium poetarum, qui non aliquid operibus suis stilo remissiore proluserit.* Nonnius quoque Marcellus p. 211 versum laudat in *labrusca*: « Neutro Virgilius in Culice: *Densaue virgultis avide tabrusca petuntur.* » An tamen is ipse, quem nunc manibus terimus, pro Maroniano Culice habendus sit, non modo inde confectum non est, (2) verum etiam dubitari potest: quoadquidem istud alterum carmen non invenustum fuisse necesse est; memoratur enim passim cum laude, et Lucanus non sine superbiae nota dixisse existimatus est: *et quantum mihi restat ad Culicem?* hoc autem, quod nunc habemus, splendet utique uno et altero loco, et habet laudes nonnullas; sed et tota illud summa peccat et plurima habet, quae vel parum subtili iudicio vix satis se probare possint. Quae ut temere pronuntiassse videamur, age de carminis argumento et habitu dispiciamus paullo accuratius.

Inter lusus refertur hoc carmen merito argumenti sui vi et natura. Culex, cum pastorem iofixo aculeo e somno excitatum praesenti morte liberasset, quam subrepens ei serpens inflictorus

\* Carmina haec minora, a Wunderlichio praetermissa, ab editione nostra abesse fortasse erunt qui nolint; a maiori itaque Heinii editione ea exscribimus cum notis et praefationibus, variantibus tamen omissis. Tyr.

(1) Martial. XIV, ep. 185: *Accipe facundi Culicem, studioso, Maronis.* VIII, 66: *Protinus Italiam concepit et Arma virumque, Qui modo vix Culicem flevrat ore rudi.* Sueton. in

Vita Lucani: *Quin tantae levitatis, et tam immoderatae linguae fuit, ut in praefatione quadam, actatem et initia sua cum Virgilio comparans, minus sit dicere: et quantum mihi restat ad Culicem?* Statii Silv. II, 7, 73, 74: *Haec primo iuvenis canes sub auro Ante annos Culicis Maroniani.*

(2) Virgilio Culicem Io. Schraderus quoque vindicare voluit Emenpatt. 1, 2.

erat, inflicta manu obtritus, sequente nocte pastori per somnum oblatum, de male relata gratia conqueritur, hominemque miseratione movet, ut tumultum culicis exstruat. Nec tamen omnino poeta carmen epicum ioculari, cuiusmodi nostra aetas plura vidit, componere voluisse putandus est. Narratio est serio instituta, nec tamen epica, sed ad pastoritium seu bucolicum carmen propior, et delectare voluisse poeta videri debet, partim rerum narratione et descriptione, partim culicis de inluria sibi facta conquerentis miseratione.

Argumentum, si intentiore animo contempleris, per se satis lenne ac ieiunum esse vixque magnum ornatum capere posse videtur. Cumulavit tamen ornamenta quisquis haec scripsit, et in ornamentis his maiorem operae partem consumsit; quod per se non erat improbandum, si ornamenta sagacitatis aliqua ingenii ex ipsa re eliceret; verum auctor ad locos poeticos communes fere omnia revocavit, quibus ita immoratus est, ut orationis ordinem et seriem penitus interrumpi et tumentem a carminis summa abduci necesse esset, quod v. c. factum videas in loco de laudibus vitae rusticae, de arboribus ad fontem natis v. 122 sqq., in locis inferis, in Tartaro, in Elysio, in tumulo plantis conserendo. Nimium igitur in parergis haeret poeta; nec pravum hoc studium exemplo non minus pravo Catulli, in Pelei et Thetidis epithalamio, aut Panegyrici in Messalam Tibulli Elegis subiecti, defendi aut potest aut debet.

Est vero interdum puerilis prorsus in cumulandis et variandis rebus similibus copiae affectatio; quae, si vel maxime cum iuvenili aetate haec lusisse dixeris (Scaligerum, qui iam grandiorum natu Maronem scripsisse Colicem contendebat, nemo facile audiet aequo animo), vix tamen ab eo poeta proficisci potuit, qui Georgica et Aeneidem scripsit; ita ut aliquando in eam opinionem pronior essem, quam etiam Franc. Oudinum tuitum esse video (disp. de Calice Virgiliano in Misc. Obs. crit. nov. T. IV, p. 307), qua persussum mihi esset, nos veterem illum Maronis Colicem omnino non habere. Occurrunt tamen altera ex parte loci carminis praecleari poeta bono haud indigni; video itaque haud paullo probabilius esse alterum: habere quidem nos carminis fundum aliquem Virgilianum, interpolatum tamen et oneratum infinitis aliorum laciniis intextis et interpositis. Ducit etiam eo diversitas illa locorum ac versuum in eodem carmine et variata per plures diversae notae versus eadem sententia. Quod



si tenentur, facile et virtutum et vitiorum in hoc carmine causas explicari totaque eius ratio constitui potest.

Scilicet, litterarum bonarum studiis, iam per rhetorices scholas et *palastra*; corruptis, fuit doctorum hominum male sedulorum mos, ut cum Ovidianis, tum Virgilianis, his tamen maxime, quandoquidem intra Virgilianam orationem omne fere poëticae studium eorum temporum se continebat, versibus variandis, ornandis vel amplificandis, ingenium suum experirentur. Multa sunt sub Scholasticorum nomine in Anthologia Latina carmina, quibus, interdum decies vel duodecies, eadem sententia vel idem versus varietur. Alii thema, quod vocabant, seu argumentum fabulae alicuius ex Virgilio vel aliunde desumptam versibus modo ex Virgilio consarcinatis in Centonis morem, modo ad Virgilii exemplum formatis, pertractarunt: utriusque generis exempla in Ausonio prostant. Sunt vero in his multa non male notae carminis; aut singula loca, singuli versus docte et ornate facti. Comparet v. c. aliquis narrationem de adulterio Martis et Veneris Anthol. Lat. P. I, ep. 72. Non defuit homini, qui id carmen scripsit, ingenium nec poëtica oratio: defuit iudicium ad summam carminis constituendam et ad eliminandam copiam otiosam et inane. Adde ibid. lib. I, ep. 89 et al. Lecto itaque Virgilii carmine adscripserunt in margine codicis sui hi homines ea, quae ipsi tentaverant, ad variandam vel amplificandam sententiam; idque inprimis in minoribus his Virgilii carminibus factum apparet; multo autem maxime in Culice, cuius, si recte iudico, plus quam dimidia pars eiusmodi Scholasticorum versibus consarcinata est. Versus hos aut inter lineas aut in margine adscriptos librarii indocti, qui codicem describebant, forte etiam ut pleniorum codicem venditare possent, in ipsum carmen infererant; atque sic evenit, ut illud interpolatum et, modo versibus satis bonis, modo incitis et indoctis, aut hincis, et scabris, foedatum ad nos perveniret. Quod non animadversum fraudi fuit viris doctis, quos, tam diversae notae monetam eodem loco habentes, in multis trepidare necesse fuit. Unde facile potest intelligi, fundum quidem carminis esse posse Culicem illum Maroniam, sed attextas esse a Scholasticis et Grammaticis lacinias plurimas, quibus praeus carminis nitor plerisque in locis admodum attritus ut sit necesse est.

Atque haec ipsa faciunt, ut vix cum delectatione, nec nisi ab eo, qui iam aliquantum in poëtarum lectione versatus sit, legi

possit hoc carmen. (1) Male enim cohaerent tot panni a diversis hominibus assuti, et natae sunt ex eo ipso corruptelae dictionis et sententiae plurimae. Aliter itaque in his carminibus instituenda fuit opera mea, quam in superioribus voluminibus, cum in interpretationis subtilitate maior studii nostri pars versaretur. Nunc enim ea fere tota ad criticas animadversiones, lectionemque constituendam vel emendandam, transferenda erat. Propositum itaque velim hoc volumen adolescentibus, qui in critico studio exercere ingenia volunt, tamquam campum, in quo lusus huius ingenui periculum aliquod faciant aut gustum saltem sibi comparent: ut tamen nec, uno et altero ludentis ingenii successu et laudo exultantes vel vanitate blanda tuentes, in hac studii parte subsistant, omneque litterarum bonorum laudem et fructum in una coniectandi et voces sonosque variandi calliditate positum arbitrati, maiora et graviora consilia, quae in legendis scriptoribus classicis proposita esse debent, negligant, mox etiam contemnant, se emendandis iis natos rati, quorum nec sententias, res et doctrinas assequuntur, nec elegantiae ac praecantiae sensum et iudicium rectum habent. Atqui critices studium subsidiarium esse debebat, baud primum.

Ceterum, antequam lectionis originem et progressum ed emendationem satis accurate cognoscere liceret, molestiae in hoc et sequentibus carminibus coarctandis devorandae fuere plurimae eaeque maximae. Nunc satis mihi liquet Calicem statim in editione principe vulgatum, inde in multis aliis editionibus repetitum, vix tamen criticam nissum esse expertum ante P. Bembum. Nam in Domitii Calderini, Pomponii Sabini, et Badii Ascensii commentariis praeter vulgarem varietatem nihil occurrit, quod ad emendationem poetae faciat. Bembus autem praeter alterum illum codicem, qui totum Virgilium complectebatur, codicem perantiquum adhibuit, truncum tamen et mutilatum, quippe cui, praeter *iuvenilis ludi* libellum et *Encolica* ac *Georgicorum* primi libri partem, nihil saperat (conf. De Virgilio codd. Mus. s. VIII).

(1) Patrio sermone, octonis versibus in strophas coeuntibus, redditum est hoc carmen a Spensero, poeta nobili Britanno (*Virgil's Gnat*), in eius Opp. Nec sine voluptate illud facile perlegas. Adeo mihi vel hoc exemplo patuit, quanto expeditius

esset poetam carmine vernaculo reddere, quam verba subtiliter interpretari. Nihil enim vetabat sententias integras summatim efferre elusve partes in quemcunque placeret sensum delectare, aut verba corrupta aptis et idoneis permutare.

Liber autem ille invenilis ludi continebat *Culicem*, *Diras*, *Copani*, *Est et Non*, *Vir bonus*, *Moretum*, *Rosas*. Haec ipse Bembus exposuit in Dialogo de *Culice et Terentii fabulis*, in quo ex codice illo Culicem recensuit. Exiit ille liber primum a. 1530 apud fratres Sabbios Venetiis: cum ex eo codice recensio minorum carminum Virgilii dudum facta esset ab Asulano. Aldus enim, in epistola ad P. Bembum editioni 1514 Naugerii auxilio emendatae praefixa, *Virgilii lusus*, quos Bembus correctissimos habeat, tunc se editurum esse promittit, cum ab eo acceperit, quod futurum potabat brevi; verum morte praeventus fidem non exsolvit Aldus; perfecit tamen Asulanus, qui 1517 *Diversorum poetarum in Priapum lusus*, P. V. M. *Catalecta*, *Copam*, *Rosas*, *Culicem*, *Diras*, *Moretum*, *Cirin* etc. edidit, emendata a se, ut ait, collatis pluribus exemplaribus. In hac Culicis recensione Bembiui codicis lectio in multis locis recepta est, nec tamen in omnibus, quae Bembus mox ex codice suo constituisse videri voluit. Repetita illa est io aedibus heredum Aldi et Andreae soceri 1534, mutatis tamen passim lectionibus, imprimis in *Ciri*. Ut adeo triplex sit Aldina recensio; prima antiquior nec emendata ed. Ald. 1505, altera 1517 et tertia 1534. Quae passim a me excitatur tamquam melioris lectionis fundus, media est anni 1517. Aldinam ooo vidi qui ante oculos haberet, praeter Ge. Fabricium, qui alia et ipse emendasse aut aliorum emendationem admisisse videtur. Heinsius tractavit tertiam. Sed Bembiua castigatio a multis recepta est, imprimis Venetis et Antwerpensibus. Comparavit mox veterem membranam, seu excerpta P. Pithoei, et aliam Aut. Contii Icti membranam, etiam editiones veteres, Iosephus Scaliger, idemque emendationes adiecit plurimas, doctas utique, sed raro ulla ingenii vel dictioois ac numeri facilitate se probantes. P. Pithoeus, qui haud multo post Scaligerum Epigrammata et Poëmata vetera edidit, hactenus nonnihil in Culicem et Cirin contulisse videri debet, quod in eo lectiones occurrunt nonnullae, quas apud alios non observavi. Scaligerianas emendationes sine delectu recepit omnes Taubmanus, qui Culicem commentario instruxit, sed qui totus ex Scaligeri opibus aliisque eruditis copiis, imprimis Barthii, qui *Advers.* lib. XX, 13 et 19. XXI, 3 et 9 et 18. 20 et 23 Culicem emaculare voluit, consarcinatus est; qui enim ingenio suo in locis lusibusque adeo indulgere narratus est, Taubmanus, in re critica et perspicendo seorsum nec ingenio nec iudicio suo ipse aliquid tribuisse videtur; adeo totus ex aliorum acumine pendet. Bem-

bina hinc lectio e Scaligerana emendatione passim interpolari coepit; idque diversorum virorum doctorum opera. Nam et in Heinsianis ac Burmannianis editionibus satis inconstanter multa expressa esse vidi. Cum in priore editione, quoniam per totum Maronem hoc secutus eram, lectionem editionis Burmannianae maiorem, quam in nonnullis ab Heinsiana, etiam a minore Burmanni 1704, discrepare vidi, retinuissem: in nova hac recensione paullo licentius versatus sum in lectione mutanda, quoties ratione satis idonea id me facere arbitrarer. His enim instructus eram copiis, ut aliquid mihi hac in opera annere possem. Nam praeterquam quod lectionis origines investigaveram, ad manus erant cum edd. veteres, quae antiquam lectionem habebant, (1) tum Beinhiae lectionis auctoritas cum reliqua edd., in quibus emendatus est Culex vel tentatus. Habueram iam in priore editione varium lectionem, quam e codice suo excerptam miserat ad me Io. Ge. Gu. Koehler, alteram codicis Helmstadiensis n. 1450 exarati mihi obtulerat Wernsdorfii, viri doctissimi et humanissimi, benevolentia. In nova hac recensione ad manum fuere schedae In. Schraderi cum descriptis ab eo schedae Nic. Heinsii, cuius sagacitatem in poetis emendandis nemo alius aequavit. (2) Nolui tamen ea, quae elegantius ille reflexerat, obtrudere indoctis grammaticis interpolatoribus; quorum frondes hunc eundem virum acutissimum tam parum odoratum esse saepius miratus sum. Omnino valde diversa inter se habenda sunt: restituere veteris poetae lectionem etiam haud bonam, si haud bonus est; et, poetam refingere, minusque probis substituere meliora. Hoc non critici est, sed iudicis.

Exstant adhuc passim in bibliotheca, imprimis in Regia Parisiensi, codices, qui poemata illa minora, quae sub Virgilii nomine venire solent, modo plura, modo pauciora, interdum Mo-

(1) Excussit edd. Vicentinam 1479 et Ven. 1486, Ven. 1482, Ven. 1494 Norimb. 1492, Ven. 1495, Ed. s. l. et a Culicis et alior. minorum carminum.

(2) Edidit nuper (1766) H. Frisemannus V. C. *Collectanea critica*, in quibus Cirin et Culicem exprimi curavit cum coniecturis nonnullis Io.

Schraderi magistri sui, quae ad marginem libri adnotatas ab oblivione vindicare voluit: adiecit quoque ex eodem libro lectiones variantes in Cirin e-dicis Basilicenis, in Culicem Petaviani et Vossiani. Cum mihi pleniores Schraderi schedae obtigissent: multa licuit diligentius constituere, et quae Heinsii essent, seligere ac discernere.

retum tantum aut aliud carmen, exhibent. Quos codices si excussos, saltem inspectos a viris doctis, qui ea loca adennt, audivero; multo magis laetabor, quam si tot vulgares libros, qui Aeneidem, Georgica, et Eclogas habent, quorumque comparatione vix ullos fructus ad illa carmina expectari potest, in medium proferri videam. Nisi enim, in codicum inspectione et usu, iudicio sano et recto utaris: nullum facile esse potest aliud studium tam ieiunum, futile et liberali homine vix dignum, quam hoc, quod in excutiendis librariae inertiae quisquiliis collocari solet.



P. VIRGILII MARONIS

## CVLEX

AD OCTAVIVM (1)

## ARGVMENTVM.

*P*astor gregem mane in pascua eductum sub medium diem ad fontem in agro Thebano sub Cithacrone (cf. ad v. 108) compulerat, qui erat in valle silvosa; ipse iuxta fontem recubuit et obdormivit — 160. Ecce magnus serpens, ex hydrorum genere, in locis, quae circa fontem erant, paludosis aestum levare solitus advolvitur et pastori iratus imminet — 180; cum forte fortuna, Culicis aculeo in oculi angulo infixo, expergestus ex somno pastor manu ad vulnus delata miserum Culicem attritu interimit, vigilantibus autem oculis prospiciens serpentem sibi minantem adspicit. Itaque exilit et arrepto truneo serpentem trucidat — 200. Nocte sequente Culicis umbra pastori se per somnum offert, graviterque cum eo expositulat, quod se, qui ei salutis auctor fuisset, manus afflictu vita privasset — 230. Tum exponit errores suos per loca infera, sede certa nondum assignata — 383. Pastor altero die, ut Culici officium persolveret, tumulum ei exstruit variis floribus fruticibusque consitum et titulo ornatum — ad fin. Videtur autem hoc, etsi discrete poeta non exposuit, eo consilio fecisse, ut ad sedem certam in locis inferis admitteretur umbra Culicis: ad eum morem, quo sine tumuli honore nec aliae umbrae Stygem tranare posse creditae sunt.

(1) Petaviano codici praescripta erant haec: «Poëtarum sapientissimi, P. V. M. condiscipuli Octaviani Cae-

saris Augusti mundi Imperatoris, juvenalis ludii libellus. Incipit Culex.»

Lusimus, Octavi, gracili modulante Thalia;  
 Atque ut araneoli, tenuem formavimus orsum.  
 Lusimus: haec propter Culicis sint carmina dicta.  
 Omnis ut historiae per ludum consonet ordo  
 Notitiae, ducam voces: licet invidus adsit. 5  
 Quisquis erit culpae iocos musamque paratus:  
 Pondere vel Culicis levior famaue feretur.  
 Posterius graviore sono tibi Musa loquetur  
 Nostra, dabunt cum securos mihi tempora fructus:  
 Vt tibi digna tuo poliantur carmina sensu. 10  
 Latonae magnique decus Iovis aurea proles,  
 Phoebus, erit nostri princeps et carminis auctor  
 Et recinente lyra fautor: sive educat illum  
 Alma Chimaereo Xanthus perfusa liquore,

Cum difficultates, quae in hoc carmine occurrunt, lectionis fere depravatae strigillogini debeantur: pleurumque locorum emendatio ex Var. Lect. expositione erit petenda. (Adeat ergo Heinli editionem, si quis hoc tanti putat. Nos officio nostro fungi credimus, textum haud prorsus nudum exhibendo. Tvr.)

Exordium usque ad v. 40 continetur. Expositio argumento, Phoebum, Musas et Palem, tum Octavium invocat: quem puerum appellat, cuiusque nondum res ulla gestas, quas commemorare posset, habuisse videtur. Octavianum Caesarem vulgo intelligi video; perperam utique. Cum ei primum commendatus est Maro a Maecenate, non iam Octavius erat, sed Caesar Octavianus; nec puer, sed iuvenis, ut in Ecl. I. Nec huc faciunt, quae de usu vocis pueri disputari solent. Videtur esse Octavius, cuius in Catalectis n. XIV meotio fit; nec tamen constat, sitne idem, qui ap. Horat. Octavius optimus. Nisi Statius cum Martiale et Suetonio Culicis

Virgiliani iam meminissent, Octavii nomen fraudem fecisse Grammaticis dicerem, ut ad Maronem auctorem carmen referrent.

1. *gracili Thalia* prava imitatione dictum ex illo: *gracili arena, tenui carmine*. At comparatio, ab araneae texturam ordientis conatu petita, auevis.

4, 5. ut *omnis ordo notitiae historiae*, pro *historicae*, consonet *per ludum*, *ducam* voces, h. deducem, canam. Sed vide Var. Lectionis.

43. *educat*, debet esse pro *tenet*, habet; ut *matrivi, τρέφει, πρέβει*. dictum imitatione loci Aen. X, 518: *totidem quos educat Vfers, viventes rapit*. — *Alma Chimaereo Xanthus perfusa liquore*. *Xanthus* urbs Lyciae, Apollini sacra, cum tota Lycia; nec multum aberat Latonae templum, τὸ Ἀντιόχου, oobile, v. Strab. XIV, pag. 981 B. C., situm cum urbe ad flum. Xanthum; unde h. l. *Xanthus perfusa liquore Chimaereo*: h. urbs, quae aluit cmois Xanthus. Sane is quidem in monte Chimaera, quae pars Cragi



Seu nemus Asteriae, seu qua Parnassia rupes 45  
 Hinc atque hinc patula praepandit cornua fronte,  
 Castaliaeque sonans liquido pede labitur unda.  
 Quare, Pierii laticis decus, ite, sorores  
 Naides, et celebrate deum plaudente chorea.  
 Et tibi, sancta Pales, ad quam ventura recurrit 20  
 Agrestum bona cura, sequi sit cura tenentis  
 Aereos nemorum tractus silvasque virentes,  
 Te cultrice vagus saltus feror inter et astra.  
 At tu, cui meritis oritur fiducia chartis,  
 Octavi venerande, meis adlabere coeptis, 25  
 Sancte puer: tibi namque canit non pagina bellum,  
 Phlegra Giganteo sparsa est quo sanguine tellus;  
 Nec Centaureos Lapithas compellit in ensis;

fuisse et ad mare pertinuisse videntur, ortum habere vix potuit. Itaque ad geographicam subtilitatem posita h. l. non revocandus; sed latius Chimaeram, partem montis, pro toto montis tractu et iugis, dictam esse putandum est.

15. *nemus Asteriae*. Delus, vetere nomine. v. Callimach. in Del. 36, 37. Plin. IV, a. 23.

15, 16. Parnassus mons longe protrahitur versus septentrionem, donec cum Oetaeis iugis continuatur. v. Strab. IX, p. 638 B. Sed auctor partem montis versus meridiem in theatri modum potentem describere voluit. Ib. p. 640 A. τὸ δὲ νῆρον (αὐτοῦ μέρος κατέχουσιν) οὐ διὰ τοῦ περὶ τοῦ ὄρους, ἀλλὰ καὶ τὸν πᾶν τοῦ ὄρους ἔχει τὰ περὶ τοῦ καὶ τὸν πᾶν. Subiecta erat camporum planities versus mare declivis, quae Indi Pythiae habebantur.

18. *sorores Naides*, h. l. Musae. Ad 20, 21 v. Var. Lect. Si legimus Et tibi, sancta Pales, ad quam ventura recurrit Agrestum futura, sequi

sit cura tenenti.... sententia est: etiam tu adias, o Pales, sit tibi cura sequendi Naidas, tibi, quae tenes saltus; et paullo ante, ad quam recurrit, redit, cui mandata est, futura agrestum, festus pecudum, quas agrestes pascunt.

23. *te cultrice*, dum tu colis nemora et silvas, sed saltus, h. e. pascua, vagor ego inter, per, saltus et astra, ut legendum.

24. At tu, qui iam meritis es carmina, Octavi, ades mihi.

26. Namque nec Gigantomachiam nec pugnam Lapitharum cum Centauris nec bellum Persicum cantare aggredior: verum argumentum leve ac humile: in quo, ut ausis excidam, minor metus esse debet. Nec obscura autem illa ratio, ut, quae posita canit, ea in actum producat verbis: nec compellit, nec Oriens urit etc. conf. Eclog. VI, 62.

27. *Phlegra, tellus*, apposita; pro vulgari: Phlegrea tellus, quae etiam Pallene. Sic flumen Metaeum, terra Gallia. conf. Scalig. et Taubm., h. Barth. Advers. XIX, 43. — 28. *enno*

Vrit Erichthonias Oriens non ignibus arces ;  
 Non perfossus Athos, nec magno vincula Ponto 30  
 Iacta, meo quaerent iam sera volumine famam ;  
 Non Hellespontus pedibus pulsatus equorum,  
 Graecia cum timuit venientis undique Persas :  
 Mollia sed tenui percurrere carmina versu,  
 Viribus apta suis, Phoebos duce, ludere gaudet. 35  
 Et tu, sancte puer, venerabilis, et tibi certet  
 Gloria perpetuum lucis manstura per aevum ;  
 Et tibi sede pia maneat locus, et tibi sospes  
 Debita felicitis memoretur vita per annos,  
 Grata bonis lucens. Sed nos ad coepta feramur. 40  
 Igneus aethereas iam Sol penetrarat in arcis,  
 Candidaque aurato quatiebat lumina curru ;  
 Crinibus et roseis tenebras Aurora fugarat :  
 Propulit ut stabulis ad pabula laeta capellas  
 Pastor, et excelsi montis iuga summa petivit, 45  
 Lucida qua patulos velabant gramina collis ;  
 Iam silvis dumisque, vagae iam vallibus abdunt  
 Corpora ; iamque omni celeres e parte vagantes  
 Scrupea desertae perrepunt ad cava rupis.  
 Tondentur tenero viridantia gramina morsu, 50  
 Pendula proiectis carpuntur et arbuta ramis,  
 Densaue virgultis avide labrusca petuntur.

*Centaurios* dicit improprie, arma :  
 debebat saxa et siliques memorare.

29 sq. Novum hoc, quod poeta ex-  
 tra fabulas veteres argumentum car-  
 minis quaerit, et ex historiis petit,  
 h. l. belli Medici. Primum in Pro-  
 pertio talia ex historiis, heroium vita  
 seriioribus, occurrere memini. Albe-  
 nas a Persia crematas vs. 29 quis ne-  
 scit? item pontem a Xerxe Hellesponto  
 impositum, vinculaque et flagra ad-  
 mota.

36—40. Etiam Octavianum aliquando  
 celebratum iri ait: sed versibus cor-  
 ruptis et interpolatis.

47 sq. Luxuries ornamentorum in  
 capillis pascendis facile offendat etiam  
 minus morosum. Laudat Taubmann.  
 locum e Colum. VII, 6, unde haec  
 omnia expressa videri possint. Sed in  
 similia rerum phantasmata quicvis fa-  
 cile poeta inciderit, etiam Columella  
 non lecto.

Haec suspensa rapit carpente cacumina morsu  
 Vel salicis lentae, vel quae nova nascitur alnus;  
 Haec teneras fruticum sentes rimatur; at illa 55  
 Inminet in rivi praestantis imaginis undam.

O bona pastoris, si quis non pauperis usum  
 Mente prius docta fastidiat, et probet illis  
 Omnia luxuriae pretiis incognita curis,  
 Quae lacerant avidas inimico pectore mentes. 60  
 Si non Assyrio fuerint bis lauta colore,  
 Attaliciis opibus data, vellera; si nitor auri  
 Sub laqueare domus animum non tangit avarum;  
 Picturaeque decus, lapidum nec fulgor in ulla  
 Cognitus utilitate manet; nec pocula gratum 65  
 Alconis referent Boetique toreuma; nec Indi  
 Conchea bacca maris pretio est: at pectore puro  
 Saepe super tenero prosternit gramine corpus;  
 Florida cum tellus gemmantis picta per herbas  
 Vere notat dulci distincta coloribus arva; 70

61 sqq. Locus ornatissimus et Virgiliana dictione dignus. Color orationis: Si non — At passim et alibi occurrit, et in ipso loco, quocum haec conveniunt, Ge. II, 461 sqq. Lucret. II, 24 sqq. Si (ei) non fuerint vellera, bis lauta colore Assyrio (dibapha, v. Plin. IX, 39, s. 63) data (comparata, emta) Attaliciis opibus (ingenti pretio: quippe cum ea purpura in libras denariis mille non posset emi ib.) Nam data velat, quominus ad ipsam texturam locus revocetur: etsi non exciderit animo Plinii locus: Aurum intexere invenit Attalus rex; unde nomen Attaliciis. — 64. Lapidum fulgorem, h. lapides fulgentes, ad marum polituram et pieturam musvariam referre iubet cum Barth. XX, 49 Taubmann, quia de gemmis mox

demum v. 67 agatur. Ibi tamen uniones commemorantur, non gemmae. Porro manet cognitus debet esse dictum pro cognitus est, ut sit: si nec fulgor lapidum, gemmarum, inter res utiles ab ipso refertur, cognitus ipsi est ullius utilitatis esse; sed v. Var. Leet. Varias autem id, quod simpliciter erat: si non habet purpuram, aurum, gemmas etc. — 66. Alcon Myleus, statuarius et caelator apud Ovid. Met. XIII, 683, 684 (etsi hic ad fabulosa Annii, qui Deli rex et sacerdos erat, retrahitur) et Plin. XXXIV, 41, s. 40 occurrit. Boethus paullo notior est inter caelatores v. XXXIII, 42, s. 55. toreuma proprio de opere exstante, anaglypho, est accipiendum.

Atque illum, calamo laetum recinente palustri,  
 Otiaque invidia degentem ac fraude remota,  
 Pollentemque sibi, viridi cum palmite ludens  
 Tmolia pampineo subter coma velat amictu.  
 Illi sunt gratae rorantes lacte capellae,  
 Et nemus, et secunda Pales, et vallibus imis  
 Semper opaca novis manantia fontibus antra.  
 Quis magis optato quaeat esse beator aeo,  
 Quam qui mente procul pura sensuque probando  
 Non avidas agnovit opes; non tristia bella, 80  
 Nec funesta timet validae certamina classis;  
 Non, spoliis dum sancta deum fulgentibus ornet  
 Tempia, vel evectus finem transcendat habendi,  
 Adversum saevis ultro caput hostibus offert.  
 Illi falce deus colitur, non arte, politus; 85  
 Ille colit lucos; illi, Panchaia tura,  
 Floribus agrestes herbae variantibus, adsunt;  
 Illi dulcis adest requies, et pura voluptas,  
 Libera, simplicibus curis: huc inminet, omnis  
 Dirigit huc sensus, haec cura est subdita cordi, 90  
 Quolibet ut requie victu contentus abundet,  
 Incundoque liget languentia corpora somno.  
 O pecudes, o Panes, et o gratissima Tempe  
 Fontis Hamadryadum: quarum non divite cultu  
 Aemulus Ascraeo pastor sibi quisque poetae 95  
 Securam placido traducit pectore vitam.  
 Talibus in studiis baculo dum nixus apricas

71—74. Ille sub umbraculis viteis  
otium fallit cantu.

82—84. Qui non caput discrimini  
pugnae obicit, dum ornet, h. e. eo  
consilio, ut hostium spoliis, manubiis,  
templa decorum ornet, vel magnas et immodicas opes e praeda sibi

paret. Respicit militiam, quae illa  
aetate inter artes et vias divitiarum  
parandorum erat. vid. Tibull. I, 1 pr.

97—105. Inter delicias has vitae  
rusticae dum pastor tempus canendo  
fallit, ad meridiem sole progressus,  
in umbram compellit gregem.

Pastor agit curas, et dum non arte canora  
 Compacta solitum modulatur arundine carmen:  
 Tendit inevectus radios Hyperionis ardor, 100  
 Lucidaque aethereo ponit discrimina mundo,  
 Qua iacit Oceanum flammās in utrumque rapaces.

Et iam compellente vagae pastore capellae  
 Ima susurrantis repebant ad vada lymphae,  
 Quae subter viridem residebant caerula muscum. 105  
 Iam medias operum partis evectus erat Sol:  
 Cum densas pastor pecudes cogebat in umbras;  
 Et procul adspexit lūco residere virenti,  
 Delia diva, tuos quo quondam victa furore  
 Venit Nyctelium fugiens Cadmeis Agave 110  
 Infandas scelerata manns e caede cruenta:  
 Quae gelidis bacchata iugis requievit in antro.  
 Posterius poenam gnati se morte futuram.  
 Hic etiam viridi ludentes Panes in herba,  
 Et Satyri Dryadesque choros egere puellae 115  
 Naiadum coetu. 'Tantum non Orpheus Hebrum  
 Restantem tenuit ripis silvasque canendo,  
 Quantum te, Peneu, remorantem dia chorea,  
 Multa tibi laeto fundentes gaudia vultu,

108. Lucum sub Cithaerona montē describit Diana aenium: in quem casu pastor gregem compulit, propiciens in umbra recubantes pecudes, in lūco tuo, o Diana: in quem quondam venit Agave, Cadmi filia, e Bacchico furore rāspiscans Pentheo filio laniato.

114 seqq. Iterum luxuriatur seu poëtae seu interpolatoris inganium in describendo lūco et antro, quo pastor consedit. Alia aliorum poëtarum locis assuta. De singulis vid. Var. Lect. Comparari potest similis arborum enumeratio ap. Ovid. Met.

X, 86 sq. in cantu Orphei: quem locum auctor huius emblematis ante oculos habuisse vidari potest.

118. Si pro *Peneu*, legitur ex *Al-dina pernix*, sensus est: Non tantum Orpheus cantu suo Habrum, *quantum te, o dia, dea Diana, chorea Panum, Satyrorum et Dryadum voluptate audiendi videndique tenuit, gaudentium*. Pro hoc: *chorea fundens*, et pro hoc, *fundentes gaudia, quis dabat* (cum is daret ea gaudia) *ipsa loci natura*. Scabra lāman vel sic oratio.

Ipsa loci natura, domum resonante susurro, 120  
 Quis dabat, et dulci fessas refovebat iu umbra.  
 Nam primum prona surgebant valle patentes  
 Aëreae platanus: inter quas inopia lotos,  
 Inopia, quae socios Ithaci maerentis abegit,  
 Hospita dum nimia tenuit dulcedine captos. 125  
 At, quibus insigni curru proiectus equorum  
 Ambustus Phaethon luctu mutaverat artus,  
 Heliades teneris amplexae brachia truncis  
 Candida fundebant tentis velamina ramis.  
 Posterius, cui Demophoon aeterna reliquit 130  
 Perfidiam lamentandi mala, perfida multis.  
 Quam comitabantur fatalia carmina quercus:  
 Quercus ante datae, Cereris quam semina, vitae:  
 Illas Triptolemi mutavit sulcus aristas.  
 Hic, magnum Argoae navi decus, edita pinus 135  
 Proceras decorat silvas hirsuta per artus.

124. *inopia lotos*, *Inopia*, quae; nota figura Horatii exemplo iam a Scaligero notata: *Impiae*, nam quid p. m. *Impiae* d. Carm. III, 44, 30, 31, et Catull. LXIV, 404, 405. *Impietas* spectat haud dubie ad iniuriam Vlyssii factam sociis retentis. *abegit*, scilicet ab Vlyssii navi, avocavit: intercepsit loti suavitatem, quo minus socii Vlyssii ad navea redirent (v. Odys. 1, 94 sqq.). Ceterum confudit poeta diversi generis lotos. Lotus illa Vlyssii in Africa reperta non erat Boeotiae domestica.

126—129. Populi arbores, vel alni (nam utraque Virgilius agnoscit Ecl. VI, 62 et Aen. X, 490), in quas mutatae Phaethontia sorores, Heliades, tamquam Solis ex Clymene filiae. Factum ex luctu de fratris casu suscepto; unde poeta: *Phaethon luctu*

*his mutaverat artus*. Mox v. 128, 129

hoc velle videtur poeta: populos illas arboras ita inter se condensas situ fuisse, ut implicarent mutuo nexu ramos et ambracula facerent: *fundebant tentis ramis velamina* (ut v. 74 *Troia pampineo subter coma velat amictu*) *candida*; scilicet populus alba est intelligenda. *amplexae brachia truncis*, probabilis, *implexae*. vid. Var. Leet.

130, 131. Postea stabat arbor amygdala, in quam mutata fuit Phyllia Demophoontis perfidiam lamentata.

132—133. De quercu Dodonaea fatidica nota est fabula. *querous carmina*, ex apposito, b. e. quae carmen reddunt, vel e quibus carmen redditur; canorae. *Carmen* ideo pro canente, valicinium pro vate. conf. Taubm. *fatale* igitur, quia de oraculo. Glandes ante frugum actionem a Triptolemi monstratam meministi

Adpetit aereis contingere montibus astra  
 Illicis et nigrae species, et laeta cupressus;  
 Umbrosaeque manent fagus, ederaeque ligantes  
 Brachia, fraternos plangat ne populus ictus; 140  
 Ipsaeque excedunt ad summa cacumina lentae,  
 Pinguntque aureolos viridi pallore corymbos.  
 Quis aderat veteris myrtus non nescia fati.  
 At volucres patulis residentes dulcia ramis  
 Carmina per varios edunt resonantia cantus. 145  
 His suberat gelidis manans e fontibus unda:  
 Quae levibus placidum rivis sonat orta liquorem;  
 Et, quamquam geminas avium vox obstrepat auris,  
 Hanc querulae referunt voces, quis nantia limo  
 Corpora lymphae fovet. Sonitus alit aeris Echo; 150  
 Argutis et cuncta fremunt ardore cicadis.  
 At circa passim fessae cubuere capellae,  
 Excelsisque super dumis: quos leniter adflans  
 Aura susurrantis possit confundere venti.

Pastor, ut ad fontem densa requievit in umbra, 155  
 Mitem concepit proiectus membra soporem,  
 Anxius insidiis nullis: sed lentus in herbis  
 Securo pressos somno mandaverat artus:  
 Stratus humi dulcem capiebat corde quietem:  
 Ni Fors incertos iussisset ducere casus. 160

vel ex Ge. I, 7, 8. *mutavit*, permu-  
 tavit). — 138. *Ilex nigra*, diversa a  
 quercu, nunc cum cupresso iuncta:  
 novo more.

141, 142. *Hederae fagos amplexae*  
 bene descriptae sunt. Earum racemi  
 cum acinis, *corymbi* dicti, *aureoli*  
 sunt; est ergo de genere *hederae*  
 cum fructu croceo intelligendum hoc;  
 sed foliis albis; ergo *viridi pallore*  
 distinguitur corymborum flavor. Est

aliquid simile in loco Ecl. III, 39,  
*vitis Diffusos edera vestit pollente*  
*corymbos*: ubi vid. Not. et II, 50,  
*Mollia lateola pingit vaccinia outha.*

143. In myrtum mutata *fermina*  
 Myrsine v. Serv. ad Aem. III, 23. Geo-  
 pon. XI, 6.

148. Et, quamvis avium cantus  
 aures obtundit, *hinc* (ita leg.) refe-  
 runt voces querulae ranae.

VIRG. Tom. III

Gg

Nam solitum volvens ad tempus tractibus isdem  
 Inmanis vario maculatus corpore serpens,  
 Mersus ut in limo magno subsideret aestu,  
 Obvia vibranti carpens gravis aera lingua,  
 Squampas late torquebat motibus orbis. 165  
 Tollebant aerae venientis ad omnia visus.  
 Iam magis atque magis corpus revolubile volvens  
 Adtollit nitidis pectus fulgoribus, et se  
 Sublimi cervice rapit: cui crista superne  
 Edita purpureo lucens maculatur amictu, 170  
 Adspectuque micant flammantia lumina torvo.  
 Metabat late circum loca: cum videt ingens  
 Adversum recubare ducem gregia. Acrior instat  
 Lumina diffundens intendere, et obvia torvo  
 Saepius adripiens infringere, quod sua quisquam 175  
 Ad vada venisset: naturae comparat arma;  
 Ardet mente, furit stridoribus, intonat ore;  
 Flexibus eversis torquetur corporis orbis;  
 Manant sanguineae per tractus undique guttae;  
 Spiritus et rumpit fauces. Cui cuncta paranti 180  
 Parvulus hunc prior humoris conterret alumnus,  
 Et mortem vitare monet per acumina. Namque,  
 Qua diducta genas pandebant lumina geminis,  
 Hac senioris erat naturae pupula telo  
 Icta levi. Tum prosiluit furibundus, et illum 185  
 Obtritum morti misit; cui dissitus omnis  
 Spiritus excessit sensus. Tum torva tenentem  
 Lumina respexit serpentem comminus: inde

166 sqq. Iterum ingenii intemperantis exspatiatio in tortibus et gyris hydri; aut potius hominum scholarum lus. Tandem v. 172 videt pastorem ad fontem recubantem. Ab aditu fontis ita se exclusum sentiens exasperatur serpens et adoriatur. Tum

v. 180 culicis morsu, somno excitatus pastor, trunco arrepto serpentem necat. — 185-200. De singulorum versuum corruptelis v. V. L. Versu 166 voluerat interpolator dicere: Omnis undique loca pallebant ad sensum halitus virosi.



Impiger, exanimis, vix compos mente, refugit,  
 Et validum dextra truncum detraxit ab orno: 190  
 Qui casus sociaret opem, numenve deorum.  
 Namque illi dederitne viam casusve, deusve,  
 Prodere sit dubium: voluit sed vincere tales  
 Horrida squamosi volventia membra draconis:  
 Atque reluctantis, crebris foedeque petentis 195  
 Ictibus, ossa ferit, cingunt qua tempora cristae.  
 Et, quod erat tardus, somui languore remoto,  
 Nescius adspiciens, timor obcaecaverat artus:  
 Hoc minus implicuit dira formidine mentem.  
 Quem postquam vidit caesum languescere, sedit. 200  
 Iam quatit et biuges oriens Erebo cit equos Nox.  
 Et piger aurato procedit Vesper ab Oeta:  
 Cum, grege compulso pastor, duplicantibus umbris,  
 Vadit et in fessos requiem dare comparat artus.  
 Cuius ut intravit levior per corpora somnus, 205  
 Languidaque effuso requieverunt membra sopore:  
 Effigies ad eum Culicis devenit, et illi  
 Tristis ab eventu cecinit convicia mortis.  
 Inquit: Quid meritis, ad quae delatus acerbas

Vss. 191—194. Sunt fetus inepti interpolatoris: qui hoc dicere voluit: pastorem consilii inopem percussisse serpentem rano arboris arrepto, seu casus seu numinis providi beneficio, oblato. Lectionis lunetura haec videtur fuisse: *Et validum dextra truncum detraxit ab orno, atque reluctantis — ossa serit, cingunt qua tempora cristae; Quem postquam vidit caesum languescere sedit*, nam etiam vss. 197. 8. 9. insilliti sunt: ut in V. L. dictum est.

207. Sequitur locus, in quo poeta non modo luxuriatur, sed adeo ineptit, dum fabulas de rebus inferis non tantum molesta copia relexit;

nam, etsi maior earum pars ex interpolatione irrepsisse videri debet, tamen aliquas saltem, at vel illas a re alienas, a poeta profectas esse probabile est; verum etiam partes narrantis Umbræ Culicis tribuit, qui iustis sibi nondum persolutis nec dum loca ea adierat, sed e longinquo prospexerat. *Effigies*, h. l. *σῆδωλον*, umbra Culicis, ut bene Scaliger monuit. Mox v. 214 pro ea *viscera* dixit miro modo; dum corpus ei corporis umbram cogitaret. *cecinit convicia* ut 208, doctius quam *fecit*, ex antiquo sermone; ut in XII Tabb. occurrat. Sed ob eventu v. 208 quorsum referemus? an, cecinit convicia pro-

Cogor adire vices? tua dum mihi carior ipsa 210  
 Vita fuit vita, rapior per inania ventis.  
 Tu lentus refoves iucunda membra quiete,  
 Ereptus tetrus e cladibus: at mea Manes  
 Viscera Lethaeas cogunt transnare per undas;  
 Praeda Charontis agor. Viden' ut flagrantia taedis 215  
 Lumina conlucent infestis omnia templis;  
 Obvia Tisiphone, serpentibus undique comta,  
 Et flammis et saeva quatit mihi verbera poenae;  
 Cerberus et diris flagrat latratibus ora,  
 Anguibus hinc atque hinc horrent cui colla reflexis, 220  
 Sanguineique micant ardorem luminis orbes.  
 Heu! quid ab officio digressa est gratia, cum te  
 Restitui superis leti iam limine ab ipso?  
 Praemia sunt pietatis ubi? pietatis honores  
 In vanas abiere vices; et rure recessit 225  
 Iustitiae prior illa fides; instantia vidi  
 Alterius, sine respectu mea fata reliquens;  
 Ad pariles agor eventus; sit poena merenti;  
 Poena sit exitium; modo fit dum grata voluntas!  
 Existat par officium! Feror avia carpens, 230

pter id, quod exenerat. Nisi magis  
 placet ad ellegiem referre, ut ea sit  
 tralis ab eventu.

216. Scabra oratio: *vidi me, ut  
 omnia lumina (sic leg.) inferis tem-  
 plis (pro locis) collucent flagrantia  
 taedis!* h. a. Furis facies quatitibus  
 omnia loca esse obsessa.

222. *Heu, quid, quare, gratia di-  
 gressa est ab officio!* quoniam parum  
 persolvisti mihi gratiam debitam!  
*Officium* est eius, qui beneficium  
 accepit; et digreditur ab officio, qui  
 gratiam non solvit: more vulgari  
 hominum.

228, 229. Omnia his doctus inc.

plis lacinis, reliqua hunc sensum  
 habent: vs. 226. vidi mortem instare  
 alii, eique subveni, mel ipsius discrimi-  
 nis inuenior. *sine respectu reli-  
 quens*, haud respiciens, haud curans.  
*Nunc existat par officium:* praestetur  
 a te mihi hoc, ut corpus meum  
 terra condatur, meaque umbra, cis  
 Acherontem adhuc vagari coacta,  
 aune traiecto ad sedes quietas ad-  
 mittatur.

230. Ad loca infera delatus vagatur  
 per avia lucorum Cimmeriorum,  
 quos hic in remotis Orci partibus  
 versus Tartari limina collocat. In Tar-  
 turo enim sceleratorum supplicia pro-

Avia Cimmerios inter distantia lucos :  
 Quem circa tristes densentur in omnia poenae.  
 Nam vinctus sedet inmanis serpentibus Otos ,  
 Devinctum maestus procul adspiciens Ephialten ,  
 Conati cum sint quondam rescindere mundum ; 233  
 Et Tityos , Latona , tuae memor anxius irae ,  
 Implacabilis ira nimis , iacet alitis esca.  
 Terreor ah tantis insistere , terreor , umbris ,  
 Ad Stygias revocatus aquas. Vix ultimus amni  
 Restat , nectareas divum qui prodidit escas. 240  
 Gutturis arenti revolutus in omnia sensu.  
 Quid , saxum procul adverso qui monte revolvit ,  
 Contempsisse dolor quem numina vincit acerbus ,  
 Otia quaerentem frustra ? Vos ite puellae ,  
 Ite , quibus taedas adccendit tristis Erinnyis : 245  
 Sicut Hymen praefata dedit connubia mortis :  
 Atque alias alio densat super agmine turmas ;  
 Inpietate fera vecordem Colchida matrem  
 Anxia sollicitis meditantem volnera gnatis ;  
 Iam Pandionias miseranda prole puellas , 250  
 Quarum vox Ityn , et Ityn , quod Bistonius Rex ,  
 Orbis epops maeret volucris evectus in auras.  
 At discordantes Cadmeo sanguine fratres  
 Iam truculenta ferunt infestaque volnera corpus

spicere debuit Culex : Oti et Ephial-  
 tae , Alcidarum : Aen. VI, 582 sq.  
 Tityi , ibid. 595 Tantali , Danaïdum ,  
 Medae , Philomelae et Procris , 250.  
 Nteoclis et Polynicis 253 : Inde vs.  
 259 ad Sedes Piorum ( ad quas vs.  
 295 sq. pervenit ) defertur : sed in  
 limine Campos Lugentium prospicit :  
 inque iis heroidas Alcestin , Penelo-  
 pen , Eurydicen. *feror carpens* , carpo  
 avia.

— 238, 239. Haec coniungenda sunt

cum v. 257, 258, *auferor ultra In dif-  
 versa magia*. Errabat umbra Culicis  
 per loca infera avia et ad limen Tar-  
 tari pervenerat. Ibi vero territa mon-  
 stris eorumque supplicis refugit et  
 tandem defertur in alteram partem ,  
 ad Elysios campos. Mirum in mo-  
 dum omnia sunt corrupta : quae vid-  
 im V.L.

250. Procrin et Philomelam videt  
 in Tartaro , tum vs. 253 Eteoclem  
 et Polyneicen sibi mutua vulnera in-

Alter in alterius: iamque aversatus uterque, 255  
 In pia germani manat quod sanguine dextra.  
 Eheu! mutandus nunquam labor. Auferor ultra  
 In diversa magis: distantia limina cerno:  
 Elysiam tranandus agor delatus ad undam.  
 Obvia Persephone comites Heroidas urguet 260  
 Adversas perferre faces. Alcestis ab omni  
 Inviolata vacat cura, quod saeva mariti  
 Ipsa suis fatis Admeti fata morata est.  
 Ecce, Ithaci coniux, semper decus, Icarioris  
 Feminum corrupta decus; manet et procul illa 265  
 Turba ferox iuvenum telis confixa procorum.  
 Quin misera Eurydice tanto maerore recessit,  
 Poenaeque respectus et nunc manet, Orpheus, in te.  
 Audax ille quidem, qui mitem Cerberon unquam  
 Credidit, aut ulli Ditis placabile numen; 270  
 Nec tiquit Phlegethonta furentem ardentibus undis,  
 Nec maesta obtentu diro et ferrugine regna,  
 Defossasque domos, ac Tartara nocte cruenta  
 Obsita, nec faciles Ditis sine iudice sedes;  
 Iudice, qui vitae post mortem vindicat acta. 275  
 Sed fortuna valens audacem fecerat Orpheus.  
 Iam rapidi steterant amnes, et turba ferarum

ferentes; 258, *Eheu mutandus nunquam labor*, de poena nunquam finem habente. 257. *aversatus* haec ulterius pergit Culex in diversas partes,

257—294. Nunc Umbra ad Elysios campos tendens campos Lugentium prospicit; si recte salebrosos versus interpretor: ut antequam ad Elysium pervenisset, videat Culex Heroidas a Proserpina conctes ferre nuptias infestas: ex his memorat Alcestin pro merito Admeto mortem

appetentem, Penelope a proci infestata, et Eurydicen ab Orpheo, iam in vitam cum revocata esset, iterum in Orcum relictam.

276. *Fortuna audacem fecerat Orpheus*, acil quod tantam cantus suum vim in aliis rebus alio tempore iam saepe antea expertus fuerat, quae mox enumerantur: hoc tamquam successu elatus ille audebat nunc adire loca infera. *Fortuna valens*: simplex ornans epitheton; plerumque alias

Blande voce sequax regionem insederat Orphei;  
 Iamque imam viridi radicem moverat alte  
 Quercushumo, steterantque amnes, silvaeque sonorae<sup>280</sup>  
 Sponte sua cantus rapiebant cortice amara.  
 Labentes biuges etiam per sidera Luna  
 Pressit equos; et tu currentes, menstrua virgo,  
 Auditura lyram tenuisti nocte relicta.  
 Haec eadem potuit Ditis te vincere coniux,<sup>285</sup>  
 Eurydicenque ultro ducendam reddere. Non fas,  
 Non erat in vitam divae exorabile numen.  
 Illa quidem, nimium Manes experta severos,  
 Praeceptum signabat iter; nec retulit intus  
 Lumina, nec divae corrupit munera lingua.<sup>290</sup>

*fortuna potens.* — 277, 278. *regionem*, locum, in quo Orpheus canens citharra consederat, turba ferarum, *sequax blanda voce*, propter blandam vocem Orphei, iam alias saepe suavi cantu allecta, *insederat*. — 279, 280. Hic peccavit poeta, quisquis ille fuit (nam totum episodii de Orpheo ab alio, sed docto, homine profectum videtur), cum Ovidio et aliis, quod vim cantus Orphici in arbores nimis dilute descripsit. Recte vetus poësis arbores carmine motas et delinitas dicere potuit. Sed ineptum erat, hinc phaetontium immorari et ipsam motus rationem describere velle. Quercus radicitus evulsa ad vstem accedere debuit secundum poëtam nostrum. Mox redit ad eandem vs. 280, 281 *silvae sonorae* (ornat b. l. epitheton proprium arborum vento strepitum) *rapiebant cantus*, avide audiebant, accipiebant, idque ornavit adiecto *cortice*; ut alias auribus rapimus cantum; sonus autem per corticem penetrabat. — 282. Etiam Luna repressit biugas per caelum intractas;

cursum inhibuit. *Biugae* nunc equorum sunt, alias taurorum. Parum suaviter mox eandem alloquitur; et tu, *menstrua virgo*, propter vices lunae menstruas, ut audires lyram, *tenuisti currentes equos, nocte relicta, cursu*, quo noctem efficit, regit. — 285-287. Haec eadem lyra, o coniux Ditis, potuit te vincere, ut redderes Eurydicen. *hanc potuit reddere*, solito poëta more, efficere, ut redderetur. *ducendam*, reducendam in vitam; reliqua sunt scabra.

288. Eurydice quidem, severum et strictum ius Inferorum deorum iam experta, iter praescripto modo faciebat, neque, uti iussi erant, responxit, neque verbum elocuta est. Ingeniosae sic poëta non modo Orpheo interdictum, ne retrospiceret, verum et novam legem Eurydicæ datam memorat, qua nostros poëtas nondum uti vidi: *ut nec illa silentium voces rumpere*; quae lex longe durissima fuit, utpote feminae dicta. Fuit tamen illa magis compes linguae,

Sed tu crudelis, crudelis tu magis, Orpheu,  
 Oscula cara petens rupisti iussa deorum.  
 Dignus amor venia, parvum si Tartara nossent  
 Peccatum ignovisse. Sed et vos sede piorum,  
 Vos manet Heroum contra manus. Hic et uterque 295  
 Aeacides: Pelcus namque, et Telamonia virtus  
 Per segura patris laetantur numina, quorum  
 Connubis Venns et Virtus iniunxit honorem.  
 Hunc rapuit serva: ast illum Nereis amavit.  
 Assidet hac iuvenis, sociat quem gloria, fortis, 300  
 Acer, inexcussus, referens a navibus ignes  
 Argolicis Phrygios torva feritate repulsos.  
 O quis non referat talis divortia belli,  
 Quae Troiae videre viri, videreque Graii!  
 Teucra cum magno manaret sanguine tellus, 305  
 Et Simois, Xanthique liquor; Sigeaque praeter  
 Litora cum Troas, saevi ducis Hectoris ira,  
 Videre in classis inimica mente Pelasgas  
 Vulnere, tela, necesse, ignis inferre paratos.  
 Ipsa iugis namque Ida, potens feritatis, et ipsa 310  
 Aequa faces altrix cupidis praebebat alumnis,  
 Omnis ut in cineres Rhoetei litoris ora

quam maritus amotis. *signare iter*,  
 vestigiis impressis.

294. Nunc ipsum Elysium adiit  
 Culex, et recensum heroum facit, ea  
 loca incolentium, primo, Graecorum,  
 tum Trojanorum. Si manet vs. 295  
 sincerum est, debet expectandum esse,  
 ut et heroinae aliquando in Elysium  
 admittantur.

303. *divortia belli*: quod inter  
 diveras duo populos geritur, quasi  
 ad duo divartitur: ut *divortia via-*  
*rum, aquarum*; et ex altera parte  
 similiter, *iurgia belli*, discordia pu-

gnae, dici solent. Elegans translatio,  
 quam nescio num aliunde acciperit  
 poeta. Mox 304 facit iterum in di-  
 gressionem novam digressionem de  
 bello Troiano poeta: nisi tota haec  
 lacinia cum tot aliis assuta est ab alio.  
 Cogitandum autem de τρυπαρία  
 Iliad. N. in qua Aiax Telamonius  
 ignem a classe propulsavit 107 sq.  
 Tum alter Aeacides, vs. 322 Achil-  
 les, Hectorem interemit.

306. *Sigeaque praeter*, ante, *lito-*  
*ra cum videre*, supple ex vers. 304  
*Troas* (pro Troiae) *viri et Graii*.

Classibus ambustis flamma superante daretur.  
 Hinc erat oppositus contra Telamonius heros,  
 Obiectoque dabat clipeo certamina; et illinc 315  
 Hector erat, Troiae summum decus: acer uterque,  
 Fulminibus coelo veluti fragor editus alto;  
 Ignibus hic telisque super, si classibus Argos  
 Eripiat redditus: ille ut Vulcania ferro  
 Vulnera protectus depellere navibus instet. 320  
 Hoc erat Aeacides alter laetatus honore:  
 Dardaniaeque, alter, fuso quod sanguine campis  
 Hectoreo victor lustravit corpore Troiam.  
 Rursus acerba fremunt, Paris hunc quod letat, et huius  
 Alma dolis Ithaci virtus quod concidit icta. 325  
 Huic gerit aversos proles Laërtia vultus,  
 Et iam Strymonii Rhesi victorque Dolonis,  
 Pallade iam laetatur ovans; rursusque tremiscit  
 Iam Ciconas, iam iamque horret Laestrygonas atrox.  
 Illum Scylla rapax canibus subcincta Molossis, 330  
 Aetnaeusque Cyclops; illum metuenda Charybdis,  
 Pallentesque lacus, et squalida Tartara terrent.  
 Hic et Tantalei generis decus, amplius Atrides,  
 Assidet, Argivum lumen: quo flamma regente  
 Doris Erichthonias prostravit funditus arces. 335  
 Reddidit, heu, gravius poenas tibi, Troia, ruenti;

321. *Aeacides alter*, Ajax Telamonius, qui a navibus ignes a Troianis illatos depulerat; *alter*, Achilles, Hectoris caeli corpus circa muros Troiae raptavit. Aen. I, 483.

324. Achilles Paridis, Ajax Vlyssis fraude cecidit.

326. Sedet in Elysio Vlysses averso ab Aiace vultu; ipse apud se repulans, quae gesserat.

328. *Pallade ovans* potest esse, Palladis auxilio; sed verius, Pallade

rapta, Palladio, ut iam Ascensius. vid. Aen. II, 463 sqq.

336. *Reddidit heu gravius*, ut sensus sit, lege *Gravius* pro *Gravi*; nam de naufragio in reditu Achivorum agere incipit. *Hellespontinae aquae* latius dictae pro mari Aegaeo. *Arx Erichthonia* v. 343 est *Pergamum*: Erat Erichthonius Dardani filius, qui post fratrem Ilium Ilii regnum tenuit Apollod. III, 42, 2.

Hellespontiacis obtutus reddidit undis.  
 Illa viçes hominum testata est copia quondam,  
 Ne quisquam propriae fortunae munere dives  
 Iret ineffectus coelum super; Omne propinquo 340  
 Frangitur invidiae telo decus. Ibat in altum  
 Vis Argea petens patriam, ditataque praeda  
 Arcis Erichthoniae: comes huic erat aura secunda  
 Per placidum cursu pelagus; Nereis ad undas  
 Signa dabat; pars inflexis super acta carinis; 345  
 Cum, seu coelesti fato, seu sideris ortu,  
 Vndique mutatur coeli nitor; omnia ventis,  
 Omnia turbinibus sunt anxia. Iam maris unda  
 Sideribus certat consurgere; iamque superne  
 Conruere et Sol iis, et sidera cuncta, minantur. 350  
 Ac venit in terras coeli fragor. Hoc modo laeta  
 Copia nunc miseris circumdatur anxia fatis,  
 Inmoriturque super fluctus, et saxa Capharei,  
 Euboicas et per cautes Heraeaeque late 354  
 Litora: cum Phrygiae passim vaga praeda peremptae  
 Fluctuat omnis in aequoreo iam naufraga tractu.  
 Hic alii sidunt pariles virtutis honore  
 Heroes, mediisque siti sunt sedibus omnes:  
 Omnis Roma decus magni quos suscipit orbis.  
 Hic Fabii, Deciique; hic est et Horatia virtus; 360  
 Hic et fama vetus nunquam moritura Camilli;  
 Curtius et, mediis quem quondam sedibus urbis  
 Devotum bellis consumsit gurgitis haustus;  
 Mucius et prudens ardorem corpore passus,  
 Legitime cessit cui fracta potentia Regis. 365  
 Hic Curius clarae socius virtutis, et ille  
 Flaminius, devota dedit qui corpora flammae.  
 Iure igitur talis sedes pietatis honorat.

357. Nunc heroes Romani, h. e. clarissimi viri, memorantur in Elysio.



Illic Scipiadaeque duces: devota triumphis 369  
 Moenia quos rapidos Libycae Carthaginis horrent.  
 Illi laude sua vigeant; ego Ditis opacos  
 Cogor adire lacus, viduos a lumine Phoebi,  
 Et vastum Phlegethonta pati: quo maxima Minos  
 Conscelerata pia discernit vincula sede.  
 Ergo iam catissam mortis me dicere vinctae 375  
 Verberibus saevo cogunt ab iudice Poenae:  
 Cum mihi tu sis caussa mali, nec conscius adsis,  
 Sed tolerabilibus curis haec inmemor audis;  
 Quae tamen, ut vanis dimittens omnia ventis,  
 Digredior nunquam rediturus; tu cole fontis 380  
 Et viridis nemorum silvas et pascua laetus:  
 Et mea diffusas rapiantur dicta per auras.  
 Dixit; et extrema tristis cum voce recessit.

Hunc ubi sollicitum dimisit inertia vitae:  
 Interius graviter mentem aeger nec tulit ultra 385  
 Sensibus infusum Culicis de morte dolorem.  
 Quantumcumque sibi vires tribuere seniles,  
 (Quis tamen infestum pugnans devicerat hostem)  
 Rivum propter aquae, viridi sub fronde latentem  
 Conformare locum capit inpiger: hunc et in orbem 390  
 Destinatur, ac ferri capulum repetivit in usum,

371 sqq. Miro phantasmate poeta Culicem per diversas inferorum partes vagatum, cum primum lucos Clymmerios, monstrorum sedes (v. 230 sq.), mox Impiorum loca (v. 238 sq.) tum Elysias sedes (v. 257 sqq. ad v. 370) a limine salutasset, nunc in eo esse narrat, ut coram Minos iudicium subeat. Scilicet corpore sepulto et funeris honore sibi persoluto sperare poterat, iri se admissum ad certam in inferis sedem. Nam ad humanae umbrae exemplum haec ad-

umbrata sunt.

384. Exsurgit a somno pastor et Culici tumulum parat. Etsi enim non diserte de eo Culex conqueritur, quod iustis sibi non praestitis umbra in inferis sedem habitura certam non sit, totam tamen poetae fabulam eo attemperatam esse apparet. 390. capit conformare: suscipit, ut supra comparat dare. v. 204 et in fessos requiem dare comparat artus. Aliud est locum exopere, quod Scalliger huc vocat. 391. ferri capulum, de ligno accipio.

Gramineam ut viridi foderet de cespite terram.  
Iam memor inceptum peragens sibi cura laborem  
Congestum cumulavit opus, atque aggere multo  
Telluris tumulus formatum crevit in orbem : 395  
Quem circum lapidem laevi de marmore formans  
Conserit assiduae curae memor. Hic et acanthus,  
Et rosa purpureo crescit rubicunda colore,  
Et violae genus omne hic est, et Spartica myrtus,  
Atque hyacinthus; et hic Cilici crocus editus arvo; 400  
Laurus item Phoebi surgens decus; hic rhododaphne,  
Liliaque, et roris non avia cura marini,  
Herbaque turis opes priscis imitata Sabina,  
Chrysanthusque, ederaeque nitor, pallente corymbo,  
Et Bocchus Libyae Regis memor; hic amarantus, 405  
Buphthalmusque virens, et semper florida pinus.  
Non illinc Narcissus abest: cui gloria formae  
Igne Cupidinea proprios exarsit in artus;  
Et quoscumque novant vernantia tempora flores.  
His tumulus super inseritur: tum fronte locatur 410  
Elogium, tacita format quod litera voce:  
*Parve Culex, pecudum custos tibi tale merenti  
Funeris officium vitae pro munere reddit.*

## CVLEX

## PROBABILITER RESTITVTVS

## CVM NOTATIONE INTERPOLATIONVM (1)

**L**usimus, Octavi, gracili modulante Thalia;  
 Atque, ut araneoli, tenuem formavimus orsum;  
*Lusimus: haec propter Culicis sunt carmina dicta,*  
*Omnis ut historiae per ludum consonet ordo.*  
*Notitiam ducunt voces. Licet invidius adsit.* 5  
*Quisquis erit culpae iocos Musamque paratus,*  
*Pondere vel Culicis levior famaue feretur.*  
 Posterius graviore sono tibi Musa loquetur  
 Nostra, dabunt cum securos mihi tempora portus,  
 Vt tibi digna tuo poliantur carmina sensu. 10

*Latonae magnique Iovis genus, aurea proles,*  
*Phoebus erit nostri princeps et carminis auctor*  
*Et recinente lyra fautor; seu detinet illum*  
*Alma Chimaereo Xanthus perfusa liquore,*  
*Seu nemus Asteriae, seu qua Parnassia rupes* 15  
*Hinc atque hinc patula praepandit cornua fronte,*

(1) Quum ne tolerabilis quidem lectio Culicis sit, nulloque inde omnino percipi possit voluptas: periculum feci, an mutata eius lectione, tum ex librorum corrupteliis, tum ex virorum doctorem emendationibus et coniecturis, interpolationibus vero characterem litterarum diverso notatis, essitutum esset carmen, quod sine offensione legi possit. Me non omnes mutationes praestare aut veram ac genuinam lectionem ubique restitutam vendicare, vix opus est ut monerem.

In iis, quae interpolatorum intemperantia et mala sedulitate interposita sunt, haud pauca legi suspicio meliora iis, quae ipsi erant commentariorum docte et acite. Licebat similem operam Ciri commodare. Verum specimen proponere volebam; in quo expoliendo, impugnando, defendendo, qui vellint, ingenia exerceant! Lasus ingenui et hic esto.

v. 3 sqq. et 11 sqq. Interpolatio variorum.

*Castaliaeque sonans liquido pede labitur unda.*

*Vos quoque Pierii laticis decus, ite, sorores  
Naiades celebrare deum plaudente chorea.*

*Et tu, sancta Pales, ad quam ventura recurrit* 20  
*Agrestum setura'; tibi sit cura canentis*

*Aerios nemorum tractus silvasque; virentes,  
Te cultrice, vagus saltus feror inter et antra.*

*At tu, cui meritis oritur fiducia chartis,*  
*Octavi venerande, meis adlabere coeptis.* 25

*Triste Iovis Coeque canit non pagina bellum,  
Phlegra Giganteo sparsa est quo sanguine tellus;  
Nec Centaureos Lapithas compellit in enses.*

*Vrit Erichthonias Oriens non ignibus arces;  
Non perfossus Athos, nec magno vincula ponto* 30

*Iacta, meo quaerent iam sera volumine famam;  
Non Hellespontus pedibus pulsatus equorum,*

*Graecia cum timuit venientes undique Persas;  
Mollia sed tenui percurrere carmina versu, et  
Viribus apta suis Phoebo duce ludere gaudet.* 35

*Et tu, sancte puer, memorabere; sic tibi perstet  
Gloria perpetuum lucis victura per aevum;*

*Et tibi sede pia maneat locus, et tibi sospes*

*Debita felices memoretur vita per annos  
Grata, bonis lucens. Sed nos ad coepta feramur.* 40

*Igneus aetherias iam Sol penetrarat ad arces,  
Candidaque aurato quatiebat lumina curru;*

*Crinibus et roseis tenebras Aurora fugarat:*

*Propulit ut stabulis ad pabula laeta capellas  
Pastor, et excelsi montis inga summa petivit:* 45

*Vvida qua patulos velabant gramina colles.*

*Iam silvis dumisque vagae, iam vallibus abdunt*

4. 18. Nova interpolatio. Iterum Interiecti ab alia manu v. 33, 36  
20. ad 40, et v. 43, 53, 54, 55, 56.

Corpora ; iamque omni nemoris de parte vagantes  
 Scrupea desertae perrepunt avia rupis.  
 Tondentur tenero viridantia gramina dente : 50  
 Pendula proiectis carpuntur et arbuta ramis.  
 Densaue virgultis avide labrusca petuntur.  
*Haec suspensa rapit rodente cacumina morsu ,*  
*Vel salicis lentae vel , quae nova nascitur , alni ,*  
*Haec tenerae fruticem sentis rimatur , at illa 55*  
*Imminet e ripa prostans in imaginis umbram.*

O bona pastoris , si quis non pauperis usum  
 Mente prius docta ruris fastidiat ; illi  
 Omnia , luxuriae pretiis , incognita , curis  
 Quae lacerant avidas inimico pectore mentes. 60  
 Si non Assyrio fuerint bis laeta colore ,  
 Attalicis opibus data , vellera ; si nitor auri  
 Sub laqueare domus animum non tangit avarum  
 Picturaeque decus : lapidum nec fulgor ab ulla  
 Cognitus utilitate movet ; nec pocula Graium 65  
 Alconis referunt Boethique toreuma ; nec Indi  
 Conchea bacca maris pretio est : At pectore puro  
 Saepe super tenero prosternit gramine corpus ;  
 Florida cum tellus gemmantes picta per herbas  
 Vere novat dulci distincta coloribus arva ; 70  
 Atque illum calamo laetum recinente palustri ,  
 Otiaque invidia degentem et fraude remota ,  
 Pollentemque sui , viridi cum palmitè ludens  
 Tmolia pampineo subter coma velat amictu.  
 Illi sunt gravidae roranti lacte capellae , 75  
 Et nemus , et fecunda Pales , et valle sub ima  
 Semper opaca novis manantia fontibus antra.  
*Quis magis optato queat esse beatior aeo ,*

Ab v. 78 inde interpolationes variorum ; saltem novae sunt accensiones  
 v. 85, 93 et 97 sq.

*Quam qui mente procul pura sensuque probando*  
*Non avidas inhiavit opes; non tristia bella* 80  
*Nec funesta timet validae certamina classis;*  
*Non, spoliis ut sancta deum fulgentibus ornet*  
*Templa, vel evectus finem transcendat habendi,*  
*Adversum saevis ultro caput hostibus offert!*  
*Illi falce deus colitur, non arte, politus;* 85  
*Ille colit lucos; illi Panchaia rura,*  
*Floribus agrestes herbae variantibus, adsunt;*  
*Illi dulcis adest requies, et pura voluptas,*  
*Libera; simplicibus curis: huic imminet, omnes*  
*Dirigit huc sensus, haec cura est subdita cordi,* 90  
*Qualibet ut tenui victu contentus abundet,*  
*Iucundoque liget languentia lumina somno.*  
*O pecudes, o Panes, et o gratissima Tempe,*  
*Naides ac Dryades: quarum non divite cultu*  
*Aemulus Ascræo pastor sibi quisque poëtae* 95  
*Securam placido traducit pectore vitam!*  
*Talibus in studiis baculo dum nixus agresti*  
*Pastor agit curas, et dum, non arte canorus,*  
*Compacta solitum modulatur arundine carmen:*  
*Tendit iam evectus radios Hyperionis ardor,* 100  
*Lucidaque aethereo ponit discrimina mundo;*  
*Qua iacit Oceanum flammæ in utrumque coruscas.*  
*Et iam compellente vagæ pastore capellæ*  
*Lene susurrantis reprobant ad vada lymphæ,*  
*Quæ subter viridem resonabat garrula muscum:* 105  
*Iam medias operum partes evectus erat Sol:*  
*Cum densas pastor pecudes cogebat in umbras,*  
*Et procul adspexit luco recubare virenti,*  
*Delia diva, tuo: quo quondam victa furore*

Interpolationes variorum inde a v. 120 sqq. 132 sq., aliae deteriores,  
 106, aliae præclaræ, ut v. 114, 115, ut v. 112, 113; 116-119, 130, 131,

*Venit Nyctelium fugiens Cadmeis Agave* 110  
*Infandas scelerata manus e caede cruenta;*  
*Et gelidis bacchata iugis requievit in antro,*  
*Posterior poenam gnati de morte datura.*  
*Hic etiam viridi ludentes Panes in herba*  
*Et Sutyri Dryadesque choros egere puellae* 115  
*Naiadum et coetus: Tantum non Orpheus Hebrum*  
*Restantem tenuit ripis silvasque canendo:*  
*Quantum te pernix remorantem, diva, chorea;*  
*Multa tibi laeto fundentes gaudia vultu.*  
*Ipsa loci natura domum resonante susurro* 120  
*His dabat, et dulci fessas refovebat in umbra.*  
*Nam primum prona surgebant valle patentes*  
*Aeriae platanus; inter quas impia lotos,*  
*Impia, quae socios Ithaci moerentis abegit,*  
*Hospita dum nini'a tenuit dulcedine captos;* 125  
*Ac, quibus insigni currû proiectus equorum*  
*Ambustus Phaethon luctu mutaverat artus,*  
*Heliades teneris implexae brachia truncis,*  
*Candida pandebant lentis velamina ramis.*  
*Posterior, cui Demophoon aeterna reliquit* 130  
*Perfidiae lamenta, \* dolis dum lusit inultis\**  
*Quam comitabantur, fatalia carmina, quercus,*  
*Quercus ante datae, Cereris quam semina, vitae;*  
*Illas Triptolemi mutavit sulcus aristis.*  
*Illic, magnum Argoae navi decus, edita pinus* 135  
*Proceras decorat silvas hirsuta per artus;*  
*Ac petit aeriis contingere frondibus astra*  
*Illicis et nigrae et species haud laeta cupressus;*  
*Vmbrosaeque patent fagus: hederacque ligantes*  
*Brachia; fraternos plangit quae populus ictus;* 140  
*Ipsae succedunt ad summa cacumina lentae,*

Prava interpolatio v. 140, 143, 147, 152-154, 159 et 160.

VIRG. TOM. III

Hh

*Pinguntque aureolos viridi pallore corymbos;*  
*Quis aderat veteris myrtus non nescia sati.*  
*At volucres patulis residentes dulcia ramis*  
*Carmina per varios edunt resonantia cantus;* 145  
*Adstrepit et gelidis manans e fontibus unda,*  
*Quae levibus placidum rivis sonat orta liquorem;*  
*Et circum geminas avium vox obstrepat aures;*  
*Hinc querulas referunt voces, quis nantia limo*  
*Corpora lymphæ fovet; sonitus alit aeris echo,* 150  
*Argutis et cuncta fremunt arbusta cicadis.*  
*At circa fessae passim cubuere capellæ*  
*Excelsis subter dumis, quos leniter adflans*  
*Aura susurrantis possit confundere venti.*

Pastor, ut ad fontem densa requievit in umbra, 155  
 Mitem concepit proiectus membra soporem,  
 Anxius insidiis nullis; sed lentus in herbis  
 Securo pressos somno mandaverat artus:  
*Stratus humi dulcem capiebat corde quietem:*  
*Ni Fors incertos voluisset ducere casus.* 160  
 Cum solitum volvens ad tempus tractibus isdem  
 Immanis vario maculatus corpore serpens,  
 Mersus ut in limo magnos subsideret aestus,  
 Obvia vibranti lambens gravis ore trilingui,  
 Squamosos late torquebat nexibus orbes. 165  
*Pallebant herbae visus viventis ad auram;*  
*Iam magis atque magis corpus resolvable volvens*  
*Attollit nitidis pectus fulgoribus, et se*  
*Sublimi cervice rapit: dum crista superne*  
*Edita purpureo lucens maculatur amictu,* 170  
*Adspectuque micant flammantia lumina torvo.*  
*Metabat late circum loca; tum videt \* herba \**

Ornamenta serpentis aliunde illata v. 184 insertus et locus turbatus, ite-  
 e v. 166 ad 180. A deteriore poetâ rumque v. 191, 192, 193 et 197.



*Adversum recubare ducem gregis. Acrior instat*  
*Lumina diffundens intenta, ore obvia torvo*  
*Saepius arripiens infringere, quod sua quisquam* 175  
*Ad vada venisset, matura et comparat arma.*  
*Ardeat mente, furit stridoribus, intonat ore;*  
*Flexibus et versis torquetur corpus in orbes;*  
*Manant sanguineae per tractus undique guttae:*  
*Spiritus et rumpit fauces: quo cuncta parante,* 180  
*Parvulus humoris pastorem exterret alumnus,*  
*Et mortem vitare monet, per spicula; \* namque*  
*Qua diducta genas pandebant lumina gemmis,*  
*Hac senioris erat naturae pupula telo*  
*Icta levi. Sic prosiluit furibundus, et illum* 185  
*Obtritum morti misit; cui dissitus omnis*  
*Spiritus excessit membris. Tum torva tenentem*  
*Lumina prospexit serpentem cominus; inde*  
*Impiger, exanimis, vix compos mente, refugit,*  
*Et validum dextra truncum detraxit ab orno;* 190  
*Qui casus sociarit opem numenve deorum:*  
*\* Namque illi dederitne vitam casusve deusve\**  
*Prodere sit dubium: voluit sed vincere talem.*  
*Horrida squamosi volventis membra draconis,*  
*Atque reluctantis, crebris foedeque patentis* 195  
*Ictibus, ossa ferit, qua cingunt tempora cristae.*  
*Et quod erat tardus, somni languore remoto:*  
*\* Nescius adspiciens; timor occaecaverat artus\**  
*Hoc minus implicuit dira formidine mentem;*  
*Tum, postquam vidit caesum languescere, sedit.* 200  
 Iamque atro hiuges oriens Erebo cit equos Nox,  
 Et piger aurato procedit Vesper ab Oeta:  
 Cum, grege compulso, pastor, duplicantibus umbris,  
 Vadit, et in requiem fessos dare comparat artus.

200, qui omnes pessimi versificatoris felus sunt.

Cuius ut intravit levior per corpora somnus, 205  
 Languidaque infuso requierunt membra sopore :  
 Effigies ad eum Culicis devenit, et illi  
 Tristis ab eventu cecinit convicia mortis.  
 En, quid, ait, meritus, aut quo delatus, acerbas  
 Cogor adire vices? tua dum mihi carior ipsa 210  
 Vita fuit vita, rapior per inania Avernī.  
 Tū lentus refoves iucunda membra quiete,  
 Ereptus tetrīs e cladibus : at mea Manes  
 Viscera Lethaeas cogunt transnare per undas.  
*Prae*da Charontis agor; video ut flagrantia taedis 215  
 Lumina \* collucent infestis omnia taedis.\*  
 \* *Obvia* \* Tisiphone, serpentibus undique cincta,  
 Et flammās et saeva quatit mihi verbera Poena.  
 Cerberus et diris flagrat latratibus ora,  
 Anguibus hinc atque hinc horrent cui colla repexis, 220  
 Sanguineumque micant ardorem luminis orbes.  
 Ecquid ab officio digressa est gratia, cum te  
 Restitui superis leti iam limine ab ipso!  
 Praemia ubi pietatis? ubi pietatis honores?  
 In vanas abiere vices; et ruve recessit 225  
 Institia; et prior illa Fides. Instantia vidi  
 Alterius, sine respectu mea fata relinquens:  
 Ad pariles agor eventus; fit poena, merenti;  
 Poena fit exitium; modo sit dum grata voluntas,  
 Existat par officium. Feror avia carpens, 230  
 Avia Cimmerios inter distantia lucos;  
 Quae circa, tristes densentur in omnia poenae.  
 Nam vinctus sedet immanis serpentibus Otos,

Ab versu inde 215 variorum hominum ingenia et conatus ornamenta nova inserendi et lacunas alias super aliis assuendi cognoscere in promptu est. Ita a v. 122 alieno loco sen-

tentiae interpositae sunt, quae adscriptae fuerant ad v. 209-214. Inferas res persequuti sunt plures, quibus pessimus versificator alia intertexuit, ut v. 231, 232, 238, 239,

*Devinctum moestus procul adspiciens Ephialten ;*  
*Conati cum sint quondam rescindere mundum : 235*  
*Et Tityos , Latona , tuae memor anxius irae ,*  
*( Implacabilis ira nimis ! ) iacet alitis esca.*  
*Terreor ah ; tantis insistere terreor umbris*  
*Ad Stygias revocatus aquas : Vix ultimus anni*  
*Extat , nectareas divum qui prodidit escas , 240*  
*Guttur ab arenti revolutis fluminis undis.*  
*Quid , saxum procul adverso qui monte revolvit ,*  
*Numina contempsisse dolor quem vincit acerbus ,*  
*Otia quaerentem frustra sibi ! quidve puellas ,*  
*Dira quibus taedas accendit pronuba Eriunys , 245*  
*( Sicut Hymen praesaga dedit connubia mortis ) ;*  
*Atque alias alio denset super agmine turnas ?*  
*Impietate fera vecordem Colchida matrem*  
*Anxia sollicitis meditantem vulnera natis ?*  
*An Pandionias miserandus prole puellas ? 250*  
*Quarum vox cit Ityn et Ityn , quo Bistonius rex*  
*Orbus epops moeret volucres evectus in auras.*  
*At discordantes Caulmeo semine fratres*  
*Iam truculenta ferunt infestaque lumina corpus*  
*Alter in alterius ; iamque aversatur uterque , 255*  
*Impia germani manu quod sanguine dextra.*  
*Heu ! heu ! mutandus nunquam labor ! Auferor ultra*  
*In diversa . Magis distantia limina cerno ;*  
*\* Laeta loca \* Elysiamque vagor delatus ad umbram.*  
*Obvia Persephone comites heroidus arguet 260*  
*Adversas perferre vices . Alcestis ab omni*  
*Inviolata vacat cura , quod saeva mariti*  
*Ipsa suis fati Admeti fata morata est.*  
*Ecce Ithaci coniux \* Laertiadae \* Icariotis*  
*Femineum incorrupta decus ! manet et procul illa 265*  
*Turba ferox invenum telis confixa mariti.*  
*Quid misera Eurydice ! tacito moerore recessit ,*

*Poneque respectantem et nunc manet Orphea seram,*  
*Audax ille quidem, qui mitem Cerberon unquam*  
*Credidit, aut ulli Ditis placabile numen;* 270  
*Nec timuit Phlegethonta furem ardentibus undis*  
*Nec moesta obtutu dira et ferrugine regna*  
*Defossasque domos ac Tartura nocte tremenda*  
*Obsita, nec faciles Ditis sine iudice sedes,*  
*Iudice, post mortem qui vitae vindicat aeta.* 275  
*Sed fortuna favens audacem fecerat Orphea;*  
*Iam rapidi steterant amnes, et spissa ferarum*  
*Blanda voce sequax insiderat arva corona;*  
*Iamque imam viridi radicem emoverat altu*  
*Quercus humo, sequiturque comes, silvaeque sonoros* 280  
*Sponte sua cantus rapiebant cortice amara.*  
*Labentes biuges etiam per sidera Luna*  
*Pressit equos; et tu, currentes, menstrua virgo,*  
*Auditura lyram tenuisti nocte relecta.*  
*Haec eadem potuit, Ditis, te vincere, coniux,* 285  
*Eurydicenque viro ducendam reddere. Non fas,*  
*Non erat, invitam. Divae exorabile numen!*  
*Illa quidem, nimium Manes experta severos,*  
*Praeceptum signabat iter: nec retulit intus,*  
*Lumina, nec divae corripit munera lingua.* 290  
*Sed tu, crudelis, crudelis tu magis, Orpheu,*  
*Oscula cara petens rupisti iussa deorum:*  
*Dignus amor venia, gratum si Tartara nossent*  
*Peccatum ignovisse. Sed et vos sede Piorum,*  
*Vos manet, heroes, contra nemus. Hic et uterque* 295  
*Aeacides, Peleus nempe et Telamonia virtus,*  
*Per patris secura locantur numina; quorum*  
*Connubis Venus et Virtus iniunxit honorem:*

Locus de Orphea inde a v. 269 sq.,  
 etsi alieno loco interpositus, est la-  
 men ex felicioribus.

Vss. 282, 283, 284, 287, 294  
 sqq. varias manus experti sunt. At vss.  
 303 sqq. a docto poeta profecti sunt.

*Hunc cepit serva, ast illum Nereis amavit.*  
*Assidet his iuvenis, sociat quem gloria; fortis,* 300  
*Acer, inextustis referens a navibus ignes*  
*Argolicis Phrygios, torva feritate repulsos.*  
*O quis non repetat talis divortia belli,*  
*Quae Troës videre, viri videreque Graii!*  
*Teucra cum multo manaret sanguine tellus,* 305  
*Et Simois Xanthique liquor; Sigeaque, propter,*  
*Littora cum Troas, saevi ducis Hectoris ira,*  
*Videre in classes inimica mente Pelasgas*  
*Vulnera, tela, neces, ignes, inferre paratos.*  
*Ipsa iugis namque Ida patens vernantibus, ipsa* 310  
*Ida facies altricis cupidis praebebat alumni,*  
*Omnis ut in cineres Rhoetei littoris ora*  
*Classibus ambustis flamma superante daretur.*  
*Hinc erat oppositus contra Telamonius heros,*  
*Obiectoque dabat clipeo certamina; et illinc* 315  
*Hector erat, Troiae summum decus: acer uterque,*  
*Fulminibus coelo veluti fragor editus alto;*  
*Ignibus hic taedisque furens, si classibus Argos*  
*Eripiat reditus; ille at Vulcania ferro*  
*Vulnera protectis depellere navibus instat.* 320  
*Hic erat Aeacides alter, laetatus honore,*  
*Dardaniiis alte fuso quod sanguine campis*  
*Hectoreo victor lustravit corpore Troiam.*  
*\*Rursus acerba fremunt, Paris hunc quod letat, et huius*  
*\*Alma dolis Ithaci virtus quod concidit icta.* 325  
*Huic gerit aversos proles Laërtia vultus,*  
*Et iam Strymonii Rhesi victorque Dolonis,*  
*Pallade iam laetatur ovans; rursusque tremiscit*  
*Iam Ciconas, iam rursus atrox Laestrigonas horret;*

Diversorum forte ingeniorum con-  
 ceptus sunt versus 314 sqq., utique vs.  
 321 sqq., interpositis a mela manu

324 et 325, et iterum 336, 337. Prae-  
 clarus locus sequitur inde a v. 341.

*Illum Scylla rapax canibus succincta Molossis,* 330  
*Aetnaeus Cyclops illum, Zanclaea Charybdis,*  
*Pallentesque lacus et squalida Tartara terrent.*  
*Hic et Tantalei generis decus, amplius Atrides,*  
*Assidet, Argivum lumen; quo flamma regente*  
*Doris Erichthonias prostravit funditus arces.* 335  
*Reddidit heu Graius poenas tibi, Troia, ruenti!*  
*\* Hellespontiacis obiturus reddidit undis.\**  
*Illa vices hominum testata est copia quondam,*  
*Ne quisquam nimium fortunae munere fidens*  
*Tenderet evectus coelum super; omne propinquo* 340  
*Frangitur invidiae telo decus. Ibat in altum*  
*Vis Argeia petens patriam ditataque praeda*  
*Arcis Erichthoniae; comes huic erat aura secunda;*  
*Per placidum cursus pelagus; Nereides undis*  
*Innabant, pars inflexas circum acta carinas:* 345  
*Cum seu coelesti fato, seu sideris ortu*  
*Vndique mutatur coeli nitor; omnia ventis,*  
*Omnia turbinibus sunt concita; iam maris unda*  
*Sideribus certat consurgere, iamque superne*  
*Corripere et soles et sidera cuncta minatur;* 350  
*At ruere in terras coeli fragor. Hic, modo lacta,*  
*Copia nunc miseris circumdatur anxia fatis,*  
*Immoriturque super fluctus et saxa Capherei,*  
*Euboicas et per cautes Aegaeaeque late*  
*Littora: tum Phrygiae passim vaga praeda peremptae* 355  
*Fluctuat omnis in aequoreo navifraga fluctu.*  
*Hic alii sidunt pariles virtutis honore*  
*Heroes mediisque siti sunt sedibus omnes;*  
*Omnes Roma decus magni quos suspicit orbis,*  
*Hic Fabii Decūque; hic est et Horatia virtus:* 360  
*Hic et fama vetus nullum peritura per aevum*

Pessima interpolatio vsa. 338, 365, 368, 377 sq.

*Curtius, in mediis quondam quem sedibus urbis*  
*Devotum tetri consumsit gurgitis haustus.*  
*Mucius et prudens ardorem corpore passus,*  
*« Legitime; cessit cui fracta potentia regis. »* 365  
*Illic Curius, clarae socius virtutis et ille*  
*Fabricius, cessit cui fracta potentia regis.*  
*Iure igitur tales sedes pietatis honorat.*  
*Illic Scipiadaeque duces, devota triumphis*  
*Moenia quos rapidis Libycae Carthaginis horrent.* 370  
*Illi laude sua vigeant: ego Ditis opacos*  
*Cogor adire lacus; viduatos lumine Phoebi,*  
*Et vastum Phlegethonta: atro quo flumine Minos*  
*Conscelerata pia discernit limiua sede.*  
*Ergo iam caussam mortis, iam dicere vitae,* 375  
*Verberibus saevo cogunt a iudice Poenae:*  
*Cum mihi tu sis causa mali; nec conscius adsis;*  
*Sed tolerabilibus curis haec immemor audis;*  
*Haec, vana ut, rapidis dimittens; somnia ventis.*  
*Digredior, nunquam rediturus. Tu cole fontes* 380  
*Et virides nemorum silvas et pascua lactus.*  
*Et mea diffusas rapiantur dicta per auras.*  
*Dixit, et extrema tristis cum voce recessit.*

Hunc ubi sollicitum dimisit inertia somni;  
 Ingemuit graviter, mentem aeger; nec tulit ultra 385  
 Sensibus infusum Culicis de morte dolorem.  
 Quantumcunque sibi vires tribuere seniles,  
 Quis tamen infestum pugnaus devicerat hostem,  
 Rivum propter aquae, viridi sub fronde latentem  
 Conformare locum parat impiger; hunc et in orbem 390  
 Destinat, ac ferri capulum repetivit in usum,  
 Gramineam ut viridi foderet de cespite terram.

388. leiumi versificatoris conatus, et 392 sq. et 396, 397. Inde doctus poeta maiorem admovit.

*Iam memor inceptum peragens sibi cura laborem*  
*Aggestam cumulavit humum; iamque aggere multo*  
*Telluris tumulus formatum crevit in orbem.* 395  
 « *Quem circum lapidum laevi de marmore formans*  
*Conserit, assiduae curae memor: hic et acanthus*  
*Et rosa purpureo crescit rubicunda colore,*  
*Et violae genus omne hic est: Spartanaque myrtus*  
*Atque hyacinthus; et hic Cilici crocus editus antro;* 400  
*Laurus item Phoebi surgens decus; hic rhododaphne*  
*Liliaque et roris non avia cura marini,*  
*Herbaque turis opes priscis imitata Sabinis,*  
*Chrysanthosque, ederaeque nitor pallente corymbo,*  
*Et Bocchus Lybiae regis memor; hic amarantus* 405  
*Buphthalmusque virens, et semper florida pinus;*  
*Non illinc Narcissus abest: cui gratia formae*  
*Ignem Cupidinea proprios exarsit in artus;*  
*Et quoscumque novant vernantia tempora flores.*  
*His tumulus super ingeritur: tum fronte locatur* 410  
*Elogium tacita quod format littera voce:*  
*Parve Culex, pecudum custos tibi tale merenti*  
*Funeris officium vitae pro munere reddit.*



P. VIRGILII MARONIS

CIRIS

1. 1. 1. 1.

## PROOEMIUM

## IN CIRIN

Carmen hoc, etsi inter Virgiliana opuscula vulgo referri solet, an Virgilium tamen auctorem habeat, fides nos satis certa deficit. Sunt quidem multa, quae probabile hoc faciant: nec dubitationis tamen causae desunt ex parte altera; itaque negre ferendum non est, si in diversas opiniones discessisse viros doctos videas. Scilicet de rationibus, quibus contenderunt inter se, videndum erat; inter eas autem multas esse leves ac futes negari nequit. Ea tamen omnia, quae de his dicta sunt, ut iterum recocta apponam necesse, puto, non est: ut potiora summatim pro more meo exponam, iudicio meo qualicunque interposito, hoc forte est, quod lector a me expectet.

Qui *Virgilio* carmen vindicant, argumentis fere nituntur iis, quibus carmen hoc politissimum, praestantis ingenii poeta, ipsoque Marone, non indignum declarant. Ita vero non evictam est, habendum quoque esse, Virgiliani ingenii setum, si quod carmen est, quod eom non dedecet. Vetus aliqua earque idonea auctoritas allata in medium non est. Nam, quod ex Seneca vulgo laudatur Ep. 92 ut ait *Virgilius noster in Scylla*, non viderunt viri docti ad Aen. III, 426 sq. spectare, et in *Scylla*, esse in loco de *Scylla*. Quid? quod nec a Pseudodonato, qui reliqua carmina Virgilio tributa recenset, nec, quantum memini, ab alio vetere Grammatico, in simili instituto, Ciris mentio sit. Indocti enim Monachi, Servianis in Aeneidei commentariis in fronte adactus, pannus, in quo Cirina scribitur, (1) memorari adversus me vix potest. Quod autem poematii praestantiam verbis quoque ornant, ut Scaliger id nulli Latinorum neque nitore, neque elegantia cedere dicat, Barthius vero lucentissimum inter

(1) Ita etiam in ms. Helmsted. castratum erat *Decirina*, non, Ciris.

omnia antiqua poemata appellet, in eo studium virorum doctorum video, iudicii subtilitatem desidero. Non enim satis circumscribunt praedicationem suam, eoque, dum ultra terminos evagantur, ne id quidem obtinent, quod in medio positum erat, quodque recte se habebat. Quod in carmine hoc tantopere admirati sunt viri docti, si propius intuearis, nihil aliud fuit, quam orationis in pierisque locis dignitas, ornatus praeclarus, splendor quoque; tum numerorum concinnitas. Haec sunt, quae viris doctis tantopere se probarunt; sed, au haec illa sint, quibus poeticae laureae decus parari possit, admodum dubito.

Omnino ab inventi felicitate, quae tamen res una omnium maxime poetae nomen et laudem continet, carminis huius laus magna vix peti potest: uti nec tractatio arte aliqua se commendat, nisi in locis singularibus hisque fera ad communem poetarum orbem spectantibus: cuiusmodi est nutricis opera in virginis dolore alluvando, puellae miserae querelae et sic alia. Contra sunt loca alia ad pedestrem orationem proniora: ut locus de diversa super Scylla opistomonibus v. 63 sqq. — 90, alius super fabulae in Britomarti varietate 803 sqq. Haec et similia cum tractata nitescere nequeant, bonus poeta non facile attinget. Alia ad rhetoricam *servata* egregie accommodata sunt, ut in querelis puellae: et, si quid est, quo adducar, ut Maroniani ingenti fetum esse huic putem, hunc propiorem ad tragicam vehemantiam et rhetoricam declamationem affectum esse dicam, quem in Virgilio me agnoscere iam alibi accuratius exposui. (1) Accedit orationis poeticae facultas, quae in hoc poeta fuit eximia: quae ea ipsa causa fuit, qua adducti viri docti cetera etiam omnia in eo carmine pronuntiant esse summa. Poetae Maronis inganiam agnoscere mihi videor etiam in eo, quod, cum argumentum hoc ab aliis poetis esset pertractatum, relictis ille his, quae ab aliis praerepta erant, ingenium applicuit his ornandis, quae ab aliis nondum essent occupata. Ita forte excusari potest, quod ille id, quod summum rei momentum, ipsa *auxa*, erat, resectionem comae, verbo exposuit, et vero ne verbo quidem attingit ea, quae resectam Nisi comam subsequuta sunt, donec abstraheretur Scylla navi alligata. Expectabam in primo Minois conspectu, in pactione cum eo succedenda, in coma Nisi resecta, tradenda, et fide Minois ex conditione pactionis exigenda, poetam diser-

(1) Vid. Vol. II *Disquis.* I, s. VIII extra s. XIII *Exc.* ad Aen. II, p. 306, 7. Vol. II et Aen. X pr. Vol. III.

tum, copiosum et ornatum. Vix verbo memoravit haec omnia. Vitio hoc factum dices; nisi iudicio illi subtiliori illud tribueris. Levioribus equidem argumentis accensebo omne illud, quod a repetitis tot Virgilianis versibus ducitur, sive ut hinc colligas ipsum Maronem sive ut alium auctorem fuisse statuas. Vix enim firmo fundo nititur argumentum, quo Scaliger usus est, cum diceret: auctorem carminis ut esse Virgilium credamus, hanc unam rationem vincere, versus orebro hic repetitos, (1) qui passim in Aenside et in Georgicis atque in Bucolicis leguntur. Atqui potuit carminis esse alius serior auctor, qui ex Virgilio plurima mutaretur, vel qui id ageret, ut Virgilii nomen et auctoritatem mentiretur.

Commemoravi adhuc ea, quae probabile facere possint, ad Maronem auctorem hoc carmen referendum esse. Alias rationes Barthii aliorumque nec commemorare iuvat, nec opus est, cum eas dudum exposuerit ac refellere studuerit doctissimus Praesulis Iustus Fonteinus in Hist. Litt. Aquilei. p. 35. Eodem loco magna cum indicii subtilitate ac doctrina vir doctissimus ex Virgillii Ecl. VI, 74 sqq. verum Ciris auctorem eruisse visus est, ut, quod Gifanius iam olim suspicatus erat, Barthio mox probante, is Gallus sit, cuius carmina illis versibus attigerit poeta plura, inter quae duo fuerint: alterum, quod nunc habemus, Ciris, de Scylla, Nisi f., in cirium mutata, alterum de Scylla Phorci filia: *Quid loquor? aut Scyllam Nisi? aut quam fama sequuta est Candida succinctam latrantibus inguina monstri Dulichias vexasse rates et gurgite in alto Ah timidos nautas canibus lace- rasse marinis?* Non equidem, tamquam satis valida, argumenta omnia amplectar, quae ille attulit; nec tamen quicquam ingeniosae coniecturae obstare video: convenit enim aetas Galli ac Messalae; nisi quod difficile est ad intelligendum, quo cum pudore tot ex Ciri versus Virgilii in sua carmina, aut ex his Gallus in Cirin, adoptare potuerit. Nam, quod Gallum Epicurae philosophiae operam dedisse nunc ignoramus, morari potest neminem, quin assentiat Praesuli dignissimo. Superest igitur, ut versus illos seriore aetate ab interpolatrice manu in Cirin insertos esse dicamus: quod uce improbabile sit.

Qui Catullum pro auctore carminis habere (in quibus Eglinus fuit, cuius *Vindiciae Ciris Catullianae* sunt) quandoquidem cum Epithalamio Thetidis et Pelei nonnulla posse comparari videbant; non animadverterunt, Messalae, cui inscripta est Ci-

(1) Apposuit eos Io. Schrad. Emendation. p. 33 sq.

ris, aetate se refelli: nam is paucos ante Catulli obitum annos natus est. Sed et haec accurste tractavit Fontaninus l. c. pag. 33 —36. Quo argumento *Valerium Catonem* Ciris auctorem ediderit Dolrius in Comment. ad Senecam, ex eius verbis intelligi nequit. Quod si tamen Virgilium auctorem Ciris adoptare cum Scaligero et aliis (1) malit aliquis, non tamen cum eodem Scaligero comminiscetur tot alia, quae probatione idonea destituuntur: paulla ante mortem suam, et Athenis aut adeo Megaris, Virgilium hoc carmen composuisse: etsi iam tum, cum Cirim scriberet, auctor carminis nonnulla carmine se tractasse, et, cum famae poeniteret, iis depositis ad philosophiam se contulisse narret ipse v. 1 sqq. 42 sqq. Iuvenem tamen se testatur auctor satis manifeste vs. 42 sqq. *Sed quoniam ad tantas nunc primum nascimur artes, Nunc primum teneros firmamus robore nervas: Haec tamen interea quae possumus, in quibus aevi Prima rudimenta et primos exegimus annos, Accipe.* Si porro Messalam iuvenum doctissimum v. 36 appellare potuit, invenili aetate constitutum cum et ipsam tum fuisse necesse est, cum Mero illa scriberet; id quod temporum docet comparatio. (2) Rem tamen vel sic in medio relinquere satius duen.

Inter haec, etsi carminis facies omnino satis liberalis est: negari tamen nequit, varices passim et ulcera corpus obsidere, loca occurrere plurima scabra et horrida, versus duriores aut pedestri oratione depressos, alios prorsus corruptos ac sensu carentes, ut interdum honestas illa nris foede contaminata ac prorsus oblitterata sit. Scilicet primum id, quod in carminibus his minoribus evenisse videtur fere omnibus, etiam in Ciri factum arbitror, minore tamen cum audacia quam in Culice, omnium uno maxime foedato carmine, ut iam antiqua satis aetate in ea exercerent se poetarum seu versificatorum ingenia, variando et amplificando carmine. Adscripti in margine versus, saepe imperfecti, a librario, qui describebat codicem, in textum sunt recepti, nonnulli satis arguti, alii ex similibus veterum poetarum locis retracti vel adumbrati; qua de re supra ad Ca-

(1) Nuper quoque Io. Schraderus auctorem p. 46, Scaligerum autem Emendat. c. 3 pag. 31 Virgilio Cirim refellit p. 41.

vindicare: nec tamen is argumentis gravioribus, quam alii, suffultus. Idem docte adversus Galli nomen disputat p. 48, et adversus Catullum (2) Natus enim Virgilius a V. C. 684, Messala a 695, nec hic claruit ante 718, aet. 23.

lieem dictum est. Accessit alis calamitas, ut carmina illa per plura saecula ignota et sepulta iacerent, et ut vix unum vel alterum exemplar ad nostram aetatem perveniret; quod cum obscuris fugientibusque litteris oculos librarii recentioris, aut aliam operarum typographicarum, falleret, corruptelas infinitas inferri necesse fuit.

Conspirant itaque in corruptelis editiones fere omnes, nec e libris scriptis, qui et numero paucissimi, et, quantum intelligo, omnes recentiores sunt, auxilium expectari posse videtur. Nic. Heinsius in epistola ad Octaviam Falconerium fatetur, Ciris exemplar sibi nullam evolvere licuisse, autem artem typographicam inventam descriptum. Evolvit tamen ille postea ms. Basileensem, aut variantem lectionem ex eo accepit; attamen et ille fuit chartaceus, et, quantum intelligo, in corruptelas vulgares ubique concessit. Abfuit Ciris a prima Virgilii editione, etsi ea minora Virgilii poemata complectitur; accessit vero in Romana altera: vid. Recensum edd. h. a. Omissa hinc ab aliis, ab aliis addita: cf. Fontanin. Hist. litt. Aquilei pag. 40. Enarrare eam primus aggressus est Domitius Calderinus in edit. Ven. 1483 per Baptistam de Tortis, hinc 1489—1491, 1492 et al. Paulo doctior commentator successit Iulius Pomponius Sabinus, commentariis a. 1486 vulgatis, et 1519—1544 hincque in edd. Heuricopetrinis repetitis: tum copiosior commentator Ascensius a. 1500—1505 et al. Tandem etiam critica manus accessit, eaque viri summi Iosephi Scaligeri in Appendice Virgiliana Lugd. 1573; multas ille attulit emendationes praeclaras, alias durissimas, nonnullas prorsus non ferendas. Lectiones eius et interpretationes recepit omnes Taubmannus, vir doctus, qui, quod supra iam diximus, ex aliorum iudicio totus pendebat, suo parce uti solitus, edita Ciri a. 1618. Vix bis terve Barthium comparat, qui interea 1603 Cirim commentario instruxerat, valde tum adolescens, et omnino doctrinae copia praestantior quam iudicii subtilitate. Attigit idem loca nonnulla in Adversar. XX, 20. XXII, 9. XXIII, 9 et 21. XXX, 24, et, ut eo loco se facturum profitetur, denuo Cirim edere constituerat, si exemplum aliquod manuscriptum nancisci unquam posset. cf. Fontanin. l. l.

Equidem comparatis antiquis, quae ad manum erant, editionibus, omnes fere inter se in easdem lectiones et vitia conspirare intellexi. Quod cum semel animadversum esset, satis habui, Venetam 1484 per Thomam de Alexandria expressam, mox quoque Aldinam primam 1505, comparare. Manum emendatricem

non experta est Ciris nisi in Aldina: *diversorum veterum poetarum in Priapum lusibus* etc. 1517, de qua editione ab Asulano curata et 1534 repetita iam in prooemio ad Calicem dictum est. (1) Ex Bembino codice, cuius ope Culex tam praeclare fuit emendatus, Ciris nihil auxilii consequi potuit; quandoquidem in eo codice illa exarata non erat. Alios igitur codices Asulano in Ciri ad manum fuisse necesse est, de quibus nunc nihil constat; proficitur quoque vir doctus in praefatione, se haec carmina *collatis pluribus exemplaribus* emendasse. Aldinam recensionem expressit in plerisque editio Veneta apud Aloysium de Tortis 1541, sed pleraeque aliae, quod mireris, Aldinam deservere et veterem lectionem repetivere. Occurrunt mox editiones, uti Ven. apud Hieron. Scotum 1544, apud Bonellum 1558, Georg. Fabricii, Plantini, quae in margine varias lectiones habent, quarum magnam partem emendationes virorum doctorum esse vidi. Nam fuere passim, qui singula loca in Ciri, ut in aliis veterum libris, emendarent. Sic, ut unam vel alteram Iani Parrhasii et Paulli Leopardi correctionem taceam, plurima correxerat in Miscell. Epiphyll. VIII, a3 sqq. Jac. Nic. Loensis, qui ab amico Leopardo exemplum Ciris acceperat ex prisca editione descriptum, addita eius castigatioe. Hanc ipsam editionem Catalectorum intelligo fuisse illam, quam Heinsius dū se frustra quaesivisse ait in Epist. ad Deumium Tom. V Sylloges Burmann. p. 218; nam Berthius in Adversariis ea non ipse usus est, sed ad Loensis fidem provocat. In Miscell. Obs. vol. IV loca nonnulla ex Ciri retractarunt viri docti: sed levioris fere momenti.

Cum a nemine adhuc operam datam viderem, ut lectionum origines et causas indagaret: studium in ea re posui praecipuum, etsi res molestiae plus quam credi potest haberet. Quandoquidem antem inde intellexeram, librorum scriptorum auctoritatem nos fere deficiere: coniectandi licentiae materiem in hoc libello relictam nobis esse putavi tanto maiorem. Ea itaque ita usus sum, ut, quam aliis veniam dederim, vicissim et mihi ipsi a viris doctis petam.

\* \* \*

In nova recensione anni LXXXVIII ad manus fuere Schedae

(1) Editio illa 1517 intelligenda, non nisi in nova recensione nactus eram.  
 quod Aldina, tamquam emendatior, a me excutatur. Reliquas duas



Heinsianae, de quibus supra ad Calicem dictum est, tum Io. Schraderi; hae tamen tam moleste ac perplexe scriptae, ut iis extricandis vacare vix possem; inprimis cum in Cirin meliora iam ipse in Emendationibus vulgasset. Cum a viro docto *Eduardo Burnaby Green* ad calcem Apollonii Rhodii t. I versam in Anglicum sermonem Cirin recorderer, multis emendationibus appositis (1780): has quidem enotare institueram; mox tamen sensi calamo frenum iniectum, cum perpaucae in iis sint, quae sermonis indoli conveniant aut sententiam expeditam habeant.

## P. VIRGILII MARONIS

## CIRIS (1)

## AD MESSALAM

## ARGUMENTVM.

*M.* Valerio Messalae inscriptum est carmen: eique in exordio satis diserto ad v. 100 illud offert poeta. Narrare inde incipit fabulam de Scylla, Nisi Megarensium regis filia. Habebat Nisus in vertice crinem purpureum, urbi ac regno fatalem, ut capi Megara non possent, quamdiu ille incolumis esset. Minos, Cretae rex Megara urbem cum obsideret, Scylla, cum ex muro forte eum prospexisset, insano eius amore correpta est: quo illa victa noctu surrexit, ut crinem illum fatalem clam rescinderet, quo sibi Minois amorem conciliaret. Exeuntem cubiculo animadvertit nutrix, Carme, Iovi olim amata, ex quo illa Britomartin pepererat. Ea alumnae meliora primum persuasit, mox autem multis frustra tentatis ut Nisus pactione bellum componeret, in nutriciae sententiam concessit. Resecta igitur Niso coma aurea et cum urbe Minoi tradita. Is vero facinus tam atrox et impium aversatus, cum in Cretam rediret, puellam, ne piaculo tanto classem contaminaret, ne navi quidem recipere voluit, sed ex navis exteriori latere alligatam secum duxit. Tum illa multa diu conquesta in avem Cirim mutata est; additus tamen mox ei pater Nisus in haliaetum mutatus, qui Cirim avem interno odio persequitur.

(1) Ciris quanam veteribus avis dicta fuerit: nondum satis expedita res est. Accipitris genus fuisse qui putarent; idque Etymol. M. firmat: *Κίρρις, αἰδώς ἰσχυρός*. Inde alii eandem eam cum circo tradidere. vide Munker, ad Hygin. f. 198. De haliae-

eto (haliaetum scribunt alii, non satis bene) minor est dubitatio: cum ipsum nomen aquilam marinam prodatur, et Aristoteles Hist. Anim. IX, c. 32 inter sex aquilarum genera *ἁλυστρὶν* recensent. Addit alia Plinius lib. X, 3. cf. Munker. ad Anto-

nin. c. 11. Thynoaquilam, seu potius Dunoaquilam, nunc appellari Lucus tradit in Miscell. Epiphyl. VIII, 26, quoniam versatur in dunis seu collibus arenosis iuxta Marc. Caniculis quoque eum insidiari et fetus depredari.

Perdicem alios putasse esse cirim, quae solitaria avis sit, disco ex Iulio Sabino. Notas edidit poeta ipse has: esse eam pulcriorem cygno vs. 489, in vertice crista purpurea 501, pluma vario colore 502, crura rubentia 505, 506, degit solitaria in locis desertis 518, 519, odium in eam pertinet est haliaetii 532 aqq. Adde eam in Graecia, et Italia forte, habitare, et inter serenae ex pluvio caelo tempestatis praesagia refertur in Georg. I, 404 sq., si in conspectum veniat haliaetis cirim fugans. Quae de ciri commemoravimus, vix videntur in alaudam cadere, quam uno cristae argumento multi in ea quaevisere: in quod avium genus aevire solet accipiter fringillarius, dictus inde alius Nisus. Scaliger ad Cirim v. 528 falconem interpretatus est haliaetum, Cirim autem Egrettam: quo nomine appellasse videtur Ardesm albam minorem, Garzettam quoque appellatam. Inter haec nihil effici potest, nisi avium per istos tractus genera melius teneamus; sit enim probabile, domesticam Megarensibus avem Cirim fuisse. Mergum Megaridem frequentare (μεγαρίδην) ex Paus. I, 5, p. 13 didici.

In fabulae autem tractatione per hoc carmen mirum videri potest, multa vix verbo attingi, quae tamen potiora narrationis capita esse videbantur, ut comae ipsae resectio et Scyllae cum Minos super ea pactio. Quae quidem res aut poetae vitio aut loci luxatione accidere debuit, aut a poetae arte profecta est, dum ille

leviter tantum attingit ea, quae ab aliis diligenter erant ornata. Fabula enim a multis iam erat tractata. Graecis scilicet poetis, et variis segmentis etiam per interpretationem, exemplo ipsius Callimachi, in Aitriou, variata: quod in ipso carmine, etsi parum poetice, exponitur, vs. 54 aqq., ubi vid. not. Neque Hyginus inscitiae accusandus erat, qui sub. 198 in piscem mutatam esse Scyllam narravit. Tradiderat et hoc scilicet alius poeta, forte Tragicus aliquis. Aeschylus monili aureo corruptam Scyllam, χρυσὸν ἑλκύν, Minos patrem immortalem capillum (ἀθάνατον τρίχα) prodidisse: κίχνης δὲ μιν Ερμῆς, quod ad Nisum refert eiusque mortem Scholiastes; nisi de Scylla illa accipienda putes, ut exquisitor aliquis fuerit narratio de poena per Mercurium ab ea sumta. Prior tamen explicatio cum eo convenit, quod apud Apollod. est III, 15, 8, ταύτης ἀπαρχαρίτης τριαντῆ. Ceterum Aeschylus ad avaritiam refert Scyllae faciem, quod alii ab amore incesto repetunt. Capilli color purpureus a plerisque traditus: etiam a Callimacho apud Suid. in Κρίμ. Πορφυρέην ἄκρον κρίμ, demetuit crinem purpureum: cf. Toup. Curae noviss. p. 81 et Apollod. Auream cornam narrant nonnulli, confusa forte fabula simili cum Pterelao Neptunus immortalitatem dedisset ἐν τῇ καρπῇ χρυσῆν ἐνδεῖς τρίχα Apollod. II, 4, 5, ubi cf. Obs. Omnino haud assequaris, quid antiquos homines in his fabulis ad hoc segmentum adduxerit, ut, quod etiam de Samsone narratum novimus, in capilli natura mirabilem aliquam virtutem latuisse narrarent.

Cum Κρίξ et ipsa sit inter aves carneiores aliis iufestas (v. Aristot. H. Anim. IX, 1 et 17), putabam forte nominis lunum fabulae opportunitatem dedisse: nec tamen eam

Etsi me vario iactatum laudis amore,  
 Inritaque expertum fallacis praemia vulgi,  
 Cecropius suavis exspirans hortulus auras  
 Florentis viridi Sophiae conplectitur umbra:  
 Num mea quaeret eo dignum sibi quaerere carmen?  
 Longe aliud studium atque alios adcincta labores,  
 Altius ad magni suspendit sidera mundi,  
 Et placitum paucis ausa est adscendere collem:  
 Non tamen abstiam coeptum detexere munus.  
 In quo iure meas utinam requiescere Musas,  
 Et leviter blandum liceat deponere morem.

\* Quod si mirificum proferre valent genus omnes

\* Mirificum saeculi, modo sit tibi velle libido;

avem in hac fabula memoratam vidi. Sed Scyllam a Minoë ex navi suspensam, et quidem gubernacula alligatam, inde in cirim avem mutatam, tradiderat quoque Metamorphoseon libello, qui nunc inter deperditos est, Parthenius: ut ex Eustathio ad Dionys. Perieg. 420 didici (v. de eo Mellmann. de causis et auctorib. Narrat. de mutatis formis pag. 83). Iam hunc nostro poetæ ante oculos fuisse probabile facit studium Parthenii legendi et latine convertendi, quod inter Latinos poetæ magni fuit: Hos autem in argumentis mythicis, a poetaribus poetis Graecis tractatis, in primis ingenia exercuisse, tot aliis eseminiis, quorum nonnulla quoque servata sunt, satis constat. Ceterum similia argumento carminis nostri sunt nonnulla in Propertii El. IV libri IV de Tarpeia, quæ Sabini Capitolium prodidit.

Cum difficultas huius carminis interpretandi plerumque ex depravata lectione proficiscatur: ad criticis ami-

madversiones pleraque reicere et hic necesse fuit.

† 9. Iungenda sunt *Etsi* ... non tamen abstiam. In primis versibus æ, abiectis iis studiis, quibus apud vulgus inclarescere voluerit, philosophiæ Epicuri operam dare ait. Color orationis similis est Catulliano carmini LXIV: *Etsi me assidue confectum cura dolore Sevoat a doctis, Hortale, virginibus. vario amore laudis*, variis modis ac viis laudem et famam venatus erat. Sed vid. Var. Lect. *irrita praemia*, h. vana, inania; sunt autem ipsa fama et gloria, quam carmine consequi studuit. 3. *Cecropius hortulus*, Epicuri sectam ac disciplinam per hortum eius, quem Athenis habuit, in quo docere solebat, declarari notissimum. Illustrat locum Barth. Advers. XX, 20, et lo. Schrader. Emendat. p. 31 sq.

5-8. *Musa*, cuius nomen in corruptis va. quarti verbis latere necesse est, *accincta aliud studium et labores*, h. aggressa aliud studium, philoso-

Si me iam summa Sapientia pangeret arce,  
 Quatuor antiquis quae heredibus est data consors: 13  
 Vnde hominum errores longe lateque per orbem  
 Despicere, atque humilis possem contemnere curas:  
 Non ego te talem venerarer munere tali;  
 Non equidem; quamvis interdum ludere nobis,  
 Et gracilem molli liceat pede claudere versum; 20

phise scilicet (ut Aen. IV, 493 *magicas invitam accingier artes*), *suspendit* (vel *ae*, h. suspensa est, suspensio animo contemplatur, vel *me*, ut Iulius Sabinus explet, aut, quod melius, *subtendit*) *altius ad magni sidera mundi*, et *ausa est*, Collem Sapientiae, ad quem pauci emergunt, ascendere: absolute tamen coeptum carmen. Videtur carmen iam olim coeptum, mox sepositum esse. Ceterum carminis initium habet aliquam similitudinem cum epigr. VII inf. in Catalectis.

14-41. Si in philosophiae studio iam satis profecissem, — ut maius carmen de rerum natura conscribere possem: hoc tibi dedicarem. Haec subiiciuntur vs. 36 sqq. *summa arce*. cf. ad v. 8. *me pangeret*, figeret, statueret, collocaret. 45. *Arx*, quam quatuor summi philosophi tenent, Plato, Aristoteles, Zeno, Epicurus. (Pro Zennae Pythagoram veteres interpretes nominant) *arx data est consors*, elegantius, quam *is consortibus*, quatenus beredes sunt Socratis. Expressus autem totus locus ex Lucretii notis vs. lib. II, 9 sqq.

21 sqq. Celebratissima res in Panathenaeis magnis, quae Athenis quinto quoque anno agebantur, peplum Minervae. vid. Meurs. Panathen. c. 17 sqq. Ducebatur occultis ma-

chinis per terram navis, ad speciem remis instructa, ad Minervae templum; peplum, pro velo suspensum, mox ntrum pro veste Minervae signo iniectum, an sedentis gremio appositum, an, quod probabile sit, pro aulaeae praetextum sit, nulla auctoritate expressa doceri posse video. Ceteroqui Aulaea signa deorum abducta in adyto passim fuisse satis constat: unde etiam in ultimam opinionem proniores sumus cum Stuarto (*Antiqu. of Athens* T. II, p. 7). Pollucis auctoritas, qui VII, 50 *πέπλον* etiam *ἐπιβλημα* fuisse ait, idque colligi posse ex τὸν τῆς Ἀθηνῶν πέπλον de amiculo vel indumento est accipienda: id enim ipsi est *ἐπιβλημα*. Peplo intextae res a Pallade gestae, imprimis pugna cum Titanibus et Gigantibus: mox quoque strenuorum ducum Athenis egregia facta, sicut viri docti, Scaliger ad h. l. et Meurs. l. c. Voluit id docere ex Aristoph. Equ. 563, ubi maiores praedicantur digni ea urbe καὶ τοῦ πέπλου. Hoc tamen clariorem locum afferri velim: nam Comicum pompam Panathenaeicam respicere potius arbitror, qua armati incedebant viri. Etiam Pepli nomen, quo Aristoteles librum inaeripit, quod de heroum tumulis confecerat, viri docti hinc illustrant. Nostri poetae locum rem non magis probat. cf. inf. ad v. 36.

Sed magno intexens, si fas est dicare, peplo,  
 Qualis Erechtheis olim portatur Athenis,  
 Debita cum castae solvuntur vota Minervae,  
 Tardaque confecto redeunt Quinquatria lustro,  
 Cum levis alterno Zephyrus concrebuit Euro, 25  
 Et prono gravidum provexit pondere currum.  
 Felix ille dies, felix et dicitur annus;  
 Felices, qui talem annum videre, diemque.  
 Ergo Palladiae texuntur in ordine pugnae:  
 Magna Giganteis ornantur pepla tropaeis; 30  
 Horrida sanguineo pinguntur praelia cocco;  
 Additur aurata deiectus cuspide Typho,  
 Qui prius, Ossaeis consternens aethera saxis,  
 Emathio celsum duplicabat vertice Olympum.  
 Tale deae velum sollempni in tempore portant. 35

21. *si fas est dicere*: non tam ad religionem refero, quam ad audaciam coepti; et olim, pro tum, sequente etiam cum. Aen. VIII, 391: *Non secus atque olim, ut d' erit*.

25, 26. *Cum levis alterno Zephyrus concrebuit Euro*: alternis Zephyrum cum Euro spirare ait, eoque tempus Panathenaeorum habendorum declarat: quod hic ad primum ver retrahere videri potest. Mense tamen Hecatombaeone, et quidem die XXIII, tertio cuiusque Olympiadis anno, ea celebrata esse satis constat; est ille primus mensis anni Attici, quem a primo plenilunio post solstitium aetivum processisse quis ignorat? Aetatis igitur ingressae tempus declarari hoc versu dicendum est: quod tamen quam commode per pugnam Zephyri cum Euro designetur, non dicam. Etsi Zephyri stantes non modo ver, sed at aestatem ineuntem alibi quoque indicant, cf. Georg. III, 322. Ilactenus itaque illud ferri potest. Si

tamen, quod paullo ante memoravi, navis, etsi machinis acta, velis expansis ventum excipere visa est: expedita est vs. 25 et 26 sententia. cf. V. L.

29-34. Locus, etsi ab h. l. forte alienus, classicus tamen post Eurip. Hecub. 466 sq. de peplo Minervae. conf. ad vs. 21. *Giganteis tropaeis*; praelio et victoria de Gigantibus Pallante et Echione Enceladoque prostratis inprimis dea tum inclaruit. *pinguntur*, quod vs. 29 *texuntur*. Typho vel Typhoeus, diversum a Gigantibus monstrum, saepe tamen in eorum censum a poetis relatum, procellarum et turbinum, cumque iis eructantium ignes montium, symbolum satis frequentatum: Ab aliis ille a Iove prostratus narrari solet: quae vel ex Apollodoro teneas. Minervae in ea victoria partes etiam Horatius tribuere videtur in noto loco Carm. III, 4, 53. Stans cum hasta capiti prostrati monstri imposita dea occur-

Tali te vellem, iuvenum doctissime, ritu  
 Purpureos inter Soles et candida Lunae  
 Sidera, caeruleis orbem pulsantia bigis,  
 Naturae rerum magnis intexere chartis;  
 Aeternum Sophiae coniunctum carmine nomen 40  
 Nostra tuum senibus loqueretur pagina saeculis.  
 Sed quoniam ad tantas nunc primum nascimur artes;  
 Nunc primum teneros firmamus robore nervos:  
 Haec tamen interea, quae possumus, in quibus aevi  
 Prima rudimenta et primos exegimus annos, 45  
 Adcipe dona, meo multum vigilata labore,  
 Et praemissa tuis non magna exordia rebus:  
 Inpia prodigiis ut quondam exterruit amplis  
 Scylla, novosque avium sublimis in aëre coetus  
 Viderit; et tenui conscendens sidera penna 50  
 Caeruleis sua tecta supervolitaverit alis;

rit in palera Medicea apud Demster.  
 t. V. *Emathius vertex*, Pelion esse  
 debet, Olympo h. l. impositus, ut  
 Geogr. I, 291 Ossaee.

36. *Tali ritu*, hoc modo ait auctor  
 velle se, tamquam peplum, carmen  
 de rerum natura scribere eique Mes-  
 salae nomen intexere. 37, 38. Luna,  
 quae involuitur per orbem, caelum,  
 bigis. *Sidera* Lunae prae sidere, et  
 pulsare de curru, seu equis curru  
 tracto solum quatientibus sollemne.  
*purpureus* pro pulcher, frequens poëta.

40, 41. *Nomen tuum, coniunctum*  
*Sophiae, carminis* (h. nomini Sophiae  
 in carmine), *pagina nostra loquere-*  
*tur aeternum saeculis senibus*, h. seris.

42. *ad tantas artes*: non de poëtica,  
 ut perperam post ceteros Fontaninus  
 quoque Hist. litt. Aquilei. p. 37 sta-  
 tuit, sed de philosophiae studio ac-  
 cipe, ad quod nunc primum accessit.

47. *Et praemissa*. Si sensus inest,

debet poëta significare, se praemil-  
 lere quasi exordia, s. praeludia, car-  
 mini, quo aliquando Messalae res  
 gestas persequetur, hos lusus, ut  
*Scylla in avem mutata sit*: quod ele-  
 ganter exulit: *ut... novos avium, su-*  
*blimis in aëre, coetus Viderit, et tenui*  
*conscendens sidera penna Caeruleis sua*  
*tecta supervolitaverit alis*. 48. Cor-  
 ruptis verbis declarat versus ipsam  
 Scyllam exterritam fuisse forma sua  
 mutata, videns scilicet se avem factam.

54 sqq. Multi poëtae Scyllam in Sa-  
 xum Scyllacum, naufragis infama,  
 in Italiae extremas ab occidente oris,  
 haud longe a Fretis Sicula, mutatam  
 narrant. cf. ad Aen. III, 555. Nota  
 res est, de Scylla diversas fabulas  
 tradi, et plures Scyllas ab aliis me-  
 morari, ab aliis confundi. conf. ad  
 Ecl. VI 74. et ibi Exc. IV, *monstra*  
*conversa in saxum Scyllacum* pro mon-  
 stro, canibus marinis, quibus succincta

Hanc pro purpureo poenam scelerata capillo,  
 Proque patris solvens excisa funditus urbe.  
 Conplures illam, et magni, Messalla, poetæ  
 (Nam verum fateamur: amat Polyhymnia verum) 53  
 Longe alia perhibent mutatam membra figura;  
 Scyllaeum monstra in saxum conversa vocari;  
 Illam esse, aerumnis quam saepe legamus Vlyxi  
 Candida succinctam latrantibus inguina monstribus  
 Dulichias vexasse ratis, et gurgita in alto 60  
 Deprensos nautas canibus lacerasse marinis.  
 Sed neque Maeoniae haec patiuntur credere chartae,  
 Nec malus istorum dubiis erroribus auctor.  
 Namque alias alii vulgo sinxere puellas,  
 Quae Colophoniaco Scyllae dicantur Homero. 65  
 Ipsi seu Lamie mater sit, sive Crataeis,  
 Sive illam monstro genuit Persea biformi,  
 Sive est neutra parens: atque hoc in carmine toto  
 Inguinis est vitium et Veneris descripta libido;  
 Sive etiam est iactis speciem mutata venenis, 70  
 Infelix virgo: quid enim commiserat illa?  
 Ipse Pater nudam saeva complexus arena

erat Scylla. conf. Aen. III, 424 sqq. 431, 432.

66. Ordo sententiae ab his usque ad v. 89 sqq. procedit: *Sed ipsi seu Lamia mater sit, seu Crataeis, seu Persea*, h. e. Hecate: *sive illa allegorice est libido Veneris, sive puella a Neptuno oppressa et in monstrum mutata, sive puella questum corporis faciens: Quidquid est, de ea potius agamus Scylla, quae in Cirin mutata est.* Lamiae filiam tradiderat Scyllam Stesichorus. vid. Schol. Apollonii IV, 828. Crataeidis autem Homerus Od. μ, 124. *Persea* est Hecate, Perseae ex Asteria filia, monstrum bifforme, *διπλὴς*, Phoreys vel Phoreyn.

68, 69. Seu fabula Scyllae allegorica est libidinis narratio. Simili modo eam interpretatur Fulgentius Planciades Mythol. II, c. 12 et Heraclides in Allegor. p. 496.

70. Ex postae verbis talis fabulae habitus esse debuit: Scylla a Neptuno oppressa Amphitrites iram in se concitaverat; quae eam aliquanto post ita ulla est, ut, cum marito per mare vecta, veneno aquas inficeret, quo illa aqua marina corpus lavans in monstrum mutaretur. — 72. *Ipse pater*, Neptunus, ex noto poëtarum more de Iove, de Plutone et Neptuno. Alii, pro mari, fontem, in quo Scylla se lavaret, Amphitriten medicaminibus



Coniugium carae violaverat Amphitrites;  
 Attamen exegit longo post tempore poenas,  
 Vt, cum cura sui veheretur coniugis alto, 75  
 Ipsa trucem multo misceret sanguine pontum.  
 Seu vero, ut perhibent, forma cum vinceret omnis,  
 Et cupidos quaestu passim spoliaret amantes:  
 Piscibus et canibus rabidis vallata repente,  
 Horribiles circum vidit se sistere formas. 80  
 Heu quoties mirata novos expalluit artus!  
 Ipsa suos quoties heu pertimuit latratus!  
 Ausa quod est mulier numen fraudare deorum,  
 Et dictam Veneri votorum vertere poenam:  
 Quam, mala multiplici iuvenum quod saepta caterva  
 Dixerat atque animo meretrix iactata ferarum,

inquinasse narrarunt: ex quibus Tzetza rem exponit ad Lycophr. 45-648. Circes artibus id factum traditur in vulgari narratione de Glauci amoribus apud Ovidium, Hyginum et alios. — 75, 76 ut misceret Amphitrite pontum multo sanguine, quem pro veneno dictum esse necesse est. Dum invehatur mari cura coniugis: ipsa Amphitrite. Olim ad Scyllam nautas laniantem referebam, ut multo sanguine misceretur mare.

77-88. Sive Scylla fuit puella eximiae formae, quae corporis quaestum fecit et a Venere in monstrum marinum est mutata.

83, 84. Laeserat, ad horum poetarum mentem, Scylla meretrix numen, intervertendo et intercipiendo poenam votorum dictam Veneri a iuvenibus, quos illa amore sui irretiebat. Vt voti reus aliquis dicitur, cui, successu secundo, ex voto persolvenda sunt, quae voverat: sic spectat poena ad reatum quasi votorum, quibus se obligaverant Veneri, quaeque ipsi

nunc erant persolvenda; sed iuvenes en, quae ex voto debebant, aut voti solvendi causa Veneri destinaverant, ad puellam, quae quaestum faciebat, apportabant. Scaliger aliter accepit: « πωρὴν more Graecorum, debitam mercedem: an quod noluit persolvere decimas quaestus sui, quas voverat Veneri? sed tunc melius legeretur: *avertere*, an quod melius est, mercedem a invenibus accipiebat, invenea ipsos excluderat? » Haec Scaliger; sed in poetae verbis vix ea latent. Scyllam de acorto avaro etiam Heraclitus de Incredib. cap. 2 exposuit.

85-88. Quam merito tali rumore infamem fuisse, recteque adeo illa de ea narrata esse, testatur Palaephatus, quod, septa meretrix multiplices iuvenum caterva, atque animo ferarum (h. fero ac saevo) iactata, agitata, mala dixerat, fraudes, mendacia: quo latratus, pro poena Scyllae mutatae attributus, respicere videtur. Ceterum, cum de lectione Palaephatis vis dubitari possit, apparere

Infamem tali merito rumore fuisse,  
 Docta Palaephata testatur voce papyrus.  
 Quidquid, et ut quisque est tali de clade locutus,  
 Omnia sint: potius liceat notescere Cirin;  
 Atque unam ex multis Scyllam non esse puellis.  
 Quare, quae, cantus meditantii mittere certos,  
 Magna mihi cupido tribuistis praemia, divae  
 Pierides: quarum castos altaria postes  
 Munere saepe meo inficiunt, foribusque hyacinthi  
 Deponunt flores, aut suave rubens narcissus,  
 Aut crocus alterna coniungens lilia caltha,  
 Sparsaque liminibus floret rosa: nunc age, divae,

videtur etiam hoc ex loco, nos verum Palaephatum non habere, et esse alterius auctoris libellum περί ἀπίστου, qui e nobis teritur; nam in hoc c. 21 diversa utique ratione, etsi satis inepta, de navi Tyrrhenorum piratica, fabula exponitur. Viderunt hoc iam Grotius et Scaliger. Nisi forte permutavit euctores poeta; nam is, qui nunc sub Heracliti nomine venit, περί ἀπίστου scriptor fabulam fere ad istum modum interpretatur. In eodem c. 14 occurrit simile quid de Sirenibus, quod sub Palaephati nomine profert Hieronymus Chron. Euseb. n. 843. Miror tamen, hominem notitum ad Palaephatum provocare, cum notior ei esse deberet Callimachi auctoritas Fragmenti. CXXXIV: is sive in Αἰτίαις, sive in Hecale (ut Toup. Cur. noviss. ad Suid. p. 80 putabat), Scyllam mulierem libidinosam ediderat: Σκύλλα, γυνὴ παρκαῖα, καὶ ἐν ψύλλοις οὖνον ἔχουσα. *Scylla, meretrix, nec falsum nomen habens.* Dixerat de eadem: παρρησίην ἔμελλε χρεῖν, h. e. τρέχει, v. ad pr.

89 aq. Verum cuiusque modi haec omnia sint, quicquid et ut quisque

de his narravit; equidem de ea Scylla agam, quae in Ciria mutata est: inclarescat illa meo carmine, nec sit una de multis, ignobilis. *Clades videtur ipsa perniciosissima puella esse: fundi nostri calamitas.*

92—100. *Quare — divae Pierides — nunc age, divae, meo praecipue adspirate labori nostro.* Is ordo sententiae: ideoque pravem interpolationem emendavi.

94, 95 De sacrificio Musis fieri solito agit: quarum castos postes altaria saepe inficiunt munere meo. Ara in templi aditu vel vestibulo stabat; ita, victimae sanguine, postes ac ianua templi adspersi poterant. Ita saltem ea, quae habemus, interpretanda sunt. Sine integra, etiam est quaestio. Videtur potius de corollis et sertis agi, quibus ornantur fores templi et parietes. Scaliger inficiunt edidit: idem refert: Κτισσύν. Durum hoc, meo sensu.

96, 97. Vestigia Virgiliane Musae: Ecl. III, 63, *suave rubens hyacinthus.* Ecl. II, 50, *Mollia luteola pingit vacinia caltha.*

Praecipue nostro nunc adspirate labori:  
 Atque novum aeterno praetextite honore volumen. 100  
 Sunt Pandionis vicinae sedibus urbes,  
 Actaeos inter collis et candida Thesei  
 Purpureis late ridentia litora conchis:  
 Quarum non ulli fama concedere digna  
 Stat Megara, Actaei quondam munita labore 105  
 Alcathoi, Phoebique; deus namque adfuit illi:  
 Vnde etiam, citharae voces imitatus acutas,  
 Saepe lapis recrepat Cyllenia munera pulsus,  
 Et veterem sonitu Phoebi testatur honorem.  
 Hanc urbem, ante alios qui tum florebat in armis, 110

101 sqq. Ornate. Inter alias Athenis  
 vicinas urbes fuit Megara. Pandio-  
 nem Athenarum regem fuisse notum  
 est. *litora candida* propter marmor  
 candidum; et *ridentia conchis*, accurate  
 ad naturam loci: nam, quod Scaliger  
 iam monuit ex Pausania lib. I, 44,  
 totus ille tractus agri Megarensis la-  
 pide conchite abundat, candido ad-  
 modum colore, cui plurimae insunt  
 conchae marinae.

105 sqq. Fabula Megarensium do-  
 mestica v. Pausan. I, 1, 42 pr., quam  
 iam Theognis attigit vs. 771, 772.  
 Alcathous Pelois f. Megaram, seu ve-  
 rius acropolin, Nisaeam, muris cin-  
 xisse ferebatur, Phoebæ operae con-  
 sorte: unde seu saxum aliquod, cui  
 Phoebæ cithara fuerat imposita (sic  
 Pausan. I. c. et Epigramma a Scaligero  
 laudatum, quod vide in Antholog. lib.  
 IV, p. 490, Steph. p. 351. nunc Ana-  
 lect. T. III, p. 192. Jacobs. T. III, p.  
 160.) seu turris erat, quae lapillo  
 percussa, in citharae tætae morem,  
 resonabat (Ovid. Met. VIII, 14 sqq.)  
 Alcathous *Actæus* h. l., quatenus Me-  
 garensis ager Atticae pars haberi po-

terat, et olim in Atheniensium ditione  
 fuisse erebatur; cf. Pausan. I, 39,  
 p. 94. f. 95. Nam aliqui e Pelopon-  
 neso advenerat Alcathous, Pelopia  
 quippe filius.

107. *imitatur saxum citharae sonum.*  
*Cyllenia munera*, lyram a deo Cyl-  
 lenio, Mercurio, inventam. Lapis  
 igitur pulsus, si percussus fuerit, *re-*  
*crepat* lyram, h. resonat, imitatur  
 sonum lyrae. *veterem Phoebi hono-*  
*rem*: videtur hoc eodem sensu dictum,  
 pro munere, invento, Apollinis, ci-  
 thara, cuius sonum saxum refert,  
 adeoque memoriam lyrae ei imposi-  
 tae servat.

110. *florebat absolute*: cum alias  
 adici solet, laude, virtute. Sic Cat-  
 tull. *florantem Iacolum absolute* di-  
 xerat, scilicet. annis, LXIII, 251, ob  
 sempiternam iuventutem. *remige*:  
 docte: nam cum classe advenerat Mi-  
 nos, cuius *Παλαεστρατίου* illustra-  
 vimus in Commentar. Soc. R. Gotting.  
 T. I, P. II, p. 71 sqq. — 112. Causa  
 belli Niso a Minos illati memoratur,  
 quod Polydus, qui Creta suffugerat,  
 a Minos armis repetebatur. v. V. L.

Fecerat infestam populator remige Minos :  
 Hospitio quod se Nisi Polyidos avito ,  
 Carpathium fugiens et flumina Caeratea ,  
 Texerat. Hunc bello repetens Gortinius heros  
 Attica Cretaea sternebat rura sagitta. 115  
 Sed neque tunc cives , neque tunc rex ipse veretur  
 Infesto ad muros volitantis agmine turmas  
 Ducere , et indomita virtute retundere mentis :  
 Responsum quoniam satis est meminisse deorum ,  
 Nam capite a summo regis , mirabile dictu , 120  
 Candida caesaries ; florebat tempora lauro ;  
 At roseus medio fulgebat vertice crinis :  
 Cuius quam servata diu natura fuisset ,  
 Tam patriam incolumem Nisi regnumque futurum ,  
 Concordes stabili firmarunt numine Parcae. 125  
 Ergo omnis caro residebat cura capillo ;  
 Aurea sollemni comtum quoque sibula ritu  
 Mopsopio tereti nectebat dente cicadae.  
 Nec vero haec vobis custodia vana fuisset ,  
 Nec fuerat : nisi Scylla novo concepta furore , 130  
 Scylla , patris miseri patriaeque inventa sepulcrum ,  
 O nimium cupidis si non inhiasset ocellis !  
 Sed malus ille puer , quem nec sua flectere mater

116 sq. Sed Megarenses et Nisus non cunctantur Minos occurrere et muros urbis defendere : quippe capillo purpureo (de quo v. ad pr. Ciris) confisi etc.

123. Cuius—natura, pro qui crinis. Barthius Advers. XXIII, 9 laudat ex Avien. Perieg. (v. 57) *pigra ponti So natura tenet*, b. pontus.

127, 128. Fibula aures nectebat cum crinem dente tereti cicadae. Erat scilicet fibula in cicadae formam facta ritu Attico. Nota nunc res, Athe-

nienses τερτυροποῦντας fuisse, habuisse cicadam auream crinium cincinnis innoxam. Post Scalig. et Taubmann. ad h. l. et Meurs. v. Perizon. ad Aelian. IV, 22. Sed princeps locus est Thucid. I, 6.

133. Non ignobilis de Amorâ potentia locus, etai a multis tractatus, et alienus forte ille ab h. l., cum ira Cupidinis nullum in sqq. locum habeat : quo tamen viam sibi posita struit ad ipsam narrationem a v. 139 sqq. Quae tamen inde sequuntur omnia

Iratum potuit, quem nec pater atque avus idem  
 Iupiter: Ille etiam Poenos domitare leones, 435  
 Et validas docuit vires mansuescere tigris;  
 Ille etiam divos, homines; sed dicere magnum est;  
 Idem dum tristes acuebat parvulus iras  
 Iunonis magnae: [cuius periuria divae  
 Olim se meminisse diu periura puellae 440  
 Non ulli liceat:] violaverat inscia sedem,

sunt foede corrupta et interpolata usque ad 463. Obscura quidem res est, sed Scyllam apparet religionem Iunonis violasse, cum inter luserum pilae cum aequalibus in loco sacro ulterius, quam fas erat, processisset. Ita evenisse, ut Minoem prospiceret eiusque amore capta insaniret. Nec vero apparet e poetae verbis: peccatumne fuerit in hoc, quod locum sacrum et arcana religionis imprudens adierit; an quod nudaverat corpus; qua quidem re Iunonem tantopere exarsisse quis non miretur; ferres, si Diana aut Minerva esset. Nostri poetae multa haberent, quibus haec probabiliter fingi possent. De ludis Iunonae, quales Paus. V, 16 memorat, institutis agi non videtur. Quid? quod nec Iunonis templum aut praecipua aliqua religio Megaris fuisse videtur. Certe Pausanias ne aedem quidem vel signum Iunonis in ea urbe memorat. Videtur aliquid de periurio puellae attingi, quo Iunonem laeserit. Sed locus tam stribliginosus est et interpolatus variis versificatorum lacinia, ut nihil habeam cui satis confidas. Expectabam cum Scaligero, ut studio ludenti provectam ad ipsa urbis moenia pervenisse diceret puellam poeta, unde illa cum prospiceret, Minois amore esset correpta. Sed in poetae verbis nihil, quod eo ducal,

video. Poterat a poeta causa irae Iunonis ex eo adstrui, quod Minos Iovis erat filius ex pellice. Nec illud satis dilocidat expositus poeta, quare et quatenus Amor Iunonis iras ac vindictae in amore puellae iniiciendo indulserit. Veneris impulsu Minoem a Scylla amatum esse prodiderant alii, quos Hygin. sequitur f. 198. Monili aurei inductam Scyllam Aeschylus: vid. sup. ad pr. Ciris.

434. *pater atque avus idem Iupiter*. De hoc v. docta disputatio Valkenarii ad Eurip. fragm. pag. 459. add. Musgravii ad Hippol. 539. Scilicet a diversis poetais Venus Iovis filio et eadem mater Amoris e Iove tradita fuerat; unde nunc lusus. Iungenda autem: *Sed mahus ille puer, — Idem tum vs. 438.*

Vs. 438. *Idem tristes*. Quantum ex loco salebroso assequi licet: puella religionem templi Iunonis violaverat, inter ludendum cum aequalibus pila in sacrarium temere emissa; quam cum repetitum ivisset, in templi penetrale irruperat. Vt puellam puniret, infausto amore eam a Cupidine inflammari curavit Iuno.

441. *Violata loci sanctitas esse videtur inter ipsa sacra facta, puella procurrens ante coetum matronarum et puellarum. sedem de templo et rapta accipe. sacris operata deae*

Dum sacris operata deae lascivit, et extra  
 Procedit longe matrum comitumque catervam,  
 Suspensam gaudens in corpore ludere vestem,  
 Et tumidos agitante sinus Aquilone relaxans: 145  
 Necdum etiam castos agitaverat ignis honores,  
 Necdum sollemni lymphæ perfusa sacerdos  
 Pallentis foliis caput exornarat olivæ:  
 Cum lapsa e manibus fugit pila, cumque relabsa  
 Procurrit virgo: quo utinam ne prodita ludo 150  
 Aurea tam gracili solvisset corpora palla!  
 Omnia, quæ retinere gradum, cursumque morari  
 Possent, o tecum vellem tua semper haberes!  
 Non unquam violata manu sacraria divæ,  
 Iurando infelix nequidquam iura piasses. 155  
 Et si quis nocuisse tibi periuria credat,  
 Causa pia est: timuit fratri te ostendere Iuno.  
 At levis ille deus, cui semper ad ulciscendum  
 Quaeritur ex omni verborum iniuria dicto,  
 Aurea fulgenti depromens tela pharetra, 160  
 Heu nimium tereti, nimium Tirythia visu,

*lascivit, sacris dum operatur, puella cum aequalibus ludit. — 144, 145. Veste igitur recincta, soluta, procurrit: ita ipso cursu auram movet vestis agitata.*

146, 147, 148. Obscura sententia, quam nec Scaliger habet quomodo expedit. Videamus verba: *honores ignis castos nondum agitaverat sacerdos, h. e. nondum flabello aura agitata ignem succenderat in ara; nec dum sollemni* — nec ea rite lota caput ex more sacrorum sertis et infulis velaverat: cum pila eius manu lapsa est. — 150. *prodita in fraudem iudicis, ut religionem violaret.* — 152. Obscura et hiulca tota hæc oratio.

Utinam veste impedita, retenta fuisset, quominus longius procederes! Sic nunquam violatae religionis potnam dedisses. Si modo ea per periurium declarari potest; periurii tamen proprie dicti nulla hic subest ratio. vid. Var. Lect.

159. *ex omni verborum dicto:* Est ex Scaligeri sententia dictum h. l., ut *ἀρεῶς*, res; sed potius ad iusiurandum voluit referre incertus homo, qui hos versus seu struxit seu interpolavit: *iniuria verborum*, offensio.

161, 162. Vid. Var. Lect. Ex toto loco electis quæ ab indoctis interpolatoribus illata suot, sana videntur habenda esse hæc vs. 129. *nisi Scyl-*

Virginis in tenera defixerat omnia mente.

Quae simul ac venis hausit sitientibus ignem,  
Et validum penitus concepit in ossa furorem :  
Saeva velut gelidis Ciconum Bistonis in oris, 165  
Ictave barbarico Cybeles antistita buxo,  
Infelix virgo tota bacchatur in urbe ;  
Non styrace Idaeo fragrantés picta capillos,  
Cognita non teneris pedibus Sicyonia servans,  
Non niveo retinens baccata monilia collo. 170  
Multum illi incerto trepidant vestigia cursu.  
Saepe redit patrios adscendere prodita muros ;  
Aeríasque facit caussam se visere turres.  
Saepe etiam trístis volvens in nocte querelas,  
Sedibus ex altis coeli speculatur amorem ; 175  
Castraque prospectat crebris lucentia flammis.  
Nulla colum novit : carum nec respicit aurum.  
Non arguta sonant tenui psalteria chorda ;  
Non Libyco molles plauduntur pectine telae.

*la, novo concepta furore, Minoi cupidis si non inhiasset ocellis ! Sed malus illa puer, quem nec sua flectere mater Iratum potuit, quem nec pater atque avus idem, Aurea fulgenti depromens tela pharetra Virginis in tenera defixerat omnia mente.*

163. Comparat Scaliger Catull. LXIII (Epithal. P.), 94 sq. auid. Apollon. III, 280 sq., et ad v. 165 Nicand. Alexipharm. 217 sqq. H. áts *νισσομένης* etc.

166. *Ictave*, h. tibia Phrygia audita stimulata et in furorem acta. Alias Gallos nominare solent poëtae: nunc una ex Maenadibus intelligenda, cf. Catull. LXII (de Atty), 22 sq.

167. Cf. Aen. IV, 300 sqq. de Dídōne, et VII, 376 sq. de Amata. Sed

sqq. adumbrata sunt ex Catullo XXIII, 63 sqq.

168. *Styrax*, frutex et succus seu gummi officinis adhuc nostris pharmacuticis frequens, *storax* vulgo dictus, ex Syria plerumque petebatur. Plla. XII, 17, 40. *Styracem* Idaeum h. Creticum, Plin. XII, 17, 40. Plinio parum probari lib. XII, 25, 55, iam a Scaligero notatum est.

179. *Libyco pectine*: citrino, vel lotino, ait Scaliger: nisi malis cum Taubonanno de eburneo accipere. Nam et ebur ex Libya, Julius Sabinus *Palladium* interpretatur, quia Minerva Tritonia a Libyae paluda Tritonide dicta: quod nimis subtile. — *plauduntur*, pulsantur *telae*. Proprie latus vel corpus textentis plau-

Nullus in ore rubor. Vbi enim rubor, obstat amor. 180  
 Atque ubi nulla malis reperit solatia tantis,  
 Tabidulamque videt labi per viscera mortem:  
 Quo vocat ire dolor, subigunt quo tendere fata,  
 Fertur; et horribili praeceps impellitur oestro:  
 Vt patris, ah demens, crinem de vertice ferret 185  
 Furtim, atque arguto detonsum mitteret hosti.  
 Namque haec conditio miserae proponitur una.  
 Sive illa ignorans: quis non bonus omnia malis  
 Credere, quam tanto scelere damnare puellam?  
 Heu tamen infelix (quid enim imprudentia prodest?) 190  
 Nise pater: cui, direpta crudeliter urbe,  
 Vix erit una super sedes in turribus altis,  
 Fessus ubi exstructo possis considerare nido.  
 Tu quoque, avis, morieris: dabit tibi filia poenas.  
 Gaudete, o celeres, subnixae nubibus altis, 195  
 Quae mare, quae virides silvas, lucosque sonantes  
 Incolitis; gaudete, vagae blandaeque volucres;  
 Vosque adeo, humani mutatae corporis artus,  
 Vos o crudeli fatorum lege, puellae  
 Dauliades, (crudele) venit carissima vobis 200  
 Cognatos augens reges numerumque suorum

ditur, pulsatur, ex statu et motu dum  
 pectus, radius, cum subitamine,  
 inter stamina inserit. Ita pulsatur cor-  
 pus subinde admotum rē istā aut  
 ei parti, cui tela detesta induitur;  
 dicta h. l. voce generali, *tela*; trans-  
 fertur nunc res ad hanc ipsam telam,  
 quae appulso corpore et ipsa pulsatur,  
 plauditur. Latus *plaudī* dictum simili  
 modo a Tibullo II, 4, 66, ubi vid.  
 Obs. et supra Exc. I, ad Aen. VII, 1.

180. Laudatum iam ab aliis tam-  
 quam ex Ovidio: *Non bene conu-  
 nigat pudor atque amor.* In n- stro

vereor ne nimium acumen statum  
 sil.

188. *Sive illa ignorans*, scil. hoc  
 facit, ut crinem Niso patri auferret,  
 cum nesciret fata regui in eo esse  
 posita.

195. Non mala inventa, quae se-  
 quuntur. Nam si Nisus Pandionis II  
 Athenarum regis fuit filius, Philo-  
 melam et Procnem, Pandionis filias,  
 quarum altera Tereo, Daulidis regi,  
 nupta fuit, ei cognatione coniunctas  
 fuisse necesse est. *Vos, o puellae  
 Dauliades, crudeli fatorum lege mu-  
 tatae (xard) artus e rporis humani.*



Ciris, et ipse pater; vos, o pulcerrima quondam  
Corpora, caeruleas praevertite in aethera nubes,  
Qua novus ad superum sedes Calcheius, et qua  
Candida concessos adscendat Ciris honores. 205

Iamque adeo dulci devinctus lumina somno  
Nisus erat; vigilumque procul custodia primis  
Excubias foribus studio iactabat inani:

Cum furtim tacito descendens Scylla cubili  
Auribus adrectis nocturna silentia tentat; 210

Et pressis tenuem singultibus aera captat.  
Tum suspensa levans digitis vestigia primis  
Egreditur; ferroque manus armata bidenti  
Evolat: at demtae subita in formidine vires.

Caeruleas sua furta prius testatur ad umbras. 215

Nam, qua se ad patrium tendebat semita limen,  
Vestibulo in thalami paulum remoratur; et altum  
Suspicit ad culti nutantia sidera mundi,  
Non adcepta piis promittens munera divis.

Quam simul Ogygii Phoenicis filia Carme 220

Surgere sensit anus (sonitum nam fecerat illi

Marmoreo aeratus stridens in limine cardo)

Conripit extemplo fessam languore puellam:

Et simul, o nobis sacrum caput, inquit, alumna!

Non tibi nequidquam viridis per viscera pallor 225

202. Vos, Philomela et Proene in  
aves mutatae, advolate, in occursum  
(*praevertite nubes in aethere*), qua no-  
vus haliaetus (ut pro Calcheius le-  
gendum) et ciris in aves et ipsi mu-  
tati evolabunt.

206 sqq. Qui sequitur locus magis  
poeta dignus videri potest.

208. studio iactabat inani, excubias  
agebat: sed respectu Scyllae, quae eam  
tefellit.

212. Ovid. Fast. I, 425: *Surgit a-  
mans, animamque tenens vestigia fur-  
tim Suspensa digitis fert tacitum in gradu.*  
Mox ferrum bident. int. sordecent.

220. De Carme et Britomarti vid.  
Eacurs. ad h. l.

223. Corripit Carme eam, ut su-  
stineat lapsuram. Ceterum comparari  
cum sqq. potest Ovidii Ioneus de Myr-  
tha eiusque matris Met. X, 382 sqq.  
— 225. viridis pallor ex χλωρός pro

Aegrotas tenui suffudit sanguine venas;  
 Nec levis, hoc faceres (neque enim pote), cura subegit:  
 Haud fallor, quod te potius Rhamnusia fallit.  
 Nam qua te caussa nec dulcis pocula Bacchi,  
 Nec gravidos Cereris dicam contingere fetus? 230  
 Qua caussa ad patrium solam vigilare cubile,  
 Tempore quo fessas mortalia pectora curas,  
 Quo rapidos etiam requiescunt flumina cursus?  
 Dic age nunc miserae saltem, quod saepe petenti  
 Iurabas nihil esse mihi, cum maesta parentis 235  
 Formosos circum virgo morerere capillos?  
 Hei mihi, ne furor ille tuos invaserit artus,  
 Ille, Arabis Myrrhae quondam qui cepit ocellos,  
 Ut scelere infando, quod nec sinit Adrastia,  
 Laedere utrumque uno studeas errore parentem. 240  
 Quod si alio quovis animo iactaris amore:  
 Nam te iactari, non est Amathusia nostri  
 Tam rudis, ut nullo possim cognoscere signo;  
 Si concessus amor noto te macerat igne:  
 Per tibi Dictynnae praesentia numina iuro, 245

*ἄχρης*, nota res est. — 228. quamquam  
 utinam fallar, o Nemesis! De verbis  
 v. V. L. — 230. *gravidos Cereris fe-  
 nus*. Scaliger *γυνήs*, secundos vel  
 fetificos, interpretatur. Ge. II, 143  
*gravidae fruges* et Ge. I, 319 *gravidae  
 reges*, ubi ad succum nutritium retuli.  
 — 233. *requiescunt*, transitive, ut ob-  
 vium est videre, pro retardare: uti  
 iam Eclog. VIII, 4 vidimus.

239. De Myrrha nota fabula ex Ov.  
 Met. X. *Arabis* ea dicta, etsi Cinyrae  
 Paphiorum in Cypro regis filia fuerit,  
 atque omnino narratio ex Cypridis fa-  
 bulis ducta. Sed fuga delata est Myr-  
 rha in Arabiam ibique in arborem  
 mutata, ut ipse Ovid. X, 477, *latoque*

*vagata per agros, Palmiferos Arabas  
 Panchaeaqua rura relinquit — tandem  
 terra requievit fessa Sabaea*. — 240.  
*utrumque parentem*, sc. Myrrhae. Ar-  
 guitur Scaliger, qui Nisum et nu-  
 tricem Carmen intelligere iubet. Vi-  
 detur autem Carme suspicari, Ciriam  
 patris amore incesto exaruisse.

241. Procedit sententia ad vs. 249.  
*Quod si alio quovis animo iactaris  
 amore; nam te amore aliquo iactari  
 bene intelligo; Si, loquam, concessus  
 amor noto te macerat igne: sequitur  
 apodosis: Per tibi D.*

245. Dictynnam nunc de ipsa Diana  
 poeta videtur accipere, conf. Eac. ad  
 v. 220 f.

Prima deum quae te mihi dulcem donat alumnæ,  
Omnia me potius digna atque indigna laborum  
Millia visuram, quam te tam tristibus istis  
Sordibus et scoria patiar tabescere tali.

Haec loquitur: mollique ut se velavit amictu, 250  
Frigidulam iniecta circumdat veste puellam,  
Quae prius in tenui steterat succincta corona  
Dulcia deinde genis rorantibus oscula fige.  
Persequitur miserae causas exquirere tabis;  
Nec tamen ante ulla patitur sibi reddere vocem, 255  
Marmoreum tremebunda pedem quam retulit intra.  
Illa autem, Quid nunc me, inquit, nutricula, torques?  
Quid tantum properas nostros novisse furores?  
Non ego consueto mortalibus uror amore?  
Nec mihi notorum deflectunt lumina voltus, 260  
Nec genitor cordi est: ultro namque odimus omnis.  
Nil amat hic animus, nutrix; quod oportet amari,  
In quo falsa tamen lateat pietatis imago:  
Sed media ex acie, mediis ex hostibus. Heu heu  
Quid dicam? quove ipse malum hoc exordiar ore? 265  
Dicam equidem: quoniam quid tu tibi dicere, nutrix  
Non sinis; extremum hoc munus morientis habeo.  
Ille, vides, nostris qui moenibus adsidet hostis  
Quem pater ipse deum scepri donavit honore.

250. Vtque ipsa, scil. Carme, amicta erat molli veste. Nota forma dicendi, pro quoniam, quandoquidem.

256. interrogat eam simulque intra cubiculum reducit: cf. 222-224.

260. notorum *vultus*, non noti, amici, *deflectunt lumina*. Alit se non amicorum amore tangi, sed, quod vix credibile, hostium, ut Scaliger bene explicat. *Deflectunt lumina*, oculos nostros, ea, quae admiramur aut quorum amore et cupiditate incendimur,

ut ab intuitu male nobis pereremus atque eadem discredentes respiciamus. Mox *ultro* significatione accipiunt illa, qua pro ultra, insuper, positum habetur; immo vero, multo magis, ut Aeneid. XII, 3 et toties.

363. In quo f. puta, si patrem amaret: in quo lateat, etiam falsa, imago tamen pietatis: h. e. amoris in consanguineos, qui praetexti possit.

269. Quem pater ipse deum scepri donavit honore; vel quatenus omnes

Cui *Parcae* tribuere nec ullo vulnere laedi : 270  
 Dicendum est, frustra circumvehor omnia verbis,  
 Ille mea; ille idem oppugnat praecordia Minos.  
 Quod te per divum crebros obtestor amores,  
 Perque tuum memoris haustum mihi pectus alumnae,  
 Vt me, si servare potes, ne perdere malis. 275  
 Sin autem optatae spes est incisa salutis:  
 Ne minus quam merui, inideas, nutricula, mortem.  
 Nam nisi te nobis malus, o malus, optima Carme,  
 Ante hunc conspectum casusve deusve tulisset:  
 Aut ferro hoc (aperit ferrum quod veste latebat) 280  
 Purpureum patris demissem vertice crinem,  
 Aut mihi praesenti peperissem vulnere letum.  
 Vix haec ediderat, cum clade exterrita tristi  
 Intensos multo deturpat pulvere crinis,  
 Et graviter questu Carme conplorat anili : 285  
 O mihi nunc iterum crudelis reddite Minos,  
 O iterum nostrae Minos inimico senectae,  
 Semper et, aut olim nata, o te propter eundem,

reges *Διογενεῖς* sunt, a Iove regnum habent, vel quod Minos a Iove genus ducit. Sed alterum 270 Cui *Parcae* tribuere nec ullo vulnere laedi, obscurum est; obulam reconditam continere videri potest. Minoem tamen vulgo ratum quissimam, non aliunde constat. Sed expeditur locus, si cogites te in auctore versari, qui a proprietate verborum saepe recedit. Haud dubie immortalis fore Minoem, inter deos aliquando recipiendum heroum, declarare vult. Alia huius loci partibus non deest elegantia sua.

275. Laudarunt viri docti ad h. l. illud ex Medea Ovidii: *Servare potius perdere an possim, rogas?* ex hocque versu Ciris auctorem profectissimè cre-

diderunt. Antiquiorem auctoritatem Aristophanis *Nub.* 4179, Νῦν εἴν' ἐνός εἴσεπ' μ', ἐντὶ κρηίδεσσιν commemorat Burmann. Sec. ad Anthol. T. I, p. 449; verum nec ex hoc nec ex illo versum hunc fluxisse arbitror. Est sententia, quas se sponte ingenio potius in tali rerum articulo offerre debuit.

280. *aperit ferrum quod veste latebat.* Aen. VI, 406, *aperit ramum qui veste latebat.*

286 sup. Respicit fata filiae Britomartis, cuius amore Minos exarserat, quem illa fugiens a Dictynnaeo promontorio in mare se praecipitare maluerat. vid. Exc. ad v. 220, 228. Et semper propter te eundem aut olim

Aut amor insanæ luctum portavit alumnae.  
 Tene ego tam longæ captæ atque avectæ nequivi, 290  
 Tam grave servitium, tam dueros passa labores,  
 Effugere, ut sistam exitium crudele meorum?  
 Iam iam nec nobis ea, quæ senioribus, ullum  
 Copia vivendi vitæ genus. Vt quid ego amens  
 Te erepta, o Britomarti, meæ spes una salutis, 295  
 Te, Britomarti, diem potui producere vitæ?  
 Atque utinam celeri ne tantum grata Dianæ  
 Venatus esses virgo sectata virorum.  
 Cnossia neu Partho contendens spicula cornu  
 Dictæas ageres ad gramina nota capellas: 300  
 Nunquam, tam obnixe fugiens Minois amores,  
 Præceps æreis specula de montibus isses:  
 Vnde alij fugisse ferunt, et numina Aphræ  
 Virginis adsignant: alij, quo notior esses,  
 Dictynnam dixere tuo de nomine Lunam. 305  
 Sint hæc vera velim: mihi certe, gnata, peristi.  
 Nunquam ego te summo volitantem in vertice montis  
 Hyrcanos inter comites agmenque ferarum  
 Conspiciam, nec te redeuntem amplexa tenebo.  
 Verum hæc tum nobis gravia atque indigna fuere, 310

nota, Britomartis (te fugiendo), aut  
 (nunc) amor alumnae Scyllæ luctum  
 mihi attulit.

290. *capta atque tam longæ avectæ.*  
 Ex Creta igitur Carina captiva ab-  
 ducta Megara pervenisse putanda.  
 Nec tamen hic Minocem se effugisse  
 vidat. — 293, 294. Iam nec in senio  
 quidem mihi vita tolerabilia relin-  
 quitur! Sed verba sunt scabra.

297. Britomartis venatrix a Minoe  
 conspecta, et, ut eius insidias fugeret,  
 præceps in mare delata cf. Var. Lect.  
 et Exc. ad v. 220, ubi et de vs. 303

atq. in quibus illa nomina *Aphræ*  
*nymphæ* et *Dictynnae* accepisse nar-  
 ratur.

305. Alii Lunam tuo de nomine  
 Dictynnam appellavere: id quod posui  
 tacite, Dictynnae nomen Britomarti  
 fuisse inditum. At illa fuit Dictynna  
 dicta a Dianæ nomine; quæ h. l.  
 eadem cum Luna esse editus, Diver-  
 sitas utique narrationis in hoc fuit,  
 quod alij Dictynnam interpretabantur  
 Dianam, alij Dianæ nympham. conf.  
 sup. ad v. 223,

310. *indigna, intolerabilis, ut sæpe*

Tum, mea alumna, tui cum spes integra maneret;  
 Et vox ista meas nondum violaverat aures.  
 Tene etiam Fortuna mihi crudelis ademit?  
 Tene, o sola meae vivendi caussa senectae?  
 Saepe tuo dulci nequidquam capta sopore, 315  
 Cum premeret natura, mori me velle negavi,  
 Vt tibi Corycio glomerarem flammea luto.  
 Quo nunc me (infelix) aut quae me numina servant?  
 An nescis, qua lege patris de vertice summo  
 Edita candentis praetexat purpura canos? 320  
 Quae tenui patriae spes sit suspensa capillo?  
 Si nescis, aliquam possum sperare salutem:  
 Inscia quandoquidem scelus es conata nefandum.  
 Sin est, quod metuo: per me, mea alumna, tuumque  
 Expertum multis miserae mihi rebus amorem, 325  
 Per me, et sacra precor per flumina Ilithyiae,  
 Ne tantum in facinus tam molli mente sequaris.  
 Non ego te incepto, fieri quod non pote, conor  
 Flectere, amore, neque est cum dis contendere nostrum:  
 Sed patris incolumi potius te nubere regno, 330  
 Atque aliquos tamen esse velis tibi, alumna, Penates.  
 Hoc unum, exitio docta atque experta, monebo.

alias. Evenerunt haec acerba filiae  
 fila tum, cum te alumnam haberem.  
 — *fuere*, evenerunt. Sed oratio sca-  
 bra et vix sana. vid. V. L. Mox 312  
*vox ista* de amore Nisi, et 314 *vi-*  
*vendi caussa meae senectae*, mihi seni.

315—317. Saepe Scylla infante lu-  
 sinu dormiente, cum ipsa dolore ani-  
 mi vieta vita se privare vellet, mor-  
 tem distulisse se ait, ut antea viro  
 nuptam eam videret. *capta*, delectata:  
 an, et ipsa ad somnum invitata, sed  
 nequicquam? *cum premeret natura*,  
 senectus moleste gravaret. De *flam-*  
*meo*, veste seu velo ac tegmine, quo

novae nuptae nubebantur, eoque flavi  
 coloris, nota sunt omnia. *luto*, her-  
 ba, cuius succo inficiuntur vestes. v.  
 ad Tibull. I, 8, 52. *Corycium*, a Co-  
 ryco Ciliciae monte, eroco, cui si-  
 milia luteus color est, celebrato. Sed  
*glomerare* mire dictum est pro texere:  
 proprie est colligere fila, quae pro  
 stamine texturae sint.

318. *infelix!* dixi *μικρον*, ut Scaliger  
 monuit, sine regimine! *δυστυχον*.  
 Quae numina, et quo, nunc me ser-  
 vant? Mox 320 *Edita*, nata, et 325  
*Expertum* passivè.

Quod si non alia poteris ratione parentem  
 Flectere : (sed poteris ; quid enim non unica possis ?)  
 Tunc potius tamen ipsa , pio cum iure licebit , 335  
 Cum facti caussam tempusque doloris habebis ,  
 Tunc potius conata tua atque incepta referto.  
 Meque , deosque tibi comites , mea alumna , futuros  
 Polliceor : nihil est , quod texas ordine , longum.  
 His ubi sollicitos animi relevaverat aestus 340  
 Vocibus , et blanda pectus spe vicerat aegrum :  
 Paullatim tremebunda genis obducere vestem  
 Virginis , et placidam tenebris captare quietem ,  
 Inverso bibulum restinguens lumen olivo ,  
 Incipit , ad crebros insani pectoris ictus 345  
 Ferre manum , adsiduis mulcens praecordia palmis.  
 Noctem illam sic maesta super morientis alumnae  
 Frigidulos cubito subnixa pependit ocellos.  
 Postera lux ubi laeta diem mortalibus alnum ,  
 Et gelido veniens mani quatiebat ob Oeta ; 350  
 Quem pavidae alternis fugitant optantque puellae :  
 Hesperium vitant , optant ardescere Solem :  
 Praeceptis paret virgo nutricis , et omnis  
 Undique conquirat nubendi sedula caussas.  
 Tentantur patriae submissis vocibus aures , 355  
 Laudanturque bonae pacis bona ; multus ineptae  
 Virginis insolito sermo novus errat in ore.

334. *quid enim non unica possis?*  
 cum unica sis filia. — 335. *pio cum*  
*iure licebit*, si parens negaverit nuptias  
 cum Minoe ineundas. *tempus doloris*,  
 cum tempus dolendi habebis iustum,  
 adeoque erit, quod doleas, negatis a  
 patre nuptiis. *referto*: iterum consi-  
 lium hoc extremum resecandi capilli  
 patrii revoca, repete. — 338. *Meque*  
*etque*, Comparat Scaliger Graeca:

ὡς ἀπεὶ οὖν θεοῖς συλλυγόμενης σε ,  
 αὐτῷ πατρί. — 339. *nihil est*: non res  
 est, quae non nisi longo tempore et  
 inulto apparatu perfici possit: sed res  
 est brevi tempore expedienda. Verum  
 recte Iul. Sabinus in sententiam mu-  
 tavit: nihil est longum, quod ipsa  
 natura ordine texuit; et sic nunc in-  
 terponxi.

Nunc tremere instantis belli certamina diem,  
 Communemque timere deum; nunc regis amicos;  
 (Namque ipso verita est orbari maesta parente) 360  
 Cum Iove communis qui quondam habuere nepotes;  
 Nunc etiam conficta dolo mendacia turpi  
 Invenit, et divum terret formidine civis;  
 Nunc alia ex aliis, nec desunt, omnia quaerit.  
 Quin etiam castos ausa est conrumpere vates: 365  
 Vt, cum caesa pio cecidisset victima ferro,  
 Essent, qui generum Minoa auctoribus extis  
 Iungere, et ancipites suaderent tollere pugnas.

At nutrix patula componens sulfura testa,  
 Narcissum, casiamque, herbas incendit olentis; 370  
 Terque novena ligat triplici diversa colore  
 Fila; ter in gremium mecum, inquit, despue virgo,  
 Despue ter, virgo: numero deus inpare gaudet.  
 Inde Iovi geminat magno Stygialia sacra,  
 Sacra nec Idaeis senibus, nec cognita Graiis; 375  
 Pergit, Amyclaeo spargens altaria thallo,

349—351. Descriptio orientis diei;  
 quae an cum ludicio ornata sit, vid.  
 Var. Lect. Solem quater lumina dis-  
 cerat auctor Culicis v. 42. Paulo ante  
*frigidulos oculos* ex Catullo mutuatus  
 est LXIII, 431.

359. *Communem deum*: belli for-  
 tunam. Alias dicimus Martem com-  
 munem. Laudet Taubm. illud Annib-  
 alis Liv. XXX, 30, *Cum tuas vires,*  
*tum vim fortunae Martemque belli*  
*communem propone animo.* Sed et inf.  
 in Catalect. XI, 50 *Communem belli*  
*nec simulas deum.* Conf. Burn. An-  
 tholog. Lat. Tom. I, p. 299. De toto  
 loco corrupto v. V. L.

369 sqq. Locus, qui sequitur de  
 magicis sacris, ab usu factis, antiquis  
 acceptis et saevior, quam nobis esse

debet; nec male tamen a postea est  
 tractatus, etsi aliorum poetarum exem-  
 plo, nec forte satis accommodata ad  
 h. l., cum ea non ad amorem instil-  
 landum, sed ad Nisi parentis animum  
 sectendum et, ut filiae cum hoste  
 Minoae nuptias probaret, impellendum  
 valere debeant. Vs. 370. *Narcissum,*  
*casiamque, herbas incendit olentes;*  
 compositum ad illum Ecl. II, 11: *Allia*  
*serpillumque herbas contundit olentes.*  
 Vs. 371. *Terque novena ligat triplici*  
*diversa colore Fila.* Novem fila tripli-  
 cis coloris nectit ter, seu nodo facto,  
 seu inter sa implicita. Sumtum ex  
 Ecl. VIII, 73: *Terna tibi haec primum*  
*triplici diversa colore Licia circumda.*  
 Inde etiam vs. sq. repetit, *numera*  
*deus inpare gaudet.* Tum 376, 377



Regis Iolciacis animum defigere votis.

Verum, ubi nulla movet stabilem fallacia Nisum,

Nec possunt homines, nec possunt flectere divi:

Tanta est in parvo fiducia crine cavendi: 386

Rursus ad inceptum sociam se adiungit alumnae,

Purpureumque parat rursus tondere capillum,

Cum longo quod iam captat succurrere amor:

Non minus illa tamen revehi, quod moenia crescant,

Gaudeat: et cineri patria est iucunda sepulto. 395

Ergo metu capiti Scylla est inimica paterno.

Tum coma Sidonio florens succiditur ostro.

Tum capitur Megara, et divum responsa probantur.

Tum suspensa novo ritu de navibus altis,

Per mare caeruleum trahitur Niseia virgo. 390

*Amyclaeus thallus*, θαλλός, ramus, termes olivae esse videri potest, quo aram aqua adpersit. nam Aen. VI, 230 in illustratione: *Spargens rore levi et ramo felicitis olivae*. Itaque olivarum proventum in Laconica fuisse ex h. l. patet, quod Scaliger partim ex studio palaestrae, partim ex Statio, qui *Eurotam oliviferam* appellavit, firmari posse putabat. Verum palaestrae studium non statim olivae culturam infert; et in Statio lectio est ambigua: Theb. IV, 227; nam alii *oliferum Eurotam* habent, quod verius esse arbitror; nam idem Eurotas arundinosus, θάλασσιος, Theogn. 783, quales amnes amant olivae; tum *olivifer* ad idem palaestrae studium inter Laconas referendum erat. Nec vero ad haec confugere necesse erit. De myrto accipiendum esse thallum Amyclaeum, ex carmine Catulli patet, quod toties expressum in Ciri. Nam v. 89, *Quales Eurotas progignunt littora myrtus*.

Alioqui lauros ad Eurotam memoravit ipse Maro Ecl. VI, 83. *Ioleina vota*, sunt devotiones Thessalicae.

383, 384, 385. Sententia esse debet: partim ut alumnae amor succurrat, partim quod in patriam sic se redituram et aeternam tumulo in solo patrio habituram esse videt.

387 sqq. Potiora narrationis capite tantum verbo attingit: vid. ad pr. corm.

389. Mira Minois crudelitas, quod puellam navi elligit; cf. v. 416, 417; non adiciatur, an in penes, ubi parastemon erat: in quo forte fabulas potest origo ac causa latere: cum puella afflicta esset, quae suspensa per mare trahi videri posset; Tactae ad Lycophr. 648 *κρηνηνδεα της ηρακλεις της ιαλειου νηος* etc. In diversa abt Apollodor. III, 14, 8 *Minos εν χερει της κρηνης των νηων ενδεδυκας, υποβρυχειον ειναιον*. Etiam alios fabulam sic exponere, notavit Scaliger. Propert. III, 17, 26, *Pendit Co-*

Conplures illam Nymphae mirantur in undis;  
 Miratur pater Oceanus, et candida Tethys,  
 Et cupidas secum rapiens Galatea sorores;  
 Illa etiam, iunctis magnum quae piscibus aequor  
 Et glauco bipedum curru metitur equorum, 395  
 Leucothee, parvusque dea cum matre Palaemon.  
 Illi etiam, alternas sortiti vivere luces,  
 Cara Iovis soboles, magnum Iovis incrementum,  
 Tyndaridae niveos mirantur virginis artus.  
 Has adeo voces, atque haec lamenta per auras 400  
 Fluctibus in mediis questuolvebat inani,  
 Ad coelum infelix ardentia lumina tollens,  
 Lumina: nam teneras arcebant vincula palmas.  
 Supprime o paullum turbati flamina venti,  
 Dum queror; et divos, quamquam nil testibus illis 405  
 Profeci, extrema moriens tamen adloquor hora.  
 Vos ego, vos adeo, venti, testabor, et aerae,  
 Vos, matutina si qui de gente venitis,  
 Cernitis: Illa ego sum cognato sanguine vobis  
 Scylla; quod, ah, salva liceat te dicere Procne; 410  
 Illa ego sum Nisi pollentis filia quondam:

*tata tracta puella rate:* ubi cf. Inapp. Potuit et hoc subesse poetae, qui primus finxit, animo, quod Scylla ob tantum facinus digna erat, cui tellus pontusque negetur, ut verbis Nasonis utar. Alii poetae fabulam aliter tractavere: Navi eiectam in mare a Minoë, ad Scyllaeum Argolidis promontorium delatam mortuam acciperat Pausan. II, 34, pag. 492. At dolore furem, cum se a Minoë relinqui videret, in mare se praecipitasse, et puppi abruptis navis inhaesisse narrat Ovid. Met. VIII, 442 sq., ubi similes querelas Scyllae comparent studiosi cum loco, qui sequitur,

non male elaborato a poeta: et in quo ille cum Catullo LXIII, 130 sqq. certasse videtur.

391. *Conplures illam Nymphae mirantur.* Frequentatum poetae phantasma: ut in Argonautarum historia. Proxima tamen Catullum respexisse videtur LXIII, 14, 15. In vs. 394, 395, 396 disertus locus de Ino et Melicerta.

404-458. Lamenta haec Scyllae non sunt a poeta tenuioris ingenii profecta; desiderata modo severius iudicium in dilectu rerum et sententiarum.

Certatim ex omni petiit quam Graecia regno,  
 Qua curvus terras amplectitur Hellespontus;  
 Illa ego sum, Minos, sacrato foedere coniunx  
 Dicta tibi: tamen haec, et si non adcipis, audis. 413  
 Vincane tam magni tranabo gurgitis undas?  
 Vincita tot assiduas pendebo ex ordine lucas?  
 Non equidem me alio possum contendere dignam  
 Supplicio: quod sic patriam carosque Penates  
 Hostibus inmitique addixi ignara tyranno. 420  
 Verum esto. Haec, Minos, illos scelerata putavi,  
 Si nostra ante aliquis nudasset foedera casus,  
 Facturos, quorum direptis moenibus urbis,  
 O ego crudelis, flamma delubra petivi:  
 Te vero victore, prius vel sidera cursus 425  
 Mutatura suos, quam te mihi talia captae  
 Facturum metui. Iam iam scelus omnia vincit.  
 Ten' ego plus patrio dilexi perdita regno?  
 Ten' ego? nec mirum, vultu decepta puella  
 Vt vidi, ut perii! ut me malus abstulit error! 430  
 Non equidem ex isto speravi corpore posse  
 Tale malum nasci: forma, vel sidere fallor.  
 Non me deliciis commovit regia dives,

414, 415. *Illu ego sum, Minos, sacrato foedere coniunx Dicta tibi.* Aut exciderunt multa, aut non satis praestruit narrationem poeta. Intelligendum scilicet est, dato capillo Scyllam fidem a Minoë matrimonii iungendi accepisse. Ad pactionem eandem sunt *foedera* referenda vs. 422. Ceterum cum his Scyllae querelis cf. eas, quas Ovid. Met. VIII, 408 sqq. eius ore profert, ut intelligas, in hoc ingenii lusum, in nostro poeta doloris acerbiteriam ex naturae veritate.

418. Non equidem aliud quid me-

rui quam tale supplicium—421. *illos s. ... facturos, quorum:* Megarenses, si rescivissent proditiōis consilia! Mox 431 *speravi* pro *metui*, putavi, ut saepe: conf. Aen. I, 543. IV, 419 non in animum venit, tantum scelus a viro tam formoso proficisci posse; forma ego misera decepta sum.

433. *Non me commovit:* ut absterer a prodenda patria. Loquitur enim de Nisi patriae regia, et de bonis, quibus illa adhuc usa erat. — 435. *aequali corpore, aetate, aequalis,* ἐμῆ- ληξας κόρου, ut Scaliger illustrat.

Coralio fragili, ac electro lacrimoso;  
 Me non florentes aequali corpore Nymphae; 433  
 Non metus incensam potuit retinere deorum.  
 Omnia vicit amor: quid enim non vinceret ille?  
 Non mihi iam pingui sudabunt tempora myrrha,  
 Pronuba nec castos adcendet pinus odores,  
 Nec Libys Assyrio sternetur lectulus ostro. 440  
 Magna queror; nec et illa quidem communis alumna  
 Omnibus iniecta tellus tumulabit arena.  
 Mene inter comites, ancillarumque catervas  
 Mene alias inter, famularum munere fungi,  
 Coniugis atque tuae, quaecumque erit illa, beatæ 445  
 Non licuit gravidos penso devolvere fusos?  
 At belli saltem captivam lege necasses.  
 Iam fessae tandem fugiunt de corpore vires,  
 Et caput inflexa lentum cervice recumbit;  
 Marmorea adductisque labascunt brachia nodis. 450  
 Aequeoreae pestes, inmania corpora Ponti,  
 Undique conveniunt, et glauco in gurgite circum  
 Verbere caudarum atque oris minitantur hiatu.  
 Iam tandem casus hominum, iam respice, Minos.  
 Sit satis hoc, tantum solam vidisse malorum: 455

438-440. Ad nuptiarum sollemnia referendum, quibus se nunc privatum conqueritur; sponsa perungitur: tædæ lucent: purpureus torus sternitur: h. e. vestis purpurea in cirrino lecto. Nam *Libys*, Libycus, latus, ut *Libyæum pecten* sup. 179, eburneum vel lotinum vel citreum. Ante oculos autem habuit poeta Catull. LXIII, 43, 48, 49.

442. Comparat Scaliger Catull. Epithal. Thetid. 153 *neque intacta tumulabor mortua terra*: et cum sqq. vs. ibidem versus 158 sqq. Scilicet cum se etiam tumulo privari dilataret, ad-

dit Scylla debuisse saltem tamquam captivam in Cretam abduci et in servitio coniugis Minois haberi. Mene non licuit famularum munere fungi? et fusos penso gravidos coniugis tue devolvere? Imago servitutis poetis frequentata: et Catullo eodem loco in Ariadnes querelis 160 sqq. cf. Mitsch. Lectiones in Catull. pag. 107.

455. Sit satis me unam omnium puellarum tantam miseriam experiri, h. nonquam aliam esse expertam maiores mala. 458. Non vulgarem magni ac generalis amoris a-nimum reddibet hic versus: iniuriæ culpam,

Vel fato fuerit nobis haec debita pestis,  
Vel casu incepto, merita vel denique culpa.  
Omnia nam potius, quam te laesisse, putabo.

Labitar interea revoluta ab littore classis,  
Magna repentino sinuantur lintea Coro, 400  
Flectitur in viridi remus sale, languida fessae  
Virginis in cursu moritur querimonia longo.  
Deserit angustis inclusum faucibus Isthmon,  
Cypselidae magni florentia regna Corinthi;  
Praeterit abruptas Scironis protinus arcis, 405  
Infestumque suis dirae testudinis exit  
Spelaëum, multoque eruentas hospite cautes.  
Iamque adeo tutum longe Piraea cernit,  
Et notas secum, heu frustra, respectat Athenas.  
Iam procul e fluctu Minoia respicit arva, 410  
Florentisque videt iam Cycladas, hinc Strophadasque;  
Hinc sinus, hinc statio contra patet Hermionea.

et si tam indigna ab amante habita,  
tamen deprecatur et ab eo in quod-  
vis aliud transfert: putabo omnia potius  
laesisse me, causam, cur infella  
sim, fuisse, quam te laesisse me, h.  
tua fraude ac scelere hoc factum.  
Aliter Ariadne Catulli LXIII, 188  
sq., quae diras Theseo imprecatur.  
Mox v. 462 elegans descriptio vocis  
deficientis cum viribus.

463. Navigationis narratio laude  
sua non caret. Ex sinu Megarico in-  
ter Euxor, Minoam et Nisaeam, in  
altum erectus a dextra Isthmum et  
Corinthum, quin nomen ex Cypseli  
stirpe trahat, et propiore loco Sci-  
ronides petras habet, subter quibus  
specus est, quem testudo inhabitabat,  
devorans hospites a Scirona in mare  
proiectos; est ea Testudo *infesta suis*,  
Megarensibus; nam Scylla i-quitur.  
Vltimus proventus Athenas praeterit,

tum, sinu Saronico relicto cursum  
tenet in medio Cycladum versus Gre-  
tam. Similes navigationes locorumque  
enumerationes sunt imprimis in Ovi-  
dii Metamorph. et Statii Achilli. Il  
pr. 469 secum respectat, h. respi-  
ciendo apud animum suum cogitat.  
Barthius iam comparavit ex Georg. I,  
389 de cornice: et sola in aëre secum  
spatiatur arva; et ex Claudiano  
Epith. Pall. 47, quid medio tecum mo-  
dularis in aëre? Scaliger notas secum  
per archaismum dictum volebat pro  
sibi. Elegans autem v. respectat, ut  
et sibi respicere, aspernari, ut Georg.  
III, 228. De reliquis vid. Var. Lect.  
474. *Florentes Cycladas*, propter sil-  
vas longe conspicuas navigantibus.  
Sic Ovidius inter Cycladas *florantem*  
Cythraem Met. VII, 464, et noster  
p. 414 paullo post *viridem Donauum*  
dicit; quod etiam Aen. III, 126 me-

Linquntur ante alias longe gratissima Delos  
 Nereidum matri et Neptuno Aegaeo.  
 Prospicit incinctam spumanti litore Cythnon, 475  
 Marmoreamque Paron, viridemque adlapsa Donusam,  
 Aeginamque simul, sementiferamque Seriphum.  
 Fertur, et incertis iactatur ad omnia ventis:  
 Cymba velut, magnas sequitur cum parvula classis,  
 Afer et hiberno bacchatur in aequore turbo. 480  
 Donec tale decus formae vexavit, et aegros  
 Non tulit, et miseros mutavit virginis artus,  
 Caeruleo pollens coniunx Neptunia regno.  
 Sed tamen externam squamis vestire puellam,  
 Infidosque inter teneram committere piscis 485

moraverat, et si ibi Serv. ad marmorem vicide respiciat. 476. *Marmoream Paron*, a marmorum fodinis, etiam Ovidius dixit Met. VII, 465, loco, quo eum ante oculos habuisse h. l. suspicor. *viridem Donusam*, iam Aen. III, 125 vidimus. Interce laboris huius laedium levare liceat alie observatione. In loco Aen. III, 125 Aeneas a Delo evectus iter faciens per Cyclades relinquit Naxum, Donusam, Olearon etc. Huc loco prospicit Scylla Cythnum, Paron, Donusam. Situs adeo huius insulae ex his ipsis aliquo ratione aestimari potest; quandoquidem accuratio ratio non suppetit. Corruptelam itaque in Stephano Byz. in *Δονεωρία* (quam antiquem satis esse Eustathii alter illa locus ad Perieg. 530 declarat) etiam haec arguunt: *Δονεωρία, νῆρος μυχῷ Πέδου*. Enimvero nimis longa ab es eesse debuit, si Maro non turpiter errasse dicendus est. Sin Rhodis eam parvisse dicere volebat, *νῆρος τῶν Πέδου* dicturus fuisset; et quorsum hoc potissimum notandum veniebat

in hac insula? Immo *νῆρος μυχῷ Πέδου*, vel, ut alias erat Stephanus (v. c. in *Γύαρὸς*), *νῆρος, μυχῷ τῶν Πέδου*. Quod ibid. subiicitur, in eam insulem e Baccho ex Naxo Ariadne traductam, viciniam non minus arguit. Plinius IV, a. 23 Donusam inter Telou et Pathmon memoret, et si ibi *aerovatim* ponere se Sporadas ait. A Cellario alieno loco, infra Icariam, collocata est Donusa.

479, 480. Comparatur alligata navi Scylla cum minore navigio navi alligato. Vt ait: velut cymba parvula, cum sequitur magnas classes, et cum turbo Afer bacchatur in aequore; h. dum interea Africus procellas movet. Eandem comparisonem Statius i Silv. 4, 120 sqq. edidit, ut iam alii notarunt. Paulo ante v. 474 ad omnia debet esse ad omnem motum, impulsus, venti.

484, 485, 486. Noluit mutare in piscem, nam ita e belluis et praeiustibus devorata fuisset, qui minoribus piscibus insidiantur. *externam puellam*, in externa corporis superficie

Non statuit : Nimum est avidum pecus Amphitrites.  
 Aereis potius sublimem sustulit alis,  
 Esset ut in terris facti de nomine Ciris,  
 Ciris Amyclaeo formosior ansere Ledaë.  
 Ac velut in niveo teneræ cum primitus ovo 490  
 Effigies animantis et internodia membris  
 Imperfecta novo fluitant concreta calore :  
 Sic liquido Scyllæ circumfusum aequore corpus  
 Semiferi incertis etiam nunc partibus artus  
 Undique mutabant, atque undique mutabantur. 495  
 Oris honos primum, et multis optata labella,  
 Et patulae frontis species, concrecere in unum  
 Coepere, et gracili mentum producere rostro.  
 Tum, qua se medium capitis discrimen agebat,  
 Ecce repente, velut patrios imitatus honores, 500  
 Purpuream concussit apex in vertice cristam.  
 At mollis varios intexens pluma colores  
 Marmoreum volucris vestivit tegmine corpus,  
 Lentaque perpetuas fuderunt brachia pennas.  
 Inde alias partis, minioque infecta rubenti 505  
 Crura, nova macies obduxit squalida pelli,

*teneram committere inter pisces* : pro piscibus, seu relinquere inter bel-luas marinas; insolenter dictum; se-metuens, ne ab iis devoraretur. *pecus Amphitrites* : antiqua poetarum formula. Notum est Nævii, quod et Taubmann. laudat, *Lascivum Nerei finium pecus*. add. Lucræ. II, 342, 343, et imprimis notum illud Ho-ratii : *Omne cum Proteus pecus egit altos Viret montes*. Mox 488 *in ter-ris*, ioter homines appellatur Ciris ἀνὶ τοῦ χέρους, detonsa patriis coma.

490 sqq. Totus locus de metamor-phosi hæc, et imprimis comparatio in-chestæ mutationis Scyllæ in alitem

cum vitello ovi in pallio abente, ex elegantissimis est, et miror, eam Nævii, ingeniosissimo homini, non in mentem veuisse. 491, 492. *inter-nodia fluitant membris* pro vulgari ioternodia membrorum fluitant. 493. *liquido circumfusum aequore corpus* : nescio an argueret; sed malim non tam exentum vinculis et mari natans quam potius, ut pullus in ovo li-quore embitur, sic humore seu ne-bule inclusum corpus, dum mutaba-tur, significari.

500. Est adeo Ciris avis cum crista purpurea, ad imitationem ciconiæ seu capilli purpurei patrii, quem

Et pedibus teneris ungues confixit acutos.  
 Et tamen hoc demum miserae succurrere pacto  
 Vix fuerat placida Neptuni coniuge dignum.  
 Nunquam illam posthac oculi videre suorum 510  
 Purpureas flavo retinentem vertice vittas;  
 Non thalamus Tyrio fragrans adcepit amomo,  
 Nullae illam sedes. Quid iam cum sedibus illi?  
 Quae simul ut sese cano de gurgite velox  
 Cum sonitu ad coelum stridentibus extulit alis, 515  
 Et multum late dispersit in aequore rorem;  
 Infelix virgo nequidquam a morte recepta  
 Incultum solis in rupibus exigit aevum,  
 Rupibus, et scopulis, et litoribus desertis.  
 Nec tamen hoc iterum poena sine: namque deum  
 Omnia qui imperio terrarum millia versat, (rex,  
 Conmotus talem ad superos volitare puellam,  
 Cum pater extinctus caeca sub nocte lateret,  
 Illi pro pietate sua (nam saepe tepenti  
 Sanguine taurorum supplex resperserat aras: 525  
 Saepe deum largo decorarat munere sedes)  
 Reddidit optatam mutato corpore vitam,  
 Fecit et in terris Haliaeetus ales ut esset.  
 Quippe aquilis semper gaudet deus ille coruscus.  
 Huic vero miserae, quoniam damnata deorum 530

*Scylla resciderat. voluere tegmen est plumaeum, et perpetuae pennae, quae totas alas, olim brachia, obducunt; et 507 confixit ungues, commisit, continua cute.*

514 sqq. Elegans locus et sensibus rem subiciens graphice, *Et multum late dispersit in aequore rorem*, ut solent aves madefactas alas concutere. *nequidquam recepta, servata, a morte.* Praestat, puto, hoc, quam ut mortem receperit, subierit; id

quod factum non est; mutatur enim in avem. *avum incultum*; vitam asperam et horridam.

520. Nunc Iupiter, indignatus, filia accelerata in avem mutata, parentem interea miserum apud inferos degere, revocavit eum in vitam et pariter avem fecit; sed Cliri infestam, tamquam ad poenam a filia exigendam.

530, 1, 2, quoniam damnata fuerat ob crimen iudicio deorum et ipsius



Iudicio gnatique et coniugis ante fuisset,  
 Infesti adposuitque odium crudele parentis.  
 Namque, ut in aetherio signorum munere praestans,  
 Vnum quem duplici stellarum sidere vidi,  
 Scorpius alternis clarum fugat Oriona: 535  
 Sic inter sese tristes Haliaeetus iras,  
 Et Ciris, memori servant ad saecula fato.  
 Quacumque illa levem fugiens secat aethera pennis,  
 Ecce inimicus atrox magno stridore per auras  
 Insequitur Nisus: qua se fert Nisus ad auras, 540  
 Illa levem fugiens raptim secat aethera pennis.

*Minois, gnati*, h. e. nati deorum, et quidem *Iovis*, et *coniugis*, pro amato a Scylla, ad poenam ab ea expetendam additus est pater infestus haliaeetus factus.

533 sqq. Arguta etiam haec est comparatio. Mutuo se persequuntur fugiuntque ciris et haliaeetus aves, quemadmodum duo sidera Scorpius et Orion ortu et occasu se fugere se quique videntur. Quoties enim Orion occidit, altera ex parte Scorpius exoritur, ut ex sphaerae tractatione discere quisque potest. Idque etiam Aratus docet vsa. 304, 306, 309 Versa res a praeis hominibus in fabulam, ut Orioni Scorpium immissum narrent. cf. Hygin. Astron. II, 26:

*Itaque constitutum, ut, cum Scorpius oriatur, Orion occidat*, et lib. III, 33: *hunc (Oriovem) spectantem ad occasum et occidentem exorta Scorpionis posteriori parte*. Paullo diversa ratione ductum vidimus poeticum phantasma ab situ et ea specie, quam in sphaera celesti duo sidera oculis obliquant: quo modo Pleias Piscem fugere dicta Georg. IV, 237, quod mihi illo loco molestiam facere non debebat: est enim res satis frequens. Iterum alio modo de Versa Aratus effinxit illud: *ἢ τ' αὐτοῦ στέρεται καὶ ὁ Ὀρίωνας δεξιότης*: nam eadem tantum linea ex adverso moventur et Versa et Orion.



**P. VIRGILII MARONIS**  
**CATALECTA**



## PROOEMIUM IN CATALECTA

**M**aronem *Catalecta*, h. e. in numerum relata, conscripta, collecta carmina, *κατάλετα ἔπη*, vel *Catalecton*, scil. libellum, scripsisse, pervulgata res est, eaque credita non modo librariorum fide, qui Virgilii nomini plura adscribere temere, quoniam ad calcem codicum Virgilii poemata modo haec modo illa, prout spatium, quod vacabat, caperet, appicta videbant; verum et Grammaticorum auctoritate, Pseudodonati in *Vita Virgilii* §. 28, et Pseudoservii ad *Aen.* I pr. Nam, neutrum locum ab antiquo aliquo Grammatico profectum esse, multa manifeste produnt; et, quam levis hominum fides sit, etiam huc arguit, quod alia poemata Virgilio tribuunt, quae eius nun esse liquida constat. Nam priore loco: *Poëtam puer auspicatus, in Balistam — Deinde Catalecton et Moretum, et Priapeia, et Epigrammata et Diras et Culicem, cum esset annorum quindecim.* Altero autem: *Scripsit autem septem sive octo libros hos: Cirinam, Actnam, Culicem, Priapeia, Catalecton, Epigrammata, Copani, Diras.* Est tamen antiquior, eaque gravior, auctoritas Ausonii in *Technopaegnio*: *Dic quid significant catalecta Maronis?* Ergo iam saeculo IV tales *Catalecton* libelli extitere (vid. supra *Proem.* in *Culicem*); *Epigramma Virgilii* (quod inf. *Epigr.* II est) memoratum iam est *Quintiliano* *Instit.* Or. VIII, 3, 27, 28. Etsi ergo numen serius accessit, antiqua tamen fama nonnulla saltem carmina brevia habita fuisse Virgiliana credere licet. An vero ex his, quae hic Virgilio tribui soleat, carmen ullum sit vere ab Virgilio profectum, valde dubito: pignore tantum non contendere paratus, saltem iambos a liberali ingenio et indole honesta, quae in Marone fuit, proficisci haud potuisse: v. inf. ad *Carmen VIII.* Odio omnium ingenuorum et honorum dignus est poëta, qui ad famam aliorum virulentis dictis laniamdam sese componit. Non Musarum aut Phoebi, sed Erinnyum, afflatu talia carmina scribuntur.

In libris scriptis et prelo expressis antiquioribus subiiciuntur ea plerumque Priapeia, (1) ideoque in aliis, in quibus post Cirin aut alio loco collocantur, adhaerere in fronte nonnulla ex Priapeis. Porro omnis haec poematia in iisdem vetustioribus continua scriptura, tamquam unicum carmen exarantur, et quidem foedis vitis contaminatissima.

Cum Carmina haec suis iam locis Anthologiae Latinae Barmaoni Secundi inserta essent, nolui actum agere et variam lectionem, seu potius corruptelas adscribere. Itaque ea tantum commemoravi, quae a viro doctissimo plerumque posthabita videbam, ut sententiam versuum accuratioris interpretatione constituerem: etsi hoc maiorem plerumque difficultatem habet, quam ex librariorum stuporibus ariolando aliquid exsculpere, quod non propterea absurdum sit. Atque haec una res tolerabilem mihi operam reddere potuit, quam in hac operis parte posui; nam in his probis virulentis, criminibus, maledictis, quidnam sit, quod bonam mentem ingenui hominis delectare possit, equidem haud video; videant illi, quibus natura hoc dedit, ut ex aliorum probis ipsi crescere sibi videantur.

(1) De edd. v. Harles. Notit. script. Lat. To. II, pag. 276 sq. conf. *sup.* Prooem. in Culicem.

## P. VIRGILII MARONIS

## CATALECTA

## I. AD TVCCAM

**Delia**, **Tucca**, tibi venit; sed saepe videre  
 Non licet: occulitur limine clausa viri.  
**Delia** saepe tibi, non venit adhuc mihi: namque  
 Si occulitur, longe est, tangere quod nequeas.

1. *Delia, Tucca, tibi venit.* Estat Anthol. Lat. lib. III, 250, editum iam ante in vet. Poët. Catalect. pag. 459 (ad calc. Petron. ed. Patisson.) et a Scaligero. Nec alia fides vel auctoritas est, qua Virgilio tribuitur. — *Delia* ex Scaligeri emendatione receptum est, cum legatur *de qua*, *T.* Idem Scaliger Epigramma hoc falsissimum et argutissimum appellat, et interpretationem subiicit, in qua tamen argutia illas vix expisceris; ut nec omnino inter meliorum censum carmen referam. Fugit nos causa et occasio; quam equidem suspicor fuisse hanc: Est servus aliquis vel libertus aut alius puellae perductor, qui eam venire nuntiat. Illa tamen, surgit quidem et exire domo tentat, sed clusae a marito fores exire vetant. Apud Tibull. I, 9, 43: *Saepe insperanti venit tibi munere nostro (puella tua) Et latuit clausas post adoperto fores;* ubi tamen latet puella pone fores per lusum. Nil igitur iuvat amatorem, quod sibi dictum accipit, illam venire. Suspicitur tamen

illum ipsum hominem, forte ex com-  
 libertis puellae, interea illius amore  
 positum: I, ergo, subiicit, et nuntia  
 marito, eam rediisse. Ita eschdisse  
 videtur acumen in extremo versu:  
*cui rediit.* « *Delia, Tucca, tibi venit.* »  
 (sunt perductoris verba: cui respon-  
 det Tucca): *sed saepe videre Non*  
*licet* (forte fuit: *Delia note tibi ve-*  
*niet; sed, Tucco, videre Non licet*);  
*occulitur limine clausa viri. Delia sae-*  
*pe tibi* (venit; nuntias saepe eam  
 venisse; a te nuntiatur venisse), *non*  
*venit adhuc mihi* (nondum eam teneo  
 amplexu); *namque Si occulitur: longe*  
*est, tangere quod nequeas. Venerit*  
*illo tibi.* (Fac nuntiarı a te, eam  
 venisse). *Sed iam mihi nuntius iste*  
*Quid prodest? illi dicito, cui rediit:*  
*h. ei, cui eius reditus incunditatem*  
*attulit; ei, qui eam tenuit.* — In  
*saepe* corruptela latet, forte nominis,  
 aut compellatio, forte repetitio vocis  
*Tucca: sed, Tucco, videre non licet.*  
 Mox *Venerit* at emendabat Burman-  
 nus Sec., praestat: *venerit illa tibi:*  
 quod paullo ante posui. In fine illi,

Venerit aut tibi ; sed iam iam mihi nuntius iste  
Quid prodest ? illi dicito , quae rediit.

## II. IN C. ANNIVM CIMBRVM RHETOREM

Corinthiorum amator iste verborum,  
Iste iste rhetor ! Namque quatenus totus  
Thucydides tyrannus Atticae febris,  
Tau Gallicum spinae ipsemet male illisit,  
Ista omnia, ista verba miscuit fratri.

cui rediit, ad quem rediit, dicto eam venisse ei, in cuius amplexus illa venit. In Cephalae Anthologia Misc. Lips. Vol. IX, pag. 476 epigramma est similis coloris: *Αἰσίων ἀπὸ πόντου ἐν δ' οὐκ ὄντι γένηται ἔμψυ.* — *Οὐρανὸν ἐμπέσῃ* ex (ut pro *ἐμπέσῃ* emendatum est a Toupio Car. noviss. in Suid. p. 42). Legitur illud nunc in Analectis To. III, p. 414. Iacobi To. III, p. 81. Similis color passim est in aliis poematibus, ut Anal. III, p. 458 Incert. XXXV. conf. To. II. Stratonis XLIII, p. 369. Nil tamen inde profeci ad carmen nostrum melius expediendum.

II. Celebre inter eruditos viros epigramma, a Quintiliano servatum Inst. Or. VIII, 3, 28, qui expresse Virgilii esse ait; et inter Maronis catalecta illud refert Ausonius in Monoryllab. (Idyll. XII Techno pae-gnion: Grammaticomastia v. 5-7). Lepor, qui ei inest, magna ex parte ad nostros sensus pertiit; nec sine longa disputatione accurata crisis aut interpretatio institui potest. Fecit otium nobis hac in re Burmannus Sec., qui hoc carmen Anthol. Lat. Tom. I, lib. II, 242 exhibuit commentariis et suis et aliorum instru-

ctum: super aliis ad interpretes Quintiliani et Ausonii, tum ad Sam. Petit. Miscell. III, 9 remittit. Vt paucis defungamur: Scriptum est epigramma in C. Annium Cimbrum Rhetorem, qui fratrem veneno sustulerat: idem malus Rhetor, qui aut, quod in Gallia natus et in Britannia forte artem professus erat, verba barbaro more et soloeco pronuntiabat, aut insolentia et barbara verba tamquam glossas affectabat (Quintilianus tamen de vetustorum verborum affectatione agit eo loco, quo versua hos commemorat: ut omnia adhuc huius carminis interpretatio parum tanta mihi esse videatur). Dicit igitur poeta, his ipsis vel barbare pronuntiatis vel exoticis et barbaris verbis eum, tamquam veneno, fratrem necasse. De lectione, admodum in multis incerta, videndi sunt iidem viri docti: addam Io. Schraderi conf. *Evandriorum* pro *Corinthiorum*. Vt tamen aliquid apponam, quod lectorem in sententia assequenda iuvare possit, haec addam. *Corinthia verba* (nam haec tenenda cum Burmanno statuo, donec verum repertum fuerit: natae sunt forte corruptelae ex vitiosa scriptura *Chorynthiorum*),



III. IN NOCTVINVM

Socer, beate nec tibi nec alteri,  
Generque Noctvine, putidum caput,  
Tuone nunc puella talis, heu tuo  
Stupore, praessa rus abibit? Hei mihi!  
Vt ille versus usquequaque pertinet:  
Gener socerque, perdidistis omnia.

sunt mollia, fracta, calamistrata: a luxu Corinthiorum; at h. l. cum respectu venenorum Medense. Alioqui vix multum inesset salis. *Thucydides tyrannus Ationae febris esset*, qui dominatur in frigore illo Atticis affectati. Sed melior lectio: *Thucydides Britannus*. Versus quartus qui, ut legitur, palo transfixum, quod supplicii genus, declarat, debet nomina exhibere vel barbara vel affecta te aut barbare enuntiata. Amplectenda itaque hactenus aut Scaligeri lectio: *Taur Gallicum*, *min ipsum et al*, ei illis: in eodem mortario venena illa satis nota: taurinum sanguinem, minum et allium, trivit, ut fratri misceret; ridicule igitur decurabat ille, quoties declamabat, verba, *taur*, pro turo, *min* pro minio, *al* pro allio; aut Petiti emendatio, qui Graeca substituit: *Tau Gallicum* (h. Gallorum ille pessimus), *μιν, ἰψὸς* et *ἀλ'* ei *intribit*: ut haec e glossis obacuris petita sint vocabula, quae ille pro stellulis suis declamationibus graece habitis inserere solebat. Est autem *ἰψὸς* ex Thuriurum glossa, *κισσός*, hedera, *ἀλ'* pro *ἄλ'*, Cypriis pro vino dicta: *μιν* pro *αὐτῶν* (hoc omnium minime probabilius), ut adeo vino hedera nigra misto inebriatum sustulerit fratrem Cimber. Sed, ut paullo ante diximus,

antiqua verba ltere arbitramur, eiusmodi forte, quae propius ad somnum medicaminum accedebant.

III. Vid. Anthol. Lat. T. I, l. II Ep. 244. Quo iure hi et sequentes Iambi Virgilio tribuantur, non dicam; nisi forte pro firmamento hoc est, quod Marius Victorinus Virgilium in quodam epigrammate iambien ter *Thucydides* repetisse narrat: id autem factum extr. cerm. versu. Tribuuntur ei in antiquis catalectorum editionibus. Catullo tamen Fruterius, Calvo, idque magis sagaciter, Vossius tribuit. vid. Burmann. l. c. Ceterum fugit nos etiam huius epigrammatis causa et occasio, adeoque etiam eius lepos et acumen. Nisi forte hoc fuit: Noctvinus ducit Atilii filiam, hominis violenti, qui bona sua omnia consumserat, quemque gener secum habiturus erat: cum exilio adeo et suo et novae nuptiae. Certe in Noctvinum et ipsum, putidum caput, odiosum hominem, videtur aliquid inclementius dicere velle.

4. *praessa*; oppressa, coacta, *rus abibit*, in rus abducetur, forte quod maritus soceri violentis aere alieno obrutus in urbe durare nequit.

5. *ille versus*; ex noto epigr. Catulli XXVII in Caesarem, sed alio sensu: nunc uterque bona sua obligurasse dicuntur.

## IV. IN EVNDEM

Superbe Noctuine, putidum caput,  
 Datur tibi puella, quam petis, datur;  
 Datur, superbe Noctuine, quam petis.  
 Sed, o superbe Noctuine, ne vides  
 Duas habere filias Atilium,  
 Duas, et hanc et alteram, tibi dari.  
 Adeste nunc, adeste, ducit, ut decet,  
 Superbus, ecce, Noctuinus herneam.  
 Thalassio! Thalassio! Thalassio!

## V. IN LVCIVM

Iacere me, quod alta non possim; putas,  
 Vt ante, vectari freta;  
 Nec ferre durum frigus, aut aestum pati,  
 Neque arma victoris sequi.  
 Valent, valent mihi ira et antiquus furor,  
 Et lingua, qua adsim tibi.

IV. Coniungit hoc cum antecedente Fruterius; vix bene. Collocandum quoque existimo ante superius carmen.

5. Lusus videtur in hoc latere; quod *hernea*, vel *hirnea*, quæ vasis potorii genus est, pro ipso patre vinolento ponitur, et genero pro altera coniuge et filia Atilii assignatur. Nam, ne ipsam coniugem bibacem fuisse credamus, vetat superius epigramma. *Herniam* autem legere ac *herniosum* socerum intelligere si velis, acumen frustra quæras.

V. Catullo potius quam Virgilio dignum carmen, Archilochi metro et felle exaratum, et genuinum licentisæ lambicæ exemplum, in Lucium quendam cinaedum, qui eum opprobrio

laccessiverat, quod alienusto per Venerem et libidinem corpore fractaque viribus milijore amplius non posset (hoc enim est, *iacere*) poëta. Hoc amolitur a se poëta, recriminando pueritiæ impudiciam, moxque abligurito patrimonio egestatem ac sordes. Exstat in Anthol. Lat. Lib. II Epigr. 246, ad quam lectores remittimus, qui lautiores dapes desiderant: nos in coena admodum nauseosa, apponemus tantum, quod satis sit, ne *fame genuini crepent*; nam ingenuæ menti talia se probare nequeunt.

2. *vectari freta*; ut ire, currere mare, per per mare.

6. *qua adsim tibi*. Versus fulcrum deest. Optime Oudendorpius: *qua*

Et prostitutae turpe contubernium  
 Sororis. O quid me incitas?  
 Quid, impudice, et improbande Caesari?  
 Sed furta dicantur tua, 10  
 Et heluato sera patrimonio  
 In fratre parsimonia;  
 Vel acta puero cum viris convivia,  
 Vdaeque per somnum nates;  
 Et inscio repente clamatum super, 15  
 Thalassio, Thalassio.  
 Quid palluisti, femina? an ioci dolent?  
 An facta cognoscis tua?  
 Non me vocabis pulcra per Cotyttia  
 Ad feriatos fascinos: 20  
 Nec dein movere lumbos in crocotulam  
 Prensis videbo altaribus,  
 Flavum prope Thybrim et olentis nauticum  
 Vocare: ubi adpulsae rates

iam adiun tibi. Adesse, cum notione infest! ei hostilia animi; ut alias addi, apponi. conf. ad Cirin 532.

7. Novam versus oritur sententiam: experitur scilicet nunc poëta, quid furor et lingua maledica valeat. Itaque *Ei* cum *Scrivario*, vel *Hei*, legendum.

10. Si legendum cum eodem. Quid? si furta dicantur tua?

15. Impurus homo muliebris passus tamquam pro nupta habitus, cui solenne illud acclamaretur. Hinc idem mox appellatus *femina*.

19. Noles me pergere et exprobrare foeda adolescentiae flagitia. Hoc extulit: non me vocabis — neo videbo te movere — et vocare. neque (27) duces me in culinam, in quibus propudium illud olim versatum erat.

In sacris Cotyttiis (erant ea ex initiis a Thracibus accepta, vld. Strabo X, p. 721 B, qui classicus locus) Veneri ab impudicia hominibus habitis pompa fascinos gestatos esse, probabile fit: ergo *feriatos* pro *festus*, dictum videtur.

21, 22. Scaliger praeclare emendavit: *alaribus*, ut *πτερυγία* sint alae vestis crocotae, quas ille muliebriter vestitus et muliebriter saltans, adducit, ne saltantem impediunt. in *crocotula* porro lenior est medicina, quam ea, quam Scaliger adhibet toto versu transposito: *Movere lumbos me dein, crocotulae Prensis videbo alaribus?*

24. Legendum cum Oudendorpio, Burmanno quoque suadente, *Flavum prope et Thybrim te olentes nauticum*

Stant in vadis coeno retentae sordido , 26  
 Macraque luctantes aqua.  
 Neque in culinam , et uncta compitalia ,  
 Dapesque duces sordidas :  
 Quibus repletus ut salivosis aquis ,  
 Obesam ad uxorem redis , 30  
 Et aestuantes docte solvis pantices ,  
 Os usque lambis saviis.  
 Nunc laede , nunc lacesse , si quidquam vales !  
 Et nomen adscribo tuum.  
 Cinaede Luci , an te reliquerunt opes ? 35  
 Fameque genuini crepant ?  
 Videbo habentem praeter ignavos nihil  
 Fratres et iratum Iovem ,

*vocare ? ut olentes nauticum sint nau-  
 tae , quos imparissimus homo prae-  
 stolatur , ubi appulerint , ut eorum  
 libidini serviat ( probe est vitium  
 edit. Scalig. pro prope ).*

27. Exprobrat famam et egestatem ,  
 qui onectus adit culinas , h. loca in  
 suburbiis , in quibus inopum funera  
 et epulae funebres habebantur : tum  
*compita* , in quibus Laribus Compita-  
 libus et quidem ipso Compitalium  
 die necesse est apponi solitas fuisse  
 epulas , quas pauperes mox auferre  
 solebant. Rem tamen aliunde decla-  
 ratam nondum vidi. Factum itaque  
 idem quod in coena Hecates. v. 28  
*duces* dedit Burmann. pro *ducis*. nec  
 duces me in culinas ? h. e. non ego  
 videbo te adeuntem.

29. *Salivorum* Scaliger sit esse quic-  
 quid gustum reficit : Recte , sed quid  
 porro *salivatis aquis* facimus ? Nisi  
 corruptela in *aquis* latet , ut forte  
 ut *salivosis apris* , salivam moventi-  
 bus , scriptum fuerit : accipias aquam

*salivosem de ipsa saliva. Repletus his  
 epulis ut ( quomodo ! ) redis saliva  
 etiamnum ex recordatione affluente !  
 Verum totum locum parum expedit ,  
 nec expedire refert.*

31. *pantices* de fartis seu farcimini-  
 bus accipiant Scaliger et hinc alii ;  
 nec male , cum *aestuantes* appel-  
 lentur : ut farciniosa distenta rumpi vi-  
 deantur. Proprie pantices sunt inte-  
 stina , quibus ad edulia farta uti solent.  
 Sed quid : *docte solvis* ? Toup. ad  
 Suid in *συνιστάτω* Tom. III , p. 134.  
 Opp. Vol. II , p. 168. ad obscenita-  
 tem refert nescio quam ; nec intel-  
 ligo quid tunc sit , *solvis pantices* ?  
 an de *obesa uxore* ?

32. Legendum haud dubie , cum  
 Burmanno secundum Colvinum ad  
 Apulei. *Olasque lambis saviis* , h.  
 labiis.

35. Pro an fuisse suspicor en , et  
 sine interrogatione lego.

37. Videbo te habere nihil praeter  
 fratres ignavos — et patrum. — 39.

Scissumque ventrem, et herniosi patruī  
Pedes inedia turgidos.

40

VI. AD VENEREM

Si mihi susceptum fuerit decurrere munus  
O Paphon, o sedes quae colis Idalias,  
Troius Aeneas Romana per oppida digno  
Iam tandem ut tecum carmine vectus eat:  
Non ego ture modo, aut picta tua templa tabella  
Ornabo, et puris sarta feram manibus:  
Corniger hos aries humilis, et maxima taurus  
Victima sacratos tinguet honore focos:  
Marmoreusque tibi, dea, versicoloribus alis,  
In morem picta stabit Amor pharetra.  
Adsis, o Cytherea! tuus te Caesar Olympo,  
Et Surrentini litoris ora, vocat.

10

*scissum ventrem*, pedicem, *in' al-*  
*εχρῶ* de cinaedo. — 40. *γυναικὸς*  
Hesiodi Scul. 265, 266. Conf. Ovid.  
Met. VIII, 807, 908, pedibus ex atro-  
phia tumentibus.

VI. Dulcissimum poemation: quod  
iam pro titulo exhibuimus in Tom. I,  
ad calcem Carminum in Virgilium. Est  
votum pro suscepto Aeneidis opere  
Veneri nuncupatum, seu, ut Scaliger  
ex coniectura ponit, suspensum pro  
templo Veneris Surrentinae. Extat in  
Anthol. Lat. lib. I ep. 63 cum copiosa  
viroorum doctorum illustratio: quam  
adeat qui volet.

1. Si mihi contigerit Aeneidem  
absolvere: non modo tuce et tabula  
votiva et sertis pietatem testatam fa-  
clam, verum sacro sollemni facto ei  
statua Cupidinis posita. — 2, 4. Splen-  
dida rei species: inverta Venus cum  
Aenea, tanquam dea curru, per Ita-

liam tanquam triumpho, ob Aenei-  
dem absolutam.

5. *picta* edidit Heins. loco cit.,  
quoniam *picta* redit v. 10.

7. *hos humiles focos* laugendum, et  
cum Heinsio legendum *sacrato*. Nisi  
cum Burmanno emendare placet:  
*Corniger* *haud aries humilis*, *sed ma-*  
*xima taurus* *Victima*: quae praefero.

9, 10. Habemus igitur et hic mar-  
moreum signum coloribus additis,  
non tam in *alis versicoloribus*, quae  
poëtice forte eo epitheto ornari pote-  
rant, sed in *picta pharetra*. Noli ita-  
que mirari Dianam marmoream co-  
thurnis puniceis Eclog. VII, 30, 31,  
nec segre ferre, me de Maronis iu-  
dicio et gustu sculpturae ac picturae  
dubitasse ad lib. VIII Aen.

11, 12. *tuus te Caesar Olympo* —  
vocat: non, puto, Julius Caesar,  
Divus: ut is caelo receptus Veneri

VII. RELICTIS ALIIS STUDIIS PHILOSOPHIAM EPICUREAM  
AMPLECTITVR

Ite hinc, inanes rhetorum manipuli,  
Inflata rore non Achaico turba,  
Et vos, Sile, Albuti, Arquitique, Varroque,  
Scholasticorum natio madens pingui;

supplet: sanctorum more, qui in caelo degunt. Sed Caesar Augustus ipse invocat Venerem in Olympo degentem. Quatenus autem *Surrentini littoris ora* pro Aeneide vota faciat, illustratum a viris doctis videre vellem. Villm Virgilium non longe a Nola in agro Campano habuisse, alio loco (in Donati Vita Virgilii s. 24) vidimus; littus igitur illud ad Craterem seu Sinum Campanum per promontorium Surrentinum, ad quod ea nrs protenditur, declaravit. Potuit quoque in littore Surrentino Veneris fanum esse; et habebat forte in eadem ora praedium is, qui esumen hoc scripsit; facit enim ultimum hoc distichum, eum Caesar ipse et ora Campaniae pro Aeneide feliciter absolvenda vota facere dicuntur, ut potius *ab amico aliquo Maronis*, quam ab ipso poeta, profectum illud iudicem.

VII. Saepius editi et hi Senzontes extant in Anthol. Lat. Tom. I, lib. II, ep. 243, ubi vid. Burm. Comparandum est ex parte initium Ciris.

4. Curtior in fine versus est syllaba, et iam suppletus a viris doctis, — manipuli, ite: vel ite hinc.

2. *Ros Achaicus*, ut *Cecropius ros*, de eloquentia; seu rorem, quo Achaiae pascuntur, seu, quod malim, mel Atticum respici dixeris. *Achaicus* omnino pro Graeco, et Graeca-

nica eloquentia. *turba* in fine dudum emendatum pro *verba* a viris doctis et recte receptum est a Burmanno; *turba* rhetorum *inflata rore*, nequiter, ut alias, repleta, satiata, turgens, ubi de cibo vel potu agitur; *turba* rhetorum falso eloquentiam Atticam lactantium.

3. Versus varie tentatus. vid. Burmannu. l. c. Vossiana emendatio: *Et vos, Aelique Tarquitique Varroque*, scriptura revocata ad nota nomina se commendans, metro repugnat in *Aeli*, ut bene monuit Io. Schrader. praef. Emendat. pag. XXXIV. Si de priore syllaba in *Stilo* constaret, haberet hoc locum. Nee vero hi quoque versus de rhetoribus accipi possunt: quis enim Varroem inter rhetores relatum sudivit? nec Scholastici h. l. declamatores esse possunt: sed Grammaticos memorare nunc videtur, homines in sermonis ratione et antiquitate illustranda occupatos. Ex eo genere Varro fuit, eiusque praeceptor L. Aelius Stilo (v. Gell. I, 18. XVI, 8), Varro autem senex Virgilii iuventutem attigit: mortuus enim est V. C. 726, Virgilius a. XLIII aegbat. L. Tarquitiu libro de disciplina Etrusca et Ostentario claruit. Videtur idem verba eius disciplinae explicuisse aut alias Grammaticae partes attigisse.

4. Si Virgilii esset hoc vere pos-

Ite hinc, inanis cymbalon iuventutis;  
 Tuque, o mearum cura, Sexte, curarum,  
 Vale, Sabine; iam valetе formosi.  
 Nos ad beatos vela mittimus portus,  
 Magni petentes docta dicta Syronis,  
 Vitamque ab omni vindicabimus cura.  
 Ite hinc, Camenae; vos quoque limite saevae,  
 Dulces Camenae; nam fatebimur verum,  
 Dulces fuistis. Et tamen meas chartas  
 Revivitate; sed pudenter, et raro.

mation, antiquissima forte esset vocis, Scholasticorum, auctoritas. *ma-*  
*dens pingui.* Dictum *tē pingue*, pro  
 adipe, omento, adeoque de stupore  
 ingenii. *modere* autem pro ebrietate  
 esse, adeoque, perfructum, imbutum.  
 Ut ait: et vos o grammatici acumen  
 falso iactantes.

5. Notum est nomen Apioni Gram-  
 matico a Tiberio Caesare inditum,  
 cum eum *cymbalum mundi* appella-  
 ret, quod ad juvenum aures loqua-  
 ciler et inaniter streperet. Itaque *ina-*  
*nis iuventutis* vix bene legitur; sed  
 aut *inane cymbalon*, aut cum Bur-  
 mannio, *Ite hinc, iuvenes*, corrigend-  
 um. Ait igitur omnino, se rhetores  
 et grammaticos valere iubere.

6. Heinsius castigavit feliciter: *Tu-*  
*que, o mearum cura, Sexte, Musar-*  
*um.* Io. Schrader. *chartarum.* Quia  
 hic Sext. Sabinus fuerit, nunc igno-  
 ratur.

7. *formosi.* Si verum esset, in pue-  
 rorum amorem promptorem fuisse Ma-  
 ronem, lectio non abhorrens foret  
 Burmann. conj. *famosi, fumosi.*

8. *Nos ad beatos vela mittimus por-*  
*tus.* Non ut Athenas naviget: sed ut  
 ad philosophiam se conferre dicat,  
 quae sapienti pro portu est et secu-  
 ritatem tranquillitatemque affert. Au-  
 divit autem Maro Syronem Romae.  
 v. Phocae carmen v. 63 inter Carmina  
 in Virgilium. Est autem *vela mittere*  
 h. l. quod sollemnius tendere, pan-  
 dere. Ex *ὡς στήλαι, πέπταιν*, di-  
 ctum *mittere navem*, et nunc *vela*,  
 putabimus? Sane et Ovid. ex P. IV,  
 44, 9: *In medias Syrtes, mediam*  
*mea vela Charybdin Mittite: prae-*  
*senti dum careamus humo.*

9. Scironis. Immo vero Syronis.  
 vid. sup. Tom. I Vita Virgil. a. 79.

11. Corruptus versus. Varias ten-  
 tatas medelas vide ap. Burmann. l. c.,  
 quarum nulla satis facit. Antiqua  
 scriptura: *Ite hinc Camoenae vos li-*  
*mite sene vel limite seve, vel saevae,*  
 et expletum *navis nos quoque, vel vos*  
 quoque. Latet, suspicor, exquisitius  
 Musarum epitheton, et in *seve, divae.*  
 Ita ad ductum litterarum foret: *Ite*  
*hinc Camenae, voces mellita divae;*  
*Dulces Camenae.*

## VIII. DE SABINO PARODIA CATVLLIANA

Sabinus ille, quem videtis, hospites,  
Ait fuisse mulio celerrimus;

VIII. Exhibet et hoc post Scalig. et alios Ant. Lat. T. I, l. II, epigr. 130 *De Sabino*. Immo vero in *P. Ventidium Basium*, hominem vel ex Cicerone notum, infimo loco natum, et ad summum dignitatis et fortunae fastigium evectum: nem Picens, genere humili, puer cum matre captiva ante Pompeii Strabonis triumphantis currum ductum erat; cum adolevisset, quaestum sibi aegre paravit, ac sordide invenit *comparandis mulis ac vehiculis, quae magistratibus, qui sortiti provincias forent, praebenda publice conduxisset; in isto quaestu notus esse coepit C. Caesari, et cum eo profectus est in Gallias*: huc cum commestus aliarumque necessitatum bellicarum curam egisset et pro eo, quem nos *bellicae rei commissarium* (novimus hoc hominum genus provinciis exitiosum) appellare solemus, fuisset, mox in amicitiam Caesaris, inde in amplissimum ordinem pervenit, Tribunus pl., Praetor, tandem Pontifex, Consul quoque a. V. C. 714 creatus est. Idem Syriam regendam accepit et de Parthis primus omnium triumphavit. Narrat haec et alia Gell. XV, 4. adde Plin. VII, sect. 44. Bellis civilibus cum ad Antonii partes transisset, multorum sale fuit perfrictus. Celebratum in eum est epigramma: *Concurrite omnes augures, aruspices: Portentum inusitatum conflatum est recens: Nam mulos qui fricabat, Consul factus est.*

Virulentum hoc alterum in eum hominem epigramma an a Marone

profectum sit, graviorem auctorem, quam eum, qui Catalecta collegit, non habemus. Mihi quidem res est prorsus improbabilis, hominem ad generosos sensus et epicam gravitatem assurgentem, ingenio tam liberali, moribus candidis et ingenio indole a natura instructum, tantam iofamiam aliis inurere, et, conspurcando alios probis, sui ipsius vitae integritatem et humanitatem suspectam facere: qua si quis vel leviter imbutam habet meitem, abhorret ab ista truculentia et atrocitate. Improbos odit optimus quisque; non exercet in eos carnificitiam. Epigramma Catulli in Phaeum (epigr. IV), quod comparent studiosi necesse est, parodia expressum esse, obvia res est. Interpretes, acumen horum lamborum in singulis versibus illustrare contenti, de summa carminis nil monuerunt. Scilicet solebant Consules pro aede Castoris sedere: ita *sedens pro aede Castoris Antonius Phil. III, 44*; nec mirum, cum in eadem sede saepe Senatus haberetur: Verr. I, 49 extr. At ante eandem aedem multae erant statucae: vide v. c. Cie. Phil VI, 5. Fingit igitur apud nostrum poeta, Ventidium, et quidem Consulem, ut es vs. 23, 24, 25 intelligas, in sella curuli pro Castoris aede sedentem, tamquam statuem esse dedicatam titulo hoc apposito. Quod Sabinum appellat, potest cum aliis de cousin factum esse, tum quod Picentes Sabinis vicini sunt.

2. *Ait fuisse*: tamquam pro titulo statucae haec sunt perscripta.



Neque ullius volantis impetum cisl  
 Nequisse praeterire: sive Mantuam  
 Opus foret volare, sive Brixiam. 5  
 Neque hoc negat Tryphonis aemuli domus  
 Negare nobilem, insulamve caeruli:  
 Vbi iste, post Sabinus, ante Quinctio  
 Bidente dicit adtondisse forfice  
 Comata colla, nequa sordidum, iugo 10  
 Premente, dura volnus ederet iuba.  
 Cremona frigida, et lutosa Gallia,  
 Tibi haec fuisse, et esse, cognitissima  
 Ait Sabinus; ultima ex origine  
 Tua stetisse dicit in voragine, 15  
 Tua in palude deposuisse sarcinas,  
 Et inde tot per orbitosa millia

3. *Neque ullius volantis impetum cisl* *Nequisse praeterire*: nullius, licet celerrimi cisl, cursum potuisse praeterire vel superare cislum mulionis huius. *Cislum* genus vehiculi levioris binis rotis instructi: vid. Burro. ad h. l. *neque nequisse* pro non potuisse, ut interdum fit. Graeco more.

6, 7. Legendum cum Is. Vossio: *Et hoc nec aut Tryphonis aemuli domum Negare* (scil. ait) *nobilem, insulamve Caeruli*. Tryphon et Caerulus muliones: alter hic custos insularius, h. insulae, *εὐναρχία*; in aliqua urbe et aedificiorum locandorum curam habens.

8 aqq. Submulionem cum ante fuisse ait Quinctii alicuius. Heinsius conj. *equitio*: quod alienum ab h. l. est: non de equorum armentis, sed de malis rhedariis hic agitur. Pro *foreipe*, quod erat, *forfice* est repositum: qua mularum iuba in cervice attondetur, ne iugi alritu illa exulceretur; ut *foreipe* prehenditur fer-

rum. In *Attondisse* media metro repugnat: igitur legendum *attondisse*. Mox v. 11 pro *dura*, *adusta* Heinsius conj.; nec hoc magis accommodate; non enim iuba, sed collum aduritur attritu iuba.

13, 14. *Tibi haec fuisse et esse cognitissima, Ait Sabinus, ultima ex origine*. Ita distinguunt alii. Altera ratio firmatur exemplo Catulli, quod sequutus est v. 14, 15, ut ait, inde a natalibus, a puero h. l. Sunt autem illa appellandi casu dicta: *Tibi, o Cremona* etc.

16. *deposuisse*, aut contrahenda est media, aut leg. *deposisse ex deposuisse*. Tum *tua in palude*, paludosis locis.

17 aqq. Vulgo: *Iugum taliste: laeva sive dextera. Stringere mulas, sive utrumque cooperat*. Quomodo alii, etiam qui emendarunt, intellexerint locum, dicere non habeo. Sententia videtur esse haec: quoties altera vel utraque mula delecerat, dentum iis

Iugum tulisse: laeva, sive dextera,  
 Strigare mulas, sive utrimque coeperat.  
 Neque ulla vota semitalibus deis 20  
 Sibi esse facta, propter hoc novissimum,  
 Paterna lora, proximunque pectinem.  
 Sed haec prius fuere; nunc eburnea  
 Sedetque sede, seque dedicat tibi,  
 Gemelle Castor, et Gemelle Castoris. 25

## IX. AD VARIUM

Scilicet hoc sine fraude, Vari dulcissime, dicam:  
 Dispeream, nisi me perdidit iste putus.  
 Sin autem praecepta velant me dicere: sano,  
 Non dicam. Sed me perdidit iste puer.

iugum per multa millia mulionem portasse ex humeris suis. Acerbitas igitur et in hoc, quod mulas male curatas eum egisse narrat. *Strigare* pro *stringere*, quod editur, esse legendum, manifestum est, idque Scaliger docuit, et dudum in vett. edd., ut Ven. 1486, expressum vidimus Accipienda tamen hic non tam pro interquiescere, sed omnino praenescire vel inedia deficere viribus, ut rhedae ducendae impares bigae sint. Nunc autem nec minus manifestum est, etiam reliqua sic constituenda esse: *laeva sive dextera Strigare mula, sive utroque coeperat*. Quod media in utroque producitur, aliis, etiam seniorum poetarum, exemplis idem edoctos non male habebit. Si enim tamen intolerabile hoc videretur, loget *utrinque*, vel eum viro docto apud Burm. *sive utraque coeperat*.

20, 21, 22. Tam feliciter omnia mulioni cessasse oit, ut ne vota quidem illis vialibus, evadant, unquam

auscipere necesse haberet, nec ullum ausciperet, praeter hoc novissimum, quo, arte mulionica deposita, eius artis instrumenta, habenas et pectinem, ex more dedicavit. Sole clarius, leg. *praeter hoc n.*, tum aridet Heinssii conj. *boxxunque pectinem*: inprimis eum *eburnea* sequuntur. Nunc *proximam* int. iusta lora suspensum, eodem pariete.

23. *eburnea sede*; curuli.

25. Igitur Dioscuris fugitur dedicata statua: Consul Ventidius sedens pro aede Castoris.

IX. Vid. Anth. Lat. I. III, CCXLVIII. Edidit primus Scaliger.

2. *putus* vel *puus*, pro *puero*, unde *pusio*; prima syllaba longa; qua ex re, quod *putus* in metri rationem peccat, tota carminis in *pusionem* argutia pendet: sic quoque Burmann. iudicabat.

3. *Sin autem*. Miror neminem maluisse: *Sin artis praecepta*.

X. AD VILLAM SCIRONIS

Villula, quae Syronis eras, et pauper agelle,  
Verum illi domino tu quoque divitiae:  
Me tibi, et hos una mecum, et quos semper amavi,  
Si quid de patria tristius audiero,  
Comnendo, in promisque patrem. Tu nunc eris illi, s  
Mantua quod fuerat, quodque Cremona prius.

XI. AD M. VALERIUM MESSALAM

Pauca mihi, niveo sed non incognita Phoebo,  
Pauca mihi doctae, dicite, Pegasides.

X. 4. *Scironis*. Immo vero *Syronis*, Epicurei philosophi, de qua modo Epigr. VII vidimus. Inter belli civilis calamitates et metus, consanguineos anos, inque his patrem, in Syronis villa, tamquam in tuto loco, ant per-fugio, collocasse videtur. Suspiciari utique licet, quod Scaliger facit, scriptum carmen, cum ex agro Mantuano assignato militibus Romam discederet. Extat quoque in Anth. Burmann. lib. III, epigr. CCXLIX. In vs. 2 *tum* quoque bene emend. Io. Schrader.

XI Vid. Anthol. Lat. I. II, epigr. CXXII. cf. Harles brev. Notit. p. 254. Messalam victor carmina celebrat, tamquam victorem; 4-6. et poetam summum — 12. recitat carminum eius argumenta: fuisse ea bucolica — 20. in amicam — 40. Celebrat laudes hellicas Messalarum — 54. Sed iis laudibus non parem esse se canendis fatetur. Virgilio attributum est a Phoebo, hinc a Scaligero et aliis. Virgilio tamen non temere ascribendum esse, censebat Burmann. Sec. Dubitari aliquando (ad lib. IV, 4. Tibull.

p. 477 ed. tert. p. 492 Obis.), an omnino a valere aliquo poeta hoc carmen profectum esset. Sed ad seriora tempora vis retrahi potest tantus orationis cultus. Nunc toto carmine diligentius excusso Augustei saeculi fetum agnoscere mihi videor etiam in toto eius colore et habitu. Deprehenditur enim in plerisque his poemasin istius aetatis sermo Romanus ad dignitatem et ornatum verborum numerosque poeticeos egregie comparatus: at in tota carminis summa, inque argumento ea, qua par est, copia et lumine orationis orationis explicando et feliciter disponendo, eiusque membris commode iungendis et perpetuo quasi vinculo comprehendendis, porro in dilectu rerum vel sententiarum, quae carmine feliciter tractari possint, magna cernitur imperitia. Haec eadem in hae elegia occurrunt, in qua summum orationis cultum et ornatum merito mireris, iudicium et subtilitatem in carminis summa eiusque partibus combinendis facile desideres. Licet enim dicta, excidisse videri nonnulla et locum's carmen liare: tamen illud,

Victor adest, magni magnum decus ecce triumphi.

Victor, qua terrae, quaque patent maria;

Horrida barbaricae portans insignia pugnae,

Magnus ut Oenides, utque superbus Eryx;

Nec minus idcirco nostros expromere cantus

Maximus, et sanctos dignus inire choros.

Hoc itaque insuetis iactor magis, optime, curis:

Quid de te possim scribere, quidve tibi.

Namque, fatebor enim, quae maxima deterrendi

Debuit, hortandi maxima causa fuit.

quod vs. 24 de puella cum heroinis comparanda sequitur, ieiunium est per se et ad fastidium extremum protrahendum. Messalae inscriptum esse carmen ex vs. 40 patet. Verum, an ad M. Valerium Messalam illud scriptum sit, dubitavi aliquando, quod Messalae istius facta ac bella non attingat ea, quae ex historia nota sunt. Sed primum non occurrit ex Messalarum stirpe alius, ad quem haec opportunus referri possint, quae in carmine memorantur; postea autem M. Messalam attigisse et poëtas amasse satis constat; tandem omnis difficultas tollitur, si ad Messalam iuvenem haec scripta statuas, cum ille, postquam stipendia variis in bellis meruerat, in Africa Iuprimis, Hispania et Lusitania (vs. 44 sqq. 54-55), aut in alterius triumpho inter primos duces laureatos inessasset, aut ipse ex Parthis triumphasset: quod et a V. C. 745 (v. Vita Virgilii p. ann. dig. h. n.) adeoque non nisi viginti vel quod excurrerat annos nato, contigit. Itaque de Aquitanico triumpho, in quem Tibulli I, El. VII scripta est nullo modo hic cogitari potest. Ab his omnibus, ut solebat, dissensit et in contraria iuv. doctus. Wernsdorf, qui in Poët.

Lat. mu. T. III iterum hoc carmen retractavit.

1. Quae pulcer Apollo cognoscere, quibus adesse non refugiat.

3. magni triumphi. Dalmatici: ut quidem arbitror. v. paulo autem, deus triumphi, is, qui in pompa triumphali omnium maxime conspicuus est. Posset dici de eo, qui secundum triumphatorem maxima rerum gestarum laude inclauit: sed nullus per hos annos triumphus occurrit, cui Messala iulereisse poterit. — 4. Victor qua t. simpl. terra marique victor.

6. Oenides. Ita N. Heinsius edidit: cum antea legeretur: Aeneides, Aeneides. Voss. cod. Eonides. Quomodo Diomedes ad triumphalem pompam declarandam aptus sit, non magis intelligo, quam unde Eryx huc veniat: quem hoc unum nobilitavit, quod, cum hospites caesto provocaret, ab Hercule occisus est. Pro Oenide Alcides bene substitui posset: quem in simili laude Virgilius nominat Aen. VI, 802 sqq., sed cum Baceho: Nec vero Alcides tantum t.

7, 8. Nec minus idem maximus poëta. Et in hac laude nunc moratur in seqq. Hoc magis itaque insolito more sollicitus sum, quid ipse ad te

Pauca tua in nostras venerunt carmina chartas ,  
 Carmina cum lingua , tum sale Cecropio.  
 Carmina, quae Pylum , saeculis adcepta futuris , 15  
 Carmina , quae Pylum vincere digna senem.  
 Molliter hic viridi patulae sub tegmine quercus  
 Moeris pastores et Meliboeus erant ;  
 Dulcia iactantes alterno carmina versu ,  
 Qualia Trinacriae doctus amant iuvenis. 20  
 Certatim ornabant omnes Heroida divi :  
 Certatim divae munere quaeque suo.  
 Felicem ante alias tanto scriptore puellam !  
 Altera non fama dixerit esse prior.

scribam. Fateor enim hoc , quod me dehortari debebat , si cogitarem , me ad tam magnum poemam scribere , hoc ipsum me multo magis excitare , ut scribam.

13. *Pauca tua in nostras venerunt carmina chartas*: descripta a me sunt. Is enim illo tempore mos erat , ut studiosi carmina , quae in publicum esibant , in suos pugillares referrent. cf. Burmann. h. l.

14. *Carmina cum lingua tum sale Cecropio*. Quae sint carmina sale Cecropio , facile est ad intelligendum ; sed quid sunt carmina lingua ? Scilicet erit repetendum : lingua Cecropia. Ita vero Graeca carmina exeat noster poeta ? Ilud dubie Attica elegantia et Attico lepore imbutus versus declarare vult. Forte sic praestat legere : *Carmina eum lingua , tum sale. Cecropia* , h. quae sint Attica , Atticis similia , eum oratione , tum lepore.

15. *Pylum* his otiose repeti , vidit N. Heinsius et emendavit : *Carmina quae Peliam* ; vel *Carmina quae Phrygium* ; alterum hoc merito praefert Burmann. , quem vide ; ut sit Ti-

thonus vel Priamus. In ms. Helmst. hic versus deerat.

17. Quae sequuntur usque ad vs. 40 tractati esse necesse est in aliquo Messalae carmine , et quidem bucolici generis. Sed valeo , ut vs. 17-20 a poeta nostro , nec potius ab alio viro docto , qui histum esplere voluerit , profecta sint. Abiit quoque , quod Burmannum non fugit , ab edit. Ald. 1517. *Molliter hic erant vix Latine dictum est* Vs. 20 *Trinacriae iuvenis* , qui non magis dici potest , emendatos est a Broukhusio : *Trinacria iuvenis* , Theocritus , ὁ ἐκ Τριναρίας. cf. Burmann.

21. Post es , quae intercidiisse videtur , ad amasiam Messalae , carminibus eius celebratam , progreditur. Sulpicia illa fuit , Servii filia. v. Tibull. nostrum in Vita et ad lib. IV, El. 2. In fine versus — *omnes heroida divi legendum esse* , manifestum est ; non *divae*. Monitum quoque a viris doctis. vid. Burmann.

24. Erat : *alter non famam dixerit ipse prior*. Varie tentatus versus. Sententia in apico est : Non aliam puellam

Non illa, Hesperidum ni munere capta fuisset, 25  
 Quae volucrem cursu vicerat Hippomenem;  
 Candida cycneo non edita Tyndaris ovo;  
 Non supero fulgens Cassiopea polo;  
 Non defensa diu volucrum certamine equorum.  
 Optabant Graiae quam sibi quaeque manus; 30  
 Saepe animam generi pro qua pater inpius hausit;  
 Saepe rubro Eleis sanguine fluxit humus;  
 Regia non Semele, non Inachis Acrisione,  
 Inmitti expectant fulmine, et imbre, Iovem:  
 Cuius et ob raptum pulsus liquere Penates 35  
 Tarquinii patrios, filius atque pater;  
 Illo, quo primum dominatus Roma superbos  
 Mutavit placidis tempore Consulibus.  
 Multa, neque inmeritis, donavit praemia alumnis;  
 Praemia Messalis maxima Poplicolis. 40  
 Nam quid ego inmensi memorem studia ista laboris?  
 Horrida quid durae tempora militiae?

am fama priorem esse. Proxime ad corruptam lectionem accedit Munckeri emendatio: *Altera non fama dixerit esse prior*: per graecismum. Simpliciter quoque se commendat, quod raro fieri solet, Salmasii coniectura: *Altera nam fama vix erit estque prior*; nisi quod estus malim.

25, 26. Atalanta, quam vicisset et cursu superatam fuisset Hippomenem, nisi panno aureo in frandem adducta fuisset.

29—32. De Hippodamia, Oenomaï filia, qui rex Elidis erat; unde *Eleidem terram* vs. 32 dixit; tandem a Pelope curuli certamine superatus. — *defensa* vs. 29 quid sibi velit, non dixerunt viri docti, an quatenus certaminis lex intercedebat, ne proci eam coniugem ferrent; an fuit etc.

*tanta?* delinebatur enim certamine, quo minus proci ea potirentur. Mox *Graiae manus*, iuvenae proci. 31. — *generi*, h. l. pro proco, ut saepe. vid. Burmann.

34. *expectant*. Adversatur hoc orationis decursui. Esse debebat expectantes. Nec expectans satis accommodatum. Itaque praefero Scaligeri emendationem *expectat*; ut sit: Semele et Danze, *expectat*, Iovem fulmine et imbre inmitti ἐκκλῆπτου, descendere, venire.

35. *Cuius et ob*, h. et illa non prior fama est, cuius etc. Infrequens Lucretiae memoria in Romanis poësis, et propterea locus notabilis.

39. Roma multos honores in Messalas contulit.

41. *Iam quid ego*, cum Burmanno

Castra foro solitos, urbi praeponere castra,  
 Tam procul hoc nato, tam procul hac patria?  
 Inmoderata pati nunc frigora, nuncque calores? 45  
 Stertere vel dura posse super silice?  
 Saepe trucem adverso perlabi sidere Pontum?  
 Saepe mare audendo vincere, saepe hiemem?  
 Saepe etiam densos inmittere corpus in hostes;  
 Communem belli nec timuisse deum? 50  
 Nunc celeres Afros, perituraque millia gentis,  
 Aurea nunc rapidi flumina adire Tagi?  
 Nunc aliam ex alia bellando quaerere gentem?  
 Vincere et Oceani finibus ulterius?  
 Non nostrum est, inquam, tantas adtingere laudes; 55  
 Quin ausim hoc etiam dicere, vix hominum est.  
 Ipsa, haec ipsa ferent rerum monumenta per orbem;

legendum; qui comparat Tibull. IV, 4, 82 sq. Transit autem ad gentis Valeriae virtutes bellicas praedicandas; in ea gente Messalae haud minima laudem partem qui ferrent digni erant.

44. Corruptus versus. Varias medellae apud Burmann. memorantur. *Tam procul hoc natos* scil. solu, vel *Tam procul hinc* Scaliger, *Tam procul agnatis* Salmasius, *Tam procul a nato* Francius coniecit; neuter satis comode. In altero membro uterque: *tam procul a patria*. In priore autem ne illud quidem satis faciat, si *Tam procul a natis* legamus. Forte scriptum fuit: *Tam procul, orbe alio: tam procul a patria*. Orbem ita dici vulgatum est: sic orbis *diversus, ultimus, longinquus* et al.

48. Legebatur: *Saepe audendo mare*. Cum Burmanno Brukhussianam illam, facilem et obviam, emendationem amplexus sum: *Saepe mare audendo*. Cum ex uno tantum alterove

Codice, qui superest, provenirent haec carmina, mirum non est, vitia vel manifesta editiones constanter obidere.

50. *Communem belli deum*. cf. Burmann. et sup. Ciris v. 359.

51. *perituraque millia gentis*. Saltem apposite legendum *p. millia gentes*. Verum et hoc scabrum est. Sic quidem in Anth. l. I, ep. 407 *Memnon Producit gentis millia tetra suae*. Oudendorp. conj. *perituraque ultima gentis*. Amplecterer, quo libri ducunt (etiam ms. Helmstad. *peritorem*), *periturae*; sed reliqua parum placent. Excidit, suspicor, nomen gentis: v. e. *perituraque millia, Mauros vel Iberos*. Nam in bello inter Caesarem et Pompelium Messala loca illa adiisse videtur.

55. *Non nostrum est, inquam bene emendat Burm. Non nostrum tantas inquam est*, ms. Helms.

57. *Ipsa, haec ipsa ferent*, sc. laudes illas; alias una ex emendationibus ibi-

Ipsa sibi egregium facta decus parient.  
 Nos ea, quae tecum finxerunt carmina divi,  
 Cynthius, et Musae, Bacchus, et Aglaïa.  
 \* Si laudes adspirem, humili sed adire Camena ; \*  
 Si patrio Grajos carmine adire sales  
 Possumus : optatis plus iam procedimus ipsis.  
 Hoc satis est, pingui nil mihi cum populo.

60

## XII. IN POMPEIUM MAGNUM VEL IN MITHRIDATEM

Adspice, quem valido subnixum gloria regno  
 Altius et coeli sedibus extulerat,

dem allatis amplectenda: seu Salma-ail: *Ipsa haec se ipsa ferent*, seu Heinssii: *Ipsa hunc*, vel Sen haec ipsa ferent, seu Oudendorpii: *Sed te haec ipsa ferent*, seu: *Ipsa haec te, ipsa ferent*.

59—61. Non una haec laborant corruptela. Priora transpositione sanare annexus est Burmannus. Equidem v. 60, 61 ciciam: etsi etiam in 62 insolens est *adire laudes alterius*, assurgere velle ad eas, aemulari. *Grati sales* videntur esse de *Cecropio sale* v. 14, Attico lepore accipiendi, qui Messalae versibus latinis inerat. Sed sine libris frustra aliquid certae et exploratae opis expectatur. Apponam tantum varietatem lectionis ex Ald. pr. (et aliis vet., ut Ven. 1486) *Si laudem adspirem, humiles sed adire Sirenas*. Varie hoc tentant viri docti apud Burm. Docte, etsi vix vere, re- finxit Scaliger: *Si laudem Aërae humilis, si Doridas heroicus*, h. Ha- siodum et *μαγὰς δόξας*. *adire* pro at- tingere. In ms. Helmsl. legebatur: *Si laudem adspirarem, humilis sed au-*

*dire cyrenas*. Wernsdorf. in *Excurs.* ad h. v. multum operae posuit in aliqua loci constituendi ratione ex- putanda, et legit: *Si laudem adspi- rante, humilis sed adire Camena Pos- sumus*.

XII. Disertum carmen, apertum pla- numque, sententiis verbisque gravi- bus. Anthol. Lat. lib. II, 123, p. 301. Sed, in quem scriptum illud sit, li- quido non constat: etsi vix assequi licet, quo modo tantae rerum con- versionis, quae hoc carmine narratur, auctor obscurus esse possit. Si ea colligas, quae de magno hoc viro, de fortunae fastigio delecto, memoran- tur: nemo in historia Romana, sive ante sive post Virgilium occurrit, cui satis ea convenient. *Pompeius Ma- gnus* statim lectoris animo occurrit: in quo fortunae vicissitudo et inconstantia etiam a poetis notari solet, v. e. Petron. 123, et multa epigram- matibus in Anthol. Lat. I. II, 25 sqq., sed in eum parum proprie dici potest illud, quod e *patria pulvis in exitum* est. Dicendum igitur, scriptum esse



Terrarum hic bello magnum concusserat orbem ;  
 Hic reges Asiae fregerat et populos.  
 Hic grave servitium tibi, iam tibi, Roma, ferebat ;  
 Cetera namque viri cuspide conciderant ;  
 Cum subito in medio rerum certamine praeceps  
 Cœruit, e patria pulsus in exilium.  
 Tale deae numen ; tali mortalia nutu  
 Fallax momento temporis hora dedit.

40

XIII. AD ANTONIVM MVSAM

Quocumque ire ferunt variae nos tempora vitae ,  
 Tangere quas terras , quosque videre homines :

carmen illo temporis intervallo, quo Pharsalia fugatus Aegyptum petierat, necdum de eius caede constabat: alioqui multo magis haec commemoranda veniebat. Quod *valido submisit regno*, quod *servitium Romae* parasse dicitur, non minus male me habent. Aliter, in quem facile incidat et Scalliger quoque incidit, *Mithridates* est, Ponti rex, in quem omnia egregie conveniunt, praeter illud e *patria*, debebat enim potius e *regno* pulsus in exilium dici. Debit ergo Romano more dictum esse e *patria* pro ex regno. De Mithridate intelligendum esse, nuper iterum praenuntiavit Ruhnken. ad Vellei. II, 18, 3, sed quomodo is e *patria* pulsus in exilium dici possit, non docuit. Argumentum addit e Cic. pro Murena 45 sumtum esse: unde etiam singulorum petenda sit explicatio. Sane ibi breviter exponuntur res Mithridatis regis: sententiarum poetae vestigia ac semina non video. Ad *Alexandrum M.* retulit Oudendorpius, ut e Burmanno disco: quod parum commode fieri videtur.

3 *Terrore hic belli* eleganter emendat Ruhnken. l. e. nec tamen necesse. Pro *magnum Magnus* conj. Burmann., ut sit *Pompelus*. In v. 2 malim: *Altius heu e.*

4. *fregerat, hic populos* Cod. Voss. et ed. Ven. apud Burmann.

5. *Hic grave servitium ianiam tibi* Voss. Cod. apud eundem.

9, 10. Distichon viros doctos non videtur moratum esse; equidem non satis expedit. Quid enim est: *dare mortalia*? Forte: *Tale deae numen: pessum mortalia nutu — dedit: ut sit, pessum dare solet hora mortalia.* Ruhnken. *Hora premit* legebat l. e.

XIII. Antonii Musae, medici Augusti, nomen non obscurum est vel ex Sueton. Aug. 59 v. 21. apud Burm., qui hoc poematum Anthol. Lat. inseruit lib. II, ep. 124. Nunc ex hoc poemate, quod non alio, quam ex auctore, qui catalecta collegit, Virgilii esse fertur, hoc disclmus, fuisse eum poetae amicissimum, omnibusque ingenii dotibus et artibus politissimum hominem. Haec etsi admittas, artem

Dispeream, si te fuerit mihi carior alter.

Alter enim quis te dulcior esse potest?

Cui Venus ante alios, divi, divumque sorores, 5

Cuncta, neque indigno, Musa, dedere bona;

Cuncta, quibus gaudet Phoebus, chorus ipseque

Doctior o quis te, Musa, fuisse potest? (Phœbi;

O quis te in terris loquitur iucundior uno?

Clio nam certe candida non loquitur. 10

Quare illud satis est, si te permittis amari;

Non, contra ut sit amor mutuus inde mihi.

#### XIV. IN OCTAVII MORTEM

Quis deus, Octavi, te nobis abstulit? an, quae

Dicunt, an, nimio pocula dura mero?

Vobis si culpa est bilis: sua quemque sequuntur

Fata; quod inmeriti crimen habent cyathi?

tamen medicam in ceteris laudibus  
vix omittere potuisset auctor carmi-  
nis. Ad rhetorem Musam, qui a Se-  
neca in *Controversiis* aliquot locis  
memoratur, cum viro docto referre  
malim.

7. *Phœbi chorus ipsaeque* Phoebus;  
refingebat Scallgeum aliis.

10. *Clio tam certe* emendavit Ca-  
saub.

XIV. Vid. in Anth. Lat. I. II, Ep. 65.  
Claudit hoc epigramma agmen cata-  
lectorum, quae Maroni vulgo tri-  
buuntur. Quis hic Octavius sit, igno-  
rari, eo magis mirationem facit, quod  
scriptis multis inelaruisset et historiam  
Romanam aggressus esse narratur v.  
5, 6. Eum iuvenem ante patrem v.  
2, 8 inter pocula, cum excaudisset,

repente mortuum esse ita, ut de causa  
mortis dubitatio esset, a poeta disci-  
mus, qui causam in iracundiam a  
mero avertere allaborat.

2. *pocula dura* vix bene dicuntur;  
melius *dura* cum Oudendorpio, vel  
ducta cum Heinio legas.

3. *Vobis si culpa est bilis*. Laborat  
caput versus. Cod. Voss. *Vobiscum si*  
*est culpabili*. Heins. *Vobis sic culpa est*  
*bilis* vel *Ita necis in culpa est bilis*.  
In promptu est multa comminisci: *An*  
*magis in culpa est bilis?* vel *Fervida*  
*an in c. An tumida in c.* Forte nihil  
horum; sed: *Non culpa est illis; sua*  
*q. sed quis ullum praestet?* Simpli-  
citate ingeniose se commendat Iacobs  
nostri conj. *Mortis si culpa est bilis*;  
*Animadvers.* p. 318.

Scripta quidem tua nos multum mirabimur, et te 5  
Raptum, et Romanam flebimus historiam.  
Sed tu nullus oris. Perversi, dicite, Manes,  
Hunc superesse patri quao fuit invidia?

## XV. P. VIRGILII MARONIS

*Fragments ex Epistola, quam ad Augustum  
Caesarem super Aeneide sua scripsit.*

Ego vero frequentes a te literas accipio. *Et infra:*  
De Aenea quidem meo, si, me Hercules, iam dignum auribus haberem tuis, libenter mitterem. Sed tantum inchoata res est; ut paene vitio mentis tantum opus ingressus mihi videar: cum praesertim, ut scis, alia quoque studia ad id opus, multoque potiora, inpertiar.



P. VIRGILII MARONIS

C O P A



## PROOEMIUM

## IN COPAM.

Superiora carmina ex Heiosiana et Bormanniana recensione repetivimus. Ex ceteris Virgilio perperam vulgo tributis carminibus, quae Burmannus Seenndos in Anthologia Latina nuper iterum excudenda curavit et multis eruditionis copiis illustravit, duo adhuc subiungere placet, *Copam* et *Moretum*: quorum hoc prorsus ab eo praetermissum, illud interpretationis adhuc luce aliqua agere visum est, dignum certe, quod hic repeteretur, cum ex elegantissimis poematiis sit.

In *anum propolan* scriptum esse carmen vulgo aiunt. Ita vero omnis eius suavis sublatâ et ad veram interpretationem via praeclusa videri debet. Immo vero *invitatio est ad compositionem et hilariter exigendum diem in taberna cauponaria*; cuius generis fuere olim plures, ut etiam nunc sunt, extra urbem, ad Tiberim et ad litus maris. Ad eas tabernas non modo sordida et nautica plebs confluebat: verum erant aliae, quas lantiores et elegantiores homines adirent.

Quod *Copa* carmen inscriptum est, id a prima eius voce fluxit. *Copa*, *caupa*, *cupa*, mulier est canponis, ut copiose Scaliger docuit. Nec tamen h. l. eam, quae cauponam ipsa exerceat, intelligere necesse est, sed simpliciter mulierem, quae in caupona vel taberna artem exercet. Est enim h. l. erotalistris, b. e. saltatrix eum erotalis, e gente Syrorum; cuius generis feminae, tibicinae, eitharistriae vel fideinae in his tabernis haberi solebant. Notae illae *Ambulatarum* nomine sunt ex Horatio et Suetonio. Nec vero enim Scaligero de vetula cogitandum, quia mitrata esse narratur v. 1, eum etiam puellas et iuenculas mitra, seu fascia ac diadematâ, interdum eum retieulo, comprehensam et involutam comam habuisse satis constat.

Carmen Virgilio vulgo tribuunt codices, qui minora poematia continent, etiam Grammaticus is, qui Servio in fronte Aeneidis suos attexit pannos, tum gravior ceteris auctor Sosipater Ca-

rius I Instit. Gramm. pag. 47 Putsch., ubi: *cupo, cuponis*, inquit, *ut fullo, fullonis*, *quamvis Virgilius librum suum Cupam inscripserit*. Vereor tamen, ne hoc ipsum senioris interpolatoris iudicium sit, a re et loco satis alienum. Prisciani ab aliis auctoritatem perperam laudari, Burmannus docuit l. c. Nuper doctiss. vir, Wernsdorf, hoc ipsum carmen repetiit in Poët. minor. T. II ad calcem *Septimii Sereni* fragmentorum, quem huius ipsius carminis auctorem esse malit. Adeant eum, qui plura ad illustranda verba carminis desiderant.

Ceterum elegi hi non modo orationis Romanae elegantia, sed etiam toto carminis habitu cultuque, non vulgares sunt nec contemnendi poetæ lusus. Etsi enim, maiore ex parte, earum rerum, quæ ad hilaritatem invitare possunt, enumeratione absolvuntur: res tamen sunt iucundæ et ad animum sensumque gratæ. Auctumnali autem die institutam computationem cogitare necesse est. cf. v. 11.



## P. VIRGILII MARONIS

## C O P A

Copa Syrisca, caput Graia redimita mitella,  
 Crispum sub crotalo docta movere latus,  
 Ebria sumosa saltat lasciva taberna,  
 Ad cubitum raucos excutiens calamos.

1. *Syrisca*. Scaliger Comparat *Syriscum* Martiali et Ausonio dictum, et *Threiscum* Ὀπρίσκον apud Iulium Capitolinum. Alia memorat Salmas. ad a. l. Sed nullum exemplum ex meliore aevo allatum vidi; nisi quod ex Columella succurrit lib. X, 418, ubi sicum *Scissam Libyscam* constanter libri tenent. Attamen et ibi *Libyscam* unice verum indicat Gesnerus. Nec h. l. aliter legendum arbitror quam: *Copa Syrisca*, ut *Threissa*, *Cilissa* et al. Nulla autem alia huius et sqq. sententia est, quam haec: omnia in taberna instructa esse ad diem hilariter et suaviter exigendum. Ecce iam saltat crotalistris, et sic porro. *Cauponsa Syra* e Lucilio apud Priscian VI, pag. 684 occurrit. *Graia redimita mitella*; fuit ergo Graecanici alicuius ritus ornamentum hoc: genus fasciae, quo capilli colligerentur. Talem crotalistris mitratam in monumentis passim videre memini: unum et alterum exemplum est in picturis Herculaneis. Nec diversi

genera sunt tibicinae, fidicinae, psaltriae. Horat. I, Epp. 14, 25, *meretrix tibicina*, cuius *Ad strepitum salias terrae gravis*: ad villicum. Accommodate dictum *crispum latus movere*, *crispare*, de molli ac celeri flexu et motu. Quid in Syrorum institutis, religiosa forte, fuerit, quod feminas crotalistras sageret, ita ut in Italia quoque quaeantur inde facerent, non reperio. Nomen quidem Syrorum late patuit. Potuere quoque Iudaeae feminae sub eo nomine comprehendi.

3. *sumosa taberna*. In promptu est conicere *sumosa*: nec parum mihi aridire fateor; sic quoque ms. Helmstad. exhibuisse video. Praefert tamen Burmann. vulgatum: melius enim convenire illud crotalistris lascivae et iofami.

4. Crotalistris describitur. *Calami* sunt ipsae crotala, h. virgulae, alias aereae, sed nunc ex arundine scissae, quas illa inter saltandum concutit eam manus gesticulatione: qua, dum virgularum, quas in edias digitis tenet,

Quid iuvat aestivo defessum pulvere abesse, 8  
 Quam potius bibulo decubuisse toro?  
 Sunt cupae, calices, cyathi, rosa, tibia, chordae,  
 Et trichila umbriferis frigida arundinibus.  
 Est et Maenalio quae garrit dulce sub antro  
 Rustica pastoris fistula more sonans. 10  
 Est et vappa, cado nuper diffusa picato.  
 Est strepitans rauco murmure riyus aquae.

pars inferior versus brachia comploditur, ad cubitum excutere calamos h. l. dicitur.

5. Meo quidem iudicio, a quo si quis dissentiat, aequo animo feram, non Copae verba, quod vulgo credi video, sed poëtae, sunt: ex persona poëtae huiusmodi hortatus ad vitam exhilarandam multo plus suavitatis et ductoriatu habent, quam ex ore metreticulæ; a cuius persona pleraque aliena sunt; poëta pergit in eo, quod rursus est. *aestivo defessum pulvere abesse* dictum pro *aestivo pulvere*, labore, defatigatum, viribus exhaustum *desidere domi*, nec se conferre in viam ad tabernaculum. Ad exercitationem campestris revocat unice Scaliger. Malim a peregrinatione, mercaturæ studio, et similibus petere usum tuū *abesse*: sere ut Tibull. I, 4 *Nec semper longas deditus esse vias*, ubi ex h. l. ariolari possis: *Nec semper longas fecit abesse via*. Tum, ut nunc interpungitur, intelligendum est: *Quid iuvat — abesse potius quam*. Nisi placeat cum Barthio distinguere: *Quid iuvat — abesse? Quam potius, — toro!* scilicet iuvat. *bibulum torum* vocat, Scaliger ait, in quo plurimum biberetur. Innotum vero hoc. Accipio de campite vel gramine aqua irrigato, ut laetum virescat. Poterat alio epitheto ornare: *ul fragilem, tenerum, siccum* capsi-

tem dicunt alij poëtae. Nunc hoc maluit, nec inscite.

7. *Cupae* vel *Copae* sunt in cella vinaria vasa maiora. At lectionis varietas viris doctis emendandi facilitatem attulit. Scaliger legit: *Sunt topia et calydae*: quae calicum genera sunt. Heinsius autem: *Sunt obba et calices*. Cui accuratius haec cognoscere libet, ei adeundi sunt Intpp. ad h. l.

8. *Trichila* vel *trichilum* pergula est ex vitibus aliave arbore pedamentis et iugis firmata, implicitis frondibus concamerata vel arcuata ad umbram faciendam, notiore voce *hypampelos* dicta. v. Viros doctos ad h. l. et Columell. X, 378. Similem computationem sub umbraculo describi in Propert. IV, 8, 35 sqq. notavit Burmannus. Male in *trielinia* incidunt nonnulli; et sic quoque Pompon. Sch. *trielina* pro *trielinia*. Etiam ms. Helmstad. *trielina umbrasis*.

9. *Eu* et *Maenalia* alij, et recte, sonant.

10. *pastoris more*: immo in ore.

11. *defusa* duo codd., variatione perpetua: v. c. Lucret. IV, 88. et id malunt viri docti: nam agitur de vino e cado, maiore vase, in minus defuso; non de vino in plura minora vasa diffuso.

12. *Et strepitans* legendam cum al.

Sunt etiam croceo violae de flore corollae;  
 Sertaque purpurea lutea mista rosa;  
 Et quae virgineo libata Achelois ab amne 15  
 Lilia vimineis adtulit in calathis.  
 Sunt et caseoli, quos iuncea fiscina siccant.  
 Sunt autumnali cerea pruna die;  
 Castanaeque nuges, et suave rubentia mala.  
 Est hic munda Ceres; est Amor; est Bromius. 20  
 Sunt et mora cruenta, et lentis uva racemis.  
 Est pendens iunco caeruleus cucumis.  
 Est tuguri custos armatus falce saligna;  
 Sed non et vasto est inguine terribilis.  
 Huc Calybita veni: fessus iam sudat asellus: 25

edd. *atrepitans in crepitans, erepidans*, mutant viri docti, *lidem* hoc in illud mutaturi, si alterum reperissent: huiusmodi correctiones dudum ex re critica sublatae et explosae esse debebant; sunt enim nec magis ingeniosae quam non fructuosae.

13. *Sunt et Cecropio iunotae de flore corollae* tres codd. Vnde Burmann, non inducto comicit: *Corycio iunotae de flore*, vel *Corycioque croco violae de flore corollae*. Mox v. 14 *rosam* in *auctumno* adeoque certi generis, serioris proventus, narrari necesse est.

15, 16. Suavissimum distichon: Cernit nymphae calathos afferentem potantibus lilia. Ecl. II, 46 sqq. Nymphae et Naiades formoso puero flores ferunt; sic h. l. Nympha Achelois, h. fontana, amnicola, ut unam ex Naiadibus significet. *Achelous* de aqua dici potius non infrequens. — *libata ab amne*, humefacta, viola in ripa florens, quam adeo aluit unda. Miror Heinii acumen, *libata ab ore* legentis. *virgineum amnem* suaviter

dixit purum, pellucidum. Comparat fontes ingenuos Laetii I, 231 Wakefield. Nec ad Virginem aquam, quae Romae fuit, recurram.

17. *scirpea* Leid. et ed. Iunt., et *scirpea fiscina* Ald., doctius atque; ut *iuncea* pro interpretamento sit.

22. *Et pendens* melius alii; et porro ma. Helmstad. *Et pendet*. Tum *iunco* pendet cucumis, quo alligatur stipiti, vel pedatur.

23. *Et tuguri* etiam h. l. alii melius. Sed totum distichon alienum ab h. l. et aliunde illatum: quod ordinis sententiarum et loci ratio satis docet.

25. *Huc Alibida veni*. Silenum interpretabantur: qui tamen a loco et re alienus esse videtur, quando quidem hic in vera vita versatur poëta. *Asivida* pro *asinivehida* ex Plauto hoc inferre voluit, Heins. Scalig. et Gesner. de Silenis T. IV Commentat. p. 45. Turnebi (*Adversus*. XIII, 22) lectio: *Huc ad liba veni*, facilitate se commendat; sed parum ad sensum facit. *Calybita* e codd., quibus Helmstad. addit, iam prebatur

Parce illi; vestrum delictum est asinus.  
 Nunc cantu crebro rumpunt arbusta cicadae.  
 Nunc etiam in gelida sede lacerta latet.  
 Si sapis, aestivo recubans te prole vitro;  
 Seu vis crystallo ferre novos calices.  
 Eia age pampinea fessus requiesce sub umbra;  
 Et gravidum roseo nocte caput strophio;  
 Candida formosae decerpes ora puellae.  
 Ah! pereat, cui sunt prisca supercilia!

30

Salmasius, qui videndus ad Hist. Aug. p. 494, et alii, intelligentes Gallum matris deum vel deae Syriacae sacra circumvehentem; hunc eundem esse puta agyrtam, qui adeo plebeculam praestigiis suis tripudiisque inter cymbalarum tympanorumque strepitum delectat. cf. Apulei, lib. VII. Occurrunt et hi homines passim in anaglyphis antiquis: v. c. Cayl. Recueil T. I, tab. 29. Calybe, καλύβη, templum vel sacrum deae simulserum recipiens. Substituunt καλύβην deae Κυβέβη viri docti in epigrammate Thylli Anst. II, p. 227. VI. Porro autem legend. venit: quod et codex unus offert. Etiam agyrtā huc venit, asello suo insidens. Tum suaviter subiicitur illud: *Parce illi* etc. nec tamen eum nimium ad cursum accelerandum flagris incita; contubernale vobis, Galli, pecus est.

26. *Vestras delictum*, La. Vossii elegantissimam coniecturam amplectitur quoque Burmann. cf. Ovid. Fast. VI, 319 sqq. Vestem et Cybelen permixtari, in eodem loco oblitum est. Nec absurde tamen Gallorum delictum habetur asinus, cum tacita libidinis exprobratione. Laudant Isapp. commodi Phaedr. III, 20, 8.

28. *Nunc sive*, vel *vero*, in libb.,

unde Helms. conj. *Nunc verna in gelida sepe lacerta latet*. Burmann, vero *Nunc viridis gelida sepe l. l.* Immo lege: *Nunc varia in gelida sepe lacerta latet*. et hoc nunc video discrete exhibere ms. Helmstad.

29. Ut multa alia in h. l. e Proptio petita esse, docuere viri docti, sic hoc, ex lib. IV, 8, 37, *Lygdamus ad cyathos, utrique aestiva apellat*. Mos *Seu vis ferre* pro, seu mavis afferre, adhibere, *calices crystallo*, e crystallo factos; vel ut *calices* sint pro vinis dicti. Nisi ulcus latet: *Seu vis, crystallo verte novos calices*. Notum ex Marone: *Indulgent vino et vertunt crateras ahenos*. In ms. Helmstad. *cristalli*. Sic usitatus *crystallo calices*.

32. *strophium* pro vitta seu fascia, cui innectuntur flores, adeoque pro sertu.

33. *decerpens* duo codd., sique Helmstad. ms. *Formosum teneras decerpens*; alii cum edd. ant. *Formosus teneras decerpens*: hoc revocavit Wernsdorf.

34. *prisca*, qualia fuere praeorum hominum, severa, tristia, adducta, ut adeo bene lectionem hanc tueatur Burmann. adversus virorum doctorum commenta, et Leidensis codicis

Quid cineri ingrato servas bene olentia serta? 35

Anne coronato vis lapide ista legi?

Pone merum et talos. Pereant, qui crastina curant!

Mors aurem vellens: vivite, ait, venio.

lectionem: *cripsa supercilia*. Ms. Helmstad. *Ah pereant*, quibus haec prisca f.

35. cineri ingrato ex Aen. VI, 212, cui nullus rei sensus est.

36. *legi* iam emendarunt et edide-

runt viri docti, pro *legi*. Lapis sepulchralis coronis ornatus nota res est.

In eo legi serta, sane parum opportunum: Magis tamen si illa lapidi legantur, ut sit dativus cui.



P. VIRGILII MARONIS  
MORETVM





## P R O O E M I V M

## IN MORETVM.

Est hoc ex eo carminum genere, cuius nobis paucissima ex antiquitate exempla relicta sunt: argumento ex vita privata et tenui hominum humili loco natorum petito. Licet id ad bucolicum genus referre aut pro Idyllio habere, quandoquidem eo nomine unum et alterum apud Theocritum habetur. Faciunt viri docti carminis summam, *moretum*, h. edulli rustici genus, ex allio, apio, ruta, coriandro, bulbo, additis caseo, oleo et aceto, comparatum, quod Simulus conficit. Nec male ea res, arbitror, Idyllii huiusmodi argumentum constituat: representata oculis animisque particula aliqua vitae rusticae. Sed, quantum equidem assequor, latius patet Idyllii huius argumentum. Describitur culm omnino *prima diei pars*, et *quae diuturno vel mane gerantur a rustico*, antequam ad opus rusticum procedat. Surgit mane Simulus, qui conductum agrum arare videtur, cum Cybale, Afra genere, sorte libertina, et primo loco ea parat, quibus per diem illum vitam toleret, h. e. famem expleat. Igitur paucem coquit, quod a v. 17 ad 52 procedit, inde, ut habeat, quo pro obsequio utatur, *moretum* sibi parat, h. edulium acerbis herbis oleo acetoque confectum, quo stomachum vellicet. Itaque malim dicere *describi hoc carmine primam diei partem vitae rusticae*. Suspicio autem aut fragmentum vos tantum habere maioris carminis, quo totum opus diurnum exponeretur: nam sub f. in agrum ad arandum procedit Simulus; aut successisse plura Idyllia, quae ceteras rustici operis partes exsequerentur. Sufficit Idyllium hoc esse ex elegantissimis, quod maior eclogarum Virgilianarum parti praeferam, in quibus sententiae ex Theocrito mutuatae annumerantur. Nisi forte huius poematilis auctor et ipse e Graecis sua acceperit. Certe Vossius in lib. de poetis Gr. prodidit, in cod. Ambros. Moreto Virgilii esse adscripta verba: *Parthenius Moretum scripsit in Graeco, quem Virgilius imitatus est*. Quae res non improbabilis videri debet, cum poë-

tae ante et sub Augusteo saeculo in Graecis vertendis tantum stadium consumserint. Si itaque a Maroniana oratione, quam in Bucolicis tenemus, aliena est indoles Moreti, hoc per se mirationem non facit, si quidem ex Graeco tantum conversa haec sunt. Versatur autem poeta in eo poetices genere, quod, rebus e vita humilij et sordida petitis, ad animos tenendos omnium minime accommodatum esse, multi viri docti contenderunt. Alii hoc ipso se genere facile Homericum carminis laudes attingere posse putarunt. Prius illud iudicium recte se habere nullus dubito, si in orbe rerum vulgari aut in sordibus vitae, isque rebus, quarum adspectus nauseam facit, descriptio versetur; aut si exspectatione eius, quid ex sigillatim descriptis rebus proventurum sit, animus non erigatur, aut si omnino arte et ingenio careat. Possunt tamen ex ea quoque vita, quam lubitu suo nemo vivere malit, cum dilecta, remotis molestiis et sordibus, multa poetice reddi et ornari, ut placeant; modo ne tali carmini vim ac dignitatem carminis epici tribuere ausis, a qua illud longissime abesse necesse est. De quovis carmina statuendum est ex eius genere generisque natura et indole; potestque, recto cum iudicio, ex omni genere fructus aliquis seu ingenii et artis seu honestae voluptatis peti. Virgilio carmen hoc tributum esse iam antiquitus, ex eo constat, quod in Vita Virgilii illud commemoratur: etsi, cum tot seniorum hominum nugis illa interpolata sit, quid veteres Grammatici indicaverint, difficulter inde eruitur. *A. Septimio Sereno*, poetae Falisco, de quo qui scripserint recensuit Burmann. ad Anthol. Lat. lib. I ep. 27 adscribendum esse suspicabatur Scaliger, tum Barthius Advers. XXXV, 8 et al. loc., quia opuscula ille rustica (et haec unica causa affertur) composuisse dicitur: nuper autem doctissimus editor Poëtarum minorum Wernsdorfius T. II sine haesitatione Sereno carmen hoc vindicavit, tamquam partem priorem *Opusculorum ruralium*: etsi haec lyrico carmine variis metris exarata fuisse memorantur; potuisse enim praemittere carmen hoc hexametrum. Ita ad Vespasiani tempora illud reicitur. Monitum illud quoque a viris doctis est, scriptum iam a *Saevio* fuisse Idyllium Moretum, ex quo versiculos profert Macrob. II Sat. 14, sed admodum horridos, si cum nostro Moreto contendas.

Lectionem in antiquis edd. fere eodem modo corruptam vidi: etsi minus foedatum et interpolatum opus ad nos pervenit, quam cetera. Primum institutam recensionem novam deprehendi in Aldina 1517 Catalectorum: ea fundamentum facta correctioribus editioni-

bus; successere tamen aliae antiquam lectionem retinentes, etiam Scaligerana. Quandoquidem in hoc poëmatio non habebamus exemplar, quod ex conducto sequi necesse esset; in Heinsianis enim et Burmannianis non extat; liberum nobis relictum duximus, ut lectionem ipsi constitueremus, Aldina et Scaligerana emendatione pro fundo posita. Non erant ad manus editiones binae, quibus Moretum sigillatim prodit, Coliuaeana 1542, 8, cum Io. Ruellii scholiis, et Francofurtensis 1626, cum Taubmanni commentario; aliam cum notis Weitzii ad calcem Copae Francof. 1642, 8. inspexi; et veterem edit. Lips. Thanner 1519 cum Copa et aliis sub tit. *P. Virgilii Maronis, poetarum Achilidis, minutiora opuscula*. — (Aliam veterem editionem Moreti Colonienus memorant Denis Supplem. p. 69; et Pauzer Vol. I, p. 334, 433). Sed nec erat, quod multa inde sperari possent, quae non aliunde suppeterent, imprimis ex Barthio, qui in *Adversar.* XXXV, 8. IX, 16, nonnulla loca attigit. Post priorem meam editionem retractavit hoc carmen et docto commentario expolivit Wernsdorf. in *Poët. min.* T. II.

*Moretum*. Multa de etymo nominis comminiscuntur viri docti. Scaliger, a quo hoc carmen graecis versibus redditum est, P. Rousardo inscriptum, a μυστήν, μυτήν, quod tritum, τέρμα, est, ducit. Alii aliunde (cf. nunc Wernsdorf. l. c. p. 256). Nos illud mouere satis habebimus, occurrere vocem apud Ovid. *Fast.* IV, 365. Fuit quoque exquisitior eius conficiendi ratio alia, quam apud Columell. XII, 57 videre licet. Laudant quoque Apicium viri docti lib. I, cap. 35.



P. VIRGILII MARONIS

## MORETVM

Iam nox hibernas bis quinque peregerat horas,  
 Excubitorque diem cantu praedixerat ales:  
 Simulus exigui cultor quum rusticus agri,  
 Tristia venturae metuens ieiunia lucis,  
 Membra levat sensim, vili demissa grabato, 5  
 Sollicitaque manu tenebras explorat inertes,  
 Vestigatque focum! laesus quem denique sensit.

Parvulus exusto remanebat stipite fumus,  
 Et cinis obductae celabat lumina prunae.  
 Admouet his pronam, submissa fronte, lucernam, 10  
 Et producit acu stupas humore carentes,  
 Excitat et crebris languentem flatibus ignem.  
 Tandem concepto tenebrae fulgore recedunt;  
 Oppositaque manu lumen defendit ab aura,  
 Et reserat clausa, quae praevidet, ostia clavi. 15

Fusus erat terra frumenti pauper acervus;  
 Illic sibi depromit, quantum mensura patebat,

2. Gallum gallinaceum ornant passim poëtae, et notum est illud Prudentii: *Ales dici nuntius*, ubi plura dant Intpp.

4. Docte: ne diem impastus exigeret, ne sine pane esset.

7. *laesus*: suaviter; offensa manu ad focum, vel cinere adusta.

10, 11. *Lucernam olearem cogitare* necesse est; eam admouet inclinato capite, submissa fronte. A1 Barthius XXXV, 8 *frontem lucernae* interpretatur.

Quae bis in octonas excurrit pondere libras.  
 Inde abit, adsistitque molae; parvaque tabella,  
 Quam fixam paries illos servabat in usus, 20  
 Lumina fida locat; geminos tunc veste lacertos  
 Liberat, et, cinctus villosae tergo caprae,  
 Praeverrit cauda silices gremiumque molarum.  
 Advocat inde manus operi, partitus utrinque:  
 Laeva ministerio, dextra est intenta labori; 25  
 Haec rotat assiduus gyris et concitat orbem.  
 Tunsae Ceres rapido silicem decurrit ab ictu.  
 Interdum fessae succedit laeva sorori,  
 Alternatque vices. Modo rustica carmina cantat,  
 Agrestique suum solatur voce laborem. 30  
 Interdum clamat Cybalen: erat unica custos,  
 Afra genus, tota patriam testante figura,

18. XVI libras pondo frumenti mensura capit: ergo in sequentem quoque unum et alterum diem fami prospicit. Nam demensum diurnum, quod servis Romae praebabatur, trium fere librarum erat, ut Opusc. T. I, p. 251 ex Catone de R. R. 56 docui: etiam ad illud exactum fuisse demensum coloni necesse non est. Sibi et servulae Cybae simul victum parare putandus est Simulus.

23. cauda, penicillo, quo ad verendas meas et alia utebantur veteres. Docuit ad h. l. Scaliger. Describit autem hinc poeta molam manuariam, trusatilem seu versatilem, binis axis asperis sibi ita impositis, ut, inferiore manente immobilis, superius, quod vs. 26 orbem appellat, circumactum attritu grana frangeret. Successerat ea molae pristinae, quae mortarium erat, in quo pistillo frangebantur grana. ministerium larvae in congerendis et infundendis granis

consistere videtur. Tum *Tunsae Ceres rapido silicem decurrit ab ictu*, v. 27, grana tunsae, adeoque farinam, in ambiectum vas, quod eam excipit, decidere significat.

26. orbem, lapidem molarem.

32. Qui sequitur, praeclarus est locus de habitu corporum Afrorum: qui idem prorsus est qualem nunc cernimus: ut, naturam sibi per omnia saecula constare, dubitare non liceat. Similis Petronii locus e. 102, quem iam viri docti excitarunt, ad alios Africae tractus spectat, et de servis ex Aethiopia agit, similibus illis, quos negros appellamus: *Atramento... mutemus colores a capillis usque ad ungues. Ita tanquam servi Aethiopes... age numquid et labra posuimus timore terribili implere? Numquid et erines calamistro invertere? numquid et frontes cinctricibus scindere: numquid et crura in orbem pendere: numquid et talos ad tercam deducere?*

Torta comam, labroque tumens, et fusca colorem;  
 Pectore lata, iacens mammis, compressor alvo,  
 Cruribus exilis, spatiosa prodiga planta; 35  
 Continuis rimis calcanea scissa rigeant.  
 Hanc vocat, atque arsura focis inponere ligna  
 Imperat, et flamma gelidos adolere liquores.

Postquam inplevit opus iustum versatile finem:  
 Transfert inde manu fusas in cribra farinas 40  
 Et quatit. At remanent summo purgamina dorso;  
 Subsedit sincera foraminibusque liquatur  
 Emundata Ceres. Laevi tum protinus illam  
 Conponit tabula, et tepidas super ingerit undas.  
 Contrahit admistos nunc fontes atque farinas; 45  
 Transversat durata manu, liquidoque coacto  
 Interdum grumos spargit sale. Iamque subactum  
 Laevat opus, palmisque suum dilatat in orbem,  
 Et notat, inpressis aequo discrimine quadris.  
 Infert inde foco: Cybale mundaverat aptum 50

*numquid barbam peregrina ratione figurare?* Propria haec hominum istorum fuisse videntur. Alia loca a Iunio de pictura III, 8, 4, et Fea ad Winkelmann. Tom. I, p. 65 Wernsdorf. ad h. v. sunt congesta: sed ea diligentius sunt exquirenda et inter se comparanda; nam diversorum tractuum homines in iis occurrere videntur: scire velim an ex interioribus Africae locis. Certe inter Aegyptiorum corpora in monumentis vetustis expressa, diversae stirpis formas deprehendi, dudum animadvertentem, et postea ab aliis quoque animadversum vidi. Habitū quoque alii in deliciis, alii ad ministeria urbana, v. II, 3, 55. Theophr. Character. 21 et Cassaub. nunc etiam in agro,

36. Etiam fissuras has et scissuras cutis in pedibus esse Aethiopibus proprias in tanto solis calore aërisque siccitate et endemiis, ex Blumenbachio coniunct. didici in lib. de generis humani varietate p. 96, ubi Hier. Mercurialis testis excitatur de decoratione c. 17.

39. *opus versatile*: quod versanda mola absolvitur. Mox cribratione opus esse videmus; adeoque ciliçium cribrandae farinae idoneum non erat his molis manualis attestum. Porro *liquatur* eleganter transfertur a liquidis ad farinam quasi liquando mundatam.

45. Representanda hic est animo pistoria opera in subigenda farina. Panem autem hic videmus parari sine fermento, azymum; tum v. 49

Ante locum : testisque tegit ; super aggerat ignes.  
 Dumque suas peragit Vulcanus testaque partes :  
 Simulus interea vacua non cessat in hora ;  
 Verum aliam sibi quaerit opem ; neu sola palato  
 Sit non grata Ceres, quas iungat, comparat escas. 55  
 Non illi suspensa focum carnaria iuxta,  
 Durati sale terga suis, truncique, vacabant :  
 Traiectus medium sparto sed caseus orbem,  
 Et vetus adstricti fascis pendebat anethi.  
 Ergo aliam molitur opem sibi providus heros. 60  
 Hortus erat iunctus casulae, quem vimina pauca  
 Et calamo recidiva levi munibat arundo ;  
 Exiguus spatio, variis sed fertilis herbis.  
 Non illi deerat, quod pauperis exigit usus.  
 \* Interdum locuples a paupere plura petebat. \* 65  
 \* Nec sumtus erat illud opus. Sed regula curae : \*  
 Si quando vacuum casula pluviaeve tenebant,  
 Festave lux ; si forte labor cessabat aratro :  
 Horti opus illud erat. Varias deponere plantas  
 Norat, et occultae committere semina terrae, 70  
 Vicinosque apte cura submittere rivos.  
 Hic olus, hic late fundentes brachia betae,

in quadras dissectum, quas Scaliger ad h. l. illustravit.

56. Cum homini nullum esset obsonium, nam in carnario non pernas, sed caseus suspensus erat, adit hortum, et ex eo petiit allium aliasque herbas, uode illud sibi paret. *Non illi vivebant*, otiosae in pecu repositae habebantur, pro simplici: non ei erant, *carnaria*, h. e. unci ferrei, iuxta focum suspensa, penduli ex tholo seu camera; per appositum dicta, *terga suis sale durati truncique*; sed casei ei in promptu erant iunco, taquam filo, in fascem colligati.

64. Hortulus caseo accubabat exiguus, pro saepe munitus incis seu ordinibusque in parva fossa aquam ex imbribus collectam servante prominentibus. *arundo recidiva*, iterum iterumque repullulans, si recisa fuerit.

67 sq. Memineris loci Georg. I, 259 sq. *frigidus agricolam*. et 268 *Quippe etiam festis*.

69. *Horti opus illud erat*: suaviter illud temporis iotervallum addictum erat operae hortensi. Notabiles in sqq. plantae hortenses. *rumex*, lapathum silvestre, sp. Plin. XX, s. 85.



Fecundasque rumex, malvaeque, inulaeque virebant;  
 Hic siser, et capiti nomen debentia porra;  
 Hic etiam nocuum capiti gelidumque papaver, 75  
 Grataque nobilium requies lactuca ciborum,  
 Et gravis in latum demissa cucurbita ventrem.  
 Verum hic non domini, quis enim contractior illo?  
 Sed populi proventus erat; Nonisque diebus  
 Venales olerum fascies portabat in urbem; 80  
 Inde domum cervice levis, gravis aere, redibat;  
 Vix unquam urbani comitatus merce macelli.  
 Ceba rubens sectique famem domat area porri,  
 Quaeque trahunt acri vultus nasturtia morsu,  
 Intubaque et Venerem revocans eruca morantem. 85

Tum quoque tale aliquid meditans intraverat hor-  
 Ac primum, leviter digitis tellure refossa, (tum.  
 Quatuor educit cum spissis allia fibris;  
 Inde comas apii graciles, rutamque rigentem,  
 Vellit, et exiguo coriandra trementia filo. 90  
 Haec ubi conlegit, laetum consedit ad ignem;  
 Et clara famulam poscit mortaria voce.  
 Singula tum capitum numeroso cortice nudat,  
 Et summis spoliat coriis, contemtaque passim

76. *Grataque nobilium requies lactuca ciborum.* Bene notat Scaliger, eo adeo, quo scriptum est hoc Idyllion aevo, adhuc lactucis clausisse coenas suas homines. Nam Martialis aetate aliter, ut ex noto epigrammate constat: *Claudere quae coenas lactuca solebat avorum, Dic mihi, cur nostras inchoat illa dapes?*

77. Colum. X, 234: *Et tenero cucumis, fragilique cucurbita collo.*

78, 79. *proventus* h. l. ut Georg. II, 518 *proventus ulcorum*, ipsa illa

olera quae educat Simulus. His ipse non utebatur, sed populo illa vendebat ad urbem deportata. *Contractus* h. l. parvus, modicus.

81. Reminiscitur unusquisque versum Eclogae: *Non unquam gravis aere domum mihi dextra redibat.* conf. Colum. X, 310. Mox 82 *merx urbani macelli* carnes in macello emtae.

83. *Ceba rubens*; Plin. XIX, 6, 32, *rufa acrior quam candida.* Tum *sectum porrum* est sectile; *area porri* autem de area horti porris consistit accipienda.

Spargit humi atque abicit. Servatum gramine bul-  
 bum 95

Tingit aqua, lapidisque cavum demittit in orbem.  
 Hinc salis inspergit micas; sale durus adeso  
 Caseus adiicitur; dictas super ingerit herbas;  
 Et laeva vestem setosa sub inguina fulcit.  
 Dextera pistillo primum fragrantia mollit 100  
 Allia; tum pariter misto terit omnia succo.  
 It manus in gyrum; paullatim singula vires  
 Deperdunt proprias; color est e pluribus unus;  
 Nec totus viridis, quia lactea frusta repugnant,  
 Nec de lacte nitens, quia tot variatur ab herbis. 105  
 Sacpe viri nares acer iaculatur apertas  
 Spiritus, et simo damnat sua prandia vultu.  
 Saepe manu summa lacrimantia lumina tergit;  
 Inmeritoque furens dicit convicia fumo.  
 Procebat opus. Non iam salebrosus, ut ante, 110  
 Sed gravior lentos ibat pistillus in orbes.  
 Ergo Palladii guttas instillat olivi,  
 Exiguque super vires infundit aceti,  
 Atque iterum commiscet opus, mistumque retractat.  
 Tum demum digitis mortaria tota duobus 115  
 Circuit, inque globum distantia contrahit unum:  
 Constat ut effecti species nomenque moreti.

Ernit interea Cybale quoque sedula panem;  
 Quem lactus recipit manibus, pulsoque timore

96. Nunc de mortario agitur: quod cum mola superius commemorata male permisceri inapp.

109. fumo. Aut fumo ex igni, aut alio graveolenti: ut fumus sit odor ille ex alio diffusus vehemens, *δριπύς*, ut Scaliger. Repetitur tamen saepe

videtur postulare prius: quod et Wernsdorf. sequitur.

117. Constat ut effecti species nomenque moreti. ut vere possit moreti loco et nomine haberi, quippe ad eum modum confectum et absolutum, quo moretum vulgo parari solebat,

Iam famis, inque diem securus Simulus illam, 420  
Ambit crura ocreis paribus, tectusque galero  
Sub iuga parentes cogit lorata iuencos,  
Atque agit in segetes, et terrae condit aratrum.

421. Carminis lepos usque ad extremum servatus delectat; ocreae sunt  
peronae.



## INDEX RERVM

QVÆ

IN HOC TERTIO VOLVME

CONTINENTVR.

|                               |           |               |
|-------------------------------|-----------|---------------|
| <u>Aeneidos lib. VI</u>       | . . . . . | <u>pag. 5</u> |
| <u>lib. VII</u>               | . . . . . | <u>» 81</u>   |
| <u>lib. VIII</u>              | . . . . . | <u>» 145</u>  |
| <u>lib. IX</u>                | . . . . . | <u>» 199</u>  |
| <u>lib. X</u>                 | . . . . . | <u>» 253</u>  |
| <u>lib. XI</u>                | . . . . . | <u>» 321</u>  |
| <u>lib. XII</u>               | . . . . . | <u>» 381</u>  |
| <u>Prooemium in Calicem</u>   | . . . . . | <u>» 449</u>  |
| <u>Culex</u>                  | . . . . . | <u>» 457</u>  |
| <u>Prooemium in Cirin</u>     | . . . . . | <u>» 493</u>  |
| <u>Ciris</u>                  | . . . . . | <u>» 500</u>  |
| <u>Prooemium in Catalecta</u> | . . . . . | <u>» 535</u>  |
| <u>Catalecta</u>              | . . . . . | <u>» 537</u>  |
| <u>Prooemium in Copam</u>     | . . . . . | <u>» 561</u>  |
| <u>Copa</u>                   | . . . . . | <u>» 563</u>  |
| <u>Prooemium in Moretum</u>   | . . . . . | <u>» 571</u>  |
| <u>Moretum</u>                | . . . . . | <u>» 575</u>  |

FINIS VOLVMINIS TERTII

17 136

17 136

Facultate obitenta.







1



MC

Commons Library

